

叢書集成續編

一八一

新文豐出版公司印行

叢書集成續編 第一八一冊目錄

文學類



詩別集——清

柏巖乙稿十五卷丙稿一卷	清	凌煜撰	金陵叢書	一
見山樓詩集四卷	清	張翊儁著	四明	七五
復堂詩續一卷	清	譚獻著	念劬廬	一六五
五塘詩草六卷	清	許印芳撰	雲南	一七三
括囊詩草二卷詞草一卷	清	尚兆山撰	金陵叢書	二四九
顧伯蚪遺詩二卷	清	顧我愚撰	金陵叢書	二七一
芸香館遺詩二卷	清	那遜蘭保撰	喜咏軒	三一七
且巢詩存五卷	清	周葆濂撰	金陵叢書	三三一
荻華堂詩存一卷	清	蔡琳撰	金陵叢書	三七五
寄生山館詩贖一卷附瘦玉詞鈔一卷	清	徐士怡著	觀自得齋	四〇一
萬里游草殘稿三卷	清	陸光祖撰	沔陽	四三五
荔莊詩存一卷	清	陳銘珪撰	聚德堂	四五三
養拙齋詩存一卷	清	胡學書著	樸學齋	四七三
吟菴館遺詩一卷	清	路秀貞撰	喜咏軒	四八九
天船詩集二卷	清	張星柳撰	雲南	五〇一
秀華續咏一卷	清	黃金石撰	香豔	五三七
峽源集一卷	清	毛宗藩撰	四明	五四一
薇雲室詩稿一卷	清	周之鍊撰	樵	五六五

春閨雜咏一卷.....	清	許雷地撰	香	豔	五七七
平叔詩存二卷.....	清	蔣國平撰	金陵叢書		五八一
鬢華室詩選一卷.....	清	徐畹蘭撰	香	豔	六三五
悼亡詞一卷.....	清	沈星焯撰	香	豔	六四七
鮑賴室詩草一卷.....	清	馮婉琳撰	山	右	六五一
香雪館遺詩一卷.....	清	張 瑩撰	雲	南	六六七
大滄山房遺稿九卷.....	清	黃湘南撰	三長物齋		六八五
笏巖詩鈔一卷.....	清	屠 紳撰	江	陰	七八一

2256/07

WT 118/20

稿柏

兩峯

稿已

蔣	屋	如	厓
氏	校	月	涂
慎	印	著	月
脩	甲	始	吉
書	寅	丙	成

小傳

凌煜字伯炎又字耀生江甯人天才卓越童年即遭亂隨父
慕遊學益進操觚爲詩文名滿江浙亂後歸里已以軍功議
叙知縣遂棄舉業橐筆公卿間沈中丞秉成劉觀察佐禹皆
以國士待之所著有柏巖乙稿十四卷德清戴望謂其詩用
典確擇語精選詞鍊沿樸村竹垞而上以探唐宋諸家爲金
陵近今詩人一大宗焉

丁十六

小傳

金陵遺書
蔣氏校印

題辭

宜興儲淳士麗江

萬種愁懷千種情江花細與吐分明故人有子能驚坐又見
冬郎擅盛名

江甯何詠梅屋

崔稜兒爲後生冠冬郎聲比雛鳳清此才不減荆南秀待駁
如聞翼北鳴霄漢陽和會有造天涯羈旅難爲情我老徑思
學焚研披圖今日眼暨明

上元王鏐桂竹樓

汗血名駒異聽聲雛鳳清劍應求薛燭表擬奏初明霄漢人
何待文章世已驚廿年羣紀誼寥落闔閭城

爲調絲竹集羣仙趙瑟秦箏競綺筵聽到雲璈齊俛首元音
始信有鈞天

全椒薛時雨慰農

大江奔騰鍾阜峙奇氣詩家韓杜似青溪水木何清華襄陽
摩詰各成家山川雄秀詩人得天籟有時借人力但以古人
供陶冶不與古人爭格式如雲出岫行太空千變萬化安可
窮如春在花氣磅礴異采奇香非造作分唐界宋胡紛紛刻
畫漢魏誇超倫眼前下筆已無我尙友千載徒欺人凌君健
者真瀟灑萬斛詞源自傾瀉此才何不登承明韓碑柳雅廣
昇平坐令磨盾老歲月苦吟翻覺封侯輕吁嗟乎凌雲閣上
詩人少從古詩人例潦倒請君高詠休獻歡酒酣聽演佛郎

機

嚴錫康伯雅

一卷登高賦清心不染塵此才真絕代同調更何人雲樹江
鄉夢鶯花海甸春會看承詔去隻手展經綸

失名

扁舟話別兩心驚此去鵬飛幾萬程荷葉灘頭春水滿杏花
村裏曉煙晴淮南差喜趨庭近皖北猶聞戰鼓鳴五字河梁
君記否長江千里暮雲橫

長洲孫馨趾月坡

剖玉研珠神似溫李再進以陳思王之渾厚陶泉明之高澹
海內定推作手

十一十六

金陵遺書
謝氏校印

江甯蔡琳紫雨

評有感九首云質直言之不同嫺罵故自可存然此其可毛
舉者以余所聞尚不止此

又云亂離以後軀殼僅存惟讀此種作覺鼻門盡酸心尚在
腔子裏也弟琳从岱青況公祠寓齋讀一過

黃山蔣敦復

五言漢魏七言韓杜近體規摹唐宋取法既上書卷筆力又
足以副之誠詩家正法眼藏然學海千尋非筏不濟已濟而

又繫於筏非善用筏者黃山谷云文章當追配古人不以賢
於流俗而自足昔姚春木先生惠題拙集舉此見勸竊願轉
以相告總之詩古文辭貴得一厚字勿蹈時下輕薄習氣斯

可矣僕與尊人爲道義交垂十年今見吾伯炎榮榮大才不
覺喜之甚而言之質也伯炎以爲然否戊午三月敦復題記

元和王炳

幽峭處似昌谷妍麗處似義山沈著處似昌黎雄健處似工
部具此手筆佗日定當雄碎黃鶴樓翻鸚鵡洲甲子秋秒
捧誦一過敬綴數語以誌佩服

丹徒莊 械中白

余少不自量爲歌詩學之十年未有所得妃豨辛苦自謂畧
闢奧窈然究無可與質疑者如德清戴君信余之說余不敢
信戴君之說爲可傳信也回溯庚申以後率率人事間有酬
酢方知白雪陽春不易企及而已之所學皆西施嫵母也大

十一十六

三

金陵遺書
謝氏校印

布學力俱優自爲白門一大作手謬加點定旨稱瞎讚不知
有當於高明否戊辰八月

江都汪國鳳子儀

盟誦諸大著得力於玉谿生復浸淫於浣花老人乃得此沈
雄之氣深摯之思其撫時感事處尤見抱負不凡經濟宏遠
足可見諸施行非徒事調吟者所能望其肩背因束裝匆促
未暇綴以韻語謹書數言以誌誠服丙子夏孟拜讀於吳門
客次之讀有用書齋

郭福衡

西平元直之武功伯溫伯純之理學已冠千古至書家之右
軍大令畫家之元暉友仁詞賦如乘車環顧文章如談選彪

固乃集數家之長於一門始信金陵山水鍾毓如是海濱之
夫有倒地百拜而已

柏巖乙稿卷第一至第七都爲五古六十九首七古三十七
首五律七十首七律七十三首五絕十三首六七言絕句五
十九首凡三百二十一首非云享帚自珍正以就正有道達
夫五十俟之將來其有起廢疾而鍼膏肓者當束脩執雉以
見乙丑春三月自題於吳門工次之雙松籜

綜訂所爲詩存五古七十一首七古四十三首五律六十三
首七律八十首絕句八十三首都三百四十首較丙寅所存
又刪去二十八首矣丙丁兩年詩不及三十首中多題贈之
作尤鮮心得學殖日落來者難誣下筆遄回認然汁出苟無

二十六

四

金陵題畫
新氏校印

當於六義之旨皆謂之徒作可也詩云乎哉戊辰四月二十
五日伯炎題此

柏巖乙稿卷

金陵叢書丁集之十六

上元凌煜

五言古詩

短歌行

皓鶴翔雲霄青鸞志霞表抱茲曠代珍所貴致身早藜藿日
 充腸焉能顏色好歲序馳駸駸倏忽形已槁巨棗圓如瓜餐
 之堪卻老何不乘扁舟東訪安期島
 夜中不成寐橫琴彈清商清商繞梁樞餘音縈以長矯首視
 天宇太白森有芒飛鴻邁千里去矣從何方軒車盛東維松
 楸悲北邙際遇會當盡英聲抗八荒
 隨園晚步

十六 乙稿一

金陵叢書
蔣氏校印

園林動芳囑日夕心悠哉瓊霞映瑤水隔清芙蓉開層軒眩
 登陟飛檻勞徘徊窗雲結蜃氣檐瀑清浮埃坐久寸懷愜談
 次眾妙該流連吐華藻屬筆慚鴻才

北捕官廨前步月

攤書時復倦散步林塘靜涼月下深瀨娟娟動秋影欲采芰
 荷香前溪乏孤艇

地樓

層樓出地中延攬挈嘉侶登樓拓羈窗逸興忽舉平疇布
 黃雲彌望足禾黍暮色西山來蒼然落平楚芋栗療客飢石
 鼎聊一煮歸途踏殘陽古道竄鼯鼠
 修竹庵謁侯青甫先生

修竹千萬竿曲折通一徑其中構精藍竟然擅幽勝山翁起
 相迷近狀略掉蹻啜茗坐小軒須眉綠玉瑩闍黎八九人花
 陸寓清興但解把犁鋤不復修宗證為問瓶鉢間可能容不
 佞地曠心忽間道遠足先競徙倚出柴關落日下松磴
 水退

涼颼起巖扉秋潮勢初殺譬如盛怒人積久乃漸懈我家上
 水運水去翻甚快門前漾餘波不復作澎湃做廬已可歸胡
 為守湫隘永愁泥淖深兼虛牆屋壞呼童理屋葺姑就斜陽
 曬

斜陽送客歸入門先太息蓼花紅在檐蘋葉綠生壁餘蒸潤
 梁間乳竇下殘滴想當盛漲時鱗濤日噴激決渠疏積潦奉
 帚出零甌修治勞僕夫譚興澤門暫消渴自平生亟叩鼎與
 鑪投牀得大軒尺枕夢魂適

夢回還獨坐百感攪心神為念今歲菑河伯胡不仁城中百
 萬戶岌岌為波臣即今水告退轉徙多苦辛空倉下饑雀萍
 澤來結鷓鴣朔風一以厲道殣嗟薦臻所希當道流賑貸活此
 民勞生獲天庇安步冒棘榛疏食而布衣克葆固有真撫弦
 發清獻吾思郭景純

竹節橋曉發見林外遠山甚奇偉戲作短句
 青山從東來奇氣互遐邇儼然螭龍臥蜿蜒露雙角茅茨結
 山半高僧錫曾卓坐看出雨雲下洗萬象濁只尺甸金壇僊
 人足靈藥何必佩黃神禽向酒可學

葛村道中

車轍縱復橫曲折若蚯蚓暮雨洒去輪晨風逆來軫吾何似
楊朱到此動悲憫失足陷異涂誰能事援引捷徑閉終南恐
爲子羽矧

浮雲漾空際窈窕無定姿驅車平陸間疾如介馬馳求漿叩
菲舍立飲盡兩鷗藤陰野花開翠葉垂離披春華忽已暮荏
苒過盛時會當稅塵鞅一浣征衫纈

祖堂遇雨

侵晨暖宿陰天宇黢如墨食時強出門稍稍動晴色似聞山
禽言告我行不得疾風振林表暴雨來頃刻電繞一壑青雲
合千嶂黑紆迴步平岡山勢殊劣窮淋浪衣盡沾旋轉蓋屢

丁十六

乙稿一

三

金陵遊覽
謝氏校印

側喘如牛眠輟因比魚在設陰陽互翕張造化未可測焉知
路險巖但覺景奇特驟奔對松楸丙舍感悽惻歸飛借晚鷗
逡巡日將昃

宿水閣

雨止山氣清振衣陟高閣殘陽明遠峯新泉趨近壑綠桃憩
屏軒對嶺通一徇秋鞠黃金顏爛然吐芳萼謝彼香積珍供
我寬饒酌詰朝天關遊料理賭腰腳

夜行白山道中

三更起做裝逼征抑何促四更出門去惘惘亂衷曲疏星匿
雲罅只尺昧所踟路險平客心石峭詔我足躑躅歷村墟岡
嶺若纏屬秋螢閃破籬倏作鬼火綠行豈侈錦衣遊匪乘明

燭沐首涼露啼亦辟炎官酷

雙橋舟中

聯輻泊雙橋科頭踞鷓首晴危浴晚川斜暉挂髡柳幸無風
打頭其奈楊生肘偏提付長年沽取溧陽酒
遊善卷寺寺僧索余所爲施食文作詩紀之

客館把茱萸登臨逢九日枕山一招提古木助蕭瑟榜頭卓
山半尾署誠懸筆傳模信失真奇氣尙翔逸老師雪盈頭舉
手見柳栗主賓舌翻淵了義如電疾苦茗味森嚴入口茹崖
蜜偶參文字禪綺語毫端溢宗旨且未明解脫知難必期師
訂吾文歸當寄湘峽

丁十六

乙稿一

金陵遊覽
謝氏校印

言尋古洞天暫離說法座冥心契遐搜掉臂祛羸懦泉霑上
下池巖扉左右个青容蟻衣纏白受鴿糞澆棧棧每牙折齒
齒劍鋒挫陰森膽已寒叫窺籌華和題名閱宋源波磔留虎
臥緬懷大隱僊曾此布弗坐因知山水緣亦藉金石播拓致
乏藉椎作詩志吾過

有感

百官各有箴守土在郡縣那縣集鄉兵便可當一面良馬貴
一心精金珍百鍊用能策羣材苞桑期永奠本無國士才翻
驅市人戰寇去形魏峨寇至神瞑眩終歲糜金錢一旦判勞
燕履霜知堅冰雨雪先集霰君子善保邦慎勿狃安晏
用兵貴神速銳氣爲軍容淹頓數年委如霜後蜂迢迢去

鄉井雲樹千萬重
蟻蝨緣兜牟汗血凝
劍戟連戰力可陳
久戍心已備荷戈更倚市裝
棄傲素封金多軀命重焉肯
櫻賊鋒餉糈或不繼要挾何
洵洵居然脫巾呼勢若決巨
灘峨峨紫光閣畫像僕元戎
一朝揚天威故智除彌縫鏡
歌奏朱鸞四海敦春農

徵兵出良家尺籍隸開府
募勇兼四方倉卒成隊伍非
無忠義夫心肝奉君父摧陷
冒鋒刃部勒中規矩究之稂
莠多烏合誠何補瓠閩及惠
潮桀者逾豺虎縱橫盡攫金
消息暗通虜殺人都市中街
吏莫敢侮所恐奏凱旋無人
善安撫藏身惟甲兵歸里少
貴斧揭竿山林中紛紛成嘯
聚突直薪預運羊亡牢孰補
端坐懷杞憂刺促故眉宇

十一元

乙稿一

五

金陵遺書
蔣氏校印

烽火明亭津三軍事遐囑
先事發偵探下走必心腹我
軍尙未行此虜已在目實或
具兩甄虛兼設三伏不識鏖
斗嚴光彌旌旗肅功成策大
助直茅荷崇祿持節彼何人
曹沫請食肉倉皇卻敵謀嗚
咽登陴哭坐令金與湯所至
如破竹半壁終不搯一死曷
足贖莫問蕭大夫背井號窮
趨保甲原周官詰奸具微旨
近來譏察權專任胥與史隱
民飢迫寒甘爲賊驅使刺事
何周詳錄諸赫蹶紙馳歸報
賊會賊以決行止別遣慄悍
徒微服逞謔詭衷甲朕秘緘
伏莽戎易起忽如燎平原烈
燄隨風駛客屢度秦關謀未
誅絳市無怪賊所經潰亂不
堪理亟慎鎖鑰司禍端猶可
弭自古軍立監豸衣峻風操
功罪核分明毋縱亦毋冒軍
政久

陵夷諸將寢倨傲事機見每
遲名位進愈躁有時事促生
飛章定入告張皇陳戰功
帝用錫券誥有時大挫削遲
遲壓軍報輿援持中樞不復
問凶耗賊兵退一旬烏雀空
城噪得報心遲疑逡巡轉牙
齧及郊弗遽前鄉兵供先導
入郭何蕭條殘灰冷破竈大
索獲遺輻三軍共譁譟陋彼
司牋人鋪陳靡不到某日克
某城殲渠更除暴匪惟爵級
加兼索金帛犒豈知賊遠颺
兵尙潢池盜

白圭工治水爲壑賴四鄰一
二良有司法此牧萬民輔車
絀倚虞肥瘠越視秦竟固犬
牙錯畫必鴻溝均闔然寇兵
至明哲善保身繕兵往相救
母乃勞心神窮寇戒勿追亦
以揚皇仁

十一元

乙稿一

六

金陵遺書
蔣氏校印

軍興閱數年水衡告空匱宜
念物力艱樽節慎乃奇異哉
持籌流大風歌有隧鑄器金
糶沙運粟乘連穗敗絮實征
福朽麥具乾糲一舟千金直
一木百金費子弟曳珍裘廝
養攬瑯嶸捷章屢竄名展轉置
高位天道原好還大欲豈終
遂頗聞癸甲年軍中迭攘臂
喧呼晨斫管歷亂夕傳燧搜
羅倒漏庖臚篋散金翠伊誰
定郭軍司農節貞粹多藏必
厚亡臨淵增惴惴漱齒酌清
泉可以已頑痺中興頌唐室
專恃江淮租元師圍襄陽估
貨充軍儲斯民本至良豈肯
稽將輪關津隔兵燹商旅出
四塗相地置權場廿一郊甸
符筭庫偶失人萬姓罹毒疢
姦如狼倚狼威似虎假狐紛
紘索廚傳絡繹徵車徒但喜
囊橐贏那計骨髓枯所以

草莽間頻起倉葛呼斫吏分探丸修怨羣鸞孤安能出彈章
匍匐陳青蒲庶幾無罪民免受不教誅撫綏得循吏元氣行
重蘇

題李少函舍人陽羨辟氛圖十二首錄八

側身更西望戰血流漢陽飛烽達院中羽檄馳建康牙璋起
軍旅徵調何皇皇文史信雍容專閫非所長寡謀而輕進邁
往乃不戚載聆棄甲謠使我中心傷

防江既未遑守戶更何益盈庭集謀夫未論逞胸臆大難苟
可夷毀家誠不惜其如當軸人強半是肉食摩挲古龍泉仰
天三太息

警報日以厲倉卒難具論此邦焉可居君子多素墳親朋競

丁十六

乙稿一

七

金陵叢書
一府氏校印

相祖揮手盡一尊車徒戒明發徑出城東門回首視城關落

日愁雲屯

黃山古天都雲海姿幻變朝崖運丹砂夜瀑合蒼澗誅苻假
數椽連步躡安羨風塵豈莫侵歲月駸已晏安知石頭城牙
旗又重建溪壑良可娛鄉關知己遠去去從茲辭秋風生桂

嶽

挂席下嚴灘收帆向張渚叩舷讀楚詞卜居訊詹父出山復
入山言茸松間字長嘯過西峯重訪蘇門侶

庭闈有至樂樂在天屬親彩服升高堂昆季來彬彬不憂旨
甘缺且見笑語真中庭列玉樹枝幹何嶙峋

青筠臨萬竿翠笠專一簪舅甥述牘居雅得韓康樂王竹維

李顏負異材折節事姚合姚合鍾期與葛洪奇氣振寥廓李伯

獨無聞學殖日荒落屬以剡川游踐彼南皮諾浮辭世所棄

仇首事瑯璆相期訂石交知音義非薄

崎才世咸重獨行史所歎助邊率緡錢輸將力孔殫哀鴻集
中潛憔悴垂羽翰白裘一萬丈黍谷回其寒春陽入熙序寰

宇望又安王陽方在朝貢禹應彈冠無爲事高蹈泉石堅盤
桓

春水園二十四詠

卷施古遺直入關惟帝恩名園荷題榜正氣豪端存上蔡工
篆書庸安易足論國朝

丁十六

乙稿一

八

金陵叢書
一府氏校印

清娛侍龍門茲焉構金屋雲窗脂粉痕流韻入花竹精魂儻

歸來春林杜鵑哭珍

蚪更報夜闌曉烏下金井涼蟾寫娟娟疏花潯春影之子期
不臨風吹石華冷花影

高秋肅灑氣萬籟成商音黃門賦寥慄工部吟蕭森端坐念
元化禽羽翔中林吟秋館

鍾山蔣家山龍蟠著奇勢西南洞一窗蒼翠羅而致柱笏及
清晨須眉饒爽氣見山廬

叩門期子猷揮毫待與可柯亭竹一枝高踞眾音左著書仰
屋梁千載誰知我竹所

俊賞殿春餘芳姿映霞外倒持白玉盂橫系黃金帶安禪晤

色空姚冶夫何害

秋風起殿扉金粟繁一徑春言石隱流毋孤小山詠空際聞

妙香亦可成禪定

峨峨二千丈嵒康又和嶠只愁化龍去鱗而入天表攜鉏

茯苓與子歌難老

昆雷乙夜鳴碧玉參差長森森鬱林孫頭角出林莽流瀟下

三霄可似仙人掌

讀書一測理飲酒一賦詩正味森且嚴與子斟酌之無為墜

緇垢慕彼章與脂

心虛物能受空籟聆刁調清譚陶穀茶妙畫王維蕉明鏡攬

清晨所恐朱顏凋

丁十六

乙稿一

九

金陵叢書
蔣氏校印

玲瓏互應月綽約涵春星鵬弦一再彈天風何泠泠仿佛掛

楚帆識得君山青

孤亭結水濱春波澹容與念我同心人高齋成獨處憑欄睇

白漚追飛翻羨汝

古樹臨溪流鱗甲犀文鏗映樹把釣竿真趣漾梁在黽梁安

可乘黑風卷東海

丹魚唼楊葉翠鳥栖蘋枝玉水古方流曲折能肖之卻招香

山翁來賦池上詩

晴漪漾崖壁溪翠來紛紛白雲起西山散作芙蓉紋會須跨

雙鷺一揖雲中君

井幹建巖顛其下儘空洞去當一玉卮無用為有用羌持六

孔簫吹裂蒼苔鏡

旌童垂絳纒刀戟森開張龍王業又等竦肅立我旁瑟炬拔

沈冥仗此舍利光

一波承夏綠萬葉搖春紅長虹虹蜿蜒采燭華洛東寄聲杜

湖州莫修阿房宮

窗網雲母虛燼煙水沈結永離赤日侵自與紅塵別爭墩胡

太癡頭衝囊松雪

南面假百城佳蔭亦良助開帙遲崔儻熏香對班固浮榮世

所矜笑指音聲樹

仙人好樓居愚望嗤漢武飛昇未云樂天上多官府循欄唱

步虛聊共老嬉語

一六

乙稿一

十

金陵叢書
蔣氏校印

振衣步崇岡萬山青匝南眺湫瀟湖北眺嵯峨壙有時搗

句來碧翁叩不書

聞徽州陷有作

徽州古巖郡僻處萬嶺中有險不設備乃與無險同太守嬰

城守縣官棄城走倉琅不在門金印甯系肘鄉兵亦何為潰

散如秋葉孤煙明廢埃落日搖殘旗

高樓

高樓俯層城蒨荔垂古翠細雨灑柔枝條風發芳吹翠雀何

啾啾羽毛獨顧頽鼓翼爭所棲十隕乃九墜世人慕權要朱

門深且遠獲庇誠至微事棘反同累物理證道心因依慎其

類

題盧江乘慎修思永上舍行君子二首之一

君家住浮查山泉貢靈脈偶然渡江去遂作金陵客傲盧去
朱邸中只大航隔空傳荷令香未涉羅含宅江海風塵多勞
燕各舒翮豈期范堰遊翻合戴君席萍會良足矜枝棲富有
擇側聞橫衝都已下陵雲柵期君會鍾山山頂浮大白

歲暮侍家大人還山

船鳴胥渚沙帆卷戴溪雨歸雲擁莫村眾峰猶可數束裝始
登陸雙輪漸塵土交蓋引朔風擊腕敵銅弩山梅四五株蓓
蕾含未吐澗水流滔滔曲折下寒浦趨庭屬冬晏歡詠追杜
甫至樂關天倫奚慕圭與組鳩鴻眷故林乍此職勞羽行行
得吾廬炊煙出平楚

歲宴

勞生迫行役歲宴還出門艤舟北渚亭老樹雙雅踣欲賦士
不遇把筆聲暗吞賈生負王略千載悲湘魂劉生獻時策帝
乃閉九關名高世同忌身賤道已尊背賢尚復爾坎壈安足
論

放歌

天馬思縉雲龍駘奮前路蛟龍困泥中宛轉待甘澗黃塵蔽
白日四海甫多故不諳有用書安識臨事誤倉卒就功名將
毋涅吾素目埃黃河清身隱南山霧

題何竹卿銘美人采蘭立幘

幽蘭秀崇坂綠水環其陸上有雙翠羽鼓翼陳悲吟佳人出

乙稿一

十一

金陵叢書
蔣氏校印

房園雅步遵修潯香動皓腕理葉施羅襟緜悵在晚滋言
異披榛尋帶香溢懷袖將以貽同心朱顏不常好霜雪行見
侵感茲寫煙素涼颺方滿林煥修谷湘浦南望愁阻深

乙稿一

十二

金陵叢書
蔣氏校印

七言古詩

古林菴秋海棠

銀榜昭回梵王宇百八蒲牢不停杵金絲引蔓石作屏萬點
 幽紅散秋雨看花已悔十日遲錦茵而地浮燕支山房折取
 當清供鹿盧引水澆軍持道元畫筆妙天下華髮莊嚴入樵
 寫龍天半偈談色空觀面明姿競姚冶名花搖落淩霜辰寶
 墨駐世天所珍禪牀四大渾無著爲叩江心了上人

江湖

一鮫破山眾鮫死江湖汎濫三千里萬人愕顧頭戴魚天帝

乙稿二

金陵叢書

蔣氏校印

含悲河伯喜巨浪壓屋屋欲崩楸巢營窟無逃門黑風倒吹
 動拔木白雨斜注頰傾盆風雨縱橫合昏晝地湖天湖巧相
 湊東澁之罌紫渤翻西掀擘道蒼穹漏浮家莫漫牽岸舟楫
 陸雨立倏秦優菱薦健竹豈神物賴爾平填泮洞流

贈崇霄道院羽士

赤雲扶日天宇高赫赫盛暑將焉逃披襟荷笠入精舍長松
 夾道喧江濤當軒道士七十許意氣傲岸凌其曹听然爲我
 解犀鐔石鼎水沸秋蟲號掀髯抵掌事談笑磊落備述平生
 豪少年從軍走襄鄧偏師別部隨節旄裂帛裹劍碎虎魄張
 燈劇飲然人膏沙場跳盪二十載直以性命輕鴻毛一從微
 罪望吏議瓊璫對簿心切切巨魚脫罾泳大海餘生始獲栖

蓬蒿青詞丹鼎數晨夕鄉關雲樹暎臨洮顏年分即委脫去

橐中閒殺千金刀我聞茲語大嗟歎升沈顯晦由洪陶古人

功成必高蹈若鵠出籠解縲鐵衣不著著羽服仙壇偃仰

祛塵勞豈如鴛馬戀芻豆領穿膝敝官家槽長繩系斷日輪

墮殷勤隱隱鏗蒲牢詩成亦足發軒榭軒轅聯句毋嘗嘗相

期命侶宴雙桂洗盞更酌涼蒲桃

十一月十五日秣陵關對月

去年喜見當頭月置宴高堂尊俎潔珠瑤鏡明暈赤霞水晶
 簫冷吹瓊雪今年皓月仍當頭江村浮寄寒汀鷗九關虎豹
 屯不散兩軍蠻觸爭相仇年光過眼追塵鞅靜對層空涉遐
 想白雲迢遞隔親闈皓魄依稀射疏幌樂昌宮鏡久分開博

乙稿二

金陵叢書

蔣氏校印

望倦棧斷去來六曲紅闌藏翠閣箇儂此際正徘徊客窗孤
 燭添愁景月午植竿竿匿影開門踏月薦長籬霜風謾謾搖
 松頂

二月四日陪諸公遊澄光寺徧探龍池石洞之勝辛伯詩先

成走筆和之

荆南勢山排峻嶒瑤闌一峯秀所凝清晨倒屣赴嘉召足尙
 驚辭心飛騰生平苦乏濟勝具小車薄笨聊一乘單輪抵石
 發細響到耳疑是鑽窗蠅麥苗彌望碧雲活桃粵含笑丹霞
 蒸穿林度竹絕頂紺毫而出樓三層先皇南巡屢望幸坐
 瞻慧日光華增六飛未駐賜額資宸翰照爛黃金繩僧難道
 客禮方丈肅穆遺像傳心燈鑿楹聯句魯斯筆篆法高古追

陽冰暗泉兩派伏懸隙竹筧宛轉斜引纏在山出山泉性一
勿以清濁分淄澠伊蒲精饌叩香積十千下箸嗟何曾飢餐
渴飲副腰腳三塗五嶽憑雙膝山坳洞古客稀到陰黓乍覩
先凌兢巖顛溜下洞巖趾回風濺沫吹蒼藤團蒲面壁坐能
破法蛻冉冉香雲升搜奇莫漫攝狂入梅味恐取山靈憎義
興夙昔山水縣銅官玉女天下稱祝陵國山更秀絕汎波環
綠琉璃澄幽探請自茲洞始次第蠟屐窮攀登尺溪寸壑備
心會溝澮江漢坏嵩恆歌詩上和鍾記室鱗爪斷棄焉足矜
歌成擲筆月弦魄銀缸冷采搖朱菱

禪國山碑

上尊受禪魏書最巴蜀盛傳刁斗銘江東碑版擅雄絕文采

二十六

乙稿二

主

金陵叢書
蔣氏校印

暉映東西京烏程嗣世丁未造餘景天假樽桑榮內安外攘
鮮善策心體麥汰馳八瀛詔書鄭重修祀典中岳肇妃君山
名臣朝奉册臣處副降神雅樂蘇成英禮成伐石詔萬代金
泥玉檢騰光精側聞漢武事封禪龍門史牒羅訕評江東割
據勢兀臬強鄰虎視防吞并輔車依倚兩俱失北來飛檄君
臣驚頑祥重疊出筐篋抗疏難作批鱗爭樓船西下錐鎖斷
浮江大火燒鯤鯨當年神讖紀天發華皇妙製追姬嬴文奇
事奇造物忌昆岡玉石煨朱明孫家法物僅有此靈光一殿
孰抗衡我來訪古蠟阮履銅官千笏秋初晴芟落刈薛讀十
過彈指忽作淵淵聲圓碑鼓式易昔制謬沿襲喘吳僧山
風溪雨日摧剝蓋覆安得軒重楹摩抄再四劇太息氈椎未

辨終無成徑須襍被臥三日波磔點畫胸中橫
題嚴伯雅司馬鉞巫峽聽猿圖

巴東三峽巫峽高峽江日夜流岷濤雙崖削不可以徑上
子規叫月猩猩號孤猿弄響送淒異管裏行人半驚起使君
舟泊巫峽尾一聲冥雲清且哀新灘石銳橫風來兩聲三聲
淚相續神女佩環下湘竹焉知吟嘯中宮羽但覺心神起寒
肅石色逼天天為低黃楊墮子烏雅噉烹茶已就蝦蟇碣沾
酒更經龍馬溪船窗夢醒羣籟寂放想連峰十二倒映青琉
璃使君滄浪宗畫史北苑後枯物畫胸中磊落且壑存腕底
盤拳蛟鰐走溪堂辭若展畫又益大榴花照山牖吸不盡江
漢流望不到昆侖邱荆門皖口列成二千里安能回揭上溯

二十六

乙稿二

附

金陵叢書
蔣氏校印

瞿唐舟五馬盍爲江東留懸銅削竹跨郡州使廳草綠春風
抽素琴載鼓襄連傳流泉過峽鏗琳瑯青猊報時鶴尾修文
采照燿東諸侯
孔伯嘉丈手拓所藏古泉見贈戲呈長句并題紙尾
孔君好奇邁孔臧孔君好錢比孔方泉刀萬品得古趣問字
車滿雞籠陽西來烽火踏江國銀杯羽化吁可傷今年把臂
海虞麓出示所獲近一囊不脛而至嗜則篤剖析真贗窮豪
芒高朋合坐試春茗詞鋒辨鏑鏑森開張感君爲我府烏玉墨
潘汗袖流淋浪單銖雙銖銖四出綴以貨布文大黃開通之
背署京洛佛銅改鑄由會昌大泉壓勝文左上仙臺貢賧形
補方其餘磊落數十箇珠聯璧合網在綱拓成持歸鈞齋壁

對之焉禁心旁皇斛米直千糶仍過二麥不熟天雨蝗枯腸
鎖日飽藜藿蹴蔬或夢鄰家羊安能通神叫可活百萬飛出
金鵝鄉方舟汎粟轉東海持此往拯江淮荒人生奢願那易
償名士畫餅同荒唐會須乘雲謁帝闈五銖絳繚罡風剛天
錢挂杖用不竭高挹北斗斟霞漿

七星檜歌次吳冲之先生白華集中均

疾雷破空雲畫冥鹿虛閃閃藏真形掀厓倒壑遠致此七銖
竦立承寒星朝日昇龍那可比枝幹森森夾階戶招真治罷
致道營露掌僊人曠年紀四拾已化三檜傳補植猶記皇宋
年鬱蔥恰傍天監石蒼翠欲護泉樞篇海雲蒼蒼杳無極別
爾明朝挂帆席息園一樹隔風煙半供樵蘇半蟲食

透閱雲秋試入都

乙稿二

五

金鵝鄉書
謝氏校印

前旌曉發胥江泉金盤磊磊朱櫻桃驪歌一曲酒百榼別意
欲共江波高與君測交十年久送抱推襟意良厚干將莫邪
千載希一旦交輝燭牛斗高檣短穀江東西雙萍乍合合更
離偶然促坐展懽笑風雨雜沓兼虹蜺羲娥而天行不已可
有千秋副青史我方旅食斥邪蒿君乃匡居斬曲几兩人落
拓黃埃間府朝送郡年復年青鸞苦飢鳳皇渴下與雞鶩爭
嘲喧君今戒裝向京邑錄別擬愁翻喜極高科上第曷足矜
要令吾輩增顏色天風蕩蕩吹龍門巨魚昂首波吐吞治安
三策無賈誼叩峽九折惟王尊巍巍大廈須樑棟聳壑凌宵
自殊眾發揮積蘊酬素知四七羅胸小雲夢銅駝陌上調花

聽桂華皎潔杏蕊紅手圖方趨駿佳讖看君振袖明光宮青
雲我我日輪紫車笠先盟永終始出門西笑定何如日日江
頭望雙鯉

題白詠笙爲冬樹文畫雜花屏風

欲鬢斜髻慵來妝翠綃爲衣紅錦裳回風一舞萬花顛胡蝶
飛上金釵梁瑛盤熒熒覆羅吧澹月涵空香一架吉雲有露
洩瑤觴斷送青陽買朱夏勺藥書畫雜花

風環水珮來何遲玉窗久立香始知燕支澹暈石華唾明姿
婀娜清秋時南浦鴛鴦文錦疊亂暖殘霞翼相接沙頭一夕
風蕭蕭銀塘吹綻慈姑葉白青紅畫在姑花

太真倚醉紅玉膚空同夫人眉作圖玉魚一枝螺十斛君恩

一一六

乙稿二

六

金鵝鄉書
謝氏校印

不共秋風疏朝罷靈和遊太液風露清吟獻芳夕凋紅冷翠
誰爲容殿角銀燈燄深碧芙蓉湯柳

虞姬雅步出楚宮千年淚影曉春紅湘妃垂鸞下湘浦紅芳
四壁香蘭叢我所思兮在江沚手攀頰霞綺芳綺靈雛叫月
離腸雲侶有陰風隔厓起謝秋羅園花

題景杏村都督又春寶山紀功圖

大藤遺孽躡江左突騎所過無堅城癸丑八月寶山陷西崩
東應交縱橫公時放哨出東海得報亟返票姚營夜深單騎
繞賊壘空濠月黑棲鴉驚凌晨案簿蒐軍寔甄拔壯俊除荒
倉縵胡短後五十輩階下歃血惟公令前麾搖搖係縣郭順
昌旗幟江淮聲鉦鏜呼謹動山嶽萬姓拍手賊眼墜重門洞

開促隊入釜魚阱獸供無烹鷄膏拭刃豔春雪六街灑落排
桃英須與百雉一鼓下虛囚獻級功分明天威震懾海內外
銷盡兵甲敦農耕連雞勢去一邱絡燭火不與發輪并邑人
德公建祠報深欄大棟相枝穿又如道州罷矮貢生兒請以
陽君名明年中丞奠上海捷書送喜抒 皇情最公勞狀達
宸聽天書鄭重影蘭纓狼山峨峨古雄鎮東州戰績招錢彭
願公勤練百金士戈船下瀨揚雙旌臨江足制水仙橫狎浪
豈畏天吳勅伏波路馬定追步皎皎白日暉東瀛

題多樹丈桐陰讀書仕女

鯉魚風急鴛鴦冷瑟瑟霜梧戰金井美人擁髻倚瑤軒雙鬢
如煙淡秋影芳銜久署掌書仙謫下嫺嫺劇可憐一斛真珠

一十六 乙稿二

七

金陵遺書
蔣氏校印

呼小字兩行筆柱比華年年華彈指經三五脈脈秋心訴河
鼓食蠶成倦大有人飛龍出骨應愁汝朱樓那許鳳皇栖石
砌微聞絡緯嗚萬軸縹緗裝璜瑣四邊窗戶映琉璃低鬟時
向檐前讀紙上秋聲來謾謾躡鸞成連理歌含香譜出雙
聲曲清歌豔曲總消魂壺內紅冰積淚痕羅袖侵尋生碧暈
畫廊容易又黃昏昏黃無那鉤簾坐顧影淒清人一箇漏箭
初停白雁過缸花欲別青蟲墮賦茗銘菜事事工忍教張角
判西東孤根拔地將焉託笑指龍門百尺桐桐花開日春如
綺桐葉影時商籟起手持晶盃下玫瑰采罷桐花拾桐子三
泖煙波深復深雙桐環閣比雲林子長羸稱清娛侍何日方
成理楫吟

次兩嵐文喜晴均呈 家君及兩嵐丈梅屋先生
先輩文章建安骨賤子從遊比風浴高軒上贈兩鉅公惜少
奇才儷昌谷雕蟲小技壯夫棄餘事爲詩好尤篤長哦落落
絃高松短什寥寥對秋菊問天未解曠離憂測理安知選精
孰長城稍喜偏師攻細律翻愁法吏酷那客稱媿奉珠槃只
合掃除供田燭中原莽莽煙塵昏各有時艱棘心目澆愁痛
飲中山醪歷亂飛英玉缸撲圭塘文宴何從容末坐追陪謝
拘束即今誰是六一翁能放斯人頭地出

再次前韻

虎頭要具封侯骨駢脇羞觀重耳浴新豐火色未揚時爾著
重研竄荒谷渾金璞玉世同寶崇幹貞材天所篤瓦缶不合

一十六 乙稿二

八

金陵遺書
蔣氏校印

輕黃鍾苦蕙焉能亂甘菊治安三策虛周至隱見兩途思爛
孰清心任取泉水貪炙手毋嫌火微酷一臥能教驢失珠九
幽豈少龍銜燭著著先求叩野杵明明歇後慙除目喘牛竟
荷丙吉詢驚蜺誰將魏收撲當塗丞望奏澄清吾輩借宜嚴
檢束唾壺擊碎徒爾爲雅翻翻林山月出
三次前均贈郭均
院體紛紛矜沒骨筆態輕盈晚鷗浴國朝以來健者誰南田
異軍撼石谷生丹寫生 晚青 晚生 晚丹 生 健 憚 意 文 采 風 流 齒 彌 篤
子侍筆研凡幾年老圃蕭疏富松菊調脂殺粉北戶靜布葉
安花東絹孰靈光殿圯悲不勝銅馬兵來遇何酷只宜慟哭
過酒壘豈意萍蓬翦臆燭坐中殘客仍抵掌池上山公疑在

目百年且暮難久掩五斗塵沙聊共撲頰聞繁礪事渾灑盡
開哇叮絕鉗束終看待詔入翰林享帶千金莫輕出

題於子亭行看子

儂州笠子團欒樣長柄葫蘆孰相餉孤筇染露庚蘭成一拂
祛塵鄭安上方蓬佞羨今有無飛步更駕瑤雲車瓊花爛煮
喫不得海東自采青珊瑚

題姜璜溪渭秀才詩卷

朱絃疏越在清廟世間奏響矜銅琶譬如翔鶴去寥闊銜尾
翻數投林雅生平苦嗜五七字黃口學語聲啞啞有時辭芹
遇勁敵披靡無異堅攻瑕姜生卓犖海東備怒步欲聘天閑
驂篋中苦抱詩百首蒼龍夜嘯鱗盤擊高齋汛掃屏塵雜凋

丁十六

乙稿二

九

金陵雜詩
一將氏校印

紅楚楚明秋花數茵雅蹠讀十過伽陵引味招頻伽江淮軍
事那堪問舉烽築戍多於麻中原回首更蕭瑟變輿東狩淹
龍沙知君忠憤蘊胸臆伏闕盍奏登聞鼓孔公二頃自疏放
潘岳兩鬢猶鬢鬢飢來捫腹字堪煮帖括不數經生家圭塘
往歲合尊俎賤子正嚙願渚茶趨庭千里向黃浦白茆溜急
風帆斜摩空賦價殿前定幸分光曜垂童牙汕汕漫作過江
鯽閣閣厭聽沿池蛙終然文采炤遐裔別出枕寶鐫瑤華
題孫伯澄明經文川吳淞歸權圖

大江日夜流未已吳淞潮聲石頭水歸舟辦取十日程無數
青山生眼底青山招客客不歸海濱瀕鳥相因依子昇吐谷
肆雄駿湛若赤雅窮幽微春申浦適放歌處蠻府歎隅索奇

句忽驚秋葉零商飈不覺鄉心起庭樹滄江虹月今有無
然寫作歸帆圖吮豪落紙具深意託興那必純鱸俱楚軍幾
日向姑孰下瀨樓船擁楊僕昇州行見公所戮晉陵懸知子
通甞江頭夜墮旄頭星盡臬逆賊昭天刑饒歌一曲雲霧斂
鍾山嵯峨開翠屏十年湖海浮家客杜宇哀曉聞不得安知
戩翼反故林翻許誅苒尋舊宅奏詩欲紀高軒臨把酒莫惜
深梧傾旌旗悵望亞夫壁鏃斗臥聽山松城江山亡恙會重
見滬濱千櫓轉天塹翦水漫覓并州刀佗日披圖成左券
擬溫飛卿雞鳴埭歌次均

丁十六

乙稿二

金陵雜詩
一將氏校印

五夜更龍旂迴出千門曉窺得金刀總幾年永明舊治散如
煙蓮花偏貼宮中地笙樂酣歌醉裏天玉壽芳華仍藻井鴛
鴦寺主終移鼎錦雉穿圍兩翼張銅駝沒草雙眸炯依約春
湖壞殿基殘陽渺渺下寒陂南朝帝子竟何在腸斷臺城楊
柳枝

擬李長吉鏡聽詞

天河沈沈蚪箭咽老蟾窺空吐秋雪菱花七出飛寒光窺角
斜鏡燄難熱並光類儻大吉昌口脂鼻入風爐香祝罷回身
下瑤甃識語通靈神所使金井鹿盧騰古水一規靜對形圓
樂屈之成刀斬樓闌刀頭叶夢鶴初髻玉沼夫容抱雙影

春夜曲 限西風韻

紅椒四壁香蘭春都梁寶液浮湘筠碧羅斗帳天水新蒲桃
九華織翠茵流蘇瑟瑟凝幽塵鯉魚卅六赤錦鱗鴛鴦鼓翼
芙蓉津含桃含笑哆絳唇巫雲峽雨將連句汝南曉殺夜向
晨

南唐小樂府

延賓亭

水底飛黃龍中原逐羣鹿胡爲開延賓眾心已遙屬幙府高
高樹節旄政事僕射賢且勞坐取人國如券操

符瑞詔

毒菌肥獻芝栢野鳥翔頌鳳皇善哉烈祖詔符瑞皆荒唐魯
以獲畧削莽以符命亡當謹天戒爲民綱君不見祥符之中

事封禪天書夜下輝雲漢

青陽公

青陽公宋子嵩鐵箸撥火爐炭紅奈何恃舊交烏喙詈而翁
而翁功成遭放廢九華先生號清貴臣謨反命臣覺誅計殺
謀夫意何悖可憐綿絮聲淒其始知怨眾身必危功臣自古
皆同悲

陶秀實

袖中禪草非臣職依樣葫蘆陶秀實無路去掃錢王門有詔
來爲李家客郵亭勞落春風寬弊衣擁出秦弱蘭明朝大宴
陪千官風光一闋音疏璫慎獨有戒語不刊皇華之選難云
難

丁十六 乙稿二
十一
金陵叢書
蔣氏校印

天水碧

天水碧淺深色點檢作天子氣敗江南國保大五年謀北征
亦越五載稱外臣臥榻之旁豈容他人事好睡猶幸開門迎
得曹武惠

東海鯉

香嬰寔天啟乾殺東海鯉可惜韓徐班馬才眼見李唐宗社
徙倉皇有淚揮宮娥紅羅亭下梅花多假歸辦裝俘亦樂一
杯請試牽機藥

擬曲江觀濤歌

客有橐筆遊燕城坐看八月秋濤生天公狡獪逞鉅觀意氣
頗欲凌滄瀛生平放眼此奇勗海立雲垂非一狀千筵繚繞

動地輪萬象森羅簇天仗折盤演迤迥莫當浩氣太白紛低

昂蒼鵝接翅地底出玉龍振甲空中翔一噴一薄陡將落眾

目森森成錯愕濺激真疑日併吞回旋欲與天相搏暉天浴

日無留停浪花溼岸飛寒星淮南淮北杳莫辨矯首但見雲

冥冥種蠹後先漫區別餘怒俱然竦毛髮瓜步蕭蕭上晚潮

海門漾漾飛明月昔聞僑置南交州刺史案部當高秋金山

對岸地壯闊觀濤往往開雙眸又聞伍子淪精魄中流慘汎

鷗夷革曲江江合屬錢唐爭轍軼事傳詞伯水經故道多沈

磨邗溝運瀆涵清波骨母本由胥母誤扶桑或是柴桑訛江

山高詠自千古對此蒼茫懷故土歸來欹枕林屋間臥聽松

海撼風雨

丁十六 乙稿二
十二
金陵叢書
蔣氏校印

五言律詩

秋齋坐雨

落葉不知處孤燈相對愁誰憐
今夜雨有客倚高樓石溜沈
幽籟聽風送遠秋雄心銷未得開
篋看吳鉤

聽朱幻生彈琴

秋風起商籟涼意動疏林
時送玉琴響悠然生古心成
連知不返中散怨何深彈罷
朱徽寂伏聽絃外音

七夕有憶

那無龍繞舍恰對蠟盈缸
石溜通瑤漢仙雲落綺牕宿
憐牛

丁十六

乙稿三

金陵叢書
蔣氏校印

女獨書怯鯉魚雙惆悵銀州會
秋空擁翠幃

哭方表丈

亂離方聚首辟地在蓬門豈謂
辭凶燼翻然謁帝開慈雲大
江隔殘血古祠存欲作招魂曲
西山奠一尊

得舍弟仲圍消息

重險居然脫宗祊賴汝存遙知
善眠食何日共晨昏村僻征
衣冷城高戰馬屯佗年收我骨
銅柱定歸魂

高格

高格原難貶吾生未有涯履穿
笑東郭衣敝學西華反復岐
中水炎涼壁上紗煩冤何可訴
頗擬賦懷沙

晤舍弟仲圍旋別

兄弟始相見干戈殊未平那堪日南至又賦客西征烽舉晨
餐廢江寒晚水生長途幸珍重賊騎正縱橫

歲暮之溧陽

歲晚迫行役息肩嗟未能曉裝招火伴暮食塊殘僧河冷冰
初凝橋危石間繩不知車鹿鹿何意向平陵

宿通山寺呈碩仁丈

言訪招提境入山深復深碑跌低沒草殿角出窺林君罷淹
中讀余慙洛下吟芒屨判百輛天關共幽尋

溧水秋望

寥落溧州城蒼蒼暮靄橫
高孤鳥攫帆疾片雲爭宋玉悲
秋賦秦嘉望遠情廣車聞更發江上又徵兵

丁十六

乙稿三

金陵叢書
蔣氏校印

官軍收復上海三首

埃火經年望鏡歌此夜聞詎知回鶻馬遠勝水犀軍
諸道收兵籍橫江失陣雲茅封應不忝魏絳有奇助

餘策宜修聖深恩定免租凱軍趁建業列戍罷句吳
得肝心

先慰東南困少蘇
驅狼期盡掃毋使遺天誅

夷性殊難擾戎機若可憑
玩虞輕股掌欲豈獻金縢互市明
臣議和親漢將能空思攬長轡一爲奏清澄

田園雜興三首之二

征雁孤飛日高秋欲暮時水鄉收稻早豐歲納糧遲
吏靜稀黃牒僧狂共綠卮茅齋圖主客爲課宛陵詩

儻遂還山願誅莠蔣阜東田須營二頃地只拓三弓蔥蒜屏

風挂桑麻徑陌通草堂如可作未必孫盧鴻

人日

密雪竟終日陰寒還中人春燈運小市羯鼓競諸鄰讀史空
含憤哦詩不療貧春盤生菜把又共歲華新

題周淳甫先生所著西寇紀略三首之二

藤峽管江上曾與勝代師如何兵甲弄又際聖明時烽火陰

謀久封章上達遲高官殊可樂誰抱積薪思

嶺海大星隕湖湘候火明建旗方絡繹出押已縱橫殺氣纏

畿輔軍租困水衡當塗急材用努力事澄清

鍾溪寓齋與竹籬石泉夜話

藥筆仍爲客開絨動憶家看君趨北闕悔我讀南華暝色催

丁十六 乙稿三

三

金陵叢書
蔣氏校印

燈粟春愁繞檻花呼童進杯杓茗芋是生涯

喜友人見過

逍遙諸將在故國久蒿萊辟地知交少逢君笑口開溪喧晨

鹿過谷靜午爲來慰藉無餘語憑軒數舉杯

大雲庵

卓相圖

生公今不作結字欲何如地得野人趣門懸故相書客懷娛

水石僧蛻寄交盧渾忘臨風久蕭蕭鬢影疏

聞捷

鍾山諸壘近已有捷書來聞喜應名縣銷愁數舉杯節旄今

兩建羅網莫輕開投筆吾何敢窮櫓分運徂

題孔伯嘉丈袖手面山圖二首之一

又汎南沙權因之感昔游琴樽載溪月烽火國山秋交豈忘

金石疑難合鸞鷓長安居最易叢桂漫淹留

訪子章畫門

春雪舞長汀春山繞屋青偶回剡溪權爲覓草元亭一笑開

蘿徑千鍾倒玉瓶歸來夢親舍吹笛上空船

荆溪道中

扁舟澹客與芳思日悠說一兩洗殘雪四山蒼翠來客程何

寂寞尊酒重徘徊知有寒香發官梅映水開

題廬山酒家壁

一城才斗大高署鎖蘇門廢園殘丁築高原病馬屯戈船千

戰烈鎖鑰此時尊防守宜知慎山松海氣昏

丁十六 乙稿三

四

金陵叢書
蔣氏校印

閉門

莽莽陣雲昏西風獨閉門萬鴉爭樹頂一鶴守籬根顧影循

蓬鬢銷憂對酒尊空思建旗鼓管管奪崑崙

客滄浪亭喜晤白二華即事有贈三首

吹簫同調在吾道豈終窮意氣猶天際頭顱各鏡中炸傳江

上下帆掛浙西東爲說年來事飄零類轉蓬

遙臨蘇長史詔獄陷同文遺構已云古清游每共君浮青雙

澗水盧白一窗雲持此欲誰贈蒼然向夕曛

石頭城畔路一憶一魂銷孤笠龍山雨疏燈雀桁湖舊游渾

歷歷新髮已蕭蕭佗日朱湖上松枝話六朝

天馬

天馬紫蒲桃防秋殺氣高
瑀弓環盡膝珠璣絡層壕
負固誠何益揮鉏抑已勞
終愁閩士入老鶴出輕舸
哭阿轉

依母情殊戀呼耶語未工
可憐垂九死只是炯雙瞳
汝化應泉下吾歸亦病中
一星留不得揮涕向西風
拜盧忠烈公墓

茲才未竟用天意久亡明
鬱鬱塞山內英靈千載生
一門全大節萬里壞長城
載拜公琴下臨風涕泗橫
還讀軒初夏

榴實紅珠帳菖蒲綠玉盆
窗深通日氣石醜辨湖痕
踟躕腳無冰雪羅胸有角
根爲憐麾扇客汗雨灑營門

月潭和尚繙經圖三首之二

杖錫飛吳地天龍講席開
定中雙樹靜空際四花來
淪茗皆甘露繙經即辨才
滄浪一泓水莫遣起纖埃
賤子仍羈旅名藍寄食頻
客愁吳苑月鄉思蔣陵春
白羽方三捷青鸞會一新
經臺闕殘瓦同作再來人

賊陷廣德州二首

重以銅符縮誰令鐵牡開
青羸衝曉出絳帕蔽天來
淖甚流民苦山空畫角哀
援兵看漸集飛檄下行臺
脣齒關吳越方州重一隅
此時輕屣棄諸將費籌紆
桃梗漂胡定桑榆望豈虛
會看楊節度談笑馘孫儒
憶舍弟季績

丁十六 乙稿三

五

金陵遺書 蔣氏校印

以余雞肋戀與爾雁行分
眠食知何似音書寂不聞
估帆垂海汐親舍隔江雲
兩地期亡恙朝朝祀卯君
得聞雲書知舍弟已達杭
州詩以志喜次前均險阻
崇朝脫存亡一紙分故人
能見念遠道獨相聞旅食
愁囊粟歸心逐水雲茫茫
塵海內羌是信陵君贈馬
仲孟內弟二首

相逢改昔容故故駐行蹤
日落迴孤櫂江清見遠峰
帆銜秋氣重酒注別情濃
不忘池牀樂仙壇送曉鐘
浮家近海濱亦以辟塵氛
開徑招今雨登山望白雲
絳紗方授講墨盾漫從軍
偶作蘇門嘯鸞鳳隔嶺聞
上港

丁十六 乙稿三

六

金陵遺書 蔣氏校印

肩輿出近垌向晚雨冥冥
電過一林白雲歸眾壑青
輕裝趨海舶濁酒醉江亭
何處吹橫笛哀音繞浦聽

北風

北風期不至水宿意多違
樽酒浮瓶滑鱗魚入饌肥
岸高湖漸落沙定雨旋霏
十日營船港征塵流客衣

疏略

疏略悲前事憂危及此辰
只聞兵脫纜可有將分身
書密寫難達糧空鼠共馴
還愁平蔡者兩雪阻征塵

下瀨一首呈泊子才署正

下瀨青龍艦瀕江白鶴灘
躡珠慙坐客負弩感衙官
夜久星芒動秋高殺氣寒
空思滄海上重建伏波壇

詔格

沐髮勤周政分蒞藉漢輪素身不限白屋會全伸狗監誰
知已燕肩必近臣言懷投畀者寂寞楚江濱

福山鎮

博德舊知名高秋肅旂旌陣雲橫海出弦月挂江明轉舵遵
官渚吹笳識縣城鴻波應可狎赤手縛長鯨

題夏樹齋承堃婁孫氏殉難詩冊二首之一夏王聖人

稍喜榜檣落千帆下石頭貞魂應略慰香骨定重收綽楔天
家詔陳風使者轄深慙劉傳續藜火夜星流

吳門秋興

故山何處是空憶石城秋浩劫猶龍戰高臺恐鹿遊興來三

十六

乙稿三

七

金陵集書
蔣氏校印

弄笛飲罷一登樓日夕聞齊女因之生古愁

柏巖乙稿卷四

金陵叢書丁集之十六

上元凌煜

七言律詩

祠春

蒼龍高揭五雲端東帝春祠動翠巒
遠擬靈星崇漢時近聞太史備秦官
青圭鄭重爐煙肅丹蹕從容劍佩寒
有幸屬車陪豹尾不教真一誤牢丸

撫劍

撫劍狂吟拍案呼鏡中贏得好頭顱
料無鬼魅鏡中散定有精魂感左徒
舊院笙歌悲舞馬高城鼓角警樓烏
東歸日奏初明表為學終童一棄繻

乙稿四

哭陳蘭初

星旗葉葉閃蚩尤空裏優曇一萼收
簪筆未通金馬籍看花終作玉京游
波心壁碎青蛟怒嶺背笙寒白鳳愁
猶有當年舊朱邸瓊鋪零落古槐秋

長竿林

西峰逋客相招延出門上車風滿天山
松排嶺勢峭絕澗水激石聲鏗然結
廬慣作人外想打包又續塵中緣浪
仙故事聊可學千村爆竹催殘年

一榻

一榻空依水竹莊天機依舊吐寒芒
心希出世空依傍口解談兵媿激昂
諸道烽塵過騎影全溪風雨洗花香
夜牕何計

驅殘睡手檢浩翁辟穀方

題瑞亭師畫山莊春事卷子

歲闌偶汎碧溪舟竟作平原十日留
畫本披來從絳帳雲山望去儼丹邱
巖樓有地能招鶴浪跡何人解放鷗
回首故園春正足梅花香繞水邊樓

次韻龔辛伯

呵壁無由叩碧翁仲言小室隱蒙蘿
回風戛玉筠廊外密雪跳珠桂檻東
凍酒幾番斟具理春衫一領疊方空
海山堆阜花如繡珊瑚枕勞君說夢中

木蘭從軍圖

沙場無處請長纓展卷如聞太息聲
郡國一時推孝弟閩房千古說功名
間關戎馬心何壯撲朔雌雄世所驚
聞道仇軍喧海曲倩誰重建洗家營

登見山閣

攬勝無因築快哉且憑高閣一徘徊
江雲欲舞層陰起林雪才消密雨來
遊興闌珊羣屐冷心情潦倒酒尊開
劇憐鄉國風塵滿戍火殷天鼓角哀

題周淳甫先生所著皖陷紀略

形勝如何失上游運籌空切廟堂憂
黑雲摧堞春燈亂白日沈江戰血愁
次律喪師輕一舉忠宣抗節重千秋
把書漫灑風前涕早晚旌旗下蔣州

大風過東沆寄王二竹籬

侵晨解榜辭平陵薄暮繫榜過宜興船邊斷續墮殘雪柁尾
鉞鏃流細冰新知勝慰客懷寂凍酒不敵寒威淺溪橋二月
野花發扁舟見訪知君能

北新橋

落盡林花幾樹紅冷吟孤寄石橋東千帆漠漠藏春雨一笛
蕭蕭喚晚風江上烽煙橫驢騎山中消息問鄆笛步兵廚釀
誠佳絕歧路休悲阮籍窮

和橋晚興

危橋百尺倚峻嶒日日清游謝未能到岸舟喧爭晚渡隔溪
人語出春燈愁深頓覺吟懷減寒盡休防酒價增聞道銅官
近亡恙種瓜幾輩學東陵

一十六 乙稿四

三

金陵叢書
蔣氏校印

春晚游化城寺

浮生悟徹成泡幻粥鼓齋魚苦未能異地始知朋輩樂狂歌
應取路人憎新波泱泱浮畦麥疏雨瓏瓏落岸藤向晚憑高
一搔首陣雲多處是金陵

送竹籬之官保定

莽莽黃塵倦眼開蘇臺跋馬又燕臺秋生易水寒風起日照
居庸曉翠來豪士相逢宜說劍散官無事且銜杯河渠有志
君須讀潘新當年命世才

哀蟬夾道柳婆娑一葉中流發櫂歌村舍旁皇炸火近親聞
迢遞棧雲多摧顏陡覺黃金盡道暑無如赤日何但得故人
紆紫綬不妨高枕臥煙蘿

登壇

星落前軍殺氣寒淮陰今日竟登壇寇深或恐羣師老事棘
因知一將難帳下旌旗加整肅眼中邊火望平安捉生上級
尋常事漫作元戎偉績看

宜興舟中

斷雲漏日射秋毫柁尾涎涎泝晚濤一槍支風鈴索盡數椽
臨水瓦松高還山漫誚吟詩苦作客方知觸熱勞判取焦家
五升酒不將軒冕易東臯

甘崎人先生見訪寓齋索題小象并示所著四印居詩草賦

呈二律二首之一

瘴雲如墨失家山廡下依人類伯鸞容易黃金銷劫火侵尋
白髮老儒冠匣中鷗尾心猶壯海上鷗羣盟欲寒多恐蒼生
仗籬策未容身世託漁竿

坐中

坐中空腹涕橫流天意微茫若可求王式旌旗纔越國龐勛
兵馬又徐州報書未懾蠻夷長奇計誰參戶牖侯我欲閉關
尋睡詠蓮花香夢華山秋

兩宿任家港

海氣蒼蒼雨氣昏回帆收港入孤村暮雲圍蓋青連野新漲
浮濠綠到門未必探囊追李賀還因叱馭感王尊歸來漫讀
元虛賦陰火陽冰孰共論

浣衣

一十六 乙稿四

四

金陵叢書
蔣氏校印

浣衣始覺塵積斗鼓櫂又趁風如刀疏花密竹水村靜短笳
長缸帆葉勞光陰倂指孰羊胛世事過眼輕鴻毛晚來跋脚
發唱唱琉璃萬頃春溪高

盆中紫菊作黃花數朶詩以訊之

蕭蕭木葉滿空林對此能無百感侵籬落最宜珍晚節風霜
聊與動高吟沽來宿釀銜杯賞讀罷離騷案譜尋休向齊州
問方術丹砂今已變黃金

丁巳除夕

登樓差免停雲望把筆還成餓歲詩似我窮愁過壯日問誰
才略副明時梅能破臘香逾足雨欲騎年舞恐遲家室團樂
定堪慰山臆翦燭進深卮

丁十六 乙稿四

五

金陵叢書
蔣氏校印

豈有

當筵莫負酒如淮豈有沈憂及草萊叱犢翻泥初過雨飛蝗
蔽野不爲災歲荒差幸新絲孰寇退猶傳露布來苦祝神君
法張尹黑鷹千翅決雲開

次韻二首

讀書乍可十行下飲酒能令一石消意不猶人空矯矯友求
知己轉寥寥禪中么蠶時相詰天外冥鴻若見招不負句金
壇畔住春風吹老紫芝苗

煙雲過眼留難住壘塊撐胸鬱未消白鷺橫縵愁浪闊青鸞
鼓翅入天寥不堪朝市成充隱已有文章近大招奔走羣兒
定何益故應焚硯學君苗

20214

八月十六日夜萬年橋口號 戊午
冲霄匹練夕熒熒含霽歸邪事不經齊寢千年還舍次明臣
一疏說門庭歐羅攷度言終妄天監司占術豈靈聞道九重
猶吁食未須杯酒勸長星

王兩公行看子

王郎高築忘憂館把卷扶藜日往還借隱得人心自放亢宗
有子意相關觀魚齊覓濠梁趣疊石平通委宛山絕勝吳門
仙眷屬天都雲海漫追攀

題高贈君遺像二首

關牡橫飛事不支黑山青犢合圍時執戈雅慕姬公叔并命
何慚卞望之碧草千年生故宅丹綸一紙下形埤中丞化厲

丁十六 乙稿四

六

金陵叢書
蔣氏校印

還佗日空際靈旗我所思

益州遺象至今存肅穆清高古達尊要使須眉留宇宙從來
忠孝耀家門羽林悲注孤兒籍宰樹榮承聖代恩言采漢毛
侑芳醴昭忠祠下爲招魂

題汪大家幹詩卷二首

連牆久踐元稹約三徑難招蔣詡來豈謂風塵迷故里翻令
蓬梗合蘇臺時艱各具憂生感會促能無笑口開記取白公
祠畔路茱萸同覆掌中杯

王孫遣令觀殊達小謝聯吟興不孤已辦頃田供秣米更拚
百萬付樛蒲那須簪紱通朝籍自有襟懷邁腐儒姚我平生
墮塵俗看君高論著潛夫

錢譜書後

國法紛紛幾變遷且披藤紙拓松煙千秋山澤騰精氣萬國
梯航入賧錢聚鐵造憐同秦主禁銅還記太和年茅柴三百
翻需汝一度披圖一曠然

四明秋望

海上提琴願已違天涯託蓋計全非心懸北固帆千葉腰減
東陽帶幾圍戍鼓夜驚棲鳥起江湖秋挾怒鱗飛會應石墨
通禪契一訪明州老布衣

虎帳

虎帳虞幡壯麗譙北來飛騎望迢迢侍中儻解平裘甫狂客
須防就燙霄斥候西通黃浦戍鏡幟東撼赭山潮深慙磨斤

一十六

乙稿四

七

金陵遺書
蔣氏校印

無才思日把鏡歌譜短籟

題李月湖京雍詩卷

紛紛銅馬嘯邊風槐市經聲隔輦紅賓座分明鷺杜牧諫書
慷慨出陳東臨流擊楫憂生亟把臂論詩取徑同有幸紀羣
叨末契得緣問字過盤中

贈王樹人

大隱蕭然近市塵酒瓢詩卷寄高情署銜姑託羅公福結客
何如願阿瑛千里輪躡思北闕一帆風雨下東瀛相逢欲曙
登臨興對此茫茫百感生

桂樹淹留未可期萍蓬會合又經時關河歷歷夸身手霜雪

駸駸上鬢絲才退慚爲元晏序功深證取達夫詩驪駒不惜

當筵奏鄭重河梁酒一卮

南洪港大風

水程信宿憂心煎卻拋戰艦承租船高桅上下抵百指短籟
屈伸頗多肩沈浮自結鸛鷗隊忠信可涉蛟龍淵騎危履薄
古有戒荷鋌欲覓東陵田

杭州雜感五首之四

萬福威名蓋世豪上游日日擁旌旄敗會棄甲功難拚死尙
銜須節更高蜀道歸魂悲杜宇江干靈氣壯胥濤中丞化厲
終何益孤負蒼生望眼勞

辟穀無由學上真起看道殣一傷神菜香暗引窺園客糠粃

遙憐冠玉人戶盡斷煙非禁火書成乞米那關貧可堪藥籠

一十六

乙稿四

八

金陵遺書
蔣氏校印

供搜索麥麴山菊是異珍

青犢紛紛萬馬屯九街風雨日昏昏官增都尉名搜粟吏豈
催租夜打門荷荷苦飢多稚子淒淒裸葬感王孫即看比戶
誅求盡十室曾無一室存

開道三衢建將壇烽煙可許報平安倉中矯粟思河內闔外

援師盼賀蘭依約旌旗黃鵠艦淒其爨火紫駟鞍元戎倘奏

擒袁策鏡吹軍容拭目看

感舊述懷奉寄李二仲綸并示仲妹愉卿五首

君是彭宣我戴崇後堂絲竹獲從容鯨鯢忽湧江間浪瀝鳥
全分海山蹤展齒饌黏興福寺舵牙迢遞莫釐峰荒陵下馬
秋蕭瑟回首師門意萬重

說劍談兵劇可憐吳根越角足烽煙瘠飢暮拾寒林橡度厄
宵參火宅蓮沈炯羈棲惟奏表庾冰倉卒更乘船歸來息影
南溪畔金盡窮途正黯然

衣錦風流若可攀天門如畫洗雙鬢磯通黃鶴湖初下書附
青鸞客未還他日趨庭遵歌浦此時築屋對淮山添丁贖慰
含飴望爲報尊親一解顏

郢曲音高欲和難迢迢牋字寫平安憂時不少長沙策得路
休忘貢禹冠棠棣定知鐫翠琬檳榔未擬叩金盤天閭映麗
青無際遲爾秋風刷羽翰

草草分襟憶海虞別來眠食復何如青廬南陌于歸日白舫
西冷擊汰初內集久疏飛雪詠長征爲寄大雷書瑤環文葆

丁十六

乙稿四

九

金陵遺書
蔣氏校印

勤珍重宅相選期比魏舒

次韻寄太倉陸龍三宗雲上海四首

麗絕弓衣繡九邊法和丰度本如仙無人望氣求雙劍有日
屏風寫十聯采菊暫拋元亮徑飄蓬爲感仲華年挑鐙夜展
離騷讀廟壁重呵一問天

平安稍喜瘞烽消棲泊休嗟郡縣僑幕府北增京口戍樓船
東瞰石城潮可能囊底陳遺策會見軍中奏短箭猶道蒲輪
徧巖谷問君幾日赴旌招

生還一櫂越江邊日把寒泉薦水仙今雨愔愔成契合晨星
落落快球聯不堪辟掾工三語略擬樵山傍百年惆悵草臆
通訊處春申浦上浪黏天

相見於周葆
市尤寓齋

淹遲未免壯懷消縞紵深慚醉贈僑孤笠罷聽三竺兩片帆
歸趁半江湖庚辰古蹟尋金鑠壬戌前游憶洞簫差幸淮南
多桂樹小山嘉客若爲招

丁十六

乙稿四

十

金陵遺書
蔣氏校印

柏巖乙稿卷五

金陵叢書丁集之十六

上元凌煜

六言絕句

別致園三首

洞裏闕天一罅盤中占水三分鍵戶關來山色開窗放出爐

雲

東道十千取酒南塘第五名橋別韻乍敲苦竹愁心已卷甘

蕉

越鳥徘徊暖樹海漚縹緲滄波琴尊此日暫隔笠屐佗時再

過

珍叢仙館

丁十六

乙稿五

金陵叢書
蔣氏校印

未辨枕流漱石已判臥酒吞花曉起三竿白日夜深一口紅

霞

七言絕句

琵琶

琵琶一曲鬱輪袍紅燭當筵夜月高千載知音何寂寞風流

還讓薛王豪

遊仙二首

直上重霄啓寶筵萬靈紛沓聽環天瑠鐘鏤管今安在西狩

歸來亦可憐

盼穿王母駕元鸞董謁乘雲夜未闌遮莫春歸歌一曲壽靈

壇下晚天寬

滄波門舟中口號二首

平岡面面截肪齊天印分明跡可稽何日青山復飛去蜀中

印取武都泥

水底游鱗去復來橫波魚鮪鱗相排榜人打槳行還住且待

前汀葦戶開

妝閣

妝閣蒨粧象靄濃錦帷深處著芙蓉不堪咫尺成孤負便抵

蓬山一萬重

和徐丈

百八蒲牢證耳聞松篁深鏤一溪雲上方難住名心在輪與

西峯野鹿羣

丁十六

乙稿五

金陵叢書
蔣氏校印

甲寅除夕二首

去年今日客張溪柏葉椒花客裏題今日有家仍作客尊前

拚得醉如泥

守歲無由共阿戎片帆高挂海門東遙知永夜思鄉切官閣

春盤爍炬紅

題柳始是小像四首之三

冷雨淒風暗獄扉藥籠小慰旅魂饑挑燈爲和黃州句黨籍

重翻願已違

贈來珍重比雙南料理香花供一龕惟有東山謝安石解將

碁墅乞羊曇

春風吹綠上藤蕪盛澤溪山入畫圖漫向窗西擲紅豆昔時

庭院已模糊

何魯生贈扇

勞燕分飛酒一卮叩門同是拙言辭願教在竹常爲扇猶似

溪堂聚首時

漁父詞二首

招呼侍女臉金盤十萬渾愁下箸難昨夜空江風雪裏瓦燈

無餒荻花寒

舷邊安棧立魚應柁尾欄波下晚昏網得銀刀天欲暮緩搖

雙槳過松陵

山中元夕四首

紛紛竹馬鬪兒童鵝鵝分行百炬中不比三郎兆邊事板牀

旋舞大明宮

蘭陵面具假羣俵班劍儀鎗次第陳卻侶皇都肅金令禡牙

分祀五猖神

蒼鵲參軍窘沒禪幾枝田燭舞蹲蹲纏頭破費知無幾呼酌

山家老瓦盆

驍騎營前火鳳齋白衣庵外玉蟾圓故園說著成淒斷不見

菴山漫五年

聞雲贈晉文歸八卷賦此奉舍三首

六朝綺麗尊駢體西晉文餘東漢風可惜銅駝委荆棘不令

江統徒諸戎

梅家文紀搜羅富牙軸重重購致難八卷雄文勞賜與玉盤

佗日報瓊玕

亡書三篋愁無那舊帙重看意氣增手把丹毫錄別字豆棚

飛兩上秋燈

溧陽舟中二首

軍船泊久就消磨湛玉無靈海不波多謝使家勤點視斷桅

敲柁滿官河

猛雨雄風勢合并秋禾遮莫敗垂成高田半浸低田沒萬馬

奔騰是澗聲

南嶽二首

香涇不署錦帆名勝地居然屬少卿聞道停車苦風雨有人

書閣乞長明

鱗鱗塵次夾脩渠翠棋丹榭切太虛築得南樓充大隱洞庭

煙水較何如

吳山

吳山立馬意何如焦土連雲萬木枯漫向南屏理雙槳四宜

亭上望西湖

題子韶詩卷有懷李二仲繪三首

叉手猶嫌刻燭遲渭南宗派少人知即看萬首編全集不待

巴船上峽時

吟朋酒侶滿蘇臺秋落梧宮事可哀忽憶題名狂李白秋風

千里向徂徠

君正驅車佐算緡僕將挂席向蛟門聯吟會合期佗日共把

乙稿五

三

金陵叢書
蔣氏校印

乙稿五

四

金陵叢書
蔣氏校印

茱萸對酒樽

鉅月館卽事

曉日烘檐霜更滴晚風吹帽酒初溫宵中不作聞雞舞笳鼓

喧喧攪夢魂

渡江見狼山戲成一絕

黯澹征衫點麴塵東歸賸得苦吟身青青撲面如相近惟有

狼山是故人

伯家內弟以畫縣便面見惠賸之以詩依韻奉會五首

不緣塵起隔元規珍重雙南下賚時欲爲通仙傳骨格暗香

浮出畫中詩

桃簟涼生月半規雀羅衫重酒醒時照春屏側花如錦可有

一十六 乙稿五

五

金陵叢書
蔣氏校印

迷香九種詩

堂堂圓陳合如規江北江南盼捷時獨倚扁舟過采石錦袍

祠下奏新詩

煮字難求髮一規飢驅又到叩門時趨庭會理寒江權共和

軒轅石鼎詩

立秋後二日偶占

穿檐風驟蠅垂翅繞井潮生蚓失泥自買紗籠裝絡緯夜窗

聽作雨淒淒

霧閣

霧閣雲窗曙色新豐容盛鬢妙無倫當墟莫憶春風影別有

茶嬌善泥人

柏巖乙稿卷六

金陵叢書丁集之十六

上元凌煜

江行雜詩

題段文波學海所畫紈扇圖與化作

長信秋風一夕知，篋中紈扇感經時。猩紅花豔垂釵小，孔雀

羅香輝袖運背面，漫誇周昉畫合歡。宜唱謝芳詩，似聞京兆

風流甚，斑管蛾眉仗護持。

柯古才高世所聞，家山情話最殷勤。忘憂獨奏梁園賦，招隱

誰移蔣阜文，舊雨分明襟上酒。春風省識鬢邊雲，驚鴻記索

飛蟬贈零落苔牆澹晚曛。

哭大兄岱青丙鈞

乙稿六

金陵叢書
蔣氏校印

一个從今弱宗衰，已可知。羈魂縈易水，凶問到淮涓。不得科

名益翻增客，死悲蒼涼身後事。晚息失舒祺。

望青山

謝公今不作，日對謝公山。詩句猶堪問，風流未許攀。亂烽迴

客展空翠，入秋顏只尺。拾遺墓英靈定往還。太白墓在山下

客中

客路行無已，清秋興不窮。僧樓黃葉雨，估櫂白蘋風。瓶盞隨

綠熟，江湖感遇同。未妨隨俗士，呼作信天翁。

菱絲

繚繞菱絲亂，侵尋客緒孤。菱舟如可濟，飛渡射陽湖。

過天門山戲吟二十八字

龍山已過九山來，江繞天門兩扇開。此是人間雄勝處，題詩

須辦謫仙才。

大黃洲夜泊

太白樓中畫壁飛，大黃洲外片帆歸。多情惟有西江月，肯爲

離人駐曉暉。

烏江

畫行衣錦復何時，垓下圍深事不支。多謝江東賢父老，雞豚

爭賽憤王祠。

題當塗張載雪明經園屏詩卷

登樓誰把謫仙酒，多難始識驚人才。波濤可涉忠信在，冰雪

既盡陽春來。北征詩句足悲壯，南飛烏雀休徘徊。韓陵片石

賡堪語，披吟略遣雙眸開。

乙稿六

金陵叢書
蔣氏校印

大信題壁

重圍潰處萬人驚，打鼓回帆阻去程。竹箭江流寒乍合，梅花

山店曉初晴。倦游休歎黃金盡，長嘯微聞寶劍鳴。爲有南州

諸將在，忍令狂寇日縱橫。

陶村冬日

霜鋪屋瓦輕，綃色冰裂陂塘碎。玉聲應羨負喧，諸父老芒屨

茸帽話冬晴。

歲莫書懷二首

稍喜軍容整，難憑眾志齊。亭烽迴夜雁，鄉夢破晨雞。殺氣兼

多肅，空波入望低。蘆中幽境在，窮士仗提攜。

旅居鄰水國卑溼尙侵人磊磊肌生粟森森腹有鱗藥求江
上店金盡客中身孤負停雲望天涯白髮親

江村臥雪

異鄉迫嚴冬游子嗟負米朔風盡夜號閉戶深庵裏時聞隔
膊聲樓禽衝雪起

壬戌除夕

一年今夕在漂泊感途窮客舍仍江上高堂只夢中屠蘇春
酒碧蠟炬曉花紅猶幸逢知己天涯慰藉同

咏古蹟同朱少琴承所作十二首 荆山一首

水戰閩人習南軍豈盡諸君看平海績終必出施蓋黃天
養兵三十年孰謂將材寡譚笑卻女真雍公本備雅 采石

十一 乙稿六

三

金陵叢書
蔣氏校印

詠史了無人空江鱗煙霧莫更乘租船州家要和雁 牛浦

畫燭搖江影孤亭夜色昏幽明休閒隔水族會加恩 然 厚 奉

日暮霞成綺江寒浪縮沙不堪懷玉樹望望祗蘆花 宮 錦 洲

寂寞宣城守荒祠掩綠苔階前低首者 有 謫 仙 來 謝 公 祠

百尺瞰春潮仙鯨跋浪驕無人尋畫本一任費精焦 太 白 樓

一峰鶴出林三峰蓮吐萼大山宮小山取證雅名翟 四 合 山

牢落沿江戍銅符控一州可知蘇內史廷尉望山頭 和 州

江水原通蜀江雲但繞吳瓊環歸月夜時有杜鵑呼 續 磯 廟

春草古臺空旌旗在眼中射蛟人不見憔悴杜陵翁 射 蛟 臺

放歌贈少琴即效其體

舉頭向天天可呼底須千二百驍投於壺戟手祝地地可縮

不待萬歲蟪蛄劑爲藥偶然側身天地間雙輪推濕摧朱顏

芒芒今古一邱貉惟有著作留名山我昔乘扁舟揚帆采石

口捉月騎長鯨仙人事烏有飛來奇麗詩百篇快塵規步青

運後作詩者誰今朱家文采炤爛丹霄霞自言三十院鄉井

雙屨僕僕淹泥沙安能文章通神筆有力青馳蹀躞一日看

徧銅街花吁嗟乎勞生亦略嗜文字垂翅江湖獨顛顛柯亭

取竹道不孤磨蝎臨宮天所忌盡若焚筆研爭錐刀師計然

宗弦高多錢善賈利可操道德仁義皆鴻毛不然腰弓手矢

追逐健兒後猶得棄金肘印磊落稱人豪一剎那中百年事

東流日夜何滔滔歌成請君放眼望天末但聽天門策策浪

激東風號

十一 乙稿六

金陵叢書
蔣氏校印

次韻會和州陳瘦生梓

試燈風裏霧戎戎小酌江亭酒力雄天上寄愁空有統世間

長樂已差馮江湖難得雙萍合肝膽相期一劍同莫笑蘆中

人瑟縮陽秋猶錄伯吳功

過陳家洲感賦二首

四面山光一縷沙黃堆蘆葦綠桑麻可能此地成僑縣安置

流民十萬家

殘寇紛紛釜底魚和含軍事近何如土膏脈起春耕亟爲報

元戎迅掃除

題李藍田崑玉詩卷

相逢未許繫征驂展卷空驚落筆酣認取離亭判袂處杏花

春兩大江南

泊大通

江水拍江隄收帆日向西魚苗銜沙上鳥翻搶風低旅困愁
囊藥軍行蕭鼓聲烽塵仍擾擾何處武陵

丁家洲懷古是夏黃似道孫處

大從東來萬騎連在勞師相出籌邊南軍自失青龍艦朔氣
全橫白雁天孫夏倉皇謀已左廣陶支絀祚難延端明三策
堪千古把卷臨江一黯然

書李二仲綸詩卷卽以志別二首

扁舟共沿沂東指荷葉灘居然一日程洵洵阻風瀟解裝誦
新什祭目雙明珥食向遊已雄僑肝道未關所冀法古初真

丁十六乙稿六

五

金陵叢書
蔣氏校印

氣常鬱蟠滌筆冰雪中悉令華詞刊元音奏韶濩鄭衛焉得
千長嘯聆蘇門半嶺惟昆鷲君家老拾遺骨采胎建安昌谷
稱後英奇麗猶可觀工茲亦餘事寸心託柔翰庶幾風雅興
千載回狂瀾

四年一相見相見良獨難十日即爲別別路何漫漫積懷在
胸臆絡繹千萬端臨歧語不勝悽惻傷肺肝我歸奉板輿君
行據戎鞍受任有纒鉅各以才力殫浩浩江漢流日月馳雙
丸相期保芳譽努力還加餐

黃村舟夕辛酉七月運越時經此

迴榜鐘初動收帆鳥亂呼秋場明萬炬夜碓集千夫兩息河
災減年豐盜跡無空令懷國是漂泊在長途

題朱幹卿八駿圖便面

八龍日作瑤池遊霜蹏直躡崑崙邱白雲英英黃竹裂神駿
未合人間求噴珠沫玉汗凝紫胸息騰驤三萬里丹青零落
曹將軍史冊流傳穆天子即今四海多氛埃驅馳豈使驚與
駘昭陵六石像猶在我欲重歌天馬徠

十一六乙稿六

六

金陵叢書
蔣氏校印

柏巖乙稿卷七

金陵叢書丁集之十六

上元凌煜

上岡勝槩

百花雜詠百首之四

少陵閣筆儘風流銀燭雕闌夜未休便道無香渾閒事請君

騎馬過昌州

海棠

日暮牆陰咽亂葦偶從秋院覩春容紅冰欲化青瑤溼錦字

何緣寄一封

秋海棠

嫋嫋朱顏水國秋荻洲蒼雪若爲儻鷺鷥飛盡斜陽晚搖曳

疏紅上柵樓

海棠

屋角牽牛放幾枝疏紅掩映早秋時衙門菽水饒真趣爲爾

丁十六

乙稿七

金陵叢書
蔣氏校印

扶藤上翠籬

豆花

題李慰齋秋林秣馬圖

疏林葉落號天風解鞍卻立雙花聽旋壘隔目氣深穩六開

龍種將毋同四蹶踴霜霜力重錦韉不設金鞵縱驥首如鳴

飼秣恩簡雲待效驅馳用李侯愛馬蓋入神相馬亦過樂與

獸丹青尺幅志千里集賢妙墨空前人噓吁噓賦騁騶古

難得努力層霄養霜翻曲江宴處杏華紅遠整璣璣看春色

與少卿過培園漫題二十八字

繞池竹作交加翠夾岸萱開爛漫紅消受冷香上詩句水軒

不斷芰荷風

贈高子安舍人二首之一

將父余慙甚皇皇陟岵歌授餐情更切饋藥感如何霜下吳
宮草煙開蔣阜蘿一尊粉社酒此願未蹉跎
書感五首

河梗潛難治藏身一疏陳只聞占黑糖未可感黃巾罷諍仲

良史深哀愴故人所嗟巢卵覆江渚碧粼粼

士儘僧騰募鋒難曳落當一旬營墨守千堆擺雷碾激吹劉

琨壯驚魂魏澹忙魏城宵失計援盡竹圍張

直入無人境前軍潰曲阿先徵誣彩蝶迅走健青羸日上樽

桑咬風旋獨柳多劇憐徐孺子祠石轟嵯峨

玉艇無親奮纓榮有忌災要令陳兩觀差免穢三臺運阻租

庸調兵連汴泗淮禁中頗收在亟與掃氛霾

丁十六

乙稿七

金陵叢書
蔣氏校印

濡水回鑿輅數天望中興最宜嚴版索聊可庀金繕下瀨戈

船肅縣機旂石仍詎知徐福市萬里炯禪燈

題畫蘭

接葉雙厓點錦苔春風披拂數枝開層霄不少金莖露次第

芳叢迥受來

客中書懷次仲綸均卻寄四首之二

海水天風一曲琴流光彈指去來今曳裾自漫三年刺叱版

空懸萬里心化後銀杯虛故篋夢中銅策隔秋舍居然深拚

蓬蒿徑二仲羊求斷足音

不定狂名壁上紗征鞞聲喪度年華頗聞鷓鴣橫并騎無復

龍團進建茶籌筆倉皇星使節誅茆安穩野人家踏歌要會

汪倫意記對春潭一樹花

儀亭先生以商父癸占周析孫宗觚漢蟬文厄三器自畫便

面率題長句

鬱金蘼落香徑燕危言日出觚不觚土花沈沈二千載粉本
重規宣和圖陽冰好古遠拓致舉扇倏忽氛塵驅金精墨彩
五炤燿錯峙朗若青珊瑚中尊屬占利灌地提梁圍腹雲雷
紆曰父癸作款識勒咳名甲乙商權與廟中用修增人職拜
受往往臨丹除析孫宗觚實周器土古水古文模湖南鄉白
羽楚邊地宵坎曾詭秦人書年信公杜注十五乾谿蒲宮析父侍
直聲嶽嶽凌鄆都大夫立廟庀祭器若貢紀飯尊魯壺分宗
繼別義取析傅會頗怪前人迂蟬紋之厄漢京作節飲預戒

一十六 乙稿七

三

金陵叢書 蔣氏校印

首有濡餐風咽露性獨潔蛻化滓垢徠清虛將母持奉未央
壽奮袖起舞龍顏舒商周質文漢工巧尙方程式追桃鳧二
升四升受懸判有當無當用各殊安能一一盡羅致發娥合
璧星連珠長歌聊用綴方麴石鼓逸矣才尤驚願將神畫恆
什襲毋令寶氣驚三吳

又題儀亭先生自畫雜玩具便面

生平能著履幾兩鳩車娛罷扶鳩杖嬰戲堪爲歷歷圖畫禪
早證非非想玉虎牽絲轉轆轤東闕點筆午晴初懸槌待叩
茶邊鼓挑菜粗供竹裏廚春風作意吹蟬雀墨采橫飛轉歡
謔竹馬疑迎郭細侯蠟珠劇賞王僧綽瀾轉軍聲忍具論紙
爲前度陣雲昏深慚偉畧提戈印只辦鄉愁付酒尊石城氣

壯山河在館篋妖祥臣皓采定有神丹汲井華未須力士求
滄海積雪分梨歲月馳黃塵莽莽髮成絲山陰佗日圖支許
賦色還推李伯時

句

儀亭丈爲元卿畫雜花枕屏羅列古鞞古銅器甚具爲賦長
雙桐寂寞雲林閣草檄逢君共軍帳淞波一舸儻花溪對牀
風雨今猶昨昨奉潘輿鏡水涯畫屏點檢舊煙霞編籬密護
長春樹移石旋栽第一花鳴鶯坎坎蒲帆促二月漸江春水
綠蠟展遑探禹穴奇銅琶又譜吳趨曲吳根越角屢經過子
野清吟喚奈何已辦蓀牀安翠簟可無斗帳復紅羅鵝溪一
幅臨中座接葉交枝花矮婿榮高兼樵趙宋圖軒窗迴得發

丁十六 乙稿七

四

金陵叢書 蔣氏校印

皇臥隍鹿模黏悟后蕉宵中吞篆若相招山陰竹主誠清絕
湖上梅妻太寂寥奉匱吹鼎袖前牒料理江頭繫雙楫佗日
將羅集鳳皇此時選夢憑胡蝶胡蝶翻飛錦一羣月廊露井
各氛氳詩城自闢辛夷塢香海誰辜甲煎雲雲飛卻度逍遙
館三徑黃花香滿滿視景侵尋過八軛畫眉遮莫儲雙管殺
粉調脂院體工吉金樂石賞心同松廳浙瀝層樓上筆彩分
明一枕中由來元鎮矜高格畫派期君振煙墨更覓生綃寫
臥遊山紅潤碧爭顏色

題儀亭丈畫花樹屏風六首之三

毳門灼灼閃春星擬寫猩紅入畫屏憶否東闕雙燭下新詞
高唱玉瓏玲續珠海棠

寶曆黃生月一丸紫蚪香舞碧雲端交枝接葉春無際爲展

丹青仔細看珠聯黃月季

霜臺迴望綠交加東閣詩成髮已華輸與仙人稱健在海山

處處有丹砂柏樹梅千年健

季纘創製連環箋題二十字

雙環絡側理用代烏絲闌思君十二時亦如環無端

靖江道中

短劍輕裝薄笨車馬馱沙昨日初斜新潮入港動菱葉疏雨

滿山開豆花足繭未辭躬負米腸枯卻遇客煎茶塵纓暫解

機堪息且覓吳興十畝瓜

舟中雜詩四首

一十六 乙稿七

五

金陵叢書
蔣氏校印

枯棹轉水雪花飛桑葉深深稻葉肥行過溪橋更幽絕綠杉

亭子白扉扉

烏柏作花高出檐青蒲柚葉利於鎌數家臨水戶初啟一縷

炊煙繞屋尖

蕭蕭葭菼晚煙生打槳前汀略約橫無數野花波際立縷霞

珂雪看分明

輕雷隱隱雨還風頃刻斜陽漏晚紅八尺桃笙涼侶水居然

秋氣滿孤篷

八圩港渡江舟中望君山甚奇麗晚泊青陽鎮感賦

理榜發江郭中流見翠微傍山諸壘在耕野幾人歸殺氣隨

湖盡游燐藉艸肥無因邀漫叟歌罷一沾衣

乙丑秋興

夜窗羣籟息高枕見星河客髮逢秋落鄉心繞夢多漫營中

宿扇且辟北山羅近告徐方警龐助未偃戈

秋花銅盞畫筵爲慈谿謝芾卿作三首

一掬紅冰灑玉壺幾回竹葉引羊車南漳東洛多秋草仿佛

驚鴻只畫圖

款識重摹薛尙功土花苔繡判青紅瓦當別有奇文字都入

西清研史中

故山雲物說明州長泖橫塘總客游爲有迂詩寄松澗紫茸

香灌井華秋

題嘉興張小尹保衡詩卷小尹有海上昇圖

一十六 乙稿七

六

金陵叢書
蔣氏校印

軍城鼓角動高秋跋履初陪撰杖游辟地客矜江上鯽忘機

心逐海東瀕風塵瀕洞遲青眼家室蒼茫感白頭三復淮南

招隱賦小山叢桂且淹留

豆花繞屋竹侵垣排日經過奉笑言秋寺幽尋宜北郭春風

講座重南軒興飛酒社遶摩壘氣奪詩城待屬隄知有鄉心

訊雙鯉鴛湖西望碧潺湲

與阮淡泉宗沅話舊即送其之杭州二首之一

尊前約畧說杭州雙笠孤筇幾度遊伯國河山新造越侍中

旄節舊平裘葑開碧浪思循吏瓜種青門愴故侯遮莫巷南

懸犢處古槐斜照不勝秋

題狄海清二十九歲小像二首之一

六載平陵市蹉跎未遇君一帆胥渚雨雙展國山雲亂定成
初契天涯證舊聞何時坐蒼嶼尊酒對南薰蒼嶼在陽
門嶼在陽
花嶼在陽
多陽

丁十六 乙稿七

七

金陵遺書
蔣氏校印

上元凌煜

倪大師旦畫寒江釣雪詩意為賦長句倪字元卿

何不釣鯉鰲水滄霞裾雲帶多仙人
鷗絃一鼓眾鱗集迴風
吹水波粼粼何不釣鼉滄海上宮闕
金銀隔方丈樽桑日出
天雞號龍伯峨峨踏層浪尺幅分得江
天寬孤舟危坐把釣
竿爨煙明滅葦根溼灘沙依約蘆花寒
綸絲垂垂鬢須皎萬
浦千汀同一稿戩影原無吞餌魚繞枝
豈有歸巢鳥漁父鼓
枻前致辭雞蟲得失非所知衝寒聊驗
負冰涉結網不悔臨
淵遲幾人彈鋏風塵裏悟到忘筌成脫
屣東吳西塞一放吟
天隨元真兩知己陸張高躅當世無紅
衣粉本霜豪鋪同雲

丁十六 乙稿八

金陵叢書
丁集卷八
蔣氏校印

低空雪打屋展卷太息芳蹤孤僕家江
干君剡曲鄉味懸殊

蝦菜足準備銀刀及賸殘楊花點雪春
醪熟

季弟索僕亭丈畫雜玩具輒題二絕卻
寄

鵝眼百錢買得虎邱七里春時持侶棘
門諸將軍容何異兒

嬉

戲嬰畫於元筆玩物戒始宋儒恰稱鴉
又展視北窗艸木扶

疏

附李翔鸞僕亭作

大都采繡楹麒麟醞居然附薦紳莫道
衙官盡凝絕鳴

堂觀射更何人

黃胖春游彼一時廊坊羅列粉孩兒而
今兩鬢侵霜雪要

覓還丹萬歲芝

筠簋縣處待櫻桃茶鼓聲中轉桔槔何
日山窗理芳酌酒

胡顛倒月輪高

繡虎文成汲古深荒江老屋寄遐心溪
藤聊復圖嬰戲好

付冬郎竟夕吟

贈戴蓮之丈並德

芳田梅雨日霏霏竹篠東頭託與微巷
外車多虛鳳字池邊

潦積長蟻衣過從小遺芒屨阻警息遙
聞羽檄飛何不天都

賦招隱黃精香潤紫芝肥

三印草廬圖歌為王炳孝廉作

君公卜築依牆東夜虹繞甯光熊熊詰
朝造廬啟篋衍脉我

丁十六 乙稿八

金陵叢書
丁集卷八
蔣氏校印

三印牙質同文山希古各繫姓白文朱
篆深鐫製完人闕下

石齋稱將毋二酉初迴馳后先輝映六
百載大節鼎峙岱華

嵩牙璋軍旅藉餘痛魯戈共挽戰輪紅
景炎隆武勢屏絕廣

顛岡厥難為功空坑潰敗發源止朱鳥
朱鳳雙樊籠朱鳳籠

石石印子子印贈北平兵起國全盛燕子一
啄倉琅空削藩發難異

畫錯踐詐說禮來周公君臣大誼焯千
古隕身湛族神因恫

文黃秩祀祔廟庶表忠祠宇蘊秋蓬蓬
蓬

百百十十學學以下以下讀書遜志溼生氣繼請佗日
干宸聰表微情乏董

狐筆好賢約墓繡衣風嗟哉碧菲邇鄉
土鐸雷不辟惟銘鏞

眼前突兀得畫卷靈巖樹岫紛玲瓏厓
門鍾阜槍弓劍雲旌

朝謁精靈通安能圖象追石室三印度
置祠梁中更將佳楮

打萬木昭示鄒序開頤蒙終令百拜式目鶴不徒什襲珍楚
弓

別緒和戴子高望

幃外青綾孰解紛機中錦字但傳聞紅鸞苦傍三花宿彩鳳
終愁兩翼分桂樹重重圓月魄匏瓜歷歷動星文秋窗幾處
鳴刀尺略遺飛蓬上鬢雲

附原作

如水華年別緒紛美人消息斷知聞霞光朝暮飛難定山
色陰晴慘不分密誓有心酬白水私情無路寄回文秋星
耿耿闌干外清淺銀河欲化雲

贈德清費以羣

下十六

乙稿八

三

金陵叢書
蔣氏校印

睢陽矢盡悲前事浯谷碑成復此時諸道烽塵收戰壘百年
喬木發新枝傳家卦影惟通易繞堞雞鳴一誦詩無限蘋花
搖暮日汀州未礙刺船遲

長干一首次子高韻

浮圖已燼昆明灰岡隴斷續江風來古甌豈有赤烏見梵刹
卻傍青鸞開四花飛墜渺難再連峰童禿吁可哀預愁幻術
逞西域彈指涌出金銀臺

附原作

長干塢影已成灰曾見滄桑前度來山鳥翻飛林木盡盡
龍蜿蜒戰旗開望中雙李西南滿夢衰笳聲城闕哀長嘯
長歌更何意拂衣直上雨花臺

寄題張訓導鴻卓藕花吟樹二首

珥筆宜陪第七車竭來海曲結精廬依依翡翠安巢處灼灼
芙蓉縱自初玉簪孤吟清照句草窗閒訂弁陽書憑將樂府
通詩教肯藉齋盤樂有餘

三泖涼波刺權還茶經市上譏仙顏圭塘高詠留先集華表
新愁滿故山展卷欲呼漚鷺侶汎槎知在斗牛間所嗟烽火
連商雒玉井蓮花未可攀

蘓之丈爲治卿先生畫梅率賦

喜神譜梅守惟謹畫者紛紛事鉛粉乾嘉以來此道昌前有
冬心後琴隱欽州戴君琴隱徒筆硯追陪始韶齋破琴久矣
嵌凡聲嚼墨猶能發忠憤官亭促席條風尖佳楮橫鋪几初

下十六

乙稿八

四

金陵叢書
蔣氏校印

披解衣榮礪寫數枝雪礪冰厓絕塵空清標雅與元章齊高
格將毋仲圭近主人愛客開華軒膝爵飛箋供笑聽仰觀蚪
幹張素壁不覺寒香溢胸蘊籬落焉知富桃李齋廚聊取充
葵藿乞君一紙證畫禪坐對黃梅欽枯吻

又題畫石

蒼雲出仙嶠竒秀殊凡姿白榆墮曾霄入夜光離離星精絡
海氣結此石骨奇使君東坡儕取供比仇池听然命伴狀春
風披堂帷放限度側理擅衣研隄靡三法皴瘦透榮礪工所
施沓觀擁門限仰歎位置宜賤子忝石交撫石前致辭繁昔
媧皇初煉補完傾嶽六鼇戴蓬山磊落扶坤維巍巍石功德
天地同成虧介于既占易攻錯仍賦詩一柱凌中流百川迴

瀾漪委形託江梁踐履恐已卑異說米芾拜吳矣張翥持願
言備清玩永無刊泐期尺幅訖萬勿墨妙矜伯時
贈婁丞金子久

輔吳舊壤乍分符猶記花谿理榜初抱牘從容松下判放衙
安隱道南居五茸春草廣唐句七葉金貂問漢書解識農田
瀕澤國可無官志續河渠

觀西園先生猿猴聽經圖遺墨因題卷尾
甫也諸侯老賓客瞻拜卻悔余生遲緜經了悟指頭月守歲
偶賸燈前卮千秋文藻炤江國兩種手筆留裝池六丁雷電
搜不得齋壁夜聞搜報時
別阮少尉

丁十六 乙稿八

五

金陵遺書
謝氏校印

津亭楊柳促征塵倒屣天涯快合并綱運曉經揚子院帆收
暮指秣陵城逡巡驢唱酬前別鄭重鸞柄副盛名料得水窗
吟嘯處日揮神筆畫江聲

菊蟹石榴畫幘題寄妙相庵主者

行沙郭索空禪縛充眼黃花發妙香判取智珠圓法性若樞
顛顛綴丹房

南朝古寺音塵絕北郭精藍水石存憑仗丹青作屏幃風姑
花下理吟尊

詠畫蘭

添將綺石點芳叢仿佛幽人空谷中葉落花疏根著地未須

規步所南翁

昇州蘭派揭公存放筆重看寫露痕別檢離騷譜芳草看君
日引玉昆侖

元卿畫梅枕屏偶爲蠅矢所污購索重繪輒題一絕句

誤筆成蠅妙可知不堪搖翅集南枝費君五尺鵝溪絹更遣
寒香出被池

附季續弟同作

與君乍離仍合大似羅浮兩山卻望山中翠羽參橫月落
飛還

房櫺曲

曲瓊低挂房櫺窄蚪箭丁東月華白十圖愁鎖空同眉一樹
春歸壽陽額吹空鈿笛知誰家玉纖擎月來瑤霞南枝橫斜

丁十六 乙稿八

六

金陵遺書
謝氏校印

北枝矮翠禽永夕嘒啞啞封題卻寄同心者檢到香紅淚成
把有時飛夢度關山夢回殘影搖霜瓦

兩暮抵舍簡子高

溼雲壓露懸秋霖蟻展那免街泥侵瓏籠籬鞠紺毫相交交
檐鳥頻伽音墊巾悔被俗流覺露處永歎滄波深遙思居士
住西治山閣一燈披畫幃

附子高和作

崇峰如屢環荒臺苦寒細鳥尋枝來霜風弄影照月水羽
毛澤波翠裴回遙想故人背對酒獨看夜雪驚窗牖裁詩
呼值遠寄將仰視譙樓落星斗

治卿先生命題雪夜度淮圖次王文公酬和董伯懿示裴晉

公平准右題名碑詩原韻

癸甲之際吁危哉沿江制置事不諧兵氛歲歲終吳楚夜中
匹練橫星街淮西有寇寇曰捨穴蠃羣門南柯槐豈無幕府
事招討未免經撫成遠乖彭城使君負大志請劍有誓除狼
豺方冬轉餉道渴水同雲壓壘森暴骸側聞狡兔倚深窟頗
類點鼠緣枯藪威稜震盪馬力迅磨食幾作齊鷄哇斬關突
入俄頃耳三狗縛至形崖柴旌旗飛翻火束繮鏡吹駱驛語
雜俳虛囚縣治縣城最功上軍門迎勞良稱佳當其寇騎悉
眾至間道幸不趨邪孤我軍阻河伏盡起穀滿將發箭出教
渠魁在檻氣全敗雪月照耀迴風羅壯心既探穴中虎餘怒
亦式車前電因知兵事貴神速決算未可豪髮差尺書薦士

一六 乙稿八

金陵遺書 蔣氏校印

文高書張說顛末端敏公雅具褒賢懷黃墟車過腹將痛思舊
銘與蘭成偕中原莽莽足烽燧官曹資格仍推排從戎中更
十稔久持重惟覺羣公皆天書煌煌昇旄鉞期定河洛綏秦
階廓清摧陷各有當順昌一捷專江淮頻年心力瘁兵仗藝
事究及桃危儕欽州秀州更吳郡蠟屐又蹋鍾山崖披圖
憶勝枝動疊韻兼狀馬耳埋追陪幸獲廁賓從賞心妙跡瞻
高齋滿天鱗甲燧寒水銀海眩入雙眸措平淮偉烈紀常武
和之畫派羌尋涯宋馬和之畫天毛府會看庭桂噴蕪雪山幽

授簡羅松牌

梁昭明太子讀書臺
神軒如漢渚靈氣翺高謀遐設天監初前星何昭回四聰發

韶此六藝窮根莖東朝服既御金蟬冠崔嵬環案萬軸書寄
闕百尺臺雲暉映江發爽籟當軒開籟芸十行下簡竹翠妙
該伐林親祀梓遵海奉珊瑚撫監信多暇賓從成儻才雍容
元圃筆漱瀟華池杯焉知空鷲鶴超然軼氛埃帶孔移中廬
孝謹史所哀樂賢昔榛梗同泰今蒿萊庶幾文選樓炤耀刊
江限清音樂山水日夕成裴徊

史忠正公牙印歌

聖代褒忠典綦盛專諡南都首忠正禮賢館廢城屢燕遺印
摩挲辨名姓公昔寓書睿邸前君臣大誼聲淵淵朱鈐六字
附牘上伏蒙純廟嘉其賢茲章八篆公小印史哲師輔臣刻畫
精嚴牙質潤吳興侍御遠致之學周傳藏御藏弄文房充寶鎮維

一十六 乙稿八

金陵遺書 蔣氏校印

公受記忠毅門金貂壓雪冬窗溫死瑞死綬並不朽心印皎
皎丹霄存公筭南樞贊機密是時中原寇方劇倉皇五馬浮
江來秘讖標題福王一怪說四鎮區鴻溝公獨赤手施維婁
畫淮聊作守戶計立謫羌執盈庭謀中流擊楫猛回首燕子
春燈勸杯酒印纒綬若繫何人都督滿街職方狗迴車痛哭
高興平重關去吐待左兵禁中定策有國老地上投憤無長
城霜鐔晶瑩噴紅雪十日驅屠那可說握紐因悲碧血沈
函宛見長虹結我慙著論伴計東頗欲把酒追崔忠公琴嵯
峨限江水梅花夾嶺風雲通石齋稼軒公等伍印闕下完源人牙

規訂人譜

本氏印闕下完源人牙 規訂人譜

柏巖乙稿卷九

金陵叢書丁集之十六

上元凌煜

朝陽已巳

朝陽輝麗譙翠氣雜紅采冥想登明前金鵬浴滄海洪厯繁
無端秉燭遊堪待不惜芳春徂所恐朱顏改

次倪元鎮與張伯雨登溪山勝槩樓韻題倪田叔破浪圖卷

子

知君骨重更神寒未合樵風賦養閒一權碧臨滄海水千巖

青夢越州山龍魚超跨層霄上圖畫分明尺幅間我欲帶經

耕沙社收帆惟有鳥飛還謝元賦

冬榮課子行看子爲石均丈賦

一十六 乙稿九

金陵叢書
蔣氏校印

抽毫命簡小山幽深喜傳神得虎頭玉樹蔚成雲砌秀天香

備紀月宮遊楹中書卷能貽後未外蓄畚必有秋聞道時清

儒術重貂蟬幾輩出兜牟

鄭重凌雲獻賦身冬心歷歷抱松筠交論羣記懷先子徑開

羊求託比鄰淡墨若題儀部榜輟紅蓮踏帝京廬桐花萬里

聲相和舉鬪爭瞻鳳羽新

己巳三月十九奉訪高子安丈出示所著自娛軒詩賦贈

羣紀論交二十年籬門重到展吟牋曾聞珊樹迎巢父欲買

黃金鑄浪仙歌浦湖聲樓檻外秣陵煙鶴酒樽前感音并入

山陽笛一過苔岑一黯然大詩客有柳門西之

候騎亭烽靜八荒在山遠志獨昂藏階翻紅葉簪毫倦圖藝

金萱綴帶長佗日月泉知姓字經年瑞草藉壺觴自慙四十

飛騰過敢擬新詩寄艸堂

屏風詩

銀甲初拋石華冷淺綠琴囊織蕃錦畫屏西畔繡簾東一縷

春風吹髮影憑將玉指按金徽遮莫愁深減帶圍欲對遠山

彈一曲伯勞東去燕西飛

洞房矮媵香蘭春燕釵蛇髻相鮮新刀頭遠夢繞雞塞樂中

圓譏繁何人雅步嫋嫋出金屋手弄雙環暗眉蹙車輪四轉

思無端願君珍重連城玉

大有丹青貌神女來路湘皋歸洛浦紅蕖芳杜故依然翠羽

明璫渺何許消魂重過鳳城南側聽鳴珂動曉驂料得背鏡

一十六 乙稿九

金陵叢書
蔣氏校印

斜坐處桂枝香染鳳皇衫

嶺雲峨峨舞丸髻輕容凌風柳腰細銘椒才緒破瓜年憐渠

未解鴛鴦字一卷文綈玉手搗維鶯嬌轉觸靈犀當窗休織

璇宮錦留得闌干玉筋曉

楊花

學絮疑無蒂依蘋小有波飛揚過藻井宛轉墮苔窠暖歌春

雲眼愁聆香雪歌當年張散騎風度絕靈和

題山石立鷹畫幃幃二首之一

四邊楓菊絢丹黃勁翮棲棧筆裏霜萬古雲霄意無限嶽蓮

宮畔又重陽

題畫蘭

雙厓交遠風十里香不已持此發清言偷然見君子
翠葉間瓊苞斜倚玲瓏石紉佩贈何人湘皋暮雲碧
垂若俯一溪拓幅擬萬丈履屨叩靈均幽芳來紙上
國香世所重亦分高下叢畫派溯金陵雅侶胡楊公

正月十二日枕上偶成庚午

矮檠斂寒輝虛堂澄夜色稍聞檐滴疏俄見窗月白暫此洗
塵心神仙如可宅

題畫贈余秋漁新婚王西林畫

復堂畫派衍邗城今喜瑯琊擅寫生卻扇知君成一願棟
風舊月風簫聲

晚霽

一一六 乙稿九

金陵畫書 蔣氏校印

遊魚吐沫苔生乍吹蛤喧池雨挂檐天際烏雲吹更盡斜陽

紅上屋山尖

郊南春望

獵獵朱旗颯麗譙春風吹面若相招檣竿影簇據邊市鈴馱
聲喧郭外橋稍喜年時得中稔况聞兵氣已潛消袁家步履

誰攜出不見楊花撲酒瓢

畫櫳

拂菻金多布金地大秦珠好飾珠宮問誰能識西來意翠鴿

紅鸚滿畫櫳

觀方小東刺史朔所藏延平太康二輒口號長句奉贈兼示

倪大元卿

枕經先生襟抱奇一官偶涉江之涓金石捆載書擁帷虹采

夜散員靈暉官權十日春風吹研凹冰水流微漸條然一客

雲林倪儻者踏限挈素綆解視乃得輒二枚仇池借客了不

欺撫掌既訖同嗟咨一輒小刊幕若坻延平元紀康陵時是

年政柄歸和寮工作裁省儉自治延喜崇德略備儀歛饒諒

出官府基一輒色黝膩築脂太康九年側署之曰湯某作謹

闕疑平吳久覆司空棋觀星遠酌華林扈千門萬戶工設施

民間疑埴宜編編相距百八十三期延平元年丙午至太康三年龍津劍合蛩駝依主人筆執奮怒貌分隸邕迎篆籀斯播

染歲曆千險襲寶重直過雙明琲炎不善識能徵辭紀元名

地史彰願延平升府大宋爲恩中光舞徽國師太康縣本陽

丁十六 乙稿九

金陵畫書 蔣氏校印

夏移次公遊釣實在茲風集郡閣禾歲蕤斷章取義義豈卑

儒林循吏堪攀追敝廬十笏倉山陲題躑羽化區兩窳先君亦拓本千卷完白山人四體書章印猶姚承元規禮堂度

此勤護持百本佗日尋甍椎宮瓦橋研閩乘輝鏡輒偈證非

君誰

六言二首效山谷

拍肩仙人飄忽抉目湖神有無昏衢罷然慧炬亂流爭挽狂

夫

榻外制之將軍舟中隱然敵國儘道眉間氣黃莫遣城頭雲

黑

小東以倉凌輒見贈並得觀諸輒拓本賦詩三首卻寄

大隱辭金門屈作抱關吏蕭條東北隅樵擔日數至譏詞饒
暇時選展問幽事遠睇後湖波近揖蔣山翠透迤面臺城昔
是宮省地茲邦六朝都經始吳大帝倉城達石頭道里約可
計建都因建倉一一規漢制郭廓故屢更地形良不易君曾
得玉環孔鑄赤烏字又藏三段碑將摹時最屬古緣非甚深
寶物豈苟致經歲披榛叢一旦發神秘請觀吳代甄半作今
體隸

吳甄夫如何打本能餉客再拜誦釋文高文据典籀甄字冠
以倉修倉亦題額談譚凌陶陳典守儼世澤天一或署旁標
題分架陌倉字首入形誼與凌長格陶修从卍彳變體漢碑
索玩其筆力堅勁落大小翻谷朗暨國山雙源貫一脈惟君

丁十六 乙稿九

五

金陵叢書
蔣氏校印

鑒賞真臨池擅夙昔內觀悟神采外狀辨波磔嗜篤聚更奇
奚翅芥引珀國朝金石家亭林稱巨擘翁王畢阮儔領韻稍
摺撫多君紹前賢語精事必覈銅柱立嵯峨寸匕安不摘
一甄倉凌字深勳剖馬肝損惠逮賤子楚弓義桓桓凌人古
掌冰王朝供鑑榮粵維承烈君統吳志名不刊嗣息與伯盾
班列偏將壇亭侯寵賢嗣封主組交長干華胄固已遙差幸
守一官數典比籍氏掌庾念子山拜受連城珍報之雙琅玕
千箱乃可求詩義足玩觀相期振芳譽恆此敦古歡

題畫

飛來是鶴漫嘲詞不傍青蘆傍綠荷好向水田拳足立江鄉

今歲稻梁多紅荷白鷺

溜雨參天異境開肯同凡草伍蒹葭臺門不少祥烏集似爾
能言僅見來古柏月季花

曉月

銀蚪浮曉箭寶兔吹寒輝皎皎猶當扁明明若去帷暗壁燭
華墜喧林山鵲飛無因攬餘景起坐理裳衣

季纘以紈扇屬宜亭丈畫闌爲賦七言十二句 辛未

齊紈皎潔鋪雪霜握手忽發猗蘭香安跗布蕊十數朶魚魷
產出閩中良仙霞軒麗天半折寄能充予弟玩所期玉樹
森庭階不遺秋風綴蔥蒜揭公蘭派雄金陵龍暝老筆今代
興寫花更寫傍花葉誰送春溪萬幅藤

枕上二首

丁十六 乙稿九

六

金陵叢書
蔣氏校印

彌明輟吟倚壁浩翁作達軒牀櫻心但令蠅去放眼那覓花
香

姚影兼愁姚舍睡心始能睡眠枕流偶誤子荆倒載卻憑山
簡

元卿以吉金拓本數種貽舍弟季纘傳置所持便而用資把
玩口號長句漫題

青藍作鑑摩漢銅半兩范出咸陽宮莽泉厭勝雜鳳龍契錯

諸品形模同枝文或屬司空豐炎炎火繼張碧空椎拓敬謝
仙都翁綴之方趨揚仁風墨花依約斑青紅古物出世日不

窮泉鑑猶見制作工會須芒屨周寰中褒然著錄賡歐洪

仙都山

同門陳月舟恭釗集文選句得五律四首走箋相贈賦此奉

盒錄三首

三閣峙東南文光焰華日闐然瞶藤寇蕩散一何疾樓園萬
卷藏富與弱侯匹劫燼同所遭校讐誠已密多君腹笥充行
秘重唐室餘錦稍見分炳燭或可必海氣橫江來秋潮乍洋
溢安能汎明州殘編緝天一

致園足奇石十載成周旋輦石君園中清淚傾銅仙歸然歷
劫在敢謂拜者頽傑構編袁隨那千礎煨朱煙清暇臨嘉
辰觴詠來羣賢掃君覓句廊坐君紅雪軒仰哦眾木秀頽玩
羣葩妍主購酬金谷賓請吟月泉桑海事何如叩石石不言

蘇國主人邢崑字體
泉隨國太史詩弟子體

丁十六 乙稿九

金陵叢書
蔣氏校印

集句始傳咸尊經寓微旨唐堂妙體裁層空孽霞綺君才高
傅黃下筆精選理長城五言詩獎借到賤子念昔趨絳帷宣
崇略殊軌先後受軒師業天道兩周星接席在鄉里沈吟望益章
三徑猶尺咫參證共本師沆瀣良有以所愧瑤玖貽先施窘
桃李

題折梅仕女陶詠畫作

春風鬢影香花樹照迴廊玉指勞攀折金河遠寄將明璫非
洛浦粉額豈含章試問陶彭澤閒情底許長

詹茶生丈以院本劇目新詠見示戲呈三絕句錄二 壬申
尋聲如聽紫雲回笛步重經黯綠苔嬾說海東歌舞競千燈

光影萬樓臺近聞上海燈劇極盛

春江花月劫塵多子野聞歌喚奈何差喜談經得清暇後堂
綠竹日娉娉

贈性公

修心難遣六根淨說法應知萬念空證取風幡俱不動池波
澄處月華中

柳枝詞

手種金城竟十圍柔條攀處淚連絲只應喚作甘棠樹不盡
東風繞故枝

野埃津亭影萬條征人歲歲別魂消靈和移植知無日青瑣
春來更寂寥

春旗如畫簇江城陌上香塵燕地生多謝新鶯聲百轉紅樓

丁十六 乙稿九

金陵叢書
蔣氏校印

初夢未分明

詠燕

積雨連春空有燕巢我室是時方抱雛啾啾顧其匹掠檐千
百度溼羽飛更急交愁泥汨芹似畏月離畢勞生無息機對
此念真逸藉非林木疏焉識廣厦密

冶城春望

津橋雨過岸花香芒屨從容野興長一隊鳧鷖喧積水半山
樓閣射朝陽采蘋得句春逾遠拄笏應官客未狂解識黃墟

沈醉意共誰籬外引三觴山嶽故有傑起樓今屬賦

山樓

山樓粉堞影參差照水初驚髮有絲漁舍溼煙低略約野田

晴日上旌旗行歌尚恨垂楊少增壘難忘伏莽滋四十飛騰
空復爾寂居爭免仲華嗤

雨

鼓枕驚殘滴譙更閒有無燭昏蛾漸伏窗曉燕相呼早作慚
農父晨餐慰腐儒麥苗无恙否野水上春燕

後漁父詞 辛未補入

波翻龍骨雪皚皚竭澤先增釣者吟知否石幢池畔立梵書
深刻七如來

襄編河鯉儼分鑣四月冰鱗驛騎驕駕得輪馳通水遞石城
筵上剖江瑤

鍾山 戊辰補入

丁十六 乙稿九

九

金陵叢書
蔣氏校印

不定青蒼紫翠笑謝駐顏大丹安得面山樓閣捲簾終日相

看

登飛霞閣

浮青稍近窗列翠杏無際欲狀隔城山牆巔露雲鬢

衙仗

空喚衙前仗難彌決後危虎牙軍屬日犀首印歸時劍厲猶

窮獄神依亟奉祠青山今獨往悲甚樂天詩

客上海作 癸亥

星芒作陣雲開滬濱城高曉角哀驗取天官書內語海旁

蜃氣象樓臺

柏巖乙稿卷九附

題百泉挂杖圖應薛慰農先生教

天公作意夸飲仙酒星垂曜鄰天錢持籌障籠栢杓獨那免
笑電流蜿蜒桑根先生家釀泉醉吟有傳相後先匡廬拄杖
瀑布懸風月劇賞明湖邊建康山水饒夙緣酒人籍甚典午
間香醪泥飲裳屢褰白撰言挂青藜顛僮僮畫史神獨全拂
拭豪素磨松煙阮宣故事堪溯沿攬眉仿佛蓮社賢赤藤自
可壽萬年金尊那計斗十千蓋山迤邐城西偏翠微接空霞
采軒高對鍾阜青犀顏次宗講舍締構堅傳經旁及文史玄
偶然步履南塘前碧筩側注荷盤鮮秦淮一水東廬源青溪
九曲頻叩舷絲竹間作尊俎駢先生中坐方陶然憶昔解組
吟歸田一錢錢謝越叟筵扶筇篠筱與頌度日望琴鶴重周
旋即今結宇臨層巔散金籬落秋光妍過從籍湜招崇宣齋
具欣就蓋輿便行爲主客歌霜天陳芳園近待屬鞮幔亭樂
合俾奏絃得句欲獻胡少延載酒問字車闌闌
過長干寺墟遺址下感賦

丁十六 乙稿九

金陵叢書
蔣氏校印

坡陀高下雜荆榛舍利珠函跡已陳無復爭巢來燕子空悲

劫火燼黃巾童山雪積留殘瓦墨海槎回過遠人 蘇西人持塔

若就金湯論形勝豈宜飛閣俯城闕

慰農先生點定拙集賜題七言一首依韻奉和兼志感懷

青鸞回翔白鶴峙尺五天寥高唱似揆揚藻采摘芳華海山

樓閣仙人家和聲伴色古有得炎也噫乎絀綿力感公獎借

逾尋常標出指歸縣法式濡毫更爲摩青空劇憐當世多詩
窮畫牋傳示意般礴萬丈光芒騰作作講堂背郭山糾紛說
詩匡鼎今超倫高才連翩受微學大廈廣庇聽寒人從从副
墨見揮灑玉海金波交注寫畫讀達夕然松明雅南循釋心
志平儼然大藥乞丹鼎換骨覩共秋蛸輕噫吁噉焦桐入糞
賞音少投止龍門屣先倒窮魚一賦續奏增紫欬惟羨江湖
浩蕩鷗忘機

柏巖乙稿卷十

金陵叢書丁集之十六

上元凌 燈

二月初三日墮一齒走筆得五十六字癸酉

動搖頰際俄經歲墮入春茶嚮碧磁依失輔車論地勢毀從
韶此憶兒時一杯野薑嘗無恙六甲靈飛叩有辭會得柔存
剛折意果然柱史是吾師

次前韻

無分紅綾共餅餠卻宜碧乳淪花磁持螯執酒空前度皺面
觀河復此時編貝漫夸臣朔狀漱流為致子荆辭佗年老態
增齊叟憑仗今文作大師

余橐筆長干而賃居冶城山下往來休假必經南門即事六

乙稿十

金陵叢書
一册氏校印

首

大有樵夫笑士柴車隱隱轉誰作岐州稅格四門毋納松

薪

奚獲古錦安用牛鐸黃鍾可諧運取桃花萬斛馱鈴絡繹西

街

渡軍兼能過酒驢背紫纍木罌破費青銅三百偏提香入春

城

自謂符堪調水焉知澗可添瓶往矣贊皇博識石頭難瀾中

零

擔糞料無君復聚灰不少從珂澁鼓五更斷續燈籠幾輩蠟

峨

壯哉跨淮朱雀開航自昔喧闐且辨匡時事業八驕呵導車

前

登紫寶山三首

百級盤厓磴曾標總秀名鶴飛華表蓋馬踟躕據平止渴論
泉味因風辨市聲嗟哉林木盡巖壑紛呈第三句開夏

扼險殲狂寇日歸賦采薇新軍踈雁子故壘築烏衣曉嶂旌

旗色春雷礮石機應憐死綏士祠宇攸禪扉李公祠故

講席繁花雨高臺不可尋寶雲凝石氣初日暖城陰聞道時

巡暇恭承法駕臨御屏宸翰在將作重披吟

長干鐙詞

公然民氣樂豐成此夕金吾禁未能銅虎關防拋夜鑰玉龍

乙稿十

金陵叢書
一册氏校印

鱗甲動春燈松明引燭星千點笳鼓殷空月半棧歸去不妨

歌緩緩贖軍先辦酒如灑

雨窗漫興

層雲聚條風吹送一窗雨陰陰鳩語晨杲杲雞唱午理榜客

何之春波綠前浦

讀申報漫題三首

雁使更番鳳紙收笏行斜上聚蠅頭楸圍龜迹平三角蓋地

新圖大九州浪跋長鯨疑掣海氣嘘婉婉早成樓憑君鑿空

論西域飛橋誰工汗漫遊

讜議公然出草茅頻將遠畧望中朝龍沙寥廓天山戍蜚船

飛騰桂海潮四譯盡能區部落五行難與補風謠軒皇神武

專千古會見車南宿霧消

瑣聞碎事溢陶瓶尺簡分明照汗青月且品題流外定霓裳

舞序夢中聽市塵微流零丁帖花影潛窺屈戌屏寄語半山

勤著眼幾封朝報嬾遺經

戴子高挽詩

少微占偶驗天壽本難齊病肺春尤劇歸魂月乍低車惟馳

死友惟蚤去生妻差幸文園草殷勤護錦綈以癸酉二月二十五日丑時病

卒於治山唐前

仰止蘭陵里莊劉緒未湮遺經嚴墨守絕學得傳人操筆論

微管登堂問謫響玉杯書一卷開篋涕沾襟蒙贈筆子春秋

八載成書接蹉跎念非躬未陪都養末仍綴簿書叢絮酒遲

一一六 乙稿十

歸旆芹芽努殯宮遙知越山畔招手有倪翁元卿

別陸茂才妍伯

平沙漫春渚瀕鳥相因依回風激層波倏忽遠所栖分飛若

無定會合終有期萍實浮江湖足以療渴飢飲啄適吾性束

搏非天倪眷言絮毛羽毋俾輕塵緇

碧蘿翳喬木鶴鷗揚其音君方理歸楫遵涂中江潯大多遂

良覲荏苒朱夏臨小別胡摧顏無由展蓬心悠悠廣陵道鬱

鬱鍾山岑期君整秋駕商飈生桂林

煙塵靜江海歸無一畝宮菽水侍偏親旨甘良未充行將奉

書尺履屨秦關東匪云祿仕遂稍冀力養豐八川流滔滔上

有雙飛鴻希君損嘉問敬以勵菲躬

江行雜詩二首

風微急盼帆垂腹浪激俄聞舵努牙十日沿回竟何事歸看

舉子踢槐花

虛龍師子瞰江關插頂天開翠一髮拋卻峰巒問堆阜復與

日日上平山

自沙漫洲出江舟行攝山下巖石約略可數日加午東風大

作遂抵石頭

江水第六菴可煎佩壺不叩中冷泉花磁噉罷日亭午白浪

倏忽鳴雙舫起看洲荻盡西廡東風吹空疾於駛近岫明明

納被放遠帆轟轟樗蒲齒迴橈卻指石頭津塘棚誰何列水

巡千櫓繞郭爨煙晚數舫臨流戍鼓頻還歸那慰尋涂意頃

一一六 乙稿十

刻波濤易平地渴飲黃巖更幾時請君三日車中閉

揚州口號

芰製荷衣性所諧急裝聊復學銜參領軍面目傳摹得曾共

官權隔座談

微禽

屋後稻堆喧野雀岸旁菰草浴秋鳧微禽亦有忘機樂借問

邊鷺畫得無

有贈次韻

落落慳西笑時時念北堂山貲良未辦藥券或能償幾輩錢

成癖多君酒酌狂謹身先節用三復庶人章

青浦道中八月十八日

雙槳沿流劃碧蒲高田晚稻吐芒初枯棹轉水驅黃牘答簪
當門挂白魚筆妙誰摹元宰畫山深遙指仲醇居煙波笠澤
前游熟只少天隨一卷書

行役

行役轉於詩事近謀生終與世情違三山書去鸞垂翅八月
槎回鷁退飛湖縮劇憐紅蓼瘦雲垂遐想紫芝肥黃庭靜玩
吾猶及不待迷途悟昨非

八月二十一日夜舟過德勝港漫成

素月中天露影垂軍船夜火動連漪自慙無物供官稅百本
殘書十卷詩

龍華寺

一十六 乙稿十

五

一金波書
一解氏校印

轉經樓小檐鈴靜窅塔波高寶蓋圓無復湔霽車馬盛秋燕

黃過寺門前

詠菊

粲粲盆盎繞疏籬位置惟於菊事宜卻憶年時留宿本山窗

清供兩三枝

苜蓿

只聞宛草隨天馬誰念征人老玉門水沃連筒栽種得中廚

日日佐盤飧

過將軍匯去嘉善縣八里

蘆花缺處水亭開船底鳴時蟹斲來預識此鄉蝦菜足青銅

三百具羹材

贈陳軒翁文四首之二

聞道仙舟駐雲川扁舟偶汎五河天到門徑探懷中刺弭權
眞聆海上絃桑落三升傾酒坐蘋花五字入吟牋回思同夏
瞻顏日警眼流光二十年

陔華三復眷春暉奮翼澠池願豈遠啄粟甚慚烏反哺繞枝
因感鵠南飛漫循銓格求官道欲理魚竿傍釣磯十月霜風
越江上選勞慈母念征衣

癸酉九月訪禮門湖州小住兼旬回舟嘉興即事述懷得五
言五首兼呈慰農先生暨朱丈秉如有虔

重逢逾七載霜髮已皤皤游展期君共清尊爲我開蒼芒浮
玉壘清遠愛山臺抗節懷天水崇祠閱草萊

一十六 乙稿十

六

一金波書
一解氏校印

櫻城經百戰義舉壯東南碧浪湖重浚烏程酒更甘頗聞供

夏稅所仗育春蠶杆軸歌周雅輸將力豈堪

橋烏相爾汝別路迴含悽霜氣橫前浦潦流留近隄晚收紅

稻熟新種綠桑低猛羨田家樂歸耕踏舊蹊

濮院維舟處曬曬日始升十觴澆壘塊一枕覺營騰林月斜

春嬰溪湖響夜餐酒人差可憊休問客何能

回帆過構李舊治念吾師縣事彈琴理災年降澍遲陽城甘

下考袁介有新詩敬謝林間叟殷勤述去思

題小涵丈雙蕙軒詞稿

詩餘源樂府陶寫見高懷白石腔徐度紅牙拍最諧風潮雄

越海花月豔秦淮待屬臯公武編刊志郡齋

南湖漫興三首

歷將浩劫見金鋪留待玲瓏傍綺疏
高處好添樓百尺超然眼界俯全湖

朗誦瀟湘八詠篇依稀風景似由拳
沈碑陟岷千秋事石窟從教面面鐫

紅亭白堦映晴暉南堰經行一權歸
縛取葭牆護菱角水心平曬水田衣

李仲衡表弟漁招同程伯蓀厚錦陳叔芝
繼高過杜氏錦帶草堂觀陸包山畫梅立幀署曰瑤臺豔雪

溪上草堂惟杜老竹間清歡自吾曹
禽魚大是流連物林壑難忘締構勞
錦面秋花紛挂眼瑤臺春雪豔揮毫
不妨頻過

牆頭酒坐看橋陰稚柳高
抱琴仕女橫看用進退格

對臉傳紅鏡啟匱虎頭神筆劇精嚴
仙鬚褶縐增成殿蠻錦囊裁清井監
側豔儘嗤雲鬢重新聲慵和月華纖
披圖不盡

焦桐感坐聽霜枝響畫櫺

小車歎
大車啾啾轉渴烏激水下撲飛塵
轟馬車碯碯門風雨獺面

奴工長袖舞咄哉小車轆轤乃自田
間來單輪雙紉行徘徊

暮歸每及鼓音絕曉發不待霜華
皚且見層樓麗空路千百一里債將
錢一陌頰肩抵手勞若何白酒盈缸
沃牛炙吁嗟乎穀賤農病古所憐十
車之直不足易一健天門博望東極

十六 乙稿十 金陵遺書 蔣氏校印

鑿江邊春來荒草青
連天夷場日日論車錢
上巖緇生烟丈三首

蒼霖縣望切暫爾息
驂駢治事胡安定歌
笙東廣微高軒勞
枉顧官閣阻瞻依
丹鳳翔千仞殷勤攬
德輝

拙豪還進牘感激吐
微衷附鶴書誠遠雕
蟲技未工因循驚
歲晚漂泊笑塗窮
願讀滄浪集詩禪妙
悟同

市樓耽寂寞坐臥一
蓑牀朔氣凝冬服同
雲壓海橋凭闌思
遠道賤字報高堂
浩浩長江水何愁滯
異鄉

題楊綠琴吳淞載雪
圖名景

星椀吳分指海水偶
飛騰泊宅如方勺乘
舟豈庚冰紛紛林
霞集淦淦凍雲凝
卻憶蘆葦景和之
畫獨能

中流頻擊汰筮易得
濟桓戰壘山松峙軍
容細柳觀鏡金歌
慷慨候火報平安
差免乘槎役滄洲
派紫淵

并刀紛翦水妙集杜
公詩展卷當清暇
浮家念昔時丹爐
仙眷屬畫壁古須
眉咫尺元亨路何
由載一瓶

題海甯馬廬西孝徵
詩卷次汪子儀禮部
韻名

流光過眼信堪珍
積軸撐腸未是貧
定有聲名高峻市
先教

文采照龍賓少陵
束縛惟知己安邑
柄運感累人差喜
石田

家學在新編取慰
苦吟身元馬祖常
有石田集

促席論心較夜眠
冬窗坐對燭華偏
乍傾文學尊中酒
如遇

成連海上船潭水
蹋歌思遠道松寥
參偈證前緣
齋肩火色

十六 乙稿十 金陵遺書 蔣氏校印

歲暮書懷次子僕禮部韻

千金敝帚自言珍三寸毛錐不瘳貧
蠻雅可容追鄭露趙游
終擬學張賓征衣迢遞青楊巷古印
摩挲白下人卻羨半山
專一聖宮祠微祿養閒身

凍柳星星懶起眠東風吹戶畫旗偏
春潮已漲江潭苑臘鼓
仍鳴滬瀆船葭北幾時承色笑特問
一客感沿綠澗歸願及
燒燈讌生菜登盤筍作鞭

沿子真黎國記云

丁十六 乙稿十

九

金陵書畫
廣氏校印

題王敬甫家修容膝軒詩草甲戌

君公辟地曾充隱

竹雅先生廣德陽時與伯炎此詩

賤子連牆每見呼幾日

竹林同歡詠十年蓬梗各江湖當杯痛憶墟邊酒索句能探

頷下珠氣韻沈雄定誰助雲帆行又發東吳

食餅有感

無分紅綾共齒牙瓊肌十字點春茶涼風夜景誰能說還問

公羊賣餅家

愁霖一首示敬甫時敬甫將之天津

愁霖無已時點滴昏徹曉亂石生春苔廢沼失寒藻未成著

一十六 乙稿十一

金陵叢書
一將氏校印

履遊頗媿彈鈇飽王喬真仙人飛躡躡雲嶠

顧太淑人壽詩為吳駕部唐林作

慈闈開七秩令子正為郎彩鳳銜丹詔祥鳥集寶坊况聞書

畫荻曾對火然糠采采遼南澗前芬念勿忘

先幾作漆室戰紀讀庚申決讎渾無計遷喬若有神並能捐

二補奚止活千人陋彼懷清築承平一富民

百年常奉母盛事屬邱為純綵揚春服諸孫捧壽卮傳芳中

壘最絮養小園宜負米蒙慙極因增陟屺思

和禪穉見贈三月十三日

力學如君少訂平文怨我狂芳蘭紉正則珍石選奇章定有

雲生翼曾聞日映陽銀鞍方煜煥請賦羽林郎西人方開

嚴吟梅明經葆榮屬題溪亭公墓志拓本得五言二首

公名鳳字季祥烏程人宏治辛酉舉人由分宜知縣遷南

昌同知入為南京工部員外郎出知貴州鎮遠府有異政

猛虎暴屬邑毅弓逐之殺六虎焉志文徵明撰並書

展卷懷先德千秋信在茲鴻聲遺史傳虎氣貼邊夷豈意停

雲館能書墮淚碑殘餘貞石在祖硯此留貽

弁山回屐後薛蒼倚文孫為數若中勝曾傾石上樽浮萍聯

海曲喬木鬱清門忠介吾宗傑荒祠歎僅存祠在風舍

沈紫瑜丈振采蟠螭方硯銘

方田開野周四阿紫巖特起雲峨峨墨鮫翻雨豐性禾

王醉墨丈汝金紫藤華館詩草題後

一十六 乙稿十一

金陵叢書
一將氏校印

鍊月銚雲五十年儘招神妙入毫顛香名秋老淮南樹雅調

春留海上絃萬卷青箱宜詔後一編曲水早空前披吟豈止

頻低首願付弓衣播九邊

柳絮三首次隴西韻

鳳泊鸞飄有所思柳枝高唱足詭癡波縈石沼魚苗長影颺

雕梁燕子知樂府誰縉楊叛曲畫圖曾識太真眉年來心緒

沾泥似四大禪牀一念持

落紅庭樹日初長暖雪漫天雜眾香撲帳有情春曉曉漂茵

無蒂意揚揚最憐名媛聯吟敏忍笑羣兒拍手忙坐對一川

梅雨至梨花聊共洗殘妝

罷射華林捲翠旗狂奴故態認依依枝頭言鳥來何暮陌上

花馳躡更稀伴我硯田成靜玩任他榆莢門芳輝繞池細數
青萍子添个文駕接翅飛

梅花枕屏爲張丈月亭作二首周右原作畫

記從灞岸歷燕臺驛路寒花到處開寫作臥遊遊更足枝南
枝北雪皚皚

防也惟聞仕女工美人香夢續師雄請君添寫羅浮景落月
橫參一枕中

伯雅丈賜大著餐花室詩集次惠題拙稿元均得詩五首敬
以奉謝其末章則兼及日本近事也

金海初編集珠輝迴辟塵開宗惟妙悟名世此傳人盾鼻千
丸墨弓衣萬里春時聞陳謙論元氣仗彌綸

丁十六 乙稿十一

三

金陵畫會
蔣氏校印

何甥兼謝舅連榻掃窗塵石竹雜公寓停駒從蒙嘗列酒人畫

圖窺峽樹復命題詩卷照瓊春此日荆溪上荒苔漫釣綸丙

和相橋見

淞波流不極五馬踟香塵卻敵聞笳吹辭官過柏人鋒車金

筑路綵服畫堂春言奮澗池翼青霄下紫綸

信宿江樓上霜風捲市塵高軒來大客旅食念征人鄭重研

都序喧蕪滿谷春自慚機杼拙未解織吹綸

促席餐芳荔仙霞動騎塵八荒尊鳳朔一島叛鯁人赫矣王

師鑠懷哉帝澤春備倭殊備寇名將幾譚綸

贈虛谷道人

黃華山館大河濱痛飲墟劫跡已陳豈謂傳衣留畫派公然

放筆過前人旂檀林密齋鐘晚壽夢城荒徑草春一箇蒲團
結趺坐繞池魚鳥忽相親

鷄卵曾陪杖錫遊流萍重聚海東頭墨緣幾徧三千界劒氣

空橫十四州如滿年高齊白傳廣宣詩好住紅樓經龜四版
皆神品守畫誰工玉局謀

觀沈壺齋丈秉恆所藏舍利藥罌鐵沙頻伽瓶賦呈
天瓢瀉雨喧檐瓦樓外髻雲疾於馬高人隱几譜瓶花綽有

名陶儼精冶一瓶黝色博汀沙螺容涌現青蓮華注槃沃盥
及頭面訶陵梵鳥哢頻伽一瓶塔質瑩霜玉界畫腰闌環眾

佛飛空舍利自龍天種種光明留舊積甄官當日工規摹或
環如椀鐵如梭法觀正取悟甄鏡鑑品那必區官哥時清久

一十六 乙稿十一

四

金陵畫會
蔣氏校印

謝背鬼用拗折花枝佛前供願乞天瓶得意書筆端垂露秋

煙縱

躑西番鏡小像

薔薇古刺門芳辛圓相分明悟紫珍行過挹婁梯九折瓶花

香畔與傳神

火色蕭肩骨相殊新豐尊酒意何如詩家別有凌煙閣冠箭

紛紛計轉靈

沈祥百丈祖康番鏡小象

苦吟成太瘦今見沈東陽鶴立仙心遠鴻飛海氣蒼傳神憑

梵夾索句燕名香待沈池邊硯春波繞畫廊沈有食

沈少蓀司馬鳳韶番鏡小象

鏡函開處正襟談阿堵傳神此最諳
末即今吟柳惲麥歧他日頌張堪
繡茵穩布屏風疊斑管徐拈寶露
含知有歡顏周四座金尊美酒大江
南

題馬琢修先生所藏令弟簡香烟丈
天竹梅花遺墨立幀不孤蹋雪尋
梅約如讀看雲憶弟詩數點寒香
浮畫幃兩年宿草漫春池飛鴻跡
在披圖見雛鳳聲清舉世知更把
遙山添一角竹林歌歎鎖相宜

王醉墨丈飲酒讀騷圖

陸離長歎楚江沱獨醒其如眾醉
何香草千年歸離佩神絃幾曲在
雲和握荃誦罷靈修遠剝竹編成
感慨多天意蒼茫應可問一樽先
博素顏酤

丁十六 乙稿十一

五

蔣氏校印

流光過眼醉鄉真
娉節奚慚察察身
開帙自裝黃玳瑁
傾杯頻引玉昆侖
命錦囊細檢難加
理尺木分圖倍有
神證取淮南招隱
句小山常對樹輪
囿

養素園雜詠十二首為醉墨丈尊人
雲笈先生元基作有序

按雲笈先生自序曰養素園前人友
莊庵舊址先曾祖養親所也園凡十
景其勝甲於武林新羅山人曾為之
圖歸愚息園董浦山舟諸先生時復
過從極一時之盛詩附刊先祖寶日
軒集後軒為先祖父讀書處元幼亦
肄業於斯嗣元應試禮闈宜遊閩嶠
板輿迎養菊徑就荒先君時欲葺之
而未遂歲甲午吳棠園同年為畫憶
園圖先生所記如是申酉聞杭州兩
遭兵火此園鞠為茂草矣就十景作

詩十首又起結二首兼志耑末願主
是園者取空觀以自廣焉

神樓如神山妙悟極空有嗟此辟
疆園曾命金谷酒桑海事如何荒
陵立假柳綠起

繞屋種梅花主人花裏住明月爾
何來寒香吹窗曙欲結君復鄰孤
山三百樹繞屋梅花

層臺瞰晴漪丹青紛炤燿觀淵更
倚闌道然發清獻一笛破秋空歌
頭翻水調倚樓臨水

憑高事長眠一碧巨岡隴藹藹樹
如浮陰陰雲罷掩大好米家山落
茄添幾點遠樹柔藍

奔雲疾於電倏忽過數峯飛瀑縣
巖端化作雙白龍願言弄柔翰俯
檻吟春淙乾溪溪雨

炎蒸定有無扶疏儼在囑清飈扇
庭除一雨生翠綠猶餘蔭喝思紅
塵莽馳逐夏木垂陰

井梧一葉下西颺行清秋時聞拋
珠聲響入百尺樓雲開見河漢戶
庭良已悠疎雨梧桐

南屏躡霄半日暮鏗鯨音云何古
蒲牢乃愛今鳳林懷哉百八叩生
我定慧心古寺鳴鐘

鷲嶺望岩巒紛紛桂華落居然種
兩株坐令香一壑可有棟花郎花
陸藝金尊三秋丹桂

蜀錦張霜空如纈復如蓋煮酒丹
林中哦詩白雲外言饌碧鱸鮮扁
舟泝嚴瀨秋深紅葉

丁十六 乙稿十一

六

蔣氏校印

玉龍蛻鱗甲銀海森樛蒨頗聞段家橋一一瓊瑤鋪誰與寫
生筆伴得萬玉圖道山雲

再拜展畫圖當年盛文宴先集歌主塘靈光歸魯殿姑作華
嚴觀彈指樓閣見張本

朱苓人拜竹圖

建策分符尺組影龍門書數涓川饒此君久具封侯相庭際
何妨一折腰

解識虛心是我師襟期惟許米顛知安能卜築賃蠶谷坐到
洋川月上時

題馬也秋女史蓮社聯吟圖

金塘漾碧漪翠巖升綵旭猗猗菡萏華鬱鬱女貞木吟傳集

乙稿十一

金陵書畫
蔣氏校印

閨幃淨植選芳陝毫素稍已陳裳佩紛在隔流波憶澄觀虛

檻納葢醜長哦振紫鱗變調聞黃鵠清修皆雪皚麗藻必雲

屬筮易坤含章釋雅敷連玉良用喻本懷亦曰企高躅千仞

匡廬降蓮宗證陶陸

題祥百食研齋詩草送其歸省湖州

馬當神筆早知名萍海茫茫乍合并愧我訂文夸敬禮多君

艸奏步初明寒生滬濱湖初上氣得乾坤句獨清何限庭闈

歸省樂一樽春酒釀烏程

屏風絕句十二首為寶館館主作

偶從崇效進春觴碧月明明照畫廊何必昌州號香國春風

桃李在河陽牡丹 櫻桃 海棠 桃李

挹取天香入紫荷兜羅絲手得春多宿花蝴蝶輕盈甚又向
球門側翅過結良 翠青 包牡丹 佛手柑

似聞金帶兆頭廳點綴猩紅上畫屏為有登盤蔬筍美一樽

相對晚峰青蘇林 海棠 玫瑰 芍藥 紅棗 臘春筍

紅玉真堪擬太真薰風催換綺羅新珠蘭茉莉紛如雪能伴

瓜廬露坐人魚子 蘭 春 瓜 紫 菊 楊梅

紫霞珂雪照榴梳正及蘭池道暑時憶否水亭瓜戰畢夕陽

紅上杜鵑枝石榴花 紅杜鵑 梔子 西瓜 夏蘭

幾回寶帖展來禽浮白吟紅暢美襟吸得碧筒杯一丈菰蒲

香繞畫橋陰荷花 夾竹桃 林檎 茱萸

雷錦何愁照眼迷兩株銀杏畫樓西蓉洲菊徑經行徧更把

乙稿十一

金陵書畫
蔣氏校印

香禪證木犀桂 菊 銀杏 石榴子

菊沼香生月一鉤露痕依約玉搔頭采菱躡藕兜蓮子雕舸

微吟太液秋菊 紫 薇 玉 簪 蓮 蓮 房

蒲陶天馬意飛騰暗雨何勞話豆棚閒卻畫闌紅五尺翠芸

青上讀書鏡翠 芸 草 菊 秋 雁 一 丈 紅 蒲 桃 豆

種得冬青自耐冬歲寒三友日從容罔爐自煖雲芝檢坐受

園丁芋栗供松 竹 梅 多 青 耐 冬 芋 栗 芝 草

木筆花宜次第看冰壺佳傳作何難吟身健在清游愜蚤有

南枝破曉寒紅梅 白木筆 白菜 千年健

梅信洵宜蠟屐探珊瑚紫綺窗南參來玉版知禪悅回味

無逾諫果甘蠟梅 天竹 水仙 山茶 荷 橄欖

沈蓉塘茂才秉熊行看子番鏡

青琴揮處唳飛鴻攬鏡懸知道氣充儘有三毫添頰上可無
五嶽起胸中眉山讀律匡時切闕澤備書寄慨同暇日登樓
一舒歎江波搖綠海雲紅

十六 乙稿十一

九

金陵叢書
蔣氏校印

江城二首次壺齋先生韻乙亥

江頭野老忽吞聲聞道朝衣點素髮放鶴罷陳人日味頌鶴
因識友于情滄波是處嗟流徙邊塞何年見廓清應有蒲輪
循故事遺賢幾輩出巖耕

移將帶孔減腰圍遑問家肥與國肥東海即今餘釣石南陔
有客谷庭聞嗚鶯出谷新年報語鶴翔空雪影霏珍重艸堂
詩遠寄更教雲錦布天機

贈陳祥生鸞用祥生真乙道院題壁韻二首

老蓮衣鉢在此筆迴超塵漂泊新羈旅疏狂舊酒人癡飢求
竹實學道健松身經術通時事懷哉井大春

重遊逾十稔東海欲揚塵傾蓋成知己臨歧別故人漫隨傳
世志各愛苦吟身畫鏡惟君獨鍾山霽曉春

魚花詞

蠶花起更眠魚花行未歇飽讀養魚經昔賢曾伯越
咫尺猶千里清波注一船險喝如可辨此樂抵濠梁
深紅龍子旒雙雙鮓樓側持報水巡軍柵塘遮不得
儘道如鍼小誰爲跋扈雄且看盈尺際吹浪小池東
伯雅丈應薦入都賦述事感懷詩四首依韻和呈
仍世朱輪二千石賢如石慶志全償雲重出岫爲霖遠香可
循陔愛日長一曲驪駒徐入聽五湖鷗鷺豈相忘圭峰月滿

乙稿十二
金陵叢書
丁十六
齊氏校印

琴聲朗雅操時時寄履霜

莽莽金臺納遠風繡鞍安穩發吳中馳來行避花鬢健鶴起
懸知背羽豐寶扇開雲天一握華筵湛露樂三終惟期小隊
於郊日容我哦詩答鄭公

叩門差免拙言詞快讀滄浪絕妙詩幾日昌亭供祖道百壺
清酒注軍持露輪照灼手羣望鏡鼓連番動去思正要循良
布寬政陋他馬上傳修期

詠木蘭故事爲吳茂才蔭森作名承祖
白髮班超鐵甲寒天山烽火望平安戎機萬里誰能赴獨對
西風念木蘭

弱質能成百戰功朝天燭影臉波紅郎曹翻似酬恩薄請拜
齊宮女侍中

暗整髮雲度玉關十年不字意閑閑應憐王蔡襜褕服日揀
燕支畫塞山

長江繞郭黃州路朔氣橫秋黑水邊畢竟邊功勝文事知名
猶在淑真前木蘭黃州志人朱

德觀察林挽詩兼弔段丈學海
勞生同大夢覺者讓君能一夕中琴撤三號左轂升仙蹤隨
皓鶴靈氣鬱青曾亟返江邊旒秋空月有棧乙卯初八遊月廿三

力瘁凌雲榜心悲朝露詩真誠終得友直道不逢時永歎斯
人往難忘便面持因懷段柯古畫壁吐戎葵丁卯秋子孫友

乙稿十二
金陵叢書
丁十六
齊氏校印

觀荷花絕句八首

綽約玲瓏記蕙樓繞池荷葉翠田田藕心一寸銅花滿持敵

蘇家四萬錢沈浪亭入觀者索錢廿七潘壽命人監收

觸岫逢岑愜靜觀菱荷香氣近朱蘭劫灰燼後宸題在呼起

清容著眼看題子沐御題真

分明火宅出蓮花魚鬪萍開岸柳斜忍與屠沽爭意氣午橋

風景相公家七襄公所即文文所擬孟

藤絲礙路竹侵廊廢沼猶能發遠香記得年時環珮盛花間

三十六鴛鴦寒碧山莊即劉園今歸程某

壁巢書妙沈吳興清露池荷雋句徵卻要水東添一角葦花

如雪撲西陸張公祠公名國維蘇蘇有惠政

一一六 乙稿十二

三

金陵叢書
蕭氏校印

主家文礎邈難尋日日池南擁鼻吟梅雨乍收天放霽坐看

水蘂轟波心抽政國今為八族奉直西河集小札

靈洗軍聲世所驚栖神此日畫丹楹出汗入淨渾問事實錫

光芒劍首生程公祠程公名學啓

高柳初篁小閣東曾招鷗鷺此從容芒屨懶更經香界遙聽

閣黎報午鐘瑞蓮庵

和禪西見懷二首次元韻錄一

未辨唐音嗣賈岑先持成鼓叩諸任朋簪會合空前度家室

蒼芒累此心壯尙不如驚老至別常相憶見情深何時訪道

軒轅裔石鼎旁邊促席吟

芝僧先生命校小夢嶽館詩集賦呈

楓亭校字展鴻篇三篋重完信有天霄際芒垂麟角熟管端
斑現豹文全游蹤萬里多芳艸藝苑千秋小夢嶽一本南禪
勞寫寄香山成例若堪沿

觀種樹作

箬篷捐載至秋水注連筒得氣千峰外交柯十畝中信堪終

日坐莫道此山重滄海雲無際懷哉抱懷翁

次踵西韻

十旬小別書頻至兩載深交分獨投翠墨易樵求米帖黃金

難敵負薪裝不堪若若虛佳節近欲差喜軒窗入暮秋禿炷

一燈書百本舌耕同念賈長頭

敬甫見余贈祥生詩次韻寄懷奉富二首用原韻

一一六 乙稿十二

四

金陵叢書
蕭氏校印

彈指經年別勞勞抗俗塵遞中規妙製天際想真人又促尊

前膝誰高物外身陳遵真健者痛飲玉壺春

鳳鸞棲枳棘矯矯出風塵令長能為政循良大有人清香旋

鶴尾鄰警息鯤身會報銅章緝河陽一縣春在開山之

再次前韻示敬甫

西湖清見底明鏡本無塵白鷺能窺客青山欲笑人風篁求

遠韻潭月悟前身莫折隄邊柳吟箋學晚春近作柳詞

芙蓉

銀漢槎回玉宇開當窗小字見心裁江頭霜信芙蓉拒嶠外

霞光荔子來碧鶴衣輕翻舊篋紅螺杯小倒新醅宵分賸欲

挑燈坐鏡檻塵封上綠苔

齒墮十月初五日丑刻

柱下求人乳尊前盡裁肩壯懷銷強半或可獲高年

仲復先生招集城曲草堂賞菊次息廬丈光應詔賦呈

之二

風定霜空月淡黃層軒裏引畫床長裴公小築稱興化魏國

高懷託晚香促席不堪車馬客命傳同爾竹林觴酒鱗動處

金波灑知有清泉出澗陽

辛孟乙占絢青黃綴入名陶各擅長分插妙增諸器重瓊供

深聚一籬香華燈照影渾疑畫玉柱藏陶數舉觴手剖洞庭

柑半顆料應征雁度衡陽

和息廬三影詩

丁十六

乙稿十二

五

金陵叢書
蔣氏校印

飛鴻執訊報吳均吳均與謝靈運書既淡到忘言迴絕塵照水

勝枝添野色宜人畫本入蕭辰軒開夜月銜杯共剛倚斜陽

卓笠頻味取芳甘三十斛鄰家谷口挂天神影

孤芳冷韻笛中聞除卻通僊孰伴君籬落橫枝初上月羅浮

清夢不離雲賞依玉照寒香發供得銅瓶曙景分聞道瑤林

賁鶴守廟翻階下白為羣梅影

夢回重對涓川侯直節虛心象外求漸見篩窗摩曉日也宜

夾水映清秋兩番贈答青雙管萬个交加翠一樓落月空庭

詩境遠好尋東絹寄湖州竹影

題張煦堂丈葆和來驚軒遺稿次集中答韻慧生詩原韻

江上鯨鯢盡掃除修文催傍帝宸居難忘藝苑千秋業蚤定

名山數卷書謝初芳蘭容接席支亭奇字失停車遺編展讀
家何幸想見隨園創體初

十月二十四日觀潘氏又棧所藏瓶齋醴泉二銘口占二十

八字

居士磨瓶留翠塔泉神獻醴結離宮墨池無岸難言勝柳柳

銀雲一瞬中瓶齋自定為北宋編因名曰齋本齋不損本

題子儉丈小像

神清難舉似獨鶴在高秋漫興三辰酒淵懷百尺樓彈冠念

玉貢開徑附羊求皎皎扶桑景因君訪十洲

丁十六

乙稿十二

六

金陵叢書
蔣氏校印

上元凌煜

捍海三首和衛約齋丙子

萬里鯤身嶼崇朝警息聞
沼江重設守捍海未成軍
李令心如日劉安膽是雲
信能吾固羣喙漫紛紛

一片扶桑日光芒大海東
那知施表餌絕勝練心攻
裹革天方疫銘旌鬼更雄
補牢關至計莫道水衡空

直隸師頭社瑯橋萬騎過
蠻煙遮管密蛾箭出溪多
得地非橫未綏邊在止戈
生黎環五指馴化近如何

書計改亭籌南論後應天
根本二攻守機宜徵近事
合圍旬日樹螿弧守安
故也甲子以城外不賊

日墨而克之不旬但能扼要籌三輔豈在當關選一夫
內三輔太

江和州三安輔形勝至今連楚蜀池隍終古說揚吳
倦翁名論

伯雅丈出示所藏演管朋舊書札賦呈

花門萬騎擾滇西軍府追陪聽鼓聲
要使青蛉馳露布屢憑蒼雁致緘題
墨華飛處規襟抱篋衍藏來認爪泥
此日菊墀消息斷一危重醉凍玻璃

楊丈樓庵以潘玉淦方伯元日詩韻作春陰詞六首依韻和

南浦迷離送遠人東關徙倚健吟身
梨花明白簾櫳暗又盼來朝曙色新

煙鎖溪橋水漸平田鳩逐婦鴨呼名
天公好放斜陽出無數

遙山要晚晴

題畫四首存二

青崖昇出陰山左袍笏龍鍾馬蹏跛
海榴背月曉春紅飛入煙鬢亞
釵朶小窗讀易研丹螭歸妹載鬼
爻象符不須圭首

退雄辨唐殿香囊事有無終南歸妹
豆棚團坐蟲天秋有婦椎髻兒蓬頭
雨晴量較足真趣風月平章猶遠謀
翠蚪拳空紺珠徙苦茗一杯溫石几
叩門是處拙言詞安得實身圖畫裏
豆棚閒話

和李夢梅表弟源並謝贈筆不至
不見甘霖潤麥秋草堂五月罷披裘
綠坡竹密如鬢長繞屋

風多與耳謀寄我數篇詩見志期君
萬斛酒澆愁管城從事成烏有函使
應煩一杖酬

鑠硯盧圖為仲復先生題
龍川北會汧隴塵實漢縣墨丸既供
官硯石亦中選昔公謁承明主盡得
寶媛紅椒和數章紫琅珍一片銀吾
藝畢呈荆璞美徐見乃有雙魚祥留
祝金馬彥比目郭贊俱東絲緯詞先
摩揣揣磐材起度循璧羨非徒瑞文
房政用答神眷膚寸吳嶽雲為霖溥
芳甸

魚旂何煜燦魚軒何雍容
裘帷度京峴弭權來吳淞側聞翔泳
洽敬以葉蘋從鱸香及公暇雅樂興
房中眷言石交固良稱緹襲重發篋
出光采棲毫觀噉噉連枝垂猗猗比
翼鳴嚙

魚旂何煜燦魚軒何雍容
裘帷度京峴弭權來吳淞側聞翔泳
洽敬以葉蘋從鱸香及公暇雅樂興
房中眷言石交固良稱緹襲重發篋
出光采棲毫觀噉噉連枝垂猗猗比
翼鳴嚙

魚旂何煜燦魚軒何雍容
裘帷度京峴弭權來吳淞側聞翔泳
洽敬以葉蘋從鱸香及公暇雅樂興
房中眷言石交固良稱緹襲重發篋
出光采棲毫觀噉噉連枝垂猗猗比
翼鳴嚙

魚旂何煜燦魚軒何雍容
裘帷度京峴弭權來吳淞側聞翔泳
洽敬以葉蘋從鱸香及公暇雅樂興
房中眷言石交固良稱緹襲重發篋
出光采棲毫觀噉噉連枝垂猗猗比
翼鳴嚙

魚旂何煜燦魚軒何雍容
裘帷度京峴弭權來吳淞側聞翔泳
洽敬以葉蘋從鱸香及公暇雅樂興
房中眷言石交固良稱緹襲重發篋
出光采棲毫觀噉噉連枝垂猗猗比
翼鳴嚙

唱作銘識其側實用齊所同亮哉硯山供可壓峨眉峯
修竹綠坡陀一雨生夏綠卻開卷畫窗展此琉璃軸潛鱗儼
奮奮鼓翼俄在目沂鄂明甄推森梢秀雲木羣公暨文藻入
自靈蛇握听然命鍾生率爾操虎僕敢辭小言獻願姚爾正
熟譬如鳴鈞韶似許間筆筑雙魚大吉羊金薤語重述

丙子六月三日又墮一齒

持論斷斷是拙謀菜根較得復何求面窗悟徹觀河義階下

青楓欲報秋月十八日丁未立秋再墮一齒左曹危十矣

廚舍旁梧桐一株主人憐其蕉萃築垣隄之

百尺森森宿鳳皇少陵秋興極蒼茫洗來曾記申僅約健處

還疑發定香脫露材高香熟賞題詩箋矮句徐商漫言身隱

丁十六 乙稿十三

金陵遺書
府氏校印

方無用猶有繁枝出畫牆

題竹雜遺稿

宿草淒迷近十年九泉消息竟茫然卻從茂苑羈樓日得展

滄浪悟後篇投錦當時幾李賀過車此日醉橋玄圭塘權唱

聯珠集追和還聞繼起賢

沈杏瞻取俗諺晴鬧意作畫便面率題長句

紛紛替者字伯明湖干迎擔來荒僉歌謠星命贈此生老去

行策卑田名侵晨盥漱各有營蒼筤墮地七八莖相憐同病

人恆情攘臂忍作蠻觸爭怒不見色鬧以聲老拳毒手交擊

捫或披而靡顛而傾擗摺直到霜膚瑩旁立勸者稱獨清呼

止不敵眾力勅矇矓失職誰所令大樂無復陳成讎此輩流

落傍愚忙便面伴狀時一擊捫揣奚必叢譏評天門摩詰萬
象呈躬被縫掖頭簪纓儒兗外裸步中程門戶水火羅心兵
井牀下石波旬匍匐正方鱗甲焉敢櫻斯人貌雅衷則猶亦復
炯炯明雙睛子長史筆力掣鯨殿前舉筑秦政驚兩目瞠矣
氣未平

六月二十八日舟過婁門

行振打鼓城缺忘補不補則那夷爲坡陀行人門捷踴垣下

逸馬侵宵踣堞過巡城吏卒莫之覩戟衛深嚴惟大府萬指

磨甄供礮臺豈少區區數畚土

山塘權歌

水亭不遺曲廊通千柄荷生一面風恰好兩邊甄障密安排

丁十六 乙稿十三

金陵遺書
府氏校印

冬學鬧兒童東陽張忠敏祠某遺官倡

北朝書妙沈吳興餘子紛紛被凍蠅添挂題橋書數幅筆端

能作怒蛟騰沈書見乙亥觀荷詩詞盤縣書萬安橋記

壞塔支風寶蓋鴛券臺虎氣鬱千年何時著裏將春老來試

降腰第五泉虎邱山上寺院多未修復

榜泚幾齒了難知局外觀誰袖手宜點罷牙籌雙柁動斜陽

紅上吉公祠吉公祠祀吉忠烈公

雞冠種偏武邱山洗手憑誰證八關贏得頭船雲錦梁深盆

淺絡載花還風閣小賦雞冠一名洗手花

慰竹

彈文休恨綠蕉稠連蔓交纏勢未休何不爲渠寬束縛兩稍

風葉各夷猶

睡

睡是眠之食夢者日所懸欲銷銅帳鈎十字作銘詞見初漢

金石記起句五
字見珍珠船

七月十三夜紀異

豈有昭陵石馬過停燈頻問夜如何津頭人語喧闐甚兩部

橫簫百棒鑼

讀後鑿錄唐賽兒傳漫題永樂中填益都

刻楮爲人信怪哉白蓮風氣此先擲歌中劍解疑仙去篋裏

書香孰見來

秋齋即事三首

一十六 乙稿十三

五

金陵雜書
蔣氏校印

習靜掃除一室澆愁準擬千杯枯藤病竹略盡明月清風自

來

獨客誰憐鶴瘦來賓渾覺鴻稀蘆葦希文塊粥漫吟子美寒

衣

不解因人俯仰將毋被鬼挪揄東郊尙堪種樹北關何勞上

書

武進唐四漢雲倬雲目行看子屬題口占四十字答之卽送

其省親陝西

五陵游覽盛逸氣冠同儕入塞韓龍嶺傳神顧虎頭風塵雄

仗劍江漢穩歸舟不盡淹留意中庭桂樹秋

八月十八日盍齋先生招同馮丈小圃鼎王丈月洲澄唐君

漢雲作石湖之遊卽事得八絕句命曰石湖權歌用助長

年三老引咍云爾

稽鳥引咍語雙雙欲署名城作受降此是湖濠交匯處五龍

西去古婁江湖鏡由吳中平冠記曰寶壽橋西五里曰五龍門

復舊江程忠烈於此

紫蜨黃蜂各一羣船頭絲管自紛紛停杯易按紅牙拍把筆

難書白練裙

村氣能令奪梁除軍謀休笑袖椎農檀家智敏今安在添寫

秋川戲藝圖游藝錄云藝圖有

阜繪裏額手彌鑽辛苦田間面有癩買足寓錢千百萬香船

邀伴上方山

一十六 乙稿十三

六

金陵雜書
蔣氏校印

湖邊菱角賤論斤褪盡青膚玉不分猛憶沙圩風景異綠波

千疋簇紅雲吾鄉紅沙洲

券門九道互虹腰串月還聞盛此宵似恐姮娥孤寂甚半湖

燈火說蘭橈九洞橋在越城橋側卽行春橋

桔槔催水轉烏健晚稻油油露顆鮮媿謝致能詩筆健十章

樂府譜村田

行郡何來甲乙籌水嬉前度罷湖州吳趨接壤猶無恙不負

攜樽竟日游

盤九月初七夜作

微蟲感化機應候初不爽豈期隕霜辰猶聞聚雷響鼓喙入

宵帳羣飛出晨帳羣飛工噴膚擾擾轉運奉如有附勢人相

揮手交南數斛珠，尊前慷慨致微軀。
紅顏委地珊瑚碎，青柳搖風澗谷紆。
奴輩難禁孫秀狡，女貞何止息媼殊。
白州雙井清如許，煎點休言國掃除。

蘇軾

省識嵯峨奇築勳，華林臺觀自紛紛。
後鍾曉應形墀日，窗網春浮紫蓋雲。
空使炫妝殿內殿，頗聞精騎駐中軍。
秋槐葉落陳宮井，一拭燕支石上紋。

蘇軾

常棣能廣小雅詩，讓皇潛德感連枝。
夾城御氣通前殿，列幄容輝映壽卮。
也學姜肱施大被，漫嗟曹植賦枯萁。
長安年少相逢處，元武鳴驂又一時。

花卿

維州功罪論難操，巴楚兒童望節旄。
忽遣滄洲生雪壁，遠收邊塞入霜毫。
閉關慎密精思足，奉册從容願盼豪。
難得石湖

乙稿十三

九

金史卷一百一十四
附氏校印

重帥蜀子城輪奐畫櫺高

蘇軾

黃鵠磯邊數往還，麗空闌檻快騎攀。
江帆絡繹船官浦，巖樹分明翼際山。
暫許詩人蠲素習，好求仙客駐朱顏。
出門一笑徵前諺，鄉思沈沈兩鬢斑。

蘇軾

不分月夕與霜晨，燈影幢幢伴此身。
華表久題張僕射，花宮未嫁薛仙人。
蛾眉報主羅衫淚，蛛網絨愁錦瑟塵。
盼斷紅襟尋舊壘，偃王城畔草如茵。

蘇軾

湖波平處繫征篷，有客憑軒颺遠空。
吳楚卽今戎馬靖，沅湘終古芷蘭叢。
堆盤螺髻浮闌外，拍岸鴉聲落照中。
解道江山資美助，甚慚鴻筆步燕公。

蘇軾

柏巖乙稿卷十四

金俊叢書丁集之十六

上元凌煜

題子韶東亭詩草丁丑

白狼山下舉盞觴先集明明載和章文藻信堪推獨步行蹤
何事滯他鄉襟題刊上豐紅藥鄰卜船東瘦綠楊惆悵驪駒
歌太速春風離思滿河梁

正月二十九日少探司馬遊游留園園即劉氏家對山莊今
常州盛觀家別業

林壑取適性云胡介通津過墟一致嗟起廢良有人殷勤親

管鍵次第命斧斤披榛翼嘉樹翦楷安修筠仰籟石棧連俯

鑿池水新於焉葺華屋將以娛眾賓旅居足暇暑寓目當始

春暫令襟抱掣因感履迹陳仙芽滄紅玉寶墨羅青珉卻坐

味所歷諦觀識其真惟虞啟三徑未免喧朱輪邛須趁吾友

舉權違重關

戲為三四五六七言各一章詠庭中花草木五首

上梅欄下磐互堅赤心無改度

公冠百辟英邁千人藪爾凡草見齒上真圓葩藉午銳葉青

展抽池數丈誕矣苻秦補公英

老竹七八竿一竿具梢葉雖云得氣偏絕少濃陰接誰歎眷

孤芳廊東停步屐竹

中郎賞音囊下季真決事牘頭全枝那聞滴兩片葉猶堪報

秋補其

昂得已後徐佐卿叱石又姚黃初平日輪繞地一萬市華髮

成霜三兩莖起把朋縈泮秋水坐歎禿炷煎春藥蔓青何物
附諸葛的的紺毫舒曉晴重青

江上一首戲贈陳司馬正月十三日

危亭倦江津桂權此徐歇列炬繁春星流波澹華月僕方墩

足登君乃歸興發猶及酌宵梁雕鞍發城關

東園雜興三首

循廊覓徑意云何三徑旁通日再過果樹欣欣移白鶴屏風

疊疊展金鵝改爲愈顯文思密題署由來古趣多借贖琅嬛

知未晚翠芸香發碧山阿白鶴新居乙陳石天者六果曰木見紅

更從曲磴陟單椒遙北浮圖俯麗譙老薛迹蟻青玉獻修篁

音度赤闌橋還山不放閒雲出遣詠能將勝景標環沼魚天

亦真趣請開曉牖入春潮詩品國青修篁

北樓窗敞淨琉璃暇日登臨此最宜待雁遠傳江外信聽鶯

妙悟畫中詩水鄉蔬蕨喧單舸沙岸松杉護短籬記得秋宵

籠燭坐回波歌罷風簫吹

上已前一日奉陪仲復先生重遊留園流舟出閶閩直詣竹

所薄暮循東瀟而歸緩賦長句

到門能免隸人詞杖履追陪一再過無限清華瑩水木有時

蒼翠瀟坡陀題襟甚念粉榆社擲笛誰工宛轉歌議改作浙

南濠遙暹北濠寬歸舫相期著眼看葭莢綠生春浦外堞樓

仗果往歲二月間於此幾曲紅闌扶畧竹柳枝低處乳鶯多

南濠遙暹北濠寬歸舫相期著眼看葭莢綠生春浦外堞樓

青接暮雲蟠頓教逸興浮樽酒同游者馬小圃丈草蘭山輪比
安得閒身託釣竿密雨如絲飄不定征衣添護客

一枕

將腰白墮半棧月樹蟬青容幾個星一枕書牋鎖奇絕金鴉
交翅出滄溟

神

一雨仍教綠滿窗春波幾日膩春江蔣家三徑清於水只有
羊裘蠟屐雙

之罕

日射之罕島樹紅噉噉鴻雁訴西風簞荒策在籬邊內試叩

青州富鄭公

丁丑四月十二會試榜發姚丈漢章以竹刻鍾進士屬題長
句戲呈

荷鉏種竹逢竹醉空庭轉胸生濃翠命斤刻竹令竹醒無復

遮蔽屯幽陰老植有分酣竹葉腰帶脚轉迎五經息機自守

漢陰甕甕徑絕倒終南雲君不見老植醒日狀殊健叩叩香

甕返唐殿竭來醉眼小糊黏篋裏薛蘿紛畫現榴紅九陌喧

馳珂玉筍排立英豪多恭聞進士昉唐代自唐到今凡幾科

道乎老矣故同道請各爾之雙叵羅

前詩目竹地不能著多字賦此卻寄刻之

言辭終南山來就質簪谷揮手累十觴據梧張兩目榴花炤

戶公顏配公贊髮鬢竹繞坡猛思揉竹鞭馬背去塵不求聞
達科

伯雅丈命題東阜負土圖

萬里滇南路山川極阻深不聞鉤浪石已得妥公琴喂馬徵
遺愛翔鳥識此心東阜頻縱闕雲樹鬱森森

又題萬里看山圖其子德友芝題引自書古華兩生

古華山水邱亭書飛騰分明御鹿盧尺幅昔乘論萬里一麾
今喜駐三吳紀遊筆健徐霞客攬勝驚膠范石湖何止梁園

文藻盛使星光炤海西隅郭更持出題曰

畫翁出示孟河詩二首並手書楹帖見贈依韻會謝

繁霜漸欲髮毛侵代舍棲遲感幸深白雪竟容巴里和丹砂

猶共稚川尋行看總集題三宴況有分書值百金解識五經
依據遠本來文苑合儒林

紫金山半白雲堆擬築茅亭嘗快哉歸計難借獲鶴定營聲

時逐雁鴻來芒芒古意從天問落落飲顏對酒開聞道青州

荒政美鄭公新自契丹迴

附沈乘恆齋原作

倚春同苦病魔侵習靜相期入道深孟氏河紆遺壘在長
房醫妙劑壺尋漫儲齊市三年艾頗憶包山一樹金無數

水禽衝棹過坐看暝色上平林

望裏黃雲麥萬堆晴郊煙景氣佳設把鉏健婦蓬頭出拋

培頂童笑口來樂歲終身先一飽孤懷此日若爲開發棠

移粟前賢事莽莽齊州首重迴

十七日雨

驕陽赫赫分龍前三農望雨憂心煎繞池荷葉間黃色近檻
竹陰收碧鮮廉纖稍已潤薪竈滂沛或可周吳天飛蝗接翅
向西去百城令長知誰賢

十八日晴次前韻

痴龍蜿蜿行不前珠膏促作燻鼎煎所期秧田徧栽揮豈恃
菜把供芳鮮穰饑更迭金木運圭璧呼籟清微天南窗亭午
讀繁露如董江都真大賢

十九日又雨過分龍而雨未已再次前韻

垂垂兩脚南窗前焦懷稍釋然其煎田家穰穰足寒慙水際

乙稿十四

五

金陵書畫
蔣氏校印

菱蒲增曉鮮清觴備對碧筩酒俗諺要作黃梅天闔亭泥深

馳馬滑會有號令追先賢

二十三日大風紀異

穴蟻中穿復幾春大枝吹折也驚人老楓慰汝一杯酒門外

僵榆斧作薪

窗網騰空屋瓦飛夜檐星斗定涼輝縣知來日謠傳甚鷗鷺

紛紛聚釣磯畫船之巖寺橋樹二進根六起數百年船物也至北航

無下五尺太湖水英吹領事街衙門半人家上

池荷

紅深白淺到橋分水檻新開納午薰賴是今年湖勢縮翠裳

高捲半溪雲

楓亭雜興

深訝亭楓葉太稀南窗無計敵炎威晚涼騰欲科頭坐風攪

青蟲隋葛衣

薑鹽煎點沸真珠竈突茶煙室北隅卻愛窗西斜照入數峯

青擁一浮圖突影如塔

端居猶苦汗如漿飛鞚紅塵較更忙屏卻蒲葵三萬柄要從

心地覓清涼

芝僧先生以其鄉人李鶴杉孝廉日職重遊泮水册子命題

率呈五言律二首即送孝廉歸衢州學舍

白髮逢都試青衿集少年兩番奉泮藻百幅擊霞箋邑靜兵

戈氣鬢增弟子員祗應借瘦沈倚杖越江邊沈伯

乙稿十四

六

金陵書畫
蔣氏校印

詩境尋嚴羽龍門望李膺料知容鬢雅稱意飛騰祭酒開

官閑歸雲照舫燈它時攀桂樹重躡最高層乙未鄉榜

六月二十二日夜起作

雨夜鳴檐萬馬奔胭脂日色報黃昏卻持檠燭巡窗几驗取

書家屋漏痕

高豫凡湖山丙舍圖丙舍在舟山補曰小補長

生平作達王右軍墓田丙舍猶致動偶然親聽寄山水繭絲

最寫蘭亭文君家昆季雅悟此卜窺勿惜瘁勞筋椿凋萱謝

二十載辟兵出走江海濱鄉關賊退謀合葬徒手難運風前

斤伯兮裳褰陟岡隄仲氏抱研專耨耘佳城驟獲共叫絕有

時業業流法法減衣并食事窳窳歸貸叩及齊薛君周人族

葬辨昭穆國北定兆我所聞郭書著錄始唐代龍疑龍撼何
紛紛要之體魄即安壤子職克盡靈有欣子羔孝行獨千古
今以競爽揚前芬披圖得句媿通峭竹翠交窗斜晚曛

題會稽范季眉崧巖碧山艸堂以下福州

卸帆趨候館音格薜蘿讀君詩大得江山助因成絕妙詞鑄

金懷往烈抱璞及清時業業龍門頂棲鸞定有枝

哭壺齋先生

聞君委蛻去涕泗紛滂沱五載炙光儀煦沫良己多踈分致

忠告精辨同與和謂俟游官歸衡宇時經過悲哉十旬別丑丁

亭八月十日書知先生別於十一月十二月初七日發於蘇州逝川無停波

陰德獲侯封中折理則那願言釋靈素杖髮青山阿

乙稿十四

金氏校印

題壺齋先生手臨鄭道昭論經書五言詩册子丁丑六月

斷碑不若求河北楷法淵源溯篆分開篋此時雙淚落仲將

心力盡凌雲

丁丑除夕時寓福州

四十七除夕離家此最遙但求供菽水焉敢冀雲霄夜燭青

油幕春衫阜茨橋阿戎應念我客裏頌盤椒州族弟述之自揚

柏巖乙稿卷十五

金陵叢書丁集之十六

上元凌煜

西園漫興 戊寅

山霧戎戎雨勢連經行頻過聖西偏梅花照水清於雪蕉葉

經冬綠際天觀物蠻方殊定候登盤鄉味及新年 及仲秋

七鯤身外傳烽至令我當杯一愾然 蓋所部先番後勝兵開

次丁丑前字韻

擾擾飛蟲啟蟄前驚雷英小入畫煎名心起滅慙中隱治術

從容喻小鮮積雨空林生碧蘚披雲何處覩青天一尊造醉

廊東竹儘許山王附五賢

雨不絕

乙稿十五

金陵叢書
丁集之十六
上元凌煜印

直欲徵黔諺天無三日晴密絲兼霧暗猛勢抵河傾山蒼藏

多朽場鹽掃不成彼蒼仁愛極有以慰耕氓

鷗

皎然千百翅飛繞碧榕枝得食蘆葦外成巢穀雨時羽毛能

自振矰繳莫予欺猶媿鷓鴣侶青霄快所之

霜林

霜林承朔氣柯葉猶綠稠幾疑重嶠南不必四序周青陽二

三月鳥鳴山之幽故葉日以脫新葉日以脩條風振拂之一

襟袖投新故暗相代靜觀洞其由偉哉月令紀取戒春行

秋

戊寅三月甲子夜出福州南門行三十餘里比曉抵三角城

口號呈嶼府諸公

節樓三鼓罷逐隊度重城殘夢與中續新寒曉際生華燈紛

照耀野水自縱橫莫訝扶犁早春鳩善趣耕

福州初夏

桃園囿杏何曾見百舌聲中送卻春只有碧榕千萬樹儘遮

紅日敵黃塵

連拳宿鷺團宵埃銜尾飢鳥放早衙開徑已除庭際艸攤書

渾似霧中花

秋闈雜詠

聞道文昌應上台黃英願願綴秋槐揚鬢點額尋常事重向

龍門逐隊來

乙稿十五

二

金陵叢書
丁集之十六
上元凌煜印

香案旁邊吏唱名王前歲後盡時英恐將竿木逢場技傳得

承平雅頌聲

腹筒無勞富孝先都籃青絡挈持便蜂房戶牖紛無數又結

桑根一宿緣

鼓角喧喧徹麗譙嚴更鈕點入清宵春蠶食葉聲相續紅盡

銅槃燭萬條

石銚煎茶日兩巡一篇餅說仿吳均銀泥印就團樂月持贈

塘宮斫桂人

九轉成丹卻未遲阿誰衣鉢副恩知登科有記僊娥織早過

人間造榜時

柏巖乙稿跋

右柏巖乙稿十六卷上元凌伯炎先生著先生名煜幼丁粵寇之難從其父志珪支離兵間不廢弦誦其詩從玉溪生入而於梅邨竹垞爲近運典則要約而不匿摛詞則該贍而不燕有感九首憂生念亂幾與子美羌邨彭衙諸作抗行洵一代詩史也徧游吳越東諸侯爭賓禮之既客閩中交戴子高望莊中白棫詩境益深厚子高謂其用典多當擇語多精出詞多鍊當今一傑士也中白謂其學力俱優爲白門一大作手子高中白天才卓越於並世之士多所詆諆而獨心折先生之詩則先生之所造可知已又先生本貫上元而續詩徵小傳則爲江甯同隸舊都或不嫌歧出與鄉後學膺國榜

乙稿不欲存之詩入此丙火也可摧燒者也中多蘇體殊未見工絕迹冶游有題無贈

題黃浦招魂圖張次柳少府凱為秦淮女校書李喜姿續香作

箇儂生小長干側桃葉桃根鬪顏色濯濯芳姿譜喜神明明
僊糸傳汧國維鷗聲肥噪秦淮二月香含豆蔻胎鳳尾乍調
金縷曲麝塵微襯玉香鞵東勞西燕渾亡據照春屏裏銜幽
緒團扇朝經短簿祠畫樓夕指長洲路長洲花草門春紅頰
首低囊拜下風一闕紫雲歌宛轉九天香霧濛空濛玲瓏妝

丁十六 丙稿十六

金陵叢書
蔣氏校印

閨丹霞上鈿合羅巾互相餉蛤月低迷白玉匳螺雲線繞紅
珠帳勝地由來選色場利觴擊笛未渠央坐中佳士推張緒
曲裏芳名續李香香熏寶鴨瀟沈水緒引紅蠶眠更起渚北
禽飛總并棲山南樹種成連理榻來把卷倚文疏洪度風流
比不如卅六圈圓傳妾意十三行好泥郎書熒熒畫燭憐今
夕門外驪駒催太亟壁上春詞錦字蕙袖中綃帕紅冰溼從
此河梁別袂分枉教青鳥致殷勤妾心已逐鴛湖水郎夢猶
沾虎阜雲雲水相思催未續金閨烽火圍青幘掛席仍租下
瀨船賣珠自補奉蘿屋龍門蛟窟望中收歇浦江聲日夜愁
不少洛妃乘霧往定多神女御風遊盞盞現後影空尊候忽
中流風浪作禁水空圖鶴首文反魂難覓龍宮藥汎汎鷗夷

逐翠萍煙波何處弔湘靈絨開一慟情無已環志他生事不
經越羅衫上千行淚淒絕珠沈兼玉碎未必投津即妒神居
然滇海隨精衛我亦吳趨舊酒人幾回畫外見真真茱萸橋
下紅牙拍芍藥廳前錦帶春華嚴彈指成泡影貝闕歸來瓊
珮冷吮取江湖漲白沙練光浮出燕支井

題紅袖添香夜讀書幃子

休將薄倖惱王昌油壁青驄意不忘雲氣有時歸洛浦星辰
終古恨河梁拋來紅豆嗚罵武種出青梧引鳳皇安得水沈
三百斛為君高築鬱金堂

文犀簾押碧闌干恰稱娥嬌倚病看寶液宵凝雲葉重圓風
春入石華單蜀琴前度調司馬唐韻佗時續采鸞何必嫺嫺

一十六 丙稿十六

金陵叢書
蔣氏校印

最深處洞天高鎖不勝寒

芳銜合署掌書仙一笑辜樟翠鬢偏歡取博山知暖熱妾將
明鏡藏團圓卷中碧蠶愁難化夢裏青娥影自憐欲寫相思
託雙鯉錦帆溼下水如天

無題四首

盈盈碧漢隔紅牆月地雲階兩渺茫豆蔻縱知含曉露芙蓉
恐不耐秋霜香書珍重青鸞翼信誓荒唐白玉梁欲賦微波
預惆悵博山度蕪海南香

朱雀窗虛射曉暎嬾妝初試便消魂臉波低入朱霞暈眉子
平分紺雨痕玉燕斜斜蛇髻重銀蟬紗膩離爐溫此中漫賦
留儂句只恐傳蕤是閉門

沈香格子繡蘭幃十二妝樓傲碧暉蘋葉未須吟日暮楊花
應是怨春歸定情條脫胎繁掾入夢明瓊感洛妃鎮覺相思
了無益爲誰清減小腰圍

海氣蒼茫蟹市開天教弱水阻蓬萊明明華燭盧金屋幅幅
蠻牋冷玉臺左顧鴛鴦曾宛轉南飛孔雀獨徘徊竭來悟澈
楞嚴旨十種成僊豈浪猜

白門新柳記題詞

分明彩筆架珊瑚早燕新爲色麗都解道白門楊柳曲水沈
香裏博山爐

春江花月劫塵過羣女依然集鳳窠安得朱樓臨夾道不教
紅袖賦牽蘿

十六 丙稿十六

三

金陵叢書
附氏校印

雪嶺平登各擅場海天簫管月昏黃卽今花案重題品鄭重
姮娥第一香

崇嘏傳呼女狀頭江東文譙足風流鴻泥往跡誰牢記小市

高枕一段秋

後花案第一
黃桂林校書

橫波影事豔傳奇白下名應屬寇湄儘把柔條方麗質當筵
先唱永豐詞

蠻蠟一首和仲言

香澤留妝域春霜下蕙叢專房星替月讀曲羽移宮蠻蠟攢

花鳳瑤函遞采鴻侶聞雲母粉曾爲飾屏風

題張海初曦照素淮後花品四首

白門楊柳水沈熏怨別孤吟日暮雲斑管詎灰龍漢劫青溪

重聚鳳窠羣中年絲竹供陶寫南部煙花續見聞證取色空
禪榻昨水嬉惆悵杜司動

華燈寶瑟古漳濱斷愛雞聲曉埃塵一舸新潮通笛步幾回
舊苑問華人青要位業三千界紅藥揚州廿四春乞得玉臺
詩序在韓陵片石共超倫

金亞純文和作序

何分秋菊與春蘭滿眼名花取次看要使建康增別錄也勞
街子報平安過江名重休論鯽紀夢僊多各倚鸞別啟善和
坊一曲牡丹叢裏覓端端

歐陽不廢墜釵詞先集編刊感莫楮北里豔遊沿故事南皮
文譙盛當時車公坐密杯難把米邑名高史所知惟祝使君
驅五馬綠藤紅藕稱新詩

十六 丙稿十六

四

金陵叢書
附氏校印

跋

聞炎兄名久矣今始相見承目柏巖詩示我爲盡一日之力
讀之用典多當擇語多精出詞多鍊沿梓村竹垞而上以探
唐北宋諸家固亦當今一傑士也有感九首令人諷之不去
口君子於此可目觀世變矣乞別錄一週以祝我自惟于詩
雖幼年學爲涂雅而功力至淺癸亥目後遭先慈大故已廢
詩不復作作者亦皆酬應語不復存彙而君猥以予嘗從
於事此使爲加墨然荒蕪已久不足以塞君之盛意聊施
所見以識於左方亦未知有當否爾同治丙寅二月十二日
壬寅德清學弟戴望讀竟並識



見

山

櫻

詩

集

四明張氏約園開雕

序

壽鏞往讀陳鈞堂先生貽令堂家告家告未刊壽鏞錄副藏之述其

夙相契合者數人於張君麟洲曰詩格沈雄學明七子

非徒貌似使酒嫉俗傲骨直腸不肯徇人亦不虞人之

欺已今馮君孟顛寄示見山樓詩集四卷即張君晚年

定本也質諸陳君吧懷亦稱其能詩壽鏞因盡讀之儻

歐陽子所云窮而後工者非耶詩始道光丙午終同治

庚午凡二十五年然君之卒也在光緒戊寅此九年中

之詩猶未見也更不知其別橐尙藏諸後人否慈志於

見山樓詩集序

一四明叢書

約園刊本

君傳附入其祖雪君先生後略而不詳壽鏞幸得讀其

詩猶可考證一二以補慈志之闕蓋君少與兄雲卿有

詩名咸豐戊午己未閒館於武林鄭氏庚申杭郡不守

避居西興其遇鄭媪於塗者即舊主人也自杭歸里衢

嚴告警姑蘇劉培甫傳本陳夢樵祖綬招遊吳門謝之

杭城既復更寓焉於是登鳳皇山而有感其詩曰千頃

田荒饑鼠雀大江波湧舞蛟鯨時干戈猶未已也辛酉

正月其師督學張星白錫庚召之爰有台州之行泊冬

甬上戒嚴君侍王父航海入申浦杭城再失星白學使

殉焉君哭以詩慈谿之陷也在是年十月二十六日時

皖既不守由皖而浙首金華次蘭谿而諸暨而蕭山而

紹興而嵒縣上虞餘姚以至慈谿最後鄞鎮象有林義

士者率妻子居慈城北鄞舉著短衣持挺呼鄉人與戰

越日又轉戰數里義士死焉君之父收其骸骨義士者

君之長姑夫林桐齋世榮也君於是有林義士辭更有

明州紀事歲暮懷人諸作皆感時之深者矣自後以拔

萃朝試用爲令聽鼓楚北者十有七年司權襄陽終老

興國初未聞小試單父一聽絃歌船唇馬足多寄於詩

見山樓詩集序

二四明叢書

約園刊本

其情亦可哀已君論詩尤具隻眼於清初諸詩家不獨

論其詩且論其人喪貶所垂儼同鈇鉞直腸傲骨略見

一斑顧壽鏞獨怪恩竹樵將刻見山樓集王綬雲旣以

詩謝其後竹樵果實踐與否雖未可知然鄉之人初未

見斯詩之傳也今距先生之歿六十年矣而始傳於世

豈詩之傳亦有其時耶因刻君詩更敘君之所遭之時

今昔有同慨焉民國二十七年四月後學張壽鏞

序

昔徐丹崖嘗謂天地英靈清淑之氣結為文章造物者
鄭重祕惜不肯多與殆百倍於科名富貴嗚呼諒哉吾
觀唐宋以來以科第取士顯達者何可指數其得留名
至今者不必藉科第以傳乃或窮困終身負才不遇天
若故為其難以相厄而其名轉得昭垂於後世蓋將以
萬古之伸敵一時之細也然則天之所重者從可知已
吾師張菱舟先生少負不羈才為人慷慨倜儻而謹於
大節不屑屑事制舉業特以詩古文辭名於世辛未夏

東山樓詩集 王序

四明叢書 約園刊本

將出幸漢南而命祥序其集祥一童子耳烏足以知先
生抑先生才之大學之博當世之知者不乏人祥又奚
敢贊一辭即鋪張而揚厲之要豈足為先生重雖然使
先生早登科第列於翰苑方將繩拘墨守習應制詩墓
院體書低首下心揣摩求合以冀不次之擢亦豈得縱
覽天下名山大川古今奇跡極宇宙之大觀以擴其胸
中之梗概而發為文章之奇氣哉惟其久困名場鬱鬱
不得志僅以拔萃科出任百里是天蓋欲大先生之才
而不願其以一時之科第榮耀夫流俗此人所以皆為

先生情而祥獨為先生幸者也先生少遊閩嶠壯歷幽
燕於山見泰岱之高於水見黃河之大七經滄海悲歌
向若有遺世之志且夫楚漢名勝之區為古英豪所聚
之地有二南三騷之遺風今之適茲土也政事之暇舒
懷命筆舉凡所謂可歌可慕可慨可泣之事皆足以因
情生感而見之於詩傳之於後世歷千百年而不朽以
視夫目前科第僅博一時之榮者其相去不大遠乎則
天所以大先生之才者蓋於是乎在而祥所以為先生
幸者亦於是乎見也先生為詩浸淫乎漢魏而馳驟乎

東山樓詩集 王序

四明叢書 約園刊本

三唐氣充詞沛而尤謹於格律故雖奔放浩瀚中節奏
愈嚴蓋得江山之助者居多其必傳於後無疑也祥不
敏辱先生教少有進將益自治其文辭異日者尙能傳
衣鉢以不負栽培則天之厚待先生者而並及於祥是
又祥之深幸也夫同治十年夏四月門人王定祥時年
十七歲

序

六同攻俞跗而扁鵲獨究奇肱並扣藥于而州鳩獨知
柳宛桑林杳矣庖丁奏其聲嶰谷煙矣蕤賓應其響蓋
道以無執而貴文以獨造為宗故丹鳳翩翩游其神朱
鳥翩翩歸其肆八會九奏歸於自然則性情之所得者
然也曩歲校士浙東擢菱舟於異等覽其文蔚然而茂
也進之庭淵乎其容也到慨之孫生而憎定崔駰之子
長更淹通讀鹿鳴而敬兄坐羊車而入市自未冠時已
翩翩乎思光賦海之才劍門勒銘之譽焉厥後詩曰昌

見山樓詩集 周序

一四明叢書

約圖刊本

學日富倚柱嚴灘之上游儵自浮支筇葛嶺之邊寒鴉
亦語以鯨鏗春麗之質流聞鼉華羽之音擅美當時傾
其流輩越歲辛酉遂充選貢方當入承明紆扈帶發議
金石耀寶池隍而轉徙烽火奔走家難龍泉一鳴駿坂
再蹶同賀循而北去從僕射以南來放食京華之春酣
歌濟南之酒軍中孫楚淒涼錦瑟之吟幕下陳琳慷慨
寶刀之贈目窮海岱詩滿江淮先後十載始以補試高
等就官漢南策馬都門望雀樓而竟去挂帆建業詠牛
渚以西征雙槩三秋一官百里當夫山青夏日月白舜

陵抽觴散襟詎不拂其夙志哉然而飄流代變大雅中

希或侈弁相尋或雕績無質識本尙慙而宗尙章王情
異蓀荃而強規溫李良由性之所毓者薄斯才之所達
者微流別既窮朱紫遂眇自非獨照之匠鮮或裁焉而
菱舟抱瑰偉之才稟醴粹之性以吳國男子作江東步
兵范稚春篤學山中劉孝標哀吟世亂一自賊窺兩浙
烽逼四明鼓震皋亭濤奔龍嶺其尊甫挈家人於西壘
菱舟侍大父於甬東刁斗隔江柴車破曉肩囊舊史足
繭荒山以至王粲辭家表忠泛海鯨背側而日黑龍氣

見山樓詩集 周序

二四明叢書

約圖刊本

動而雨青八口星孤一身露宿卒使穎士全身於伊洛
許劭託命於江湖極之浦口兄歸朔風被冷林閒婦病
秋樹蟲多依航海之篙師負過江之大母篤孝不倦涉
危已艱况乃洗馬愁深元龍氣盛拾遺詩史聞關至德
之朝杜牧兵才扼腕河北之事出塞入塞長歌短歌采
瀨岸之雅音綴扶風之逸韻怨誹不亂哀厲彌長若夫
周季直之留書魂來斷壠潘安仁之遺掛淚掩秋風豔
溢鎔毫感均頑豔或以為才人悱惻具體玉谿而不知
見山樓一集可傳者不在是也夫所父爪牙小雅以閱

亂美人素手古詩以喻誠觀夫樓中明月之篇隴首秋
雲之句直舉胸臆忠孝藹然則菱舟固以曠朗之體運
其沈摯之思乎昔初白樊榭各以詩名兩浙然厲之過
爲絲麗刻畫金莖要不如查之造於渾成附庸玉局以
斯旨叩之菱舟吾知其必有合也抑吾聞之政靜者思
暇道豐者俗和菱舟傳山陰之譜題漢上之襟釣臺柳
青英雄所流覽渚宮花落詩人所泳游則他日傳荆潭
唱和之詩得江山悽惋之助非斯人其孰能之同治十
有一年春三月長沙周玉麒序

見山樓詩集

周序

三四明叢書

約園刊本

序

吾邑張雪君先生洛社耆英詞林尊宿游宦萬里積詩
一囊唱勅勒之歌陰山積暗擅巴東之句野渡舟橫大
集槃槃遠出流輩後賢矯矯近得文孫如我菱舟大令
者生稟異姿仰承重慶遵彥駒齒超宗鳳毛著聲方在
童時出語已驚長老高密世業志屬於小同杜陵天才
詩宗乎必簡屬因隨宦遠涉閩中攬奇無諸之城訪道
考亭之里字題榕樹曲度幔亭開荔子之樽全傾醉墨
縛仙茅之筆妙構新辭山水有懷詠歌斯作已而出門

見山樓詩集

馮序

一四明叢書

約園刊本

西笑驅車北征陸機入都人爭識面劉蕡下第眾共汗
顏登易水郭隗之臺蒼茫弔古受河東李渥之聘慷慨
從戎維時廣武城前連天烽火黃巾固畔市地干戈君
乃曉渡桑乾夕宿臨濟墨磨盾鼻草露布之千言星落
旄頭譜饒歌之一曲舒懷命筆抑何壯也夫其蘊騰連
飛超之志負倜儻瑰璋之才振厥風飄直軼任筆沈詩
而上商所位置當在石渠金匱之間卒不以之遺承明
領清要潤色鴻業鼓吹休明僅得由拔萃之科注選人
之籍囊琴而出則案牘勞形腰笏以趨則風塵鞅掌以

五斗米屈陶靖節以百里才羈龐士元得無牒訴恹
妨其懷簿書迷悶敗其興乎豈知通人用大循吏才優
姚合武功偏多著作潘岳懷縣不廢嘯歌矧君仕宦之
鄉卽古江漢之地二南舊俗三楚遺騷喬木聽游女之
吟香草感美人之恨當夫訟庭電埽印室雲閒方將膾
武昌之魚酣宣城之酒坐南樓之月揖西塞之山指景
陶嘉連情發藻此閒才子慣唱銅鞮何事參軍但工蠻
語他日者傳之以黃鵠遺我以鯉魚則九辨九懷恍提
詩人之耳一官一集彌展作者之心矣可鏞畫虎莫肖

見山樓詩集

馮序

二四明叢書

約園刊本

退鷁何辭逐隊觀場頻年程稷送人作郡到處揶揄今
夏四月君方奉檄以出都僕亦做裘以旋里魚龍叫嘯
同浮滄海之槎花月流連並艤申江之棹相親晨夕互
作唱酬暇出其見山樓集俾爲之序觀其文采必霸律
呂均調克攬藝苑之英華實接祖庭之衣鉢琳琅滿目
枕中之鴻寶同珍風雨離羣門外之驪歌又唱助哉荀
令行矣孔璋爰書所懷并以爲別同治辛未夏六月馮
可鏞

慈谿縣志本傳

張翊儁字菱舟號麟洲咸豐辛酉拔貢生朝考二等以
知縣用分發湖北戊寅五月卒於興國差次著有見山
樓詩文集

見山樓詩集

慈谿縣志

一

四明叢書
約園刊本

題詞

題張菱舟見山樓詩

鄭敏禧 敬伯

廿年不讀見山集開卷頓教倦眼驚湖海寫懷悲浪迹
燕齊橐筆事長征馬遷文得江山助杜老詩多喪亂聲
仰首高歌低首誦壯心為爾一時傾

讀張菱舟見山樓詩

鎮海 林嵩堯 餐英

灑筆出塵俗發言歸自然澄懷雲吐月清響澗鳴泉舊
劫徵詩史高歌感盛年琴聲滄海上吾欲問成連
神交十餘載今始讀君詩一卷淡相對千秋勉其期快

見山樓詩集

題詞

一四明叢書
約園刊本

談傾積愫豪氣落深卮所惜萍蓬合春風易別離

題見山樓詩集

嘉善 張寶仁 香巖

名山慧業幾生修拔幟先登最上頭擊節高歌徵信史
當筵豪氣壓名流一庭詩禮真傳守兩代衣冠古處留
大好光陰消受得由來家慶重詒謀

荆榛徧地事長征單騎蕭蕭馬不鳴薊北難逢孫伯樂
江南愁煞庾蘭成神仙眷屬曇花影書劍生涯畫餅名
努力新編循吏傳英雄從此足平生

張麟洲大令之官漢南道出姑蘇旅館話舊感贈

二律

壽春 孫振翹 養雲

十載不相見重逢意倍親君行將作宰吾道重臨民未
改觀河面頻看許國身清秋鷓鴣健奮翼出風塵
片席浮滄海雙鳧下鄂州此才非百里佳句足千秋昔
是龍門客 竹樵方伯曾延君入幕 今為虎阜遊送君江上棹望遠
獨登樓

張菱舟明府之官楚北弭棹吳門恩竹樵方伯招
同俞蔭甫太史孫養雲延小昉暨等祖餞於薇
署之竹如意齋時當三秋集茲佳士攄綠波南

見山樓詩集

題詞

二四明叢書
約園刊本

浦之懷倚胡馬北風之詠詎猶六軍駐節偶賦
層城九日開筵故誇勝會而已哉等與菱舟十
載齊年一別如雨風簾燒燭月露未晞赤牒應
官故人相對攬祛索句讀畫寫心庶幾南皮不
忘之雅云即求和正 錢塘 許等身 康甫

江上秋來好放船題橋此地比昇仙元規幕府慚齊軌
菱舟昔在方伯山左幕 京兆聲名願執鞭誰謂出山非遠志況今
報國正華年舊時遊迹還能記鸚鵡洲前句待聯

荻花楓葉寫旗亭脫手沙痕一道輕秋到河梁無冶色

緣深香火有離情劉遺白社圖雲霧應璩西園餞月明

聞道峭帆淮海過夜寒可聽澤鴻聲北路大水

七里山塘思渺然蓬窗四面水連天笙歌不絕秋雲豔

鷗鷺無聲夜夢圓畫裏溪山聊入詠詩家主客亦留緣

年來綺語刪都盡無那新愁到酒邊

風檐曾記識荊州余與菱舟初識面在浙江試院中唱徹驪歌正麥秋

拔萃高才多擁傳霓裳舊侶況同遊寒潮鄂渚迎官舫

黛色君山對郡樓一紙詩箋珍重寄直從楚尾溯吳頭

奉和張菱舟明府見贈元韻 長白 恩 錫 竹樵

見山樓詩集 題詞 三四明叢書 約園刊本

迢迢湘水一帆開棹艤姑蘇百尺臺共說江淹曾筆夢

果然張籍是仙才寒天雁唳汀煙冷秋樹蟬吟驛路哀

好向高樓訪黃鶴步他崔李後塵來

愧建騷壇上將旂天涯寥落友朋稀郵程聽水濤聲壯

祖道持杯酒力微秋柳幾行吳月淡驪歌一曲楚雲飛

定知分手長亭路空羨帆檣宿鳥依

再疊前韻誌別 恩 錫

蠻箋十樣筆花開作賦應登宋玉臺領下探驪原妙手

夢中吐鳳果奇才登臨大有風塵感砧杵頻催木葉哀

縱使扁舟飛櫂去短書還許雁傳來

鉦鳴鷓首閃牙旂莫恨恩恩會面稀鄂渚蒼茫煙水闊

越山迢遞夕陽微詩情過眼秋雲薄客路驚心暮雨飛

無計留君先勸酒臨歧把袂且相依

秋日晤慈谿張麟洲得讀其見山樓集漫題二律

錢塘 諸可寶 遲菊

狂書白練裙醉席一逢君海內有韓孟年家託紀羣多

才此遊宦把酒快論文未厭百回讀盪胸疑岱雲

筆陣不可接詞鋒淬太阿我來黃鵠渚真有落梅歌古

見山樓詩集 題詞 四四明叢書 約園刊本

思月臨野遠懷秋渡河天然具風格莫道豔情多

都中有懷張麟洲因綜計聚散之跡作為此詩

尹金葵 秋雪

溪上何人是奇士眼中所見惟吾子詩歌上泝三百篇

議論橫驅廿一史我初識君君二十來向文場作勁敵

風檐鏖戰苦相持壁上人譁兩奇傑君登竟把赤幟麾

我退空驚寶刀折每歲科試余二人輒列前茅庚申考選拔余以一字之誤竟為君所得

浮名得失何足計與君文字終相契談空說有共不眠

載酒花前更聯襟去年同作都門行樓船十丈浮滄瀛

登舟忽發蘇門嘯海若出聽天吳驚到來京國春正好
梅雪乍過梨雲曉停車古寺別蘇碑步履閒亭拾瑤草
同遊天靈寺陶然亭諸勝狂奴心性兩不羈投壺六博相娛嬉當時
豈識別離苦但道歡樂毋相疑東風摧折離亭柳停雲
落日空回首君行去食武昌魚我留獨醉長安酒昨宵
忽夢黃鶴樓酒星卻在樓上頭銜觴共曠晴川樹弭櫂
還尋芳草洲不知身世閒南北遠道且喜從君游丈夫
豈合耽邱壑漢上牽絲良不惡所嗟老醜寡朋儔作得
新詩怨離索

見山樓詩集

題詞

五

四明叢書
約圖刊本

得麟洲漢南來書并示近作即次其贈竹樵方伯

詩韻

尹金莢

客邸春深芍藥開一樽別酒共登臺固知潘岳真仙吏
可但張衡是雋才鄂渚秋風帆影亂楚天寒雨角聲哀
吟成卻憶長安客一紙遙憑雁寄來
曾向騷壇鬪鼓旂交情膠漆世原稀壯遊君已題黃鶴
拙宦余慚供紫微京洛緇塵衣盡化漢川雲樹夢頻飛
可知王粲真無賴欲向荊州覓所依

聞江蘇方伯恩竹樵先生將刻見山樓詩因至鄂

求其全集喜極有感作此寄麟洲先生兼贈方伯

王定祥 縷雲

書生不幸不生三代前詩歌譜入三百篇又不幸不生
漢魏兩晉時采入昭明文選詩煌煌今古大文章不逢
知己終淪亡莫爲之後盛不傳莫爲之前美不彰近來
當路名公卿提唱後進無其人奇才抑塞長陸沈誰復
賞識到風塵國初已來詩才出大半皆由推挽力宋王
宏獎最風流徐韓好士能物色海內壇坫樹風聲廣搜
名人供著述厥後繼起畢與阮愛才亦足稱盛德二百

見山樓詩集

題詞

六

四明叢書
約圖刊本

年來誰復爾一經品題成佳士不圖風雅久沈淪乃有
恩侯尙如此不才久耳明公名每爲先生代感情得非
李白遇荊州無乃鄭公待杜陵況聞千里求名稿將爲
先生付梨棗會看大集出槃槃壽世榮名非草草姑蘇
達官多名流漫堂潛庵無與儔從今後起更有公三人
鼎峙堪千秋我念知音不易得聞風興起心悽惻天涯
冷落空山寂自別先生誰鑒識半生知遇亦非偶極目
雲山時翹首便問楚樹與吳雲兩地相思同我否

題張麟洲明府見山樓詩集

長沙 吳式訓 松鱗

勝地誰賓主風流獨擅場文章經閱歷詩酒縱顛狂不以功名薄而妨逸興長奇才兼李杜大筆邁鍾王意氣雲千疊襟懷水一方何緣借吏隱裘帶古循良

送張麟洲明府歸慈谿

吳式訓

聚散原無定追隨恨太遲論文共昕夕得意略尊卑雅

抱千秋鑑難忘一字師我慚葑菲質公廢蓼莪詩時奉

諱倉卒返鄉國須臾傷別離楚江風雨疾雨水夢魂馳

分手自茲去孤蹤何所期從教知己淚時望海天垂

張麟洲大令歸自襄陽重讀其見山樓詩集因題

見山樓詩集

題詞

七四明叢書

約園刊本

錢廷綸 掌史

淋漓大筆重詞壇一卷詩同信史看才似杜陵多浪迹

天教張籍起微官百年湖海交情摯三楚煙雲眼界寬

如此江山著仙吏何嫌身世誤儒冠

橐筆南閩又兩河奚囊詩好記遊多武夷歌起停舟聽

泰岱雲開按轡過大澤名山憑點綴斷碑殘碣任摩挲

千行醉墨留題處分付山靈好護呵

角聲嗚咽櫓聲柔落拓申江憶舊遊五兩翺風春選勝

十千美酒夜澆愁君因祿養甘微秩我獨歸來賸做裘

數載相思重相見直從楚尾溯吳頭

天南地北悵離羣楓落霜清又遇君三徑菊存陶令宅

一尊酒讀謫仙文鱸魚風味閒中領雛鳳清聲座上聞

乘興高歌還痛飲生平豪氣總如雲

見山樓詩集

題詞

八四明叢書

約園刊本

見山樓詩集總目

卷一

古今體詩一百三十九首

卷二

古今體詩二百十二首

卷三

古今體詩一百六十一首

卷四

古今體詩一百八十二首

見山樓詩集

總目

一

四明叢書
約園刊本

見山樓詩集卷一 丙午至庚申

清慈谿張翊儔麟洲著

青陽

青陽舒氣大地風興喜贏而發大德曰生和以甘露怒以震霆動物斯啓植物斯萌華燈朱幕黼飾太平芸生受祉春臺是登

朱明

朱明炎炎日德所被繼長增高暢我庶彙芄芄者苗離離者穗碩大且蕃豐年爲瑞華實兼收性情畢遂戒慎

見山樓詩集 卷一

一四明叢書 約圖刊本

持盈君子攸畏

西顛

西顛清泚萬物作肅商氣西來戕我庭木嚴風鼓莖清露零粟農夫有慶登茲百穀發之收之栽培傾覆搏節明禮筋骸自束

玄冥

玄冥陰沍蓋藏是遵天騰地降悶悶淳淳萬類空枯是爲道根毋搖爾精毋蕩爾神安身靜體深合黃純堅固不落仁壽我民

擬猛虎行

處世徒爲狐鼠侮入山寧與猛虎遊猛虎豈不畏受侮
良失謀山君一怒林風號麋鹿奔竄猩鼯逃虎性奇傲
無媚骨日暮荒山忍饑渴松柏日短羅網多虎兮虎兮
奈爾何

擬善哉行

來日苦少去日苦多我欲返日柰無魯戈 一解 堂堂歲
月如駒過隙朝饔夕飧飽食可惜 二解 仙人招我遊戲
天門駕龍騎虎猝不得馴 三解 印何纍纍綬何若若思

見山樓詩集 卷一

一四明叢書 約圖刊本

濫其竽羣笑南郭 四解 腰纏十萬棄儒而賈大婦篋篋

中婦歌舞 五解 蜩蟬歡喜能得幾時蜉蝣紛飛朝暮爲

期 六解 砥德礪材令名是寶何慮何憂永錫難老 七解

擬西門行

出西門多煩憂來者不可恃去者不可留義和疾奔駛
人命如寄郵 一解 云胡不樂置酒高堂趙瑟秦箏越女

吳倡宛轉絃歌發清商華燈百枝輝洞房朱帷翠幕天

無光夜如何其夜未央 二解 夜長日苦短暮色崦嵫來

昨日池館今日蒿萊智愚寂寂同塵埃功名富貴安在

哉三解萬歲爲樂樂亦有期古人不自惜今人代傷悲
旨酒盈金卮酌君君莫辭宴飲致足樂遐壽天與齊四解

擬東門行

出東門心茫茫入室無儲糧出門無行裝西風淒厲涼
天隕霜野田棘刺牽衣裳前噪熊虎後豺狼行役死異
地不如忍餓歸故鄉歸來日云暮引領還入房妻子色
愉悅采蠶作羹湯棲棲皇皇道里阻長不如歸來守我
故常安貧勵清節久久自芬芳不伎不求何不臧但保
金石心貧富庶兩忘

見山樓詩集卷一

三四明叢書
約園刊本

薤露曲

天蒼蒼兮地茫茫兮日昃月虧經有常兮四時代謝菁
華藏兮人焉中處靡自長兮

蒿里曲

纍纍冢青青蒿下狐窟上巢巢無賢無愚魂不得招生
前苦饑餓死後傷飄飄白楊樹風蕭蕭舊鬼哭新鬼號

擬唐人出塞

渺渺黃沙路茫茫黑水流將軍期破敵一夜出秦州旗
涇霜花重腰橫劍氣秋未能酬主遇敢望大刀頭

乞巧詞同四姑氏荳蔻兄雲卿作

盼斷蛛絲漏已殘滿身涼露倚雕欄癡情莫笑閨中女
千古才人守拙難

擬古別離

去去碧江頭客舟輕如葉不見送行人落花隨雙楫

芝城漫興

蘆根青後鰕初上梅子黃時蛤正肥想殺故園好風味
年年何事未成歸

建甯官署漫成呈四姑氏家兄

見山樓詩集卷一

三四明叢書
約園刊本

老屋摧頽長綠莎衙齋岑寂似巖阿橫藤礙路蛇歸洞
玉樹迎陽鷺出窠故里關河三載別少年辭賦一家多
其娛白髮呈新句重慶堂前幾度過

崇安

石鼓堂凌漢大王峯插雲我來武夷曲不見武夷君笛
響幾時息權歌空際聞山靈苦塵俗茶市日紛紛

崇安署中觀趙清獻公手植紅梅

高風琴鶴古今誇清獻祠堂夕照斜莫問千秋循吏事
官梅紅發宋時花

擬古

飄蓬本無根何有遇合時丈夫愛遠遊悠悠竟何之美
人怨遙夜月落空帷遲露氣滿清秋庭外紅蘭滋露輕
蘭葉榮露重蘭葉衰采蘭置懷袖欲以遺所思榮衰一
任君此心君未知

山居和家兄韻

夕籟風篁急層陰煙樹深藤青危石絡潭碧亂星沈猿
鶴參新契詩書發古心有誰吹鐵笛引起老龍吟

故宮柳

兗山樓詩集 卷一

五四明叢書

約園刊本

猶是昭陽舊舞腰春來還發短長條數行寥落東風裏
倦眼青青送六朝

秋日旅感

乾坤浩蕩新為客身世蒼茫獨倚樓萬壑葉聲溪口雨
半天帆影海門秋荒原霜重饑鷹出故壘風高旅燕愁
無限歸心託雲樹鄉關遙在海東頭

過嚴灘

羊裘人去釣臺虛寂寞磯頭坐老漁兩岸青山雙槳水
隔船猶賣子陵魚

釣臺懷古

萬古清流此灘水先生祠宇向江村飄零眷屬神仙貴
終始交情帝子尊山水有心成獨往江湖無夢到重關
釣臺自是劉家土大澤披裘亦主恩

塞上曲

暮色營門上凍旂故鄉盼斷寄寒衣雪花一夜大如掌
偏向長城窟裏飛
曠裏風高砂卷地塞垣霜重月當天笛中吹出陽關柳
不識春光已十年

兗山樓詩集 卷一

六四明叢書

約園刊本

子夜曲四首

為歡刺蓮子切切與歡語食蓮莫去心要人識甘苦
望郎郎不至見郎無片詞向壁轉羞澀不如初見時
歡為樹上綿妾作機中綫尺寸皆有致不愁中道變
裁錦作荷囊表裏牽素絲遺歡留作佩貯此長相思

題宜黃陳少香大令

借煤

鷗汀漁隱集後

髻齡豈解文章事讀到公詩意興長舊識雲卿交膳部
未隨王粲拜中郎老來宦迹符鷗夢早歲才名重梓鄉
辛苦春官曾九上卅年賺得鬢成霜

薊門風雪楚門煙終歲依人劇可憐詞翰縱橫蘇玉局
鶯花潦倒杜樊川曳裾恥列三千客奉母空思二頃田
奔走甯甘隨燕雀承歡毛令已衰年

越王臺畔駐鳧時飽噉南荒好荔支從古才人多薄宦
本來循吏最工詩永豐春在堪娛老江鮑名傳況有兒
歲歲緘愁付彭蠡湘裙繡葆豔新詞

一爲遷客淚重潛竟有文人福命慳世味艱難燕市酒
宦途險阻晉安山黃梁夢醒餘吟篋白首心傷出玉關
絕域荷戈休悵望君恩終許賜刀環

東山樓詩集

卷一

七

四明叢書

約園刊本

春夜江樓聞笛

浩渺江天動客愁春宵風景似新秋一聲玉笛知何處
人在桃花水上樓

送遠曲

諧談未已驪歌起送君一別幾千里主人把酒客不辭
雲在船頭月在尾舟子無情促就路孤帆一片渺何處
楊柳依依喚不同落花冉冉人歸去

天色寒甚殊有雪意口占

欲雪未成雪空庭一夜寒梅花偏耐冷扶影上闌干

梅花

美人衣縞素日暮倚江干流水杳然去一枝春雪寒

少年行

玉驄金勒赴三秦劇孟袁絲是故人一笑出門持劍去
回頭猶未受恩身

讀史記

立誅司馬還軍日怒解鴻門一謝中若論古今真大度
敢云隆準勝重瞳

自君之出矣四首

自君之出矣愁見水潺潺江潮猶有信一夜一回還
自君之出矣階草懶重看東風不解事吹綠上闌干
自君之出矣無意理瑤箏相思元有曲祇是不成聲
自君之出矣華燭怕燒紅會得愁人意相看淚眼同

閨怨

遙夜應多思如何歸信無翻疑今夜月偏不照兒夫

瓶花

膽瓶供得小桃紅有限生機勺水中自是託根太孤冷
飄零何事怨東風

東山樓詩集

卷一

八

四明叢書

約園刊本

鷺

一鷺立釣磯側伺魚兒上展翅忽飛來啄碎桃花浪

甬上寓廬感懷

天涯旅館仍霜露永夜殘燈鎮寂寥詩夢悽惶高閣雨
客愁來往大江湖宵衣北極憂殊切野哭南方魂未招
賣劍早煩龔勃海登壇豈假霍嫖姚

三月得舅氏陳蘭生先生祖彝揚州消息

故里鶯花暮江南戰伐新本為羈旅客況作亂離人鋒
鏑寰中血盡沙劫裏身芒鞋幸無恙辛苦逐流民

見山樓詩集 卷一

九四明叢書

約園刊本

贈赤城金聽秋潛即送歸天台

邂逅相逢恨見遲江樓尊酒定交時稱名客路來今雨
投刺花前有小詩雄筆自當千古映布衣共有百年期
何因潦落征塵裏吹上星星鬢畔絲

棄筆年年事浪遊偶然來過古明州閒身到處留鴻爪
妙墨無人識虎頭五夜鄉心虛幌月一肩行李大江秋
家山漸近遊人老指點煙雲歷亂愁

風塵難得九方皋寒色蒼茫上佩刀半世窮途遭白眼
廿年為客老青袍登樓王粲身猶寄投轄陳遵氣尙豪

酒罷瑤琴訴清怨海門風緊月輪高

西風吹動少微星何惜征車不暫停江口去帆孤鳥遠
馬頭殘照九峯青遊蹤重約鶯花暮別緒難消長短亭
擺脫塵鞿知未得天台遲爾覓仙靈繪有名山訪道圖

閨思

衾冷不堪眠空自藝龍腦只有圓蟾輝依依入懷抱

擣衣曲

空庭一夜霜如雪砧聲敲碎梧桐月把杵傷心淚不乾
翠袖天寒自嗚咽苦念今宵萬里人沙場獨洗征袍血

見山樓詩集 卷一

十四明叢書

約園刊本

易水

酒徒掉臂咸陽去終古蕭蕭易水寒豈有頭顱還楚將
竟能鹵莽報燕丹劫盟翻使雄心啓醫國全憑劍術難
當日賓朋拚一哭西風哀動白衣冠

仙臺

曾懸駿骨招英傑又築高臺望帝鄉人世自甘售死藥
神仙無意誤君王茂陵松柏陰風起渭曲煙塵輦路荒
都向瑤池盼王母蓬萊弱水總茫茫

車遙遙

車遙遙馬洋洋明月落天降霜膏車秣馬遊四方君
海角妾天涯君晨發妾夕啼願天不生輪與蹄生生世
世無別離

烏啼曲

吳宮樓烏啼月明梧桐葉墮秋風清葉墮盡烏啼死祇
有君王不得聽臺上臺下皆歌聲

春詠

青春如過客幾日別人忙芳草薰閣幕濃花謝洞房驚
風鶯入院愁雨燕棲堂果是金徽遠屏山離夢長

鬼山樓詩集

卷一

十二四明叢書

約園刊本

江樓看雨

樓閣時滄溟龍歸雨氣腥日沈千嶂黑山壓半江青宇
宙酣新戰文章負妙齡憂時頻看劍灑淚向蒼冥

重陽後二日二十初度感賦

陸機賦筆傳京洛王勃文名噪馬當百歲光陰剛弱冠
廿年佳日況重陽螢窗雪案勤勞習人事天時感慨長
珍重青春好努力輕肥恥逐少年場

椿萱老健垂重蔭世業清芬守畢生梁氏夫妻偕隱迹
謝家兄弟忝詩名湖山有美供新詠隴畝無多足耨耕

駟馬高車甯素志題橋意氣漫縱橫

蔓延寇盜盈天地歎息兵戈有歲年楚國江河流戰血
石城鼙鼓動樓船誰籌蜀漢千艘粟愁控臨淮十萬弦
一卷陰符鏡下讀沈沈風雨草堂前

不挽軍前五石弓生涯猶作老雕蟲賈生人忌才華露
太史文從閱歷工花竹荆扉秋入夢江湖鳧雁晚多風
揮毫卻對延年菊且付豪情酒盞中

重晴聽秋

一夜春風起滿城桃李開故人曾有約千里肯重來吳

鬼山樓詩集

卷一

十二四明叢書

約園刊本

楚仍戎馬田園更草萊饑驅殊未已淪落惜奇材

買花柬內

海棠含雨懶無力芍藥臨風嬌可憐難得山妻不相妒
典金釵作買花錢

憶女

嬌小殊堪憶春來久別離無知偏戀母多病轉愁伊牆
杏窺妝閣江湖接短籬故園空有夢何日是歸期

千人壇

驪山之陵發於唐黃巢阿房之宮燬於楚火燒誰知遺

蹟猶在勾章道數勿縹緲干雲霄居人云是千人壇秦
皇此地求仙丹當時徐福多狂誕發人采藥三神山童
男中女浮海去雲濤雪浪神山路海水茫茫望眼穿神
仙畢竟在何處祖龍當死有神語不死之藥亦何補吁
嗟乎英雄末路愛求仙方士狂言能惑主君不見上元
太乙工祈禱真人應與天同老可惜宮車晚出時咸陽
不是蓬萊島

金烈婦辭 有序

烈婦梁氏蚶城人嫁於慈夫業漁恒經歲泛海

見山樓詩集 卷一

十三 四明叢書

續圖刊本

姑悍毒無人理婦固豐於姿時有豔婦者以金
啗姑姑諾之以強婦婦矢志不從姑憤甚繫其
手足納土穴中朝夕簪楚兼炮烙焉越三月卒
不爲動鄰人鳴詣吏出之則已斃矣此其辛苦
備嘗有英雄豪傑之所不能受者而百折不迴
則又忠臣義士之所難也而乃得之兒女子乎
張子哀其志而幸其冤之不沒也爲作是詩

相彼飛燕不亂其羣女子從一圭璧其身 一解 姑兮甘
旨是職是供姑兮禦寒是裁是縫 二解 婦身勞兮姑色

不怕無踰我閑禮防自持 三解 重違姑意燔灼任姑不
敢帝號體無完膚 四解 婦內爲焦婦血爲沸豈不愛身
豈不愛義 五解 能燔婦身莫燔婦心婦身如玉婦心如
金 六解 身不可污心不可沒彼婦之志可以貫石 七解
烈婦之死溪水同清凡百士女期於一貞 八解

西湖

畫船簫鼓鬧中流松柏西陵夕照收第一湖山詩酒國
古今人物帝王州金牛蹴浪鳴寒月白雁驚霜暝暮秋
惆悵時艱思將略岳侯墳上爲遲留

見山樓詩集 卷一

十四 四明叢書

續圖刊本

渡錢塘遇雨

西風吹浩浩片席渡錢塘駭浪排高岸驚濤落大荒錦
袍神自旺白馬恨何長不盡興亡感江流到海忙
驟雨來江浦狂風挾怒靈鯨鱗翻日黑龍氣擁湖青急
溜艱舟楫新涼滿渚汀越山東望近疏樹忽明星
暮冬返里詢內近狀

恩恩歲盡始還家消瘦容顏別後加几案清疏緝貝葉
軒窗晴暖護唐花連年荒歉愁親故一病支離感物華
甬上風潮溪上月可知咫尺已天涯

感懷

歲月忽云暮天涯未罷兵長空數行雁風雪自南征烽
火魂猶悸儒生世所輕驚人有靈鳥試為一飛鳴

哀無家

江西人某行賈吳越聞家有一妻一子去歲聞
亂聞關而還比歸而妻若子杳然也余悲其遇

作哀無家

美遊不如惡歸生離不如死守奔走苦饑寒妻子隔絕
久一解 天昏月黑烽煙高熊虎搏人豺狼號髮紛紛兮

見山樓詩集 卷一

十五 四明叢書
約圖刊本

風腥臊骨籍籍兮填城濠 二解 蒼皇歸故鄉雙足苦不

前遙望里門外野草何芊芊 三解 低頭入我室犬不吠

雞不鳴野雞肅肅梁上出狐狸驚鼠嗥深窟 四解 禽則

有偶獸則有羣嗟我婦子為沒為存 五解 采菴作羹采

粟作餐婦兮子兮誰與為歡 六解 在地為浮萍在天為

明月浮萍有聚月有圓此恨絲絲何時絕 七解

聞秋

萬籟夜中發長空作怒濤寒林木葉下涼月海門高名
恥因人著詩綠縱酒豪憂時還自奮頻看彥深刀

秋夜江樓

遙天一片月流影落高樓海近星河潤江空枕簟秋笛
聲驚宿雁鄉思託牽牛明日買舟去故山叢桂留

悼徐孺人

壽夭云有相相經可不讀人生云在天天意何反覆嗟
我糟糠婦顏豐而性淑能得重聞歡矧乃姊姒睦一病
竟不瘳鬼伯何迫促食貧卿自甘齊眉我無福崩摧五
內傷欲泣淚在腹

見山樓詩集 卷一

十六 四明叢書
約圖刊本

息微似絲肌膚寒於雪舅姑入室來欲問心慘裂病婦

謝舅姑冀得慈心悅但言疾少瘥未語聲先咽

我昔縱酒狂一飲傾一斗對月飛巨觴逼惜醉濡首慮

我體太弱往昔勞苦口可憐永訣時含淚執余手未識

卿何言心傷不忍叩舌卷已入喉猶聞呼酒酒

皎皎明月落寂寂疏簾垂燭燭殘燭光瑟瑟淒風吹耿

耿河已橫切切心成灰一室聚哭聲望見靈牀悲送汝

夜臺去問汝何時歸

慘慘白日昏空房暮逾寂之子竟長往衾枕無顏色魂

魄翼一逢假臥時屏息微風鏡動搖恍惚若有得帷榻
故依然浮塵日以積巡視思其人疑信轉交迫晨雞伊
啞鳴寒蟲動四壁長夜浩漫漫思君此何極

雜憶

鎮日窗前守藥爐驚看消盡舊肌膚偶因理髮牀頭坐
瘦骨支離不易扶

一炷名香酒一尊衣襟長濕淚雙痕知卿生小甘清淡
寂寞靈筵薦菜根

又聽慈闈述夢奇長眠人有返魂時漆宮已作蠶絲裏

見山樓詩集 卷一

十七四明叢書
約園刊本

翻悔當時一慟遲

愁鎖眉頭久不開年來祇是病爲災添將笑靨遺容裏
如此歡顏見幾回

牟珠金扇與香囊分贈從前姊妹行惟有合歡親製烏
任他塵鎖縷金箱

憐君未免怪君癡做盡衣裙尙護持翦得石榴新色樣
幾曾見爾上身時

篝火縫衣每夜闌剪刀聲裏指尖寒殘經脆緯餘鍼帖
拋向閒窗不忍看

脂箱粉盞病時疏遺物淒涼檢點初藥裏中猶留手迹
驚鴻認取隔年書

未換秋風一幅巾勞卿軟語慰頻頻如今猶對空帷泣
下第人爲失偶人

獨支鰥枕歲寒心窗外梅花月又侵破紙夜來風過處
卻疑牀上有呻吟

畫樓催動五更鐘夢裏何緣一笑逢地下定知無藥餌
至今猶是病時容

小泊烏蓬大道邊婦家重到意茫然去年二月春風裏

見山樓詩集 卷一

十六四明叢書
約園刊本

帽影衣香共一船

忽見離離草又青更添愁思向閒庭春歸路比泉臺近
猶有東風爲喚醒

燈夕

且逐遊人走月明滿城簫管鬧春聲前年記與華燈下

梅影當窗互寫生

看燈人逐軟紅塵鬪酒徵歌樂事新今夜闌中諸少婦
幾家愁煞醉歸人

遲遲漏箭畫堂深椒酒盈樽次第斟此處豈容卿位置

香煙燈火倍傷心

對畫癡心祝再生相思訴盡總無聲鄰家女伴偏多事
猶指遺容說性情

新年漫成甬江寓
盧作

寒暑承天運隆冬忽已謝旅人臥高樓江春入殘夜星
霜逾七載歲月如傳舍春風扇樹梢薄寒解亭榭世俗
爭試燈十里珠樓下且逐夜遊人莫問金錢價譜作太
平歌言迎東皇駕

吾邑有廉吏吾邦多豐年比戶鮮追呼夜行無控弦願

見山樓詩集卷一

十九四明叢書

約圖刊本

此僻海隅眾志堅城堅沉彼阨險要可無守吏賢兵甲
滿關河烽燧光燭天請纓詎無志時事良可憐翹首望
昇平日斷長江邊

不有源本思人生竟何託再拜瞻影堂執事凜有恪聰
強我王父勛勵更奚若讀書期有用所貴經濟略殘編
從吾好硯田良不惡愧予小子拙無成一如昨載賡述
德詩才氣慚康樂

春寒殊未已高齋餘殘雪小硯時摩挲鸚鵡眼青欲活几
案淨無塵蘭亭玩竟日生涯筆墨中聊可自怡悅所惜

綺窗前寒梅花如綴誰與夢羅浮故里空明月

橫塘曲

妾家住橫塘郎舟渺何處卻問別人船道是還鄉去
朝朝見船開暮暮見船泊愁共江潮生不共江湖落

書摩詰詩後

經典暮年耽梵悅琵琶早歲盛詩名凌雲誰敵新詞賦
狗監功名惜長卿

感事十章

青燐新戰骨白浪古滄州地險有時奪天驕盡族留犬

見山樓詩集卷一

二十四明叢書

約圖刊本

羊喧列肆蛟鱷避行舟秦漢無長策終成百代憂

依海推名郡臨江峙大城樓臺競金碧士女尚驕盈羅
綺春無色絃歌夜有聲誰能行儉德爲洗此風清

人滿天心厭時奢物力殫豐年新米貴喬木故家寒虛
牝金空擲殘棋劫欲闌催科徒自力轉恤使君難

惑眾同巫蠱傷財過雉盧圖開點鬼簿人盡牧豬奴顛
倒荒紅女淫昏事紫姑可誅緣敗俗慎勿宥狂愚

村落呼號急城垣鈴柝高攫金清畫士帶劍綠林豪入
穴虎斯得穿隄蟻漫逃猶聞矜盡戮毋乃長官勞

市虜揚眉日斯文掃地辰冠裳淪竈養裘服僭舟人大
俠名猶竊貲耶例自新金門饑欲死臣朔正愁貧
籌餉勞黃屋藏金溢紫標豈容程卓富不報聖明朝涓
滴竟何補恩榮偏屢邀君看輸粟者徧插侍中貂
錢幣奸生蠹魚鹽利擅商弄兵因積憤畏死反跳梁腥
血膏叢莽殘骸轟野塘招徠賢太守不戰意何長
此鄉猶幕燕大地盡嗷鴻命奪干戈裏魂招道路中無
依愁草露得食鬪兒童我亦憂離亂他時瑣尾同
滔滔甬江水莽莽越山雲六邑屏東浙元戎典重軍舳

見山樓詩集

卷一

三

四明叢書

約園刊本

鱸波不起刁斗夜無聞坐鎮資談笑誰憐宵旰勤

送葛似山茂才航海之粵

離筵握手重徘徊萬里饑驅事可哀幕府棲遲消壯志
天涯寥落老詩才孤帆海舶春風健一夜羅山別夢迴
垂暮高堂勞倚望爲言遊子早歸來

贈黃巖蔡申甫茂才

燕綦

卽留別

時同客
武林

君是詩狂我酒狂相逢忽漫在錢塘依山樓觀秋聲動
繞郭風潮海氣涼鄉夢縈迴千里月寓廬吟嘯一天霜
金峨蓋竹遙相望雁過休忘報數行

自杭歸里

朔風攪樹泣鴟鴞日夕孤城轉寂寥晴雪樹頭長作雨
野塘冰底暗通潮閨中燈火留情話客路星霜憶昨宵
獨有閒情媚邱壑故應無分向雲霄

衢巖告警姑蘇劉培甫

傳本

陳夢樵

祖綬
招遊吳

門詩以謝之

烽火連天逼暮春睦州城外劫灰新一家骨肉悲同命
千里音書責故人海國風波愁我險吳宮花草約爲鄰
白頭兩世椿萱在敢向天涯浪寄身

見山樓詩集

卷一

三
四明叢書

約園刊本

寄內

持家辛苦近何如鎮日眉頭定未舒
獨忿莫刪階下草得閒好理案頭書
夜深燈火明妝閣江上風濤撼寓廬
多病總緣離思重莫將寒暖祇愁予

擬同谷七歌

有客有客麟洲子巾衫落拓書生耳興至時還讀我書
不識人閒有青紫胡不我後不我先江湖滿地浩如此
嗚呼一歌兮發長歎天荆地棘行路難
人生樂事不用一錢買兩世高堂各健在無端身世遭

亂離行歎坐愁苦不解朝朝暮暮老人心鬢毛如雪容
顏改嗚呼二歌兮心煩憂慈鳥夜夜啼枝頭

阿兄吾家謝康樂作爲詩歌才不弱筆底風生走怒濤
行閒霜冷飛蓮鐸對此忽覺豪氣盡置酒尊中空獨酌

嗚呼三歌兮心永傷愁雲爲我橫高岡

有妻有妻來名門亡者已亡存者存存者藥裏不離手

亡者環佩無歸魂與子乖離未可定哀哉況爾長眠人

嗚呼四歌兮歌愈促一室人聲雜鬼哭

有子有子襁褓物爾何爲平生今日鬢髮垂垂露頭角

見山樓詩集 卷一

三四明叢書

約園刊本

笑口啞啞爭梨栗弄兒牀頭樂事多我今對之轉蕭瑟

嗚呼五歌兮淒以長燕雛學語棲屋梁

有家有家山城中僦居聊蔽雨與風烽燧漸逼可奈何

旅焚安保巢不空人生在世若朝露何況區區數畝宮

嗚呼六歌兮歌欲寂風聲雨聲寒四壁

我欲從軍赴玉關古來征戰無人還我欲采藥遊仙寰

海上何有三神山登山涉水行復卻雲霧四塞蛇龍頑

嗚呼七歌兮歌聲杳出門四顧乾坤小

雪夜有懷長沙周韓城師 玉麒

青衫寥落有啼痕知遇難忘舊日恩自恨荒莊同陸氏

每逢深雪盼程門文章沈澁三生契風月婆娑一老尊

同是公家桃李樹倘容遲發待春溫

三月大雪杭城失守挈眷屬入西興

天末妖星驚入度嶺頭飛將枉當關三春道路仍殘雪

八口流離且亂山滿目艱危難自救如絲骨肉盼生還

羈魂甫定憂端起松柏西陵哭望聞

西興

溪流十萬丈倒飛作晴雪鳥道鑿半空亂山如笏列幽

見山樓詩集 卷一

三四明叢書

約園刊本

居竹蔭深樵徑人聲絕武林盛豺虎烽火連天黑西湖

桃李花都作可憐色顧此荒僻地雞犬亦愉悅昨日襍

被來相對各嗚咽得所聊羈縻家鄉不堪說攬景發哀

歌臨風心似結

清明

杏花飛盡柳條青如醉春愁喚不醒正是禁煙時節也

滿城烽火在西泠

鄉居呈家兄

多病身猶弱無家累轉輕百年生死感空谷弟兄情天

地還風鶴饑寒更甲兵長鏡聊託命山雪沒黃精

白衣仙人歌

天竺高據羣山巔樓臺金碧煙雲連中有仙人七寶裝
白衣趺坐圍青蓮年年浴佛爭祈福四郊楊柳連天綠
畫舫遊行湖外湖麗人來往曲江曲長隄十里香風襲
遊蜂浪蝶穿花急寶馬林中緩緩歸翠細陌上紛紛拾
今年繁華勝去年傾城士女何聯翩奇禍誰知起不測
香煙未散飛狼煙烈焰漫天殺氣生刀光閃爍霜花明
清淨場中虎豹入綺羅隊裏豺狼行繡裙飛盡錦衣裂
玉釧委地金釵折殘肢塞池池上平波聲滾滾淘紅雪
哀號呼救力已竭愁雲隱隱風瑟瑟白衣仙人空際立
手握楊枝語不發

見山樓詩集 卷一

三四明藏書
約圖刊本

喜聞杭城收復

迅掃妖氛幕府開海濱喜見捷書來張巡幸賴危城守
李愬原推宿將才草草湖山埋碧血寥寥池館沒蒿萊
愁顏莫便將軍破赤地猶聞野哭哀

賊窟姑蘇喜陳夢樵攜家歸里并懷劉培甫

我亦傷弓鳥君爲虎口餘鄉音猶未改兵火竟何如惆

悵三年別艱難一紙書隨州獨不見離亂更愁余

新晴登鳳皇山有感

崖石童童秋氣橫芒鞋一兩趁新晴風迴深谷層陰起
樹落殘虹斷澗明千頃田荒饑鼠雀大江波湧舞蛟鯨
英雄髀肉生如許李蔡何人浪得名

贈武林歌者紅雪

回首吳山有所思滿城簫管月明時江山錦繡今何在
怕聽秋娘唱竹枝

六橋桃李付塵沙霧鬢雲鬢怨落花一曲念家山唱後

見山樓詩集 卷一

三四明藏書
約圖刊本

獨將清淚灑琵琶

見山樓詩集卷一

見山樓詩集卷二 辛酉至壬戌

清慈谿張翊儻麟州著

正月婦病方劇丹徒張星白師錫庚適見召遂有

台州之行口占留別

此去無多日胡爲淚不乾憐卿扶病送使我別離難兩
細燈花暗風高客路寒莫愁歸信滯應未及春闌

大橋阻雨

兩雨風風一道斜荒涼旅館暫停車雲迷村舍全成墨
水沒谿橋半汜沙絳蠟燒殘渾不寐濁醪醉後苦思家

見山樓詩集 卷二

一四明叢書
約圖刊本

遙憐此夜瓊窗裏瘦損寒梅一樹花

梁陸驛

雞聲北舍還南舍馬首前巖又後巖客裏不知春已老
落梅如雪點征衫

新橋

四山一谿水十里萬梅花雪霽煙籠舍風迴路漲沙勞
人驚物候佳日怨天涯林木故園好春深不到家

相見嶺

東嶺名相見西嶺名相見同是嶺上人相見不識面

曉發桑州嶺

隱隱晨星落迢迢石徑斜枯松猶帶子敗竹漸生花
盡饑鴻雁山深蟄蝮蛇憂時增百感不獨怨天涯

甯海道中

霜氣山山白春深草尚凋荒墳纏薜荔枯木泣鴟鴞
割生靈慘催征俗吏驕窺人有魑魅行旅日蕭條

途中偶成

垂柳已堪折啼鴉不忍聞客愁連日雨詩夢萬山雲
馬風塵悴荆榛道路紛荒村愁止宿狐兔悵成羣

見山樓詩集 卷二

一四明叢書
約圖刊本

小洞巖題壁

旅舍淒涼易白頭一宵風雨屋如舟客中況味家鄉思
迸作溪聲日夜流

臨海

驛路迢迢策騎過征塵僕僕奈愁何一溪流水鳴寒玉
萬壑晴嵐疊翠螺落日影隨行旅散春風聲入鼓鼙多
荒郊今幸無烽火古堠長看繞薜蘿

八仙巖

峭壁立半天參差花倒出巖泉飛白龍驚雷奮靈窟緣

磴愁苔衣攀柯穿石骨括蒼橫翠微滄溟浴白日絕頂
凌層巒嵌空懸古刹老僧陪客遊殷勤爲陳說云有仙
人臺鸞龍此休歇作賦素壁閒龍蛇認絕筆至今雲氣
深時時覆石室我來悔已遲仙蹤渺琳闕黃梁雖幻情
無緣望徒切不見邯鄲生夢醒轉蕭瑟

寄黃巖蔡申甫同年

相逢才卅月小別已三年舊夢西湖水新愁北固煙
山亦號北固干戈危旅客風雨緊歸鞭百里郵程近猶慳一
面緣

東山樓詩集 卷二

三四明叢書
約圖刊本

臨海陳衡士同年 翰銓 餞別清華閣卽席賦贈

傑閣參差倚碧虛行廚親爲薦嘉蔬蕉痕綠映詩人酒

花影紅扶長者車 時星白師在座 干點雲嵐風散後萬家煙火

午晴初芳筵餞我西歸客楊柳絲絲一帶疏

道出清溪距天台山三十里余以婦病恩促就道

不果登詩以誌愧

絕頂霜鐘已嚮晨瓊樓玉闕望中新萬烽瀑瀉天池水
百丈霞蒸海國春東閣梅花勞夢想北山松桂笑風塵
歸心苦逐輪蹄急慚愧天台采藥人

書事

漢家無意事遐荒不惜金繒餌犬羊北極終留冠冕地
南天苦作戰爭場畫樓底事虛丹鳳歸騎何時擁白狼
自是盈庭公輔意議和頻許郅支王

二月十二日抵家

去時燈火正良宵多少風光客裏消春鳥一聲催夢醒
再遲三日是花朝

悼胡孺人

一病纏綿不肯輕恩恩收拾夜臺行沈疴已試奇方徧

東山樓詩集 卷二

四三四明叢書
約圖刊本

微命終難鬼伯爭七尺桐棺千古別數聲莊缶百年情

悲懷亦自知無益酒醒鏡昏涕泗橫

猶憶天孫乍渡河綺筵簇簇好風多香車聲裏月初落

畫舫歸時水不波兩字同心鑄玉佩一雙瘦影對銅荷

歡情未散悲情續如此光陰太易過

井曰霜天賴爾操梅花蕉萃在江皋霜寒玉指衣新翦

月冷冰蠶手自縲生小性情甘縞素從來意氣薄錢刀

可憐骨立形銷日猶是人前說耐勞

抱出佳兒似阿侯盧家少婦暫消愁漸生頭角看初度

能識之無是去秋花落忽驚曇影散巢空無復燕雛留
年年枉祝宜男草一檢兒衣一淚流

江頭戎馬驚心日堂上淒涼掩泣時相對無言空有淚
未曾死別已生離鳥啼花落驚魂繞雪虐風饑瘦骨支
一自清明歸棹後不堪銷盡舊丰姿

紅闌款語記依稀正值亭江乍賦歸銅漏聲遲宜罷繡
玉階露重早添衣愁多易使芳情損病久休嫌藥力微
底事囑君君不信翻勞舊恨訴靈幃

藥爐燒盡賣文錢瘦怯容顏太可憐孤枕倚殘明月影
見山樓詩集 卷二 五四明叢書 約園刊本

重衾擁到暮春天玉釵敲斷真成鐵脂盞拋來已隔年
長夜漫漫勞待旦青燈如豆照無眠

祇望病從春日減春深翻是病深時醫言養胃宜清味
我恐勞神戒苦思四壁呻吟愁似海五更風雨命如絲
牀頭相屬無多語寒暖而今要自知

怕聽解脫唱黃雞夜色沈沈月正西留得畫圖難省識
幸無兒女助悲啼春蠶殫後絲方盡青鳥歸來信已迷
二十五年真就木如卿身後太淒淒

素幃寂寂暗傷神痛哭堂前有幾人入夢不來嗔夜短

營齋無力怨家貧目原易瞑心難死魂倘能招鬼尙新

一笑拈花將佛日祝生淨土豈無因卒於四月二日

覩物應傷奉倩心房櫳寂寞恨人琴鈿圓空牘雙鬢翠

釵冷猶留半股金塵篋蕭條拋義髻空牀撩亂疊羅衾

更從枕畔搜遺跡一卷分明女史箴

有人先汝在泉臺七載音容杳不回離合悲歡催我老

新愁舊恨逐年來鴛鴦夢早人閒斷姊妹花應地下開

馬鬣雙封湖上路淡煙疏雨總成哀移徐孺人殯宮並厝慈湖之北

白髮飄蕭厭哭聲謝公老去若爲情傷心無計留嬌女

見山樓詩集 卷二 六四明叢書 約園刊本

揮淚翻勞慰館甥今日承顏惟有弟早年折玉已無兄

病中猶望登堂祝錦襪羅衣手製成五月爲外舅五十壽

徧地干戈客子憂天台道上漫遲留家鄉漸近心成結

安否如何夢亦愁欲訴相思聲息薄強言無恙淚痕流

早知聚首無多日悔向天涯事浪遊

蕉衫曾記伴湘裙郭外同遊趁夕曛鞋印迷離留淺草

衣香搖曳動春雲無邊風月歸詞客如此湖山著細君

白馬素車重到日獨餘夫婿哭荒墳

素顏冷落葬山阿續命無湯可奈何雙宿雙飛愁裏憶

相噴相愛夢中過緣如未了來生補死尙鍾情別淚多
死後撫屍哭祇恨仙山梯不到廣寒無地晤姮娥
之淚出如雨

翁萊仙秀才鑿將侍其尊甫琴堂先生泛海之遼

西詩以送之

南北奔馳事可憐歸來閩嶠又冰天暫拋故國三千里
先訂歸期四五年濁浪夜粗淘海月天風秋勁送樓船
此遊歡好嚴親博雙淚休教灑別筵

絕域天寒木葉凋客愁好借酒杯燒五陵年少邀看劍
萬里平沙試射鵰詩入邊關音獨壯身經霜雪病能消

見山樓詩集 卷二

七四明叢書

約園刊本

他時重話遼西事翦盡書窗燭幾條

蜚女曲

越山春草青珠江春水綠十五小嬌娃新妝豔如玉妝
成倚碧紗雙鬢堆雛鴉小小綠蓬船搖動花田花花田
多素馨對影何娉婷瑤簪一一穿宿酒爲郎醒郎如江
上萍妾似江中水萍開有合時水清波不起江水映顏
紅靈犀默默通贈郎紫羅襪相思懷抱中相思何處著
潮生又潮落盡日畫船頭低首弄絃索絃管日悠悠春
心拾翠洲好風吹不斷和夢到羅浮

程不識刁斗歌 用昌黎石鼓歌韻

芒碭山中真人起大風臺上發浩歌追逐秦鹿有韓彭
發縱指示歸蕭何蕩滌邪穢日正中削平四海韜干戈
文景襲業享承平功臣宿將多消磨天生孝武振漢祚
奇材異士皆搜羅當時名將程與李開關邊郡功峩峩
李以簡易程以煩文法嚴重無依阿軍中夜深擊刁斗
戰士擐甲勞護呵至今流落滎陽庫銘志宛在非差訛
土花剝蝕光陸離古篆屈曲盤蚪蚪製形類銅受一斗
叩之則應鳴靈鼉我聞漢儀夜漏起城頭紛擊醒南柯

見山樓詩集 卷二

八四明叢書

約園刊本

周廬亦復持木柝侯士三百紛拋梭宮闈省闈各有備
周衛嚴密懲委蛇鳳閣宵長肅阿監龍樓春曉驚宮娥
方今天下正多事對此不覺涕泗沱上公徒承主恩澤
士卒未見鳧藻和營門箕踞吹笙竽行軍今古多殊科
粵西蔓延及吳楚江南江北煙塵多供頓絡繹役牛馬
韜重萬兩驅橐駝歡呼時雜歌吹聲縱橫屢見蛟龍過
豈無陰符與六韜誰復揣摩知切磋百萬雄師壓江口
投鞭可斷長江波當時若早嚴守禦行陣整頓安不頗
吹笳擊鼓期無懈江左靜謐甯有他柰何坐令藩籬撤

不思振奮徒媿媿我觀遺物深歎息劬苦剔薜重摩挲
當世已無長樂尉側身四顧空吟哦武林至今苦兵甲
東浙猶待肅鸚鵡熊足龍首製可撫無人約束事則那
書生生不逢明盛奔走終日何坎軻願得良將扼險要
破碎一角留山河有備無患古所訓幸告守吏無蹉跎

廣杜前出塞六章

軍書催我去萬里赴戎行親朋走相送酌酒歌同裳王
師討不庭除莠安善良吾儕小人耳何敢戀故鄉
邊地多悲風落日旌旗卷沙漠日以近骨肉日以遠生

見山樓詩集

卷二

九四明叢書

約園刊本

死寄他方敢望延殘喘威重性命輕身賤恩情淺

驅馬長城下月黑霜天高胡騎四圍合陰風相怒號左

射人墮車右射人伏殺諸將競高會絲管聲嘈嘈

猿臂矜善射老死南山頭金印如斗大不識兜與盔舉

世崇蠅鼠鹽車困驂騮何不據要津而懷數奇憂

墨磨眉鼻雲米浙矛頭月脫我舊戰袍紅濺猩狔血諸

君得虎子我獨探虎穴十年壯士心化作天山雪

枕戈宿草露北風何蕭瑟中夜夢故鄉恍惚入我室入

室見妻子相對舊顏色夢醒竟何在軍門吹簫築

廣杜後出塞九章

皇家嚴武備制兵有定賦歲發千萬緡恩重心自固承
平數百年明文視為具諸將利身家三窟營狡兔朝入
中軍帳暮滅公徒數一人二其首此唱而彼赴持此腹
削餘不足供扉屨釋甲為市僧妻子猶待哺禍患起倉
卒遊民爭召募生來不識戰謀食逐雞鶩

鴟梟滿枳棘鳳鳥鳴亦孤蓬蒿徧四野麻短誰為扶嗟
我良家子辭家為卒徒同隊肆焚掠禦人以自腴子女
與玉帛堆積山不如從容戒同隊同隊笑我迂自言奉

見山樓詩集

卷二

十四明叢書

約園刊本

命來萬里入此都屠戮爾倖免何敢吝區區飲宴更為

樂白晝相叫呼主將寂不聞危坐觀兵書

今歲既不征明年復不戰坐令疥癬疾釀成心腹變羽

毛豈不豐稜豆誠可戀幕外列從官幕下羅俊彥偶談

軍國事舉座口忽斂若不縱虎狼安知重鷹犬與師賀

蘭阻築塢董公健甯為守株兔不作離絃箭士馬今騰

飽主恩逮卑賤豈無報國心力薄難自薦

賊梳兵復篋土兵乃如薙苦賊更苦兵村落無完地可

憐請父老相對各流涕足欲赴營門逡巡不敢詣叩馬

略陳詞主帥聲色厲爲言遠行役家室久離棄沉復道
途隔糗糧苦不繼爭室本人情就食亦常例我聞主帥
言咄咄稱怪異一軍盡夢夢獨醒難爲計

豈無黃金甲燦燦輝朝日豈無三尺刀皎皎耀霜雪旌
旂蔽遠空弓矢紛羅列昨日羽書徵今日全師出秣馬
厲軍裝行陣劇嚴密強敵倏在前走若鳥獸疾聚之非
一朝棄之不甚惜賊眾顧相笑彼勞而我逸

力戰在人先勳業居人後欲效不狃步難得狼暉友驅
策分所甘韜略吾何有英雄用武時邊計身與首昨日

東山樓詩集

卷二

十二四明叢書

約園刊本

下一城小醜爭奔走共論恢復功同輩多自負自笑同
遼豕不敢居功狗君恩賜錦衣再拜頽滋厚

日高不得食秋深不得衣再拜告軍吏軍吏徒歎歎大
官擁黃標囊橐日云肥安知千萬人今日寒與饑迫之
使走險小人何足非有如水決隄一瀉不可追有如大
廈傾一木不得支金珠齎羣盜名敗身殉之挾貲不爲
備人謂豚犬兒

將帥制閩外君命有不受文臣拘文義動輒掣其肘亦
有袖手人從旁袒左右羣疑滋滿腹倩嫌起斗酒武臣

以爲可文臣以爲否戰守兩失宜心乖力不久坐看錦
繡地相繼成盜藪勿身謝天下一死不掩垢長城壞萬
里借問誰之咎

東北有壯士意氣凌其儔披幟當一隊狼驚不可收招
來字以恩百鍊鋼始柔賜之侍中貂爵之冠軍侯肘後
黃金印胯下紫驂騮人心險江海變幻難預籌未效犬
馬力乃與豺狼遊猛虎傳以翼反噬良可憂

十月二十三日家大人與儻守城中宅時眷屬已

避居西畧寇逼家大人入鄧命儻侍王父爾東

東山樓詩集

卷二

十二四明叢書

約園刊本

順道至西畧留別家人五章

伯勞與燕子東西各飛去我有骨肉親播遷無定處或
在城之北空山渺雲霧或在山之西茫茫隔遠渡而我
獨江東兩地不相顧悲風滿城郭奔走驚狐兔不有居
者在米鹽誰爲慮不有行者在年老誰持護豈無兒女
情大義不得住隻隻獨行役慟哭當歧路

城中有做廬躊躇不忍棄薪木皆我有相看忽成寄念

當遠別離中夜起無寐山中有母在一訣苦不遂

家慈先居

鄧老父向兒語酸聲淩人真汝侍大父去仔肩亦不易

危邦而久居遺子庸可冀去去勿復道相見甯無地再拜辭父行痛極轉無淚

與子爲兄弟相依三十春讀書昧生理矧迺罹艱屯千戈催我去道路多沙塵睽茲手足情恩愛何時伸譬彼連枝樹柯葉倏以分今夜一室中明且江水濱上有祖母老下有諸姻親八口以累子勿復憚苦辛生當與子聚死當招我魂一別若干古哀此亂離人

而月爲我婦送我就遠道恩情苦不長訣別何太早中宵切切語氣咽聲逾小生離良可傷死別甯自保妾有

見山樓詩集

卷二

十三四明叢書

約園刊本

白玉環光輝何皎皎脫作君纏臂魂魄長相繞勿謂輕賤物皓質以爲寶感子區區意相對心如擣

谿聲驚我夢殘月明屋北遊子夜中起對案不能食荒雞喔喔鳴分離爭一刻出門有戒心行李不違飭短衣纔至軒風霜苦相逼今日分手去臨風乖羽翼海水有時枯山石有時泐善保千金軀與子長相憶

二十六日侍王父登海舟三章

北風北來天渺茫東號虎豹西豺狼爹娘妻子不相顧行李狼籍委路旁孤城眼見生荆棘王孫慟哭空自傷

我本有家句山傍我今無家歸何方流離骨肉天一鄉

青山白水遙相望眼枯骨復何益血淚不敵東流長旁人勸我浮海去危橋百尺江上路朝發北澗暮南溟川后靜波屏翳馭我欲從之心茫然巨濤如山風吼怒嗟余已爲蓬與萍臨流莫唱公無渡痛哭能令海若愁奇窮未必蛟龍妬不如援琴尋我師滄溟彈出霜天曙行裝肩荷還入舟道窮真欲乘桴浮舟中豈無舊相識對此不覺涕泗流握手問我家何在爲君指點荒山陬道絕不知存與不一別或恐今生休熒熒惟有祖與孫

見山樓詩集

卷二

十四四明叢書

約園刊本

相依爲命嗟幸留君聞我言更慰我慰我彌起愁中愁擁被彷徨不成寐坐聽海上風颼颼

舟中守風望慈城火燄徹天歷一晝夜

如佛人聲刮地風孤城兵火燭晴空煙霾星斗三霄黑燄射峯巒萬丈紅命縱幸存生意少家無可戀此身窮憐余獨倚危檣立渺渺家山哭望中

泛海放歌

黑風卷地號深秋海水壁立突兀撐山頭天雲四合黯無色但見萬里不斷泥沙流伏龍橫臥金雞峙馮夷狂

吼天吳愁奔騰澎湃走怒雷蛟門鎖鑰不得收樓船迅
駛出關去茫茫日夜乾坤浮聲鼓動地呼噪干貔貅鐵
騎突出琅琅鳴戈矛一起一伏上下百餘丈低昂直似
梭拋投長舸巨編絡繹來不絕明滅閃爍飛白鷗大魚
吹水作人立赤鬢搖搖排旌旂長江如帶黃河如鉤五
嶽眼底有如浮漚此中惟有朝見日出暮見月一雙跳
蕩玻璃毬我欲登山島我欲窮十洲仙之人兮山之岷
羽衣蹁躚招我遊以玉爲字兮以瓊爲樓煙雲隱現涼
颼颼颼神山可望不得至中心願而煩憂海外未必無

見山樓詩集 卷二

十五 四明叢書

約園刊本

九州我無仙骨仙不可求不如歸臥空山幽胡爲一身
滄海上朝生暮死同蜉蝣時清有日會須待海波不揚
昭神床南溟行將六月息下視榆枋弱羽聲啾啾
海上望七姊妹山

海島峻嶒歷幾春朝朝顛擲浪花新故鄉夫婦多離別
定有山頭化石人

吳淞口放船入申浦

水色連天似鏡鋪斜陽一抹淡寒蕪青黃村樹都成畫
平遠江山已入吳對客忽驚鄉語改思家倍覺夢魂孤

風塵憔悴何人識市上空多碧眼胡

黃浦

黃浦江頭落日斜帆檣獵獵起寒鴉高官慣醉蘭陵酒
南女猶歌玉樹花霸國河山隨逝水鮫人邑里溷中華
胡兒亦解皇恩大夷夏如今暫一家

贈蘇州孫嶼芝明經

傳鶴

蛇豕縱橫道路中隻身天地哭途窮故園第宅銷兵火
海上風波老寓公雨水無魚書寂寂蘇臺有鹿走恩恩
家鄉等是歸無計羨爾思鄉八口同

見山樓詩集 卷二

十六 四明叢書

約園刊本

晤馮生南秀才

清裕

猥贈長句次韻奉酬

面目風塵一瘦人誰憐辛苦賊中身命爭虎穴無人色
魂落鯨濤付海神骨肉空山生計斷干戈徧地血痕新
滿堂絲竹愁難解花近心傷怕見春

生涯無計暫依人莫謂儒冠誤此身貧乏見愁艱旅食
迂疏終不事錢神江湖浩浩魂難越世界番番局轉新
一領綈袍憐范叔溫和還是故鄉春

時有鄉人
贈君一袍

懷劉培甫兼憶亡友陳夢樵

虎山戰骨莽塵沙甬上淒涼又暮笳在昔劉琨曾避跡

如今張儉已無家，依人羞比隨陽雁。覓宿誰憐失樹鴉，
生死交情餘涕淚。妻孥一樣怨天涯。余家避鄞慈兩邑山間夢樵眷屬亦均無音耗

送徐僕歸西魯取眷屬

幸有崑崙隨我在，亂離無改舊時心。路從冰雪堆中去，
家向蛟龍窟裏尋。消息想人傳語早，艱難勞爾入山深。
可憐生死猶無定，獨向天涯盼好音。

聞杭城危急有懷張星白師

羅掘已將盡，援師未有期。吳山今夜月，烽火燭天時。

見山樓詩集 卷二

十七四明叢書 約園刊本

死公奚吝孤城力，不支東南諸弟子。我亦哭流離，

徐僕歸後音書久不至。臘月朔日忽駕輪船送眷

屬來驚喜賦此

相逢真再世，喜極轉茫然。驚定知非夢，飛來或自天。風

長千里近地僻，一家全更問音書。滯人行在雁前

欲訴相思苦，還驚少二人。家嚴慈徙居裘市未至知交雖可恃，顏

色幾時親。但得生相聚，何嫌家已貧。胡爲留海角，兒輩

總酸辛

林義士辭 有敘

十月二十六日賊陷慈谿城邑，令先三日走通

城人皆走義士率妻子居城北鄞，舉賊猝至義

士著短衣持梃呼鄉人與戰，斃賊十餘人。餘遁

去，越日賊大至，義士復與之鬪，轉戰數里，賊愈

集，焚鄞民居，幾盡。鄉人潰，義士受數創死。臥

沙磧中，賊退後，吾父收其骸骨而殮焉。義士者

余長姑夫也，桐齋其字，世榮其名也。

黑雲西來低壓城，城頭烏鵲噤不鳴。黃狐跳梁白狐人

立，蕭蕭野骨悲風四塞。一解城中主者誰飛蓋，一去不

見山樓詩集 卷二

十八四明叢書 約園刊本

復迴城中居者誰，東西南北何時歸。二解朝出暮入焚

掠四野草木不青，邱陵爲赭。三解公何人斯不爲守土

吏，不受國士知。奮挺大呼一鄉之人多從之，殺賊漚漚

血染髭，餓虎狂吼野豕紛馳。山頭蔓草塗膏脂。四解明

日賊又來村居爍爍，飛紅埃裏瘡復戰。鼓絕力不衰，身

臥沙磧，血漬苔。左手握刃，右手挽髑髏。紫稜閃閃雙眸

開。五解風淒日慘天無光，妻子慟哭歧路旁。桐棺藁葬

荒山荒。六解生爲人傑死爲鬼，雄草莽之臣君恩同獨

行。其是成孤忠，千秋萬歲垂無窮。七解

明州紀事

城壓金峩引海流繁華共說古明州
天中絲管吳兒曲江上帆檣估客舟
誰使金銀通夜氣忍令鼓角動深秋
衣冠文物都消歇破碎河山滿眼愁

寥寥數騎走黃巾白馬橋邊戰壘新
四壁何妨觀鉅鹿一軍忽已散清人
華元棄甲傷犀兕張翰還鄉戀膾莼
多少浙東乾淨土正愁萬骨委沙塵

官奴城外信沈沈束手同看劫火侵
四百罪人齊出獄三千死士早離心
登陴誰策臨淮卒比戶虛糜郭氏金
眼見萬家煙火絕淒涼故鬼哭牆陰

鬼山樓詩集 卷二

十九四明叢書

約園刊本

妖人徑入長官衙
扉宇蕭條冷暮霞
雲外早飛緹氏鳥
水邊難迓細侯車
一城無主狐登屋
半夜相驚鬼瞰家
戎馬未來絃誦斷
河陽遺恨滿庭花

旌旗市地龍山赤
煙火漫天鳳嶺紅
無限亭臺消罨畫
幾聞士卒化沙蟲
金珠璀璨拋歧路
蛇豕紛紜據郢宮
守宅有蛟龍不暇
畫樓一例染腥風

白頭作賊古今哀
戾氣天鍾禍有胎
甲楯何難句踐保
乘韋翻訝鄭商來
從容揖盜羣思亂
倉卒開筵劇費才

鑿子迎降真可笑
犬羊羅拜在塵埃

呼天忠憤豈須激
殺賊鄉兵皆絕倫
烈燄奔騰崖石紫
寶刀飛舞鬪體新
一村萑叔盤中血
五百田橫島上人

毅魄我猶招
未得我我高嶺暗傷神

高嶺在城北鄞縣

敵騎長驅勢莫當
江頭畫角太蒼涼
帳中喚起將軍夢
郭外都成瓦礫場
礮火橫衝戎幕月
刀光寒迸女牆霜
朝廷養士恩如海
一戰猶堪答聖皇

步騎如潮湧
未平赤眉分道盡
登城旌旂四卷無
天色士女千家哭
有聲血凍梅花紅
灼爍骨浮湖水白
縱橫

鬼山樓詩集 卷二

二十四明叢書

約園刊本

梓鄉尙有忠魂在
縛虎當年恨不成

行李倉皇出走時
備兵海國竟何爲
爪牙爾已忘祈父
皮服人憐維島夷
越境不妨先屬吏
言歸曾否乞鄰師
年來渤海風波靖
一任樓船日夜馳

虛堂琴韻聽依稀
手握銅符又見機
秀實競傳身秉笏
侍中浪說血沾衣
淒淒江岸雙魚至
歷歷吳淞畫鷁飛
前日空山竟長往
模糊誰辨是耶非

蛟門白浪亂翻銀
羣盜紛紛伺海濱
宦橐不教歸陸賈
家資無恙寄盧循
留行車轍曾三臥
乞食空山賸隻身

布襪青鞋人不識頭銜已換作齊民

海外惟餘此彈丸檄書傳到萬人看乞師越石腰橫劍
流涕君山髮指冠孤注尚存輸帛誤洪濤可恃駕梁難
莫嫌徧地冠裳改山水偏爭一角殘

北岸濤聲卷白沙舉頭何處認中華遁逃盡入波斯藏
樓閣新成海客家渴飲醜湯人不擇倦棲惡木計原差
花門留後村蕭瑟請看江東起暮鴉

朱門重到是何年狼籍蛾眉太可憐白壁青蠅還自惜
花鈿繡履盡成煙曲終誰解文姬怨恩斷長離奉倩絃

見山樓詩集 卷二

三四明發書 約園刊本

轉轉饑腸一甌粥坐聽畫角動霜天

舉國如狂不解羞掌珠何事竟輕投姻緣潦草聯蕭史
夫婿英雄誤蔣侯綠酒紅燈歡會短銀牀錦帳此生休
蓬門獨有女貞樹一簇寒林殿暮秋

槐國衣冠紛海角偽官與馬耀街前草間爭拜劉盆子
海上誰逃魯仲連嗚虎生風聊竊勢井蛙放眼久無天
聖恩總不誅狂警湔洗應難向盜泉

一城搜掘徧東西金穴銅陵路不迷銀鴨雙飛辭古冢
鏡龍四壁破紅泥貪饕無計驅衰術姓氏何從變范蠡

慾壑難填家已毀多田休更舊名題

孤城又作戰爭場兩大難容眼有芒巢本無心留宿鳥
玉真何罪痛昆岡鵲持我欲招漁父虎鬪人思借卞莊
未必儒生皆淺見一書無奈誚疏狂

旄鉞新聞拜主恩東南來整舊乾坤三衢飛將收巖邑
六月王師抵海門慎勿域中容小醜直教釜底泣遊魂
唐生有淚何須灑甘把鋤犁老一村

喜得夢樵眷屬消息

昨日喜逢鄉曲道孤嫠猶得住空山貧從亂後無人問

見山樓詩集 卷二

三四明發書 約園刊本

家在城南何日還新鬼淒涼啼夜月故交潦倒客江關
令暉此日增悲慟一領春衣淚點斑君次妹為余繼室

夢樵歿已週歲久欲以詩哭之不果至是補作

蘇臺戎馬裏倉卒返江濱居吳門凡二世去歲歸原籍疾自愁中亟

交從死後真更無身外物賸有未亡人瞑目歸泉下晨
昏奉老親尊翁早捐館太夫人服尚未闋

君竟飄然去其如八口何淒淒諸弟妹婚嫁未成多舊
宅餘灰燼新墳長薜蘿可知危嶺下腹痛故人過君浮厝直

刺嶺下

剛失髻齡女曾無膝下兒未能成一事生爾竟何為短
命人爭惜遺文世不知去年塵篋裏重檢寄余詩
又驚滄海變谿上劫灰殘異地容身苦荒山覓食難生
前一諾重亂後兩家寒無計甯存歿愁懷觸萬端

歲暮懷人詩

眼前羣盜滿鄉關異地思公淚暗潛為問春申江上雁
飛來曾過鳳皇山胡雪巢外舅

兩家消息萬山中我獨飄飄感斷蓬可惜吳淞往來水
淚痕流不到江東徐穎齋婦弟

覓山樓詩集 卷二

三四明鏡書
約園刊本

故鄉戎馬太紛紛千里迢迢苦憶君聞說故人無恙在
芒鞋踏徧亂山雲董湘舟明經

槐國衣冠徧海城六州有鐵鑄難成家山好隱還須隱
莫遣時人識姓名胡柏甫茂才

異鄉風景悵鶯花故國傷心舊礮車誰料去年江上別
片時分手已天涯胡梓琴婦弟

有家休更說家貧薇蕨西山亦可珍悔我出門謀食苦
他鄉添得一流民翁萊仙茂才

江關潦落有誰憐回望鄉園路隔千一棧去家君更遠

歲闌又上嶺南船錢西箴明經

一家無定悵西東莫歎儒生道竟窮好作詩歌當信史
浣花堂亦戰爭中何啖青茂才

魚書傳到代酸辛老屋城東劫又新忽覺無家猶有我
江湖飄蕩更愁人陳子仙同年

紅橋明月照桑田不見音書已十年客維揚城地不返若
知離別苦還應夜夜卜金錢舅氏陳蘭生先

忍將微命寄干戈哭望天涯奈母何爾自不歸歸亦晚
甬江風浪近來多徐厚齋婦弟庚申客杭城陷未返

覓山樓詩集 卷二

三四明鏡書
約園刊本

蓋竹峯高雁信稀武林戰血一城飛星白師問已殉難杭州君在台州亦
無音不知誰與收忠骨哭向西風淚滿衣丹徒張均甫公子

小別恩恩一歲過剡中兵甲近如何拾遺故宅今回首
大固山頭落日多臨海陳衛士同年

猶憶青山看暮潮與君把酒話前朝三年忽覺杭州夢
兩度紅羊劫已銷黃巖蔡申甫同年

韋羌山勢鬱蒼巽應見孤州劫火燒嫁在異方更離亂
傷心惟有左家嬌仙居何曉林同年長女適鄧鮑氏

詩畫風流老此生論交短褐傲公卿家山寫就今誰買

鎮日釭頭醉不成臨海金聽

文章品誼重吾鄉別後相思渺一方千古知心略形迹

衡山醇謹六如狂俞子黃茂才

衣韜醞藉名流折詞翰縱橫筆陣開醉後自歌還自泣

誰知杜牧是兵才何芝齡茂才

踏破孤城萬馬蹄巢焚難覓一枝棲山林深處多魑魅

愁聽嬌兒失乳啼陳蒂庵茂才時新失偶

縱談時事氣悲吞席上金壺有劍痕不少三千門下客

侯朱原是解酬恩黃巖蔡恭生茂才

見山樓詩集 卷二

三五四明叢書 約園刊本

避跡空山悔太深無端楚炬苦相侵劇憐此日秦淮海

風雪漫天瘦不禁秦蓮史茂才

遙遙何處問君家知是山涯是水涯獨有素心吾最信

冷銜冰雪畫梅花鎮海謝東村孝廉

裙履風流一隊齊誰憐鴻爪各東西舊時詩社都零落

孤館蕭蕭冷木樨象山王研農同年

不少同鄉話別情君猶消息未分明海濱忽送勤王檄

難得軍中有士衡鄞陸季雲茂才

梁家夫婦尚荒村淚灑麻衣有血痕料得今宵相對憶

月華寒浸望京門鄞毛溪芷茂才

戰骨蕭蕭古戍樓狼煙直逼海東頭知君揮淚同臣叔

白髮相依祖母劉鄞張子寬茂才

三年曾訂結芳鄰滾滾波濤怯海濱今日風塵迴首看

桃源雞犬盡仙人定海袁懷西茂才

徧地干戈客夢驚偏隅休恃作長城乘時好作英雄氣

莫聽雞鳴當惡聲葉喬卿茂才

家室飄零已可憐青箱世業付雲煙泉臺好慰慈親望

莫戀歡娛誤妙年孫鴻樞表弟

見山樓詩集 卷二

三五四明叢書 約園刊本

未亡人更亂愁新翠袖天寒慘不春難拭眼前兒女淚

江南況有白頭親方氏四姑

浮海

浮海忽東去艱危且此遭魂驚出湯火心死任風濤兒

女啼號急鄉閭烽燧高出門真惘惘憂極不知勞

豪門

豪門充食客江海逐流民奔竄俄千里艱難備一身直

為生意盡那得喜心真八口今何在懷鄉淚滿巾

干戈

干戈自吳越錦繡此山河豪族三江集名花十里多乾
坤迷酒色鼓角換笙歌滿目悲無極淹留可柰何

人作

人作懷安想天施稅駕恩豈煩回紇馬便擬武陵源燕
雀餘生寄蛟龍野性存何時一漁艇歸去臥江村

盡夷

盡夷叢葬地樓閣滿荒洲薪貴資松柏牆鼓柱觸饑貪
殘天亦憤氣燄鬼都愁隱忍何時已傷哉此物留

夜氣

鬼山樓詩集 卷二

三十四明叢書

約園刊本

夜氣燭金穴妖星動石城儘多魑魅伺獨特犬羊盟江
漲新濠鏟泥融高壘成偏隅宵屢警羈旅夢時驚

江左

江左非吾土申江自域中暫留八騶住頓使一州雄搜
刮忙劉晏風流鎮謝公劇憐冠蓋里翻近島夷宮

百萬

百萬流亡戶囂然聚一鄉層樓知地盡斗米共金量生
計離鄉促憂端與日長誰能逐崇愷裘馬走平康

餓虎

餓虎垂涎久饑蛟掉尾來妖烽江上熾野哭浦東哀殺
氣日無色浮骸浪不開回看歌舞處咫尺是樓臺

聲威

聲威胡騎借城闕羽書馳幕下千官盛江南一角支維
盧呼夜急聲鼓動春遲保障諸君力真能效繭絲

莫道

莫道儒生弱奇功出允文五更風雪夜八百背鬼軍賊
壘平江浦饒歌動海雲獨煩李僕射來與建殊勳

北極

鬼山樓詩集 卷二

三十四明叢書

約園刊本

北極歸仙仗南天朗市星近能爲漢衛益以壯皇靈聖
度自無外前驅征不庭知恩解事主留與障東溟

喜晤劉培甫二首

五載心交訂今才一刺通與君江海上還在亂離中故
里烽煙各天涯涕淚同相逢期努力莫漫怨途窮

兒女傷心日英雄失意秋元瑜新入幕時在會防局王祭暫

依劉眼底生靈血江頭畫角愁救時望吾子把酒看吳
鉤

大雪感懷二首

曉色逼寒衣開門雪亂飛異鄉苦淪落生計竟全非江
闔魚龍戲山深鳳鳥饑雙親遙海隔愁絕雁書稀

家有梅花樹今年開未開我猶江海上何日復歸來宇
內雙蓬鬢風塵一廢材未容求聞達無夢到燕臺

紀事用王小竹師韻

掃盡紅巾近十春甲寅收復上海孤城一角戰爭頻樓臺金碧
望中滿文武衣冠劫後新買宅儘師蕭相國求環誰禁
鄭商人紛紛保障論功賞爲有餘光借比鄰

贈楊秩人遜孫次前韻

見山樓詩集 卷二

三十四明叢書
約圖刊本

浦東焦土不成春骨肉流離轉徙頻故宅已隨兵火盡
異鄉又燬旅巢新慈城舊宅被焚徙居浦東又遭蹂躪江湖浩渺餘歸夢
襤被淒涼泣路人何日故園同買棹與君重結孟家鄰

余家去君
家數武

贈尹秋雪金茨再次元韻二首

天風吹送一帆春滬濱相逢話舊頻夢定空山魍魅遣
魂驚隔浦鼓鞳新頽垣破瓦傷塵劫酒地花天著恨人
不少同心數晨夕異鄉猶幸德爲鄰

珠江青草蔓生春旅櫬歸來涕泗頻碧血空留生死感

白頭愁見亂離新令兄礪南司馬在儋州以繁華滿眼緝匪被戕太夫人猶在堂繁華滿眼
增愁思絲竹中宵惱酒人獨有胡兒與胡女芳郊車馬
走鄰鄰

何兩人啓潤自漢口歸過亂徙家東鄉旋自甬至

滬酒樓話舊感贈

風雪荒寒返漢陽逼人寇盜太披猖狼奔豕突懸雙淚
婦汲兒春聚一鄉面上風塵蘇季子市頭潦倒馬賓王
如今都作江南客尊酒相逢泣數行

輓星白師

見山樓詩集 卷二

三十四明叢書
約圖刊本

愁雲四起天濛濛湖山到處飛妖烽戈矛環堞圍且攻
戰士三月食不充天崩地裂聲隆隆百萬兕虎頭巾紅
斫人快劍橫青銅積屍高與城垣同城亡與亡臣之忠
我公就義何從容錦帶手綰官關東梅花萬樹環當中
學署後圃梅花皆公手植臨難自經園亭中握拳透爪髮上衝憤懷耿耿噴
長虹巫陽下招騎白龍浩然正氣返紫穹一門忠節人
所崇庚申賊陷杭城長公子暨眷屬殉難四人魂魄天上相追從眾仙迎導
開珠宮翠幢羽葆排重重羣盜駭歎羅拜恭一棺盛以
龍門桐海水浪浪飛鱗歸骸于里來吳淞公子年少

嗟飄蓬赤城道阻山龍從韓門弟子涕滿胸親視含殮

輸寸衷公觀與王中丞觀同寄泉漳館江蘇守吏具棺

請往啓觀面色如生勁骨不共殺尸封泥丸削盡青芙

蓉七旬顏色猶清丰是日距成仁之期七十日矣沐浴洗濯光熊熊

加以朝服昭敬共象犀玉佩搖玲瓏孤櫬拂拭塗丹彤

魂樓好卜機山峯當事議擇地浮厝他時簡牘達帝聰昭忠典

禮天家豐勒碑大筆誇文雄浯溪赤石爭磨礪我昔摳

衣謁我公論文昕夕開愚蒙風骨稜稜憂沖沖歲寒早

信凌霜松降生有神嶽與崧嶺懷大節驚疲瘵設奠拜

見山樓詩集卷二 三四明叢書 約園刊本

公公罔惘和以琴瑟鳴金鏞翩然披髮來遙空寒濤落

日生悲風

家大人自甬至

一別慈親後長傷故國秋何期千里水送到夜行舟方

訝容非昔先驚雪滿頭荒村猶有母仍作兩邊愁

送袁小湖莖之海門

春歸君去兩恩恩海島微茫一髮通沙岸大魚吹浪白

柁樓落日射潮紅村多花木宜詩客俗尚桑麻有古風

我獨江南望江北歲華銷盡別愁中

何雨人歸慈谿口占贈別

我作天涯客送君歸敝廬家鄉花發後莫惜數行書

家大人至申居數日復擊兒嫂歸洋墅余仍留申

侍王父母作此誌別四首

去年別家去寒霜離庭楸出門強歡笑欲泣旋復收槍

海一窻隔中心多煩憂故地生荆棘狐狸鳴啾啾我有

高堂親蕭蕭雙白頭兵甲苦不息空山悲羈留何意春

風來吹送江上舟會面在今時痛定始淚流先言亂離

事繼訴辭家愁骨肉既云聚吾生復何求

見山樓詩集卷二 三四明叢書 約園刊本

在家常苦兵作客更苦貧不歸良所難歸去依何人故

居山城中欲問無鄉鄰躊躇決去留中夜心如焚去半

處亦半仔肩庶以分一家聚復散遷徙等轉殯去者怨

行役處者傷風塵涼飆東西征颯颯吹浮雲

承顏無幾時恩恩又千里海國東風和雲帆矗天起吾

親自茲去相送申江水親去日以遠色養違甘旨阿母

暨諸姑安否今何似翳我獨遠方輾轉不能已慚非車

中輪相隨無終始又非日與月普照無遐邇黃鵠鍛毛

羽臨風涕不止

我家門祚薄田疇苦不多況乃罹兵火謀食當如何我
猶客江上送子歸巖阿異鄉風土殊憂思增百疴此歸
好珍攝庶幾疾病瘥兩世親各老音容判山河侍奉我
與子厥職寧有他隨時各努力勿復悲坎壈

春寒

城破家何在山遙夢未通淒涼旅人意不是少春風

贈錢掌史

廷綸

一見驚猶在飄零與我同命全兵燹裏家在有無中兄
弟悲生別妻孥累寓公看花空下淚愁絕異鄉紅

見山樓詩集 卷二

三四明發書
約園刊本

寒食

兵火酬佳節風花入苦吟親朋千里道邱隴百年心金
盡人先拙魂勞病易深明知歸不得鄉路夢中尋

客中見柳

一春轉眼去堂堂寒食清明爲底忙可惜楊花無氣力

東風吹不到家鄉

芍藥將放示內

異地鶯花別樣新與卿還是客中人將離權作當歸看
珍重階前數點春

家大人歸甬久無書至

片帆歸去路迢迢魂繞蛟門上下潮兩字平安千里隔
百端愁緒一身遙似聞兵甲荒村近仍放龍龜白日驕
聞賊將
攻舟山甬上淒涼滄海上傷心同是怨蓬飄

病中聞甯郡收復喜賦

捷書傳到楚江頭瘦骨禁寒喜病瘳板屋猶能知敵愾
島夷亦解賦同仇祖宗邱墓餘生守灰燼田園雪涕收
已見家人忙料理典衣便欲買歸舟

贈海上李小瀛太守

曾裕

卽題舒嘯樓集

見山樓詩集 卷二

三四明發書
約園刊本

風雅於今得主持逸情高致是吾師季鷹早已思萼菜
白傅翻成弔柳枝先生辭職已近十年其集
中悼錢姬詩悽惋動人花月九衢
天醉夜棋枰一局劫闌時都將家國無窮恨百感蒼茫
盡入詩

同人勸赴北闕遂有金臺之行留別掌史卽題玉

丁東館集

等閒三十負青春賸有名山事業新賈誼不妨終謫去
馬周未必竟長貧樓臺燈火離家感世難年荒遺別人
自笑生涯真草草京華又踏軟紅塵

抵都二首

道遠無由問客程
兩隄禾黍戰秋聲
眼看一帶荒涼景
不信前邊是鳳城

日暮風高馬不前
征車數輛駐濠邊
篋中惟有殘書在
關吏何須問稅錢

重九日有憶二首

秋墳鬼亦唱無家
繡閣妝樓長綠麻
長憶前年今日裏
有人扶病看黃花

纍纍蓬顆冷荒邱
麥飯無人薦一甌
相對白楊涼月上

見山樓詩集 卷二

三五四明叢書
約園刊本

三千里外話牽牛

長白恩竹樵廉訪 錫
招集槐雲館賞菊分韻得四

律 同作者為俞筱雲明經凌春波孝廉桂鑑湖
參軍雙湖主政昆季童葆庭明經如築庵筆

政六人

盼菊

扶杖東籬日幾回
濃陰空見覆蒼苔
自憐三徑荒依舊
偏有高人期不來
秋信竟隨鄉夢杳
故園應傍戰場開
不同凡卉爭遲早
青女何須夜夜催

伴菊

能得花憐隱亦仙
本來老圃有前緣
同為籬下棲遲客
愁對重陽風雨天
昵我可知非傲我
忘年相與祝延年
更收殘瓣裝成枕
留取餘香到鬢邊

評菊

五色離披絢晚霞
平章次第到秋花
從來真賞人閒少
一任狂名世上加
大葉麤枝都入格
郊寒島瘦各專家
歲闌誰許爭高節
惟有孤山梅影斜

惜菊

日暮天寒見幾枝
泉明去後更誰知
風霜閱盡全無色

見山樓詩集 卷二

三五四明叢書
約園刊本

冷淡妝成不合時
入世豈能容汝傲
致身未免恨君遲
芙蓉一樣秋無主
憔悴江干不自持

答掌史即用見寄元韻二首

自經滄海後一洗萬緣空
落落長安道淒淒家難中
風高羞戢翼麻直恥為蓬
獨有天邊月相看兩處同

久客知何事蕭然四壁空
浮沈人海裏睥睨酒杯中
故里增烽火余身悔斷蓬
一鐙話岑寂幸有素心同

雪夜柬竹樵先生二首 時九月十二日

雪花如掌撲檐飛
裘敝無溫酒力微
卻憶江南篝火畔

家人猶未製寒衣

天街蕩蕩淨無泥碎玉飛瓊觀馬啼多少鳳凰城裏客
幾人情在灞橋西

冬夜望家書不至用掌史得後雲京都書卻寄韻

客中又見小春回風雪飄飄雁不來爐火有心終夜暖
燈花何喜盡情開思鄉獨下蘭成淚入洛空慚賈誼才
一領青袍今誤我鏡中頻見鬢毛催

感懷步掌史見寄元韻

江南薊北路漫漫甬上依人覓食難大父客甬東祖母暨家嚴慈兄嫂輩

見山樓詩集卷二

三四明徵書約園刊本

猶寓上海八口至今分數地一家有夢到長安貂裘已敝書

空上遠道難歸缺倦彈祿養未能烏哺急萬端愁緒怯
憑闌

喜雪

寒冬十月風怒號凍雲四合天寂寥飛雪作團壓庭木
千點萬點梨花嬌玉龍剛敗歸海去賸爪殘鱗墮無數
又見海上濤頭來銀山倒湧連天素瓊玉裝成十萬井
琉璃現出三千頃老鴉無聲煙色薄隔窗惟見梅花影
長安市上供狎遊春明門外多酒樓狐裘蒙茸朔風緊

珊鞭垂手驅紫駟百尺樓前調絲管金爐熾炭終宵暖

但覺春情座上多酣嬉又苦銅龍短年來西南方苦兵
田宅汙萊秋無成北地高寒轉煦燠天津愁聽鶉啼聲

今歲嗣皇舜繼堯肅清朝右登夔皋東國作詩美袞繡

西人感德來旅葵承平有象昭天工太和元氣何融融

大雪來為聖主瑞惟帝協天天無功土膏融溢蝗蝻滅

三軍挾纊心愉悅豐年歌譜旬服外中興頌獻鷓鴣列

我本明州淪落人寇氛催送申江濱奔走餘生冰雪裏

粗能領略江南春六月買棹來燕京殘秋送盡寒風生

見山樓詩集卷二

三四明徵書約園刊本

置酒圍爐論往事轉眼不覺寒暑更硯田凍合水生骨

仰視飛絮檐前歇黃昏不待下重簾細嚼寒梅佇明月

伍員廟

胥山落木晚蕭蕭相國祠堂久寂寥畫壁龍蛇森佩劍

沿門兒女學吹簫蛾眉謠詠生前恨白馬英靈死後朝

一卷離騷低首誦忠魂先為楚臣招

息媯祠

荒祠寂寞楚江濱翠羽明璫照眼新飲恨暫為同命鳥

椎心暈作未亡人膝前玉樹豈成立劫後桃花爛放春

西子不曾歸越殿入湖還是受恩身

阿房宮

嗟峨樓閣煥丹青未肯繁華讓摘星帝子不來人已老
神仙誤我藥無靈百年難保驪山暮半堵終輸魯壁經
泰岱喬松滄海石恩威留與重秦廷

明妃冢

芳草萋萋滿墓亭紫臺千古葬娉婷深宵環佩月中杳
瀚海琵琶雪後聽妾為至尊憂社稷天教圖畫誤丹青
涼秋長信悲團扇豈為邊庭勝漢廷

見山樓詩集 卷二

四明叢書 約園刊本

五丈原

大星飛落渭南營有志中原惜未成五十年華悲命促
三分事業與天爭生難隻手扶劉鼎死有餘恩泣李平
一代廢興歸氣數忍聽留守渡河聲

景陽井

歌筵未散起烽煙曠鳥遺簪悉可憐江左已無乾淨土
穴中還是有情天未完詞句紅箋裏告急封章玉枕邊
古井無波成禍水辱名千載誤嬋娟

玉鈎斜

一杯黃土覆瓊姿螢火淒涼鬼唱詩汴水迴時淮水繞
寶兒愁與貴兒癡紅橋誰管三分月新柳平添十丈絲
料得夜深猶望幸雷塘秋雨翠華遲

陳橋驛

汴洲城北駐旌旗驛裏倉皇受命時攬轡目原無穉子
加袍志已慰吾兒謹言豈使宮中覺密議先容介弟知
未必負人人負我典兵何事苦相疑

風波亭

一紙書誰付獄中忍將刀鋸反酬功舉朝無意圖全局
不殺終當復兩官道濟長城甘自壞良宏碧血痛何窮
忠魂肯作胥濤怒畢竟西湖與鏡同

見山樓詩集 卷二

四明叢書 約園刊本

半閒堂

湖山歌舞幾時休浪子平章不解愁堂上美人行樂夜
樊城戰鼓可憐秋木絲庵裏浮生短促織聲中王氣收
畢竟神仙閒有味嶺頭丹井至今留

黃鶴樓

獨從滄海桑田後來看長江繞檻流浮世幾更同去鶴
乾坤無恙此高樓天中仙子歸何處唐代詩人在上頭

烏鵲無聲河漢近一杯清酒酌牽牛

白鸚鵡

雕籠銀架淨無塵深鎖梨花一院春
霜翻幾時歸故里
雪衣何處認前身聰明本色應憐爾
文采風流亦誤人
玉輦不來行殿閉問安聲裏總傷神

黃蝴蝶

牆角翩翩鳳子忙粉衣新爲試鵝黃
菜花風裏尋無迹
籬菊夢中時有香十萬金錢拋上苑
一雙硬本搗滕王
褪腰閒逐游蜂隊到處園林媚夕陽

鬼山樓詩集卷二

聖四明叢書

約圖刊本

得家信知徐厚齋自金陵逃歸喜賦

不信三年隔重來虎穴身得書翻出涕
驚爾尙爲人命
向波臣奪夷船中臥病欲棄之海者
屢矣得同鄉救護乃免生從劫後珍慈親
方臥病相見益傷神

老吏

浮沈宦海幾經春聽鼓應官爲底煩
刀筆有誰嘲辣手
風塵無計早抽身舊時政績留遺碼
此後公評見負薪
賸有一生忠厚意龍岡裏待表阡人

老將

乾坤百戰陣雲昏歸去南山醉尉尊
弓劍荒涼殘血繡
肌膚刻畫舊刀痕眼看部曲分茅土
手註鞞鈴付子孫
自問封侯無骨相投閒歲月亦君恩

老妓

舊日羅衣褪粉香天涯何處覓鴛鴦
忍看姊妹新承寵
懶抱琵琶再上場勸酒尙調金縷曲
開籠誰放雪衣娘
自家對鏡無顏色薄倖何心怨十郎

老伶

胭脂羞澀點歌唇絲管樓臺迹又陳
客舍渭城誰與唱
貞元朝士更無人譜成霓曲推先輩
養出鶯雛傲比鄰
莫笑鬚髯今似戟十年前見女郎身

鬼山樓詩集卷二

聖四明叢書

約圖刊本

老馬

西風病骨幾時蘇效力無多只識途
脫齒難消青苜蓿
據鞍也有白髭鬚做帷異日叨餘惠
殘命如今寄僕夫
一事差強人意處飛黃騰達看家駒

老鶴

玄裳縞袂尙躡蹻華表飛來不計年
羽客鍊成先上漢
佳雛養就早冲天夢歸遼海三生後
巢認松枝六代前

眼見纍纍荒草裏無人能識舊蘇仙

寒夜梅花獨酌

酒從燕市買花向帝城看涼月滿清酌旅人增夜寒

論詩

百代殊風氣千里同性情詩者聖人教其言爲心聲溫
柔復敦厚持論貴以平體製規風雅何必門戶爭大海
迴紫瀾天風颯然生小草媚幽徑上有靈禽鳴殊途本
一致各已留其名勿以絲羅貴遂視菅蒯輕勿以鐘鏞
重而乃廢琴箏

見山樓詩集卷二

四明叢書
約園刊本

儒生好奇古矢口談黃農皇娥白帝歌荒誕不可宗刪
詩斷唐虞賡歌何雍雍葩經三百篇豈爲箋魚蟲纏絲
而排側入人肝脾中讀書見古人悠然發我蒙譬彼食
菽粟能使氣體充辟穀求金丹安期何時逢

離騷古變雅忠愛積方寸能發後賢心不解羣小慍兩
漢去古近風流踵遺韻古詩十九章憤亂增煩怨年遠
不紀名永此千秋恨託興在閨房無心計聲聞美人香
草思刀圭誤頑鈍

漢高起布衣浩歌懷故鄉項王本霸才垓下何慨慷唐

山一女子高詞擬明堂典籍燔燼秦海內多愚眊如何
應運起蔚此興朝光孝武聰穎委秋風聲蒼涼蘇李各
抗手節短音彌長古人發至性信手成文章萬里瀉長
河千仞凌崇岡追尋苦無迹汗流走且僵

曹公亂世雄詩歌劇放逸有子皆簡才子建更無匹建
安盛七子公讌競秉筆孔門如取詩各使呈著述諸子
許登堂陳思定入室長鯨鼓海浪驚颿捲崖雪卓哉八
斗才光輝爭日月

見山樓詩集卷二

四明叢書
約園刊本

六代趨繁縟文采日以增顏謝與阮左卓卓人中英子
山殊晚出綺麗兼老成餘子尙藻繪屬對稱精能有如
翦綵花色相不可憑有如木偶人徧體裝綺綾陶公淡
天趣氣味故清澹參軍樂府擅俊逸開少陵長歌行路
難霜翮騰秋鷹

唐初崇四傑體製沿六朝李杜起巍巍光氣干雲霄鶴
立眾雞駭龍吼羣籟消王孟與高岑左右揚其鏢一振
靡曼響闐闐鳴笙瑤降至慶厓下歷歷詩名標仙鬼各
有致寒瘦何須嘲豎儒苦別白蜚語鳴螿蚋豈知盛衰
分由來非一朝齊梁雖卑格古意猶能昭唐人嚴聲律

風氣已日澆把卷論中晚斯言徒曉曉

宋儒理學名元人尙詞曲詩教日云亡搜巖鮮良玉豪
健歸蘇黃恬靜輸范陸揭薩遺山外松雪超殊俗江河
日趨下狂瀾挽宜速孰改時世妝仍服先儒服

青田並青邱詩名耀一代前後兩七子才氣各豪邁
峒拔戟來諸賢旗鼓對翺翔千古上持律嚴疆界古詞
撫皇墳悲歌擬出塞音聲嗣唐賢有如鍼投芥規仿縱
有迹河流無異派牧齋爾何人拔苗植秕稗公論在人
心勿逞私情快

見山樓詩集 卷二

四明叢書
約圖刊本

作詩不關學儀卿何激烈笑彼鈍根人故紙誰悟徹讀
書破萬卷胸懷若冰雪放筆論古昔蓬勃不可遏心存
忠愛旨言之乃有物毋希俗目賞宜守先賢轍空谷寂
無人素絃調朱瑟

有憶

暖玉琵琶紫玉笙美人消息總關情遙憐暮雨瀟瀟曲
變作金戈鐵馬聲

見山樓詩集卷二

見山樓詩集卷三 癸亥至庚午

清慈谿張翊儻麟洲箸

竹樵先生奉山左都轉之命邀余同行留別都中

諸友

卅年蹤跡半江湖僕僕風塵悔道途詞賦不逢楊得意
功名羞比阮元瑜雲間雨雪全家冷日下繁華舊夢孤
聚首無多離別易夜談猶是戀寒爐

五千里作一年遊東國輪蹄北解舟飽看名山來泰岱
曾經滄海悟浮漚男兒志氣酬弧矢太史文章笑馬牛

見山樓詩集 卷三

一四明叢書 約園刊本

飄泊不禁行子感重闈已是雪盈頭

翩翩閒逐五陵豪歌管樓臺夜月高痛飲難消金鑿落

嬌喉齊唱鄭櫻桃兩行銀燭支殘漏十丈紅塵污錦袍

忽地京華春夢醒長途車馬又勞勞

白馬河梁新落照緇衣京國舊啼痕本來作客重為客

無計酬恩怕受恩半世浮萍悲蕩子一尊春酒饒王孫

故人情重行期迫未聽驪歌已斷魂

出都留別俞筱雲桂鑑湖雙湖昆季

西出都門路渺茫好風吹送一鞭忙連天衰草寒鴉黑

十里平沙落日黃河勢迴環仍北向雁飛撩亂自南翔
多君送我長亭外莫忘臨歧淚數行

征車謠

獨漉獨漉前驅後逐上阪遲下阪速

刺促刺促泥深水濁馬不敢後馬畏我僕

輾輾輾上者陵下者谷天昏月黑不得宿巨縛縛馬傷

馬腹吁嗟不如初生犢

黃村曉發

呀啞雞聲月色殘僕夫催送上征鞍五更風起檐鈴語

見山樓詩集 卷三

一四明叢書 約園刊本

一夜霜高馬背寒遊子何心甘獨客家人猶是夢長安

隔窗兒女喁喁話萬種鄉愁欲遣難

任邱旅館紀夢

環佩聲隨五夜風兩邊愁思話恩恩已拚地下成長別

又向天涯訪斷蓬妝閣盡銷兵燹裏荒墳都在戰爭中

覺來猶聽牽衣泣門外驕嘶怨玉驄

十五日河閒道上憶留都諸友

戍樓突兀旌旗動荒埃傾頽古木凋風掃平隄車轍亂

雪融淺草馬蹄驕驚砂刮面人先老塊磊填胸酒不銷

卻羨京華行樂客滿街燈火滿城簫

趙北口

趙北燕南去路長七雄事業已茫茫鼓刀市上悲歌客
挾瑟邯鄲大道倡野水碧添三尺漲征衣涼襲五更霜
垂楊垂柳連橋路風景依稀似故鄉

禹城見柳

冰雪燕山尙作堆韶光驚見客中回迎人一路垂楊綠
春自南歸我北來

趵突泉

見山樓詩集 卷三

三四明叢書
約園刊本

怒龍出空潭左右二龍子幻作三重泉懸空飛不止條
條練帶搖一一珠幃起崖石怒欲飛奔流激如駛曲折
赴澗行微波漾清泚濕紅潤岸花空青蕩洲芷名作立
如林殘碑字可紀名泉七十二此泉屈一指汲泉試一
烹芬芳流口齒吾鄉有虎跑風味猶遜此安得兩腋風
飄然歸故里摘取龍井芽來烹此泉水

寄題太白酒樓

謫仙樓上謫仙人引杯一醉三千春謫仙一醉不復醒
手翻白浪跨青鱗降生惜在唐天寶知己無過賀季真

我亦濟南狂醉客大明湖上采秋蘋

赴兗州渡汶河

一輛征車渡汶河閭閻蕭索困干戈沿村壞壁紅泥盡
帶劍行人白日多野哭幾家收戰骨荒田何處覓新禾
已聞上將收淮北忍使哀鴻澤畔歌

靈陽題壁

茅舍亭亭落日低野田又見麥芽齊東風示我春將老
故遣楊花逐馬蹄

一宵風雨杏花殘冒冷依然上玉鞍卻憶香閣春夢醒

見山樓詩集 卷三

四四明叢書
約園刊本

重衾猶怯五更寒

抵兗州營

時竹樵都轉奉
旨督兗州軍務

落日芳隄驟玉驄入門長揖見元戎霜圍錦帳刀光白
雲壓重城燄影紅筆底淋漓揮露布酒邊嗚咽唱扶風
舊時書劍從軍願豈為封侯始立功

賊逼兗州紀事

時僧即未至靈陽久困前粵
撫黃石琴先生乞兵救援

虜騎縱橫走朔風狼煙直逼魯王宮鄰封師乞黃江夏
淮上軍須郭令公鵝鸛陣開雲氣紫鷓鴣膏拭劍光紅
勤勞須慰宵衣苦汗馬靈忘舊日功

時徵傳提
軍未至

收復嶧山軍中夜宴徹曙卽席賦贈

狂寇新看殄嶧陽戟門春冷夜飛觴千軍待令迎晨露
萬馬無聲立曉霜守隘卽今留臥虎已委勝副當門猶
見伺貪狼遙憐泗水城邊路還是烽煙逼曙光時賦向

題竹樵壽春留別詩後

南郡空倉勢不支一書痛哭上丹墀謫歸豈是先皇意
氣盡臨淮十萬師

留別詩歌紀昔年壽春山色慘寒煙大難此日爲廉吏
歸去曾無二頃田

見山樓詩集 卷三

五四明叢書

約圖刊本

今年有詔起東山未許裴公竟養閒一沐新恩重下淚
鼎湖龍去幾時還

東國師干寄老臣魚鹽瑣屑更勞薪旁人不信身心瘁
阮瑀曾爲入幕賓

登杜甫臺 卽兗州城樓

南樓一角尙巍然未肯高情讓謫仙泰岱羣峯羅眼底
登萊數點落尊前至今古意留名樹山上有當日詩王
古意亭 尙少年得與浣花堂並峙表揚終賴後人賢鄂文端建

無題和竹樵

冰雪由來本性真有緣脩到女兒身嬌姿原不禁羅綺
絕世何須借笑顰妝罷閒窗親繡佛譜成通國拜鉞神
東家阿母心相許道是瑤臺第一人

待嫁東風爲底運縷金衣唱杜秋詩不關鳩鳥媒無益
未肯蛾眉樣入時梳子匳開花褪色牡丹屏掩雨成絲
人間未必無情種蕉萃容顏勉自持

海棠夢醒鬢慵梳無那傷春病未除俊眼枉拋張一妹
琴心難得馬相如玉釵敲斷期猶遠金屋妝成願總虛
替日垂髻諸女伴陌頭送盡七香車

見山樓詩集 卷三

六四明叢書

約圖刊本

瑤箱疊損嫁衣裳春到蓬門草自芳不惜三年窺宋玉
終無一紙感蕭郎羅襟澆得前番淚脂盞拋殘此日香
何似天寒脩竹裏素衣還我儉梳妝

得家書賦呈竹樵 時祖母逝世

嚴親書到促還鄉喪亂連年劇可傷自覺上書慚季子
更堪多病有元方滿頭霜雪愁烏鳥徧地關山怯虎狼
幾度欲歸歸未得枕邊終夜淚成行

壽陽孫養雲 振翮 以詩贈別賦此奉酬

六月辭江南四月發濟北一身一年一萬里舟行畏海

車畏陸平生不解事遠遊茲何爲者傷僕僕一昨明州
飛妖烽室廬灰燼田園空一家老幼各奔走十生九死
干戈叢飢來驅我不得留策馬聊作長安遊不第敢謂
文字厄入幕還使英雄羞燕趙齊魯古名勝欲登泰岱
吞河流邯鄲道上豈無俠少年爲我悲歌擊劍一洗胸
中愁遊俠少年不可逢下帷且作號秋蟲知心幸有韓
荆州論文復得孫興公君家住皖水相去幾千里寇氛
催使四方走高堂白髮違甘旨一樣風塵落拓人同病
相憐看吾子何意昨日來家書大母終堂伯兄殂重嚴

見山樓詩集卷三

七四明叢書
約園刊本

年老竟誰侍行將膏車秣馬歸故閭感君臨別贈我詩
一束情真語摯不忍讀杜宇歷歷號春木哀猿聲聲鳴
巴蜀君送我歸憫我行路難摩天無翼翔黃鵠我今返
故鄉道路阻且長地北與天南遙遙各一方嗟此蘇李
情分手悲河梁側聞狂寇重披猖已踰淮潁窺壽陽時聞
苗逆南魚不來音信絕一家無定清淮旁君亦行止未
可卜清宵涕淚沾衣裳憂來頓覺天地小生不逢辰苦
潦倒君詩慰我我慰君相對真如蟲集蓼古人亦有言
憂思令人老同是作客身想不善自保天涯地角見有

時勿復煩憂中懷抱

留別陳養珊司馬奏勳

腰閒霜氣拂吳鉤十載追隨定遣侯歲月漸消征馬足
功名總薄爛羊頭雨中春樹鳧山綠馬上寒雲濟水流
臨別更申重到約與君鴻雪話南樓

再別養雲

相逢已恨十年遲聚首無多更可悲送客忙於春去日
別情濃到酒闌時疲驪偃蹇經荒壘斷雁飛鳴向水湄
同作人間淪落客羨君兄弟是生離謂令兄倬雲先生

見山樓詩集卷三

八四明叢書
約園刊本

去兗州再宿盩陽驛

題壁詩猶在上頭盩陽已是兩番遊荒涼禾黍流亡後
破碎城垣戰伐秋銷恨須拚千日醉壓裝空贖十年愁
故鄉親友如相問爲報征人去兗州

旅店題壁和楚邱蕉鹿子韻

客路風高撲面沙停車小坐野人家道旁一帶蘼蕪綠
更覺傷心故里花

晏城卽目

樹頭啼老子規聲覓宿時時問客程一縷鞭絲遙指處

麥花開徧晏嬰城

山梨結子青如豆野葛牽絲綠上牆穩坐不須嫌晝暖
兩隄濃翠護車箱

饒陽道上

明發饒陽道輕寒襲敝裘轍含新雨潤鈴語曉風柔野
屋鋪茅葦春耕雜馬牛故園禾黍盡爲爾動鄉愁

邯鄲老倡行

春風颯颯吹塵沙遠山隱約明殘霞停鞍繫馬覓棲宿
中庭一樹櫻桃花金盤膾鯉玉壺酒屑桂研薑烹蔗芽

見山樓詩集

卷三

九

四明叢書

約園刊本

舉酒欲飲苦岑寂忽聞門外鳴箏琶邯鄲女兒豔妝束
紅顏白靨長眉綠冰絃玉柱錯雜彈學得新腔半未熟
夜深嬌情不肯行薰香願伴旅人宿一曲徒傷白傅心

兩行未當司空目中有二人殊可憐雲鬢霧鬢雙翠鈿
徐娘老去顏色改風神婀娜還如前招來猶是背人後
羞與羣小爭芳妍手抱瑤瑟訴哀怨聲聲淒斷鴛鴦絃

自言十五正年少不數師師與好好千萬纏頭付阿母
曉妝只解蛾眉掃玉貌潛看鏡裏催銅山頓覺年來倒
寵博原知愛不專頭回無奈身先老當時早嫁東家王

雙飛雙宿春宵長舞裙歌扇早拋卻荆釵雉髻生容光
如今悔作化萍絮鸞鳳泊歸何方談禪未遇玉局老
覓偶怕逢浮梁商我聞歌聲淚沾臆又聽斯言重歎息
白日不停過隙駒黃金難鑄韶年色吾儕哀樂逼中歲
人生富貴須何日浪迹方知道路難廢書深悔頭顱黑
我將策騎返故林著書兀兀抒素襟勵志當讀茂先傳
遣懷但理淵明琴青袍紅粉本一例美人名士同一心
盛時莫負光陰好請聽當筵老妓吟

泰安道中

見山樓詩集

卷三

十

四明叢書

約園刊本

嶺頭嵐氣征鞍濕天半罡風獨客寒輪鐵易銷愁未減
家山太遠夢都難大河濁浪空中落日觀春雲馬上看
多少鄉情拋不得翻勞僮僕勸加餐

返都途中卽事

輪蹄輾轉碾新晴詩夢惺忪續不成野陌水枯資井汲
小車風利挂帆行村墟太遠嫌無酒姹女多情解弄箏
只有青青原上草送人一路到春明

柳絮和壁閒韻

漫天飛絮起愁思一落人間悔已遲飄泊難償今世債

淒迷猶戀舊時枝
化萍願逐三篙水
縮恨羞添兩鬢絲
不少離亭來往客
春懷撩亂有誰知

抵家四首

鐵鹿長檣海上行
故鄉重到不勝情
支離東北遊人倦
破碎河山淚眼驚
三度劫殘存老屋
一家痛定慶餘生
荒城新有炊煙起
總爲鄰封事漸平
時餘姚賊新退
一城徧閱感滄桑
遠客新歸訪舊忙
池館荒煙埋骨地
市廛青草放牛場
知交問訊驚爲鬼
土著遷流半在鄉
愁聽女牆秋夜裏
招魂幾處泣清霜

見山樓詩集 卷三

十二四明叢書

約園刊本

一家聚首幸團圓
話到鄉鄰慘不歡
貧乏無緣通慶弔
往來相約恕衣冠
浮沈菰米秋霖重
寥落帆檣大澤寒
戶口日凋生計蹙
哀鴻聲裏夕陽殘
妖氛今喜漸消磨
儘許溪山付醉哦
地有餘閒三徑足
家無長物一椽多
江湖世界隨塵夢
蕭瑟乾坤入短蓑
畦畔偶鋤殘箭鏃
驚魂猶是怯干戈

呈四姑母

前歲江南揮淚別
大家都是未歸人
音容不信三年隔
霜雪俄驚兩鬢新
兒長苦無書可讀
家貧況與病爲鄰

流離情事從頭訴
愁對蓬廬四壁春

哭兄四章

哀哉不能言子竟棄我去
去亦無定所念子竟何處
子生有異才去或多奇遇
子死無遺息去亦何顧慮
斯世多荆榛豺狼臥當路
子歸得所歸泊然返其素
獨念重聞人哀酸逼歲暮
我生鮮兄弟緩急失所助
形質渺難追
精魂當可語不樂人閒來
奚必人閒駐既墮塵寰中
去住寧無據悲子還自悲
孤雁號清曙

見山樓詩集 卷三

十二四明叢書

約園刊本

寒體不仁舉步防敬傾
勸子好珍攝心舒疾自輕
子言汝遠去迢遞登神京
文戰言捷捷歸須兼程我亦懷
壯志所苦沈痼嬰揖別曾幾時
倏忽寒暑更悲風起庭
宇怪鵬傳哀聲一書知病亟
再書知目瞑捧書淚盈匊
痛極轉不驚夜寐竟無夢
不瞬何由成死生亦常事
兄弟難爲情

寒冬十一月攜家棲山麓
草露沾裳衣烽火驚心目寇
平泛海來病機自茲伏
客中鮮良醫參苓多誤服
一家羈海上餬口苦不足
醫藥良失時軀幹損愈速
我獨客

遠方無由知疾篤調護不得親舍斂復勿矚行役悔半
生征塵何僕僕歸來望靈幃顧影傷幾獨

君詩墓老杜四壁聞呻吟矧復值離亂煩憤多哀音麻
鞋屢驚竄亂踏層山陰蒼然感身世下筆成古今君已
溘焉逝遺墨猶堪尋同輩多手錄珍重如璆琳長吉血
已盡錦囊留其心苦憶我與子自少無商參讀書各自
勵得句還相斟四海一子由佳譽誰能任一且幽明隔
愁思江水深但留珠玉在閱者悲人琴豈必負形骸濁
世隨浮沈

見山樓詩集 卷三

十四四明叢書
約圖刊本

收晚禾與鄉人閒談

鋤犁已燬無錢置牛犢新添不任耕差幸索租人較少
今秋遲聽打門聲

三十感懷

歲月堂堂駒過隙塵寰擾擾海成田客中奔走萬千里
愁裏消磨三十年草木變衰江殺氣江湖浩蕩動霜天
修名未立容顏改白酒黃花更可憐

荒郊狐兔走盲風多難乾城感慨中十里池隍新戰血
回山魂魄舊沙蟲飽看塵劫身猶贅滿貯牢愁句未工

賴有如雲豪氣在肯隨南阮哭途窮

買棹攜歸海上春一家慘慘亂離新成名敢笑方三拜
娶婦真同第五倫骨肉難消生別恨腰肢悔瘦浪遊身
登高今歲增惆悵插到茱萸少一人

北地風花淹日月南天菰菜滿江湖煙塵頃洞雙蓬鬢
身事蹉跎一腐儒浮世聲名餘白雪故交消息問黃壚
桑麻杜曲田猶在寂寞空山守舊株

海市 用東坡韻

雪山滾滾飛遙空登萊數點雲煙中中有樓閣倏隱見

見山樓詩集 卷三

十四四明叢書
約圖刊本

千門萬戶開琳宮海外九州昔所聞豈真鬼斧兼神工
瑤臺貝闕精結撰神仙絡繹騎白龍鑪頭定有貰酒媪
壺中豈無采藥翁潛蛟蟄蜃作光怪波濤顛擲聲沈雄
須臾雲散碧空淨令人目力千里窮東坡居士禱海神
一見幻影心神融對此異景發異想天情特為詩人鍾
我亦樓船泛海角乘風惜不毛羽豐重樓翠阜杳難見
惟有落日鉦懸銅高歌卻望東方雲倏忽萬里隨天風
兵亂後故居燬於火城西有老屋數椽斬棘披荆
聊容棲止雖三徑荒蕪有可入吟詠者輒綴以

詩得八章

曉來春夢醒模糊
檢點茶爐又酒爐
豆葉漸長麻葉短
一庭晴日弄雞雛

閒窗小啓淨無塵
春草綿綿綠似茵
何必更栽桃與李
野花香豔已撩人

盡日無人晝掩關
一家真住翠微間
樓窗四面湘簾卷
看徧南山又北山

正是閒庭雨過時
微陽隱約下階墀
自尋野菜供餐飯
分付山妻著意炊

見山樓詩集 卷三

十五 四明叢書
約圖刊本

扁豆作花紅意爛
天絲引蔓綠痕新
更留階下珊瑚草
要與秋蟲作主人

此中風景似田家
晝麗新禾夜績麻
蝴蝶不嫌秋圃冷
伶俚猶抱馬蘭花

一畦寒菜自成春
庭宇蕭條絕四鄰
牆角數弓遺種蔗
庾郎何事更愁貧

瘦影珊珊傍短牆
野梅初植似人長
去年開得花三五
也解迎春到草堂

題金匱鄧晉占貳尹 恩錫 清可亭論詩圖

雲廊水榭向秋開
蘭友談心日幾回
怪底詩情清到骨
惠泉山色入簾來

眼底風光筆底新
外人未許略知津
此宵相對蒼茫裏
祇有江山是解人

一自傷心走破車
故園回望暮雲遮
一官飄泊同蓬梗
畫裏家山不是家

大好湖山在眼前
儘堪隨意付吟箋
坡翁亦是無家客
陽羨何妨更買田

孫蓮士太守

延璋

陳鈞堂明經

康祺

同飲桂林校

見山樓詩集 卷三

十六 四明叢書
約圖刊本

書妝閣醉後題壁

來認雲英掌上身
華堂笑語豔生春
顛狂孫楚真名士
湖海陳登況酒人一縷嬌喉聲嚶玉兩行畫燭夜燒銀

明朝重看留題處
醉草如龍定入神
贈蓮士即題其豔情詩後疊前韻

江南薊北老吟身
無奈尋春是惜春
三月鶯花行樂候
百年天地浪遊人
飄零法曲傳瑤瑟
宛轉靈心瀉水銀

共羨比紅詩豔絕
羅虬當日幾傷神

食枇杷示內兼示劉姬

望人生長姑蘇
姬為吳縣人

盧橘登盤一半青西園風物佐春醞爲言此味江南好
無限鄉心落洞庭

鳳山八詠

邑西鳳皇山秀挺一峯縣互十餘里石根蜿蜒
起伏江底蓋餘姚慈谿劃界處也山有殊景余
少時讀書其中雨屐煙蓑遊覽殆徧因區分其
景爲八錫以名柏甫萊仙各有詩余繼之以俟
葺邑乘者採入焉

金盃峯

見山樓詩集 卷三 十七四明叢書
約園刊本

誰攜玉女盆置此青雲邊若種瑤池藕應開十丈蓮

仙人坡

老仙去已久此地留仙坡月明人靜夜猶唱洞仙歌

乳泉

巖石俯深澗泉流淌如乳不識在山甘那知出山苦

斷橋

爲有津梁在征人過往頻願教橋盡斷應少送行人

龍湫

老龍蟄空潭百里起雲霧亢旱及今時用汝作霖雨

旱井

此井胡名旱寒泉徹底清從來能濟物原不計浮名

石牀

巖花錯雜飛石磴青苔上撫琴人不來泉流淌清響

錦雞洞

天門開蕩蕩自有鸞鸞在爾居石室中慎勿炫光彩

題鄧晉占夢遊雪竇圖 時鄧攝奉化縣事

四明之山二百八十峯峯峯削出青芙蓉中有雪竇景
殊絕長空晴瀑蜿蜒飛白龍梁谿鄧侯好遊覽足跡已

見山樓詩集 卷三 十六四明叢書
約園刊本

徧雁蕩天台中前年莅茲邑下車觀民風除奸剔弊苦
無暇探幽選勝難爲功恨不棄手版來扶綠玉筇名山
咫尺未易逢山靈岑寂誰與同官閣夜深憶泉石精誠
不覺魂夢通芒鞋一兩出門去茫茫不辨桃源路仙人
白玉冠相邀雲之端隱約煙雲足底生飛越萬壑千層
巒手攀皓月捫星斗六銖衣薄天風寒仰視浮雲浮俯
聽流水流猿啼虎嘯巖谷幽澗松洞草含清秋倏忽遊
興闌凜乎不可留旭日照耀天雞唱依然偃臥官署樓
迴思臥遊趣恍惚若可求補之畫師老好事爲君煙嵐

金碧圖瀛洲圖爲楊蕉隱大令筆攜圖過我索新句披圖令我心

悠悠憶昔曾遊武夷曲其時我年方總角過眼好山領

略疏棹唱重緇愧塵俗壯歲策馬遊濟南日觀諸峯紛

滿目客中苦無濟勝具孤負岱宗迎面綠歸來滄海挂

雲帆欲窮蓬島尋仙躡登萊數點尙模糊安望神山資

眼福翻羨使君神思閒一夕清興酬林泉名山管領得

仙吏山神亦得開心顏我亦明州好奇客金我非遠祇

目前不須夢神弄狡獪擬將桃枝竹杖挑破千峯煙置

身絕頂縹緲虛無間

見山樓詩集 卷三 十九 四明叢書 約圖刊本

萊仙三十初度亭江諸友置酒爲壽余適與斯會

別後卻寄

羨君三十正青春已有文章動世人放浪酒杯狂阮籍

淒迷芳草古靈均君詩多香豔語青衫一領何嫌誤蜀錦千箱

未是貧著述名山應自勵肯隨流輩逐風塵

海嶠鴻泥跡尙留翦鏡重話少年遊八閩山色歸行篋

五夜灘聲入旅愁曠劫同緇忠惠譜采茶曾棹武夷舟

南中隨宦從前事忽忽流光二十秋

家山徧處起榛荆礮火縱橫徹夜明棟宇成灰愁燕雀

江流卷地走蛟鯨道猶可恃還須守心縱難平不敢鳴

差幸干戈寥落後尙留餘地可躬耕

懸弧正值麥秋天舊雨重逢亦有緣柳浪碧催詞客舫

榴花紅映酒人筵三軍詩國張旗鼓兩部蛙聲當管絃

爲寫新辭作屏障數行留看到他年

喜馮蓮君如潮趙瑾伯家薰馮翕堂全壩毛溪芷

痕俞筱雲斯瑁秋闈獲售

捷書飛度浙江湖仙侶同舟未寂寥萬里鴟鵬初變化

十年朋輩各雲霄君苗近日謀焚硯季子當年有傲貂

見山樓詩集 卷三 二十四 四明叢書 約圖刊本

蓮君年最長瑾伯我自放歌還縱酒讓君大筆去題

橋

悼陳孺人

亂離歲月半消磨旅食京華草草過萬里關河歸夢杳

五年夫婦別時多嬌癡旋失懷中女辛苦初牽屋上蘿

時葺屋未竟此去慈親勞爾侍泉臺渺渺夜如何

病耗驚聞夜已闌明州歸路苦漫漫出門祇辦三宵別

承訣誰知一面難余適以事赴甬聞病趨歸已不及矣堂上悲聲憐我到

牀頭鏡影怨更殘四絲昨夜真成讖從此離鸞莫再彈

前夜聞歌
四絃俱絕

慟哭靈幃幾度聞
哀思添我為朝雲
捧稠經歲原知命
侍藥連宵解效勤
樛木有恩能逮下
曇花易散倍憐君
傷心亂後無裝飾
賸與留仙舊日裙

蘇臺舊宅記依稀
妝閣成灰野鳥飛
兄弟存亡都是夢
婦四弟亂後無耗邱墳無恙幸相依
外舅姑墓均在慈鄉杜陵蓬華歸猶

早元相齋錢願總
違歲歲茅菴作寒食
棠梨花發淚沾衣
晉西郊之迎賓菴菴中多棠梨花

庭花示絳雲諸妹

東山樓詩集 卷三

王四明叢書 約園刊本

東風昨夜來春氣滿
四壁羣花笑相迎
如見新來客去冬
盛雪霜眾芳亦已寂
轉愁萌葉盡或恐孤
培植豔質難自棄
紅白盈階側當窗媚
主人盛妝鬪顏色
嬌姝多垂髻鉛黃解
塗澤簪花輒滿頭
狼籍隨手摘戒汝勿
嬌癡猩紅忍拋擲
茲花良可憐韶華猶
堪惜披枝莫傷心
來歲圖良覲

題鄧晉占清可亭集後

論交難得性情真
示我瑤編字字新
吏隱不妨甘冷淡
詩家無礙是清貧
湖山歷劫空陳迹
花草多情待舊人

署中花木多庚辛
以前君所手植
料得頌椒仙侶在
退衙同詠一庭春
工詩夫人

贈晉占

我亦生平汗漫遊
曾登泰岱瞰河流
廿年行迹歸詩卷
兩載長安賸做裘
饑到鳳皇還自惜
媒來鳩鳥反成仇
知心幸有神仙尉
同對殘山賦四愁

茉莉

細朵零星折黃昏
發異香更無雲鬢
插簾幕月如霜

客武林贈郭晚香同年

傳璞

東山樓詩集 卷三

王四明叢書 約園刊本

君家雨水曲我任
寶山頭相訪輒相
左年年叢桂秋今
來湖上路日日弄
扁舟高興乘時發
詩篇為爾留

武林鄭媪戊午己未閒舊館人也兵燹後遇諸途

邀過其家具雜黍焉余憫其貧老無依感贈是

詩

亂後何從問姓名
青裙白髮見遺驚
十年重到曾遊客
一飯猶伸舊主情
歸夢歸期勞共計
媪本蛟川人無兒無食
痛餘生脫驂相贈
吾何斯日暮驅車
涕泗橫

黑水洋觀日出歌

黑風吹水海水立波濤如山天墨色赤烏熠熠飛出扶
桑來百千萬頃搖動琉璃碧樓船奮激聲浪浪天雞啼
破遙天荒五更殘月墮水底但覺四圍雲水銜微茫排
空突兀赤城起霞光霍霍互千里眼中幻相莽無定翠
雀金鳩紛蔚跂倏忽天風來雲彩淨如洗水色天光鋪
欲平閃閃不辨赤白青黃紺與紫一丸如斗欲出旋復
入恍疑靈鼇神龍窟裏爭吞吐一起一伏波低昂炎炎
紅鏡擎出臙脂濕轟然直上凌雲霄晶光徧射九州七
舍東西與南北精移神駭銀海眩欲花車蓋盤盃欲辨
何由得我昔遭離亂北走來燕京中原道路苦梗塞茫
茫滄海凡四經魚龍叫嘯風濤怒嘔吐狼藉難爲情豈
無蓬萊山恍惚不可憑豈無登州市變幻難具名相傳
日月照耀有如金銀臺驚濤駭浪使我不得雙眼明新
皇御極今七載蛾賊掃除倒懸解九重召試羣儒生海
隅微臣亦得覩文采東吳粳稻輸帝京我隨雲帆轉遼
海蛟馴龍擾歌安瀾舟中放眼天地寬一輪華曜瞻宣
明俯仰今始徵奇觀我聞有虞時光華廣復旦又聞漢
時宗祀日日宣重光天文燦是皆盛德誠帝天昇平有

見山樓詩集 卷三

三四明叢書
約園刊本

象天章煥方今帝業諄中興多士霞蔚兼雲蒸歌功頌
德吾何能李程五色自有詞臣賦一詩聊同下里獻曝
抒真誠

天津

津南楊柳亂飛鴉河北冰霜未發花村落萬家銷劫火
孤城三月隱悲笳正供猶滯天庾粟殊錫新分海客槎
捻匪撲天津江浙海運
商船助戰得賜匾額
戊卒暮同行旅宿條侯軍令本
無詳

通州

見山樓詩集 卷三

三四明叢書
約園刊本

莽莽塵沙策騎行鞭絲搖夢到神京三春輦路埋芳草
九曲河流抱禁城掩映畫船煙水闊淒涼石獸墓田平
前年記出都門去嘹唳秋霜雁有聲

都中寓齋種竹歌

炎天赫赫塵亂飛赤雲如蓋明朱曦庭中老槐半枯死
晝長陰薄蟬何依汗出如漿沾葛衣呼童揮扇噴力微
精盤纍纍堆蓮藕未覺冰雪清肝脾桐柳椿杉植無藥
樹木誰甘十年約眼前苦無避暑臺夢中枉自尋邱壑
有客手持青琅玕勸我徧植庭階前北地龍孫素寶貴

一枝直作珊瑚看手攜鴉嘴劇苔綠四圍排列森翠煙
清風灑然起天末便覺庭宇生微寒黃昏好雨未斷絕
千个萬个青拂拂下種未當竹醉時且喜十栽得九活
明年新筍定滿林籜龍飛舞擎雲出三竿兩竿化作億
萬竿直上雲霄看一一吾邑人文古稱勝近歲科名尤
鼎盛少年同隊多凌雲玉筍班中互輝映君不見竹林
中鬱鬱佳氣何蔥蘢勁枝直節自有挺生質干霄蔽日
尤資造化功此君堪爲吾邑科第券不徒北窗高臥爲
我招涼風

見山樓詩集 卷三

三五四明叢書

約園刊本

六月二十三日保和殿覆試恭紀

樓臺金碧耀輝煌萬戶千門敞曙光風定果思飛燕雀
日高笙管動鸞鳳御廚絡繹傳珍品玉座氤氳發異香
天上瑤函曾手啓畫長抽筆賦長楊欽命四書詩題朝
考一名例得開函

七月初四日引見養心殿恭紀

班繼鸞鸞入紫宸彤庭授簡漢儀新綠槐翠柏傳遙漏
舜目堯眉識聖人御榻花明香滿座宮袍煙惹錦添春
九天雨露無私被釋褐猶慚草莽臣

京邸臥病贈俞子黃明府同年

纏綿牀蓐入秋天瘦怯形容到鏡前患難交情徵一病
迢遙歸路阻三千異方醫藥勞斟酌客裏愁懷共鬱煎
憐我呻吟難自主累君輾轉不成眠

滬上送湯春谷廣文繩和同年歸武林

申江花月夜渺渺別雲飛爲有高堂望西湖一櫂歸滿
攜燕市酒歡舞老萊衣我亦句章去重嚴定省稀

同楊澹泉鴻元俞子黃斯琮兩同年乞假航海歸

里

見山樓詩集 卷三

三五四明叢書

約園刊本

滄海渺千里佳朋同一舟宦情三月淡鄉思夜潮道島
嶼懸窮髮星辰浴亂流故山自咫尺歸未及深秋
久客思歸省無能合退耕本來慚製錦豈是薄簪纓花
竹家山夢杯盤故舊情緇塵猶素服重與話春明

讀國朝人詩效元遺山論詩體

錢牧齋

顛倒筆端傾獻吉淒涼身後負蘼蕪枉將出處師長樂
曾有飛熊應夢無錢詩有未應飛
熊鬣已睡句

吳梅村

卻聘何緣一字慳空留詞賦動江關愛才自出先皇意
恰誤南朝庾子山

王漁洋

秦淮秋柳豔新詞海內風騷賴主持萬首爭誇陸務觀
無人能誦劍南詩

施愚山

循吏儒林世所崇暮年更入玉堂中京華獨有朝雲淚
一代文章哭鉅公

宋荔裳

見山樓詩集 卷三

三十四明叢書
約園刊本

大風東海尚雄聲刀俎餘生夢亦驚哭望西川諸老友
獨能生死見交情

汪荅文

生平詩律守唐賢人誚頹唐到暮年無限蘇臺楊柳曲
有誰風韻自天然

屈翁山

公卿隊裏唱酬頻身是前朝謝茂秦一卷名山自千古
白衣悔著帝京塵

梁藥亭

田薛雄藩日逞戈傷貧傷亂奈愁何時清不覺詩人老
插到宮花白髮多

陳元孝

獨漉堂中格調超屈梁左右共揚鑣布衣亦有與亡感
豈忍詩名占兩朝

陳詩兼採入
明詩別裁

尤悔庵

悔翁樂府感滄桑國事當年劇可傷留與前朝徵信史
未容變雅入明堂

樂府諸篇後
別裁悉不錄

惲壽平

見山樓詩集 卷三

三十四明叢書
約園刊本

詩筆清微迥不羣毘陵六逸總推君甌香拓本南田畫
三絕如今鄭廣文

姜西溟

唐人詩筆元人畫兩漢文章兩晉書公自不應科第貴
凌雲一賦誤相如

毛西河

壽世文章已等身經師餘事作詩人蘇公博洽非難學
良法何曾阻後塵

陳其年

鷓肩火色氣如雲湖海才名夙所聞祇有如青儷白句
纖穠不是六朝文

朱竹垞

搯腹撐腸孰與齊辨香杜老與昌黎鄉人浪誦鴛湖曲
詩派紛紛說浙西

徐虹亭

畫壁旗亭負妙才一編本事見心裁豔情重費君家筆
新敘爭看續玉臺

趙秋谷

東山樓詩集

卷三

三四明叢書

約園刊本

鴻毛輕擲宦情慵杯酒難澆塊磊胸不廢江河流萬古
一書辛苦著談龍

宋綿津

坡公才氣浩縱橫宏獎風流誦後生吳下至今傳合刻
可能元白竟齊名

吳漢槎

秋笳嗚咽慘吟魂白髮飄蕭入玉門一代詩書艱苦得
投荒萬里亦君恩

沈方舟

西湖歸夢悔勞勞韋布聲名日下高十載長安彈鋏客
不曾賦到鬱輪袍

厲太鴻

便便腹笥久傳名始信文從醞釀成多少詞人工獺祭
無緣夢見玉溪生

查初白

雄才健筆歷時流萬里黃河瀉九州蕭選總推臣善本
眉山香火共千秋

袁簡齋

東山樓詩集

卷三

三四明叢書

約園刊本

驚才絕豔足名家爲有瑕瑜指摘加僞體別裁風雅定
揀金人苦懶披沙

蔣茗生

名作流傳信不刊西江派又重詞壇元輕白俗諧時目
定論三家鼎峙難

趙雲松

遂初早賦謝明廷萬首新詩寫性靈不少東方諧謔語
豈容三百補葩經

沈歸愚

江南名士鬢絲皤六十年華到大羅
蕭統何須文字顯
一生心力選樓多

黃仲則

薊門旅魄嘯寒煙遺集猶歸老友編
才是青蓮命長吉
天公情向此人偏

張亨甫

松寥集與南來錄韓筆杜詩兩擅之
宗武誰憐寥落甚
湖湘無地寄相思

禽言

見山樓詩集 卷三

三十四明叢書
約園刊本

行不得也哥哥

行不得也哥哥行不得也哥哥
偏地是關河行人行自
多

布穀

布穀布穀春不下種秋不得粟
布穀布穀

泥滑滑

泥滑滑泥滑滑愁煞遠行客
春霜露白露白赤腳

不如歸去

不如歸去不如歸去日歸日歸
歸無路豺狼在山蛟龍

在洲商人重錢刀忍使恩愛捐

春去了

春去了故園落花知多少
白馬郎君歸信杳天涯何處
無芳草

割麥插禾

割麥插禾割麥插禾往歲工夫
蹉過多地頭空便下種
八口無饑須勤動

姑惡

姑惡姑惡姑惡莫怨諧年少
終須受折磨昨日新婦今

見山樓詩集 卷三

三十四明叢書
約園刊本

為婆

脫卻布褲

脫卻布褲脫卻布褲布褲脫卻
換紈褲狂夫富貴在青
春功名猶如草頭露齊紈脆
裂絲布澀吁嗟紈褲不如

布

提壺盧

提壺盧提壺盧畢卓臥甕頭
劉伶埋路隅晉人清談誤
天下道旁愁絕提壺盧

鴉鵲

鵲鳴鵲鳴雙雙哺雛晴喚婦雨逐婦結髮爲夫妻白頭
期相守一朝富貴下堂走世人不信看鳩婦

得過且過

得過且過安本分受福多銅山鑄錢負郭置田鮮衣美
食黃金鞵千金美人萬金高爵人心不足江難填天子
猶是求神仙

待燕爲坦園主人王魚山老人廣成賦

有燕集堂迴翔審顧若覓營巢地主入爲植木
於梁俟之

見山樓詩集 卷三
三四明叢書
約園刊本

海外言歸覓主人蓬門花草亦生春歡迎如見新來客
珍重何殊入幕賓莫道數椽同逆旅且圖半載作芳鄰
呼童版築非無意掃徑情懷一樣真

坦園紫白藤花盛開主人置酒賞焉卽席示同學
諸子

藤花繚繞護山亭爲惜春歸酒不停壓樹都成紫瓔珞
凌波如見玉瓏玲隨時野菜登盤綠有意雲山入眼青
一徑春風童冠在陶然主客共忘形

立夏坦園主人設飲席閒賦呈主人

名園借作讀書樓冉冉光陰近麥秋人是龐公忘主客
天教蔣徑著羊求謂子黃雲山對酒常如醉花草催詩
豔不收領略卽廚櫻筍味亭前何惜倒金甌

詠西瓜燈

摘得黃臺顆顆新雕鏤幻出畫堂春偶然玉骨冰肌客
來對鷺肩火色人冷暖世情移片刻炎涼光景想前因
虛心饒有丹心在始信東陵是逸民

渡錢唐思蔣中丞作

曉風颯颯江草黃江濤十里流淼茫檣腳篷背露猶濕
長蘆短荻含清蒼大船帆滿激如箭小舟隱約浮鳧雁
白馬不來波浪平一片澄江淨於練海門東望雲冥冥
龕楮對立雙鬢青鹽官一城煙霧裏紫微峯影排零星
須臾城郭倏隱見篙師攏船促登岸吳山含笑送青來
三年重撲遊人面我初涉江自乙卯秋風卷地波浩浩
行人爭渡聲喧騰輿輪棄置臨江道犢車兀立江心中
波濤顛撼如轉蓬破舟人滿慮傾覆舟人索價猶洶洶
蔣侯開藩來吾浙力求利濟除結習凌虛靈飛巨艦成
設官監制期無缺昔也待渡動經時風潮愁絕行人遲

見山樓詩集 卷三
三四明叢書
約園刊本

今也飛渡僅片刻貧者并不憂斧資羅刹江水清且深
行旅謳歌無古今侯今去矣澤猶在慈航寶筏仁人心
況聞江潮近暗漲十二銀山氣不壯娥江轉復飛秋濤
越山壁立資摩蕩豈真伍相怒銷歇靈旗漸逐鴟夷沒
又豈兒女多英靈翻借洪濤舒鬱勃是皆我侯誠格天
蛟馴龍擾龍龍遷手障百川東入海鐵弩不用勞三千
君不見西湖兩隄號蘇白千秋治迹誰爭席爲侯今譜
安瀾歌我亦錢唐往來客

登吳山

見山樓詩集 卷三

三五四明叢書
約園刊本

秋高風勁暮蛩哀十里雄封倦眼開湖氣作雲隨樹動
江湖如雪抱城來塵埋敗屋停炊火淚灑殘山罷酒杯
行倦偶憑危石坐野鷹驚客卻飛回

弔張忠烈公墓

義師倉卒潰江濱唾手中原飲恨新宗社存亡憑一髮
海山慟哭賸孤臣棲霞魂魄生同調柴市英靈沒有神
聖世不難容梗化要傳勝國此完人

輓胡柏甫孝廉

體坤時自武林
歸舟泊水亭作

前日山樓上悲歌共酒邊別來剛卅月何意忽重泉天

竺新歸客亭江乍泊船陡傳凶耗至一慟向霜天
歸來京國後意興轉闌珊排解鄉鄰易停調骨肉難伸
宣真弱體長吉竟嘔肝白首慈闈在喬棺臥豈安
腸熱翻多累情深易費財人皆嗤喜事我自惜奇材篋
笥遺文貴山邱舊友來獨令王濟死孫楚語何哀
有子皆英物依然讀父書縱遭新劫火猶剩舊田廬莊
夢醒何早暮城爾可居士衡應聚首歎逝重悲子
先兄與君
爲莫
逆交

菱娘與鳳女郎居城西時余數過訪一別幾二十

見山樓詩集 卷三

三五四明叢書
約園刊本

年重見顏色霧鬢雲鬢美人遲暮矣因出折梅
士女圖求詩余憫其寥落不偶爲書兩絕以誌
萍蓬之感焉

紫玉多情碧玉癡西城壁上記題詩廿年不見驚鴻影
已是徐娘半老時

故知彩鳳懶隨鴉無奈風塵老鬢華畫裏美人應解意
歲寒猶是抱梅花

自題畫梅

墨汁無多酒力微雪梢風蕊認依稀漫矜瘦硬通神筆

寫到癯仙不敢肥

庭梅初放忽來數蝶感賦

歲寒風雪鎮相侵
冷淡春從數點尋
不向最繁枝上覓
可知爾亦抱冬心

暮冬得周長沙師書

摩到魚書涕滿胸
西風颺颺感秋容
自慚技是羊公鶴
反累人譏葉縣龍
艱苦功名違壯志
米鹽心事逼殘冬
起居空向南鴻問
雲水瀟湘阻萬重

見山樓詩集 卷三

三
四
明
叢
書
總
圖
刊
本

見山樓詩集卷三

見山樓詩集卷四 辛未至甲戌

清慈谿張翊儂麟洲著

滬上雜感

江干草長水濛濛裏外雙橋落彩虹珠翠輝煌鮫客市
樓臺金碧島夷宮四圍煙樹連天綠十里華燈照夜紅
如鏡平沙難辨路香車寶馬任西東

天地沈沈合醉昏中華文物久無存羅紉徧體輿臺貴
冠蓋盈街估客尊魔女佩環朝習舞諸郎檀板夜開樽
李唐畫與廷蘭曲挾技長依顯者門

見山樓詩集 卷四

四明叢書 約園刊本

脂香粉膩鬢垂鴉到處相逢油壁車十二女娃都識曲
萬千門巷盡藏花境空水月誰能鑑鄉縱溫柔未是家
不信樊川狂杜牧江湖春夢醒繁華

煙花豔景勝揚州十萬腰纏試一遊西土本來稱極樂
南朝從古號無愁浮生若夢歡娛短舉國如狂感慨留
海燕卽今巢幕慣豈知人世有春秋

鄒中觀繩伎孟三娘演雜劇作

春明門裏春草綠楊花李花亂馬足隆福寺前好圍場
遊人日暮猶追逐高竿百尺懸晴空彩繩一縷搖東風

少小女郎貌端正婆娑來去西復東飛行直似馬縱轡
翻身忽作輕燕墜雙趺瘦削春筍翹鬢花墮地脂痕膩
整頓雲鬢下地行嫣然一笑秋波明請為諸君演雜劇
紅衣重束腰肢輕百轉車輪舞乍息跨盤高立天咫尺
天風吹衣衣亂飛愁殺旁觀花底客演罷當場頓改妝
研羅裙子綠衣裳尊前靦腆不成曲錦瑟隨身一樣長

喜陳子仙同年 欽入詞館

季方吾畏友生小同鄉曲長我不十年肩隨互追逐二
十富詞華文場旗幟卓三十共苔岑荆山耀雙玉奏賦

見山樓詩集 卷四

四明叢書 約園刊本

星羅胸談經笥在腹沾丐來世人殘膏兼賸馥視我猶
弟行箴規嚴課督風雨每聯牀快談忘信宿尊酒論古
今抵几張雙目此邦全盛時冠蓋自相屬甲第動連雲
金張盡貴族達者不盡賢賢者淹薄祿所以數百年佳
傳無可讀跳躍輒自奮慷慨雜歌哭兵亂經歲時山林
苦陞伏忽忽已中年一官各初服我食武昌魚君逐長
安鹿君登金玉堂我職牛羊牧宦迹倏中分天涯復海
角會面自茲稀交情歷倍篤金石保素心歧途慎投足
平昔志攸存良友交相助傾心聖德詩努力名臣錄為

君喜不寐知君不隨俗

京邸慰尹秋雪舍人并誌別

北里鶯花羈客夢東華樓閣起春陰朝衫京國繡塵滿
旅鬢江潭柳色深一第艱難名士恨百年湖海故人心
無窮和氏荆山淚灑到征夫漢上襟

諸友餞別陶然亭卽席賦謝

豔豔鶯花做別筵鳳皇池客玉堂仙倍添愁緒春三月
莫惜離尊斗十千地北天南分宦迹哀絲豪竹感中年
喧闐車馬忽散回首燕雲益惘然

見山樓詩集 卷四

三四明叢書

約圖刊本

出都端午前一日由滬駕番舶歸甬次日抵里喜

占兼憶留都尹秋雪舍人

長風一夜動江關千里樓船獨客還忽醒繁華京國夢
來看青翠故鄉山室中椿樹垂重蔭庭外榴花帶笑顏
寄語春明留滯客香蒲莫放酒杯閒

天津舟中贈馮舸月孝廉

可備

北闕書空上西山人倦遊功名慳我輩風雨快同舟夜
氣橫平野春潮湧濁流且吟新白紵莫問舊貂裘

山有桐 傷楚遊也

山有桐其葉楚楚我有王父不我能撫勞人之踽踽兮

山有梓其葉沃沃我有嚴君不我能畜勞人之蹙蹙兮

原有脊令翩其逝兮巢有雛燕迭相棄兮我之遠行莫

或畀兮草草勞人心如醉兮

晨風忽來吹我白雲飄飄遊子載離里門笑吾弗見歎

吾弗聞滔滔江漢越關渡津哀我勞人悔此勞人

之官留別家人并鄉中諸親友

浮雲起天末一雁翔遠空野田稻梁盡逐食來西東哀
哀念其侶日暮號悲風志長羽翼瘁天路安可窮遊子

見山樓詩集 卷四

四四明叢書

約圖刊本

去荆楚飄飄傷斷蓬不擇陋宗測得所慚龐公出山爲

小草茲事寧素衷黃鵠隨燕雀惟悴將何從

生平少年時意氣何縱橫破浪慕宗慤入洛隨賈生結

交盡游俠驅馬走帝京痛飲酒徒集高歌神鬼驚亂離

失舊業頽然返柴荆故山多榛莽蕪穢不可耕輒思公

田秫一醉謀泉明赤牒應官去悽惶顏面更磬折自茲

始寧爲夸譽名

慈烏屋角棲夜夜啼不止反哺見汝心微禽迺能爾我

有重闈親白頭垂過耳顯揚苦不早薄祿甘卑仕所以

廬江生捧檄增欣喜遊子縱有方春暉難久恃商飈西
北來江流方瀾瀾白雲親舍遙平原渺千里
征馬當門嘶晨露草霜濕行人慘將發一家黯無色親
朋送我行杯盤羅廣席悲感鬱中懷對酒不能食豈惟
酬酢情肝膽無拂逆出處各有時天涯互努力嘉會絲
管陳相思山海隔臨別且須斯別後懷今夕

別笙和叔祖鏞

我別重闈去誰能奉老親不愁門祚薄要有讀書人歲
月隨時惜文章與日新癡名臣叔著莫使誚鄉鄰

東山樓詩集 卷四

五 四明叢書
約圖刊本

別王生縵雲定祥

似爾聰明少知余屬望深聲名早歲得師友古人尋夜
雨催更漏秋風緊客心明朝江海上別酒漫停斟

留別京兆君

枇杷白板夜沈沈如水柔懷淡後深一面已教三日憶
千金難鑄兩邊心情癡不祝雲英嫁春老重煩杜牧尋
同有天涯遲暮感落紅成陣淚沾襟

辛苦重營燕子樓牽蘿日日費綢繆本來骨瘦何堪病
如此心多易著愁寂寞銅環三徑雨蓬鬆雲鬢一簾秋

算來還是沾泥好忍看輕萍逐水流

金尊相對每宵分一炷心香細細焚不合時宜識坡老
曾拋心力事朝雲情絲幻作空中結薊澤頻從醉後聞
此去恩恩湖海上悔教烏帽誤紅裙

三載心盟又臂盟將離無奈贈卿卿一尊風雨留行客
萬疊雲山寫別情樓上花枝君自惜渡頭桃葉我來迎
今宵眼看蕭郎去白馬門前噤不鳴

秋七月捧檄之鄂道出姑蘇謁恩竹樵方伯錫

牙旗飄蕩戟門開曾憶相依杜甫臺未必陳琳工草檄

東山樓詩集 卷四

六 四明叢書
約圖刊本

祇緣嚴武解機才家貧親老歸心迫世難年荒別緒哀
今日南天重聚首恩恩已是十年來

詞壇藝苑卓旌旂宏獎風流世所稀下筆公存千載想
出山我惜一官微江南花月騷人主楚北煙雲別夢飛
本是舊時王謝燕畫堂相對總依依

題竹樵方伯南行紀遊詩後

春水桃花湧畫艘金焦數點落篷窗名區今得詩人管
肯放青山一過江公遊宦淮南間嘗以不得過江為恨每爾天公為厭揚州俗無數青山不

過江句

兩行旌節豔芳時
軟水溫山盡入詩
我惜江南諸父老
福星來已廿年遲

五人墓

山塘寂寞秋花紅
纍纍五冢青苔封
冢中五人明義士
顏君佩韋乃其雄
身則市井心則公
一腔義憤凌蒼穹
殺人媚鬼五人死
至今冤魄號寒風
天子雕鏤日戲蕩
太阿魁柄移東廠
北寺冤沈傾顧廚
同文獄具誣朋黨
妖燄薰天天不明
緹騎疊出東南行
楊左諸公錮獄底
銀璫又逮周先生
先生卓卓吳中英
道旁觀者多不平

東山樓詩集

卷四

七四明叢書

約園刊本

問天子詔竟何在
若輩狗彘何縱橫
老拳攢擊斃一騎
中丞鼠竄僚吏驚
檻車北去萬人散
嗚呼五人死其難
五人雖死老奸懼
虎狼不到江南岸
拚將一死障清流
英賢幸免抄瓜蔓
虎山埋骨妥精魂
五人墓巍然存
大書特書題墓門
五人始得稱成人
當時朝士竟何等
乾兒義子蟲紛紛
近聞楊家有孫子
聞是楊念
如後裔墓田設
肆花成市魂魄何
須苦寂寥寒食清
明一陌紙逆祠燬
盡餘荒邱刷棺散
骨無人收轉恐餘
腥沾蔓草墳前莫
燕沈香頭

眞娘墓

芙蓉露凋鴛鴦死
秋冢霜寒叢草紫
百蝶成塵雁柱灰
地下美人呼不起
美人例台古今憐
千載遊人想玉顏
松柏西冷抔土淺
一雙兒女豔湖山

山塘卽目

半塘橋外碧波平
一派笙歌續斷聲
日暮遊船銜尾進
鬢花香滿闔閭城

孫養雲大令 振翮 見贈兩律次韻奉酬

生死干戈裏
重幃得奉親
願隨遺逸士
長作太平民
舊

東山樓詩集

卷四

八四明叢書

約園刊本

業真成夢名場愧
置身元規難免俗
回首已風塵
太傅文章客風流
領一州幕中多俊
彥健筆寫清秋
我亦與高會君非
爲浪遊仲宣今得
主莫漫賦登樓

擬吳梅村戲題士女圖同竹樵方伯作

一舸

戰勝惟房敢自誇
五湖深處且爲家
美人智計高流輩
不許隋師斬麗華

虞兮

兒女情深難割捨
君王氣盡可如何
定陶楚舞淒迷夜

淚比烏江灑更多

出塞

冢邊青草怨春深
長信昭陽有夢尋
脩得琵琶憎不似
美人心是漢臣心

歸國

託命新人亦自傷
塞垣歸後鬢絲蒼
桑榆暮景留何意
衍得書家一瓣香

當墟

放誕風流莫便輕
閨人亦是擅才名
茂陵秋雨瀟瀟後

見山樓詩集 卷四

九四明叢書 約園刊本

誰有雄文誅長卿

墮樓

慘絕瓊花倒地時
季倫真不負情癡
早知尤物能妨主
一死終嫌碧玉遲

奔拂

笑脫貂冠逆旅中
蛾眉有幸事英雄
不教飛騎追亡妾
大度終須讓越公

盜絹

一種關情郎記無
重門深鎖路縈紆
誰知三五中天月

做到團圓是老奴

取盒

一夜飛行路幾千
牀頭金盒到軍前
可憐百萬生靈命
都繫佳人裙帶邊

夢鞋

盟心盟臂忽盟寒
縱有黃衫作合難
堪笑李娃塵俗眼
榮陽誤作十郎看

驪宮

零落餘香錦襪留
華清風雨不勝秋
仙山更比銀河遠

見山樓詩集 卷四

十四四明叢書 約園刊本

從此長生讓女牛

蒲東

檀板紅牙曲裏人
蒲東遺事豔如新
太常墓表千秋在
莫更風流說會真

婁門夜泊

城外新秋露氣濃
宵深詩夢太惺忪
可憐一樣干戈後
來聽寒山寺裏鐘

崑山道中

疏柳斜陽一抹秋
龍頭畫舫下蘇州
橈聲爲出吳娘手

山色水光分外柔

贈居星樓參軍錫

虎臥龍跳筆如君有幾人壯心消翰墨薄宦傲風塵氣

為知交盡家因濟眾貧宵深懷故友相與一沾巾君與陳夢

樵為總角交

消渴憐司馬尋春共牧之偶飛黃浦棹忽有虎山期花

氣迷菱舫詩心滿劍池恩恩江漢去無地寄相思

題星樓玉山讀碑圖

劉龍洲墓碑暨王文成手書大學

名賢詞客兩千秋零落殘碑手澤留飛舞龍蛇人不識

見山樓詩集

卷四

十二四明叢書

約園刊本

幾年埋沒冷荒邱

婁江仙尉古名流坐臥能為三日留手拓硬黃千百本

人閒始覺重銀鈎

八月乘番舶由滬之楚途中有懷竹樵方伯疊前

韻

黃浦牙檣趁曉開一宵已見雨花臺十年戰伐餘新壘

六代江山惜霸才吹水大魚隨淚出宿蘆鳴雁入秋哀

誰知叔寶茫茫感無那洪濤滾滾來

風颭樓船五色旂空江煙樹晚來稀妻孥相看孤燈在

滄海頻經一命微憶昨蘇門斗酒會深秋幕府落花飛

萍飄蓬散蹤無定楚尾吳頭夢尚依

望北固樓

峩峩鐵甕江流急隱隱飛樓曙色開三楚水隨帆影落

六朝山到眼前來津關自昔金湯固戰鬪頻年畫角哀

為盼吾鄉賢太守四州凋敝仗奇才

時郭趙粹甫先生守鎮江

過金焦

海艘十丈破江潮轉眼名山去已遙未試中冷一杯水

斜風急雨過金焦

見山樓詩集

卷四

十二四明叢書

約園刊本

郭璞墓

莫道江干地不靈千秋抔土峙滄溟自家安骨重泉下

貽福青烏一卷經

采石磯弔李供奉

世人欲殺真可哀殺之不得先生才先生負才先生懼

隻身逃入鮫宮來水仙忽聞先生至鼇山大啓龍樓開

先生穩坐青鯨背錦袍玉帶何壯哉水仙稽首願讓先

生主水國名位豈足擾我先生懷但得江流百千萬斛

化作蘭陵酒瀛洲突兀高築糟邱臺先生痛飲行復醉

先生醉後無人陪魚鼈拊舞鼉鼉戲波濤日夜聲如雷
泊舟我亦江上客釀酒高歌樂今夕一天星斗懸尊罍
長庚燦燦搖動秋潮白大聲呼謫仙謫仙杳不膺先生
此時想已醉欲眠無人入水喚起先生醒五更月落巖
岫暝吟詩且與蛟龍聽

烏江

大王千古之英雄英雄一旦真途窮名馬不前美人死
江濤嗚咽流向東阿房縱火函關紅帳前叱咤生英風
畫溝自守良失算力征經營難爲功曲逆淮陰盡長往

見山樓詩集

卷四

十三四明叢書

約園刊本

撞斗老臣空鹵莽中原地盡圖江東謀士惟餘一亭長
八千子弟爲王死父老重逢真可恥大王信是人中龍
龍飛無力墮江水力能扛鼎鼎不遷九鼎卻歸無賴子

馬當山

世間快事真快哉帝子閣成才子來世間怪事何咄咄
子章文就子安出江上神人亦多事一帆風換數行字
王郎當代文中雄興酣下筆無羣公造物有意成名勝
千里號召來奇童天心久與文心通文人筆底能生風
筆所未到機先動水仙助順非其功君不見蘭亭一序

右軍作崔顥題詩在黃鶴洪州誰更話滕王今古重文
不重閣

過彭澤

泉明解組後人識晉山河舉世猶塵夢先生返薜蘿鄰
封來下吏捧檄此經過聖世無遺逸君恩五斗多

琵琶亭

潯陽江潮秋夜至寂寞空亭發秋思烏紗玉貌各心腸
老妓琵琶老臣淚筵前不合談京城江州遷客魂先驚
每飯不忘杜陵意江湖魏闕朝朝情人道白公多憶妓

見山樓詩集

卷四

十四四明叢書

約園刊本

忠誠悉寓溫柔裏汧公臺近殊突兀此亭應亦名望闕

鸚鵡洲

幼時解誦先生賦壯歲來拜先生墓冤魂嗚咽向江濤
慘慘漢陽城下樹文舉薦賢獨抗疏欲借先生延漢祚
先生不解善刀藏疾俗如仇等沈痼奸雄宜遠不宜辱
辱之不已奸雄怒殺士刀原江夏操鋤忠機早漁陽露
鸚鵡洲芳草留情哉正平不能善自謀一坏還使萬古
才人愁子魚屈節事老瞞至今名士羞龍頭

漢口

楊柳蕭疏不忍攀
漢南秋色已爛斑
風聲直撼晴川閣
水氣長浮大別山
卅里燈光騰夜市
滿江帆影聚雄關
亭邊解佩真成俗
遊女朝朝拾翠還

錢唐許康甫廣文等身寓吳日猥贈長句抵鄂卻

寄奉酬

風檐角藝記從前
相見翩翩盡少年
十載亂離傷劫火
兩家消息阻山川
鄭虔豪氣歸詩卷
潘岳閒愁到鬢邊
忽漫逢君仍異地
一杯涼雨話吳天

繁華無改舊金閨
一櫂紆回到水鄉
官舫迴時來妓舫

見山樓詩集 卷四 十五 四明叢書 約園刊本

茶香濃後雜花香
尊前瑤瑟消長夜
鬢底金鈿落野塘
獨有虎山山下塔
頽唐無語閱滄桑

東山在昔謁荊州
戎幕春深足唱酬
君又同舟追李郭
我慚公讌廁應劉
客愁江閣蘆花雨
詩夢衙齋桂子秋
惆悵相逢更相別
勞君直送水西頭

番舶風高破浪行
青山遙拱武昌城
龜龍陡作峻嶒勢
江漢長流日夜聲
啓篋爭看名士筆
分襟重憶故人情
題詩寄與天中鶴
東去吳門煙樹橫

登黃鶴樓

江天寥闊暮雲長
鶴去樓空事渺茫
百尺亭臺新土木
一城瓦礫舊滄桑
我亦鄂州羈薄宦
梅花玉笛助思鄉

黃鵠磯謁益陽胡文忠公祠

寒濤落日起英風
想見神旂下碧空
裘帶風流羊叔子
門牆桃李狄梁公
獨維大局援鄰意
不共諸賢競戰功
奉檄自憐來已晚
秋深蘋藻薦靈宮

戴晴初同年開基之當陽任餞別賦贈

燕市曾經識姓名
相逢迺在鄂王城
一宵斗酒此高會

見山樓詩集 卷四 十六 四明叢書 約園刊本

千里雲山又別情
懷縣板輿花底擁
荆門官舫月中行
定知循吏歸儒吏
好看兒童竹馬迎

寓鄂偶成

江漢橫流抱鄂城
城垣遙與楚山平
重闌色笑千峯隔
獨客江湖萬里情
壞壁陰森秋有迹
虛樓杳窈夜多聲
他鄉日日看叢菊
愁聽孤鴻唳太清

題錢唐王子用大令曾唯尊甫蓉垞先生山水畫

冊 先生辛酉在籍殉節

劫灰莽莽散昆池
妙墨神靈爲護持
一卷乾坤存正氣

漫云名士豹留皮

一詩綴入輞川圖為有同官是小蘇知爾思親時下淚
風光不忍寫西湖

詠蠟梅

數枝籬落發幽香寒客邀來別樣芳金屋有緣裝庾嶺
蠟丸何喜報東皇蜜官驛使傳春信姑射仙人試道妝
贏得樓東妃子笑宮袍今許著鴉黃

殘冬偶成有懷王生縵雲

古越山川入望頻宦遊偏值歲時新尋詩官閣梅驚夢

東山樓詩集 卷四

十七四明叢書

約園刊本

聽鼓鈴轆雪滿身郢上我為巴里曲王郎爾是眼中人
別來幾度揮柔翰舞象年華自可珍

題紅梅水仙冊

夢醒羅浮試豔妝漢濱遊女綠衣裳神仙自是風流慣
不解人間有雪霜

鼠尾筍

楚山童童竹林尤鮮閒有野篠叢生山谷中兒
童劇其芽以入市淪之為菹細裁如鼠尾閒居
之久佳品乏絕每一咀嚼亦足助清苦爰錫其

名曰鼠尾筍紀以詩

吾鄉僻南溟珖蛤登海錯南方三月來餘腥滿城郭慈
湖好菰菜秋深悲澗落壯歲事宦遊攜家來郢鄂楚人
重食魚嗜味非所樂糟香沍風狸餉飽調雛雀稍近緣
俗尙胸中時作惡春風昨夜迴凍雷忽焉作庭木有生
意淺綠映杯酌老僕趁市歸筍芽一束縛新萌爛比銀
露氣猶在籜脫殼付庖廚佐以胡扇臍細瘦不盈指鼠
尾略相若我從田閒來久已屢葵藿矧此籜龍孫咀含
味不薄問何得嘉種本不生籜落羣童苦飢寒搜尋徧

東山樓詩集 卷四

十六四明叢書

約園刊本

巖壑我聞蠶與桑生民之所託既足寧婦子亦不飢穉
弱山鄉宜壓柘樹藝貴審度獵食殃微物生計苦蕭索
對食輒三歎此亦斯民瘼

訪劉紫蕃同年 廷禧 不遇

有約雙柑踏繡隄三春佳日好招攜籬深遙聽奚童應
堂靜惟留乳燕棲湖氣成雲迷舍北江風吹日墜城西
丹山近又添雛鳳凡鳥何人敢浪題 正月新 舉一雄

乞帖呈紫蕃

憶昔好塗抹筆陣縱橫掃描摹斯冰篆刪損鍾張草龍

跳珍義之驥渴思徐浩雖乏金玉裝守若連城寶臨池
忘疲勞領袖迹如阜邇來遭顛沛棄置難自保煙雲一
過眼龍蛇影已杳安得如子固蘭亭長在抱服官來鄂
城行李一肩了破書數百卷聊自資搜討楚地苦卑溼
半爲蠹魚飽閒欲縮蛇蚓胸中無舊稿側聞我公幹四
壁圖書繞墨香溢硯池書篋騰光藻澄心迄絳潭卷軸
輝細縹願從獨孤乞不學蕭翼狡坐筆更臥紙肆力苦
不早收此臨摹益兼自慰枯槁知君尙風雅新詩爲介
紹他日重攜來定如璧歸趙

東山樓詩集 卷四

十九四明叢書

約園刊本

以黃花魚餉咸寧雷少司寇以誠猥贈篇什倒次

元韻奉答魚爲夷舶自四明
攜來者色味猶存

棟子花盛開南風盡天起一網千百頭聞聲老漁喜石首

來時有聲如雷春蕤調作羹金玉豔口齒吾鄉飲海鮮宴客動

盈簋何意來武昌薦新乃有此冰雪護金鱗河中泣紡

鯉飛騎進荔支珍罕略相似聊佐君子餐銅盤宜獻尾

烹鮮勝食藁遠來尤足美含笑問盤中故鄉幾千里

休寧程桂舟輓詩

名懋恩陳忠烈王四十四世孫咸豐六年率鄉

團與粵匪戰於休寧南鄉之山斗谷陣亡年三

十四歲

峩峩白嶽絕壁奇峯篤生異人世繼其忠一章 先皇六

載月在辛丑西寇驛騷大江左右二章 英英年少蒿目

時艱奮臂一呼其徒三千三章 張我弓矢脩我戈矛旣

固我圍亦扼其喉四章 五嶺阻脩賊行孔速千乘萬騎

山斗之谷五章 一戰再戰我師敗績我突其圍不出其

壁六章 武夫糾糾夫子桓桓壯士不忘爰喪其元七章

維彼草莽永矢厥貞鹿奔鼠竄迺曰簪纓八章 先祖先

東山樓詩集 卷四

二十四明叢書

約園刊本

王克配禮祀無忝爾祖順孫孝子九章 寇亂旣平念彼

湮淪亦有義士愧我鄉人十章 鄉君子林桐齋與賊

今未蒙恩郵戰死於鄖畧因家屬無存至

馮秋白茂才清模 寄示四十自述詩賦此爲祝

敬通一別歲云暮忽地傳來自壽篇吾面亦驚如子面

鬢年相看盡中年飄零生事嗟誰惜偃蹇功名各可憐

兩處情懷渺無着越山風雪楚山煙

怪雨盲風虜騎驕一城戰骨冷蕭蕭絕裾枉自追溫嶠

贈策何人信繞朝短髮經愁原易白壯心歷劫未全消

獨收碧血干戈後多少冤魂賴楚招

卅年無改舊狂生月旦鄉中自有評腸熱敢爲大難事
志高翻受不羈名煙花過眼無留跡鷗鷺同心可結盟
儋石何儲輕一擲如雲豪氣莽縱橫

一身異地苦羈縲回望家園路轉迷獨羨封人猶有母

不愁牧犢更無妻近新續絃我經宦海才偏拙君老名場志

莫低來往書憑樓上鶴相規何惜數行題

九日黃鶴樓晤張今坡明府錫鑾賦贈

涼颿獵獵動危樓仙去樓空我輩遊百歲重陽幾風日

見山樓詩集 卷四 三十四明叢書 約圖刊本

一杯茶話小勾留孤鴻遠度隨帆影殘照斜飛入漢流

與子同來名勝地白蘋分管楚天秋

題武漢全圖

四蜀之水流浩漫百轉千回入江漢大別小別峙中流

天關橫鎖長江半兩郡夾峙騰洪波大城百雉何嵯峨

下接三吳上連粵南來北往帆檣多幼時讀史慕形勝

楚材卓犖南風勁三國遷流兩晉沈空指輿圖議英備

邇來遊宦入此邦一家洞溯來江鄉遠山隱隱接平野

驚濤浪浪凌大荒駭此天構非人力縱覽名區苦目極

有客忽攜斯圖來丹青照耀江山色晴川倒臥江上流

樓頭黃鶴重來遊閭閻撲地五卅里萬家煙火空中浮
客言往歲大苦兵大江南北無堅城鄂州形勢居衝要
十年虎鬪還龍爭中興名將李與郭樓槍掃盡妖氛惡

手戮鴟梟安鳳鸞痛艾蕭艾栽蘭若昔日第宅多蒿萊

今時金碧規樓臺昔日少壯盡散失今時估客舟車來

桑田滄海何足據當局攬圖堪借箸河山須待偉人扶

力挽凋殘成富庶其閒煙柳青濛濛島夷棲集沙洲中

腥穢情爲斯圖玷點綴未免愁畫工我聞客言殊默默

見山樓詩集 卷四 三十四明叢書 約圖刊本

撫今追昔重歎息宣光武烈揚漢周光復舊物完邦域

鴻敷四息無流民萬物並育吾皇仁皮服亦足壯王會

葵貢本不珍西人作圖深意吾能悉願從繁盛思蕭瑟

不是畫師張擇端上河苦憶清明日

赴襄陽留別漢口諸鄉友時十一月

餞客筵筵徧道周發船鉦鼓動中流千程雲水沿襄曲

十里風帆度市樓劉晏奇才既無分汪倫雅意可能酬

他時我有天涯憶回首春風鸚鵡洲

漢川

華髮蕭疏隨日短，長途吟嘯蹙身閒。迴沙曲港舟多滯，衰柳高隄鳥獨還。湏口水寒猶有雨，陽臺雲暗更無山。一城燈火遙遙見，知宿煙波第幾灣。

經沔陽

時委王桂珊大令同年隄工

奪路驚湍出高隄，勢欲穿柳枯根倒。立地盡屋空懸天，自洪波警人寧。歲事捐近聞移葉，令亟爲策安全。

天門憶鍾譚而弔之

一代詩名逐逝波，天門山勢尙嵯峨。時流體格差優孟，山鬼才華豔女蘿。風氣總隨名士改，刀圭亦誤後賢多。

見山樓詩集 卷四

三四明叢書 約園刊本

如何廢食專因噎，卻怪長洲選政苛。

沈歸愚選明詩不錄鍾譚

舟中示內

烏帽紅裙豔遠遊，青簾白舫漾中流。殘霞遙落潛江水，晴雪初融覆釜洲。勞逐萍蹤四千里，同迴鄉夢一扁舟。

石城漸近還相望，雙槳何時送莫愁。時遣人回鄉購一姬未至

同內望蒙山戲占

荆門西兩峯對峙狀如蛾眉

江行日已夕，涼月追我舟。遠山鬪媚嫵，淡掃蛾眉脩。石磴近羅列，螺面疑未收。安知非神女，步履來芳洲。交甫期不至，滿貯雙峯愁。又恐莫愁女，蕩槳曾來遊。豔歌歌

未已宛宛臨清流，置酒佐遊賞。扣舷寫我憂，我生半江海。萍迹無定留，涉險畏風浪。感別懷女牛，今者胡不樂。與子同金甌，轉苦山靈寂。佇立無與儔，風緊薜衣裂。露滴雲鬢稠，約看曉妝好。紅鏡懸樹頭。

舟中

寒風振林木，荒草亂江皋。淺水時妨柁，盤渦不受篙。天涯還歲暮，身世且塵勞。鷓鴣夜呼急，傍檣霜月高。

莫愁村

幾家茅屋沍蒼苔，六代風流事可哀。一自豔歌人去後，

見山樓詩集 卷四

三四明叢書 約園刊本

不知艇子爲誰來。

家山戎馬昔留恨，江海風波今斷魂。悔作人間飄泊客，

廿年遲到莫愁村。

溜水溝

河流西北來，一瀉不可遏。初陽出樹梢，金蛇倏明滅。我舟泝逆流，艱苦行累月。笮急愁檣斂，篙墮驚水奪。時見

高岸崩緣邊，懼傾沒斜行。入駛流沙淺，波出骨舟人競

奔忙。客子增机阻衝波，一釣舟漁歌正未歇。

晚抵宜城

牙檣獵獵晚風鳴
催送行舟百十程
四面平沙迷野渡
千畦寒菜接荒城
月明小艇人呼酒
雷動危樓吏報更
聞道鹿門明日近
一宵無寐聽濤聲

阻雪

舞雪亂天宇
朔風搖大河
草隨敲岸沒
檣集凍鴉多
乞火來鄰舫
敲冰到短蓑
襄陽自咫尺
舟楫更蹉跎

襄陽

日夕濤聲入
鼓鼙嵯峨粉堞接
雲霓隔江燈火樊城見
繞角峯巒峴首齊
如此江山笑豚犬
當時歌舞尙銅鞮

見山樓詩集 卷四

三五四明叢書

約園刊本

六朝浮豔今消盡
麥草青青認大隄

樊城

縱橫塵市臨江渚
寂寞臺隍護薜蘿
三國英雄陳事業
萬年封建古山河
風吹帆脚南來健
塵暗驛網北上多
移節正宜資鎖鑰
籌邊還盼息瑯戈

張家灣

江濱舸艇泊縱橫
茅屋千家野市成
蒼峴雪消沈朔氣
白河冰泮動春聲
地偏易熾呼鳥習
俗悍猶多帶劍行
譏察正須勞夜出
街頭霜露重三更

賣兒行

破車轉轉從西來
夫爲挽妻爲推
小兒三五啼聲哀
面形枯瘠沾塵埃
朝來村中暮來村
外口乾唇燥呼賣賣
人不買兒向人拜
富家無兒常苦富
貧家有兒常苦貧
嗟嗟天下無風塵
此輩兒多愁殺人

龍山黃仲濂大令 元謨 猥題拙稿作此奉謝并述

別懷

十載騎驢京洛客
三年遊宦鄂州身
偶然弄筆紀行迹
豈有奇文動世人
同谷悲哀此離亂
安仁憔悴竟風塵

見山樓詩集 卷四

三五四明叢書

約園刊本

無雙幸遇黃江夏
贈我詩篇語語真

同看名山到鹿門
君猶萍迹我蓬根
中年哀樂詩千首
異地交情酒一尊
小別鶯花經上已
懷人風雨滿江村
卽今伯玉知非日
規過毋忘直道存

君新以五十自述
見示贈詩有各存
直道

巫山何梅生參軍見示題拙稿佳什賦此奉酬

大海狂瀾倒中流
砥柱難斯文日趨下
古調更誰彈歲
月期雙鬢江山負
一官書遲十年讀
攬卷淚汎瀾
風雅周公瑾 精嚴黃伯思
况來平叔裔共有鹿門

期千古紛爭地三春豔冶時連情宜發藻何惜費新詞
儒生慚摩畫權會懷明條西北猶羣醜征求豈聖朝金
銀愁地竭鼠雀入秋驕各有憂時感華顏日夕凋
住此襄江曲江流曲曲通風帆沙鳥外茅舍竹籬中清
儉吾家慣天涯薄宦同何時尊酒會主客似龐公

贈梅生

俊絕何郎筆三年襄水端書猶讀平準

時襄辦專局釐務

人自

滯微官與子共杯酒相將訂歲寒近追皮陸雅慎勿負

林巒

見山樓詩集 卷四

二毛四明叢書
繪圖刊本

再寄仲濂

春到樊城又鄧城六年花柳寓公情臨江畫角樓船動
警夜紅燈部屋明斂版今愁官吏罵揮戈舊識弟兄兵
風塵骯髒英雄老嗚咽波流助不平

寓廬述懷

方城山翠擁雙螺吏隱全家寄薜蘿芳草薰人緣敗堵
亂帆搖影度長河不愁孔奮脂膏潤終讓弘羊心計多
吳蜀鹽麻憐薄殖天時人事漫悲歌

景升臺

大郡宗臣坐鎮勞野鷹呼罷朔風高勤王義旅公何靳
躍馬英雄氣不豪名士無虛傳翰札

北苑曰景升書家祖師工於翰札

江山可惜付兒曹阿瞞訕笑真多事一例銅臺沒野蒿

王粲樓

重顧將軍父子同為憐先世漢三公客邊忽動思歸興
樓上今傳作賦工獻策忍亡荆楚地論才合重建安中
應劉陳阮饒英雋七子何須著孔融

隆中謁諸葛忠武草廬三十韻

六月大鵬息千秋鳳鳥鳴先生此高臥天地一柴荆入

見山樓詩集 卷四

二毛四明叢書
繪圖刊本

谷樵能引捫碑薛不明遙山抱龍虎怪柏走麕麕展像
宗臣肅羞蘋士女盈風雲新藻繪吟嘯古蓬瀛憶昔桓
靈日炎劉事業傾艱難隨從父離亂託宗盟當世苟無
意南陽且獨耕知人司馬哲下士豫州誠卓爾帝王佐
歸然三代英使君真契合夫子乃功名和拒權吳魏乾
坤費甲兵讀書學何事得主用而行雄辨強侯動麀兵
老賊驚鳳衰悲入蜀龍戰惜連營分鼎早知命偏安總
不平精神凋北伐心事畢南征無待風雷悟終酬魚水
情遇真符呂望運自厄阿衡地失陰平險天教仲達生

文章兩表重氣數一身爭列聖崇良輔純臣祀兩楹動
猷儔旦爽理學起周程公食馨香報人懷德澤宏儒居
曾郡縣故宅尙荃蘅隱見亦常事蓬茅况屢更升堂思
憩芟入室儼牆羹風馬羣峯護靈旂夕照迎涼颿滿巖
壑梁父有餘聲

昭明臺

舊名文選樓
在襄陽城

儲君嗜學新開府賓從多賢盡在門選政獨開千古例
羣才收入一家言樓臺只合文星在翰墨何關帝子尊
當日浮屠競金碧可能棟宇至今存

見山樓詩集

卷四

三九四明叢書

約園刊本

峴山

峴山碑在峙嶙峋當日賓朋宴賞頻千古功名數行淚
百年天地幾傳人獨將遺愛留殊俗莫認清談誤後塵
但使吳平勞聖慮何須荆棘便傷神

客中見桃花

春風三月亂塵沙寂寞山桃始著花未許異鄉春到眼
一家怕說是天涯

草廬

屋靜長河轉門喧大道通昏霾非有瘴空闊自多風俗

儉宜家室山遙在雁鴻草廬聊嘯傲竊喜古賢同

杜甫故里

奉先郡時家無定夔府荆南客未還一代鳳皇饑飯顛
千秋文藻重江山弟兄終恨淹長葛魂魄猶當戀故關
苦憶峴山碑不昧兵戈阻絕鬢毛斑

早起

薄霧幕清曉十里青濛濛登場小麥熟虛壠來和風驕
陽射藁秸暖氣蒸蓬蓬此鄉重牟麥秋至歲已豐瓜果
隨意植亦不勞人工客自故鄉至穡事憂村農去秋迄

見山樓詩集

卷四

三九四明叢書

約園刊本

冬盡雨雪俱未逢斥鹵數百里黃落凋園菘秧田要水
注肩斗閒畝東河底圻龜兆荆棘生蒙茸所嗟播種艱
益愁杼柚空天心普惠愛南北皆併幪膏澤宜廣被吾
鄉何不蒙家人厭梁肉獨飽殊夢夢爭訴異方苦安識
鄉人窮翹首望田里哀此南來鴻

濱海

濱海東南故壘存韓公心力瘁花門靈鱗跋浪坤維絕
毒蠱飛天夜氣昏腥垢豈容沾化宇驅除自昔在中原
羯胡事主從廷議息戰應知大造恩

百萬軍儲急轉輸計臣抑末豈全圖津關格納嚴艦艦
城市租銖入葦蘆徹給原非資久計錢刀翻恨做強胡
海山眼見舟車絕賈客猶多捷徑趨

漢家溝洫議從容水利新勞問九重萬頃波濤艱竹石
十年巢窟返蛇龍鄭莊未擬新渠易買讓應難上策從
不許運沽資海舶豈愁風信誤租庸

忽報王師三月捷正逢廟略萬方初終南峯淨妖人迹
西洱河流戰血餘顯戮久稽嶠有虎遊魂易撲釜無魚
大防亟爲嚴夷夏精銳休教遣里閭

見山樓詩集 卷四

三四明叢書
約圖刊本

東仲濂次再寄韻

日坐書城抵百城每從懷古發幽情待書天末雁遲到
憶友清宵月自明萬壑煙雲驅筆陣兩家旗鼓鬪心兵
閒愁偶付天涯柳鐵石腸柔宋廣平

新寄示柳
絮諸什

雨過仲濂不遇歸後卻寄仍用前韻

漫天絲雨冷荒城泥濘空孤過客情傍水危隄疲馬滑
隔山疏樹斷虹明性真披豁高常侍酒盞猖狂阮步兵
何惜扁舟來就我江頭草長暮潮平

仲夏卽景

曉霧散庭角狂風來樹端大河三日漲高閣五更寒
轉書多阻羈樓屋苟完此閒少梅雨鄉思總辛酸

襄陽曲

妾住襄陽城郎作樊城賈一夕江潮生相思隔煙渚
春風吹楊柳日夕花成陣莫向大地行亂點遊人鬢
金刀膾鯉魚襄陽鯉魚瘠辛苦西北來郎看雙尾赤
大隄不種花花滿遊人目西風吹散人空芳繞林木
洛陽買花回長安販藥去花誤買將離當歸休再誤
朝出濟漢門暮上昭明臺郎行縱不返花喜菖蒲開

見山樓詩集 卷四

三四明叢書
約圖刊本

小船貼水搖蕭蕭雙飛燕漢江小舟名雙飛燕秋深載君行春深
不得見

絲管夜悠悠嘔啞水上樓南人渾不慣惟有北人留

龍坑

襄陽古名勝西北之要衝大隄足遊治冠蓋想追從車
馬蹴塵土帆檣蔽遠空上有青樓女絃管驕春風自從
經喪亂道里久不通商賈既寥落居民憂困窮我來司
權稅傲居襄城東鄉村乏墟市廬舍多蒿蓬炎日苦大
暑寒風號嚴冬家人色不樂訴諍時一逢出門視鄰里

傷哉心有忡妻子象禽獸夕飡朝不饔室處鮮牀榻偃
臥糞土中連年漢水溢麻豆傷秋蟲原田隨岸敲水涸
聲隆隆無田不得種種亦不必豐一室淨如洗租吏猶
恂恂安能適樂土庶免嗷饑鴻此方良困苦拯救願上
穹狂瀾靖江漢百里堅隄封瓜果既慙慙禾黍尤芄芄
蓋藏各有資樂利羣生蒙

苦雨

一春苦不雨一雨便成愁霉氣連牀涇河聲入戶流崖
煙朝結陣山瀑夜鳴秋我已浮家慣仍深泛溢憂

東山樓詩集

卷四

三四四明叢書

一約區刊本

襄陽旅思

滔滔逝不息漢水日東流折柳不盈把春心滿道周川
原渺無極歲月忽然逝淹滯真非計高堂有白頭

漢溢

江流忽傾瀉一氣走洪波舟楫來從牖原田折入河魚
龍隄上嘯蛙鼃鼃頭多本自貧難耐流離更奈何

鋤草行

襄陽女兒十四五日日鋤草襄江浦腰繫短鎌手執筥
鏟盡大隄隄上土借問鋤草誰家女早年失母無公姥

麥田滯穗不半飽無薪愁對飯與釜朝鋤草暮鋤草手
腳沾泥面如皁歸來還傾筐揀取臨當道野菜葉肥作
羹好野菜根短喜乾燥不辭辛苦日爬劇明日陰雨炊
不足炊不足淚盈劑豪家少婦新妝成金爐香繞銅荷
燭

遊習家池

山公池上醉一醉竟千秋寂奠山南水蒼涼漢代流斷
磯浮敗芡古色鬱長楸我亦高陽客無人共此遊

訪士元古里

東山樓詩集

卷四

三四四明叢書

一約區刊本

一鳳飛翔地羣星聚會年才非百里長主有使君賢伊
祖同心濟巴巫大業捐桑園今寂寞斜日峴山前

夏夜苦熱

暑氣鬱如此散襟遲夜涼撲螢蟲入帳避濕蟻緣牆鄰
笛忽然起籬花時一香無緣思枕簟不敢怨更長
皇天怪一雨炎赫逼空坳電掣龍舒甲星流鳥墮巢圖
疑繪雲漢室更陋蓬茅且坐北窗下微風盼樹梢

曉起看籬上牽牛

空青淡白白清幽點綴疏籬一抹秋獨爲看花侵曉起

半鉤殘月挂牽牛

秋夜憶笙和叔

秋聲一夕至涼氣滿庭皋獨客滯江漢新霜上鬢毛露
寒天宇近風定月輪高卻憶承歡者書窗問字勞

襄陽大營

大郡雙城峙雄兵十萬屯星旗明上將雷鼓動營門馬
蹴驚沙起戈翻白日昏高堂頻與宴戰士自知恩

閒居

鹿門山下客滿目楚天秋鴻雁鏡中沒滄浪空際流日

見山樓詩集 卷四

三五四明叢書
約園刊本

斜忙驛騎風定數行舟鱗項魚偏美槎頭試下鉤

新秋

涼氣颯然至風聲四壁多鳴湍驚暗漲落木露明河夜
靜思杯酌衣單怯菱荷無眠今夜月歸思滿煙蘿

襄江暮眺

蒼蒼暮色橫遙浦莽莽塵沙逼絳霄高樹雲開孤雁下
大河風動四山搖騎驢少婦花堆鬢躍馬雄兒箭在腰
虎鬪龍爭都歇絕樵歌漁唱日蕭條

溪之水

懷俞子也俞君子黃居孝溪之側塞門

不仕有高尙之風故張子懷之

溪之水瀏其清矣言念故人弟及兄矣玉友金昆終和
且平

莫違
溪之水清且漪矣言念故人琴瑟宜矣雍雍熙熙德音

鏘鏘
溪之水達君堂矣言念故人雛鳳翔矣其文章章其鳴

自逸
溪之水入君室矣言念故人舍簪笏矣我友不出我友

見山樓詩集 卷四

三五四明叢書
約園刊本

冬至日書示小姬香史

十四嬌癡一女郎眉痕狼藉學時妝我教識字妻教繡
願爾功夫綫綫長

大雪

北風催急雪江上曉寒重一白渺無際門庭盡日封敗
爐珍宿火枯寺斷晨鐘誰識天公戲飄飄雙玉龍

乍驚高樹短頓與大河平杯墮手頻戰缸凝燄不明兒
童眠更靜雞犬噤無聲獨賦苦寒曲艱哉異地情

雜詩

不有貧與富人心無險阻不有詩與書人品自淳古穿
鑿失性真飢寒易肺腑愚賤不自甘豪奪兼巧取一令
智識開民乃墮網罟文運化狂榛患深功不補

四時承天運溫肅各有時春至何足喜秋來何足悲
蜩蟬泣高樹蟋蟀吟空帷感時忽淒楚微蟲亦爾為遊子
久漂泊晨征暮無依野田盛霜露芳草日以萎歲晚行
未已憂思當告誰

共工頭觸天傾陷徧四方高厚失所恃凶燄何其張賴
有女媧氏煉石生光芒補苴盡工巧景運乃重光叔季

東山樓詩集

卷四

三五四明叢書
約園刊本

尚澆薄傾敝逾故常缺陷在衷曲奢念無時忘富貴不
自足攘奪以為強安得補心事如願償

東陵老廢斥種瓜于青門韓彭佐炎漢殖醢酬其勳盛
衰未定時輕重隨世人碌碌老圃賤赫赫王侯尊富貴
得奇禍貧賤乃保身憚犧雞斷尾知幾何其神

少年不得意策馬遊長安朱門徧九衢十謁不一延道
旁遇遊俠玉勒黃金鞍相見盛意氣藹若平生歡尊酒
莫辭醉燔炙堆銅盤顧我刺漫滅慨然起浩歎自言識
要津推挽非所難去家日以遠鄉思日以牽多謝遊俠

子歸去身名全

青樓有嬌女被服何麗娟秦珠耀耳飾黃金作臂纏對
客彈箏篋新聲清且妍云是遠遊曲聞者多涕漣願惜
聞者苦勿復終此篇何所無芳草故宇殊自憐

浩浩長江流漠漠遙天暮踽踽獨行子滔滔無與渡舟
楫安可求洪波去不住褰裳莫徒涉涉水蛟龍怒豈不
思改途所憂失故步不見古楊朱慟哭在歧路

滄溟浩無際上有三神山扶桑耀晴旭突兀開仙關宮
闕結珠貝樓閣相迴環仙人廣成子羽衣白玉冠得道

東山樓詩集

卷四

三五四明叢書
約園刊本

羲皇時服藥常駐顏我欲乘風去拜乞壺中丹洪濤吼
如虎雲路難追攀金石促壽命違天信所難百年受其
順至論不可刊

北邙多松柏鬼哭何啾啾新舊鬼或異貴賤同一邱悲
風起巖壑涼月號鶴鷗鵠老狐戴躑躅行道周死者
長已矣生者起百憂朽骨豈足惜令名誰久留神仙本
浮誕賢聖多功脩且求長不死不死寧外求

美人顏如花芙蓉映朝日薰香不下樓當窗理瑤瑟冷
泠指下音清心協妙律春圓蝴蝶飛芳菲事已畢萑蒲

久不開桃李漸成實獨居寧不懷素履冥儔匹停柱起
彷徨低頭入機室亮乏同心人流黃不肯織

西子被吳寵歌舞嬌青春被體綺羅厭耀首金翠紛宮
女滿春殿愛極忘妬嗔當其育苾蘿浣紗溪水濱被服
既不充膏沐何足云何以美名著早在東西村素質耀
霜雪粉黛空如雲恩寵不增價荆布乃氣伸世人苦茫
昧求之在笑顰

皓皓泥中藕的的池上蓮翩翩比翼鳥肅肅花底眠十
六爲新婦羞顏出堂前委身事君子妾身君自憐容華

見山樓詩集 卷四

三五四明叢書

約園刊本

鏡裏變愛憎情忽遷新人工巧笑舊人愁棄捐蓮枯性
自絮藕斷絲能連君恩儻中返賤妾何憂煎

喔喔晨雞鳴殘星當戶牖遊子攬衣出嚴霜蔽林阜離
別在斯須燕婉不能久丈夫志四方熒熒舊簪帶君行
妾念之手此盈尊酒河水無定流浮萍依左右女蘿何
所寄盤石堅且厚高節君自操寸心復何有

纖手攀垂楊青青不盈把柔條非可珍將以遺遠者憶
昔初別離相送臨廣野妾乘油碧車郎騎紫駟馬君赴
河北營妾歸白門下道遠相見稀相思誰與寫時光日

變移臨風傷婀娜之子歸不歸彷徨泣道左

龍門有孤桐凌霄挺百尺高絜本性成枝柯聳巖壁叢
木不敢生何論枳與棘朔風厲仲冬冰雪忽已積處高
良獨難孤生長戚戚賞識鮮良工摧殘殊可惜

深山有嘉樹拱把枝已繁朝作路人蔭暮入匠氏門大
匠巧雕斲丹雘常如新珍重俎與豆燦然郊廟陳當時
樗與櫟相慶逃斧斤歲暮蝕冰雪僵臥東溪濱人生貴
不朽脩短奚足論老儒死牖下豈曰明保身

見山樓詩集 卷四

四十四明叢書

約園刊本

此芬馥質移植君子堂誅艾刈藜蕭草盡蘭亦傷譬彼
高隱士強此登廟廊組綬豈不貴徒侶良難忘故山望
不見日夕凋容光

灼灼朝槿花過午色已變皎皎草頭露日高不復見顯
赫會幾時流光激如電嗟嗟市朝子得失爭一線青春
不再來黃梁詎可戀榮名何補身奔走徒爾健暮景催
風霜茫茫歸路曼

牆頭有小草枝蔓翠相錯秋深尙微暄依依發紅萼霜
露倏然至一夕驚零落植根既不牢生機何淺薄發榮

不及時金風已肆虐本之歲寒姿憔悴竟何託

盲風振巖谷荆棘森路傍嘉卉苦摧抑枝葉萎以黃持

斧艾棘枝蛇虺白日藏毒霧暮林莽側足慮我傷驅馬

舍之去中心多惻愴安得商飈發凜然天隕霜木落蛇

亦螫艾惡鋤其強善類日滋長和氣感上蒼

大鵬發南溟斥鷃不笑止神龍挾怒霆并蛙震欲死古

來英俊人往往驚俗士德修謗更來才高毀愈起非與

斯人仇器識苦不偉滄海測以蠡淺見誠可鄙大樹撼

蚍蜉擾攘何時已

見山樓詩集 卷四

學三四明叢書
約園刊本

豺狼不生麟鸞鳳不產梟種類使之然善惡故昭昭人

為萬物靈變化當自操奈何甘廢棄濁世隨滔滔聖賢

本無種不在世胄高疇能百世下崛起為英豪

蒼鷹巢村樹不搏樹下雞鷹性非獨廉鷹有巢中兒胡

為當世人徇欲忘恩私棲息託賢主反噬售其欺一旦

千眾怒名裂身殉之戕人適自戕自謀無乃非聊厚不

為薄微禽真可師

山中有文獸自名為猩猩既負能言異復擅前知名遊

遨過林澤豺虎不敢輕獵人慕其利杯酌歡相迎禍至

故蹈之汪飲遂輕生攜贈借斗酒雙淚囊中傾

見山樓詩集 卷四

學三四明叢書
約園刊本

見山樓詩集卷四

跋

見山樓詩集四卷張麟洲先生晚年定本也其門人王文父舉人定祥方擬付梓遽歸道山遂未刻布予於丁巳春日由費文瑚卿崇高處假得王氏鈔本費由陳雪樵處借來命寫工別錄此冊聞張氏後人所藏為庸妄者改刪非廬山真面目矣己未四月馮貞羣識

見山樓詩集跋


四明叢書
約國刊本

復

堂

詩

續



序

癸丑春晚。重旅滬。手錄得復堂丈未刻詩一帙。從手寫稿冊假錄。泊秋。嗣君紫雲姊丈寓廬被火。元蹟未及取出。已歸天上。其得幸留副墨人間。殆尙丈靈有以相之。收列遺刊。以慰海內學人之望。甲寅小除夕。徐彥寬記。

念劬廬叢刻

序

三

錫山徐氏輯錄

復堂詩續

仁和譚 獻著

題張楊園先生寒風佇立圖

桐鄉沈氏藏方薰圖味
摹本沈毅成同年屬題

于野求槃木。凌兢倚勁枝。先生餘夙習。卓爾望吾師。山水分從樂。天人合用知。寒風猶昔日。延佇莫遲疑。

獨立楊園叟。如持關學窮。於斯方集腋。不計待春風。抱獨安吾拙。孤言慎囑

空應清黃梨相負戴。非異亦非同。

題易碩甫魂南集

竟從鵬翼徙南溟。海氣荒荒偃漢旌。島上片雲占破敵。匣中長劍應同聲。信

念劬廬叢刻

復堂詩續

一 錫山徐氏輯錄

陵功就三千客。小范胸羅十萬兵。洗耳鏡歌新樂府。仲連老未厭餘生。

題張藥生西齋讀書圖

鄭公堂下艸。作帶自垂垂。樂就西齋坐。如游東觀時。名山方有託。流俗不相

師。遙共千秋語。尋聲自析疑。

無恙西齋月。依依五十年。名家尊舊學。忘象謝陳編。委珮薪徐績。藏楹鉢再

傳。老子慚脈望。今日海洋旋。

豁廬小集

把臂移時便入林。碧波迴薄柳陰陰。會招良夜三更月。來照平生一寸心。有

約澆愁借杯酒。誰何變徵動鳴琴。年年山與人無恙。櫟葉留雲且十尋。

丙申重九同鏘青藍洲雪漁吳山登高

慘慄秋何氣。春人共此心。無端成疾久。未許入林深。霜霰知消息。江山有古
今。茱萸慵且插。藉草一沈吟。

題江館思親圖

遲遲故山雲。葉葉映江水。望望吾親舍。脈脈感游子。空齋清無塵。芳草何旂
旒。寸草亦有心。結戀春如駛。江皋舟一葉。去來過我里。歸時見顏色。態疑如
夢裏。慰懷書盈寸。日月問甘旨。悠然江上雲。客心同遞逆。

高白叔鴈題沈山人九十巖言二律

推排幾輩作陳人。絮酒評花九十春。哀樂可忘消世見。聰明未廢樂天真。五
朝史料羅胸富。六合奇書到眼新。欲軌中西循一轍。撚鬚辨學語紛紛。

慢亭蜀肆益吾師。微尚沈吟少壯時。雲海縮歸三尺畫。樵柯拄爛一杯棋。癯

念劬廬叢刻

復堂詩續

二 錫山徐氏輯錄

飢偶採山山石。祭臘猶留歲歲詩。見說和神忘紀錄。入山杖履去何之。

送詹友石北上

一雨秋為氣。吾行在路歧。江皋雲脈脈。陌上草離離。看劍尊先冷。停琴調可

知。杜門猶戀別。根觸少年時。

人日和榆園元旦韻

百年道眼悟空花。四海虛心合一家。有伴疏林甘作鳥。無波流水味勝茶。遲
徊燒燭晨趨暮。婉孌逢春僕亦華。獨醒扶醺扶不得。黃公爐下酒休賒。

三月十一日枕上口占

萋萋艸色是離憂。目送斜陽天盡頭。猶有故人心一寸。塵生弦上為君留。
逡巡已爛野人柯。日數枰間子尚多。風畔忽吹林葉隊。閒中忘却舊樵譚。

舒節母詩

丈夫有志力恆樂當其難。視彼貞松枝。後彫凌歲寒。爰適奇女子。節錯根同。繁鬱鬱山雲。吐納到人間。儒門葉與舒。右姓尊鄉閭。奇士蓄壯氣。投筆比爾干。去矣不復顧。健婦持門單。無何瑣尾悲。蝨賊方如攢。尺寸乾淨土。良懦走繁桓。歸挈三小兒。曉夕淚汎瀾。請與璧俱碎。兒亡母豈完。今有女魯陽。一呼日且還。長少仍在懷。天試歷諸艱。展翼去彈矢。母存雛自安。拮据營危巢。習飛振羽翰。國殤地下笑。都付白叟嘆。嘆已手加額。奇節如奇山。劫火無嚼。嚼終與雲氣。蟠塵沙日浩浩。於此得偉觀。周子紀直筆。家乘垂班班。汪踵玉索題。扇頭小景。

人倚西山山外樓。繞林隊葉不知秋。卷書忘却榮枯事。心與閒雲任去留。

念劬廬叢刻

復堂詩校

三

錫山徐氏輯錄

餘花婉約綉餘春。未暇鷄虫傲古人。偶與東風借顏色。一時非笑亦非顰。

題琴嘯圖

委她左右寒修竹。欲往從之在空谷。七絃傳語知音難。時倚匡牀伴幽獨。偶然一嘯韵名山。孫登姓氏留人間。雲愁海思知多少。劍氣珠光只等閑。

題海山尋夢圖

聚叔女夫莊文傳悼亡作

海竭山移自有時。安仁無夢總迷離。花前鶉後渾聊賴。人世秋霜尙肯遲。

送止潛

送君七載念家山。別語蒼涼夢未閒。老友清尊來雨集。中年宦轍去雲間。繁霜漸借交期煥。綬纒稍舒世路艱。它日佳兒能記憶。平湖紅樓倚衰顏。

題種蔬養魚圖

動植皆生意。家門有素風。官齋清詔牘。如步野畦中。養性何殊隱。加餐不待豐。春長憐物態。一一借天工。

未改讀書心。脩然憶故岑。土肥蔬有味。魚育水宜深。廣類斯良法。養生莫遠尋。使君行縣日。鉏釣和新吟。

同蒙叔紀榆園納妾三絕

無花老眼看花回。草屨爲嬌鄭重開。小講游仙尋洞主。踏梯省識好樓臺。九十風光暖益柔。停帆且繞錦塘舟。拈鬚路指同游誤。花爲人留春自留。翠屏相印老人峯。徒倚南唐畫卷中。對面黃山太蕭瑟。自然襯貼亦天工。

答蔣笠山吳亮公

念劬廬叢刻

復堂詩校

四

錫山徐氏輯錄

年時嘉約苧蘿游。勝友如雲願小留。豈意衰遲方畏夏。由來蕭瑟只宜秋。瑟箏合奏仍離曲。香火前期共好脩。思傷更增梁月感。故人一一雪盈頭。

題許豫生大夫青燈課讀圖

仕學本詩書。賢明後必昌。君子秉母訓。蘭茝毓奇芳。南海有洄澗。前沉後則揚。中原衢巷歌。通籍爲循良。伊何道山歸。孤兒倚北堂。譬若短燈檠。寂寞炤更長。依依讀書聲。古賢遙相望。鳴機正督課。共此尺寸光。未幾紹家風。踰冠垂華裳。母及睹子貴。名實日輝皇。祿養雖未逮。含笑先公旁。然藜此高輝。人間燭微茫。江海七千里。尋源始濫觴。角卵誨盈耳。言言永不忘。求忠孝子門。擁樽涉康莊。退思對青燈。溫故復琅琅。蓬飛游八閩。世德孰能詳。願箋列女傳。柱下永可臧。

和榆園元旦

耳孰人間重晚晴。老逢改律作新聲。灰飛偶亦思方朔。嫁畢何曾逐向平。材與不材無我分。病真善病羨同盟。千花百草尋常有一度。相看一種情。

題褚守隄祭碑圖

骨董非君事。巖搜樂訪碑。可求經史闕。如接漢唐時。俎豆真奇壽。裝褱寄遠思。祭書循舊例。萬卷手同砥。

翠墨染彬隣。蕭齋友古人。吉金尊禮器。片石集賢賓。先輩留情拓。名山又負新。心香拈一片。文字契天真。

題揚古韞小景

委地塵網中。悠然與天游。春山共一笑。凝妝謝素秋。

念劬廬叢刻

復堂詩續

五

錫山徐氏輯錄

又

曲池五尺已揚塵。池畔空來洗眼人。猶說題襟曾載酒。柳枝過雨縮餘春。

送六橋都尉北上

出門長劍倚霜秋。鼎盛年華恍概游。喬木世臣酬祿養。衰腸老友澹離憂。披雲闕下陳三策。觀海寰中合五洲。側聽詔書殷若渴。書生才望本同優。

詒高海槎今年六十八。歲子孫豫祝七十君。有自壽詩十律。

未能忘甲子。紀算與君同。好雨時逢舊。斜陽遠自紅。賢人縣物望。名德代家風。一笑微官去。千秋夙學通。琴尊仍式好。香火且觀空。兒輩殲丹籟。巖間倚錦楓。海天棋酒樂。湖墅見聞充。步履登高健。題熊灑筆工。光容鄰借燭。逸美

圃棲松。倘許齊年友。諒諧壽過中。

題藍洲畫送伯嚴

遠峯遠欲無。斜照斜將暮。閒庭獨立時。蒼茫向誰語。東卷尚微吟。懣怨无今古。新知復天涯。獨客歸无緒。徘徊一片雲。下有會攀樹。流波送君行。還送人歸去。

題孫索題我與我周旋圖

一室與四海。諸公相往來。抱獨若忘言。脈脈此古懷。少壯迫衰老。閱世相推排。隱几琴弦緩。從軍茄吹哀。拂衣還故山。塵尾挂頰頰。跌宕公卿間。樹背金鰲開。逡巡解斑衣。終慕仍老萊。榆景未云莫。夕照亦復佳。回首四方交。語笑墮烟埃。獨矧恆河水。省識舊形骸。深源吐微言。一任桓公哈。長與我周旋。攬鏡且徘徊。

念劬廬叢刻

復堂詩續

六

錫山徐氏輯錄

題枕經書屋圖

衡門有賢士。微尙在橫經。投筆搜忠赤。題名有汗青。檀書折所寄。鼓吹奏無停。枕秘恒師古。千秋一啟局。

見說吾廬愛。從橫六藝林。中原塵盡掃。論道味俱深。蜀國先賢在。尙書接武臨。垂聲仍繼起。肯構識家琛。

肯構復何如。賢哉薛大夫。中西尊案鑰。譚笑掃榛蕪。絳節迎將及。青緇術匪迂。名家門閥重。大用在真儒。

跋履望蒼茫。人間事未央。游僊安用枕。濟險可無梁。珍重經生業。艱辛吾道光。買絲爭欲繡。回首讀書堂。

續題畫天小隱

續題畫天小隱

扶花藉紳倚東風。竹苦停辛入藥籠。裁酒幾家招隱士。看山隨意問奚僮。枕流清冷忘塵世。醫國沈吟付俗工。一寄支離。病疾何時扶杖訪查公。俄歲清集同白叔韻

家山無恙老閒身。綠髮前游入夢頻。醒眼累嘗深淺酒。停車懶數去來輪。鐵師大冶休成錯。春借唐花即是真。願得年年好相見。還如讀畫不求新。送古漁

太末蒼涼月。留寒待使君。依然著書處。樂與野人羣。吏隱隨山室。離懷望暮雲。天童相映瘦。釣罷酒微醺。

乙恒禮郎鑄虛牘稿題詞

洪深經術學淵淵。忠孝名家五十年。餘事作詩持篤志。老成話舊紀高賢。山

念劬廬叢刻

復堂詩校

七

錫山徐氏輯錄

嵐骨相權奇久。湖水波瀾與寄懸。澹月微雲今古共。停琴花下夢悠然。

松竹蕭森一片心。長安寄跡久沈吟。公車八上歌聲澹。官轍三遷客思深。猶有玄文珍秘玩。豈無淑艾慕同岑。人間少勝惟珠玉。流俗紛疑合輟音。

題歲暮歸書圖

儒流有家法。積書遺子孫。枕經繇世澤。葉葉此清門。無何遠塵劫。過眼同烟雲。良金與美玉。往往摧為薪。吾鄉孫氏賢。毓德涵天真。亂定且繕完。抱積還勤辛。先世遠中秘。目錄久猶新。守闕方求補。誠至若通神。得之抵千百。馨香祀長恩。歲晚感霜霰。故紙竟回春。琳琅歸故主。整比拂微塵。策府喜抱殘。師友此名臣。可知名家傳。還我百世珍。讀書勝求田。觀書歎慕類。古昔名山藏。傳之必其人。繼承勿墜廢。鑿益紛紛。

林太守孤山補梅圖三體絕句

樹是吾家樹。今人揖古人。名山仍續出。華葉戀陽春。

山盡一笑滄桑繞。隄邊我垂楊。樹樹一枝相倚。花開空處還香。

樹人心事寄千秋。春在寒梅枝上頭。雪月從游招處士。栖霞樽酒酌清流。

又題

山不孤時香有餘。梅花開落閱乘除。問奇罷讀神仙傳。補缺仍非封禪書。一

姓高消如此樹。千秋仕隱可同居。垂楊芳艸都無恙。目送寒鷺出故廬。

和吳親家六十生辰自壽

與君聯纈共華顛。一例孤縣正送年。賦後君一日。腰脚相看翰健舉。八齡

予齡六十。笑數杖頭泉。

念劬廬叢刻

復堂詩校

八

錫山徐氏輯錄

人事無涯道有涯。餘輝鏡淨不須揩。五常臚鄒勞環顧。指點樞書一一排。

庚子元日

迎年計日待春時。意外森寒不可知。山上雪花迷近鏡。棘中蘭艸強支持。客

如載酒求同醉。馬欲尋芳沒路歧。元會以來幾庚子。大橫重與益人期。

碧閣千眸數從頭。珍重團圓莫闕愁。為雨為雲多異色。有鴻有燕各尋儔。莊

非時世還看鏡。花不分明爛上樓。老病未能忘甲子。行年七十夢前游。

晨起感咏

萬花香色尚非非。寒雨連朝繞砌飛。五嶽已平身獨立。四時咸備物知歸。蒼

茫酒半休看劍。出入塵中莫浣衣。浩渺欲游游不得。零丁有夢夢忘機。

題胡太守槐陰獨酌圖

跌蕩山林志。殫能托酒人。綠槐留昨夢。芳艸醉餘春。與影忘酬酢。微吟寄笑
題浮雲三十載。獨醒謝前塵。

風色靜高槐。飛飛暮鳥迴。古人相晤對。山水且徘徊。戶外千車轍。天涯一酒
杯。夕陽陶徑碧。明日約重來。

題吳憲齋畫柏為凌厓遺賦

鬱鬱恒青柏。清高為寫真。後彫比君子。古木抱長春。自結空山友。渾忘陌路
塵。蒼然如一日。醉酒願為隣。

寄意在山林。風霜深復深。花叢惟一笑。物外得同心。寒碧分奇石。栖遲倚短
琴。悠然歌古調。老杜托長吟。

題許欣菴畫冊

念劬廬叢刻

復堂詩續

九

錫山徐氏輯錄

林間把臂約何人。飲罷微吟屬句新。畫裏有詩詩有畫。好憑二妙寫天真。
餘暉花外借斜陽。洗研池頭草自芳。一片古懷長脈脈。風來遠送是何香。
竹柏青青秋不寒。鷓鴣林下語前懽。深春尋夢誰先覺。好在高人畫裏看。
倚風三弄笛依依。上下離亭舊曲非。記否短長楊柳樹。黛痕猶在故人衣。

挽林太守迪臣詩

君不見神鏡輝千里。一鑑塵土光氣畢。寶劍刻百壁。一朝缺折鋒芒失。噫嘻
林使君。循良治學如卿雲。既明且決鏡劍匹。扶掖草茅芬弱羣。養望禁近出
造士。守郡賢勞忘夕昕。三衢芒刃利不頓。移杭照鑑江山民。童孺玉在璞。購
藝創學塾。業先六經志四方。治事本末所立卓。滄桑東南久擅勝。扶掖善病
資養育。挽流日上尋真源。夙昔名賢廣私淑。瀟然寄古懷。再補孤山梅處士

吾家世出世。高情閒處相。裴徊六年報。最請展覲。攀臥轅轅計日回。霖雨竟

阻百穀潤。病民藥物隊。靡追使君倏爾謝。朮岑三日不語。鬼伯侵奪我衆父

羣兒號。鏡淪劍斷哀所遭。深林陰失芳艸瘞。長空路絕高山高。所望來者皆

賢豪。噫吁嘻。使君遺愛不隊廢。根柢日固垂繁條。視彼鏡劍重磨永不消。

答車眉子

湖上萬垂楊。流連倚夕陽。消搖尊酒會。跌宕少年場。久送星如雨。衰憐鬢早

霜。奇輝瞻寶玉。老眼握琳琅。

鬱鬱故江雲。芳流自繞文。老成當夙昔。凝澹得逢君。構性通真際。持平正異

聞。豚兒眇家學。師表緒新分。

念劬廬叢刻

復堂詩續

十

錫山徐氏輯錄

雲南叢書集部之六十九

五塘詩草

共六卷

雲南圖書館藏

平刊

五塘詩草序

五塘草者石屏許廣文印芳麟篆所著

與雲南鄉試得麟篆文大喜拔真第二同考官

余曰此必佳士請姑待驗吾言榜發果宿儒也既扶所為

詩來謁余題五律贈之首聯云一笑得山谷自慚非老坡

末云平生期許意豈獨在魏科固知其非一世士矣歲癸

未麟篆會試再報罷余方憂居長沙迂道來訪賦詩二章

為別嗣是不相聞今秋自滇寄示刊行詩六卷則余昔所

見及贈別之作皆在距庚午且二十三年麟篆當咸同之

際目觀滇中文玩武嬉姦頑奮張大亂已成哀身世之低

離斯民之無與拯恤往往中夜起立慷慨悲歌集中感時

五塘詩草

卷首

傷亂諸篇識者以為不減老杜夔州後作

定麟篆亦時出遊則紀行投贈之作為多大都傳旨

精思獨詣信乎其詩豪也麟篆既以文名當世通省會

經正書院當事延為院長用其學倡導後進又蒐刻光緒

以前滇人詩文數十家其公善之心尤不可及其道亦

日益光因麟篆請為序其詩非余交足重麟篆而麟篆為

余增重也五塘者在石屏近麟篆居曰熱水曰沈馬其三

已弗可識云

光緒十八年歲次壬辰長沙友人王先謙序



五塘詩草卷一

石屏

許印芳

道光戊申

曹遷石屏喜賦

廿載羈棲瀟水旁容兒振策喜還鄉子生長晝尋花柳攜

雙展夜泛烟波坐小航山綠飲酣筋骨健湖光照盡肺肝

涼晨登三島望親舍天際孤飛雲正忙時家君于後家自

還鄉即事仿陶公四首

吾鄉處州南兩壁萬山對逆水向西流瘴癘伏澗內明知

水主惡留戀為先輩遺衣猶被體田宅安可廢遺像弗忍

忘邛墓又可背而况陵谷變耳目多憤憤五塘識其一水

五塘詩草

卷一

五

五

馬其三已茫昧即此閱滄桑何待百年外吾家本老農急

歸治蕪穢

農人家深山冬盡喜見春既雨夜飯牛當晝播殖勤力疲

息糶車放牛斲草根拔角童豎戲踏背鴉鵲喧耳耳但搖

尾相狎宛同羣日夕驅牛歸鄰翁宴新婚冠服樸而野酒

肴甘而辛醉飽雜歌呼脫畧無主賓幸食泰平福老稚皆

壽民觀風不知美愛汝人牛馴仁里吾世居地瘠恆患貧

吾伯守隴畝吾父去從軍離索爾許年生兒又弟凡葉落

依樹本誰能久乖分兒大先還山舉家色欣欣

月落天宇白荷鋤盡出門我亦同早起訪舊之南村故鄉

不識路衰稟望田園僮奴向我笑遙指東家垣趨步叩柴

屏相見多歡言談我少時事仿佛得其真喜我今長成衰

老復自陳留我共晨餐候已上朝暾

吾祖稽田日立心戒姦險忠厚不欺人人亦不忍犯積善

豈望報天道固難拚一官予後嗣錫封表儀範丙午恭逢

祖以吾父貴子蒙餘麻讀書事鉛槧還家親耕具內

省意多歎文章長浮薄深懼先澤斬去華而務實庶幾得

無忝

玩月

素魄老不死夜明情最深前身我為誰照我到來今仙客

與持酒美人借撫琴惘然思舊歡清光傷此心

擬古二首

五塘詩草

卷一

五

五

南國有貞木含精稟炎陽質能負霜雪所惜生遠方嘉卉

誰當采仰瞻君子堂緘情寄尺素尋思反憶惶人悅桃李

華爾懷松桂香邂逅意相悖棄捐神暗傷棄捐亦何傷結

根貴堅強歲寒驗爾節勿遽期棟梁

嘉辰張廣筵冠裳遠來會比鄰有至友未蒙枉旌旆子賢

如邛陵不肖如蓬塊託子以自固庶積部婁大奈何成乖

隔只尺千里外人誰汝瑕疵悔過吾怨艾百年幾樽酒鬱

鬱易衰邁願為金石交齊心圖晚蓋

送李浪翁入蜀

浪翁游中原失意還昆州四十未有室孤居懷百憂昨朝

道逢洛陽賈金多如山賤如土升斗之水活枯魚西行願

隨入益部丈夫恥受庸俗憐辱在泥塗難自全韓侯雖負
非常器不死還賴漂母賢往日寄食陶家側破屋數間滿
荆棘敗絮裹身卧蒿牀爐竈無烟面目黑讀書卅年瘦如
腊髓化膏燭血化墨高才一旦填溝壑經濟文章向誰說
從今賣卜低垂簾百錢入手何傷廉孔明娶婦得醜女萬
一遭遇黃公謙

題甘思伯山莊

石龍村外萬山斜小築林塘坐一家急雨戰聲飛竹浪夕
陽醉色上桃花地當社里多栽柳迹近侯門不種瓜來往
紛紛車馬客何知痼疾在烟霞

秋閨怨

芍藥梢長記別離梧桐葉老起相思夢回南浦草千里簾
捲西風花一枝月照高樓孤帳冷霜飛寒夜曙鐘遲三更
河漢看牛女砧杵無聲淚點垂

咏鳥

城烏尾畢通鞠子劇辛苦孤雛啞啞啼春深長毛羽柴戟
暮光榮遂乃趨幕府全樹借棲息愛護誰敢侮朝飛度崇
岡夕飛過枉渚攫肉大道旁傳食媚其主可憐故巢中父
母無人哺

寄甘思伯

甘時往金屯飲作
踏雪圖予止之

冒雪金屯去知君清興嘉山川寒欲語草木老生花雪壓
疲驢瘦風吹破帽斜七賢事已熟休作畫圖誇

雪中作

飛霰迷千里癡雲守萬家河僵抱冰柱山睡孕梅花白屋
薪蒸貫矢門殺饌奢清吟愛臘水十囊貯銀砂

己酉

龍燈行

料峭風起掀熒臺青龍街燭風中來大聲咄咄撼山岳龍
師擊鼓更吹角爆竹發火飛紅塵千雷萬霆繞龍身圓毬
如珠引龍走龍曳其尾驟其首攫孳忽看錦雲纏盤旋復
訝銀濤翻鯁公魚伯左右擺神鈕一震龍節解恍若野戰
勢方歇斑斑但見元黃血我聞海鱗變成龍曼衍戲術傳
漢宮然膏照夜光眩眼龍真龍假益不辨舞龍健兒心愛

五塘詩草

卷一

四

奇重妝獸面蒙獸皮奮髯吐舌過燈市又疑龍化為獅子

贈王茂林

少小思垂竹帛名能文好武氣崢嶸作書筆走龍蛇勢校
射弓聞霹靂聲天地生人才不乏窮通有命力難爭君看
松柏蒼厓上材大終須待晚成

縱酒

二儀乃吾廬萬象皆我客得意宜縱酒為樂趁今夕危樓
燈燭高長林風雨急拔劍舞且歌青天無顏色壯心正激
越醉態轉敵側百榼未盡情東方日已白

南村訪李翁二首

郊居狎蟲鳥來往各知門蜂旦出花圃鷺昏歸竹園齊眉

有二老撓膝弄諸孫客至驚還喜呼兒具綠樽

對酒動高興盡言無隱情治家務耕織有道薄公卿十畝
箕笠影一堂機杼聲盤飧意珍重青眼屬書生

贈明上人

平世無高隱空山惟老僧道肥身露骨心正眼生棱聽法
餘雙樹安禪伴一燈柴扉半不啓簷際長青藤

送王鶴亭

王將由蜀入秦

下馬苴蘭城開樽送遠行關山勞客路風雨動秋聲落葉
飄零恨寒砧離別情相思何地切劍閣暮雲橫

暮雨登東臺印目

萬壑樹無影驚風吹雨來游人盡歸去長嘯獨登臺汨汨

五塘詩草

卷一

五

水交匯冥冥山半開東巖千丈塔孤立亦雄哉

夕至朱山人家賦贈

言訪朱翁子負薪林下歸野風吹竹屋山月照松扉人老
識憂患名微無刺譏疎狂吾所病卜宅願相依

客中有感

一卷陰符兩石弓賓王久已客新豐閒來養馬稱兵子貴
未執圭思土風國士何期辱胯下大人不合處禪中觀觸

海運應南徙嘲笑無端憑二蟲

贈木天章

襖被走滇中家山憶浙東文章委魑魅兒女哭英雄舊恨
石填海新愁蓬轉風飄飄萬里外樽酒幾人同

歷山吟

朝塗廩兮夕浚井兮火何猛兮水幾滅頂兮歷山碑兀飄
風弗弗兮雷聲轟轟天雨趣我耕兮于田負耒躬身幸不
死兮身不死兮父母之子兮

美里吟

拘幽室兮日有夜其無晨念王國兮上有聖下則無賢九
州何地無人兮何人首不戴天下殺身以成仁兮傷我王
如天之仁嗚乎吾甯苟免一身兮殷周兩全

庚戌

閻洞懷古

閻一作顏

一岫吞巖壑巨口色赭赫一塔壓孽龍高標跨虛碧我郡

五塘詩草

卷一

木

百里內茲巖水之宅出游不問途逐水觀其迹羅浮兩岡
合榮陽三窟關盤渦走寒門風雷蕩精魄誰能乘杯船然
炬竈秘墮浮圖可眺遠登覽念疇昔從穢難豁開礫磳猶
厥塞犯聞雨電飛懼止斤斧劈鄂公賢制使至誠神感格
鑿石類驅鯉除害民頌德宇宙多缺陷流峙有變易彌縫
俾復初循良難再獲山靈公故交懷舊應太息

晚雨初霽閻洞後山澗中作

斜日行澗西游人行澗東行行繞南澗暝色來諸峯將昏
瀑雨集既晴幽興濃玉立喬木秀石漏寒潭空栖鳥香踏
花飲猿清嘯風寓目林壑美賞心物我同因悲名利客朝
暮暮塵中

咏點蒼山

人言南土遜中土奇境幾曾遊點蒼石有文章萬古色花
無凋謝四時香炎天雪覆冰蠶壯山中五月積雪皓然產
雪蛆如冰蠶入鏡極佳
秋日風橫玉虹去長山多雲霧入秋則豁然開朗但見白
氣如虹橫互山半俗名玉帶嶺蒼山
此地毓靈真鷲嶺飛來傳會笑錢塘

麥客兒歌 并序

貴筑麥氏女客兒從父某游江浙間父為豪家李氏羅織
死女歸中表楊氏愁眉齟齬善媚如孫壽而鐵心石腸誓
復父讐楊氏家有劍師女從之受劍會李氏父子以罪戍
甘州遇

五塘詩草

卷一

七

設位祭父備書始末於逆旅壁間旦日雪霽馳去自是女
絕迹人世矣予友梅小山女父執也為作小傳出以示予
予為作歌附傳尾云

我讀客兒傳因作客兒歌客兒豔質當世多孝義獨追趙
謝娥南游江浙父橫天李貓害物陰謀狡戴天與共羞渠
儂安得伏雌化飛雄老奴堂上披紗扇請事猿公習手戰
累臣投裔慶生還明駝送兒西出關姦豪自分全要領豈
意駢誅在俄頃胡風吹雪沙飄揚啾啾鬼哭古戰場中有
異人聶隱孃桃花顏色梅花妝髑髏為枕骨為牀河曲臥
冰河且僵倏然髮指目怒張提三尺劍追兩狼剖心瀝血
當酒漿招魂祭父驚巫陽倏然躍劍凌虛翔日影墮地天

蒼涼除凶雪恥畢私願掉尾神龍藏不見吳市舊識梅仙
面操筆為汝作佳傳從今奇節流傳遍女中丈夫令人羨
丈夫動言荆聶儔幾輩能報君親讐

荷花生日夜與安南容酣飲達曙賦詩贈別

火林屈盤千萬頃一夜燒紅天地影炎精不散聚東溟化
為翔陽光炯炯海人馭氣乘朝霞波羅蜜熟思還家碧筒
吸酒醉初醒水亭新發芙蓉花送君遙指華關路龍溪歸
去何時暗塵宵歡會芳晨別好記滇南六月節是日滇俗
為火把節

長別離 送人歸洛陽作

妾是河中土君是河中水取水合土搏作人妾身與君一
人耳忽然從風散為塵中有精魂誰識真九陌飄揚形影
五塘詩草 卷一

分送君還家心如焚君言家在三川住東瀾西瀾知何處
若能身化雙蝴蝶夢中來往無迷路可憐落花與落葉短
離別是長離別含淚不敢向君流含情那能向君說君不
見鳥比翼魚比目且相追暮相逐妾身仍願為塵土隨馬
蹄今隨車軸

過陶古村山齋小住旬日漫賦一律

入山愛飲菊花酒日日沈酣留不歸春夢醒聞黃葉落古
愁散逐涼風飛果園霜飽橘初熟田水稻香魚正肥便欲
從君巖下隱還家先製薜蘿衣

咸豐辛亥

閨怨

空閨掩臥失芳菲風雨飄颺花亂飛夜夜深聞杜宇可
憐只解勸春歸

旅宿時征粵
兵過

旅宿野人家柴門臨水涯蛙喧白雨點蚊聚青燈花十里
風傳箭三軍氣捲沙客愁不成寐撥悶酒頻賒

旅夜書懷

遙夜倚危樓坐竊千里眸亂山堆客恨孤月照邊愁天地
風塵色關河霜露秋老親征戰苦書劍欲從游時家君
從征粵西

宿高覺寺題壁

山行盡日逢人少山寺停驂趁夕暉池上草枯蟲自語樹
頭霜重鳥還飛荒年白土供僧飯寒夜紅爐當客衣斜倚

五塘詩草

卷一

九

禪扉望原野犬聲遙吠一燈歸

秋日聞丁紫琳先生訃從征粵西
梁瘁卒

西南枯槁地秋日况生哀萬感一時集雙魚千里來傳聲
淚併落持簡手難開瘴癘亡知己山川亦妒才

九月晦日逢蘇崑圃時崑圃避亂
來自廣南

蒼涼風雨催秋去黯淡江山送客來縱酒追爲重九會望
鄉莫上最高臺十觴茗芋歌鐘闕千里蕭條戰鼓哀南木

溪頭氛祲滿故園黃菊爲誰開

少年行傷燕武
功作

三河少年有力如虎腰弓手箭願從將軍征虜今日擒賊
明日奪燾少年無物獻將軍獻將軍長槍巨礮將軍曰嘻

美妾美妻急可療飢長槍巨礮飢不得食寒不得衣吾聞
人世多奇異蝦蟆生毛鬼生臂爾能扛鼎拔山爲吾取丹
穴鳳髓碧海龍肝惜哉少年聽言迷旨匹馬陷陣結纓而
死天風浪浪江水決決陰雲合匝白日寢光千里故人弔
汝奠鵲魂兮歸來勿棲戰場

泛舟滇池雨後登羅漢巖作歌

天下奇山水文字爲氣魄讀書不出門陋儒眼界窄今來
昆明訪金碧枝峯蔓壑遍搜索滇池上流景尤佳清曉泛
舟入廣澤近華浦大觀樓此間開宴暫維舟青縈綠繞盡
涼意九夏生寒逾九秋湧月亭外鳴簫鼓才人妙伎紛歌
舞酒酣轉棹復西行火熾高張日正午重陰迷曹白晝杳

五塘詩草

卷二

十

冥雷霆上震河漢倒傾神馬蹴波五百里黑浪動搖天地
驚危崖峭壁屹相向蒼翠已落蓬窗上杖策直登羅漢峯
穿竇下瞰馮夷宮萬頃碧光喜新霽驂鸞駕鶴乘天風我
雖無羽翮已遇仙伽客華亭昌雲懷妙質昌雲名巖樓華
亭寺僧工詩

詩品堪蒼雪高潔寡儔匹安得芒鞋竹杖隨飛錫五嶽歸

來揮大筆時昌雲游
行未歸

三清閣獨酌懷甘思伯時秋闈報罷

結屋如烏巢騰身一羽毛天隨水趨下山與人爭高萬象
憑欄見孤吟得酒豪下方失意客風雨讀離騷

老將

海水橫飛日高牙早建旗經過百戰地督盡八州師亂定

英雄少謀深鬢髮衰丹心煉益烈駿骨瘦爭奇用趙廉頗
健征蠻馬援危金城未滅虜古鏡已亡規見像夷酋拜招
魂部曲悲後生翻自喜談笑却能羅

竭蹶

竭蹶趨兵事邊氓力已輸死無人顧問生有吏追呼大將
方操鉞三軍競執及妖氛能迅掃民困會全蘇

贈李克齋

名壯猷成都人

弼弱若無能益州一野生髫齡治經史弱冠業未成慷慨
焚筆視北行入幽并燕市逢酒徒劍術傳荆卿七首雖無
眼最能黑白辨曾殺犯賊吏桎梏逮京輦烈烈古丈夫得
罪髡爲奴爲奴變爲僧爲僧變爲屠不文又不武屠已仍

五塘詩草

卷一

十

爲儒自稱浪蕩子游河海江湖九州備覽歷乃欲遁荒域
萬里問碧雞南交喜安宅朝登雞足山暮宿龍尾關清風
與明月飄然天地間桂嶺歎興戎道聞失林公壯心忽奮
發謂時無英雄千金市駿馬負劍走粵中投身都統前受
命擊左蒙賊帥一名一馬渡深澗雙劍騰高空萬目盡駭視飛
樓插雲中觸骸忽墮地貫日驚白虹囊頭逐歸鞍龍媒猶
嘶風畫策旣不用區區徒效忠君嘗獻策不用尋記疾歸我昔過坤里
泊舟蠻江裏垂竿時遇君東帛贈君子舊交母氏親命別趙百
山談君事奇偉君家浣溪頭日飲浣溪水懷抱寄謳吟上
摩杜陵壘今胡學楚狂道左歌迷陽澤雉樂飲啄應龍隱
交章意氣已凋喪名姓亦荒唐龍王行年踰四十卽看

鬢毛蒼鬢豪竟伏竄使我心憂傷贈君侷儻詞翹首瞻巖
廓

贈蘇崑園

鼎鼎百年內斯人塵垢蒙爭巢感雙燕謂令男王茂林事避弋見

孤鴻高志雲霄上豪情湖海中如君當晚達何遠歎飄蓬

風雨寫意同蘇崑園

舉酒驟聞雷相看色變及當風愁草樹得雨喜塵埃戰鬪

龍毛落飛揚鷹翅閃乘時當破虜坐論想雄才

同友人郭外散步

孤城壁立樹槎枒落葉蕭蕭噪暮鴉秋水秋山古圖畫半

郊半郭好人家蛩聲出草靑鞋亂月影穿林鳥帽斜每有

五塘詩草

卷一

十

夏期同野興田間相對話生涯

晚渡滇池

日落音甯驛湖山秋氣高扁舟送風雨孤樹敲波濤岸坵

蛟龍怒林昏鳥鵲號碧曉方繫纜供客有松醪

癸丑

送胡泌齋入秦

車馬向三秦離亭柳色新凍雲連石棧殘月度河津名利

一杯酒乾坤七尺身函關前路近雨雪少行人

雨度關索嶺

土人稱星雲撫仙祀龍三湖爲三海嶺巔可望

策馬陟崔巍雄風捲地來雷聲三海動雨氣萬山開整險

思炎漢征蠻有傳才歸然祠廟在天爲洗氛埃

書虬髯傳後

棋局遭逢大敵場道人先見定興亡澤中龍已生劉季井
底蛙終困子揚滄海移家能建國英雄不帝亦為王奇蹤
逸軌誰知己愛殺越公紅拂孃

憶弟

人生百歲依骨肉自少至老惟兄弟我生况復疾病多服
藥常用長流水客中有弟隨兄居汲水煎藥相料理弟今
南歸我獨處自起煎藥淚如洗

秋日得梅小山蜀中書二首

微外一葉落慨然知已秋金郊感兵氣錦水悵離憂書札
傳鴻雁關山役馬牛西南疲轉餉盜賊未捐矛

五塘詩草

卷一

三

火種刀耕地沿江苦竹村蟬鳴無稻稞馬射有軍屯乞米
人歸舍催租吏打門緘愁寄天末風雨又黃昏

九日登螺峯山歌送李九皋

螺峯瘦小真一邱綴以蘭若清而幽九日登高尋故事騷
人乘興消煩憂湖音洞內毒龍死怪石如羊呼不起振衣
直上瞻嘯巖殿角鐘聲鳴脚底螺殼門開士女來一佛一
拜一徘徊雙飛黃蝶戲蓮界香煙花氣滿樓臺對此因思
逸豫久百感茫茫但搔首江南佳麗虬螭游滇南僻陋豺
虎走時東川土匪滋擾郡邑草茅尚有濟時人青山共醉茱萸酒白
駒難為今夕留揮袂不覺厄落手

客昆明作

故園歸未得人事屢驚心赤地無青草孤城畏綠林石屏

荒早廩匪時出劫掠琴書客館靜烽燧旅愁侵不意鄉山外紅塵戰

日深時官軍出勦東川土匪

東川

滇蜀同憂患東川鬼蜮飛白衣千戶聚土匪悉著碧血幾

人歸駐防員弁被害石鼓名鳴天怒車湖發地機元戎駐何所父

老望旌旂

將歸遣興

負贅因婚嫁時妹將出閣還家亦解愁思移响町宅高臥異湖

秋老樹堪為屋坳室可泛舟卜居非避世吾趣在滄洲

迪南道中作

五塘詩草

卷一

五

樹表連交廣營房處處屯涼颼吹畫角荒草閉轅門屋破

妻孥在臺傾虎豹蹲遙憐江漢上戰骨蔽平原滇軍援楚多戰死者

久無王茂林消息悵然賦此

移家已作昆華客浪迹還從關隴遊詩酒興闌趨白下鶯

花夢冷入幽州一身轉徙逾萬里八口飢寒迫九秋恨殺

北歸雙燕子見人不解訴離愁

東鄰婦

太息東鄰婦熒熒守做廬沙場人已歿還問遠來書

甲寅

寄懷孫菊君孝廉清元

眼着吳楚莽荆榛挾策干時豈為身為客飽管辛苦味還

家喜作太平人園開桃李飛觴滿池倚芙蓉染翰新護背
承歡萬事足莫將珠玉委沙塵

觀燈有感

巨鼇昂頭戴山起日月攝光入山裏百千萬影人海翻搖
蕩金花銀花水乾坤五色裝琉璃琉璃屏內羣兒嬉男歌
女舞熙熙世此樂未許神仙知自從粵寇奔湘漢堅壁軍
苦析骸爨居人豈盡書生窮燒菽燃蒿同一歎邊城燈戲
誇魚龍財力爭如江浙雄揚州十里舊燈市近在狼烟狐
火中

清明有會而作

青精飯好勝桃花翠海歸來度歲華燕子橋南沽酒處去

玉塘詩草

卷一

五

年今日正思家

西準提閣觀喜客泉歌

石坪本原隰浸淫沈湖水天意闡坤珍拓湖瀟瑰瑋上游
磐石垂大雲五里壓波作城址居民汲水競穿井鑿竅甯
憂渾沌死城西石骨露平田耕石無人徒爲爾蛟龍魚鼈
蟠石根開竇出泉噴不已我欲然犀窺其狀但見麻沸湯
中大珠小珠千斛萬斛落復起白日泊汨蒼烟浮浮桐葉
照影商姦送秋靡蕪憔悴芙蓉老泉喜客來客心愁君不
見响叮嚀國今爲府山川靈秀如鄒魯前明楊學使稱臨
安爲滇南鄒魯
彩雲昔經武侯占玉屏人文盛千古古云石爲雲根雲爲
文彩千年後必有規
方是域而文自從雲母裂胎洩奇秘神潢不留帝漿不問
儲中州焉

吾聞西方聖人大威力十方供養求福利何當乞佛召媧

皇鍊石補天還補地收盡九曲三島精華氣大理洱海有
九曲三島

州異龍
湖亦然

閩羅美洲先生家人書記追輓一律

愁來紙上化雲煙舊事淒涼家乘傳無命弟兄留一子有
情夫婦聚三泉繼室王恭人先先生卒再繼室王恭人殉
先生死同殉兄品泉赴京運柩中道又殞
品泉長子扶柩回滇等亦卒西堂草長飛燐火南陌花開
先生無嗣以品泉次子繼立
叫杜鵑省覽遺編增感慨在官宜早賦歸田

異龍湖晚眺

白石鄰鄰風動波泊舟屋畔起漁歌半山夕陽半山月添
得南山山色多

玉塘詩草

卷一

七

客寓中秋蘇觀秋招飲賦酬

交遊耐久如兄弟逆旅追歡勝室家正有高齋琴對酒况
逢良夜月當花蓮燈飽看兒童喜檀板爭敲賓客諱最好
主人三弄笛能吹愁緒落天涯觀秋
善笛

泛舟異龍湖遇風而返日夕月上即景遣懷

驚濤擊舟舟欲碎狂風吹舟舟卻回雙槳影搖踈鳥落短
簫聲發明蟾來金波一湖便爲酒玉屏片石聊作杯乾陽
洞仙約共飲醉騎茅龍遊九垓

馬坊道中遇雨戲東劉道鈞

凍雨忽從山外落行人倒向雨中歸風頭橫掃嶂千疊日
角斜穿雲一圍飲澗爭言赤虹降昇天誰信黃龍飛馬坊
西北

隔有黃龍潭 高樓看賞到家好 輪與前驅劉孝威

游燕子洞放歌 連雨新晴洞中江聲甚壯

馬蹄踏碎岡巒影 路轉冥然墮簷井 斗如刺船滄海東 溯

涉旬磴間驚風茫茫萬古不計愁 多少洪濤汨沒悲英雄

入門方擬窮奧秘 物感情遷欲反轡 予于中輟望流川 始

見瀘江瀉滂溟瀘 江出巴甸發源異 龍湖盤江經阿甯 引

洩為尾閘此間山 界劃兩州 地在建水阿甯二州之間建水後改為縣瀘水西

來湍瀨道石岩 山名下三洞 甕肚穿竇竇 潛演汨瀨安陽侯 連

嶂疊嶠互攢倚 宋濂長浮二十里 鶻鵠高壘當極衝 截江

斷道愁龍公大蛟 縈天作牛吼 狂猋吹沙石亂走 五雷奮

椎入水鑿山脈 壑谷既通神怪是 宅上有巨蟒吞象積骨

五塘詩草

卷一

七

成荒邱 燈目益口 南海大士編木為窠 坐其頭下有魔手

魔女喻波噴沫戲靈府 男婦登巖采燕窩者多失足墮水中游魂為變常有形聲 三十

二將學化身倒垂百千萬億降魔杵 影壁之面宏隆詭戾

難為言但見伏羲鱗身女媧蛇軀揚鬢矯首而上奔 壁間起伏

萬狀一魚一 兔窟之曲渴飲露赤虹圓暈成橋跨穹窿 洞分

蛇飛走逼肖 上下上日橋上玉樹連蜷偃蹇疑是月中桂 洞口冬青橋蟠枝若蓋橋

下金庭蕭條清冷疑是廣寒宮 真土鋪觀地方五畝 瓊樓玉宇不見

霓裳羽衣舞中秋之夕不見軒轅老作東道主 飄飄忽忽

往來齊駕飛雲車 卻見烏君陪燕女 背飛向啼為一家 襟

燕數萬巢小穴中白 造物造此亦太弄狡獪 烏衣國另開

項鳥數千分穴同居 世界遂令奇境傳 滇南慈利縣石無人探 名山記慈利縣有燕子洞中有

不燕我思築室深巖裏 避兵願從猗玗子 猗玗之玗从于

乙卯

太史巷懷楊升菴先生二首 并序

臨安東郭有太史巷 以楊升菴先生舊寓而名也 巷有葉

氏別墅 方塘半畝 遍蒔蓮花 別墅居中有若蓮葉之浮波

面壁有水林園 園有石梁亭 亭上極目則青嶂千疊 綠楊

萬條 併入蓮花世界 作紺珠色 作旃檀香 呈妍送媚 供奉

几席 閒臨安地之佳麗者 無逾於此 升菴先生成滇時 與

阿迷王鈍菴 庭表 寓此為詩酒會 先生賦詩有門映紅塵

五塘詩草

卷一

七

無伴侶身居陸地作神仙之句 此葉氏碑記所載者 道旁

舊有城市山林坊 傾頽已久 園亭二額 書法蒼勁 亭額有

王鈍菴小序 即王手書 余曩寓臨安 猶及見之 近為葉氏

子孫毀拆 故物無一存者 惟太史巷額尚在 書法亦圓妙

僻壤有高躅 今來三百年 春波蕩孤月 秋草化寒烟 軼事

殘碑誌香名 古巷傳千秋 誰愛護地美 著人賢

蹇蹇昔為患 投荒留不歸 蘭亭修禊事 蓮社悟禪機 人物

須磨鍊山川 待發揮 神仙詩句在水木 借光輝

呈黃矩卿師二首

南中文字主 夢得信詩豪 雅化三池徧 才名五子高 劍奇

生掌教五華書院嘗選 吾師受衣鉢 此日振風騷 願挹腋

五華五子詩皆其弟子

舜文受禪作備謀篡繼踵劉宗帝蜀奮庸興復龍虎三傑
高祖合轍結婚和吳中原永圖杖義討賊狐媚視魄威愾
華夏才屈司馬論都徙宅丈夫巾幗毀爐滿灰天乎人哉
仲謀降魏荆州敗退隕星渭南赤精火燔陳志涸亂習史
翻案正統尊劉折衷春秋昭烈君臣日月光天魏吳血午
泥塗風雨

省試已近賦詩言志東諸同人

白帝西來蕩煩暑涼風林慄吹山豎三伏醉臥心始蘇挾
策又將應科舉同人時聚昆明城文翰光騰奎壁精

國家選士重經秬青鸞紫鳳俱飛鳴所憂肉食眾嗤鄙海
內兵甲猶待洗折衝禦侮病未能取義成仁足雪恥有客

五塘詩草

卷一

元

乘舸金陵逃不死泰山死鴻毛前車既覆後車鑒臨危早
備韓中刀此生驚達任天定流芳遺臭非關命捫心自問
愧古人何如老守松菊徑嗚呼何如老守松菊徑

關中疾作口占

立羣野鶴病難飛坎壈纏身臥省闈親老望兒金紫貴可
能重見素衣歸

寄家大人書

執筆先垂淚家書寫寄難苦心說不得只是報平安

呈黃矩卿師二首

南中文字主夢得信詩豪雅化三遺偏才名五子高劉詩

生掌教五華書院嘗選吾師受衣鉢此日振風騷願挹陂
五華五子詩皆其弟子

千頃分飛江海濤

鍾期已卽世謂丁紫琳先生近復遇知音抱病成何事感恩存此

心棘聞秋息戰芸館夜搜吟天上明明月多情照玉琴

訪慶有上人不遇賦東二首

上人名巖樓字昌雲

苴蘭城外路秋目訪支郎市遠過熊館過友人李廬深八

雁堂茶烟留午夢花雨送天香不見青蓮影鐘聲報夕陽

昔日華亭寺讀公詩數篇高蹤隔千里虛想積三年瘦島

才非易長城壁最堅五言前賢心印在我欲問真詮上人

得之麗江馬子雲先生

傷王鶴亭并序

不得鶴亭信三年矣頃接梅小山札云晤海舶人言鶴亭

五塘詩草

卷一

三

移家遼東後築居海中欄牖窟嗚乎箕子耶管甯耶乘桴

浮海而乃以禦魍魅耶傷之以詩

幽蘭花開琴以詠之種蘭人去把臂無期蕭中盆蘭鶴亭

看歸墟之西碣石之東刺船遠望但聞悲風思君之才人

與天敵光奪日月氣摧辟歷思君之身人與鬼共鳴不嘗

麟虎不嘗鳳思君與我十年知音魂來入夢爲君鼓琴

山夜

月照西山山氣深滿山松柏陰森森湖光百里蹴山起山

中明月浸湖水遊人不寐登山樓落葉哀蟬鳴素秋一夜

霜風吹百草高堂白髮知多少

題王玉山東皋草堂

東皋華堂在何許石巖山陽瀟水陰地偏氣含花竹秀人
老心共江湖深健步蹇扶巨源杖聲耳愛撫彭澤琴聞者
不來見者去野夫載酒相追尋

贈某山人

千歲苦憂世保身吾道存陸沈深閱歷囊括盡乾坤白水
洗荆棘青山羅子孫年年風與月入室共清樽

效顏延年五君詠作四言體

諸葛孔明亮

孔明讀書獨觀大暑練習時務兵農禮樂腐生俗儒破壞
聖學苟無後傑斯道奚託

祖士雅遜

五塘詩草

卷一

三

祖生雄豪氣蓋乾坤四海鼎沸誓清中原左搗越石右挽
太真聞雞起舞天下有人

杜子美甫

子美傷亂危苦賦詩風雅寄意口多微詞生逢堯舜稷契
為誰瞻望京華泣下沾衣

劉去華蕢

去華對策思濟時艱直言無補徒取罪愆國家科第豈盡
非人李印知恥不失為賢

陳圖南搏

圖南初年本求祿仕落第歸來取樂山水造物忌名不盈
亦毀堅守清節庶無罪悔

即事呈郡守方伯雄先生

怪哉鄉曲豪兩手操兵刑斧錢及鞭箠衡從任施行請看
采礦人家居本編氓有桑不務豎有田亦廢時自少習游
惰傲很若性生結黨號廠客敵血固要盟戎裝執戎器擊
鼓揚旆旌占廠憑勢力樹敵各聯營爭奪啓邊釁於法當
重懲歷官病危羸長虎莫敢擾隱忍示寬大養癰患以成
恨子心在野聚雲而散星復警語在口意注百室盈攻剽
貴荷得恩怨証分明巨室蒙殊禍老壯皆拘囚敲扑逮斬
磔焚蕩室併傾從佛問因果怨孽誰糾繩無辜告上下癡
誰誰為聽臨郡實淵藪水石播惡名廠客大都籍隸臨郡
所屬建水石屏二邑
故官書斥昔遇鷹擊吏臨屬蒙自
李令先謀格殺厲威棧至今麟山

五塘詩草

卷一

三

下骨枯血尙腥羣兇負斗膽性命毛髮輕火烈撲細蛾水
儒奔長鯨維公典斯郡攬轡思澄清願展將帥畧如漢虞
升卿參以龔黃治歲歲歌太平郡中舊俗元夕兒歌每
句必疊太平年二字

秋盡書感

年年愁共秋來去秋去今年愁尙留才薄敢云天下小泪
深不向人前流鶴鷺寒露久棲籠鷹威嚴霜誰下鞞在野
狐狸甚得意跳梁一任東西遊近日臨屏匪徒出境
滋事無能控制者

除夕感懷

荒歲百憂攢憂深歲已闌陰埃飛野外春色滯江干酒窟
然薪暖詩壇祭肉乾安知爐火畔涕泣有飢寒

五塘詩草卷一終

五塘詩草卷二

丙辰

石屏 許印芳 麟篆

夏日臨安紀亂二首

田夫駕牛耕綠野驚見戈矛集林下廠客千百半跨馬云
是來勦逆回者回人謀逆詞原誣爾曹作惡

王法誅我曹受誅留嗣續若輩受誅應滅族金銀礦廠開

漢人回人爭利逾卅年我曹保廠多戰死若輩安樂守鄉

里秀才讀書矜識字不出戶知天下事回人逆謀滿紙是

寄書我曹求芟薙書來今歲春三月滾單傳帖風火發詞

日合郡頓首自我曹受誅若族滅田夫聞言田輟耕客奪

五塘詩草

卷二

十一

耕牛無敢爭驅牛呵叱作怒聲大轟一麾入郡城是時官

弁城門坐戈矛都從頭上過

四月晦日廠客來翌日回人罹凶灾回人奔竄城不開延

頸受刃吁可哀月前回人避禍附郭之家悉移城內至是無一脫者化身男子是福

胎婦女唐突屠戮皆書生乞命踰長街頭隨哭聲落塵埃

乳媪流血屍橫階嬰兒食乳猶在懷怨氣鬱聚天陰霾異

事傳聞人疑猜憑物寄形鬼守財衣箱能言呼朋儕蛾眉

被虜佞僂借剪刀殺讐何壯哉公堂感激收羣骸北郭掘

阮纍纍埋骨肉歸土心未灰英靈合變與風雷回竟一戰

山崩頽暴客早已殲渠魁為首林五代率眾進攻同竟戰敗被殺是日大風雨

營弁沈裕後駐防失營詩以誌之

盧江非岸駐旌旗武畧人推沈慶之牙爪自矜如虎母頭

顛翻送與豚兒漢晉曰兵威挫後終難振凶倭張時眾不

支一敗事皆歸瓦裂羣公何策救邊危是時回人聚保同

為怯意甚輕之奉鎮府命屯兵防變而日戲擄捕絕無戒

備意回人悉眾來攻若黃失措遂至覆亡官軍自此勢弱

回人四出燒殺無敢

當者邊隅之禍劇矣

流民出鄉敵已逝流民還鄉敵又至丈夫能奮殺敵志何

患里閭無扞蔽團練千村習武事少年戰守背盟誓聞警

竄身愁不逮蓐食辦裝何激勵雄冠盤作蓋天勢視天夢

夢日月翳五方懸毡五色備中嵌寶鏡照妖魅狐尾低垂

五塘詩草

卷二

十二

帽氣紙鎧搖鈴聲尖利綺分陰陽紅綠異東翅鷄鞋續花

麗玉環約指粗兼細金鉤銀釧串兩臂提戈扶上青絲騎

中路逢人怒裂眦暗嗚叱咤人爭避驂驢開道無擁擠強

者既行弱者繼車輦馬牛各防衛瘡痍跛躄互牽曳張眼

望城愁城閉疾走入城力已做少年語汝勿憂悻我曹健

者敵可制明日搗戈臨戰地摧鋒陷陣敵能殪豈知敵終

不能殪八百燒營盡垂涕

十家九家被火毒俯仰上下悲窮感乾坤空洞若囊腹無

天堂亦無地獄祿盡都教變草木雨雪霜露何慘酷形容

雖構留嗜欲心計則同奇想獨神仙城裏住華屋何不騰

挪讓流俗蝸角萬眾居蠻觸况有殿宇高轟轟擔囊入門

喜在日片瓦之下爭分局藍縷著衣萃氏族佛老二家成
眷屬二氏祠宇皆許寢苦枕塊斷酒內人人新加三年服
朝出提筐采蔬藪但見小兒窩中伏黃昏然火烹葵菽處
處瓦釜鳴雷穀夜眠匝地鋪薦蓐男婦出入足踏足有女
如花復如玉可憐亦傍簷際宿

秋螢畏霜抱枯葉草間各騰魂一捻君看流民聚禪窟薄
紙性命壁上貼初時移家走捷捷男貌豐頤女豐頰料理
家具意周浹大有輜輶小筐篋百物耗盡力疲茶萬事艱
危心震懼賣身無福作僕妾鋤口四方願跋涉官廠食粥
名注牒岸上舟仍停短楫豈知息雁煙澥接菁藻不足供
嗟喋忽飢忽飽失調變生疫生癘誰廉厭肉銷筋縮皮皺
五塘詩草 卷上 三

摺全具骨可一手挾軀殼已壞氣未竭尙思舊事歎顛越
昔遭喪亂被斬伐鋒刃分身才一霎空門遁迹禍重疊爭
似速死得安恬熬脂煉膏凡幾月鬼伯催促魄始攝滿眼
鴉衣封馬鬣前人遺蹤後人躡火宅造劫何日歇佛窟拔
濟笑迦葉涉我今作歌淚盈睫繪圖亟望來鄭俠

道光中滇西漢回構禍當事以調停釀成巨案林文忠公
督師勤辦事平告歸自丁未迄今丙辰公奉
詔討粵匪卒於潮州吾滇漢回之禍復起羣情洶洶三迤
蠢動思如公之運籌決勝急不可得賦詩寫憂云爾
大人如大鵬得展搏風翮萬里負青天所在蒙蔭庇偉哉

文忠公威望著一世持節制滇日漢回禍方熾猜忌相殺
戮回較漢加厲始而尋仇讐繼且戕官吏司牧處太平文
教徒飾治安撫失機宜縱逸不可制我公表出師握機密
布置彌渡一戰勝羣醜先奪氣竹節隨破解棘叢盡芟刈
往還百日期糜費一億計千餘俘罪囚五等科律例刑清
而政平匪獨奮武衛頑梗知畏懷姦究絕希冀荒裔戢干
戈寒暑且十易餘孽復效尤磨牙恣吞噬崑岡火炎炎全
滇若鼎沸嗚乎我公亡天心何此醉惡溪沈大星西南滿
烽燧

國家值多難

聖明獨憂悴財力恐困窮兵力恐疲做邊民蝠燕爭毋乃

五塘詩草 卷上 四

懷異志我公不再作生靈復誰寄

贈俠客

對面冷冰雪雙眸光射人夜深攜劍去殺氣動星辰

又贈俠客

快馬如奔電相逢日已斜前途何處宿應是魯朱家

丁巳

腐儒

腐儒生兵家少小弄弧矢不讀孫吳書頗識勝敗理遭亂
民無依日謀救鄉里曉聞虜騎來四隅火光起不知何官
人鳴鉦聲震耳冠裳五六輩登城步玉趾指揮雜笑謔忽
怒又忽喜心腹眾莫測聚語疑神鬼日中與馬歸府帖傳

片紙機務總大端會議定行止三事戰守和主和示微旨

愚意殊未然罪言竊自擬漢回省亂民是非無彼此要當

視強弱以制其生死回強漢斯弱強推弱盡靡掃地而更

新時灾易消弭今欲克効敵用武非得已即為防禦計亦

宜備甲士所憂無賴多應募聚如蟻飢羸且驕縱不堪任

驅使宜先時糗糧清野堅壁壘次選諸奇鋒訓練法前軌

能守乃能戰能戰和可恃三事本連環執一則疎矣府主

諱言兵狂談惡觸抵王通敢獻策咄哉妄男子是時守郡者熊公家

彥湖北 孝感人

守土

守土原期保萬民當關不見駐三軍鄉團制挺曾輸力野

五塘詩草

卷二

五

戰輿尸未策勳聞敵爭移鴻雁宅無家亂入犬羊羣解紛

排難須威力誰肯徵兵草檄文

閩柝

臨郡由來兼節鎮四郊殘破滿陰氛驚魂依草冷風蕩暴

骨當天炎日熏馬踏塵沙黃莽莽人麾旗幟白紛紛山窺

野盡孤城在擊柝聲悲夜夜聞

贈朱次民

海內奇士朱公叔翔鸞齋裔鳳之族少遊名場工詞翰落

筆每教儕輩伏壯年學道觀龍蛇變化隨時成一家有文

事亦有武備選鋒常畜賢爪牙滇隅今日民風競傲法侮

吏莫能禁凶頑仇門發禍機遂使蒼生入陷阱烈火燦林

禽獸逃臨安六月馳驚颺荒夷重鎮首斯郡賸有孤城無

四郊金湯搖蕩勢危感乞師忍見包胥哭信陵救趙期破

秦徑須追逐至函谷君指黃葛練 來郡救援惜哉斧柯不在手銀刀

驕卒掣其肘批吭擣虛功未成義烈已徧傳人口眼看三

遮陰氛塞蝟毛磔起多盜賊長官各有安民責誰似岑熙

伐枳棘彎弓射殺南山虎除害共喜得周處州有好栗糾 眾橫行君與

謀之遠近服栗撫蠻臺邊團義營修我戈矛同禦侮 郡城

練防堵男兒生世蒙煙塵保

國甯家仗此身任俠非暮郭翁伯風流豈放殷深源鍊石

肝腸加磨鍊靜是霜雪動雷電姦人肆虐冒天刑願請尙

方斬馬劍

五塘詩草

卷三

六

贈孫菊君

孫卿才筆冠時輩觀而輒令我心醉往年聚首讀書臺在

安梅月松雪淡相對張燈翠幙細論文黃河走海示真源

賞奇析疑加勉勵結交意氣干青雲飢來驅馳嘆潦倒惟

悴亦將成醜老况經鋒鏑亂縱橫立身天地如秋草我昨

避兵歸石坪君復赴幕遊响町咫尺相望不相見晝烽夜

燧光熒熒比聞寇退雲穿掃芝蘭室在香仍好空谷傳聲

喜欲狂為我運斤削草稿閒吟消暑詩興長忽然清淚落

衣裳虻蟲相齧禍未已桑梓化為荆棘場賊犯會城先 呈貢即君之珂

也昆明歷劫成焦土金馬碧雞喋無語烝黎性命塗戈鋌

霜飛六月多冤苦乘高遠眺山茫茫鳥驚駭風沙揚雷

轟電掣雲雨集應有臥龍起南陽天威震疊丞相怒七擒
戎首伏刀鋸移軍北向定中原請君下馬作露布

感蛆并序

鄰有小兒患疔疾者屬予檢閱方書云糞蛆可治治之果
愈吁蛆猶有用哉賦此自警亦以警人

夫塊生萬物一物治一事糞蛆可治疔小兒賴其利人爲
萬物靈豈屑比蛆輩往古多忠賢遭遇風塵會凜烈見節
操於國尙無濟陽明平叛藩勲業蓋當世雖由資性高亦
由學問遂同此學問途中必有實際不知求其真章句徒
牽制詞采增浮夸聰明益錮蔽窮達皆碌碌對蛆豈無愧

征夫

五塘詩草

卷二

七

討賊南州兵四臨征夫愁嘆有哀音妻孥齊下別離淚臣
子能灰忠孝心展足力追轅下馬垂頭身化籠中禽誰知
同輩忘生死扞衛鄉閭意念深

塚夫

塚夫守城塚僵立象枯木淒風苦雨中有淚不敢哭擊柝
聲按節代口鳴怨毒晝日盡筋力奔走謀餽粥既昏便登
陴畫地若坐獄夜闌降霜露衣薄寒瑟縮念彼富貴人閨
閨睡方熟爾我皆王臣視我如奴僕挾我禦鋒鏑保爾食
梁肉小過受鞭撻微嫌被驅逐不及馬牛羊帖然牢內伏
意多懷憤懣詞遂連謗讟長老編戶籍見輒怒以目詎知
定律令督責由守牧使民異使兵貴直無貴曲事事心置

腹庶幾聽約束胡乃分畛域私恩庇強族或曰寓練營或
曰寓公局勞逸勢懸殊勞者豈甘服何況勞者弊貧窶兼
楚獨一身負百憂恨不死溝瀆性命等贅疣甯復畏誅戮
守塚分應爾在彼爲苛酷猾賊附回部誘煽多反覆塚夫
慎守塚勿招賊入屋

柵門

袖手坐孤城精華日凋殞財少人亦稀禍遲機益繁梟獍
隣咫尺魑魅伏幽隱軍民兩疲玩縱弛漸不謹時時留閒
隙似爲敵導引敵猶有仁心破滅病殘忍吾徒蒙傷憐儂
倖脫虎吻以茲慶安逸毋乃被敵晒公庭多謀夫技窮情
可憫萬事委天命人力實未盡昨議樹柵門措施賴賢君

五塘詩草

卷上

八

王春農明府以予柵門之議
可行督眾營造工已告竣興利圖全功慮遠非慮近駢
身有藩籬殺敵仗干盾守柵乏健卒墜塞將自窘經綸事
何限於今古意泥多言遺忌嫉捫舌但涕隕

晚登郡城東樓感懷

慷慨撫長劍邊城兵氣麤高雲斷飛雁遠水落驚鳧鷖蚌
爭無定鯨鯢勢不殊血痕千里潤火色萬家枯浩劫天難
問英才世所須大風歌一曲寒日下平蕪

冬日書事

寒夜進熱粥感傷涕泗流閭門慶安飽莫解蕭牆憂郡中
殃禍多敵國生同舟眼看帶甲者嚇肉如飢彪御冬乏旨
蓄劫奪與陰謀窮民久凍餒貪餌亦中鉤內外聯爲一反

平城將大搜親戚走相告計畫勤諮詎戡亂非我責急可
借箸籌彼人病聾聵言之徒招尤發摘既不可緘默反添
愁結想心痛裂因疾何時瘳逡巡至臘日天廓雲霧收雄
鎮新壁壘示戎來昆州總兵伊昌阿死副將申閱武臨北有謀由省來鎮受代
郊軍政復復到金錢賞戰士歡聲騰道周逆萌頓消滅喜
過脫重囚稱觴父母室一笑伸眉頭

戊午

卽事書懷三首

昇平前日事倏向夢中過安樂生憂患傷懷發嘯歌煥山
涵毒霧瀘水蹈危波晝夜防奸盜同袍盡荷戈

荒野無兵守崇墉慮敵攻驚心看殘日酸骨耐寒風立倦

五塘詩草

卷三

九

鼓樓下眠偷覆帳中士民方盡力將吏已論功

久戍非良策甯邊貴遠謀吳江無駭浪滇海自安流爭戰

有時息瘡痍難遽瘳昔年歡宴地白首會重遊

大風三月十日作

大風從東來白晝忽慘黑遠近埃塏飛上下烟霧塞風兮

氣何雄一怒不可測吾將祈上帝方伯授爾職專征賜弓

矢天將受紀律總統銅頭兵環營屯四極大如戰昆陽小

如戰漢北揚威震屋瓦萬象皆失色雷電兼雨雹會合在

頃刻結陣掃羣魔魂收寇盜賊奇功歸巽二醇醪報爾德

斯策未及用神靈應鑒識胡爲動卷舌亂我响町國拔我

千年樹倒植沙河側沙河拔起冬青一株大可百圍吹我眾疾子溝瀆委

骸骨東郭有流民四十餘人聯袂驚走悉墮溝中溺死敵乘掀翻勢攻我計必克
殺我趁墟人倉卒救不得馬家營張市交易同三變非尋
常風實爲之力蚩尤善微爾事或出鬼域摧殘助凶暴役
使甘屈抑正如剛勇才失身事姦慝載輿猛士歌深宵淚
沾臆

常恨

常恨乞師無李崑豈知籌筆少劉巴帳中符出壯夫喜圮
上書存童子誇千古雄才骨已朽一心妙用道之華君看
冒頓善爭利兵困白登愁漢家

健兒

一自牙璋起師旅健兒爭奮魯陽戈誰排蛇陣乘風霧空

五塘詩草

卷三

十

見鴉軍陷網羅兵練出戰首尾不相救大將壇場猶有待

雄邊子弟已無多亭亭孤月臨荒塞隴上聞歌痛若何

偏將

偏將提兵意氣豪防秋東出駐江皋空村張幕月淒冷荒
徑揚塵風怒號羸卒豈堪當矢石窮民猶爲竭脂膏兜鍪
且息功名念策馬歸來解戰袍

城北觀戰

演武場高壓塞門大軍合戰勢飛翻靈光注眼風常定陰
氣乘心日易昏礮石揚聲中路發旌竿聚影一方屯臨機
却想鴛鴦陣願得南塘與細論我兵未見敵先發統陣法亦有合無分不知奇變

李克齋言其師劉掌仙居華山精劍術遊蜀時夔州

夜行以掌殺虎其事尤奇屬予賦詩記之

華山劍客劉掌仙瘦骨鍊就金剛堅殺敵用手不用劍用
手用掌不用拳夔州夜行經虎穴猛虎伏地卧殘月乳血
飡膚憤食人據鞍顧盼肝腸熱白鹽赤岬秋風高雄心怒
捲眠江濤從心生氣氣生力力注兩掌鋸如刀翻空作勢
不見掌勢欲騎虎虎騰上一掌削脛虎足踏一掌扎腰虎
背折兩掌合并格虎頭格虎頭先搥虎喉皮穿肉破猛虎
死威名如雷震百里此翁得道久圓寂石影猶存羅漢壁
師晚入空門克齊齋言師所傳手法凡十三傳燈弟子梅龍王克齋鉤爪後猊鋒莫當
變總名鉤爪與殺虎勢又別授受情深懼泯滅飛聲馳譽
須詞章為汝作歌轉愁絕妖星正照响町國安能九原起

五塘詩草

卷二

十一

汝師為我戟手誅狂賊時賊困郡城

與甘思伯夜話

邊城鳴鑼滿愁心爵詔司勳喜氣臨但見貂蟬充幄幙都
忘虎豹在山林寒齋正可談風月貧士猶堪論古今平賊
紀功知有日誰家父子似辛琛

贈李代耕

蒙自城荒聚蛇豕出門步步生荆棘臨安大郡堪憑恃避
亂民如附羶蟻衣染塵黃雜泥紫稜稜瘦骨枯柴似五日
期才走百里晝伏夜行足穿履大擔小負入城市一月往
來十餘鼠搬薑技止此所望鄰邑恤辱齒詎知土著
多流徙蓬頭垢面盈僧寺昔數加倍今加莩療病療飢日

萬計藥草食盡食渣滓食粥一日一勺耳養濟如斯何可

倚求生須自謀生理長才雖擅屠龍技世不見用空流涕
折節亦甘作小史紀綱三千誰役使親朋禮義全終始杯
酒招邀情竭矣身外之物易薪米女子赤身况男子時勢
艱難非昔比力屈失人並失己此邦名水實無水東海波
臣孰活爾爾曹逃死翻就死眼看新鬼續故鬼百家姓氏
存者幾子遺尚記周張李蒙邑之亂鮮起雜街凡人凡避
亂郡城者死亡殆盡惟周張李
三姓尚存李生擔糞心懷恥彈鋏長歌念鄉里嗚呼鄉里凋殘
何日歸孤蓬飄轉隨風飛

贈周桐封孝廉紀賢

雜鹵橫戈花丈城牽羊肉袒萬家迎金人已售求和計鐵

五塘詩草

卷二

三

漢翻成鑄錯名閭里探丸驚尹賞沙甸同人入蒙自城江

湖廣併走邠卿為君置酒論孤憤寒夜吳鉤嘯有聲

鎮兵

臨安本衛所設鎮自我

朝勁兵號錢脚郡中多強民獷俗故兵力特勁昔三迤此

為梟往歲征粵西良材皆喪凋天留闔茸輩作孽化強妖

鄉鄰有鬥爭用之守近郊饋饌常不給忍飢腹屢枵困劇

遂生變攘臂齊呼號排闥入公所城內天君廟諸紳錢穀

各分抄彈壓怨主將指摘聲譁嗷凌許恨中軍游擊陳殺

之血濺迹跡既顯著心橫氣益驕天君易天王神廟化

賊巢逆黨盤踞廟中蒼頭眾推戴小大權自操姦究發謀

慮行令山岳搖兵入駐坊市求疵細吹毛劫質肆排抄非
刑凡數條兵出駐村若需索備貪饕訛詐兼剽掠所至苦
釋騷戎毒被遠邇郡縣熬然焦杞人昔懷憂管見陳芻蕘
帑藏久虛耗軍儲資富豪公家勸委輸倉廩日增高舟車
筭私賦郡中新設
釐金私稅言利析秋毫不養士卒使之衣食饒
卽云士卒懦舊籍當廢銷召募選精銳保薦登英髦束伍
歸鎮轅早夜習戎韜豈如諸練勇見敵輒遁逃養練不養
兵禍由紳耆招兵練且混合負固勢逾牢稷蜂與社鼠誰
敢議熏燒回憶開

國初提督來左標順治十七年設臨元激江鎮駐臨安靖
逆侯張勇時以經畧左標提督爲總兵
官重臣居上閫威震東南交斯人今可作丹徼氛埃消黃

五塘詩草

卷上

幸

餓自天下問罪誅爾曹

贈呂渭川弁委占熊

同是兵家舊子孫渭川祖父皆武人
父盛魁歷官千總獨能繼志守鈴轅生

平慷慨負奇氣名位卑微無怨言騎射過人千步健指揮

服眾一軍尊出屯石堡備勦寇沙甸回人侵掠郡界鎮府
檄渭川帶兵出屯隘口以

備之願得立功酬

聖恩

弔渭川

斧螳鋒蝟力堪任轉戰力殫憂寇深殞夜斫營天黯淡清

朝裏革日法森
時兵駐石岩寨回人數來攻營渭川每戰
當先冒矢石而進敵爲卻走既而謀襲敵

營身陷重圍力戰而死蓋帷藉掩忠臣骨凡戰死者舊有給阡化銀
例比年經費支絀停例不

行渭川家貧溝壑終傷志士心枳棘叢生誰剪扞四山猿
葉葬而已

烏亦悲吟

劉道鈐夜過留贈

良朋似明月一見一回新詩酒樂五夜笑談驚四鄰霜天
白糜草風地黑穢塵炯炯丹心在乾坤吾兩人

寄王聖鍊

絕域何時洗兵馬故人終歲荷戈及戰場敢怨糟糠苦耗
土今憂骨髓枯倉廩三年供碩鼠山川千里據封狐征蠻
重任屬應奉爲問能知方畧無

食粥

鄰家辦豆粥貳簋親持送厚意感公孫晨餐與客共一甌

五塘詩草

卷下

十

食未飽腹痛若毒中容喘主孱弱滿堂笑聲闕撫躬責頭

願儒冠久無用文章原小技經綸世所重使汝謀家

國百事皆夢夢食粥心愧恥敢望鐘鼎俸况逢鄉土亂貧

兒無飯糞斗米直萬錢蒙人矜者眾死肉互吞啖迷人尤

堪痛近來蒙自米貴道殣相望阿
汝身幸食粥安居享清

供疾惡有剛腸不少耐磨礪法當七日餓使汝腹空洞奔

氣虛鳴雷流汗冷凝凍困劇啜雙弓勝獲益智糗十倍增

精神高談逞豪縱捫腹方自喜肯爲橋公痛思之病霍然

豆粥入歌頌似玉復如酥坡詩爲伊誦

雜感六首

階殺干戈動邊民互剪屠蟲爭徒聚訟蜂螫必加誅斧鉞

資良將詩書困腐儒談兵我亦健愧未學孫吳

回紇真強敵攢鋒滇水東聯旗千里白積粟萬箱紅鼠門

氣仍勇鯨吞心更雄漢臣何所持五利議和戎

礦洞昔開闢胚胎藏禍心金銀生部落刀劔化山林苻澤

容姦久瓜亭構怨深沙中猶坐語側聽泪沾襟

比年遭厄運窮賤性難馴拾穗雞公妒棲田虎客親雪花

迷白骨風草露黃巾不遇宗留守軍民孰拊循

世態煙雲變能令道眼昏夢狐人自聖時有妖人妄稱神聖屠狗位

稱尊香火結兄弟杯盤添子孫士林殊寂寞一一凍鴟蹲

塵里蕭條甚闔門晝亦局鳥聲支夜柝人影挂晨星有酒

天同醉無錢神不靈時危思幹濟戰勝在

五塘詩草

卷二

五

朝廷

送方伯雄觀察解任晉省

昔公居諫垣直聲聞荒陬一麾乃出守五載响叮留持身

趙咨儉臨下嚴謝柔濟世與美利教蠶師克州南中地曠宜蠶民未

知利公守臨郡捐貲求蠶種衡文黜偽體起衰追韓歐臨

募蠶師傳教遠近男婦歡躍操觚者多勦說雷同公嚴加戒飭務去陳言生童中稍有

學力者假館賜金特見寵異由是士林激勸文體為之一

新清德與惠政昇平課最優時事既捨攘仁義為綴旒頌

民氣強礦同室操戈矛公承節使意撫御宣嘉猷尋復假

鉦鼓巡邊兼運籌駐足萬馬中凜凜霜雪秋四郊亂無象

哀傷常泪流泪盡眼欲枯不見瘡痍瘳至誠感天地嶽降

來申侯力戰破賊壘閭閻得小休幕府上勳簿著錄姓氏

稠公獨守雌節隱若懷內憂稱疾解兵柄高娘唐彬傳揚

帆望滇海載石乘輕舟遷除聽消息知材惟山叟謂徐方伯與平

聲當有好處分能令初願酬讀書學何事抗心希孔周巧

宦非所屑尸位亦所差垂翅終奮翼桑榆功可收不然挂

冠去遠從赤松遊思之已爛熟明哲善自謀愚生愧薄謝

醅謹企前修酌酒奏驪歌春風鳴絳騶訂期明者啓行

己未 持服

庚申 持服

辛酉

補送孫菊君二首

翩翩書記遠從戎磨盾才高能奮庸方外居然有司馬人

五塘詩草

卷二

未

閒似解好真龍君應郡幕以軍功保知縣遂入賞候補同知萊山異水游心倦

梅雨荷風歸興濃我與朱雲謂次民同賦別臨歧若箇涕沾

胸

淡水交情露肺肝豈徒文菽許窺斑君近為子鼓琴虛譽

阮千里執刃深悲張四山能使風雲通絕路不憂虎豹守

重關子遭家難君許為仲理中途窮別有周旋計祇候傳

書雁使還

菊君留別詩中憶及先筠坡師讀之愴然賦此追感

即呈菊君

周同已逝弓猶在張業雖亡劍尚傳一事感人心斷絕相

看不語泪潸然趨庭共受詩三百印芳詩學得之菊君虞實皆先師指授者

暮會無員去半千門下報恩期異日君歸持酒酌重泉

題黃梅谷州牧迷津返棹圖代

涉世如涉水運心如運舟苟非濟川才難免沈溺憂公任
迷陽日盤江崩浪道臨危仗忠信千仞度懸流入險能出
險何地不可遊託意寫斯像態度殊夷猶人疑祖士雅擊
楫功業收又疑范少伯五湖思退休公但笑不顧扣舷發

清謳

學館遣興

驚魂纔定傷弓鳥子遭家難初歸石屏故態仍為蠹簡蟲俗務草芟

三徑綠人言風亂一燈紅丈夫甯處斗筲後窮困難收金

石功我是靈均舊奴僕且將詞賦課兒童

主塘詩草

卷二

七

輓孫菊君司馬二首

燈下談詩壓匡鼎幕中草檄抵枚臬剛稜烈烈風霜厲瘦

骨巉巖山岳高貧士負才兼負氣壯心操筆易操刀君將入蜀

候及鋒未試人先殞翰墨虛稱一世豪

孫許風流今古傳鯁生何敢望齊肩十年兄是龐公長君生

壬午予一字師兼鄭谷賢詞伯忍教名泯滅病軀空有淚

潺湲遺編付託朱文季鑲玉行當報九泉朱次民嘗許為君刻詩

題朱箬生廣文看劍引杯圖

堂階繫馬冷官舍鸞觀奇光吐清夜三尺青鋒掌上橫濁

醪相賞頌傾瀉興酣起舞來雄風斗覺雷電生虛空人與

劍氣混為一化為酒龍騰雲中劍作化龍狀鐵兵神變世莫測

折衝伐敵歸材傑毫端寫意飛寒芒當為乾坤靖妖孽我

亦千金求匕首斬蛟恨無旌陽手彈缺歌罷憤填膺且向

花前醉紅友

歸屏城後賃居北關張氏屋即事作

百種愁從門外生蝸廬低小壓高城背依溝壘近郊甸耳
觸叫暮疑戰爭餓馬三千風使氣棘豺十萬鬼圍聲亂離
何處得安枕起坐然燈詩句成

酬朱次民

客居响町三十載常對瀘江思異湖飛鳶忽墜虞氏鼠季
鷹許食秋風鱸還鄉心悲家已破求友道合身不孤酌酒
賦詩計亦得幾時春氣回冬枯

主塘詩草

卷二

七

憶昨

憶昨榴花照詩眼高吟正倚北窗風嘯聲忽起市中虎烈
焰先占城下熊人應積尸南方愁九死地遭回祿患三空
漢回醜禍非一而年來無限傷心事都在狂夫泣笑中
火之為害最大

贈曾生俾福建人

曾生年十三身短意思長事師如事父酒膽能堅剛我昨
寓郡城元江歸父喪倉猝被飛禍盡室含冤霜風昔相
識人未敢窺垣牆惟生侍左右憂思屢仿徨招我匿其家
排闥入洞房倚壁穿窟室覆板支竹牀晨夕偕臥起罇罍
善周防便溺器親滌醫藥湯先嘗同居為感激相戒毋播
揚是時諸惡少彌天羅網張十日大搜索遠近皆惶惶念

生熟來往虎口虞見傷親戚作危語舌端森劍芒生方持
酒樽大笑發酒狂騷人捉雙耳勸飲各一觴自言幸讀書
識字三兩行天地君親師設位神洋洋患難不相顧何貴
日焚香我今救夫子肉甘饒豺狼語寂漸深夜百蟲鳴草
堂陰風動暗壁燈影雜青黃我眠窟室中麻衣枕干將
父死不歸土兒生土內藏老母暨弱弟離散之四方骨肉
斷消息嗣續重長郎未死便見埋誰能定存亡一朝出陷
阱扶柩還故鄉存歿兩無害痛定思舊創始覺世有我露
襟淚浪浪人云朋友義張羽得鄭莊何如弟子義陳亮得
南強南強乃壯夫籌畫智慮詳曾生五尺童利害甯揣量
大節出天性鍊石成肝腸行事近愚魯聖賢與頑頑贈詩

五塘詩草

卷二

九

揚汝善侑汝酌巨觥叶

和甘思伯感興

山林豈合老賢才歲月催人去復來遲日朝紅午變白早
花暮落夜爭開百年盛業歸詩卷萬里愁心入酒杯絕塞
烟塵猶在眼誰能拔劍起蒿萊

同治壬戌

晚游湖上感懷

玉屏山水窟萃美州城東巒嶂四壁峙汀洲九曲通日歸
斂陽皎雨過湔塵容魚鳥鑑清波草木梳涼風覽物盡妍
麗適情在寬冲心出樊籠表身置邱壑中遙原瞰精廬活
水園別業舊業懷鄧宗堂構需繕葺兵火愁剽攻何年息戰爭

幽棲養愚蒙

題蘇守愚丈同齋前檜樹

蘇齋老檜

國初種二百年積培養功結根聳本踰三丈已覺氣勢干
霄雄賦性迂僻且崛強導之準繩拗弗從紋成左紐身亦
左地偏東面恒向東隣屋抵觸不得進倒垂翠蓋陰濛濛
客來注視盡吁怪疑是靈巖摩頂松又疑平泉舊鴻雁奮
飛迴翅衡陽峯安得百萬錢買宅破壁旋汝騰高空不然
鬼神善呵護轉招枝幹來雷風奇材屈抑誰振救品題我
憶石林翁松如文舉柏元禮檜如幼安持論公孔李指梧
廟堂上管生深蟠巖谷中丈人端居五十載坐榻穿膝將

五塘詩草

卷三

十

無同支離其德避斤斧珍木在庭真友朋逢叶流俗憤憤那
識此知己還當問蟄龍

十一月十日雪遙和朱次民效禁體雜用東坡聚星

堂韻

晨興炊飯燒殘葉萬屋漫汗二字正飛雪霏空只覺散團
團映物裁見霏屑屑初日忽明又忽暗驚風乍縱亦乍掣
落片厚填窗平窳滿堆粒重壓枯朽折樓閣光凍聲寂然
山川氣斂神清絕本質直追元混回色相併隨渣穢滅高
齋有客坐寥闕妙境相對忘言說懸知仙侶正披裘已拈
詩律禁持鐵苦吟我畏頭裹綿爛醉惟欣面生纈舉杯卻
笑紇千雀簷際窺人眼斜瞥

雪中有感仍用前韻和次民時賊困州城

圍城徹夜吹笳葉朔漠風來天雨雪干戈積氣何慘慄樓
臺望遠正飄瞥全斌伐國期克捷滕六作祟被牽掣疆場
埋雪飛亂花濛整結冰堆碎纒凝陰盛苦寒侵陵鋪地平
愁路遮絕皮縮靈夔鼓聲死牙噤白虎旗勢折鬥爭形與
畦町化憂虞象合坎宮滅連營僵臥呼不起孤士感激涕
若屑玉絃懶和陽春曲霜匣欲抽昆吾鏡君家阿珍如可
作師襲滑州豈虛說

癸亥

哀滇國一章哭黃矩卿師

哀滇國之撫亂兮豺虎縱橫狀我督將兮衣血聞腥夫子

五塘詩草

卷二

三

五

潔身兮愛死惡生絕粒不死兮畢命絲繩五華有樓兮樓
下有堂靈魂陟降兮踴躍悽愴秦火焚書兮文武道盡天
喪斯文兮賢愚泯泯西瞻靈鷲兮冰雪噴吼荃蕙化茅兮
蘭鋤當門喜東南之日出兮雲欲見夫五色回風吹雲復
散兮儵忽之間黃霧四塞周流三池兮榛薄糾紛夫何蚬
螳聒耳兮固知國中之無人惟德星之正位兮小星旁侍
傍龍泉而瘞骨兮安固千歲竊悲夫梁木既摧兮泰山既
崩夫子沒世名稱兮小子爛漫而無成彼金馬之沈光兮
碧雞繼之以淪精運否極而泰來兮禮樂百年而後興聖
哲嘗聞俎豆兮謂軍旅曰未學俊傑能識時務兮治軍不
長夫將畧矧吾徒之危劣兮驅羣羊而禦猛虎忠信果可

爲甲冑兮禮義果可爲干櫓嗚呼羣賢問塗兮眇不知其
所之念夫子而嘆恨兮泣楊朱於路歧

傷往之餘重題一首

哀心不盡涕漣漣哭友三年又哭師庚申季冬荀君病卒癸亥孟春矩卿師殉
難會一死大都鶴化骨千秋還藉豹留皮立名我願青雲
附照影今無明鏡資猶幸韓陵存片石信瑜次民他山攻錯有
良規

九日朱次民招同友人過家秀山太史活水園故莊

登高會飲分得七虞

朱家名俠兼名儒賞心樂與文士俱吾宗別墅稱遊宴九
日折簡相招呼賓有八達主二妙次民暨令弟紀數恰符

五塘詩草

卷二

三

五

十友圖茅山四許賓中主子及宗人心竹廣文心葵明經小泉參軍四許見李白漢東紫
碑銘陽先生自顧三徑嗟荒蕪寶繪堂在可置酒攀菊泛酒今
則無園中求菊人閒萬事陵谷變求田問舍嗤吾徒試登
普陀望城郭水光蕩漾烟模糊秋色西來雜殺氣隣邑時
進西類陽影合浮雲徂蒼鷹摩空整勁翮奔竄狡兔驚妖
狐搏擊圖功物尙爾英才那不思匡扶築柵東湖正畫計
是日次民誰云歡會忘憂虞舉觴更問子固子輔車相依
計及於此誰云歡會忘憂虞舉觴更問子固子輔車相依
意何如座客曾小林
意何如考廉建水人

五塘詩草卷二終

五塘詩草卷三

石屏 許印芳 麟篆

甲子

過朱次民半園觀牡丹次民時將入蜀

半園正月花吐萼雲南牡丹早發與他省異數上之數八應春籥主人

將離贈芳馨小字不愧木芍藥花開宴賞召賓客百葉仙

捧玉盈白非濃非淡非開色名王自抱中和德我聞洛陽

花第一天彭繁麗亦儔匹富貴格乃種邊城斂艷藏香轉

蕭瑟花前進酒歌驪駒別路迢迢指蜀都愛花願作移根

計花開還憶病夫無

題家小泉參軍式瑣畫風雪夜歸圖

五塘詩草 卷三

文房夜宿芙蓉山北風吹雪山館寒清景述亡贖詩句參

軍追募還舊觀高原上聳千丈壁下行陂陀樹歷歷樹枝

勁挺若門敵真見懸輪衝且擊陰雲摑結天曛黑膝六巧

借巽二力撒鹽飛絮不留迹冷光著地一片白流水無聲

小橋橫青衫跨驢踏層冰羸童篝燈導先路狺狺吠犬當

門迎主人歸舍歡情滿座客無衣亦自暖敲篋深處種簾

捲煮酒煎茶興不淺丹青瀟灑如右丞相對灞橋詩思生

笑問隨州閒也未偏師我欲攻長城

送朱次民太守入蜀并序

次民太守識量闊達有文武器幹而文事尤為時輩所推

許里居十餘年後進譚執者咸師事之甲子孟夏君將入

蜀同人惜其去也為歌詩贈別有悽怨之詞嗟夫君豈終

老牖下以翰墨為勳績者耶蜀中山水雄深稱君之志氣

不朽是固惟德與功然則君之去奚足惜莊叟不云乎送

君者自厓而反君自此遠矣

井中畜火山樹荷好修如人不用何不用已矣防禍作豐

狐文豹畏網羅丈夫壯志奮八極千金軀肯賭一擲銀章

青綬赴梁益展騏驥足始今日倚天拔地萬峯攢江流交

貫翻濤瀾瀨氣全收入胸臆經綸著述皆鉅觀論文我久

伏高構可憐驚馬戀棧豆舊約卻憶孫彥龍吟魂何處來

追從亡友孫菊君司馬與君有入蜀約

答甘思伯

五塘詩草 卷三

斗酒難消萬斛愁身兼貧病亂離秋治生隨眾畜蜂豕學

道任人呼馬牛暮雨無心避豪客西風有泪洒哀邱時地西逆

匪亂入池南兵民未能遁迹棲幽藪巢父還應笑許由堵禦多喪亡者

傷亂次甘思伯韻

微外雲山萬疊深亂來無地著蒼黔蠱羣共鬥膏腴盡虎

口餘生疫癘侵日影仄從壁上度天光逼向井中沈津塗

四塞迷何所始信居夷非聖心

幽蘭為小泉賦

離騷芳草蘭稱最九畹舊叢已荒廢蓀荃蕪芷列中品後

世蕪蘭皆此輩考亭注經辨花葉著論瑣屑遺大節止齋

立說譏時流斥為盜賊尤污蟻人間偽物宜詳辨美惡溷

清害非淺嘗聞防葵誤狼毒又聞黃精誤鈎吻蛇牀亦能
亂蘼蕪芎藭亦能亂藜本其質相類性復類嘉名冒襲何
愧覲此花孤潔避塵俗國香閭發在空谷抱道深藏象君
子非蘭要是蘭之族吾家小阮山澤耀花枝秀挺敵瘦軀
移栽座右當儔侶結佩意將師左徒今年霖潦蘇積塊蒿
秀並興傷蕪穢一語贈君慎自愛勿令芳草變蕭艾

乙丑

輓任秋航名榮增州庠生屢困場屋棄舉子業肆力
古學以五言詩馳譽南中爲人羸瘦多疾
而勤苦特甚乙丑元旦嘔血
卒年四十有二詩存百餘

百篇詩吐千丈氣五字名高萬里城秋草冬花嗟薄祐椒
漿柏酒送餘生嘔心已盡囊中句焦尾終騰爨下聲我亦

五塘詩草

卷三

三

騷壇署偏將爲憐同病淚縱橫予素有
心疾

聞人道梁玉山事慨然成詠

吾滇三迤地用兵今年玉山梁棟材支柱南迤天團練

保鄉里忠孝植本根事母竭誠敬終喪斷酒葷報

國立盟誓至死弗變遷回夷既猖獗防禦無時閒戰守率

子弟備嘗諸險艱骨鏃刮能忍心肉刺必先誅暴扣囊智

絕惡鐫碑文門戟射解門屋柱破求姦人愛珠璧寶視若

瓦礫然人悅威施艷嚼蠟笑橫陳愛悅惟壯士錦繡飾其

身小過加斧鎖微勞賞金錢臨敵氣咆勃攻瑕輒陷堅聲

名遐邇震孤羣避鷹鷂閭井蒙扞衛乘危幸獲安徽福無

厭足引義責豪賢謂公攝總鎮分符筦臨元丹衷抱孤憤

財匱恆憂煎何如循職分盡禮事上官乞糧發帑藏輸納
事例刪師和敵可克窳黎釋倒懸淺語中機宜意實圖萬
全百足輔巨蟲騰躑善回旋六翻傳大鳥翱翔霄漢閒郡
中多耆宿贊襄日往還伺隙盡至計從諫如轉環龍鳳許
攀附竹帛素志伸鄙人忝同郡未接銜杯歡路閣投明月
懼遭按劍瞋奈何劉季陵墨墨竟忘言

故人劉道鈞遁居思陀旬與予隔絕數年矣聞予奉

母旋里寓書慰問且餽甘旨賦答

離居久嘆音塵絕忽枉尺書無限情君子相交淡如水小
人有母遺之羹家貧難遂雞豚養國亂常憂鬻鬻爭異域
儻能分宅住事親長策願躬耕

五塘詩草

卷三

四

咏史二十一首

盛世需梁肉姑息翻養姦衰世需藥石苛酷亦毒民執兩
用其中無權猶一偏良法古多有行之貴得人得人匪易
易育材庠序閒故知列代君國脈在斯文秦始圖萬世阮
儒絕本根漢高祠孔子四百已卜年

武鄉輔蜀漢清河相苻秦悉師鄭子產重典繩其民三君

處亂國法令不宜寬治國漸弛縱治卽亂所先農夫養禾

稼稔秀雜其閒苟不務芟夷害苗遂害田除惡行猛政還

思東里賢

南火而北水寒煖地氣殊斯人履斯土裘葛各有需聖哲
達此旨治道無偏枯崔郢莅號鄂彼寬此嚴誅趙抃知成

都前密後轉疎俗吏病膠固兩公直楷模

書生歷仕途動輒蒙訾議抗志希復古介甫終僨事曲意
從今人公孫且阿世斟酌古今間學識才須備義理探本
源規畫審時勢爲之有機權所向庶克濟如彼新建伯真
儒誰敢戲

充國籌邊務百聞輪一見可知將帥材精明在歷練淺人
更事少守道不知變憑虛揣情勢古學自矜銜邵青用火
牛房瑄習車戰得法未得意車牛立破散兵畧勿易言且
讀營平傳

杜預餉貴要一清結中官腐生挾正議斥彼非純臣甯知
幹事才全濟貴行權權術非苟且以道爲根源其心本謀
五塘詩草 卷三 五

國其迹近謀身畧迹而論心始識君子真

魯國柳下惠漢廷東方朔外和而內介守正志彌確後人
慕兩賢但戒露圭角激烈防賈禍隱忍恆鑄錯蘇門有味
道摸稜被明諱何似玉局叟在在陳書謬

魏徵數犯顏文皇懷恚忿田翁殺未果仆碑報私怨良臣
豈易爲意氣戒猛悍可使上我敬勿使上我憚積敬轉生
愛積憚必生恨小故輒加罪不誅亦流竄高允李泌輩進
言無禍患至誠畜於中巽言入其閒情洽意自回小大事
皆辦何必死佳鶴始堪人鏡讚

韓琦有名言成大事在膽謀之貴精密行之貴勇敢懦夫
病未能其人匪愚闇是非甚明了利害尤詳審趨避念一

萌中情遂搖撼遲疑變故起出坎還入坎魏公識量宏孤
忠常冒險論人薄李社胡趙防其漸廣戒畏逆冀屈從負
瑕玷固喬不討賊此何異阿諂如公逐守忠亂絲已先斬
甯至死獄中千秋爲悲感

信國扶弱宋如侍父母疾沈疴已瀕危藥餌猶盡力天地
閉塞時吾道幾絕迹人心有不死萬古綱常立朱明火德
衰陽九復遘厄江南史督師忠義獨奮發文山一片雲化
作揚州月

造物甚忌名譽即毀之媒况爾虛聲士能勿嘆摧頽樊英
失人望託疾幸早歸殷浩當大任兵敗色死灰此輩喜高
論孔孟相攀追詎知尼山老號爲百世師苟無治魯蹟空
五塘詩草 卷三 六

言誰信之成敗雖在天經綸總見才君看山上石光自璞
玉來

祖龍火載籍終古蒙詬訾若以後世言焚書乃盛事六經
傳聖道授受在心契求之文字閒得之非文字後儒尙口
才論辯逞私智異說復閒出枝葉億萬計紙墨積邱山歷
久道益晦何當召祝融一炬快人意

霍光無學術驂乘因啟變舉變不讀書安能佐堯舜讀書
固佳士賢則未敢信張禹孔光輩正由經術進慎哉章句
儒心勿萌鄙吝

魏主惡華士譬之畫地餅此曹非無才患在趨營猛道業
未深造擢第已高等朝慶連茹茅夕弔折足鼎清吏濁如

泥良將怯如龜三復漢家謠愆尤當自省

歐公貶夷陵反覆觀舊案枉直乖錯多舞文積習慣小邑弊如此天下豈堪問一明而百暗外理而內亂覆盆冤莫雪叫閭路中斷居高者何人能勿仰天嘆

人物無臧否嗣宗脫桎梏非堯薄湯武叔夜被誅戮兩生涉亂世彼榮此何辱召禍豈在大三寸舌已足匡救既乏術緘默實爲福再拜磨兜堅良箴當佩服

漢季多才人才高患識暗藉梁而懷董馬蔡名已濫文若王佐傳軍國能負擔爲急濟時功遂畜求知念阿瞞誇子房一語露驕僭私心感遇合姦謀忘推勘及阻董昭議坎窞身已陷知已能害已不知何足憾諸葛無聞達躬耕守

五塘詩草

卷三

七

平淡

王戎棄苦李甘則取必得移歸植家園賣且鑽其核若人性至孝和嶠所弗及奈何務聚斂亦復具錢癖人患飢最急一飽萬慮釋嗜慾量易滿不滿惟道德謀道不謀食聖賢許參席寄語司徒公牙籌且休息

伯奇事吉甫賈誼遭漢文讒間一朝進放逐含悲辛君父賢尙爾况乃非等倫古來忠孝士責已勿責人責人道兩失責已道兩全文種賜屬鏤越王誠寡恩如何鳴夷子竟得終天年

行路遭唾面賢者責能忍矧居骨肉閒而勿忘小忿牛宏不問牛薛包受惡產大度常優容頑石心望轉同氣義無

虧昊天德無損薄俗縱尋斧斫枝致傷本尺布聞歌謠夜臺淚暗投

士生三代下好名罪可知若避好名嫌爲善將無路桓温叛晉室遺臭非所惡鄧綰附荆公笑罵亦不顧志士豈甘此汲汲圖自樹能立德功言不朽非無據勒碑沈萬山勿嗤杜武庫

卽事寄蘇觀秋江外二首

離羣五月歲平分秋到家山淚滿巾酷暑未收寒氣薄兵塵如舊瘴烟新窩無安樂槐開夢國有清涼柏下人避世只今何處避逸居却羨異鄉身

五塘詩草

卷三

八

永應懷盜賊憂泣到寒窗甯有泪老來風蝶豈知愁人間萬事宜酣飲多暇從君持酒籌

秋日雜感十首

騷客心如思婦心斷腸花發淚痕深國當一角天欲盡世亂十年愁至今歲晚干戈盛陰氣寒來松竹動悲吟娟娟彼美隔秋水願託微波寄好音

朱旗白纛事紛紜清渭濁涇誰剖分轉戰頻年無定宅沈冤隨處有荒墳雨飛陰燐血猶漬漬露飽寒蟬聲不聞萬里含情望北斗幾人揮涕向南雲

賓鴻來處是長安八表雙輪日月懸復且有光清四海雄雷一怒震諸天吳平杜預勤修武蜀定章皋謀靖邊聞道

使星入益部徵兵籌餉已三年

金少南渡萬貔貅小醜何難指顧收
暑月曾寒玉獲膽涼
天宜斷夜郎頭風高樞馬欲飛
塹霜重臂鷹思下鞞誰謂
征夫無遠志巴渝歌舞謾勾留

禹轉路通日入部四時天暗雨
中山黔陽西向多盜藪節
使東來愁閉關鬼國犬聲哭
市井龍院馬力困榛菅高牙
大旆無消息想在黃雲黑霧間

乘槎博望滯行蹤牛斗猶看紫氣衝
天上何時下黃鉞草
閒有客奮霜鋒葉榆未剪閭羅鳳
金齒先屠沈木龍若使
鹵承終破虜漢廷不吝賞侯封

見後漢書
西南夷傳

五塘詩草

卷三

九

殺機歲歲起龍蛇軍食從教十倍加
肝腦猶當塗塊塊
銖何惜用泥沙田夫穫稻初登隴
甲士催租已在家小草
無知最安樂可憐子午放金花

蕭瑟涼雨洗關河霽後依然冷氣多
金革餘殃生惡厲軒
岐無術起沈疴禳災尙設元都醮
送葬頻聞虞殯歌故鬼
小憐新鬼大孟蘭來會涕滂沱

中天月滿照蓬廬連理枝殘人事殊
玉鏡臺今藏素積大
雷書只寄黃墟室人賈氏姑之姪女妹歸
胡氏寓蒙自近皆祖謝瘦兒索乳肝爲

裂弱弟比肩心愈孤強飲一樽慰慈母
平生流輩幾凋枯
炎方九月秋未老作賦安仁生二毛
風雲感奮氣凜凜豺
虎邁患心切切神清不眠夜漏永
愁劇欲訴天門高告哀

竊比雅人義有耳誰聽寒蟲號

秋盡重題三首

竊邊秋氣滿瘡痍秋盡益深風露悲
民物並當彫瘵日
廟堂仍是盛明時黃沙白草堆愁重
綠水青山得意遲濁
酒最能消壘塊雅遊已負菊花期

疎林慘淡夕陽紅商畧羣材約化工
莫使橘橙侶松柏要
令槐柳拜梧桐榮枯各有優劣分
瑰異何憂時命窮多少
柔條菸邑盡先聲搖落怨西風

編氓半作霜葉槁清淚那隨秋雨乾
湖水異龍漸消涸雪
山靈驚劇荒寒問閭窮困憂方大
整頓乾坤才最難江左
長城天下倚征蠻肯據伏波鞍

五塘詩草

卷三

十

丙寅

昆明春感和友人韻四首

薄海歡元夕南滇弔古賢照愁燈萬點
藏碧血千年講院
留遺範傳衣結後緣坐風會幾月回首
恨絲絲

金碧坊前路居民十萬家市廛新戰壘
巢窟舊官衙地久
纏兵氣人猶玩物華蒼生多少淚紅染
杜鵑花

四野人烟少耕夫晝裏看兵凶多短折
疲厲重摧殘十里
千萬冢一家三兩棺任秋航昆明紀事詩云
十里地傷春
埋千萬冢一家人葬兩三棺

誦詩句布穀鳥聲酸

文物飛灰盡山川靡草枯九天降膏澤
萬象自昭蘇殄寇
急先務安民宏遠謨何人春有脚溥惠
尉吾徒

外族祖積山袁公東閣補梅圖遺照子程族舅屬題
蜀州嘉話續裴杜袁公種梅東亭路髯舅髯齡事親睹南
枝北枝能指數冬深陽回花亂吐兔魄照夜精靈語綠衣
勸酒歌且舞甫也賓客迪也主夙昔相憶今相聚銷魂又
見垂垂樹癯仙新添小兒女錢骨未堅饒媚斌歷官作圖
競夸詡臥雪終當贈通甫衙齋比似維揚署雅音誰更嗣
水部詩王下令搜詞賦萬傑千英集庭戶載賡歲暮鄉愁
句疎影暗香皆塵土我詩亦與喻等伍敢敵大將建旗鼓
雕肝鏤腎究何補浪說王筠似外祖九里植松傳治譜如
公真能繼祖武

邊人數有仇門事慨然賦此

五塘詩草

卷三

三

江湖風浪喜清平丹微猶聞桴鼓鳴穴鼠門強真習慣池
魚雁禍只吞聲

君門遠隔誰呼籲天地無情任死生何似上書求內徙安
居長作

聖人氓

眼中

眼中城市幾邱墟歲月遷延萬恨俱鳧鶴汀洲依宿莽風
鸞岡阜集高梧東山不負蒼生望西伯難教白骨蘇荒草
茫茫休歎息隔年春到又青蕪

劉山民宅觀菊和題壁韻

百花萎絕霜露晨老圃看花疑有神白眼寺回送酒客添

香濃飽餐霞人烏鴉書拙筆勢古蟋蟀吟悲詩句新蒲柳
叢中松柏見莫因歲晚歎沈淪

寄族子用子

野處纏荆棘巖棲隱薜蘿孤窮保身易富貴畏人多斗粟
午儲精牀琴日咏歌有瓢容挂樹巢父亦相過

丁卯

十一月廿一日大風作雪乘興出遊三日後雜抒所

懷得五律九首

簷溜吹忽斷風號如怒雷驅雲低結陣捲水散成堆揮酒
從東北悠揚數去來百靈效奔走却放雨師回

昏暮飄飄定雰雰醞釀深藏機運神巧得味有人尋燈疑

五塘詩草

卷三

三

去頻窺影窗虛細審音霍然遍九野曙色報鳴禽

山日照陰暄日月無此明雜樹表蒼翠老梅和性情胚胎
萬物厚天地一家清城市先消液狂夫意未平

歲晚綿脫柳六雲相趁飛茶花閒蕉葉紅綠爭光輝絕域

奇多有中州識者稀惜哉文石嶺謂點蒼山長夏畜蛆肥

五年一見白前此惟壬戌年有雪新眼喜兒童拾米千回飽搏沙百

戲工干戈塵未淨征斂意先豐大有說嘉兆癡頑恰病聾
密密泉迷竇漫漫石辨棱木僵謝樵斧魚噤脫漁罾草徑
畋獵好毛羣意氣矜隱阿伏狡兔側翅過飢鷹

日高鑿冰井萬谷鐘鏞聲烟霏打霧淞千林環珮鳴耳聞
廣樂奏身在水晶城曳策者誰子珊珊仙骨輕

貞潔吾深愛相看泪遽揮
娟妍不久孟東野四婢娟詩
粉墨寫來非比質
圭璧在延神松竹歸瓊姿
倘入夢莫更觸義暉

詩補一年闕酒供三日遊
重裘適中野凍筆倚高樓
候律初懸後五日衝寒曾放舟
頽森墮空處春暖問羣鷗

雪後見霜
曉起萬家白天青日嫩黃
遠峯猶冒霧融雪更凝
霜夜肅已知霽寒輕
惟愛涼莫言鴛瓦重積
素有餘光

戊辰
送劉漱軒之他郎因寄蘇觀秋

別恨著花柳新年人出門
可憐籬下菊獨守歲寒根
宅多種菊

五塘詩草

客舍依金穴地有金廠他山得玉昆
傲裘蘇季子應念北堂萱

哭弟齋從兄三十韻名漢芳癸卯舉人癸丑大挑一等知直隸龍門縣事乙丑年卒

萬里殉微祿廿年違
老親沈書疑有故感夢悟非人
裘葛凡三易衰麻又一新
卒後三年繼妣胡太孺人亦卒隱之喪莫執王渙計

知真回首蒙山路
論心祖帳辰已酉年先千戎公駐防蒙自兄北上來任所取別

方員法沈憲輕傲戒張蠙學勉
東西漢名希大小秦子好班范

紫茵庭幃供笑語

誥勅寵絲綸志切簪紱貴
交聯廊廟珍鴻鴻欣筵羽鶉鷄

恥陪鄰豈意風雲合
旋悲江海淪升沈數已定刑德義猶

陳形在供役使材高蒙選
淪長髯令京邑短策試威仁
宣府馳驅遍居庸出入頻
初攝順天文安縣事尋奉委巡洞視宣化邊防兼理關外廠務

垣覘疾疾望氣別金銀
精岐黃術熟五金事國手宜攻壘官財務養

民鴛音仇覽變雉子魯恭馴
政績方遙度聲光歛就湮孤
雛託鍼灸子仲衡奇華陀廟歸櫬阻荆榛未化南屏石先銷朔野

塵配瞻猶戀戀娶詈奈申申
預識兒無母何勞

君擇臣通才尙貽悔迂士敢求
仲家業起仍仆病軀吟且
呻落梅曾隕涕兄卒之年于胡氏妹及賈繼室先後歿謝斷雁復傷神每詠循

咳什能甘飲水貧雪君終古恨
矢願守松筠

送王聖鏡游戎入都兼寄家小泉參軍十二韻

矯矯漢飛將知心惟子長詩禪
逢酒聖傲骨敵剛腸治亂

同憂樂山林善閉藏笑人從鄧
禹垂老惜陳湯風負青雲

志期分汗簡香奇峯高矗矗
平野視茫茫戰伐多功狗英

豪恥爛羊燕臺依日月賤駿走
風霜南越纓誰請廉頗飯

尙強上書求擊虜持節許歸鄉
身倚鞞鈴貴業由忠孝昌

吾宗有騏驥連騎好騰驤

王藥階缸中蓮花有紅綠白雜
色之奇爲賦三絕句

質彬彬君子花

天公著意蕩兵塵沃土先覘景
物新莫向淤泥尋舊本喬

雲三色是花身

黃卷青燈出異材郡中會記瑞
蓮開府志載明嘉靖辛酉年城西書院產瑞蓮

院中十人九登
科遂以名館

熙朝再見禎祥事應有明珠產蚌胎藥階四十猶無子此花其甯馨之光乎

余檢堂買菊栽館中石名萬壽而開重臺者為賦三

絕句

小草曾霑雨露恩山家長養又移根呼名願祝無疆壽臣

有心肝奉

至尊

西海長人集上京南荒白虜且稱兵秋花重疊含深意一

統中興望

聖清

燕山更築萬年基龍虎風雲際合奇天下英雄齊入設肯

五塘詩草

卷三

七

容元亮老東籬

慶雲捧日歌 并序

皇帝御天下之七載滇西逆虜大舉內犯猶突豨勇橫喙

昆明滇之隣壤川黔粵轟然搖震滇之迤東南羽書旁午

葦屋釋騷而石屏忽現三奇之瑞冬月之慶雲捧日蓋尤

奇云先是夏五月余鄰人王藥階家缸中蓮放三色花及

秋而友人余檢堂家萬壽菊開重臺者二株皆奇卉也蓮

萎菊老秋盡冬來霖雨三日而霽六合清朗日上忽吐青

赤氣狀若神蜺踰踞東西互天頃之赤氣下舒左右

抱珥又頃之氣成五采周圍十許丈幻而為龍鱗為鳳翼

為麟斑虎豹斑為花葩枝葉象又為蟒服波紋象雜文巧

會丹青錦繡所不及負戴裘裏經時未散而東西白雲逢

逢雲雲奔走其下儼然籠之以紗縠罩之以琉璃而其上

五采神光洞照注射彌復噓翕閃爍駭目動心萬眾聚觀

歎為奇絕此同治戊辰十月四日午時事也前此蓮菊之

奇鄉人竊竊私語指為瑞兆睹雲之奇益信按滇自漢元

狩元年白厓采雲見始置雲南縣後遂以之名省雲之三

為番五為慶滇所常有而中天慶雲捧日見於我

朝雍正六年

世宗萬壽節者實從古未有之祥總督鄂公爾泰奏請宣

付史館

世宗報曰此卿忠誠所感見於朕壽日者正表卿愛戴之

五塘詩草

卷三

七

心也今

皇帝光昭茂緒禎圖再顯滇中將吏儻亦有奇臣如文端

者歟有則西逆可平三逆可定四鄰之征調可省成役可

息是雲之瑞見於一州應在一省福且被乎天下書所謂

一人有慶兆民賴之者歟草莽臣竊幸去歎愁就安安舍

甘吮滋有日也爰紀瑞典舞蹈作歌歌曰

皇清中興日重光謀力雲合靖四方東斬鯨鯢西射狼南

夷蠢蠢猶鴟張

天全有道甯遐荒泰平兆示羣疑亡臨安郡西文獻邦著

雍執徐卜歲臧嶽川貢珍嘉瑞彰夏蓮秋菊先騰芳孟冬

初旬雨而暘日次析木經

帝鄉滄涼已過如探湯車輪馬駢昆吾旁雌蜺連蜺跨飛
梁化爲雄雲五采揚眾靈雜運衢中央龍虎麟鳳參翱翔
營儀乘輦豐隆將挾轉執轡擁旌幢跋烏不動輕颺颺宣
華流靄耀九芒素雲霧之益焯煌萬目眩曜心恟惶盛哉
丙明而離暉赫赫在上
君當陽廣大精神歸賢良二八四七扶
廟堂椽臂拒轍笑螭蝦不識

今皇符

憲皇雍正紀官紹軒黃百有卅年再降祥襄勤伯起親戎
行雄畧英謨可揣量兵填櫟榆夷點蒼齊斧一麾誅猛狂
稱民施澤恩滂洋中外禮福咸悅康

五塘詩草

卷三

七

聖人端拱垂衣裳干戈省躬無時忘柔道化剛弱化強修
文偃武綏嚴疆諸葛占應儒林昌坪石早發天葩香宣德
以詩聲琅琅喜過復旦歌虞唐真志云建興三年孔明南
征歷舊欣嶺境遙見大雲
覆地疑爲伏兵偵之寂然掘地得盤石方五里許爲之占
曰石爲雲根雲爲文采千年後必有規方是域而文儼中
州焉宋時其地爲阿峽蠻所據號石坪邑坪平野也元
始入版圖改邑爲州明始規石坪城然且改坪爲屏矣

贈宋珍成參軍

并序

參軍建水人有幹局漢回之亂團練保境以便宜假節駐
石屏經理戎務戊辰十月四日值其四十九歲初度同人
稱航祝嘏適遇慶雲捧日之祥舉以爲賀未敢當也余既
作歌紀瑞復題長律贈參軍云

北陸攢雕氣千英輔

聖君貲郎重司馬謂長蠻府得參軍質抱冰雪淨力宣柔

梓勤團營巴甸域列障異湖濱門網秋甘鯉履鎌春美芹

蘭猗伏隱谷桂直避熊斤鷗鷺假毛羽駉駉伸足筋鏡懸

驚鬼賊火縱走夔獺象教類網振顛歌俗耳欣三乘消浩

劫百戲散淒焄捐金侶修西華外保方隅固中防聲利熏

知非年已近燕喜酒微醺橫笛吹林霧高臺望國氛邠岐

寶困粟鄒魯富書芸樂土福無量皇穹光大昕吉占雲捧

日慶溢鼎來汾天瑞人物應水流涇渭分徐陵彩生翼張

迴爛吞雲覆體鶯登第臚名琦冠羣璘霧戀亭午蕭索悵

斜矚誤感楊炎夢虛夸仁表文登巖幕程昱墜節似劉殷

徵兆倘非類休嘉何足云梅花且讀賦綠萼正揚芬落落

五塘詩草

卷三

末

松竹沼斑斑苔蘚紋偶凡仙骨在閱世亂絲焚誰洗金碧

恥會傷圖籍焚癸亥歲西逆入省其據五
華書院者煖裁書樓而去熊咆復飛焱蛟

發遂驅溼郡邑嗟淪蕩苴藺苦泣云城憑馬汧督皆結李

摩雲對向風輕艦岑彭雷怒發忠良作砥柱義勇念鄉枌

探穴易擒虎負山難使蚊清廉推宋漢慷慨附梁懂瓜惡

數修怨令賢當解紛股肱相左右根莠待鋤耘洱海收遺

孽景鐘銘懋勳譽延真壽考德曜愈香薰東震浮青靄南

離積紫霧九陽需繡黻莫負野夫賡

感舊書懷六十韻再送朱次民太守入蜀時奉岑中
丞檄從蜀

文武朱公偉詩駁許叔牙同袍期報

國萬里誓辭家莽莽關河阻洋洋雨雪加滇池駭澎湃煥
嶺突杈柯陽門霆森力陰霾日月華爾蠻化臬鏡吾道付

龍蛇腹貯董狐筆吻圍張帖花藏刀絲鏘錢設帳絳裁紗
西渚函百怪東林專眾葩世咸瞻斗極天忽降星槎趣駕

劉中壘常州劉仲鴻司馬致書契勸告祥蘇利耶十月四日午時石屏慶雲捧日屏山

遙對峙道經敘州馬湖二府地並有屏山與石屏之名宦海舊生涯先世曾白

髮欣捧檄太夫人年七旬餘聞君請命欣然允行駿徒爭御車門下從行者數人仰

觀雲表鶴俯歎培中蛙厲志空銜膽鎮心常抱瓜永懷瀟
水宅曾寄釣魚艇結伴鷗鷺審音爭笛琶雷陳交漸密

李杜望方賒共作占巢燕俄悲失木鴉橋摧梓什壑墻漏
屋填沙漏本發猥翁鋒將揮鏌錫撫棺輒涕泣回帆去速

五塘詩草 卷三 先靈妥樓居意嚮差夕暉面熏灼南市耳喧

操掘穴閉 先靈妥樓居意嚮差夕暉面熏灼南市耳喧
譁清景貺元度劇談尋子奢小園陰半畝叢卉簇高衙奴

愛合章橘侯憎破睡茶陟裡蒲柳點枳獎梨植梅影冰
輪徹丹香翠幕遮芳菲感疇昔堂構被掄擲題句聊撫憤

詞宗每嗜痴忘形類東野授法廁侯芭醴別淄澠味愛參
朝暮霞乾坤廣游刃毫髮細攻瑕琢璧經十載種稜求四

極沈疴之妙藥鍊骨豈黃芽材定樗櫟比俗猶梧楨誇年
光忍虛擲時事苦紛拏往歲逢多難夫君節信矯風流爲
任俠瀟灑惡奇衰屠狗收聶政斬蛟從鄧遐君常養壯使助官除民害

貝儒終當衛閭井欵欲老菑畬有客彈冠慶伊余扼腕嗟
軍籌無劇孟賊燄熾羅其關外急點鴿壁閒停戰蝸謀通

鳥撒路使達馬湖注益部雄天府吳侯縮辟邪話言金鼎
肅肺腑玉兼葭蜀督吳公爲君姨丈輪粟馳威權蒐兵縱睛巴兩關

齊拔幟大理城據龍首龍尾二關之險五詔盡騰笏唐將縛元濟粵郎擒

呂嘉榮看雀弁冕辱肯鳳籠笈飛劍不留獄奔豚斯破寂
賡歌頌

神聖率舞樂磨殿致遠人知驥非良孰奮楫功圖翦蒙段
利恥索賓幪壯節橋題柱用杜直躬蓬附麻強初登馭阪

弱且蟄牛窪竹柏冬彌茂桑榆景易斜臨分贈篇什薄勞
贊

義媧 送朱馥軒別駕入蜀四十韻

五塘詩草 卷三 十丈珊瑚樹山茶並海棠梁州雙絕艷春月萬紅妝花色

猶同壤人心甯異鄉滇蜀皆梁州境籌邊望德裕佐府送朱昂浩

浩騰擊水稜稜鷹得霜垂天今可附獵野昔空忙憶在膠
庠日初經戎旅場軍無虞詔將士倚廖剛良謂次協計保

疆宇居閒密贊襄外憂備易設內隙潰難防危黨工議詔
安身遠遯藏煥文看彩翠赤瑞想瀾光弈局數更變轉達

滋慨慷往來殊塞塞歸去自堂堂穩撥晴湖棹歡聯夜雨
牀室家付了斐畜牧委梁鷲方寸塵不染終年秋與涼膾

鱸浮大白搏虎惜中黃世界力何取笑談人謂狂英鋒虞
挫矧瘦骨怯纖危養氣法先聖鍊形規伯陽根莖厚培壅
柯葉振芬芳性父書窺晉瀟山詩祖唐入深鑿奧竅扼險

固金湯一字練直價五言城植長鸞鳳為聲韻鑿寶琳
琅璽養似必簡會文交許驥針磁幸投契旗鼓敢相賞
獎筆扛鼎彌蕙手做薑蒙方師作楷君已厭搜章卦卜西
南利官宜四十強皮刀誰解佩竿馬縱游韞策玉臨壘
煙霞錦貯囊學戕仍技癢懷土且情傷驛路丹藥秀故園
蕭艾荒子臣真面目富貴豈肝腸遠奮陳從事謀參胡世
將平蠻藉寶叟戴德通昆耶鄰善仁伸義儒珍柔用剛東
亭梅候客揮手擲離鷹

送黃堯臣歸昆明二首

名慶成先矩
卿師雲子

殘歲急甘旨別家聲暗吞風塵隨燕雀榛莽覓雞豚為養
客心苦論交吾道存天寒席不煖立雪憶程門

五塘詩草

卷三

三

雙節龍池冢梅花萬古香

先師借道室周夫人殉難會清
城葬黑龍潭側地多梅花

芬留小阮厚德有荒莊相見私垂涕言歸趣辦裝醴堂靈
未泯念子亦徬徨

戊辰十一月二十日雪中作

朔雪應期至寇氛經歲深
丁卯仲冬廿一日大風作雪是
時西遞出及楚雄未踰月長驅
至省官軍拒飢寒淡民瘼殺伐忍天心陰泄陽生長雲開
守已一載矣

日照臨冰山豈難化莫聽冷猿吟

望雪懷黃堯臣

今年雨雪西南諸山受白獨多蓋北
風勁力所送也堯臣北歸取道南鄉

其辛苦當何如遠
勞軫念輒賦短章

遙瞻玉屏橫白草盡華顛回眺乾陽洞青林猶少年
洞在
州北
關山歎游子風雪裏寒瓊慈母倚門望茲晨彌愴然

己巳

歲暮感懷八首

兵火又殘臘湖山方素秋霜逼冰已至晝短夜多愁涼月
阿鴻雁著波眠白鷗青梁漫噴鄙藜藿更無謀
赫赫岑君然民心蟻附蓮精棟供饋饑瘠病負戈鋌義勇
兆人奮竊陰百慮煎願公計長久與世作豐年

河水隔滇水逆行溪谷通天生一砥柱人得半英雄救死
師徐勤歸誠引寶融井蛙不識海幽怨泣寒蛩

關廟梅花發高情松柏低先春雪猛勁獨夜月淒迷客憶
東亭送酒從南市攜幽香別有夢熊虎卧礪溪

江靖浪翻浪龍蟠魚蠹書乾坤半憂樂歲月墮空虛龍鱗

五塘詩草

卷三

三

六安策崎嶇九折車眼中人老矣那更賦閒居

瀘水寄家日風霜心骨寒靈椿早摧折慈竹幸平安門外
鉦聲急年來閩里殘亦知投筆好可奈絕裾難

昔聞陰子方臘日神降祥家及晉楚富道由仁孝昌章纒
當亂世菽水奉高堂多事小兒女問爺求竈羊

戢翼哀窮鳥擎天仗寶臣金湯遞恢復羅網務寬仁氣覺
陽和轉眉應道義伸青山蒙雨露何事尚含顰

花門

金碧塵汗久甘涼血染新花門亦赤子同壤盡仇民編素
衣冠族腥羶水草身弭兵宜易俗敢告二三臣

山城紀異

山城夜夜聞野哭非鬼非人非羽族高樓下瞰月正明豺
狼結隊繞郭行惡物先機感殺氣旬日之間寇必至年來冠犯
郡邑先期豺狼號泣寶笑言飲血食肉鳴得意健兒如虎
必有此也樂戰爭聲踴躍修甲兵書生作歌淚盈把問天何時產
駁馬

喻氏石山歌

石屏本名石坪石爲城基浮積水上有山數峯常吐光氣知州蕭廷對以爲凶

然悉毀魁星閣諸峯喻宅一峯獨存根長尺身高七尺濶九尺孔竅數十有諸物象左龍右虎尤逼真云

坪城基磐石有山八九峯高者尋丈卑數尺騰氣岌岌光
熊熊官司疑忌狗俗說謂石爲煞能召凶斧以斯之斤以
敲坤母夜泣流血紅一峯潛匿喻氏宅調護幸免斤斧攻
孤根吐雲極變態結形立堵如屏風筋骸鐵瘦孔透漏造

五塘詩草

朱圭

圭

作天巧非人工皇穹誕育具深意小岫降神伴大崧蒼龍
白虎掉尾下吹箆鼓瑟聲玲瓏鶴鴻鹿馬競攀附稱名依
象各類從泗濱磬精產令子喻門踵繼高琳蹤易冕賢書
薦雍正如聖解首登乾隆喻易及苑雍正時舉人如聖乾隆乙酉解元子道味亦舉人
麒麟摩頂祥屢見凶煞說但欺盲聾塵寰耳目悅玩好猶
嫌京地僅數弓倘愛斯石拓園圃經營池臺花竹鼓高明
之家鬼瞰室福爲禍始將惡終尤物每奪豪貴手金陵三
醜差能容癡兒懷寶輸戲賭奇礪或徒華林中石居雖陋
植本固浮體下與江湖通磊砢儲英天下計豈獨一邑靈
秀鍾惜哉魁閣羣玉碎令人長恨蕭老公

五塘詩草卷三終


五塘詩草卷四

庚午

春日感事

石屏

許印芳



萬鏡雷電發千燈歌舞繞殺聲忽酒醒淚眼不花開綠水
載敵國東風飛劫灰漢家自生毒白賊笑人來

秋日江川道中望新月作

新月如片雲挂在桐花樹餘霞繚繞之秋風吹不去行客
望玉鉤年光歎虛度平時每忤悵遭亂知悔悟陰精有盈
缺仙桂無朽蠹魄盡更生明團樂復如故人老那更少荏
苒傷遲暮抗心希古賢公孫夙仰慕收功望桑榆得失聽

五塘詩草

卷四

一

冥數詩成問前途今夕宿何處

秋闈聞捷口占

第二流中置姓名龍鐘三九鬢猶青輕身果得金丹否
慙人呼許洞庭

庚午冬十一月計偕入都取道四川口號二首

南極望北極

九開天際尋書囊狐鼠玩布被雪霜侵馳驛

大君命絳衣慈母心此行亦偶爾山海歎高深

中道閉回紇西行經益州游蹤壯吟思兵亂劇鄉愁杼柚

三迤困薰蕕百世讐安邊誰獻策夢繞贊皇樓

可渡河

滇黔分界處

河界分南北乘輅萬里行論文資遠覽薦士愧虛聲流水
如相送回風忽自驚鄉山猶在眼去去不勝情

雪山關

滿眼飛鱗鬣乾坤黯淡容亂山騰萬馬百戰戲羣龍槍地
笑叢竹柱天憐老松饑民生幻想鹽米聚銀峯槍地亦用槍字見路

溫舒

永甯縣

黔路初通蜀荒寒記所經雪含日門白山借夢留青河道
開曹震家書返玉屏平安報老母詰旦快揚舩

重慶二首

六月渝江漲朝天路不通城憑斷巖峭水躍在山雄今年夏水

五塘詩草

卷四

二

益入春雨鶯花渡秋霜柑橘宮雪岩游歲晚客是主人翁

始祖山如公本巴縣人明洪武中遷居雲南

奇鳥久南徙舊巢無處尋海沂歌在耳新息傳知心始祖喜邊

功通判麗宅里蓬蒿滿市塵泥淖深塗山想遺躅覽勝繼

登臨

萬縣

城抱東西水石屯南北山溪流分五色城東溪口石峯影痕有五色

落雙灣鐘鼓鳴灘上檣桿著樹開絕塵龜不見擾擾歎人

寰

登白帝山最高頂

石垣繚繞徑摩天長嘯千巖萬壑間殺氣忽生魚復浦飛

湍直走虎牙山伐吳先主猶薄德拒漢公孫徒厚顏盡題
遺聲涸人耳相招鸞鶴御風還

夔府東郊謁諸葛公杜公兩祠三首 并序

夔府諸葛公杜公祠皆遷徙無常建祠亦不一而足舊傳
東郊臥龍山兩祠並建予訪之土人遙示高阜塔立處稱
為菜園沱居民種菜者數家菜花盛開金黃一片旁有前
人紀事碑稱為晉階書院後移入城乾隆乙未夔守新安
江權尋少陵草堂遺蹟不得謂此地東西二瀼之間足
妥神靈因卽書院舊址建杜公祠其文及詩碑並在前楹
記文得歐陽筆意詩平平耳祠有冬青樹濃陰覆屋比屋
卽諸葛公祠門外俯瞰江濤八陣圖蹟瞭然在目而祠宇

五塘詩草

卷四

三

特荒陋且無金石文字杜公題古柏處柏與廟湮滅已久
是祠惟空庭石闌畔修竹數竿而已今年夏江水大漲上
漂兩祠水平而諸葛像僅存其半杜公像亦鬢落座欹有
獻諸葛神帳者住持懸杜公座前游客遽入誤以拾遺爲
丞相子既展謁兩祠賦詩三章因述其近事如此時同治
庚午歲除日也

葛杜去千載瀼溪猶薦馨作堂賴夔守移廟豈龜齡

夔州嘗改建諸葛祠於八陣臺後 龍虎陣雲黑風霜庭樹青何當采蘋藻

一祭二公靈

異代同鄉井國危憂憤多關河夢鷓首豪傑困鳩窠寄託
伊周淚飄零稷契歌龍山兩祠宇洽比奈愁何

看竹思丞相賽帷認拾遺並遭峽水厄誰寄草堂贊興廢
一時事忠貞百世師廟前無古柏天下競傳詩

八陣圖

平沙水落石盡出諸葛行師圖尙存大將握機問風后小
兒解事笑桓溫一心妙用留天地萬古英靈護峽門春到
夔江悲士女年年踏磧弔忠魂

夔府度歲二首

謀國十賢重鎮江雙柱牢城移山勢削堞壞水痕高
府城白帝山宋景德中徙今治放翁入蜀記謂今治比白帝頗
平曠然失險無復形勝同治庚午夏水溢城圯予過府時
尙未闢闢爭春稅有減免例倡非逐夜舫能歌漢皇恨未
識楚人賢

五塘詩草

卷四

四

扶竹母安穩奉篤兒夢端端辰心曉曉庸色雪霏霏
奉節在漢爲魚復縣卽春秋時庸國浦凍日開騎林髡風霽威試年
魚地詳見左傳杜注 知氣暖吐綬掠波飛

辛未

滄瀨堆

三足立千尺一身通萬竅沃爲海堅強底柱河竦峭鼎鎮
龍伏毒城塵水斂暴流分折合勁行曲平直躁狂瀾江心
抵浮航峽口導篙嵌撐審固舵準振執要乘波趁奔騰指
濱避攻剽冬喜鯨牙拔夏忱虎尾蹈獎功歸神明懲罪示
形貌大瀕牛馬危小受龜鼈弔庚公麟或靈蘇子賦惟妙
飛仙挾游敖磐石坐垂釣

粉壁堂下作夔峽南岸石壁名粉壁堂上鐫乾道七年夔路轉運判官趙不惠皇宋中與頌

不惠字仁仲宋宗室也惠與憂同

入峽朗吟太冲語千仞岡夾萬里流振衣濯足兩快絕頓

令意氣橫九州生平好游兼好古仰視石刻蟠雲虬乾道

七年不惠撰文詞典瞻窮雕鏤讀文既終發長喟江左偏

安原苟偷小朝廷更抱深恥少康武丁非匹儔

皇清

列聖隆虞周

今皇撥亂恢

廟謀燕齊吳越羣穢掃軒物再造人歌謳

聖心嫺嫺念多難滇隴猶嗟荆棘留况看溟濤灌日月

五塘詩草

卷四

五

宵旰無時忘寇讎赫然申威致天討六師躍馬崑崙邱揮

劍悲谷斬戎虜回戈涼土誅蕃酋百蠻稽顙苗革面重華

二十功畢收鴻業潤色歸史籀龍張鳳篆光六幽瞿唐之

水化墨海椽筆濡染驚陽侯大書同治中興頌磨崖一洗

趙宋羞峽神聞言首屢頌長風颺扇催行舟

夔峽老樹

風旗折一角峽山插天外入峽審形勢五峯分向背中峯

樹蟠頂童童如車蓋巨材想百圍棟隆占吉最倘非萬歲

松卽是千年檜抱影上青冥帝座聞鳴籟倏忽霧雨集蒼

茫鬼神會始覺兩崖逼人小語聲大在險發奇興哦詩吐

肝肺問樹生何時雲陽笑相對山中樹精能語名托體陶

唐代遽蒙洪水害杜宇未胎形鑿山禹力億導水魂幸蘇

其下禹所憇口不自矜伐馮異與之配後世功烈卑滿假

實爲累惟王明德遠草木亦承賴雨止舟出峽巴清爲王

醉

瞿唐

瞿唐首尾三十里二百八江吞腹中匯水欲成滄海大扞

關遙對劍門雄山無猿嘯引愁思舊傳夔峽南岸多猿今

人有穴居留古風南岸風箱峽上則見聞都絕亦異事也

吟苦怨天公

過巫山感宋玉爲楚襄王賦神女事四首

雲夢澤西雲尚飛先王感夢是耶非朝朝暮暮陽臺下一

五塘詩草

卷四

六

入秦關遂不歸

幻境都緣幻想生珊珊似聽拂墀聲高唐賦罷王心蕩爲

雨爲雲夢又成

十九寓言通諷諭楚騷門戶漆園開巫山神女亡何有引

得癡兒說夢來

楚國淫昏拂諫臣楚壇筦治賴明神瑤姬助順如玄女不

是懷襄夢裏人

雲華夫人祠

三峽綿聯障江口蛇龍窠窠萃淵藪伯禹導江智計窮太

行安得移愚叟神授寶書召百靈童律庚辰侍左右妖魅

驅除斤斧施劈山千里江奔走從茲萬化生於手號稱神

禹神爲友陰精能贊平成功巫山別館猶棲守至哉坤元
材富有天妃冶海姥司斗鍊石斷鼉女希氏體堯蹈舜宣
仁后

皇家再興賴

皇母金波兩輪夾輔久

慈安文德

慈禧武救民水火恩深厚舟行瀝酒奠雲華回樽遙上

璇宮壽

人鮮饗

波濤洶洶鳴巨甕鱗介嗜嗜吞裸蟲冬深忽化雁鴛宅水
涸下瞰蛟龍宮古魂沈酣迷醉骨客懷嘔惡聞腥風楚江

五塘詩草

卷四

七

危險無過平此但見黃魔濟寇公

新灘

郵然觀水不見水蚩尤旗氣三灘連餓狼八千守津要毒
龍五百蟠深淵鷹鷂翔舞殺機動沸唇吹鼎愁烹煎冬雷
震震出波面火銃吐火飛白烟大聲發處鬼破膽釣竿魚
網偏安閑客船避險盡起撥耦擔奇負官漕邊灘師放灘
手滑利朽索馭馬何其神下灘回視浪猶驚
未穿乃知石林排劍戟江心藏禍如老姦陽月江涸底裏
露水石交鬥讎億年故鄉戰場忽在眼骨痛魂傷諸忿獨
不戰而勝喜可賀黃崖月上開新筵

黃牛峽觀石影作

天然戴嵩畫石壁人牛影一幅導江圖西挂峽州境牛黃

龍所化純土制水性人黑象水官稽古曰文命當年鑿三

峽土石百億頃開闢牛掀揭叱咤人驅騁土盡石不盡門

水毒暴逞惡灘竹節稠民求救灾管人牛力雨竭窮蹙但

悲哽至誠貫諸石結形類模鼎形忽幻爲影飛騰上岑嶺

了了素屏閒建標旆旆整人荷笠漂搖牛怒目眈眈矯首

行向東蹴波勢猶猛螭魅賜睽驚風雨拂拭淨瀑泉絳趾

流晴虹垂腰映色駭蟲鳥書光瑩羲娥鏡苔草忌侵面煙

雲常護頂緬思影現時卽今望中景流覽昧薄俗滅没千

歲永伏龍眼獨明影出若夢醒復廟文以碑顯功天地並

惟神罔念功彼蒼敢傲幸庭闈羽淵痛堂陞洪制傲滔滔

五塘詩草

卷四

八

日趨下汲井病短綆造化缺陷留沈溺仁聖拯灘石移未
能疏鑿勞其肯形勞百年動影逸萬古靜影靜心勿靜憂
世恆怲怲神影卽神心中忠孝精氣併人心如此影牛來平
路梗懸像示牧夫仰觀發深省

登至喜亭放歌

狂奴家在蜀天上萬萬億數計尋丈

滇省地勢斗絕其偶高在川省之上

然乘興遊人間五色雲衣尙飄颺蜀山蜀水氣磅礴填胸

景塊變耶壑高江出峽趨平川夷陵買醉一笑樂至喜亭

東朝日紅登臨慷慨歌南風手中三尺赤籐杖願獻

聖皇扶

兩宮

當陽道中

巴蜀通荆楚津塗歷險艱揚鞭度長坂平野漸開顏葉脫
不知樹風多轉憶山內方橫馬首尋徑欲登攀

荆門州西陸文安公祠前觀文明湖作

蒙山山下出三泉宛象朱陸有同異昆弟朋友各分派流
俗依附相譏議甯知三泉會為湖異出同歸仍一致文安
似禪實非禪楚塞烹鮮術小試令行政修盜屏息禪家那
得此良吏平生感激靖康恥經畧中原懷大志五論陳書
偕同甫國讎未復真恨事但留保障在荆門城壁祠宇兩
勿替城西犂密青萬羣聚徒說經疑佛寺玉璞金礦深閉
藏珠液鏡瀾發神智古木疏疏涵影靜微風澹澹舒紋細

五塘詩草

卷四

九

光凝冰雪淨纖埃照澈肝膽回清氣臨流自覺形穢濁悟
道不待講義利得月臺上月明時馳波跳沫魚遊戲

襄陽道中

驅馬桃林岸寒天更晚暉乞兒望塵拜饑鳥逐輪飛道產
樂歌在峴山風景非去思碑不少有淚為誰揮

襄陽懷古

善政稱羊杜高風說孟皮扁舟渡襄水弔古有餘悲猿鶴
守茅舍桑麻圍稻陂傷心漢丞相歸臥更無期

由襄陽至新野作

揮手消陽近回頭漢水奔雲容開鄧塞雨色閉荆門浩浩
摩天鵠依依浴浪駕公車行愈遠今日入中原

望臥龍岡口占二絕句

清水河邊問草廬只今還有臥龍無西南正苦干戈急日
望先生再渡瀘

青雲潤澤舉賢良下士來觀

上國光出處同心誰識得高吟梁甫過南陽
行經岳少保班師處感賦

英雄淚洒朱仙鎮回首江南飲恨長伯詔有心殺伍相魯
莊無意報齊襄河山不少飛來將社稷終隨和議亡自古
歌鐘夸魏絳請看聚鏡鑄申王

大霧中榮澤渡河

黃流暮白霧遙岸劃青痕源自雲漢落氣將華夏吞飛鯢

五塘詩草

卷四

十

載輿馬廣武眺山原北向
宸居近安瀾荷

聖恩

新鄉道中望獲嘉故城

河北無張燕舊鄘人返耕飯孟當戶立糞畚逐車行赤土
封官柳黃雲指漢城獲嘉誰奏捷劉尙正南征

湯陰弔岳少保

一門忠孝甘菹醢直抵黃龍望事成既復兩京迎太上何
妨萬里壞長城書生扣馬言偏中居士跨驢心不平故國

血衣弔嵇紹魂歸大鳥總哀聲

夜渡漳河抵磁州戲作

阿瞞羞見汝乘夜渡漳河地理分紅燭天文照白波驅車
腹誰痛對酒口能歌疑豕七十二都從暗裏過

夜行抵邯鄲縣

颼颼颼颼寒風吹冥冥漠漠驚沙飛喉舌土乾不能語肌
骨冰凍若無衣酒斟玄石淚和飲飯煮黃梁家夢歸一老
白頭倚闕望輪蹄奔走是耶非

和王聖鏡參戎北道初春感興六首

四塞滯歸雁九河沈蟄龍幽州方改歲寒氣尙迎冬風割
慘行客馬咍憐老農有秋吾共飽野麥已丰茸北方牛少
常用馬耕
畏路適泱泱戒心忘苦甘長煙遲發軔夕霧早停驂罔兩
真黔識虬螭楚蜀語如何京邑近伏虎視眈眈

五塘詩草

卷四

五

相逢成一笑土偶著冠裳煤染巾韞黑塵封鬢鬢黃聞聲
人諦認辨色日滄涼馳逐緣底事愀然思故鄉
烽火問南詔山猶開早茶丹林勞遠夢玄朔望平沙大地
冰雪窖高臺歌舞家芳菲誰第一楊柳替梅花

海國氛祲惡

王畿義勇多剝心傷往事擊筑聽悲歌赤子皆嘗膽言矜
亦枕戈願乘溟渤凍徒步斫蛟鼉

萬邦朝

紫宸

天乙振威神甲洗銀潢水陽回黍谷春熊羆披曠土草
負暄臣詩獻太平好危言倚

至仁

渡滹沱河入正定府謁趙順平侯祠

常山南郭外春流綠沄沄車馬代舟楫岸沙如水雲傾城
奉菩薩破廟拜將軍傍晚催津渡深情只爲君

定州

山遠地橫臥塵高天直升青生烟縷縷白露塔層層旅館
談風月關城感廢興幸哉雪浪石千載有名稱

望都

二月風消凍康村物色新雞鷄惟戀乳老樹不榮春泉水
滋田畝沙糜飽路人都山何處望懷古爲沾巾

楊忠愍公故里

五塘詩草

卷四

五

白河春半飛楊花河上車馬聲喧譁行人憑軾望祠墓知
是嶽山員外家椒山一身負斗膽櫻絲持鬚靡不敢世宗
戮辱皆公輩闖賊未生國已斬

皇朝四輔無巨姦諫臣死罪惟成邊載觀

皇祖旌忠錄

有道神殊傳萬年

下第出都二首

百郡山川供嘯咏二親存歿望科名高巖深谷烟霞氣啼
鳥落花風雨聲大塊文章真富貴雲臺事業讓公卿笑囊
古錦非宮錦自有萊衣娛所生

國家願得忠孝人松柏亦爲桃李顏冀北空羣拔雋乘江

東昭諫放還山皇媯影送雲霄外太行山本名皇母一名

女媯見十道山川考

麥蚩聲迎槐柳閒寄語黃金臺上客經綸努力濟時艱

賣店鎮

到此依然燈菜羹出京百里記初程僕夫亦戀燕山酒步

步回頭望

鳳城

保定府

麥隴浩若水黍苗高過人風揚百卉色雨抑六街塵比屋

樂清晏單車嘗苦辛心心念鄉里多壘長荒榛

殷太師墓

佞臣不斬尙方劍忠臣請從龍比游太師剖心忠第一青

五塘詩草

卷四

三

雲附驥多名流崢嶸豕峙汲縣北近代猶聞陳祐修尼山

題碣如吳季仁褒殷有高春秋首陽之仁同而異封墓早

絕食粟羞周王顯忠紹烈祖興國能解亡國憂銅盤銘詞

意且厚坏土長爲商家留太師骨朽心未死七竅精光騰

九幽上爲日星下河嶽靈草異木蟠故邱柏林森然鍊石

化攢柯氣壓千梧楸乾坤枝柱霜雪盛風雨嘯嗥神鬼愁

貞廉感奮接踵至韓義高浚皆朋儔李集沈水笑癡漢師

經琴怒撞君旒巉巉進圖笑怒免宋徽痼疾何時瘳登墳

遠望思協帝願爲良臣贊天休

許文正公祠二首

一統天心屬大元魯齋安得不爲臣斯文未喪亦左衽何

况祖宗皆北人

顏子筆瓢陋巷賢曾聞負郭有良田偽儒高論恆欺世肯

道治生爲學先

臥羊山謁黃文節公祠因懷歐陽潤生明府并序

葉縣城北十五里有臥羊山山巔有黃文節公祠公之鄉

人前邑宰彭澤歐陽潤生霖所改建也山多怪石縱橫偃

臥類羣羊文節公作尉時來游題筆大石上今可識者二

十有九字葉人祠公於山之麓歲久傾圮歐陽君宰茲邑

始興復之移祠山巔爲屋覆題筆石復以公奉勅所書幽

蘭賦拓本十二幅摹而勒碑左廊下祠右山石最高俯臨

澗水就其石爲方亭一祠後亦因石作基爲曲臺數楹盡

五塘詩草

朱四

古

一山之有石處繚以垣墻增植松檜楊槐地稱其人遂成

勝境夫天下名賢遺迹如文節此石者何限守土之官往

往識陋才劣不能表章潤色風世勵俗君之此舉可謂加

人一等矣君既移宰河內葉人立去思碑又稱其爲漢逸

民高文通建祠石門山予未暇往觀獨謁文節祠兩有所

慕乃賦此詩

我疑皇初平變姓黃豫章

初平姓皇氏後訛爲黃

折筮佐葉令牧民

如牧羊牧人歸去白雲鄉羊化爲石眠高岡山中留題手

跡在揚摧千載來歐陽爾石惟三百一一纏草棘就中一

石材瓌特二十九字傳心畫覆以精廬崇以祠幽蘭掩映

光炬赫水有亭兮月有臺靈之游兮傳侶借晁張太息坡

仙笑後進歐陽賢且才惟君與公同井里同官更著雙鳧

履辨香爲民兼爲己兩極妙墨見根柢予始見君堂上一聯云民事只如家

事治在官須想去官時及請祠復見君楹聯云公是第一流人詩開宗派書擅名家直筆作權姦大節足光北宋我

生在千載下宜其方隅居同井里崇祠昭辟蠻蠻香如爲南豐題筆石云遺墨偶然留片石名山從此屬先生石亭

吐有如此水心心印儘可當風面而來我謁豫章祠喜君

能起衰醞醞醞味未飲心先醉文章有道交有神愛古

人亦愛今人詩成無由寄梅尉願寄花縣潘安仁

南陽武侯祠

南陽西郊諸葛廟香火緣多無日間欲識先生棲隱處襄

州更訪臥龍山

新野雨夜

五塘詩草

卷四

五

棘口濃雲合不知陽景斜呼羣原上鳥弄影水邊花兄弟

思樊重輝娟感娶華瀟瀟風雨夜孤客在天涯

夏日過襄陽訪劉表臺景物皆有秋意

春鳩化不盡長夏野鷹來熱客感秋氣晴天登古臺黃衰

楊葉落紅艷蓼花開燕子家何處游波且未回

隆中山訪諸葛草廬歸而有作三首

魯聖不生鄒賢死秦漢而降無人矣南人家世居邊鄙眼

中惟見諸葛子諸葛漢季懷奇才淡靜兩言眾妙該深山

大澤養龍德通靈變化誰能測龐馬徐崔盡良友阿承醜

女奉箕帚道業精進忽自得藩籬井竈皆繩墨古人學問

自有真後人門戶徒紛紛先生抱道如伊呂講學更無書

可舉傳道惟心不惟書先生心書迹亦粗傳心惟人非凡

夫王昭遠輩何益乎吾儕自命爲聖徒文事或有武備無

明朝河南尋鳳雛導訪先生習陣圖

襄陽城西訪隆中山在城西四十里舊傳在北又云三十里皆妄言也使君往路將

毋同越陌度阡四十里流覽愛賞桃源風山色溪光青且

綠人家煙火斷還續稻畦歷落帶荷塘柳村高下綴茅屋

廣德寺外多嘉樹疑是先生抱膝處門垂碧梧繼烏犍牧

人目笑知客誤隆中隆然圓露巔舉鞭遙指蒼雲邊林深

谷幽勝廣德先生卜宅居其間祖龍偃仰孫龍護龍寶伏

案首回顧地形隱具魚水情何物虜王敢營墓明有親藩

庭所萬古乾坤一草廬大星雖隕神靈扶當年儲材知幾

許治國治軍皆裕如惜哉九原不可作真道無緣授方畧

夕陽留影送歸客避暑臺前雙淚落

龍挂樂山動雷雨炎氛蕩滌人喜舞雨晴田父相告語先

生賜扇有白羽時有行路遺羽扇者農人持以贈予且言神所賜也乃拜而受之我聞鎮

巒鑄銅鼓定戎靖塞制連弩章武劍授李方古箭袖鎧界

殷孝祖此物招涼卻煩暑諒非先生意期許眼底江山猶

漢土中原誰禦外夷侮安得十萬眾連營神師教戰操扇

行羣妖遶迓來四溟白羽一麾虓虎鳴願榮謝艾出奇兵

法和反風飛火星焚虜門艦犁其庭篋蒲告祥天下平神

意若斯聞者驚大材難用憤填膺邛山重變毫毛輕終與

葛巾垂令名攜持返國揚仁聲急峽危灘塗所經畫水而

波忍成雲布帆無恙避昆明再拜受賜辭先生苟全性命
宜婦耕

晚次二神廟

斜照定風色碧天雲四垂濁流變蒼翠薄浸漣漪江海
浮家好舟車息駕遲老農高岸住閒倚豆花籬

夏日漢江舟行將抵沙洋北風大作連雨三日感而

賦此

江靜忽波瀾北風生夏寒狂吹留客雨淨洗腐儒酸時事
多遷變文章豈治安輕舟宜放浪卻恨少漁竿

舟中見螢火

蓮村蟬噪情殊厭夾岸螢飛意轉親重露分光粘草樹清

五塘詩草

卷四

七

流照影認星辰詩吟杜老得舟子高師文大茂龍賦擬賓
誦工部螢火詩

王慙士人昔遺家難管擬
駱丞螢火賦黃卷卅年曾作伴青衫萬里暗

傷神

晚渡長湖泊雙柳潭

百里鱗淪藻鳧水三秋莽蕩蘆鴻天東雲作暝碧漪暗西
日返晨紅浪鮮兀兀遙帆聳高塔紛紛急棹鳴亂絃泊船
沾酒微雨後拄杖行吟雙柳邊

荆江晚行

疎林漏日影頽岸打波聲眾鳥歸何早孤舟晚更行山光
無遠近天色半陰晴引領望鄉國洲西新月明

宜都移舟

遠山積翠氣遠水浮紫瀾來路好風景移舟回眼看蛟龍
當畫臥鷹隼向空盤歸客如征雁南飛振羽翰

舟中晚望

宿雲覆四山清旦曉九天羲輪已昭晰龍氣猶蜿蜒巖巖
誰家住茅茨即地仙浮名誤游于江岸纜長牽

中元日宜昌作

來往夷陵地中元接上元春風留樹色秋水激城根萬室
冥燈出千船爆竹喧如逢掃墓日悽切憶家園

宜昌夜思

風細鱗魚舞波涼鷗鼠游客心江上笛天險峽中舟恍惚
還家樂分明問路愁孤燈人寂寂長夜思悠悠

五塘詩草

卷四

六

上峽

雷斧通三峽風門納萬艘極天聳厓斤終古瀉波濤山壓
秋旣重江春夜枕高輕舸初涉險牽挽十夫勞

尋山

尋山如求友淡交君子貴游目未躋攀淺嘗終少味

蝦蟆碚

峽屏月扇開抱水神龍睡噓吸有二穴左啟而右閉左穴
啣金蟆聊作弄珠戲土石皮瘁磊苔草衣蒼翠龍吐清沚
泉素練披炮背散垂口鼻閒下與江流會想當枯旱時焚
山烈火熾金蟆能請雨膏澤洽楚地功德分神龍帝賚青
紫貴從龍養肉芝仙道期萬歲慎勿厭卑濕奔月蝕老桂

南沱溪望南岸諸山

北峯猗劣南峯秀十幅生綃連嶂開崖半筠鼓點茅舍壁
閒白石皴蒼苔客心樂擬家移住山色佳忘灘響哀柔勝
四枝船一葉江行併入畫中來

黃牛灘

峽山東江水蓄怒峽盡欲洩快一吐蝨矢下射繩上懸萬
古行人當斷渡神禹導江路拗折揉水既馴任奔赴水高
地卑勢猶急天排石陣為禹助石與水鬥水留連遲之又
久悠然去造化機權人不識舟行滯釜心恐怖危者使平
亦天意平後忘險易如故何况得隴復望蜀貪程興謠怨
朝暮棹歌聲含悽懷聲眼注黃牛牛弗顧

五塘詩草

卷四

九

黃陵廟

在黃牛峽下廟祀峽神孔
明所建非湘中舜妃廟也

金蓮石馬兩銷沈汲井煎茶慰夙心却怪詩人多誤筆湘
妃淚灑禹王襟

屈溪

岸上有五塘子是
東湖歸州分界處

蘋影水風起石光山雨來危崖流涕泗驚浪立崔巍西埃
東湖隔南船北岸回清宵不能寐晴林下灘雷

屈溪南岸回望黃牛峽

屈溪夾岸山重重回望黃牛煙霧中黃牛與客結契久萬
里隔面今相逢春北秋南客奔走羽毛彫瘁憐霜鴻三年
一第恩子耳逍遙物外神明通巖阿有靈待知己千載下
更遭袁崧鳴琴賦詩致足樂豈必貶官來醉翁歸棹鴉軋

不少駐樹萱惟戀西日紅此別復成萬里隔含煙罩霧忽
開容高峽青蒼時天表眾峯僕附孫子從臨江送客情何
限願假百尺蒲帆風

昭君村四首 六言

長門羞買漢賦琵琶甘配胡琴冢上遙生青草人閒愛產
黃金

邛支藁街懸首昭君沙幕和親畫史能為良史陳湯並繪
麒麟

丹青已誤延壽氣誼不遭阿瞞贖歸重嫁董祀老死願抱
呼韓

然面鄰女慮淺甯胡閼氏意深香溪明水如鏡照見佳人
五塘詩草

卷四

九

赤心

歸州屈沱題清烈公祠二首

楚宗卿象殷王子志輕去就同生死論仁不遇魯司寇表
忠權憑漢太史當年汨羅沈片石度世登仙寓言耳首邱
忽欲躡屈沱游魂為變非常理魚腹還屍女嬃殉義烈復
見聶嬰姊祠後千齡瘞雙璧體完如故嗟怪偉

事詳學使
王公贈芳

修墓茫茫宇宙無不有呵壁問天意為此毀譽百端總塵
土精白一心絕泥滓風雅况爭日月光俎豆宜從孔孟祀
後儒基刻務排擠謂公露才而揚己若輩標榜道學名空
談性命比比是托足高門入孔廟貪饒妄食公所恥人生
大節重貞廉餒鬼甯憂若教氏午日弔屈遍問閭民行直

道差勝士拯溺徒知競渡樂湘纍抱痛入骨髓三泡灘激

怒浪飛祠前有灘曰三泡亡國之恨何時已

離騷言志繼詩體悟君改俗明大指上稱帝嚳下齊桓願

羅眾芳翦荆杞楚地縱橫達九野昔處膜外今腹裏三湘

七澤多豪傑惟

帝知人善任使高材運籌殄鯨鯢中次分符振綱紀禮蘭

沉芷布天下廣遂前畫非虛擬清烈公神遊故國安用招

魂歌些只瓦缶聲廢黃鐘鳴嫫母首伏西施起瘦貌忽肥

笑掀髯萬古牢愁空一洗卻願江灘路崎嶇步步峭函集

駭水祠前江水自金盤磧以上十里內凡十餘險灘人天

留絕險示傾覆瓊艘瑤楫敢矜侈賈生弔公吾賀公更望

五塘詩草

卷四

三

諸賢善始終南橋北枳且休問實庭百草搖東風

巴東題寇忠愍公祠

秋風亭上斜日懸作宰巴東想妙年將相始基學製錦漁

樵有夢感鈞天奇才漫比霍光陋知己難遣王旦賢野渡

橫舟人去後誰堪孤注寄澶淵

巫峽寄劉道鈞

裊裊綫懸天沈沈井穿地仰高帽爲落測深籌靡計坤輿

水載土積塊形包氣上愁江腸迴下問海眼閉誰能破隔

膜驟使合兩勢峽山溟漲通浮葉混茫際陰隱搗嘉客梯

山恣游戲君看巫峽長人苦隘巷真道里少百六峯巒多

十二雄猛雜熾妍怪變門新異真面巧自匿弄色故相媚

目飢咬霞紫心渴飲泉翠雲來千態生雨集萬靈萃豪俊

思聖哲昏蒙感精魅姑射耀雪膚漢皋鳴玉珮尋陟競舉

足邂逅失交臂一握笑緣怪九死畏途備紙船石罅行鷄

骨嶙穴寄巖頰頂欲壓湧吹魂屢悸風力出坎窞夢境驚

搖曳危機何忍蹈勝情吾善濟累卵得奇觀食贖未滿意

再輯祀孟涂題詩貽好事

峽中偶成

穩樁別開此天地舸艦各得一山川奇看水石多日幸清

聽猿揉無耳緣近日往來峽中皆不聞猿聲事有共聞輪獨見詩稱王

後愧虛前吾師秋圃留香草黃矩卿師督學川中時有蜀游草詩四卷誰解弓

衣織妙篇

五塘詩草

卷四

三

萬縣阻雨

颯颯復浙浙空江風雨聲魚龍皆得意蟲鳥自悲鳴水溢

嗟民病舟行滯客程奮飛還故國羽翼幾時生

萬縣江漲

萬州橋畔客萬慮搖心旌王鮪忽登樹侯波欲灌城船高

跨屋脊溪吼壓灘聲愁絕三日雨江流天地平

霽後遊西山尋魯池遂登觀中玉皇亭是日水消五尺許

晴日朝氣爽高亭圖畫開東巖戴珠斗南浦亞樓臺江水

速消長山雲遲去來魯池不易到蜀客莫生哀

游岑公洞二首

步步踏苔綠聲聲聞雨涼飛柯掃行徑懸瀑洒衣裳奇絕

虹垂棟蒼然龍臥牀虛堂來坐嘯人境接仙鄉

盡室愁瀟浪高真尚典型庚午大水湖中神像皆壞公像獨存井留丹液味

草闕紫芝靈農戶伴寥闕元關誰啟扇小人有母在延壽

乞復苓

岑公洞左有道觀曰不二宮遊洞後登此得句

拔地蒼石大掃天青竹高巖虛嵌香閣磴陡度飛猿流峙

鏡開日飄飄輪御尻圓輝近佳節携酒聽琅璈後二日中秋

三清洞

巖窟憑天造軒楹隨俗加簷龕雲簇柱厨溜乳團花垂蔓

蒼籐直蟠根老樹斜秋涼幽桂發香滿太清家

中秋夜萬縣舟中小飲月明復晦感賦二首

五塘詩草

卷四

幸

日落水煙生推蓬蟾兔明大江羅縠色高岸管絃聲勸酒

客相慰和歌蛩亂鳴樂鄉豈吾土淹泊總傷情

骨肉別經歲相思今夕深團圓不如月老稚最關心異地

人無恙同秋天忽陰遙遙四千里愁緒滿分襟

登高梁山懷次民太守次民時寓成都

手攜謝朓驚人句直上青雲萬仞梯長劍倚天炎景外怒

鵬垂翼大江西氣綿千里岷峩遠嶽峙上游吳楚低摩頂

題詩誰與和杜陵叟在浣花溪

萬縣瓦窰碛灘弔張燦庚張其政張自存三同年

八月連舟涉大水前後荷兔中溺死三張同死一劉生求

屍不得哭水涘時當仲秋江水大漲同行三舟併力牽挽前後舟皆上灘中一舟沈水劉同年本復

抱板得不死告官求三張屍踰月不獲痛哭而去我舟守候黃金島石露水平歸

思起篙師理楫聞覆舟青天霹靂魂魄禿丈夫雄飛恥雌

伏鴻鶴相隨適萬里欬然垂翅伍燕雀肉味作甘蛟龍喜

江潭薄命寄朝夕錦繡還家望阿嬭靈輒有母存且悲伯

道無兒今亡矣二張既往葬魚腹來者戒之慎行止子有

且有幼子自存有母無子餘二人亦各有子云

忠州山家

黃雪桂花樹綠雲甘蔗林峯巒挂屋角鷄犬臥牆陰草草

勞人歎悠悠行路心叩門名不識園客試呼尋

翹馬灘紀事

崖谷險在山入水忽移寘舟楫利涉水登山忽牽曳細愁

五塘詩草

卷四

幸

甯勝任拉夫况疲勦鳴鼓凡千椎進步每寸計灘頭崖陡

峭灘腹谷深遂高脊望難升圓暈眩欲墜人水合爭路往

來操急勢上逆阻下順湍悍猛騰沸春簸雜糠米齟齬伺

怪崇同舟面如土用武足無地飛沫斷因緣驚風掃論議

四體抱枯木雙眼黏弱系石脈萬鈞縋苞本一髮繫絕續

判死生刻晷抵百歲默禱雖吐言待盡已吞淚鄰舫平忽

比竝鉤纜各罵詈怒聲撼波濤喜色動指臂相牽陟危崖

永好索厚幣濟川伯助予救患天設備罔極恩何報自省

過能記作孽不汝殺詒穀為汝庇汝心稍盪瑕汝身未成

器執玉寢傲情臨淵俾惕厲翹馬逐處有慎旃毋慢易

晚泊游山

潭瑩風磨鏡路香花染衣疎黃月竹瘦濃翠雨松肥居有
林泉樂行知蓬梗非漂搖望孤艇留賞未成歸

鳳皇背灘水平石露狀與廣溪石火焰石皆奇古賞
之以詩

小泊羊肚溪沽酒犒舟子鼓楫復前進遂抵鳳皇背鳳兮

丹山來翔集蜀山趾長喙忽化石下垂江之浹陽侯怒觸

忤飛端斷行李我行水平時灘石露齒齒舟人憎石惡我

獨愛石美千片割玄雲結陣門江水石鋒堅且銳鏡背差

可擬片片穿洞穴水力勁如矢攢射萬春面鳳威不披靡

誠哉兩勅敵入眼輒驚喜憶昨度夔峽廣溪石瑰璋堂殿

包垣墉圖書積牀几橫縱疊焚工斜紋皴畫理巫峽火焰

五塘詩草

卷四

五

石光潤色深紫破塊直方大凹凸文隱起斑駁蝕葉蝸

螺蚪篆字疊疊百億羣波窟相礪砥真面無雷同造化藏

秘旨二美合鳳石三奇觀止矣鳳背世莫識鳥喙蒙醜詆

過灘洒墨雨慙顏快一洗

虎鬚灘寄甘思伯

昨日上翹馬幸續長命縷今旦渡虎鬚問名氣先沮江灘

萬千計恐懼難悉數寄身舟楫間工師無敢侮尅己務周

恤強顏供笑語虎兮正張牙眈眈視目怒借汝口中過白

衣慢搖櫓死生數有定非汝能為主吾行將汝鬚視虎直

如鼠此間利涉人游宦與服賈吾充觀國賓萬一登天府

報

國誓捐軀那復畏道阻賤名未甄錄私心已期許巧宦善

趨避乘危晒愚魯長歌猛虎行誰知志士苦八月鴻雁來

西風送寒雨孤飛聞叫羣感激意悽楚出險思石交緘情

寄源渚

游平都山走筆作歌

平都山蟠穹蒼籠雲影涵波光隱淪有陰王仙跡傳江鄉

附益更指麻姑洞陰王歲久訛冥王釋氏輪迴稱地獄變

相種種驚流俗儒冠具眼識正軌聖賢仙佛同一揆此山

上崇神武廟山祀關帝廟貌猶新下奉不波祠胡公名平表字不波

忠州判官乞師秦良玉用六千人敗奢安二酋十萬兵復

新都解成都圍奪二郡關會賊帥黑蓮頭進降樊龍遂克

重慶擢貴州布政使後討流寇至夔峽舟覆死蜀堂堂巴

五塘詩草

卷四

五

子都鎮撫兼扶持所嗟邑小江岸偏城市屢遷無定宅去

年灾水今年灾火仙耶佛耶袖手坐誰似吾滇賢判官慷

慨乞師救兵禍老子來登二仙樓松風設設鳴高秋長生

方平游何處基局消閒忘百慮麻姑談世事滄桑泡幻多

關胡抱忠義萬古真不磨傳說昇天乘箕尾韓禽閻羅敢

詆訶爲問平都羽化客金玉五穀分如何

涪州舟中得王聖鏡書卻寄

涪陵赤鯉來尺書投枕上開緘再三讀語意何似儻問我

經楚蜀江行日乘舫聞見新且異古賢許相抗我生喜游

覽古人肯多讓好奇如好貨居積勝呂相自入斷江峽罔

利左右望夔巫連稀歸怪變非一狀身佚得驚恐色駭多

沮喪堅持操弗改勇往神俱王山竦詩骨雄灘激酒膽壯
親物盡琦瑋懷古殊愴恨琵琶瑟王嫁魚腹悲屈葬哀傷
過伍胥發爲小海唱盛衰各有時乾坤本清曠追思懷襄
世江路苦塞向巨靈施巨刃破巖成屏障一綫通眾流東
下始濟放神姦化牛馬肝肺綴厓嶂仙鬼留棺匣藏書及
兵仗功能歸伯禹沒世民不忘民當昏墊日盈廷習拜颺
疇若勤疏黻俾父答咨訪如禹事君父至誠荷天貺草昧
贊經綸百工可開勦奉爲臣子師萬古高山仰吾游悟斯
理胼胝道足尙好奇實平淡真境除諸妄疾書報故人飛
鱗趁迴浪

重慶九日書感城內有巴蔓子墳

五塘詩草

卷四

七

紅日引瘦狗黃花謝索郎蜀天自多雨巴國無重陽倦繫
江頭纜閒登城北岡遠游感霜露高冢上牛羊

驢子碛地無稻梁以薯預爲糧

夜宿驢子碛飯菜皆山藥不到無米鄉焉知食穀樂

威甯道中二首

藥師行雨水波洶畢方叫風火雲涌百年矚瞰化川澤咸豐

開州苦淫雨東南沃野遂成巨浸隔歲市廛變邱壠去冬過州城郭如故旋爲苗匪所襲焚蕩廢墟矣

救軍糧顆紅當路編屋竹枝青滿家連日踏冰復踏雪不

知何處有梅花

夕次舊堡子地近黑夷常出劫掠

陰崖天地閉客路苦低迷黃草蔽深谷綠冰封小溪燈昏
風閃閃屋漏雨淒淒人影脫虎口雞聲催馬蹄

宣威道中

滇黔劃壇界一冬判寒熱畢節苦晝晦霏霏滿凌屑肩輿
渡赤水愁顏變愉悅連山霧披豁天宇鏡澄澈緒風漑且
燥緜日曝更烈昇夫渴欲死陰岡啖殘雪客子衣裘減身
輕若換骨來往忽周歲袍袴敝補綴笑看蝨處禪穿穴已
百結今夕宿炎方名湯沐爲爾設

行抵昆明後口占五絕句

乘篋度板橋入城亭午後歸作斗南人夜夜望北斗

山水發神智長謔聯短歌賦賦雖未遇所得亦已多

五塘詩草

卷四

夫

滇會比吳楚何如一墟落蟲沙恨已深往事問猿鶴
兒婦母心愁不歸母心憚臨郡方用兵八邑應征役
買舟游太華停棹滇海岸四體疲津梁且作渴睡漢

會城除日卽事書懷

除日嬾祭詩出游九龍池荷枯怨秋早柳衰得春遲春光
未到雪先到樹樹白花開老枝飄然一拂花亂舞萬象皆
象風亦奇堂上春暉且更始家門遙望隔山水嚙蝟何時
絲垂衣母子相逢顏色喜

五塘詩草卷四終

五塘詩草卷五

壬申

石屏 許印芳 麟篆

水車

田臥枯椽影山搖柔櫓聲遙從農舍過近識水車鳴轉注
窮江海傾輸洗甲兵家家務推挽息戰課春耕

秋千

將軍大樹小遊仙兒女英雄暫結緣弄玉飛瓊相保抱綠
珠紅線兩牽聯桑巔粉板飄花蝶柳下風輪送紙鳶鎮日
彈婚門輕健高槐影在夕陽邊

壬申歲岑中丞督師進南曲江驛勦賊歲暮賊平紀

五塘詩草

卷五

事二首

獅象山橫曲水流征南大帥統貔貅器之鐵漢經百鍊袍
罕金城慶九州鳴鼓地中神媪駭積屍月夜鬼雄愁夷凶
剪亂憑忠勇寶劍光芒射斗牛
南風聲死生氣無秋霜乘之拉朽枯跳梁小醜縛手足跋
扈將軍送頭顱虎幄片時得安枕馬革疇昔誓捐軀功成
回旆西征日雨雪霏霏又載塗

癸酉

岑中丞討平逆西聞捷有作三首

妙畧昔開珠琪等義旗今指櫟榆河鄉兵挺刃民輸粟稗
將觀書吏荷戈破膽名聞一范久攻心威積七擒多師行

預兆鳴梟勝祖道歡騰壯士歌

五里橋西萬竈屯兩關克後奏書頻杜會已敗窮追討楊
僕多勞善拊循蒙段地收卅七部槍格讀氣盡十三人點
蒼勒石須

宸翰一代高勳屬撫臣

公夢大士授以十三怪物圖像而如數誅逆酋事詳觀音塔碑記

振旅來歸落葉秋籌邊重上望京樓風雲慘淡看回鶻社

稷康榮問魯鳩吞漢曾聞駟力號徙戎誰用郭欽謀翰林

再獻平滇頌底事皋蘭戰未休

甘肅逆氣未靖

甲戌

贈李嵩屏司馬

名衍綬時署石屏州事

地如川省屏山縣官是唐家李惠登除暴疾施辟歷手燭

五塘詩草

卷五

姦明照水精燈羣陰息戰陽光現百廢圖興泰道升借寇
一年多美政願公持久戒無恆

卽事呈岑 宮保四首

皇帝垂清問封疆倚重臣萬安宜計畫三策遂敷陳肺腑
明良合風雷號令申嘉謀康四海豈獨利滇人

昭代中興業內修兼外攘克艱勤儉勵翼簡才良德化

涵諸夏兵威燁八荒西夷婦人耳蛾伏敢鳴張

猛雨滌塵垢快哉官路清屠沽削仕籍閭閻剗虛名戴雪

松杉茂披風桃李榮秋蓬根未翦猶望及春生

鏡面趙閱道秤心諸葛公無私萬幣革爲憲九州同舊國

行新政忠言記

聖聰廣儒觀治美永願保初終

光緒乙亥

題沈朗山觀察玉笙樓詩集二首

海濱釣鼈手奮迹起貲郎杖策西川路權鹽南詔壤節旄
資輔翼肝膽寄文章近有還鄉夢行吟浙水旁
翰墨皆長技平生癖好詩憲章崇子美聲望過仝期妙道
幾人識良工即我師公餘呈小草願為摘瑕疵

昆陽州作時乘鐸州城

市散燈光暗天寒水氣清斗城山半壁鴉鳥月三更從政
無官廨防邊少戍兵凋殘紛在眼劫火怨昆明滇自丙辰歲省城殺

同人妥福安壽所在漢回響應情忌殺戮而亂成矣

五塘詩草

卷五

三

丙子

卽事十八韻送岑宮保奉諱旋里

虞母嚮環日滇黔烽火紅苗民逞鵬悍回部負梟雄投筆
來定遠奮戈追世忠毛燦門辟歷心苦鑿蒼穹櫛耨山川
淨梯航道路通聲馳萬里外威震百蠻中南徵馴牙獸西
溟伏女戎老罷畏糴貉司馬頌兒童列郡室家比羣黎子
弟同嘉猷稟慈訓

恩命出

深宮冠帔方增秩栝樵忽告終領軍待光弼守

制許劉琪讀洪去住分俄頃安危繫眇躬人懷膏去苗雨天

動折標風開喪旬日署前左復見邪龍叛交卸後迤西兵變郡邑陷沒

彌彰臥虎功衰麻留豈得鞭鐙戀何窮渺渺三江水森森
八桂叢舌侯廬墓處有夢聽哀鴻

蛇蚤和沈朗山觀察

戊己日蕃衍丙丁夜猖狂趨才超蝶蛭健力分垺邨肉硬
皮黝滑背隆喙纖長軀幹拒杯細騰擲尺寸強惡淫恆避
雨就燥能做霜灰掃入深縫塵積滿閒房貓犬腹攢聚鬼
蟻蹤渺茫居下謀升上抱陰喜附陽嗟爾黑色兒困吾白
面郎候氣履旁躍窺身韋裡藏密穿袴襦隙暖襲襟帶香
辛螫勝芒刺癢搔變瘡瘍蠶蠶毒已痛鷹鷂飽不颺摸索
苦鬧昧結束咸開張討罪手窮技察形目溜光獮猴筋斗
翻蟾蜍捕逐忙南北視儵忽東西駭跳梁發兔脫走羶

五塘詩草

卷五

四

獲馬荒唐一瞬遁虛無百思除疾殃火攻蚊蠹滅湯沐蟻
蝨傷魏筆善逃死韓昭空追亡朋比有蚋蝮氛埃日飛揚
胃絀豈罍麗禁遏非芸苜探懷道既失問客術願良笛管
厚膠漆肌膚薄衣裳稠黏折其鼎輕揭取諸囊牙崩脆聞
響爪拍濇迸漿人巧奪鷓鴣土精殺獐羊僂儂垂大戒詠
言和嘉章

夢入會城訪次民觀察寤而寄詩

滇池望夔江迢遞三千里離羣欲會合縮地徒虛擬昨聞
扶母柩秋深返桑梓昆明小息勞親故雜悲喜巨橋詣苴
蘭廣川可杭葦樽酒後論文東芻先致禮良覲待騰候朔
吹挾雨起纏綿客阻程逡巡歲更始人日憶草堂燈夜結

花蕊忽著韓果翅飛渡西山趾寒光照冰雪溼氣侵衣履
越城尋寓廬導路有陳子又星君方理歸櫬我至迎倒屣
把臂雖破顏發口少悅耳首述杯圈痛窳窳未甯救次陳
杞國憂高厚誰依倚評騭及翰墨箴規即褒美丁卯集正
攜甲乙卷財啓晨鐘驚枕函明星射窗紙視色尙肅肅聽
音猶妮妮乖隔然疑作陂池長江比別九載相見限一衣
帶水遠期出意外渴奔入夢裏蝶夢應更續鵬雲又將徙
我夢爲君寄君夢知何似端時倘報書通波付雙鯉

丁丑

祖遍山園感舊四首

令威化鶴上揚州祖遍山園別館留一斗香醪成往事春

五塘詩草

五

風猶認讀書樓

芍藥當階桂樹圓月明人記倚闌干賣花聲裏鴛鴦被二
十年來鏡布寒

石鼎烹雲清士味銅瓶汲井美人心驚鴻照影千尺水何
似重泉離恨深

雙塔鈴聲愴客魂落紅滿徑閉閒門戎王花好離披甚孤
負東皇雨露恩

讀唐書百官志題後

唐置節度使與古藩翰同整齊文武憲邊境消逆萌叶考
績仲秋月詰戎貴戢戎銷兵考爲上足食考爲中邊功爲
下考意豈樂舉烽前賢韜智勇無叛歌杜翁唐將誅默啜

抑賞有宋公良帥推忠嗣四鎮統熊持重戒生事力諫
石堡攻萬命易一官未忍昧丹衷龔材不師古見利忘後
凶一爲貪心使禍機伏無窮誰許并五詔泥蚓變土龍誰
激蒙舍反征人化猿蟲當時重高勳上下巧彌縫朝廷獎
蠶食歸義且王封喪師猶獻捷夸飾信國忠禍始仲通昱
成之皆元宗遂令寇災患與唐相始終追思靈荃死聽德
恨弗聰聽哉漢宣帝不賞奉世功

次民觀察丹木先生令嗣也自號幼木題句贈之

吾州賢方伯近推朱槐里作宰江淮閒循卓聲日起積勞
遂分陝東阿遇知己

廷對舉異材文武裴令比

咸豐初東阿周文中公再起督師勦辦粵匪陸見時保薦先

五塘詩草

卷五

六

生有文武兼資之日懷才未盡展開骨黃泉裏中外咸悼心孤寒且
流涕公當寢疾時鄉枌情疊疊玉屏建書院講習培佳士
師弟謀所需義田已經理人琴嗟兩亡中道事遽止鬱鬱
鍾秀峯濫濫異湖水蕙蘭纒佩長柏桂柱梁偉前賢首樹
滋後賢爲此尾况乃先丹木鳳毛濟其美襲號非偶然明
發有懷每向若吾驚歎學海深無底裨海環大瀛更看萬
流匯

昆明西山聯句

蔡元燮 許印芳 朱在勤 黃慶咸

滇亂經廿年兵塵滿三迤蔡山色黯碧雞川容愁蒼兕朱
誰與挽狂瀾天幸剗戎壘許閭井猶蕭條邱壑自清美黃
佳興引向禽同舟附郭李許鼓楫犯霜行披衣趁霞起朱

太華近攀陟文殊遙竦峙蔡幽秀惜非舊荒穢難理黃

禪樓長荆棘寶相泥滓朱髮鏡范軒頽金輝楊碑圮蔡

密竹織畫茅濃露溼午晷許蟠嶺松寥落騰峯石怪偉黃

展登羅漢巖肩杖叩美人峯齒許上征路已窮旁睨戶忽

啓黃鬼工敲青崖靈液流綠髓蔡掬泓快洗眼窺寶枕懸

趾朱扶伏股屢戰邁往氣不餒蔡巨顛踏鯨鯨修腹剖蛇

虺許入甕鷹鳴牛穿穴出旋蟻黃仙躡凌縹緲佛光散紅

紫朱精神重霄閒泡影昆池裡黃鳥背低千尺魚鱗大百

里許巖動雲眩目屋震波駭耳蔡龍門達天關層樓幻海

市朱趙昇桃掛壁吳猛扇截水蔡塔骨久解脫洞宮實創

始黃松喬壽何長戈戟恨未已許來游詎忘悲超曠差可

五塘詩草

卷五

七

喜朱為題冰雪句庶滿林澗恥蔡

峩眉山歌送朱幼木觀察入蜀

置酒五華館送君赴西蜀此行豈愛官戀戀峩眉綠峩眉

高蟠參井閒虎豹迹絕草木香聞鬱儀引日精結璘致月

神義媯鬼谷並棲息是為虛陵秦妙之洞天授道臺名自

皇人皇人歷今幾何年但見開辟來層冰磈磈積雪皚皚

四時凝寒白不化萬古斷盡塵土緣山中眷屬師普賢孔

老圓通而兼師呂仙三教枝分本一貫正如三峩連根時

天半我聞得綏山一桃雖不能仙亦足以豪况君學道悟

丹訣丹華始萌芽積累懋功德鄉里昔用兵保境抗回紇

解圍响町杖尺筆轉饒成都憑寸舌幕府酬勲漫假輶軒

使遠游乘蹻惟冀殊廷客故鄉非無山雞足纏荆棘蜀山

故多奇藝頤池裙屐獨喜峩眉秀卜鄰將買宅超然曳策

登勝峯佛光涌現龜雲中鼉飛鳥鳴意極樂大千忽起毗

嵐風兜羅綿碎金輪沒梁星皎皎日邊出日邊望九域灾

氣黑白赤苦旱兮苦潦有螟兮有蝻豺狼飲血坐草莽鯨

鯢吐浪立溟渤可憐萬民命付西王母禱灾灾不除菩薩

呼在口普賢願海空自深活國還杖屠龍手勸君養性勿

更傲楚狂勸君煉藥勿更乞雄黃但得斬蛟如趙昱江衢

砥平無翻覆殺牛如李冰農田百億水利興峩眉真人騎

驢笑撫掌字書福壽峩石上赫赫會宗堂重觀般若光帝

頒十賚文碧落迎侍郎三千行滿拜錫命秩尊甯讓旌陽

五塘詩草

卷五

八

令我亦嘗誦浮屠經人惟二親神最靈世閒何地得遇孝

弟王孝道不傳法不行峩眉山月照江水雙情交映亦如

此他年飽食朱仲李從君好尋偃月子

為陳蘭卿太守題陳沅比邱尼像四首

五華秋色滿梧宮太息名花落溷中入道學仙還學佛晚

香應媯柳河東

望夫曾唱懊儂歌雁斷衡陽恨若何賤妾報恩甘一死可

憐人世負恩多

京娘有墓伴真娘虎阜春游憶故鄉萬里羈魂歸不得商

山荒草况茫茫沅墓在會城北郊商山下蕪沒久矣

禪心已定章臺柳綺語猶傳李季蘭觀像題詩來和否德

星聚處想驂鸞沉歿後嘗於會城降乩作詩士大夫和之鑲板以傳名曰高山鸞影

效老杜題終明府水樓體寄題醴陵吳稱三廣文石

筍山房石筍山在劉陽醴陵分界處其石有二吳名德裏辛酉拔貢生官城步縣教諭兄弟

八人家此山下藏書甚富

南楚山抽雙石筍延陵先生此結廬天根不假蜀丁力家

寶惟藏秦西書荀龍矯矯頭角露袁豹斑斑文采舒爲君

題句神森竦卓筆峯高懷故居吾州南鄉有卓筆峯亦石筍類也

戊寅

梅味山將歸長洲索詩贈隔句韻二言一篇

東風吹花阿儂思家閭門道遠夢魂先返盪漿吳淞策杖

雞籠月露溼屐鄉路歷歷望衡疾走門迎老柳徘徊柳陰

主塘詩草

九

門開應心拜母入室男婦喜溢仁賓滿口伏靈滿手久客

真雲殺核奉親犬齧吠主兒髻認父翦韭蔬園沽酒稻村

李姬治饌孟妻舉案蘭閨燈昏鳴雞驚魂塗人夸美浮言

在耳南荒鑿穴五方采掇越禽歸巢漱金臺高

和劉仲鴻觀察五月十二日喜雨并序

戊寅芒種後六日滇省大獲嘉澍仲鴻賦喜雨詩落句云

安得崇朝徧天下八方無旱慶豐穰比年水旱風蝗之災

流行寓內山東西河南北饑饉薦臻被災尤甚楚南粵西

蜀滇黔歲幸無恙君之詩喜一隅而憂天下可謂先得我

心爰繼其聲衍其意不復賡韻云

磨刀神挽河漢流汎灑應須遍九州今世帝以五月十三日祭關帝廟是日前

後輒有大雨俗謂之關帝磨刀雨充冀淚枯尤望歲滇黔澤洽敢忘憂桑

林素禱皇天鑒玉燭均調國相謀五日一風十日雨甘膏

豈獨潤遐源

劉仲鴻觀察招飲會城九龍池南施氏少白樓卽景

有作

石積陟山走怒蚪水藏龍窟戲輕儵菰蒲雨暗僧歸寺楊

柳風疎客倚樓城市偏饒巖壑趣鄉閭雅好藝文游當筵

景盡情無盡心在江湖萬里舟池水淺滯不可行舟

酬朱筱園明經庭珍二首并序

石屏朱氏多材咸豐以來若曾廣文庭碩幼木觀察在勤

馥軒刺史庭桂皆能詩筱園明經其族弟也同輩中君年

五塘詩草

卷五

十

最少而資性警敏於詩尤好之篤而習之專蓋三十年於

茲矣若曾既下世幼木馥軒並宦蜀土君常擬從二兄游

冀得江山之助以發其蘊蓄意甚善也頃東予詩有歸隱

著書之言予竊不謂然爰賦二律答之

廢書華歆非君友天年龔勝非我徒鄉邦昔陷豺虎窟君

我幸全金玉軀魚戲芙蓉泛綠水馬餐苜蓿眠青芻蕭閒

天與述作分不待歸尋漁隱圖君嘗作異湖漁隱圖以寄意

君家壘篋好兄弟好夢總落春塘邊文章夙知法祖瑩爪

睛深戒矜魯連搜句冥心出宇宙盪胸奇氣來雲煙何當

聯騎訪二妙浩歌共踏峩眉巔

官俸既復東諸僚友

朝廷官賢才祿俸準爵位輕重別九品意實獎士類軍興
帑藏虛折減助經費軍罷各復舊章雜爲等輩教員仍折
減雜職已蒙惠旁觀爲檢腕當局口籍閉鄙性愚且蕪奮
舌發論議陳請約僚友首領先畏避吾宗心竹叟年老願
曉事連舟浮宦海波濤渺無際冠山學巨齋破浪乘風逝
竿牘達行省周洽雨滂沛朱提銀五流全頒始今歲丁丑歲試
予在昆陽學任赴省送考約同人會稟請復官俸雲府教
授蔡君晉華恐觸忤上臺不署名予族子東川教授懷綸
亦在省送考署名上稟旋報可緬惟古君子仕以行道義
自今戊寅春季始全發實錄

五塘詩草

卷五

五

月更考季休暇能幾日何乃自欺蔽有事不事事猥稱閒
冷吏少祿坐虛糜多祿彌增愧衰病猶依戀厚顏遭罵詈
所宜號樓流院合名養濟儒九伍丐十五經真掃地丈夫
雄心奮自愛肯暴棄強仕勉盡職七十當引退雪茲素食
恥爲

國畜大器他年看

廟堂松柏參天翠

瓦松

承雷苦發草露滋還吐葩寸莖千丈氣老屋四檐花根古

漢當在身榮秦號加生男亦弄女新莽大夫家

己卯

咏水仙花 并序

予雅不喜集句體惡其得摭鉅釘失古人制作本意且公
然勦襲類乎白晝攫金者所爲後生效之必將汨沒性靈
終身不振門下士有集句咏水仙花者因拈杜黃句戒之
青瓷養苗貯女史白石修道從先生族分南海萬本盛凍
解東風千葉榮秋水爲神玉爲骨山礬是弟梅是兄詩流
集句慣偷語雅客盧胡聞笑聲三柳軒雜識水仙爲雅客

五華興文祠神絃曲 并序

昆明五華山麓西林學舍者滇省總書院也院門左即閣
人室中祀興文土地神人神雜居嬾神久矣室之素潔廁
踰匪室之門尺有咫即滿溝穢穢彌甚而兵火後書院雖

五塘詩草

卷五

五

已修舉廢墜闕事猶多光緒丁丑予由昆陽州學調管監
院請命上臺修補一切有應復其舊者購置書籍重鑄藏
書樓扁聯講堂楹聯是有應增新者加廣學舍製菴牀凳
及大門二門楹聯是而舍舊謀新惟遷土地神祠尤急務
爰擇東園正屋爲興文祠乞趙秀升山長書額以正其名
莊嚴神像遷新屋中工既竣擬迎官送神詩祭告時歌之
以滌汙染迓休祥焉

桐木雲兮花葩天神降兮五華盛張叔先兮許淑尹珍

作後可講院兮四賢副瞻昔卑樓兮門之左良時遷喬兮

乘震安宣威脯兮鶴應觴蒙瓊肥兮元檳香酒初獻兮神

解穢亞獻三獻兮既甯且醉顏丹熏薰兮鬢雪皤皤朱衣

粲粲兮烏帽窳我惟土有財兮神爲宰叶安敢博愛兮養
多士庇廣廈兮聯匡牀墳典富兮楹楹光導我父兄兮教
子弟開我奧突兮益智慧祖舜堯兮師孔周勿起臭兮作
神羞薰紘靜兮濯汶霽遠心搖搖兮神反旆天貺節兮靈
既甄敷文奕世兮振滇人

風木吟 并序

五華講堂右有柏一株暴風忽折巨枝吹落監院署中予
方侍 母疾懼而賦此以代籲請

山齋日午弦誦停一鳥鳴花音獨清古柏亭亭正且直狂
森忽作摧拉聲樹欲靜兮風不息折虬枝兮長七尺北堂
臥疴兒侍疾見此魂驚淚暗滴夜闌默禱心香焚吳蒼降

五塘詩草

卷五

三

鑿蟻蝨臣熒惑灾可移他人折木有禍禍兒身此三月事也至九月

母疾不可爲
在嗚乎痛哉

庚辰 持服

辛巳 持服

壬午

聞沈朗山觀察奉委防邊感賦

乞骸骨不許嘔肺肝不死天留公何爲備禦洋鬼子鬼兵
喋血越南國界連雲省懼侵軼禮社梨花達富良沿江屯
戍皆瘴鄉十八年更漢回亂財殫力痛益畏憚豈知雲省
多驍雄謀帥羣舉蒼頭公惟公材畧兼文武緒餘爲詩亦
千古文能附眾武威敵詩語能治瘡母疾垂老但識忠義

字身世浮漚况名利一寸心是一寸鍊鑄刃鑄鐵靖妖孽
爾日分巡普洱府伏弩射殺十九虎山靈効順人驚奇更
看入海剽蛟螭籌邊命公實天意惜公位非節度使軍中
韓范今有人薦賢誰繼王堯臣

次韻奉酬沈朗山觀察三首

疆圉浮言糾亂絲公來足慰士民思菘施泣雨甘滌穢篠
簞吟風爭學詩物望所歸爲大老古人常恨不同時誰將
頗收醇兵意說與漢家

天子知

謀

國身如蠶歐絲中心軋軋日抽思震雷離火晨飛檄北斗

五塘詩草

卷五

四

南箕夜咏詩覆轍鑑懸推轂際逆萌機斷植根時經綸微

指寓文字鏤板宜教震海知時勸公刻詩集

久染丹青變素絲備員門下佐論思安邊幾輩工畫策言

志匹夫惟貢詩驥尾鞭揚千里外雞聲劍舞五更時比蹤

英傑徒虛語孤負當年國士知

卽事疊韻呈沈朗山觀察

繡像平原競買絲熱官非願早能思馬軍餽餉甯關酒麟
閣功名不重詩山斗譽隆瞻近日珠犀謗弭凱歸時但聞
客有劉三復始信主真楊四知

朱旗沖山寺

綫路穿石壁樓閣倚天半人間苦見多仙佛坐飽看

晨登桃花嶺望雲海作

花露浣初日乾坤明且清登巖俯絕壑純白浮大瀛雲走蛟龍氣天開金玉城徘徊孤石上啼鳥兩三聲

登乾陽山感懷

日蒸雨後山川氣風攪樹端江海聲濶達高天圍四野茫茫遠水浸孤城魚頭變恐歷陽陷龍腹散應神禹生登覽

輒思經國手恨渠有志事無成石屏異龍湖自明萬曆時淫雨汎濫湖口淤塞淹沒

民田萬餘頃我朝乾隆年間邑紳賽君璵相度形勢盡青魚灣山洞以洩水洞將瀾而貫竭事乃中止同治中李公遷秩去王公病卒其事又寢湖水之勢愈大矣

二言詩送王聖鏡入楚時聖鏡將與貴族議婚

秋鴻毛豐長空順風行旅得所沅渚湘浦洞庭月明彈箏

五塘詩草

卷五

五

吹笙龍女歌舞龍姥笑語龍君乘雲御天觀民浸漸入坎

汎濫磨戾九州浮漚蛟魚叶敖游鱗介曷害鯨大可膾炙

將純陽過剛摧芒鳴鶴射湖海濤嶽高烈士感涕執義摩

厲城心堅金口箝伴瘠肝膽鑄劍血染花豔陸兮斷犀水

兮割鯢南楚淨土擇主水府風胡吹噓湛盧與俱佳對可

意贅塔華毅謂柳子華及柳毅也舊姻柳門新婚汝聯珠玉物屋屬

目饜腹龍窩寶多太阿奈何用而城廛舍而缺歸

豐孝女思僊詩

長沙豐氏女孝行出天性父疾以身代祈禱冀靈應皇穹

鑒厥誠修短數已定女生當字人從夫習溫清女心戀所

生未忍事異姓身既非嗣續毀滅亦非病父死從之死一

慟送絕命聞者悉驚歎鄉評達

廷評評并去聲薄俗棄父母流極成梟獍

朝議旌孝女呼夢使知醒昔賢殉親死曹娥名最盛李氏

有女宗姚氏有女勝豐女位其間彤史光相映我之幼婦

辭頌德惟歌咏事父思未能凡百其敬聽

臨安寓廬久爲他姓所踞今春入郡過門不入口占

一絕

永甯街北舊家園燕子飛飛不入門牆內植根牆外影一

株銀杏最銷魂

過圓園作

楊柳東西蔭碧津樓臺近水四時新百花深處調絲管不

五塘詩草

卷五

六

是圓園舊主人

借張竹軒辨琴北上初發會城宿板橋作

青青冬嶺松黃黃秋亭柳綴行候道旁客子方北走張子

羨英妙許子慙老醜策驥赴燕臺駑駘尾其後板橋第一

程猶飲故鄉酒寒原履霜露遙天戴星斗回首萬家山先

塋仲弟守伯兄有遠行相依得良友向風焚尺書地下報

父母

平彝曉發過石龍亭題句

曙光催客出平彝勝境坊前路不迷苔綠塵紅分溼燥滇

風黔雨認狡狴石龍亭外有滇南勝境坊滇黔分界處也世傳雨師好黔風伯好滇故滇多風黔多

苔綠向滇者積風而屋紅云四方志驗弦發矢八極奮思

身躡梯石上臥龍心轉否普天望澤潤蒸黎

拉邦坡

拉邦坡路長氣候兼寒暑曲折走之字蠕蠕民累黍勞劇
耳鳴蟬內熱蒸汗雨絕頂度鏡關造天快輕舉風刀忽割
面寒噤不得語遙山懸畫屏向人作媚斌甯知拄杖翁牛
喘方叫苦

白水河觀瀑寄劉山民

四山暗黃塵素練忽飛來平地開巖壑注瀑何奇哉亂泉
發北方漱石數百里路穿五孔橋匯澤變懸水崩崖抱靈
潭龍蛇此窟穴厓水春潭曰萬雷噴冰雪雨絲帶烟縹霧
穀罩露珠升騰且汎灑道上衣履濡千子口中乳落潭化

五塘詩草

卷五

七

碧玉苔髮滑潤新盤古手未觸鯨鐘鼙鼓鳴愛綠不敢唾
枝流走阡陌琴筑遙相和灌田白粲肥餉客咸加食書之
貽臥游俯察勿仰觀

趙剛節公德光祠

夷虜猖狂日一身肝膽披祠留蘆荻哨千載使人思

貴筑感懷

地愁漏天雨晴喜黃河清訪友飛山廟周游內外城南京

聚珠玉普定萃簪纓南京等街商賈輻湊普定街冠蓋相望號為極盛撫景思鄉

里空傳金馬名

牟珠洞

一注檉牟尼萬態懸石乳白通十丈光黑入都勻府

自大風洞至黃平州作

北風晨夕號入腹凍肝肺風洞雖云奇往觀興已敗曉行
辨南北陽光隱雷霹零雨且滑道蹉跌凡數輩午過重安
江水色綠染黛鎖索度行人天忽開草昧日出黃絲襖勝
入暖寒會暮抵羅仲塘山靈萌故態烟雲惟無足飛走無
障礙馳驟滿陵谷龍身善韜晦道眼觀分明有寶不能愛
小山蜿蜒來大山左右衛百折始結穴玉案突起對包以
五里城形勢此為最亂餘戶口殘城市多京地怛然念邦
本俯仰發長喟

鎮遠府

城守滇黔戶岸分文武衙探春西峽好誰與醉流霞

五塘詩草

卷五

六

癸未

黔陽道中雜詩五首

響水灣頭路林藏臺榭新臨江有游女疑是漢皋人

遙原草青青點綴綿羊子近視仰天笑全白遼東豕

鷓鴣懶銜魚漁叟日瞋喝得魚味已變惡聲况喧聒

丈夫既落魄未肯作傭保淘沙冀得金沙多金麩少

誰寫冰心句芙蓉樓更高直令小兒輩盡識王龍標縣故

地道光辛巳邑宰某公於江邊建龍標書院構芙蓉樓書王少伯送辛大詩自是而童稚亦知有王龍標矣

清浪灘

危灘四十里門水石齒齟江白黏天浪巖紅照日花潛吹

防毒應利涉集神鴉鎮撫歸新息雄名萬古誇土人呼馬新息為伏

波王廟日
伏波宮

青草湖

葭葦出深淺鷺鷥來後先風消屈潭水雲引滄湖船人影
畫長岸雁行書遠天崩山青在目早泊苦樓邊

登岳陽樓望洞庭湖遇大雪作歌

岳陽高樓何地無何地更有八百里洪湖尾閭雖大牛後
耳那得郡邑聚落面面環繞魚龍居天生楚水貫中區九
州渚亦九州都衡嶽瀟湘水火濟文明善讀墳典書鸞熊
羣師顯周謨文王我師傅魯儒春秋惡氛問九鼎後代九
鼎還賴楚材扶吾滇開國亦楚境莊躡留王非虛誣多山
少水文不足一滴珍如甘露珠願從柳毅乞升斗分溉三

五塘詩草

卷五

无

迤回彫枯龍君躋我言告天求委輸天公喜且笑瑤臺召
仙姝明河翦浪風四灑水精霞散銀雲鋪憑高下視白浩
浩世界收入濯魄之冰壺洞庭紫波望模糊但見雲夢瓊
田開拓億萬頃戶擁瓊璫家璠璣青空傳天語忍凍呼吾
徒陽春且罷唱水曲屏蠻奴君山酒美勸客沽酒酣舞劍
膽氣羸有蛟能斬蛇能屠羿飛好戲嗤匹夫秀才憂樂肩
天下南北渾忘畦眈眈胸中武庫淨坊穢奚止揆文膏澤
濡漁師結網心盈車臨淵觀釣胡爲乎鏡光忽驚雪在鬢
伏櫪老矣滇池駒

漢上感事

火輪行外洋忽入漢東鄉錢鎖橫江海當年患早防

火輪船

精鍊造船夾巨木船輪然火輪轉軸火力運輪輪翻水水
力送船疾於矢更聞鑄鍊路平砥火車日行數千里君不
見揚太輪船行若飛中國之盜亦能爲又不見奇肱飛車
來中華華人破車能造車三皇以至諸葛相神物前民皆
可劫魯班木鳶究何裨紙鳶一例兒童嬉軒轅指南雖有
濟偶然應變非常器有機事者有機心丈人名言傳漢陰
何況日用飲食民之質肯作無益害有益但看火輪走漢
江廢閒多少黃頭郎

泛海

火輪碾巨海波濤晝夜翻萬鈞送鍊船瞬息達海門四望

五塘詩草

卷五

无

極浩森有山若無山火筒吐黑烟天半長繩牽白鷗喜依
人來往恆翩翩奈何鱗介族結隊游中原君看黃龍變鯨
噴妖霧昏安得金翅鳥扇海取龍吞

曉望六言

混沌白光爛銀光中惟知有身雙鳥忽穿雲洞六龍高捧
日輪山河煙淨纖翳道路風生暗塵何處反吾初服孤舟
雪後垂綸

都門觀劇

胡琴聲粗阮聲細磨絃滾撥鳴瀨瀨楚黃高調摩胡雲燕
趙悲歌同慷慨二夔珠喉何處尋長庚追摹猶動心卻怪
西人弄羌笛愛聽胡亥啼兒音

酬楊仲芸 詩文

君擬趙壹詩戢翼嗟鳳笈吾感莊周語涸鮒思江湖京師
萬人海貌親情每疎同病相憐惜肝鬲非肌膚疇昔懷壯
志謀猷應時需登天藉階梯彼蒼悒區區曝頤并綴羽襟
抱何由攄故鄉彩雲閒南歸駕輕車名山有盛業不負七
尺軀心源傍洙泗流分韓與朱 謂兩文公 立言媿德功萬古神
鼎扶通塞與用舍一霎風雨如文場小失意較計豈丈夫
還將元叔語勸君兼勸吾且各守素分勿復空馳驅

聽人彈琵琶

圓月滿懷風滿手冰雹乍飛雷乍吼妙彈薄媚壓眾工鳳
尾低摧况龍首新聲競賞鬱輪袍穩騎大鵬游九霄回睨

五塘詩草

卷五

三

鳴琴賈子午絃忘調下居蓬蒿

登瓊華島感懷

振衣瓊華島駢羅森萬象極目八荒遠山河明指掌永晝
失夏炎重陰逼秋爽風雨何瀟瀟草木亦莽莽隱憂苦霑
潦羈愁連浩蕩鄉關渺天末雕雲識鬢髮三載逢大比公
車競北上迂儒資斧乏十二年一往 前僅辛未應試 否泰有循環
數奇仍惘惘碧雞神且衰曜儀殊疇曩高位每摧折清班
多天枉 咸豐以來真人官至二三品者 得馬禍塞翁底用
龍虎榜郎官宰百里星暗難復朗皋比許分席司教荷推

獎 予起復候銓以前保薦卓雖非異歷班選授永善縣教諭

瀛臺客

宮闕幸瞻仰

聖躬侍

東朝視膳隆孝養中澤水茫茫飢雁聞哀響
恩綸議蠲賑羣頌

帝德廣

皇圖金甌固平安到益益旅食寄京華醉飽臥閒槐茲山
如終南壽考歌福穰願稱

萬歲觴作人慰遐想寒氈歸去來詩禮課吾黨

留別同年李少軒編修 肇南二首

長安居不易過夏復經秋淫雨滯孤轡清霜欺敝裘築臺
方避債買笑轉添愁二宋周旋外 謂益亭樞軒兩主事 金閨仗李侯

五塘詩草

卷五

三

貧病作歸計謀忠見子心裏糧分大藥妙墨化兼金義有
邱山重歡無杯酒斟臨歧回首望松柏茂成林

龍興寺觀大像

一毛一滯一沙塵靈骨飛騰自有神識得須彌納芥子何
須七十尺金身

自常德赴長沙作

輟棹武陵縣籃輿行路新二陽多窈窕 龍陽益陽二縣女子皆莊雅纖麗燕
未有也 趙吳越所 八景自嶙峋 長沙有八景臺 綠淨查江色青回嶽麓春

高山夙仰止跋涉喜相親

益陽道中

村醪處處佳聞香先醉倒煖老求一罇杖頭百錢少

長沙謁座師王益吾先生賦呈拗排律一篇

狂簡意落落難哉逢知音况居不毛地誰賞焦尾琴庚午
賢關啟季秋

天使臨是科典試使者取道四川因緣假文字搜採矜球

琳師搜遺墨得印獻璞寶弗售拔茅恩已深禍夫入仕籍

木鐸司儒林堂北萱摧折牆東松鬱森相違達志恣再試

走駿驥己卯以來師及印芳先後丁母憂開缺回籍伏櫪

驥猶壯搗戈烏欲沈戰場又三北耗產空百金燕市任留

滯辰星方浸淫橫流被宇宙懷抱傷古今屈宋師未遠雷

陳交夙欽朱提為營備絳帳期追尋同年李少軒編修以

債債治裝俾得南還且憇恩長沙之行別記滇陽驛思繁湘水潯舟車萬里

五塘詩草卷五

路風雨十年心熊閣歸塗近蛇庭寒浪侵篋輕陸行穩潦

積冬日陰茁草騰鳴鼓啾梅春報禽雲披觀蒼昊雪立輪

丹忱義問賈六策益求韓五箴恥聞四郊壘憤指南越鍼

充國議屯戍武鄉謀縱擒參軍隆可使薦士濤能任豈謂

藥籠物徒稱書籠蟬登庸授衣鉢經緯安黎黔奢望成虛

願山珉非國琛馬齋官耐冷蟲戶詩苦吟身屈歎尺蠖名

微慙寸涔青瓊負青眼題句淚盈襟

奉辭王益吾先生

逢人說項楊祭酒作客依劉王仲宣江水滔滔詩興滿鄉

山省宵夢魂牽冬晴修墓况多感先生方及歲暮還家甯

少延雨散雲飛記今日風清月朗會何年

湘江舟次三首

湘鄉行罷又湘潭處處書田閒菽鷺滄海生塵飛不到乾
坤清氣滿湖南

耶陵妙解舞婆娑大樂中興神聽和廿五離騷可刪卻月

明那唱竹枝歌

平沙低雪岸高霞草舍筠棚三四家曼碩先生信風雅盤

塘肯折紫荊花

馬頭巖觀仙人房

堯民避洪水千年舟不壞屋後有小舟為留家具多使人疑鬼

怪

滿天星

石壘截江水暴怒天開巨壑平江路小石積累成町畦七

級分水如田梯一梯懸水一匹練七級合勢崩雷電水聲

震天水怒洩行船騎浪尙掀揭畏灘未敢直呼名滿地石

號滿天星帝女精靈今好在願收羣星填大海

飛雲巖

龍洞雲飛舞高張萬變圖左懸千尺瀑前對一亭孤色映

竹柏秀形分獅象應無心更出岫常護睡驪珠

五塘詩草卷五終

五塘詩草卷六

石屏 許印芳 麟篆

甲申

宿十家保贈主人

村名十家保情是一家親屋小花當戶巢低鳥近人書聲
喜過客酒會樂比鄰種得喬松樹年年含古春宅邊多古松

贈周一儒二首

天船橫漢高下走江海濤匣裏雙龍劍何年斬巨鼉
狂歌入燕市醉墨氣淋漓莫學麒麟援無情強賦詩

黔南道中遇高莘田將婦歷下贈六言二首

逆旅歡然話舊還鄉各慰相思虞卿游說非計蘇季讀書

未遲

黃嶺雲飛龍洞白河泉注犀潭贈君兩幅名畫好為攜歸

濟南君性喜六法

郎岱道中口占絕句

居民爭構石板屋造物戲堆人字山百摺桶裙大髮辨喜
看苗婦古風還

自西林渡至花市塘紀行六言五首

茅口路通花貢鑽天幾許長坡二十四番上下元龍豪氣

消磨

林煙綠染官道楊柳折腰送迎卻怪朱明候早春分已聽

蛙鳴

高峯欲落未落下有青苗數家破屋忽驚絕艷背檐開滿

桃花

農圃力勤耕作青山刻鏤肌膚居人但餐苞穀行客食稻
嫌粗

久陰日出掃霧風過肩輿打蓬人道東皇妙手滇南天徒

黔中

贈張益山

客舍逢佳友相邀到墨莊山雲分竹翠溪水帶蘭香月曉
誰自觀腰舟甯過防君看苔徑草蔓綠上高堂

送宋梓儕之官江西

劍氣指豐城高次人遠行官名漢良守詩律唐長卿霜鶴
骨何健露蟬心自清九江東渡虎德化繼家聲

贈王愚谷

客中喜遇同門友醉後聊為委巷歌善誦相啁君莫恨豫
章流派已無多

赴永善學任到後作

衣擁雲霞隊飯兼冰雪飡僻無張楷市冷稱鄭虔官學舍
絕依傍巒山對坐看書城寄武庫暫喜一枝安時當金江水涸游鱗無四鄰既不可居暫寓游擊署中

乙酉

永善春初曉望

萬峯頭盡白凍殺五蓮花

邑之鎮山曰五蓮峯五峯凍秀狀若芙蓉垂唇處縣城在焉

雪谷含風律冰天陷日車巢堂誰見燕當春大寒噪樹偶燕不來巢
聞鴉裊裊炊烟出孤城五百家

雪中讀三國志示諸生

小窗本多明雪夜明於晝映雪讀史書三國事雜糅一世
有三帝真偽當考究是非苦澗消豪釐千里繆設身處其
閒從誰決去就史學準經義卓識除眩瞽律以春秋法蜀
帝魏吳寇漢賊不兩立曹賊實戎首孫堅責袁述爲漢思
補救獶兒夔許都有志恨無壽紫髯忘父兄臣魏警帝曹
討關求自効遂遺萬年臭劉琮固豚犬大帝亦吳狗國賊
非孫權子龍言何謬今古無仲謀漁洋詩尤陋昭烈真英
雄忠武相佐佑伐魏兼伐吳夢寐思戰鬥討賊敗猶榮東

王堽詩草

三

陵甘願仆君臣伸大義浩氣塞宇宙撥亂反正心周孔遙
相授成敗論古賢俗眼光如豆武侯味時宜崔浩妄誓詭
通鑑書蜀寇溫公且質質姦邪得藉口立身混瑕垢舍道
謀功利人可化禽獸緇素能辨別雪白汗肯受作詩示小
子治疾抵鍼灸

寄陳損之乞畫二首

齊名寥天一人是高陽徒蒼茫咏詩意爲寫獨立圖
寢室喜清淨不著楊伯起客館煩潑墨畫冰畫虎尾

官道迎送曲四首贈某邑令

遠水淫淫遠樹團道旁迎送雜悲歡柳枝含淚桃花笑
縣年年易長官

靈巖采藥滿筠籠朱墨官街面面封醫國那須三歲艾安
排半夏二門冬

東閣梅窺半面妝門庭以外視茫茫吏能磔鼠忘名姓臨
別殷勤進一觴

荒山草棘帶修林金洞銀坑沒處尋終歲從公惟飲水歸
舟片石可銘心

哭沈朗山觀察

盜跖得舜壽顏冉弗永年暴長而仁短積恨古已然嗚乎
朗山公今世推仁賢備兵滇南池越南更防邊樹國民爲
本惟恐損樹根亂後漢夷苦情狀親見聞手握尺寸柄隨
地施仁恩展裘萬丈長難徧覆黎元車水救苗槁何如雨

王堽詩草

四

露鮮述職將入

覲利病口能宣便道趨成都買舟指津門忽感幽憂疾半
歲枕書眠錢子往問視榆村起坐陳苦言目疾有三淚痛
哭爲吾滇一哭杼袖空兵火傷未痊再哭志乘闕文獻日
就溼三哭僑侶稀落落晨星懸矯首望朱天嗚咽淚迸泉
錢子歸語我感歎增悲酸憶公在滇時百憂內焚煎歐血
凡兩度藥功無十全瀕危幸不死德星常衛身豈意纏二
賢實志入九京念公古仁者慈愛出性真身歿心不泯魂
氣猶飛奔乘風載雲旗來往六詔閒俯仰視陳迹歌嘯兼
吟呻誦公池南詩哀音泣鬼神赤子兮赤子蒼天兮蒼天
公詩 公死父母失呱呱誰見憐吾詩爲公哭亦以哭滇人

贈別李仰軒肇元二首 仰軒時應鄉試事竣而去

連雨洗翠海四山嵐氣清游入方著屐歸客欲登程柳色黃依岸桂華香滿城甯知避風鳥鐘鼓厭聞聲

笑指芥舟水何如溟渤深文章不朽事孝友古人心淚盡南荆壁志高東岱琴惜陰各努力賤子二毛侵

丙戌

酒魚河

酒魚不漁釣膏澤利三農雨潤分羣卉晴光漾遠峯狂花吹日大古柳臥波龍隴畝春猶淺青蔥氣已濃

大龍洞觀豐樂泉

貝山龍騰北斗邊屹立忽化縮項鱗感青蓄勢鱗甲動參

五塘詩草

卷六

五

口下吐混混泉四郊闢塘灌原田伏流代井達城闔曰河

曰池皆利濟豐樂嘉名始甲申 泉水引灌田畝名利濟河伏流抵城下贊石為池供

人汲飲名利濟池光緒十年總兵李家福始 於發源處題名豐樂泉為文鑄洞門石上 此山分脈置

郡縣利賴豈惟川發源况當同治用兵日龍神臨難救兆

人改河毒池水如故盜賊無權龍有權 同治年間賊困昭郡欲改水道不可

又毒水上流飲之者 龍飛九天潛九淵安居但效南陽眠亦無恙皆神力也

大雲未為天下雨功在一隅垂萬年游客題詩誇洞壑我

詩脫畧毋雕鐫

永慕廬歌六章 并序

座師長沙王益吾先生光緒丙戌以大司成視學江蘇作

永慕廬江陰署中徵詩遍海內蓋以廣

聖天子孝治天下之意為九土樹風聲非直為一家一國

計也甲芳叨附翊教之末擬作是歌且鐫詩片贈管內諸

生及所識人亦以廣先生之意云

禽獸之別別以人人倫有道孝為先嗚乎孝哉江河日下

古道從而衰

劉季分羹棄父君號高祖温嶠絕裾棄母臣諡忠武君豈

不仁臣豈不賢嗚乎孝哉哀君臣

兒長娶妻父母老醜兒呢紅顏肯戀白首鴛鴦節甘不記

乳哺在口抱衾錦爛不記繡襪在手嗚乎孝哉哀夫婦

親在有同胞親歿蔑同氣朝析產孜孜爭利暮停葬斤斤

爭地恨汝父母多生昆季嗚乎孝哉哀兄弟

賓客滿堂父母置壁後八簋享客二簋享父母伯歌叔舞

勸客酒曰此日祝父母壽嗚乎孝哉哀朋友

波流滔滔中有砥柱孝法虞舜廬結永慕一日不忘親終

身道立身錫類厚人倫風俗盡還純嗚乎孝哉永奠乾坤

觀星有感 近聞左恪清下世

樞馬駭流星擎天一柱傾不憂相國死但願進賢明高廟

旁求意元公吐哺情仍看五緯聚翊贊泰階平

朴窩行 昭通城舊為夷首二木那所居地號曰朴窩夷語謂平垣也

人言朴窩好十錢供一飯永善來冷官賃居劉氏館泱泱

水出池當井 城踞山脊掘井無水有亦漏置不可飲城北大龍洞泉清而甘伏流抵城下官贊內外池

供人汲飲鴻濛樹倒窞為炭 近山土中有木炭大皆合地有數抱者蓋開辟以來樹埋

名利濟池

土中所烏薪白粲價皆賤底須數炊且稱饗遠山產石炭

烏金炭產龍洞山椒涼風臺色如鴉鴉斑者為上品渣而

燒之火力猛炊飯良飯多白米炭米并價廉故人易謀生

崑崙鴈麒麟脯漫夸天上神仙府苞穀酒芋羹二美天

下莫能爭二物甘美他郡皆不及先生醉飽昭通城愧乏善模詒後

生夙齡立志萬物表孔庭槃旋忽已老得祿羞逐守錢虜

著書不畜傳家寶點鼠雕刻發蒙編教小兒曹知嚮道真

南文獻更蒐羅纂輯那嫌歲月多金堂玉室非吾願朴窩

中有安樂窩坊間發蒙三字經傳為王伯厚所作而多疎畧訛謬處因為增訂重付剞劂真自丙辰變亂文獻凋殘乃加意蒐羅先輯道光以至光緒年爾詩人篇什為重光集付梓云

哭宗益亭東謙農部

早翫鴻鴻羽忽凋蘭玉枝孝章年不永平仲婦無兒婦骨

五塘詩草 卷六 七

望兄弟慟心辭父師後堂昨入夢猶記說相思

輓張粵卿中丞二首

一生官跡在邊陲持節滇南自粵西方苦勳名基牧令太

平官府愛黔黎屯田畫計薛虎子老圃留香韓稚珪天上

騎箕心未了海壇何日罷鉅犂

文獻凋零四十秋網羅遺佚志重修孟容言事非苛論張

勃知人豈繆侯幸保孤帆出破冢忽聞幽壑失藏舟束芻

遙致哀傷意不為蒼生也淚流

夢偕王聖鏡游伊洛間寤後卻寄

聯轡伊洛岸驚風飄夕曛塵沙恨結隊烏鷺自為羣淒水

丁亥

論文一首贈楊仲芸即送之歸彌勒

仲芸夙好古應舉習時秬秋薦十三載春闈屢下第都門

昔把袂墨水方飲淚題句相贈答志業愈勵別來幾寒

暑所得日新異輕騎遍吳越封軺熟燕薊聞見擴以充著

述富且要紅崖積吟稿悔緣有紀事詩法謝杜傳嚴整肖

其類小說祖虞初人理雜神怪還滇抵昭郡訪舊此留慰

卷帙示鄙人欣賞慰離思君懷善虛受鄙性惡側媚洗垢

為求癡賢者宜責備修辭如用兵少勝眾恆敗用眾多贏

卒用少多精騎兵練則精強辭練始精緻彥和論雕龍鑄

裁總妙諦渣滓淨陶冶枝葉峻芟薙君看玉珠寶証以瑕

五塘詩草 卷六 八

類廢瑕類苟盡除玉珠寶益貴吾鄉翰墨林文潔真晚翠

公歿廿餘年雅道幾墜地南風久不競起衰望我輩誓掃

龜螭跡一吐金碧氣君今返彌陽田園理荒穢有暇更溫

故學殖兩純粹綿綿盤江山高深懸夢寐

題鄧鍊香給諫所撰楊孝子聯吉事略後

曹娥叔先雄孝女名久垂恩安楊氏子千載相攀追王談

復讐歲王談年十八手殺父曹事詳晉書本傳楊子年與齊痛父溺河死投

河尋父屍身應化鮫魚闖浪眼弗迷認父泣往抱力固勝

結絲鱗浮抵河岸陰報族黨知兩棺一時葬天親永不離

鄰里駭且歎感傷涕交頤稱揚遍鄉邑請旌何淹遲鄧君

鍊石心發言闢幽微文約體峻潔幹桐老無枝著論厲澆

俗鍼骨而砭肌茫茫人海中居安罔思危洪波乘風起跬
步觸禍機臨難仍苟免坐令萬事墮平地蛟鱗橫去深井
蛙蟾悲臣子救君父視死忽如歸浩氣檜蓋極狂瀾勢
摧楊子敦孝行家國理可推率土識忠孝勿憂海水飛我
詩助張目願附邯鄲碑

蠶桑篇 并序

滇省土氣溫和四時皆春地之最宜穀蠶者也穀土功重
而利輕蠶之利倍徒於穀且徧及羣黎而衣被萬世南北
兩戒之民絲人富踰穀人其精華擷取於是滇民不蠶好
攻鑽厥務農亦稀故恆患貧亂後凋敝多曠土而民益貧
爭利者竊時鴉片利小害鉅貧仍不免前此有司奉憲令

五塘詩草 卷六

九

課農桑善矣歷年漸深實效尙寡蓋由緩而不急之故夫
國無六年之畜曰急滇民空乏有甚焉者今以鋒鏑餘生
百計求裕衣食而不得槁形灰心奄奄待盡苟有良法救
貧如涸鮒將枯仰活於升斗之水何忍乎更緩之也救滇
之貧蠶桑爲急茲擬是篇獻當路兼勸鄉人覽者勿斥爲
迂遠而奮然興事專務教蠶心專則惠澍潤千里矣人專
則傳稱慈父號神君矣數年後全滇化爲絹鄉錦里富埒
齊魯吳越書之史冊謂非
熙朝盛事歟若曰易貧使富力不能爲宋史所載張忠定
之富崇陽范忠宣之富襄城惠在一邑且傳不朽彼二公
者豈天上人哉

惟

皇慎德有人有土有財有用信非虛語財用所出務盡地
力農桑爲本兆姓衣食奈何滇民舍本逐末利貪鑛廠害
起攘奪廠吏姑息廠客門爭公院銀院是日人院廠客構
兵亂十八載背癘幸愈芒刺故在仁者爲政式遏亂萌叶
金銀禁錫銅錫開通銅錫衰旺並關天運母大子細脂膏
莫潤脂膏且潤僅潤廠民林林總總幾許患貧鄰有川省
同此山國磬石敷土亦稅菽麥黔省力稽山若刻鏤遵義
蠶絲一郡獨富滇省廣輪如川倍黔土氣溫和寸地寸金
維西奇寒蠻耗酷熱甌脫百一金甌詎缺大兵大疫人少
穀賤六詔舊置半時鴉片雲土流毒俗呼鴉片爲土幾遍
滇產爲雲土

五塘詩草 卷六

十

瀛寰鴉酒止渴消疾未獨

皇祖造邦人給家足舍爾農桑士女何穀病急治標病緩
治本本務實急今不可緩善後諸政輕重失權有司塗飾
概爲具文滇省蠶事倡自總督岑公巡撫專政全省杜張
二公先後撫滇各數年未嘗著重此事行之故
鮮實彼壘此場瞻前顧後畏難避嫌徒呼負負苦牧和衷
速化畛域志求富庶操券而得滇患土滿蜀患人滿徒蜀
實滇申命開墾新毗來歸除煩去苛九年償債十年升科
毗闕騰畎勿留閒曠黃壤赤壤中藏白鏹穀蠶蠱伏曦陽
赫赫罌粟之害燭火終熄維此蠶桑尤滇急務簿錄丁口
按使種樹種桑兼竹蠶具是供餘材用宏千畝侯封爰求
嘉種分條四野岡陵原隰無不宜者州縣檢核予之賞罰

道府巡行東西互察差品殿最考績在茲小大奮勵皆良
有司非良速黜疇敢戀棧任良責功小滿爲限一年樹桑
三年教蠶繅紡紆繡練習諫請南方地暖入蠶並熟視彼
采鑛孰贏孰縮斗室飼蠶賣絲終歲視彼采鑛孰難孰易
商馬馱金登門市繭視彼采鑛孰近孰遠家而錦機人而
錦衣視彼采鑛肥瘠孰齊三迤蠶戶益租增賦視彼鑛稅
多寡孰裕官爲蠶祖世祀不絕視彼廠吏孰光日月愚民
樂成難與慮始教耕教織從令指使天施地生美利自然
棄而弗取終窶怨艱

皇心愛民壹意同欲不蠶不帛滇人所獨龍精化寶因時
導利布之上下權操大吏鄉閭小官獻此罪言越職言事不能無罪

五塘詩草 卷六

十一

君子虛受造福萬年謹按滇民采鑛亦謀生之一途道光以來官儒民才采鑛者千百成羣號

日廠客被甲持械揚旗鳴鼓如官軍鑛賦旺則起而爭互相殺戮晨轉報復釀成巨案比年大亂既平追維往事力挽頹風勸務本業惟蠶桑其利甚溥征於積習者猶曰不如取金砌中爲便捷故舉采鑛兩相形詞有抑揚意有專法非謂滇民但可教蠶不可采鑛也銅鑛爲錢政所需官募砂丁采辦繩以峻法勿蹈前轍可矣豈遂因噎廢哉

鵝雛篇寄贈譚叔裕觀察

郁郁鵝雛產自炎方覽

帝德輝燕山翱翔司農紀官分治滇壤率彼屬吏課民耕
桑代彼爽鳩威加嚴霜有鶴飛騰狐潛兔藏有鸞效聲喙
搖翅張搏擊醜類環邛爭糧鷹瞵鸞視色侵鷓鴣秋秋樂
心孰樂門場逝將去汝返萬仞岡不然遐舉八極懷存有

鸞東來和鈴鶴鶴勤宣

上意好文好生叶去者復留遊集桐廂良禽仰高願與頡
頰嗟爾才良降辰不良鴟鴞毀室哀鴻流亡金距殺鵬鷃
雀相戕子遺幸存羽毛凋傷借日未傷厥疾寢狂我非鶴
相伴食慙惶抑非鸚姆卵翼情長九子共乳千子同堂推
我棟實資爾稻梁挹我醴泉佐爾水漿仁膺義背示爾典
常風胎雨穀日就月將函育五華鶯然有章羌鶯象蛇齋
青鴝黃碧雞神變蔚爲鸞明叶六翻沖天西南破荒一鳴
驚人邦家之光將子念母舊巢粵鄉匪伊鳥鳳是真鳳凰
老鳳林棲苞儀煒煌鸞雛彩藻耀朝陽專文陋國穢滿
鸞梁化成人道眾雛所望遠謨既宏鳳毛益彰卷阿矢音

五塘詩草 卷六

十一

嗚呼勿忘通觀底績獻瑞

軒皇

夢謁王益吾先生

四海一知己跡踈心愈親清江忽在眼明月更隨身了了
識前路依依尋後塵有懷未傾吐趣駕恨司晨

贈劉少海二首

臨水看桃花誰悟上乘法欲知甘苦味試嘗水一哈
行路苦顛踏平地山川險債車上有人何不自點檢

題滇詩重光集

趁趨逸足出滇河五色龍文炳蔚多萬丈光仍騰李杜一
心苦不負陰何天中日月再華旦身後雲山無坎軻東漢

風追西漢美千秋傳誦白狼歌

口占送楊芝軒司訓大理

早梅開處奏驩歌送子西行赴太和本色一官除棟學用
后山 壯心萬頃吸江波春風滿座應無忝秋水連天豈自
多來歲飛騰霄漢上東游觀海駕龍鼉

仲冬二日石屏地震

丁亥仲冬朔子五六初度翼日聞地震望鄉淚河注厚坤
如巨艦行水人罔覺東南氣乖迤搖撼難始作萬室夕飡
飽百里驚雷霆室傾塵暴起崩雲轟哭聲驟雨挾猛火淋
瀝繼焚燎有形化灰燼新鬼壓變小旁舍脫火兒畚畚尋
遺屍累累出牆下黃赤半嬰兒丈夫或操箸女子猶含飯
五塘詩草 卷六

隨坊擣過客骨肉併糜爛藁葬無棺槨歸土魂魄安死者
長已矣生者愁飢寒貪狼引餓豺結隊入城市擇肥思啖
人飼之以羊豕
皇仁賑米粟花鶴羣養羞終朝食半菽哀哉雀與鳩肺腸
汝別有構禍且漁利我民豈盡劉大懼天方濟一震殺千
人赫斯尙馮怒一日十餘動貴賤皆露處維絕鈎星伸十
旬漸平復天怒稍止息人各修牆屋嗚乎蓋壤間得一保
清甯羣陰剝孤陽災異乃疊興周文及漢文盛世地亦震
上以德化民下苦多瑕壞坪邑古風微浮華陷輕薄慧舌
談道義險心積罪惡昭郡雖陋邦推魯樸未散一儀剖判
來不聞罹此難繫臣家八口天幸免誅殛貽詩勸鄰里悔

題真磐石

戊子

題龍浦然司馬板輿迎養圖 代

蜀中龍司馬當官無所苟攝政臨大關公先而私後慈烏
思反哺春風感雞穀雙復迎二親養志甯胡苟真率會強
健婆娑福永久羣季鴻雁行諸孫龍鳳友操杖捧槃匝青
紅滿左右紛纒樂事全旁觀歎希有司馬繪作圖題句多
巨手人情尙夸耀司馬曰否否守令親民官吾職佐郡守
民謂官繁祉錫祉自我
后二親敬珮榮

繪音降北斗謂官千庶民父母呼萬口二親大父母責望

五塘詩草 卷六

南

意彌厚盛名既難副洪禧敢妄受惟矢冰淵念省身襟氣
垢重重父母恩推廣及黔首隱幽必洞燭利害悉某某除
害爲興利保赤歸在宥民安親乃安家
雨無負庶得取歡心還祝二親壽二親曠然笑應什多
抱疾祿養世爭求善養吾深取汝言承吾志力行可无咎
書之視膳堂晨夕歌侑酒

題金劍眉梅窗驚夢圖二首

斷琴不斷音癡情海樣深移此作忠孝死生無異心
第五悲三娶鯨鯨恆守夜感君夢梅花老淚揮燈下

題李生世茂竹石便面二首

竹石妙模古芒角登枝幹腹中吐肺肝莫作鱗甲看

骨勁守能堅心虛益善受覲面日親炙是汝良師友

哭譚叔裕觀察

嗚乎叔裕去滇曷歸去滇歸粵中道忽萎兩粵瘴鄉夏火
毒惡觸熱輒殞勿論土著常州瘴發茶毗五戒亡我知己
乃至于再咸豐初先師丁紫琳刺史如叔之賢今為畸人
畸於人矣宜侔於天廊廊靈海天縱賦才大文未舒遽登

蓬萊天上地下神官千億修文作記詎乏此筆人言糧儲
在滇不利叔光文昌復何禁忌滇文靡靡惟叔振之功敗
垂成天豈無知天不庇滇奪我賢吏亦不庇粵喪斯良士

粵有二香張郊壽總制甯憂叔死滇雲無叔東里誰嗣士
林開訃設位聚哭駟虬反顧淚珠萬斛

五塘詩草

卷六

五

送劉雨山太守解任晉省

昭郡原土府改流雍正始沃壤日開闢聞籊聚羣蟻五方

氓錯處闇昧藏姦究讐京誘鄉愚搏噬矜爪背魯褒錢通

神殺人罪不死張儀舌翻瀾陷人死可俟羽翼胥徒附腹

心搢紳倚典郡非其人登場弄傀儡圓墮術中嘗鼎況

染指惟良二千石今見劉太史平生敲菜根百事能整理

攝政將一載痠瘁病勢起門庭無雜賓穢言詎入耳升酒

弗受遺何緣納貨賄執法山嶽立有犯必論擬七屬聽風

聲昭郡所轄正印官治思安鎮雄永善佐貳官治大關

甸彝良副官凡七屬各有分土人眾事繁惟魯何福小

而本夷虜巢窟民氣粗獷號為難治故設通守以控馭之

七屬之官各專責成與同城共事者週別或以彝良副官

無專設學額因而畧之舊汗淨濯洗姦究技巧窮訟獄為

衰止萬姓陰受福惠澤加無已苛斂悉蠲除安貧勵儒士

糊名按月試文字黜偽體敘行發蒙書裝卷資童子鍊索

橋改作度地定基址城廡廟宇壞居主忍坐視估工遞修

築捐俸助薪水移建蕭曹祠禁斷諸淫祀是時營繕司出

守已降

旨公到任後昭通府缺以工部營繕司郎中倫公五常補授代庖人所輕五日京兆耳

公猶勤職業丹衷化俗鄙黃堂既更新上梁無名氏好義

實好名三代下皆是孰知熱腸中冰雪淡如此賓僚咸歎

服輿情望甯救謂公治疾疾拔本艾毒丹屢辟未止辟沈

痼餘痞匪富教需歲月內患足消弭期年遂解柄民憂盜

賊喜小吏頌清德樊遜竊自比祝公獲大象進階樹旌榮

五塘詩草

卷六

未

松筠節彌堅櫟猷樹積累斯郡賴規畫後賢願繼軌農桑

與學校恢宏仁泐隨化痞收全功召杜兩稱美

讀書一首示諸生

讀書如釀酒澆糟取精液酒缸儘無精精液何由得宋儒

道古好翻案大言欺人每逞誕聖人意不在書中老坡浪

語真河漢山藏美玉海藏珠益人神智無逾書百讀深思

自知意還將坡語教吾徒

冬至後喜聞力田兄病愈

千里傳吉語陽長陰消滅天留老兄弟又見新日月風聞

星翁言兄壽六十七所惜後嗣艱埋兒命犯煞稟賦雖云

然宗祀忍自絕平生務耕稼忠厚守樸拙農躬而士行祖

父同一轍啟善帝假齡六七竟度兒殤子去糝稗嘉禾穗
雙發晚稻更有孫縣縣比瓜賦昔抱童烏慟深信子平說
常恐先朝露執手成永訣豈知天數窮人力能補闕延年
已七二衰病苦兀艱帝心常瞻顧腹鬼敢作孽令節屆長
至子婦獻履職占有勿藥喜異鄉猶恨別安得持樽酒勸
酬賞梅雪

三珠樹歌為王藥階明經賦

同治戊辰歲君家蓮開三色花我詩善前知珠生老蚌言
非夸邇來豈見商瞿喜回首當年歎無子強仕未仕舉十
女旁人每勸殺勿舉殺之弗忍愈加厚為他人畜十家婦
貧家養女光門楣一髮百萬尤居奇丈人擇婿皆清士富
貴因依懷愧恥霸妻獻妾情更深減衣嗇食辦糲匱青箱
世德美如此皇天眷佑良有以嘉蓮頑兆殖嘉木唐代三
珠宛在目吁嗟乎璣鏡環材出蚌胎三男胎自十女來惡
俗習非迷不悟試看王氏三珠樹

五塘詩草

卷六

七

五塘詩草

已丑

小龍潭道中

尋甸會澤分界處

北風吹曉霧林壑露蔥菁龍吐烟熅氣泉飛辟厯聲邑置
分甸澤天宇會清明十月如秋夏山蟬樹樹鳴

酬趙煖仙

滿二首

滇西文壇韶護鳴煖仙詩律含中聲摘詞不落四靈派奮
績早踰三異名君佐戎幕由教職保升知縣骨挺長松倚巖峻胸涵霽
月臨江明昂霄聳壑看任邇綯采流光非定評

良朋相好歷愛蚩衰翁何堪蛇作龍子自永善學遷大理教授天移秘

廚二千里山發寶藏十九峯香草靈均導羣稚碎金安石

求遺蹤鄉粉補闕待伯助報章愁犯彭城鋒

庚寅

五塘詩草

卷六

末

題陳崑山太守留別順甯詩後

六詔分符幾良守如公須向古人求勸勸德意冀渤海祭
粢詩篇元道州順郡謳歌繼激楚公守順甯之前歷署激楚粢興利民黔鄉聲譽齊劉鄒黔人同時官滇者劉雨山鄒循陔兩太守並有賢聲與公同官遍酒隨車雨亂後殘黎疾可瘳

題趙煖仙向湖漁隱圖

身寄一杭心九州三千六百張釣鉤進有滋泉退嚴瀨妻
為德曜夫黔婁圖兼寫婦人像鳴根人驚木鐸響陸天隨漁具詩鐸觀海天遺鳧毛憂劍湖小隱誰能識煙雨迷離雙白鷗

辛卯

題錢南園先生遺集

夷廉鮪直高升平柳骨顏筋石曼卿節鉞膽寒落御史樞
衡心折拜先生遺文

昭代懸星日故里空村長棘荆蟬噪午晴鴉噪晚朝陽長
想鳳皇鳴

壬辰

題陳崑山觀察留別雲郡詩後

滿懷春夏風雨意吐為農桑父老詞政成教養名實副神

發金碧光景奇扶搖搏上大有造芍藥贈遠小別離早晚

德星返行省乾坤恢拓九龍池滇會城中翠湖泉出九派

脈所係光緒己丑王夔石制軍譚序初撫軍會議池上建

經正書院以古學教士凡度地籌賞立法定制皆公相助

為理庚寅落成聘貴筑黃孝廉為院長尋以病去延子代

之每月朔望集眾討論一切得失眾議書院創始事例簡

略應請增廣條件湖水周流四達圓滿如鏡向歸官管賣

地與民填土築室湖面裂缺大損風脈應請由書院基址

廓而大之贖地浚湖以還舊觀而培風脈惟公一言重於

九鼎又實心任事立見功效故議行要務皆屬望於公也

癸巳

會澤山移紀異校署會澤縣令曹衍瀚公續據甯端

里待補甲士民稟稱光緒十九年六

月二十四日上甲之花木梁子山白晝斗然騰空而

起奔至距山八里之大村子而止履歷民房百餘間

壓斃十七人牲畜無數堵塞村旁三汊河水道不通

出外耕作之民僅以身免所過村皆亦幸無恙因往

勘驗難民口稱山移之前鳴吼數日當其移時若有

扶之而走者至大村即橫臥不起河被堵塞河水亦

汎溢成災請賑賑

民並修河道云

堂琅夜聽天符宣花木梁子利用遷地祇執符勅山走山

龍怒作滿牢吼五日為期屆火節連山置酒弔貞烈斗聞

驅山鐸亂鳴破山長劍青天橫一靈揮刃斷山足夸娥挾

山走平陸的的原隰非滄溟突抗寒眼來鼉鯨不脛不翼

乘風行四方上下何居停山龍卜居大村穩花木移時先

固本日中命盡十七人骨肉堆塚培山根取精用宏物差

備禽相鎮壓獸相藉三汊河流膏澤鮮灌濯峽岬生機全

一卷之多投在渚枕村臥河此終古紀堂鼎新神室安被

災窮民涕萑蘭麗江白石閣江水成化年災亦如此狀頭

啓兆吳城誇是耶非耶問蝦蟆續廣記云成化丙子五月

金沙江中壅水淹田蕩析民居時雲南屢有邊報山示兆

也又云吳城西有蝦蟆山宏治乙卯春忽移去舊址數畝

明年丙辰朱玉峯狀元及第方

言稱山移出狀元斯驗之矣

楊竹溪同年寄詩二章賦答

寒山孤立百尺桐思舊百里寄詩筒君寓新

興州兩章珠玉對

五塘詩草

卷六

秋月一門桃李懷春風君講學會城多年今之肄業三

經我慙非杜撫此年與諸遊世君忍儕支公君性不諳俗

旋棄去妻子死不再萊黃節近能枉駕卮酒敘心香室中

娶儼然在家僧也

經正書院東偏蓮池中有水軒

王夔石制軍題日自在香室

題冒小山太守沅枕干錄事詳原書

乳源冒令廉而能越境勦賊瑕孽生蝨役通賊邀殺令挺

子賊眼下留蠅季子攝官仍乳源志復父讐口弗言羣凶

游設無猜忌辨色分羣已默記琴堂白日轟雷霆五凶駢

誅正典刑元惡戮屍更梟首天網恢恢疏不漏我聞承儉

墓被劫賊面青痣認藿葉縛賊劊心祭父靈孝子世目張

藏英人謀鬼謀報施巧古今一轍彰顯道季子遷秩莅滇

此為善必果揚令名安樂敢忘憂患在草閒枕干十七載

送姚子梁觀察北歸名文棟上海人負經濟才通曉洋務嘗隨星使游歷東洋采訪

日本事實勒為成書又至緬甸履勘置索與英夷畫界因獻柱抗備禦諸策初已留滇補用有恭問者皆之而去滇人深惜之

飛航越海窮扶桑轉棹揮國劃井堰聚米謀真敵馬援去

推轂義誰如鄭莊鷄居避風將遠舉鯤鵬擊水空回翔津

門滬瀆指歸路睇睇白駒歌食場

瘡痍行為姚子梁觀察賦子梁將歸忽發瘡毒病瘡為賦此詩

所好生毛引所惡成瘡痍子梁緣何惡於人董狐筆舌善

說鬼海洲產鬼千億羣與居與游中國民華夷混合行鬼

道偶聞罵鬼常怒瞋落落救時才宜作救時相治鬼說大

五塘詩草

卷六

法飛語遠騰謗鬼伯使鬼圖子梁二覽莫敢居膏肓殺之

不能困以病致病源遠來蠻江蠻江出入飽烟瘴總為

皇與策保障一寸山河一寸金鴻溝界道甯相讓赤心謀

國忘禍福詎知五內伏瘴毒連然浴湯鬼為祟引毒出涌

泉萬斛子梁來書云浴安甯溫泉而瘴毒大發如萬斛泉涌出不止因患瘡疾毒水浸淫身

滿瘡療瘍待訪軒岐方夔龍凶象拍手笑治鬼法良豎弗

良豎良早作豎國計俞跗登堂鬼神避瘵疽既解函夏憂

疥癩更釋邊垂累祇今豎國陳要訣桓侯肯信越人說好

賢那見生毛羽瘡痍歌成唾壺缺

甲午

送制府王夔石尙書入都二首并序

光緒甲午秋九月雲貴總督王夔石尙書名文蔚仁和人庚寅年任

奉

旨

陛見時倭夷犯順東三省軍務倥傯謀帥最急大臣報

國尤以保薦人才為先務公既入覲

天顏奏對之際必有推賢讓能折衝樽俎者賦詩敘意即

送之行

西南萬彙荷陶鎔說禮敦詩道氣通海畜魚龍門化兩山

屯貔虎劍歌風蓂苓培養腹前後冰雪聰明平淡中五載

一朝催報政朝讀

詔書新出

五塘詩草

卷六

紫微宮

糺纓雲蒸捧日霞雙旌入觀聽

褒嘉方平度量雄天下仁傑薦賢安

國家盤錯由來需利器瑰琦何患有纖瑕飛虹劍斬扶桑

樹續獻

東朝靈壽花冬十月恭逢皇太后六旬萬壽

仿樂府體為朱子山題其唐孺人秋宵侍疾圖

寒夜披圖淚如雨圖中人是宋家孝婦唐淑女事姑葉

氏姑病豎窮病弗愈一人肉療病術傳唐書王友貞孝詔

旌門閭孝婦思救姑誰為友貞有子山夫二滇山遙遙兮

渝水悠悠夫早旋滇兮姑寄渝州姑病垂危兮婦不愛身

救姑而死兮願姑長生三解昔聞張密封股今見孝婦割臂

股臂雖異肉無異片肉是片心精誠動天地百靈來會紫

雲擁衛孝婦觀神光適適然驚悸四解姑啖臂肉姑病廖孝

婦臂痛委過石尤風師耶婦也非風姨耶婦自為五解阿母

察創露底裏鄉官上書報

天子

綸言表德族黨喜子山作圖哀痛無已姑壽延二年婦病

竟不起婦救姑實代姑死吁嗟丈夫愧人子六解

乙未

題麗江郡守黃鹿湖小照三首

花馬國中冰雪寒使君兒瘦畫圖傳山人紫印標新號不

五塘詩草

卷六

三

是當年黃穎川

懲貪有志事難諧羅縷情詞告後來一片苦心願人識丹

青那解繪靈臺

嬰水扁舟載石歸急流勇退遂初衣滇西往事如泡影一

任時賢評是非

希有鳥歌送吳楚生檢討入都

鯤鵬將圖南邂逅希有鳥不恨相見遲却喜相知早鵬肯

之大幾千里希有之背大倍蓰圖南助經營九年望大成

弱羽勤教誨妙發迦陵聲三載遭嘉會希有翻然逝

皇家禮為羅珍禽羅致多希有小得意翔步

金鑿坡聊天一飛瞰華裔滄海橫流滔滔皆是城隍產東

洋猾夏敢鳴張鶴鶴銜久鳴激糞鶴冠色駭賊難當回憶

優游歲歌舞樂帝江禿鴛號國老鴛鴦冒鴛風啾啾燕雀

巢幕處堂雞鶩爭食雁謀稻梁臨難眾泥伏鷹鵬先飽颺

軒鶴使戰半逃亡楚鵬入舍大不祥猶幸富金錢貸之孔

雀王納賄許議和養羞賫盜糧東洋水滸壑青鶴鳴太平

叶翰林鳥潘岳詩譬彼翰林鳥雙棲一朝隻鳳為友懷好音且緘口反哺

迎慈親鬻鬻攜子鷄鷄攜婦聯翩赴都門告別餞杯酒鯤

鵬圖南積風未厚濟時待時來鴻毛可順受何況垂天大

翼君自有振翼雲漢翔我

后奚止東覆東王公西覆西王母要令金翅啖惡龍更令


重明搏猛獸陸壻水慄四海清方朔銘功傳不朽

五塘詩草

卷六

三

五塘詩草卷六終



草括

囊

詩

蔣	屋	如	厓
氏	校	月	涂
慎	印	著	月
脩	甲	始	吉
書	寅	丙	成

尙仰止小傳

江甯汪士鐸撰

尙兆山字仰止句容廩膳生世爲農田於寶應因家焉君館於省垣就試鍾山惜陰書院每擢優等省中知名士甘建侯元煥陳兩生作霖翁鐵梅長森及金壇馮孟華煦儀徵劉誠甫皆稱道之以爲嗜古力學不苟取不近名聞修君子當於古人中求位置非近世所易覩也嘗佐余纂郡志所采句曲軍事纖悉畢備於昔年戰地營壘地形倏離險易若聚米畫地兩目親覩焉惟余以軍事用表以齊七邑必有剪裁不能悉載君語爾余與君雖借書籍碑版者數往還而良晤裁一歸即募余小照相贈神形栩栩亦足徵君之多藝矣君篤嗜金石或典衣服以購之若校官國山天發神識之屬皆舊拓

丁十八 小傳

金陵汪士鐸印

余所僅見者君甚寶之不輕視人也願君子朋雲云君數數喪糧走亂山中塹巖深壑捫葛剔蘚雖蛇蝎勦他所餘苟成字必椎搗歸以餉同好富貴者雖兼金求易不與也君取寶應劉氏生一女而卒無子年甫四十九所撰著金石輿地之類幾二十種皆未成其弟卷之去度歸覆甓甃爾情哉君館金陵張氏病革時諸君往視時已展轉牀簾間猶手一編或勸以節精神君掉頭曰樂此故不知楚也翁君知其不成歸也助以金始買舟歸歸甫七日而歿時光緒九年九月朔云論曰合浦隸廉州大海中非有翼焉而珠至中國勃律昆堅今爲和闐非有脛焉而玉至中國吳綾越統東南貨也不藉口舌而充物於四夷山好之者眾也君所治非曹好也翁單

溪劉燕庭王述庵孫淵如黃小松輩皆以顯宦而旁求於此故易備物君以寒儒營之若嗜欲至於境地患難疾病皆不恤其性情豈易及哉幼學而以身殉之不悔余昔聞其語今於君見其人矣

一一八 小傳

金陵汪士鐸印

小傳

尙兆山字仰止句容人諸生善畫尤者金石古鼎彝器常典
衣以購之又數走荒山中捫葛剔蘚凡摩崖題名苟成字者
必搨以歸於鍾山得顏頤疊玉二大字於攝山得江總明徵
君碑殘字皆出以餉所好光緒中與修江甯府志所采句曲
兵事纖悉畢備於昔年戰地營壘若聚米畫沙焉汪梅村助
教士鐸甚賞異之光緒中與修府志著金石輿地之類幾二
十種皆未成書疾革時猶手一編或勸以節精神答曰樂此
故不楚也卒年四十九江甯汪士鐸志其墓

丁十八

小傳

金陵叢書
蔣氏校印

癸丑

偶吟

莫憂山館景淒涼最稱幽人意味長預計明朝寒食節先收

花片入詩囊

寓興

寓興江湖外怡情嶺岫間扁舟釣新月卮酒問前山煙水春

三月巉巖路幾灣願招天下士來此遠塵寰

七夕

羽珮銀州事豈真年來求己不求神雲邊牛女何曾巧本是

丁十八

括囊一

金陵叢書

蔣氏校印

耕田織布人

夜坐

霜落淡無影風清靜有聲深秋蛩夜語殘月雁孤征龜息閒

中細鷓衣浣後輕蓬門饒至樂無夢到公卿

獨立

偶以觀雲出還將待鶴歸殘霞明遠水高柳帶斜暉草淺兔

爭出花疏蝶漸稀春風情最厚頻拂客中衣

甲寅

芳草曲

隴下春來芳草長隴上風吹塵泱泱隴邊萬馬嘶嘶風迎營

觸目森兵仗隴頭芳草碧於油春柳春花戰不休金角聲喧

飛將碧玉弓人倚戍城樓江南塞北多芳草塞北江南人易

老東山一夢盡三年金錢在卜歸期早空閨日日待王孫古

道香浮一抹痕當日馬從芳草去至今悵望總銷魂

雜書

疏籬雖寂寞幽僻最宜人數丈折溪水三分賸晚春草生平

砌綠花發隔簾新歲拙差堪幸能全自在身

汜湖晚眺

日落汜湖頭蒼茫景象幽湖鴻鳴遠激楚艇下中流電引雷

盤壁雨隨風入樓湖濱有閑客一嘯萬山秋

燈下

燈下獨披書燈光自耿耿風波入夜鳴水國先秋冷才拙一

一十八

括囊一

金陵叢書

蔣氏校印

身輕心安萬象靜開窗規月光領取清虛影

書室秋晚雜賦

衡門落拓未誅茅借得幽齋近樂郊蠅愛斜陽旋隔隙蟲和

寒葉墜花梢酒因卻病時求聖身以無能樂繫匏連日塵心

頻浣滌秋鶯何事更相嘲

地接吳頭海氣涼高齋捲幔坐昏黃歸鷓傍晚知呼侶瘦蝶

沖寒時戀香客久漸藉風土事渴來還煮茯苓湯稚川故里

欣相近擬乞仙翁辟穀方

蕭然一硯伴秋風湖口原非羨馬融塵案古牀餘禿筆香燭

晚味拾吳菘村童善懶多依母鄰叟忘機自號翁膝有吟牕

伴容與不妨囊裏近來空

爲客他鄉又一年依然守拙作書籤友逢儉歲情偏厚貧到
能開夢轉甜隨化癡情惟我獨終朝緘口避人嫌何時歸種
良常地細火鱸魚煮白鹽

秋柳

淒淒池邊柳索莫不成陰秋來幾日氣候何蕭森槭槭葉
黃落風過成商音良由賦界薄不羨蒼松林

緬彼陽春時翠影何森茂掩映渭水橋新花繁如繡大道多
佳人時時倚紅袖一旦秋風起脈脈寒煙瘦枝葉雖殊昔根
本猶然舊

生長瘠土傍秋來色轉黃自知氣質弱何必恨晨霜乾坤亦
大矣努力待春陽

少年行

京洛出少年驕驕七寶鞭馳騁獵平原歸來紅袖舞蹁躑醉
聽胡姬弄嬌絃揚金樽鼓趙瑟東方曠然紅日出紅日出金
風秋少年有志期封侯擬乘長風破大浪南海斬得粵王頭

乙卯

幽棲

四境雲山合幽人此地棲古藤綠樹長馴鳥向人啼五柳陶
公宅一竿嚴子谿春來知日久草色漸萋萋

書放翁詩後

放翁一生常飲酒意氣豪狂世無偶行年五十未還家攜壺
看遍劍南花中原經濟心空切宋代河山日已斜十年放蕩

丁十八

括囊一

三

金陵遺書
蔣氏校印

劍南天曉起栽花夜坐禪可憐鶴骨秋添瘦醉倒紅樓不惜
錢

口占贈鄰

綠竹兩三畝荒村四五家晚嗚秋絡緯夜叫野蝦蟆人共溪
頭月童分別院花平顏求富貴何似種桑麻

寓嘆

風光生感慨詩句卜生涯冷雨欺鴻翅新霜妒菊花愁多酒
易醉髮少帽偏斜欲覓容身計隨緣學種瓜

獨夜

花殘蝶影少窗破月痕深獨坐寒風夜新詩濁酒吟暗燈欺
瘦影積雨冷孤衾蠻虜何時定深闌草野心

東籬雜題

寂寂東籬景悠然自可書秋花新雨足風柳夕陽疏古屋埋
雲徑清泉漲石渠閒鷗遊戲慣客認子雲居

憶家

一片閒雞起舞心今朝總入憶家吟交親隔遠渾無夢旅橐
雖孤尙有琴瘦影自隨身昨宿秋寒易向病中侵此情已覺
蕭條極半夜月明何處砧

九月晦日

秋思從今斷明朝是早冬微風寒餒菊白日冷搖松袍散憑
誰贈心狂向酒慵乾坤勞代謝偏惱是吳儂

小集

丁十八

括囊一

四

金陵遺書
蔣氏校印

殘歲又將盡家人小集時臉紅新釀酒箋滿舊題詩史老論
荒歲童頑賭勝棋出門日已暮頽醉待扶持

登泰山

海陵圖籍費蒐羅歲月如流一擲梭最是岳家貽痛憾粹編
重欲讀金陀

附記新城在泰州北五里宋端平中許堪修州城別築堡
城於湖蕩中謂之新城德祐二年元阿朮拔新城留屯以
逼泰州元至正十三年張士誠入泰州燬州城乃修新城
四面恃水設義兵元帥府及州治於此既而明徐達兵至
遂夷新城移州還舊治 海陵廢縣今州治漢置縣五代
時始置泰州州南至大江七十五里本揚州海陵縣楊乾

丁十八

括卷一

五

金陵叢書
蘇氏校印

貞中立為制置院南唐昇元元年升為泰州以其地傍海
而高故名海陵 偽唐李昇元六年遷楊行密子孫於海
陵城內號其居曰永甯宮殿守之絕不通人久之男女自
為匹偶周世宗征淮南詔撫楊氏子孫李景聞之遣人盡
殺其族周先鋒都部署劉重進得其玉硯瑪瑙以獻 唐
元和末夏侯乙宅生百合花大於常品數倍因發其下得
甕匣十三重各匣一鏡其第七者光不他照日中光環一
丈 枚乘上書於吳王濞曰轉粟西南陸行不絕水行滿
河不如海陵之倉謂海濟之陵因以為倉今海陵縣官置
監一歲煮鹽六十萬石 樂真人名子常州人也其故宅
在子城東南宋祥符中以為天慶觀 州治東七里響林

昇真觀內有徐神翁瘞劍所宋守陳垓於內建歸鶴亭二
月勸耕延父老躬畝 魚行莊塔莫知其始明萬曆僧募
建 昔王仙翁居州治之天目山西有五色鹿產一女於
山左草莽中聞嗚聲往視之見鹿乳焉翁挈養之鹿日三
至女七歲通三教後年十六翁以成人築台山右居之號

日鹿女台久廢 昔海陵地僻少故州治大廳之東名曰
淮東道院左丞陸佃到任謝表云飛蚊漸少頗無澤國之
風過客其稀至有禪堂之號 博物志云海陵縣多麋千
萬成羣掘食草根其處成泥名曰麋曠民隨而種不耕而
獲其利可收百倍今州人引以為故事按泰州實無麋亦
猶之羣芳譜言通州呂四場產鶴最貴而今之呂四實不

丁十八

括卷一

六

金陵叢書
蘇氏校印

產鶴也不知古人何以誤傳 泰州八景泰堂明月駝嶺
□□風池筆穎貢院奎光范堤煙柳董井寒泉西湖春雨
天目晴嵐 宋天聖間滕宗諒建文會堂於州舊治內與
范仲淹胡瑗宗弼唱和其中

楓橋夜泊

天霜江火夢迢迢無復嗚鳥伴寂寥多謝寒鐘舊時月夜深
猶為下楓橋

慘淡江山舊版圖紅巾劫後亂離初窮黎飄泊無生計撐著

破船時打魚

仰止亭 在西溪鎮名仰止者為范文正也公築
中州山排亭即今觀書樓是也
振衣上謁仰止亭千秋心印冰壺清先憂後樂思前哲我來

徒愧符其名亭畔三槐何時植鐵幹雖老枝茁萌僧寺東廊
讀書處羣公先後蜚英聲古廟基址草痕沒堂齋養善皆遺
澤危堤能捍滄海波公恩淪浹斯民骨尉遲文靖皆人傑我
最重公心感悅俯仰蒼茫六百年清風海上生明月新團宋
宅何須數最堪鄙笑高麗鼓六朝事業等雲煙縱有古甄吾
不取西風遙遙望眼賒水雲結念寄幽遐牡丹盡是思賢花
何日重尋曹長家

東臺多舊跡而公爲尤甚摘其畧附誌於此以志景仰
西溪西有三槐堂相傳公任西溪時手植槐堂後 景德
寺東廊有讀書堂宋天聖中富鄭公以父任隨侍讀書與
胡侍講瑗周待制孟陽相友善時公與滕待制宗諒俱官

一十八

括囊一

七

金陵叢書
將氏校印

海陵待三人甚厚謂皆公輔器也後韓駒亦寓此讀書
西溪東北三里五十步龍王廟西有文正公亭鎮東三里
五十步有博野亭與龍王廟相對皆公建今皆圯又鎮傍
有名堂齋有名養善堂亦皆公建又范公堤乃公築以禦
海水也 海春軒寺塔唐尉遲公監造題名尙存 靖公
堂宋呂文靖公爲丞相時建 東臺八景新廳明月古堰
清風萬竈青煙千峯白雪南畝春耕西湖夜釣筆灣夕照
聖果晨燈 梁堊有楊國保宅未詳何人 新圃相傳有
宋時故宅今爲田畝 西溪聖果院有高麗鼓相傳有番
僧浮鼓泛海而來遂封大聖 古城基一在小海南三里
一在草堰場北三里里人取土者每得大甌取之不盡俗

呼爲舊城門口按海安鎮乃南北朝之戍守處有城周二
里許甃甃內外明常遇春築後圯嘉靖間倭警巡撫唐順
之海道劉景韶重建城周六里許榜其三門曰鎮甯泰甯
永安尋復圯是其境多舊城不止此二處也 鶴雨樓始
名水雲汪民俊建慕宋逸民汪水雲故名 西溪鎮東寺
西宋呂文靖公官本鎮時植牡丹於亭後士林思公遺澤
因建思賢亭以誌不忘 鎮西北廣福寺後八八璞後漢
時鎮中有六十四巨家長者惟曹長家第一
元故宮歌

一十八

括囊一

八

金陵叢書
將氏校印

用金元之舊升遐則革前代諸華皆證至聖加大成二字
其餘善政猶不勝枚舉特至今爲口實者由其襲冒頓餘
風耳世祖登極極時問大臣滅元者爲誰或對曰西方人不
知乃皇覺寺沙彌而誤於番僧隆其位尊其號厚其供奉
以消其禍宮妃及大臣妻妾以下恣其淫亂以深其孽此
用心雖陰刻然愈於祖龍多矣若其後敝政叢生何代不
有故順帝雖昏迷不振猶得全終殆天之所厚於元歟紫
色蛙聲餘分間位如斯可矣烏得因俗議而薄之故作歌
以紀並附元時逸事及宮殿圖遺錄於後
蒼狼豔鹿神氣窮虛一旦生陽春殺人一千八百萬乘權
剗削扶洪鈞四世于戈苦三邊日月新華嚴開朔漢文物仰

鈞陳完顏耶律苦經營萬仞宮牆始告成經始土功來庶子
不設懿德召嘉名殿閣亭臺開位置巍巍一代稱宏肆玉欄
低亞壓熬頭繡柱高盤翔鳳翅斗拱龍鱗雲隱青椽題鹿頂
煙浮翠瑣窗間貼金玲瓏晴空玉碾風摩銅忽訝九天生音
樂簷鈴鐵馬和鳴鐘近座屏台列三五倚牀耽耽皮伏虎何
處房廊來香風宮人乍解胡兒舞寢宮呼作鴛頭殿宮中金
碧爭迷眩壁樹深嵌玉門楣窗影輕籠金幕絹燕趙嬌娃日
擅場巫山雲困楚襄王姑姑色艷新承寵失失花濃乍貼香
太平日久全忘舊當時已厭玉樓高後人直恥茅茨陋更跨
飛虹結玉京水心樓閣連蓬瀛萬株楊柳圍天國春光扶出
芙蓉城橋拱崇天迎麗正大明華麗猶稱盛殿後長松一萬

括囊一

九

一金陵遺事
前氏校印

株丹堦御道森森神清宮前延春閣奇花異卉紛交錯松
風吹出九天雲雲裏仙人多鼓樂後宮高閣遙相望閣高更
在青雲上佳人二八舞天魔宮女深宵眠佛帳牆東玉德復
文思堂開秘密花光迎海不揚波龍變化高岸爲谷山飛馳
路轉歌臺連萬柳金屋椒房路前後西北高臺迥蔚藍東南
生計饑民走長麻浴殿西城陞行出西華象更奇海上仙山
名萬歲道傍仙影萬年枝盈盈一水玉爲城圓嶠方壺畫不
成龍子乘時邀顧盼仙人入座卜長生玉虹金露連星斗浴
室參差平翠岫香泉龍噴鳳銜花太液芙蓉未央柳山腰金
主舊園棋當面興亡兩不知玉璽海東秋下詔金花塞上夜
傳旗清虛最是廣寒宮珠玉裝成薄碧空月出無光江海嘯

不知塵世誰雌雄山陰一片碧琉璃水晶圓殿臨漣漪殿前
石筍金光燦不數玉樹珊瑚枝君王與至能來往錦纜蘭橈
象牙槩銀漢仙槎夜夜浮金陵王氣年年長萬花行盡西山
松山頂飛泉雲濛濛怪石千年瘦蛟鬪層臺百尺青天窮北
望羣宮如畫幃森森花木雲陰潤鵬飛翡翠接騰龍獅坐珊
瑚壓欄楯光天小殿連隆福萬瓦魚鱗蹴蒼玉明仁延華拱
御溝慈仁金翠供遙囑危亭曲水枕溪斜水獸偃伏形槎枒
酒露醴蒸答刺吉泉香新造噉山樛有心儉誓空栽草無事
爭錢只散花詐馬筵前排擊設篋刀絃上撥琵琶酒酣耳熱
歌聲雜玉牀一曲流珠滑胡劇山棚北宛詞天街雲影西番
塔甃車栲栳白沙堤芳草如茵翠色齊香篆家家蜂蝶出宮

括囊一

十

一金陵遺事
前氏校印

花處處子規啼流觴走馬延巡幸繡闥飛蕩時遠近千門萬
戶九霄清大樂胡歌眾響靜荒淫放誕年復年人間不羨蓬
萊仙絲條十斤繭如窳無愁天子都茫然內城日日春光瑣
風流原不惟江左九儒抱屈辭離河雙斧進規幹耳朶只教
人唱玉郎歌誰知兵拾姑娘果河清石走狗隕天一旦河山
起暮煙夢虎亂徵隨處有臘雞薄宦少人憐腥膻污穢天人
怨石人出土長征戰昔日獲迎出廣船今朝狐出端明殿敵
來良相已先亡楊氏謠生眾穉狂高嶺有風盟皓月太師無
面見先皇九十年來冠履倒角落省臺山鬼叫西江雖免璧
銜與重泉應悔觴飛噉龍噉鳳目中僊扶歸白日還中天
阿蘭鳥相今何在一瞬興亡五百年

壬戌

弔方外德根遂宿安樂寺

唯餘堅固子古色一籠香萬事蓋棺定泥牛何事忙挑燈分

佛火安榻近禪牀夙昔真空意今宵證法王

海陵即事

霏微野氣欲黃昏近郭唯聞欸乃喧波而魚苗春避客路隅

豚子暮知門斷橋巧駕依頽樹一水斜分走屋根最是碧桃

花放好爲誰圖畫補牆垣

客海陵積雨

琴書相守在天涯客裏無情是落花底事年年春盡日一窗

梅雨未還家

十八

客邸

楊柳陰陰對掩扉閒居多與世情違棋甘著盡分成敗書愛

看窮探是非春向杜鵑聲裏老心隨蝴蝶夢中歸莫言貧士

知音少時有清風入座韓

宿茂才趙大鳴謙處

貧交相得宛然歸旋爲安牀用舊扉茶竈缸分新火活香爐

綠颺晚煙微犬疑各語猶猶吠鳥避書燈故故飛相道蔬盤

無別物寒廚依舊煮秋薇

晚眺

微風習習漾秋波貫酒漁維信口歌新雁得羣書欲寄白雲

扶月鏡初磨已涼天氣樓臺迥入畫人家楊柳多我擬安貧

師往哲蓬蒿深處卜吟窩

與王四慕亭夜坐

清秋相對夜迢迢聊藉閒情慰寂寥山水一瓢連月煮地爐

三足避風燒雲邊雁似憐家遠枕上詩多逐夢銷滿眼干戈

遊子淚祖鞭長羨覆驃驍

與慕亭舟次夷陵

昨宵黃葉下秋桐侵曉仍催繫短篷萬事浮沈江水外一帆

遙曳夕陽中家園小別詩兼夢澤國無情浪與風明日君歸

吾尙客知誰相伴數賓鴻

經淮陰漂母祠

寂寂孤祠傍釣磯千秋遺蹟屬靈旂煙波詩客輕舟寄勁業

十八

將軍大樹依燕子作家泥上壁蘆花成陣雪盈扉椒漿肅奠

心惆悵隱聽漁榔靜夜歸

題內翰陳丈湘衡小像

疏花零落裏獨立若爲親霜鬢不知老空囊還濟人干戈南

國淚鞍馬北燕春多少悲秋意長懷賀季真

癸亥

沙溝舟中

舷叩水中央蒹葭色未蒼落荷依渚靜孤枕納溪涼燈影寒

風漾波光午夜長幾多遊子意前路愧王祥

感懷

容易西風又一年萍蹤依舊感淒然囊錢尙賸膠拚醉古畫

重尋墨費研荻港雁行天近水湖橋蝦市柳如煙茅茨何日
開三徑擬與羊求結靜緣

憶慕亭用杜工部懷李青蓮韻

年華何在荏苒昨別更尋思幻境誰相證離懷我欲詩簷風侵
夢冷凍筆著花遲知否西窗燭歸期未有期

甲子

三十感懷 八首 錄二

庭院風傳翠竹聲瓣香瞻拜思凄清奚囊收納風波景漁笛
吹開野渡晴客久弟兄頻入夢年荒親友倍關情豪狂我已
銷除盡腰劍胡爲鳴不平

碧蓮一徑雜葳蕤古廟平湖日影斜玉枕留雲春選夢卸笙

丁十八

括卷一

十三

金陵五書
蔣氏校印

證月夜監花

此朱玉

陳蕃投轄雖耽客玉粲登樓自憶家早

晚歸橈向西放門前學種邵平瓜

見杏

香撲春雲曉氣寒東風無力略衣欄我來不敢輕攀折留與

新鶯仔細看

車邏阻雨兼謝趙醜泉惠茶

落盡黃梅水拍堤疏林無復子規啼黃旗八尺官徵稅烏犢

一鞭人試犁隔岸蛟龍雲上下倚波村市路東西湖軒註亦明

日天晴未擬展茶經更品題

開幕亭夜話夷陵事

賓鴻昨夜寄來書曾向深閨問起居兩字平安千點淚銀燈

纔讀一行初

周氏小園

地纔規半畝結構且能幽山矮高於屋亭孤小似舟寒花欲
成笑野鳥不驚秋翠竹青青个迎吾自點頭

同菊人哲人之妙游舟中夕望

皓月湧銀濤孤舟支一篙蟹稀漁火暗人集市聲高舊雨憐

楓葉新霜感絳袍雲中君不見琴劍嘆勞勞

乙丑

韭

曾記留佳客烹來味自芬蔬更聽夜雨香瓊薦春雲野筴供
原儉園丁翦自勤試爲餐蔬白臭味可同羣

丁十八

括卷一

十四

金陵五書
蔣氏校印

落花 六首之二

隱隱殘英下碧條迎眸著處頓無聊香纔能去假眠鳴風又
扶迴過小橋紅淚亂沾籬外雨綠心愁捲水邊燕飛鶯不管
春情思一串歌喉空自嬌

稀疏嫩葉漸成陰無那迴思意轉深幾度傳神飛燕影再圓

謀面隔年心春閨情緒天涯寄羈旅年華渡外尋此後蕭齋

伴容與不堪幽碧對遙岑

所聞

當途見蒙犬苦矣孤行客縵袍度奇寒風生天之北長劍秋
沈光悲吟天通窄兩袖忍低徊嚴霜又將夕

丙寅

宿郵城

霜塔響風鈴重湖浪不平漁舟搖落日霜驛報寒更酒濁春
拚餞天空月自晴明朝大陸路帆影又長征

口占

屋角紅霞一縷明茶煙吹夢薄寒生東風十里如絲雨誰啟
珠簾卜晚晴

聞笛

峨峨北固正當頭萬里長江一釣舟楊柳正當三月暮梅花
誰爲十分愁西來白日忙於我東去征帆穩似鷗細雨斜風
消受也布衣春晚下江洲

經喬家門

丁十八

括囊一

十五

金陵書
蔣氏校印

十載荆榛藏白骨望裏巖山還嶽峯蒼涼古道少人行相傳
暮暮豺狼出前年賊退復今年昔日膏腴今野田孤寡貧病
情顛連十里九里斷炊煙

又經喬家門

幾日征程卸短篷疲驢鞭影入山中村無行蹟人難問石有
閒花春與紅四處頽垣圍細雨誰家新燕怨東風故鄉寥落
今如此濁酒須邀白髮翁

句容卽事

眼前城郭綠盈春知是依依柳色新地僻絕無遊女跡日斜
時有賣魚人簞燈孤館藤牀陋佐飯畦蔬野店貧離亂初平
如太古誅茅將擬卜居鄰

望方山

崎嶇石磴翠盈盈細雨斜風促客程行到方山轉惆悵荒煙
空鎖石頭城

茅山感懷

三生舊事證前因應有桃花可問津綠雨一簾人中酒碧燕
滿院蝶尋春登樓玉粲常爲客泛宅鷗夷不是貧我已買舟
明月外將從仙侶結芳鄰

白鷺洲二首錄一

洲前看翠鬱嵯峨十載煙塵一瞬過北極朝廷依舊壯西山
風雨爲誰多生憎楊柳愁中心無那葡萄帳下歌前路旌旂
留故壘記曾黎庶若干戈

丁十八

括囊一

十六

金陵書
蔣氏校印

至白下

蒲帆安穩掠清波屈指流光抵擲梭吟遍客程佳句少看殘
春色落花多南朝風雨三更夢北固煙霞一櫂歌試問秦淮
舊明月圓成金粉近如何

阻風燕子磯登盤龍山尋鐵鎖故跡

江水滔滔送我舟天風浩浩留我遊捨舟呼童沽美酒芒鞋
徑踏秋山頭眼底江山開勝地島門蛟蜃嘯靈異山腰鐵索
繫何時橫江戰艦誰能記顛僧撒手空塵虛先我寒蘆渡江
去南朝紺宇今無多磬聲搖曳雲深處山名盤龍龍上天我
有腰劍名龍泉愁懷萬種割不斷看劍對酒心茫然
聞清水潭復決

他鄉仍故國情重倍關心鴻雁哀何警驩龍臥忽吟轉希人
語安頓覺淚痕深北望秋雲暗孤舟思不禁

過清水潭決口

舟來黃天蕩駭浪奪心魄舟過清水潭我視險逾百高低二
百丈倒灌阡與陌一一斯民居魚鼈遷新宅逆溜抵千鈞舟
過急如擲忽爾一過生孤篷勢傾側舟子急呼號面如血色
赤一權得迴波同人手加額相慶且莫喜我意翻淒惻水從
何方來數邑成汗澤逝者已如斯生者將安適子遺餘大堤
皮骨存枯瘠人饑由己饑謁者當引責安得一援手疏淪師
禹益

居鄰相語今年禾最盛惜乎天不與之實也聞之有感

丁十八

括囊一

一七

金陵叢書
蔣氏校印

錦繡換浮漚祥禾一夢休霜霏衣覺冷露警客生愁存確沈

波底魚龍出樹頭西風搖落月都咏白蘋秋

雨花臺 二首錄一

舊跡不堪踐秋生野戍寒旌旂新戰壘煙月古長干法雨銷

龍鉢繁華證鼠肝開花如有意猶自遶空壇

幽居

萬事不適意臨風強放懷孤琴宜雨潤寒菊爲誰開岸柳禿
於髮溪魚多勝昔明年與春約桃李擬重栽

丁卯

草 二首錄一

萋萋承接處不怨得春迎風雨幾迴聲池塘誰夢跡隨孤

客遠香許落花知密葉如連理何曾苦別離

與茂才謝大連捷 二首錄一

昔年遊白下曾與問東山孤月無相賞高風想像問烏歸山
郭暗花落石潭閒此夕君逢我開樽應解顏

寓金陵承恩寺

王府園邊夕照斜向平遊倦一停車壞牆過雨蝸成篆破屋
無僧狐作家旁若無人枯井水呵之不去覓巢雅晨鐘暮梵
聲何所夜夜秋風開野花

有感 四首錄一

北固晚霏微春歸仍未歸欲留無舊識去後復何依野水含
秋遠孤雲近日飛耶那山色好慚愧釣魚磯

丁十八

括囊一

十八

金陵叢書
蔣氏校印

送內翰黃二野筠歸峽

秋楓寒雁滿斜曛萬里江流一片雲我已熟諳遊子味長亭

何肯更留君

戊辰

甘露寺試劍石

鐵壁雄圖壯峯樹江上多千秋想神武一劍裂山河日月走

絕壁煙霞捫翠蘿干戈何日定清思負崖阿

飲惠泉酒

十年魂夢惠泉酒今朝沽到詩人手詩人對酒不忍狂泉上

青山知意否在山泉水不能清出山何必窮泉名遶泉香屋

住佛禪釋迦古佛秋不醒春山十里花香盈遊子日日紛如

星我來不嫌俗眼白只愁失卻青山青詩人不畏青山笑青
山只許詩人傲青山日夜紅塵多只有詩箋飛不到
丹陽道中

獨憐孤客走天涯雲樹蕭森不見家流水似人腸九轉垂楊
盈眼路三叉貧中不畏詩情澀客裏翻教酒量加檢點故交
唯劍在時時摩撫認霜花

泊舟小金山

豆圃花棚接竹籬候門迎笑有僧維平湖帆迴風來急小院
牆高月上遲近水人家如展畫入秋天氣恰宜詩怕開城上
更簾緊一片鄉心野雁知
雪意

丁十八

括義一

十九

金陵叢書
蔣氏校印

雲陰垂幕屢四野氣蕭森斷岸鳴枯葦空江縮凍禽梅花今
夕夢春草隔年心多少長安士輕寒應不禁

己巳

春柳

賞頭城郭綠陰連畫出揚州二月天一自和風報消息頓教
嫩眼解纏綿旗亭舊曲曾催酒漢苑新寒又禁煙恰好青帘
斜挂處杏花低亞板橋邊

紅梅 二首之一

記得寒山手自鋤山茶開後水仙初絳羅本是仙人骨不必
緜他種樹書

黃葉

閱盡風霜秋又殘依稀黃影暈林端能爲籬菊添疏豔未許
江楓擅壯觀茶熟竹爐剛得月詩成酒國不知寒家山深幸
無多路準擬扁舟放櫂看

君不見

天雨粟鬼夜哭天雨花民無家雨花無補斯民饑雨粟猶飽
饑開黎雨花何如雨粟好君不見前日臺城崇佛老斯民餓
李開黎飽

懷古 四首之二

石頭城

王謝風流夢杳然石頭高峙自年年女牆苔綠三山兩伯業
春銷六代煙湖水不來鷗夢穩戰船無事錦帆懸新碑故碣

丁十八

括義一

二十

金陵叢書
蔣氏校印

知多少衰草斜陽有杜鵑

勞勞亭

征鴻何處不堪聽建業西南送客亭芳草有心還惜別浮名
到處夢難醒青山那爲千年改流水何曾片晌停我亦輪蹄
猶作客羨人終日掩松扃

題畫稿

徵人洲俗稱鮎魚套自洲之淤澱而隔岸金山漸堪走馬矣
 世傳此乃亂徵近來瓜步又漸卸場揚城外東灘南灘故
 乃江灘揚子橋乃揚子江心也四十餘里車馬往來今之
 南岸日增北岸日減其將為復古之漸乎湖北武昌竹牌
 門外有地亦名鮎魚套亦纒艘輻輳之所賦尙據之未退
 茫然思及不勝喁喁於懷

耳邊鶴唳漫相催爭盼江洲霽色開平野風聲連樹起隔山
 秋色過江來三年客夢垂楊老八月詩情燭炬灰莫向青天

驚隋馬天門早晚走風雷

村居小景

秋光扶上蓼花枝澤國門閤我最宜避世故人書乞米盤空
 老鶴夜催詩尊中薄酒當風醒客裏閑情倩月知幾度西屏
 供畫本霜痕疏瘦寫東籬

青山營小泊圖

怒濤衝激撲山嵐舟險難禁雨意酣笑我竟同鷗夢穩不因
 名利到江南

寫八寶洲與七里洲小景其地又名草鞋夾

芒鞋跋涉厭塵沙無那飄蓬客裏家帆到江心都似葉浪催
 風簾盡噴花溪邊酒旆逢新雨山外詩情戀暮霞隨處關心

20551

衣食計達人先與話桑麻
 酒胡亭圖歌

大丈夫能與時殺賊乘風破巨浪則當絕俗息靜直造
 元奧之精蘊不然亦當遊盡奇山與奇水見盡異人與異書
 無如阮籍腰無十萬貫空空妙手終踟躕欲學蘇秦典田乘
 宅購得貂裘搖朱舌又愁饑來垂首號陰符歧途只合酒爲
 命輕視印綬尊提壺寄語王侯休我笑如今綽綽容高傲一
 滴富貴鴻毛輕斗大乾坤烏能踟促其形貌毋搖爾精毋勞
 爾形十二萬年天地亦歇絕區區浮名胡爲名請與玉帝要
 盟結約更在青天外酒疆酒域別成一世界醉死夢生萬事
 休秦皇漢武皆無賴懷葛爲酒帝羲農爲酒皇淳于爲酒翁

丁十八

括囊二

一

金陵叢書
附氏校印

20552

杜康爲酒王手搗彭澤招太白劉伶阮籍各使懷金章分疆
 立社蓬萊頂洞庭溟渤爲溪塘結廬更出青天一尺五肩頭
 左日右月流輝光酒樹香習習酒泉波湯湯白眼謝安與王
 導不知輸與兒孫誰輕狂木公金母不敢立堂下蚩尤夸父
 皆神傷桃花風簸梨花月烹調絳雪和元霜醉鄉渺渺無浩
 劫畔睨昆明悲滄桑何如且教酒氏一世二世萬世永無爭
 無奪饒徜徉糟臺安穩樹一幟春光坐保紅顏色笑殺癡仙
 與迂佛何苦忍饑受餓年年絕粒餐芝素白石我住醉鄉日
 復日醉鄉中人不我識芸芸皆是醉鄉人何如我爲主人酒
 爲客酒杯在手月在天魏頭珠露鳴消消世間無不飲酒之
 豪傑天上無不識字之神仙若徒飲酒與識字神仙豪傑魚

忘筌豪傑神仙同一肘莫遣糟粕爲木偶醉翁之意不在酒
酒中有道君知否

江天翠幘圖

嘯罷江濤起怒雷萬峯驚立影徘徊時空無雨木葉下楚尾
亂帆秋氣來

湖村秋晚圖

非梧蕭瑟度商音斗大書齋趣自深酒不誑吾工上面棋甘
讓客欠專心波寒曲渚沈星留夜靜秋心聽暮碁謝卻彈冠
朋結約武陵仙境許人尋

山水小幅

殘雲漠漠曉窗開不畫丹青畫墨堆隨處風光皆粉本外湖

船到襄湖來

丁十八

括卷二

三

金陵叢書
蔣氏校印

菊人金山圖

滔滔流不盡憐爾竟何之觸眼亂帆遠長空無盡時南天煙
瘴夕北客利名遲梵磬一聲落清冷有所思

仲香茂才金山圖

沈淪灰劫後千古此金山飛錫沒何處浮雲相往還車舟曾
跋涉塵世幾艱難今夕如能夢巉巖我共攀

世情非易合滿目孰知音落落子與我時時古與今百川如
可障此意與之深何日重延賞相將彈玉琴

題畫僧

洞裏蒲團洞外天菩提一覺證金仙不須更作拈花笑鶴喚

松濤自在禪

題范又維小照

準擬從君小結廬園林安頓朝川圖石邊垂釣魚成隊竹裏
烹茶鶴不孤少蔣名花供歲月多容清水種菰蒲囊中若有
贏餘物再向高陽問酒徒

山水小幅

樓外峰嵐一角斜沿溪疏柳碧桃花山靈容我爲僑客便作
青帘賣酒家

漁者

建業城邊是故鄉生涯瀟灑寄漁榔風塵忽作揚州夢輸與
浮名自笑忙

一十八

括卷二

四

金陵叢書
蔣氏校印

山水

山色蒼涼水色空冷冷清思逼絲桐朝來聽到無聲處一徑
松花落午風

山水扇面

小市依湖岸晨昏景不同人家深樹裏漁艇綠波中草閣穿
雲出危橋與寺通倚棹無限好帆影太匆匆

山水畫白田小景

莫笑湖城小民安官吏清青旗沽酒市香稻打場聲即此湖
中景頗添物外情羨他垂釣者堪自慰平生

少時春日晴和結隊放紙鳶足稱樂事余二十餘年來寄人
籬下友朋遠隔回思往事爲之悵然爰題數語寄懷任君

煤坡張君冀青不知二君以爲同況否也

寒食風前小兒女東村西村覓傳侶綠楊紅杏日喧和飄飄
爲影乘風舉搖曳晴空西復東三三五五趁春風少年不省
聚時樂別後音書空斷鴻眼前景物漸開珊錫簫聲裏寒食
寒行雲流水日悠悠天涯芳草路漫漫二三知己久離別一
經想像衷情結詩成付與楮先生他日逢時重細說
曉間筠坡來持紈扇乞畫紅蓼二枝下則草茅蔚鬱隱伏蟋
蟀唧唧若有聲呼吸臨風未省筠坡見之亦以爲蕭瑟否
也復贅以詩曰

落拓他鄉不諱窮朝來又學畫秋風當年蓬矢桑弧志用陳
豈在塗丹潑墨中

丁十八 括囊二

五

金陵書畫
蕭氏校印

遠上寒山石徑斜白雲深處有人家停車坐愛楓林晚霜葉
紅於二月花此古人句也摹其意寫一幅復題曰

山上楓林老更丹霜痕著意敵秋寒於今寄語停車客莫作
春花一例看

牛

水田三頃一吳牛漫說麟圖萬戶侯舊布衣裳新米粥明年

風雨又登秋

竹

錯愕龍孫十丈長窗前一夜一生涼何時乞得瀟湘種栽向

吾家舊草堂

蘭

莫笑維蘭乍努胎寄言花史好栽培東風轉眼春心發便有

清香撲鼻來

漁者

綠楊深處浪漫漫撈得魚兒帶笑還我亦有家秋水幾時
歸去理漁竿

蘆雁棠湖旅次作

棠湖記得蘆芽短棠湖再到蘆花滿霜鴻振羽銜蘆花湖上
遊人渾不管人隱湖濱乏酒錢秋風蕭瑟意茫然目送霜鴻
入寥闕手把雲藍寫碧煙

梅花

萬壑不知路北風寒且清老鶴忽鼓翅前導行人平生鐵

丁十八 括囊二

不

金陵書畫
蕭氏校印

石性雙眸爲君明欲折仍未折此中無限情

吳中近事君知否團扇家家畫放翁人多議其藍本於白傅
兼聞好事者畫我作屏風二句此幅本玉石谷即畫原詩
免人口實

吳山多近打魚磯磯上家家住翠微曉日五竿人未起查查

山雀繞簷飛

十月江南未隕霜青楓欲赤碧梧黃停橈坐對西山晚新雁

題詩小著行

荷花

我深不信太華峰頭玉井蓮何以花開十丈藕如船豈非蓬
萊圓嶠自成一世界冰壺月窟住者皆神仙更不知玉井蓮

惹大何許採而食者誰家子藕汁果然如蜜甜胡不分飲大
千蒼生皆不死西湖花開大如盤億萬千頃同根荻太華飄
渺如許我來往定叩神仙當日乞將誰家種子栽南風搖搖
六七月西番蓮花開於雪搖搖湖水臨波紅道家偏生烈燄
中天時地利有時不可以意測滄桑幻境將毋同日月兩丸
同一穀人生萬事情爲國君不見佳人日暮臨迴塘低昂流
淚悲空房拈將蓮子擲知己有心憐子原如此更不知海水
燒紅北斗柄折玉井枯嬰兒姹女黃婆媒孽終何如安得仙
人抽將玉井之藕絲織將連理長相思

樓霞山圖

餘霞一抹落鴻前萬派朝宗浪拍天吳國亂山多海氣楚宮

丁十八

括義二

七

金陵叢書
附氏校印

三戶少人煙地通蜀脈三千里城據秦淮五百年我欲乘雲
尋帝子鳳皇臺畔草如煙

山水

依依山石漸成陰風輭雲和野路深我欲騎龍過江去憑誰

先訪伯牙琴

無題

隱隱蕭牆撲杏花危樓小榭枕溪斜飛來一片雲都綠春在

垂楊第幾家

山水橫幀

絕代有佳人流輝照空谷明月遍長空不照孤鸞宿萬里黃
河雲萬竿滿湘竹黃河入淮流去去誰清濁苦竹哭英皇夜

20564

20563

夜聲玉美人有所思神龍悲尺木
美人輕黃金但願顏色好志士惜分陰坐嘆青春老輕車洛
陽橋風塵知己少璞玉不求人時風尙妍巧蓬萊不可攀言
歸尋暮草

秋草浮秋煙相逢月上弦可望不可卽金樽羅綺筵仙島路
匪遙置酒情匪惡別恨填中懷醇醪薄醞薄遊鯤棲酒轍高
人世情縛竹實世所希何以謀飲啄
絲竹多嬌聲不若琴與瑟雷陳志雖堅不如膠與漆意氣激
浮雲雞蟲何得失賴有知心人中情常惻惻低昂九萬里何
如獨戩翼膠漆不自堅良材藉朱絃瀕行留好語珍重盛華
年

丁十八

括義二

八

金陵叢書
附氏校印

樓霞山圖

當年收豎此乘龍故壘蕭蕭夕照紅千里江聲淘鐵鎖萬山
秋色老漁翁雲霞猶帶真王氣市井難尋太古風悵望武岡
山上路南朝煙樹晚濛濛

山水

山溪紅樹一人騎款段馬一人執宮扇人馬不及寸曾於
棠湖市上見荷戈者持售乃明宣廟畫也仿一幅深覺氣
韻不及其生動瀛甫謔曰過之沈吟數四詩又不及故書
其原句於上而並誌之

騎龍重過小溪頭紅樹還春碧水流省識壺中見天地壺中
天地不曾秋

山水

故人楊柳渡鬱鬱返歸路薄暮日銜山雲生隔煙樹

桃花

絹素無光玉暈肥九天仙女思依依一篙浪暖魚兒出二月
風和燕子飛阮肇且教迷洞府阿瞞何肯怨楊妃胡麻飯熟
佳肴盡舉網還尋舊釣磯

花鳥四幅擬禽言

雞雛朱朱呼阿公我無斗粟不可春呼聲朱朱將何庸一珠
粟落一珠淚斗粟價較斗珠貴人家無珠爭賣確窳頭野菜
釜隅寸蔥舉家歡讓饑腸可充我恨無術能致富夢回雞呼

陶朱公 朱朱

丁十八

括囊二

九

金陵讀書
謝氏校印

旋斫生薪煮稗餅釜心無水旋汲井水火不均餅熟冷甕右
薪乾火力足甕左粗濕餅不熟待得薪乾火力高半釜煙生
婆餅焦不畏人言婆餅焦只憂齒缺婆心勞婆餅焦
姑惡姑惡姑不惡姑惡家道不凋落昔日爭言妾命苦五夜
霜寒撈豆腐目高賣得三百青銅錢紅日初斜欣安眠歲晏
得粟通粗罍贏餘昨又補茅屋今朝人祝妾多福姑惡
枝上禽言脫破袴街頭典局民生路昔時剗肉尙醫瘡今朝
疥痛無門訴賊興處處鳥驚弓典局歇盡生民窮前村大戶
非不富家家貴執不貴布脫卻破袴無換錢處脫却破袴
倪瓚居厚陽山號雲林嘗自題畫云蕭蕭風雨麥秋寒把酒
臨翠強自寬賴有俞君相慰藉松肪笱肺勸加餐隱士江

陰許士雍錫山湖裏泊秋篷秋來鱸膾尊羹美亦欲東乘

萬里風臨共意並書一絕以銘私淑

蕭蕭數筆墨班瀾風自悠悠石自閒君去如經厚陽路爲吾

先約近湖山

畫梅

雪花催我醉屠蘇把袂低昂興不孤多事寒梅今夜夢又隨

明月到西湖

不倒翁圖

紙糊泥塑具精神媧女天邊幻後身任是兒童百摧折依然

自立不求人

丁十八

括囊二

十

金陵讀書
謝氏校印

括囊詞草

金陵叢書丁集之十八

南浦 對桂有感

句容尚兆山

客邊情事幸清香金粟正當頭孤負霓裳舊約又是一年秋
曲曲銀河有路對西風空自學句留縱姮娥玉鏡多情照我
無酒恰堪羞 累日蕭間快惱向天涯王粲怕登樓已是美
蓉消瘦風雨釀新愁况又輕寒薄夢芭蕉外樓鳥互啾啾待
采薪無恙重尋勝地放歌喉

虞美人

幽魂化就傷心草兒女英雄杏柔姿千載尙溫存日日低頭
長憶項家恩 江東父老今何在誰與憐嬌媚清芬應不過

詞草

金陵叢書
蔣氏校印

鴻溝不唱虞兮舊曲亦生愁

玉漏遲 容人表弟出素紈屬寫老少年秋海棠折枝倚此
以贈

少年容易老寄言漫把芳辰錯了畫裏扶持不及栽培趁早
縱能乞借春陰怎無奈春光已杳休草草一刻千金毋忘年
少 深愧卅載浮沈被秃管殘煤光陰消耗蚓啣蛩吟徒惹
西風姍笑冉冉芳華去也深怕見簷邊斜照秋意悄惟有同
心知道

原跋

今天下攻詩者夥矣無間窮達人人皆自以為握珠抱玉然而達官貴人雖意氣發舒身與名交泰至於一言一詠競巧爭奇往往不能與草野槁項黃馘之士較得失於毫釐分寸間其故何與毋抑昌黎所謂慳儉之辭難工而窮苦之言易好者與余之雅故有窮者句容尙君仰止以從人子旅居江甯爲童子師營斗粟給事畜久之不自得并生徒謝去儼老屋半椽礎礪其中紙筆和墨日繪數紙博百錢自養薄糜不繼敝衣至不掩胼形容支離見者皆色動而君固頽然以順也諷吟夏夏作鍾球鳴或申且不寐治話訓之學尤專箋註紛羅搜括蒼藂夥頽沈沈後喜事益堅常挾氈椎忍飢走荒山墟莽間採草把土冀躡尋殘遺碑碣有所得則沾沾以喜如亡子之歸如象罔之得遺珠魏太子之嗜寶玦也遇書賈人有佳碑版植饒甚君則罄其室中衣襦舉質以購薪必得乃娶其性專而嗜古如此坐此益困窮不能自振妻又死以一女自隨無聊困窮單子愁苦而斐然述作之志不稍懈遂病重髓關節壞潰臥病逆旅余奔走省視躬爲治裝瀕行與劉君誠甫送之西州門外所賃小棚蛇行以出入偃仰偏仄一舉足則左右動搖視其狀至爲慘悽歸未數日竟以不起噫君生平雕鏤肝腎憔悴專一幽憂以死終其身不知人世有權欣儉法事所述作至三十餘種卒存其第者須以蠹燭耳亦可隱矣余僅得其括囊詩艸八卷披揀得若干首彙錄

丁十八 原跋

金陵叢書 蔣氏校印

之孤芳摧秀深語苦語悉詩所餘雖大半與於感憤鬱積有類於古窮人之辭而不得不謂之工也視世之酬答富貴辭濃飽鮮於窳穴中作蒼蠅鳴者判若逕庭矣江甯翁長森記

丁十八 原跋

金陵叢書 蔣氏校印

括囊詩詞草跋

右括囊詩草二卷詞草一卷並句容尙仰止先生著先生名
兆山諸生世業田田於實應遂家焉堅苦力學自拔於吠畝
之中以客授來金陵與儀徵劉恭甫金壇馮蕡上元顧石
公江甯甘建侯翁鐵梅交益砥屨同學孳孳迄窮日夜不
休詩非其專詣然興到涉華清絕塵鞅登臨懷古之作多所
攷索篇什遂滋如登秦州秦山及仰止亭元故宮歌並網羅
軼聞留連陳迹筆又足以副之不媿詩史尤嗜金石春秋佳
日蹀躞亂山中捫蘿別薛遇殘碑斷壁雖劍蝕如蟲籀龜篆
者亦必椎搗以歸珍如瓊寶又嗜地輿之學晨鈔暝寫不自
暇逸以是致疾不悔也所藏若校官國山天發神讖皆舊拓

丁十八

金陵遺書
附氏校印

此豪有力者百計求之不可得而先生以一窮士羅致之可
謂深嗜而篤好者矣鄉後學蔣國榜

道 顧 眞

白 伯 生 三

乳

蔣	屋	如	雇
氏	校	月	涂
慎	印	著	月
情	甲	始	告
書	寅	丙	成

先府君述略

府君諱我愚字伯蚪文莊公八世孫幼承先大父庭訓秉性
聰穎事理通達童年遭粵寇十餘年間南北奔馳備嘗艱苦
同治甲子江甯克復稍事安息府君乃銳志於學旋受知於
學使者鮑公華潭補縣學生員繼又投筆佐戎幕水師張梓
堂鎮軍與府君為莫逆交事無巨細悉倚畫策未幾彭剛直
公聞知府君學行以為奇士語鎮軍曰可大用忽嬰肝疾目
失明病將歸剛直公歎曰是盲於目而非盲於心者也不可
失此奇士仍居戎幕三年鎮軍歸道山府君家居讀書課子
無他營擾府君性豪邁尚氣節處已儉約而待人獨誠戚黨
鄰里間議斷處決一秉公正失明後三十餘年貧如洗嘗謂

一二十 述略

金波書
府氏校印

人生可以三日不舉火而不可以一日無真樂抱鄰長吟有
時酒酣關心天下大計侃侃論之壯氣不可遏光緒十年法
人寇我邊圍三上壽於當道皆不報幫辦軍務大臣陳少司
馬獨以為有志之士然府君非必欲以自炫也同邑羅叔重
先生贈以句云熱腸曾飲渠魁血盲目難灰國士心蓋紀實
也光緒乙未年嬰疾虛不起召不孝等而謂之曰汝先大父
骸骨遺粵匪亂遺失不得葬畢生所疚心者也我輩徹天無
可逃賤今汝等必能收吾骨而歸之先坐然愴念已往之事
予心實有未安今願就死荒郊薄棺殮殮以贖吾愆以遂吾
願汝等其無違家慈以次均勸慰不許不得已不孝等往牛
首團山祖塋之前賃僧舍養病頒行表叔芮紀齡君自南郊

小米行來勸往其家何如先嚴首肯遂往旬後病加劇念命
不孝等於芮氏門外支茅為易簣地家中人泣慰堅不許乃
如命安枕移時痰湧神躁遂棄不孝等而長逝享年五十有
九著有荷苦吟二卷愧齋詩賦鈔各一卷文稿若干卷已選
入金陵文徵男良範謹述

丁二十 述略

金波書
府氏校印

何苦吟

客有栝先生過詢管城子殷勤念主人何自苦如此古來詩人多於土莫不筆歌與墨舞縱得千秋萬歲名貽笑雕蟲何足數况復主人失學早讀書識字殊草草未有摘藻揆天才何如藏拙弟虛好管子默默久乃語先生胡為太齟齬一為主人明其衷呼之入坐吾語汝嘗聞主人言有之感我心者必有辭自然天籟成音節有韻之語豈曰詩風雲月露詞必工銅琶鐵板才須雄學力不及安敢擬騷壇樹幟難為功惟自遭逢患難來餘生幸脫天網開人事漸與日俱往何以留

遺詩上

金陵叢書

一附氏校印

之資磨煤兩晦燈昏愁欲絕窮途歧路淚流血江湖夢醒嗷風波沙場磨破鳴金鐵卽境拈豪紀瑣事詞不嫌俚求達意非曰此可與言詩雪泥聊為飛鴻記擬付家乘示子孫俾知艱苦常操存主人之心苦誠苦試與吾子重細論主人聞之出肅客淚下如雨頭愈白管子亦何知我真先生愛我誠以德何苦二字愛最深愛深之言不忘心予亦不自知何苦名吾名曰何苦吟

述懷

不可一日不讀書無書此心無依著不可一日不吟詩無詩此心不快樂讀書求多不求熟收其精華退精柏吟詩貴樸不貴華使此真性有寄託法當如是我行我莫問人笑眾口

錄

懷

被髮跣足當天呼風雲黯黯天模糊升高四望天聽遠悲泣聲徹天之都霹靂一聲聞聞啟羣帝驂龍遊雲衢不復俯視一回顧金碧照耀須臾無身無羽翼難攀附昂首恍忽空長吁天路幽險誠難達神人勢分相懸殊自愧鄙陋不知命妄生希冀豈無辜歸臥空齋愧滋甚名齋曰愧俾警吾愧齋清虛夜窗啟雲天縹緲月輪孤

別秦淮

山莽莽雲悠悠秦淮日夜向西流今我東逃走常州何時再作秦淮遊桃葉渡邊舊酒樓幾株衰柳不勝秋從茲總是故鄉愁相思夢恐無時休煙深遠沒板橋頭雨花山畔夕陽收乍離虎穴躍鴻溝楓林茅店月如鉤魂歸猶弄青溪舟寒泉嗚咽和清謳醒驚霜鳥嘯啾啾促余早發勿久留

遺詩上

金陵叢書

一附氏校印

爭戰考
夜半傳餐鳴悲笳人馬疾走無喧譁旌旗光閃曉日暗陰風黯黯飛黃沙賊火連天照山谷賊寨某布跨水涯賊騎騰捲出我後大軍背面鋒交加號令嚴整不可撼奚必陣結鳥與蛇反顧即誅何論退前進矢石飛如麻大旗伏地礮聲過乘煙狙疾前奔羣數伏數前賊勢卻逼近鹿角拔棹枻前軍倒屍紛無數後軍擁進圍周遮越濠填壘避礮火銜刀挾矛手足爬梯屍冒火拔幟入裂旗裹血掃井蛙虎穴已入豺狼走

鼓音不絕除爪牙食不得飽經晝夜忍飢逐北日又斜死者
狼藉不暇葬傷者苦痛聲呀呀天明整軍更進取死傷火伴
空吞嗟嗚呼君不見沙場爭戰血如雨散作秋原碧土花狐
狸螻蟻爭餘骨月黑天陰鬼哭家蒼生肝腦沾濡偏大帥管
纓被服華舊日戰場重過問有人泣示刀槍痛時漸昇平無
用處貧居學種邵平瓜

雜感

懷愁獨不寐涼月朗中宵秋洗天一碧銀河沈珠杵客露侵
羅幕林木聲蕭蕭亂蟲語轉促幽魂黯然銷衷曲何以慰兼
葭水迢迢

塞鴻一聲至颯颯起長空蒼煙迷沙渚落葉寒井桐苦色綠

未已溪流去何窮歲華悲駒逝紅顏彫金風貧居聊自樂素

心知誰同

登高一長嘯萬里秋聲寒飢鳥號古木白雲逐鷺瀟野鶴飛

復集斜陽墜欲殘孤松偃深谷蓬蒿覆幽關曳杖將何往綠

蘿下層巒山水空自好抱琴誰與彈造化何時終仰視天漫

漫

園林日荒蕪秋色淒雲木況味誠蕭然獨愛撫寒竹晚花餘

空枝蝴蝶猶相逐亂石咽鳴泉疏籬秀寒菊鳥聲何啾啾草

色青如沐悠悠君子心金玉遺空谷何日去復還共我結茅

屋

濁酒不值錢何妨一醉倒原上白骨多鏡中紅顏老功業終

何歸臺榭餘秋草時不舊時來人是故人好俯仰皆吾徒何
妨清眼少灼灼桃李花轉恨春風早遺際各有時天眞宜永
保至矣聖人心顯晦皆順道

笑桃笑春風翠芳何足數倚樓嬌綺羅當筵媚歌舞繁華散
空林寂寞誰爲主回顧歲寒松青青獨千古幽人與盤桓感
傷泣如雨

扁舟涉洪濤狂飈競摧折波掀山亂崩浪跌帆俱滅篙師手
足疲估客心膽裂岸上遊觀人風景稱妙絕閱歷苦未深莫
漫爲此說

登時召靈瑞鳳凰遊高臺和聲簫韶備振羽雲霞開阿閣巢
宛在岐山幾回來如何此一去千載不復回引領望嘉應踴

騰陟崔嵬丹山亦何遠梧桐空栽培何當遊郊藪九苞相依

限朝陽聲調調共我起徘徊

武昌夜泊

吳楚關山關思親泣夜舟夢歸千里客月瀉一江秋沔漢爭

東注衡湘控上流南征實節使餘燼幾時收

黃鶴樓

乘風揮淚到江城極目三湘殺氣橫去鶴不還樓自在落梅

重唱笛無聲滄桑隨轉千般劫雲水長留萬古情憑眺莫嗟

興廢事茫茫何處是南京

客揚州

小住春城思寂寥鼓笳驚破玉人簫秦淮風月隋隄柳一樣

寒煙咽暮潮

憶友

別思與時永霜飛草又黃夜來入我夢曉起淚行行生死疑
難決干戈勢更張何當重握手風雨共吟牀

答友

家書昨到索炊資滿紙飢寒告急辭檢點空囊無可寄朗吟
將伯助予詩

渡揚子江

怒濤萬疊起嵯峨一片蒲帆奪路過莫到此間方怕險看來
何處不風波

揚州八月十五夜

丁二十

五

金陵叢書
將氏校印

浪跡他鄉何所之秋風瑟瑟髮絲絲知當對月思親際是望
兒歸墮淚時

夢家

寒燈送夢過東臺喜見慈親笑口開幾度牽衣攜手問兒緣
何事不歸來

駐軍虹橋話揚州舊日之盛感而誌之

畫船西出泛湖山買醉虹橋拾翠還歌舞滿城春似海祇今
烽火似邊關

臥病

強逐風塵病骨支身如秋葉鬢如絲從來磨竭原由命莫卜
金錢莫問醫

屢接家書屬遠人千金珍重客中身明朝和淚寄書去強報

平安慰老親

舊筆袋

乞食天涯爾與吾淚痕墨跡日模糊恐將艱苦都忘卻留作
他年記事珠

村居即事

病久身初健幽居草屋中放懷天地隘閉目古今空雲起山
爭綠雨含花欲紅晚風吹牧笛聲隔月朦朧

立秋

年年送秋去今年秋復來依然秋色好其奈鬢毛衰柳綠幾
時再涼新一雨催猶聞征戍急鴻雁又將回

丁二十

五

金陵叢書
將氏校印

渡鎮江

孤城背水賊烽環何事勞勞渡此間惆悵中流更南望鄉心
飛過幾重山

登甘露寺

北固風高戍角哀琳宮無復舊樓臺僧謀衣食從軍去我愛
江山冒險來寸土留圖全省計飢軍死換一城回危亭俯瞰

淮揚遠海色蒼茫夕照開

寒夜有感

獨坐一燈冷霜鐘入夜遲理從微處悟過向靜中思骨肉各
天別華夷多事時飄零湖海客何以慰衰慈

早春復病

丁二十

六

金陵叢書
將氏校印

憔悴年年自可憐強支羸疾冒烽煙病魔常至如相識世故
何深懶細研謀輒難成增閱歷貧能無恙亦神仙又逢草綠
江南岸幾許春愁縷縷牽

鎮江城樓春望

春郊隨復課農桑芳草斜陽滿戰場指向碧空一昂首青山
多處近家鄉

讀邸報前京兆尹蔣琦齡應詔十二策感而賦此

骨鯁遺風不可尋大哉公獨振當今軍民弊重言非憤社稷
憂多見獨深動聽自關英主意救時求盡老臣心賈生痛哭
誰同調展誦噫風淚滿襟

鳳凰坡晚眺

丁二十 鳳詩上

七

金陵遺書
蔣氏校印

鳳凰坡上晚登望山色蒼冥江水長五色旌旗迷野岸一城
煙火間斜陽相公德澤餘荒屋絕代名區作戰場京口潮聲
催月上照人涼影下層岡

鄧新之表兄往視六合田歸備述景狀感賦此詩以誌實

憶昔戊午八月秋浦口戰敗悲維繼銅鑄六合一朝破揚州
西南起戍樓是年鄧姑置田屋移家江北居山谷卜云其吉
變有凶老幼日夜走號哭今年征戰復明年容易星霜六七
遷春來阿兄往探望歸述情狀殊可憐僕徵南去人蹤絕枯
骨零亂白如雪黃沙迷目青蒿深心惶懼過豺狼穴重尋三
徑荆榛攢邱墟籠煙松竹殘澗泉幽咽如泣訴主人歸來荒
山寒舊佃驚聞主人至悲喜相持各垂淚訪舊屈指物故多

村落戶口僅十二薄茅蓋屋牆半缺烹泉代飲細論說去年
賊走官軍來官軍比賊更酷烈流亡初歸無積蓄日食安得
粟與菽公私仰給誰補償惟望田中二麥熟沃土無力耕不
全更苦官役私捐錢少壯他鄉甘餓死疑畏不敢歸耘田次
言家人半死別慘不成語聲吞咽挑來野菜供晚餐炊煙冷
淡夕陽滅四顧蒼茫鴉亂唳悲風起兮暮雲低月夜闌黑山
鬼哭燐火陰碧飛東西敵臥土牀燈清幽股股遠戍更鼓收
東裝待曉不敢留雲山回首空悠悠歸來悲感話不休我亦
聞之相對愁吁嗟乎滔滔兵革遍九州九州疾苦相同不我
作此詩向誰投聊爲萬戶千門寫同聲一哭淚交流

徐村漫興

一一一 鳳詩上

八

金陵遺書
蔣氏校印

梅子初肥雨乍晴村村打麥放歌聲野雲天壓低於樹破竹
風鳴韻似笙鄰女摘花分采伴田翁邀飲話生平異鄉樂莫
嗟黃鳥聊當桃源好避兵

得請歸來喜不禁青青萱草百年心半間矮屋居三載一日
承歡抵萬金著果細枝將墜地倚窗新竹漸成林阿連夢斷
無佳句村畔春來墓草深

幽思

婉彼幽女山之阿惡施脂粉賤綺羅春初蘭蕙秋佩菊靜掩
柴門修素娥拂塵臨鏡長歎歎玉顏不駐春秋徂山家妝梳
異時樣蹙修眉不著余女伴頻來慰幽獨傷時不解求貞
淑幾輩巧學畫蛾眉盡被矜憐貯金屋曷爲自令損肝腸莫

若從俗易初服荷感斯言不吾聽絕代紅顏終因覺佳人感
謝心益悲誰能變心悅眾目自媒醜行古訓明甯守樸素沒
寒谷蓬門自有山家春煙霞帷幕猿鳥鄰縞衣自浣山泉潔
雲鬢低輝山花新秋風起兮木葉落露寒月白思寂寞空庭
徘徊曉雞作妾敢怨尤甘命薄

秋夜舟泊瓜洲

月浸澄江露氣清舟浮疏火斗邊行海潮夜半吹風上驚起
平沙雁陣聲

鼙鼓浮江戰艦橫煙封殘壘亂蟲鳴挑燈靜掩篷窗坐蘆荻
蕭蕭作雨聲

瓜洲晚眺

丁二十 風詩上

九

金陵叢書
蔣氏校印

殘照籠煙細雨過長空暮影起層波幾聲吹角催山月兩岸
停船聽楚歌江匯邗流風浪急潮生秋色海雲多漁舟唱向
蒼茫去一點焦巖隱翠螺

晚眺

嫩涼新雨後霞彩散江皋歸馬隨沙沒昏鴉雜角嘈煙霏林
壑冥潮湧月輪高何處蒲牢動聲聲挾怒濤

舟經北河口水軍

薄暮煙波渺催橈過水營一江煙火合四面楚歌聲天際排
檣艣軍容動鼓鉦元臣勦遠略不使懈防兵

閨怨

自製新詞自按歌玉顏寂寞怨如何傷心欲問天邊月缺到

國時恨幾多

村居冬日

暫息征軍待歲除一天風雪掩蓬廬少歲旨蓄緣供母爲就
梅花特徙居田父每邀從客飲鄰翁時乞授兒書渾忘身世
流離苦漸感邦人詠白駒

寒林煙壓曉嗚烏雁渡遙天斷影孤霜警野鐘聲愈竦晴烘
山靄冷初蘇暖因向日愁櫓矮瘦不禁風替竹虞預喜來茲
歌歲有連番雪膏麥苗腴

寒夜消磨酒一壺短檠低傍影模糊遠沈沙月孤村失苦戰
風霜萬木枯火撥殘爐溫可炙書呵凍墨淡如無雞聲引我
清機山開卷欣然百慮摅

丁二十 風詩上

十

金陵叢書
蔣氏校印

丙寅元夜宿石莊旅店題壁

攤衾兀坐悄然思爐火餘溫凍柝遲四壁燈昏鄉夢後一窗
月滿雪晴時

流亡初集課農功征斂誰憐杆軸空慙讀道州歸老句引竿
明日趁東風

西鄉行

西出江陰道漠漠寒雲平春初動野色寬物難爲情膏壤滋
荆棘狐羣鳴相爭村落餘瓦礫枯骨時縱橫停車歧路上喜
聞機杼聲尋聲出村徑田叟遠相迎延客坐茅屋茶酌山泉
清自敘流離苦十室九死兵去秋遠歸里沃土無力耕織布
給餼粥舉家日經營抱布昨入市商賈滯不行問無售者故

給餼粥舉家日經營抱布昨入市商賈滯不行問無售者故

捐輸增市征苛斂已考重官吏猶云輕正布易斗粟計利無
餘贏莫救饑殍急安問手爪精鄉土雖可念此業難爲恆思
將變生計徙家去江城悽然語未畢淚下如雨傾我爲長太
息時政尙虛名農桑未興復財賦何由生持末不揣本斯絀
終難盈安得民上者出郊巡緝氓耳目親疾苦政令因時更
速奏康樂效俾無哀鴻鳴田叟復款治言論聲轉宏芻蕘誠
可念胡由建公卿僕夫數勸駕攬轡問前程回顧煙樹杳一
片夕陽明

落梅

冰雪雖多奈我何能教天地轉陽和飄然高謝風塵去羞見
羣芳鬪綺羅

閩詞

柳自年年綠王孫竟不歸玉樓春又去不忍看花飛

祀弟仲蚪墓

花開棠棣淚沾巾孤冢萋萋草又春而月不逢君入夢特來
隔土一相親

咸豐己未賊將以江浦城歸未幾我師敗績於浦口張總統

率援兵北渡是夜宿新江口軍中有作

既濟成行列沙場夜未央潛師爭要隘背水誓存亡月落巡

笳繁風鳴賊火狂前軍機又失歸馬血玄黃

金山繫馬歌

京口江頭按轡過爲問舊夢今如何款款繫馬金山下金山

丁二十

十一

金陵雜書
周氏校印

寺畔黃蘆多當年山抵江之中遙共焦巖浮碧空知誰拔出
洪濤外不許鎮守蛟龍宮碧空砥柱今安在北固江山一朝
改疑是靈鼉戴未牢隨潮飄去歸東海不信岸東一峯峙云
是金山舊基址莫非昨夜雷雨中驚嶺隨風飛至此山倒影
兮不復見騰空江兮仍如練小別江山五六年果然彈指滄
桑變憶昔山下放扁舟萬重雲水一樓秋月渡中流橫塔影
天垂飛閣壓潮頭祇今沈閣荒灘側疏鐘冷咽斜陽色妙高
臺餘劫火紅中冷泉塞沙泥黑冤禽填石波瀾枯蓬萊宮殿
長蕪蕪況復殘壘土花碧十年戰血猶模糊山靈何日歸故
道四圍依舊煙波好煙波好時我再來不識頭顱老未老嗚
呼今古自來去陵谷無常何足據安知千萬年以前此非金

丁二十

十二

金陵雜書
周氏校印

山之舊處浮生何須多怨慕賞心當隨境所遇酒醉呼起迷
禪僧一掃共醉江天樹暮雲亂兮海風狂琳宮燈影生荒涼
徘徊僞鳥不能去汀洲回首煙蒼蒼

孝陵衝難詠

咸豐六年丙辰向榮敗績歿於丹陽張忠武公乃拜總統
之命明年丁巳克復溧水句容鎮江是年冬進攻金陵北
自觀音門掘濠而東越鍾山西嶺進逼而南跨上方橋以
困城之東北賊乃出屯秣陵關虎鎮軍擊之中飛砲死數
文英將其眾急攻之賊乃走乃更築長濠自上方橋而南
循雨花臺之陽復西折而達於江連營數十里如環帶焉
於是南岸之圍始合未幾濠訖請援載文英救之不克與

鄧紹良俱死於賊賊勢大震張忠武公親往擊走之師未
旋適浦口敗績六合儀徵揚州盡陷忠武親率凱旋之師
由泰興北渡而南拒萬福橋戰無不捷賊望風而潰盡復
江北之地以李若珠守六合此咸豐八年戊午也於是江
南之軍兼顧北岸矣明年駐兵浦口一夜為賊襲四十營
周天培死之此其一挫也賊圍六合馮子材等屢以援兵
敗於紅山審李若珠以糧絕退守揚州凡軍實所存者不
及十之一此其再挫也張玉良遠救杭州此兵勢一分也
十年庚申春正月克九洲洲而以馮子材駐守此兵勢再
分也是以閏三月十五之潰其有自來歎嗚呼悲哉天耶
人耶時余從事其間耳目之所及者輒感慨系之矣爰集

諸作并而序之

丁二十

十三

金陵叢書
解氏校印

奮克三城大有為功成白下竟無期濠穿墓道悲枯骨旗裂
沙場負伏尸蔣阜雲深奇徑闢秣陵星隕捷書馳桓侯力率
長圍築南皖求援又誓師
浦軍風鶴隔江驚六合空言鐵鑄成老母東來無覓處隻身
北渡敢貪生孛星燭地天如曙班馬銷魂夜有聲歸向紫金
山上望狼煙直犯廣陵城浦口有之制敗歸居江鎮北餘六
由之橋
山北渡道夜上求勝得瓜所始戊得午秋秣八已備半村星人
香見於南日而歸置於石
孫陵岡果姓孫不丹嶂開時替鬼愁身死禍遭千載後穴窺
墜入九泉幽稱王稱帝知何代爭地爭城賸此邱總統仁慈

念冥漢故宮仍舊為他留
未幾漢武一日因建昭廟於上乃更其廟名曰漢武廟
武曰其以中諱名之舊年深矣其然以孫氏必見東吳之
也上無勿號下而平令之封地仰如忠武所調下有成而
為莊人教千其墓間又史不仁知人雖為之保此殿而可
幸始亦何

愁對鍾山日作詩詩中盡是斷腸辭無求人處情常厚有困
心時悔已遲身賤原難期際會途窮不暇計安危分明虎穴
非居所何事來居竟不疑

日上鼓猶敲時憂國事如家事喜獲新交似舊交
明沈共醉
鍾靈街畔月問天何日奏金鏡
紅山審畔陣雲低泣望孤城烈燄迷享士帳前無妾殺援兵
幕上有烏栖虎狼屢出騷江北鷓鴣分飛赴浙西最患東南
民力竭軍儲散漫費句稽

丁二十

十四

金陵叢書
解氏校印

孝陵鬼哭夜飛燐五百年來劫火新石馬時應流汗溼玉魚
幸未出風塵碑尋灰燼餘三絕泉向雲巖訪一人何日放舟
淮水曲開樽重醉六朝春子靈寺畫李太有實誌公像碑蓋
之於危稱三絕中為己未留余不披去庚申以復其遺址已
流甚一細人僅給一美人之飲故名源
冰雹摧殘九仍功長城崩自鳳臺東鼓笛喪氣煙塵起人馬
爭奔壁壘空計阻黑旗難縱鶴命憐赤子不如蟲曳兵夜走

京江道回首營燒徧野紅
北城之豐國十年庚申正月
瓜牙九嶺存洲南
花我師一於最而化賦勢而始
北勝是霞外嶺披山高遠津
望入庭旬旅容如夏
雨林峯閣三盡月十夜不
明賊南取則自萬小攻丹
雨而花而臺之直外獨相
持至
道日水野會冰往電大至
於賊上乃方破獨東而北
入諸營南之軍不盡敗陷
是時夜忠通武走軍
爲鎮江危而險則拒舉丹
黑旗長敗漢誠既破賊於
黑旗此搖蕩初於各營苦
雨分中五魂色
銷爲之

別揚州

升沈不必問何如且走天涯更卜居好是窮途無重累半肩行李半肩書

寓居雙閣

晚風瑟瑟送斜暉花起蘆汀作雪飛隔岸漁村幾月墜幾家

燈火出柴扉

村居
田家風景足盤桓竹院陰籠芍藥欄樹矮人從巢畔過水平天在鏡中看隔江山送青橫榻繞屋溪流碧下灘此是避秦真福地烽煙咫尺卻平安

過石子岡故壘感懷張忠武公

咸豐十年庚申正月忠武公克九洲遂移營入沙洲圩直達北河口於是金陵之圍乃合時余佐忠武部將戎幕駐軍石子岡因賊援漸近旬容失守且有淳化鎮之敗調移東駐高橋門乃閏三月十四日也明早賊援破雨花臺外濠而入西南諸營盡陷余之不罹此厄也幾希是夜隨

大隊潰走京口今年甲子夏楚師克復省城多餘歸省團

山道出石子岡登覽舊壘回憶當時飛礮震天聽箭達旦

幕下陳兵磨盾草檄之處皆歷歷可指宛如昨日更眺忠

武所築長圍遠近如帶徘徊久之不能去

白日薄沙渚朔風嘯山谷驅車奮戰場故壘慘心目當年草

檄時此處枕戈宿廢窳猶可尋荒濠未盡沒壯哉張將軍功

名堪追述殺賊威有聲愛民情尤篤向和不足論一再覆公

餉萬里長城崩燎原勢莫撲遺恨悲英雄往事話樵牧東望

丹陽城歎歎歌當哭

小寓江陰有感

庚申閏三月金陵圍潰余攜弟仲蚪倉皇過此今逾六稔

偶來就食弟已亡三年矣亂離初復民物彫殘撫今念昔

悲來填膺作詩誌感不知所云

哀哀斷雁語淒其江上來尋舊雪泥無恙海聲終夜急可憐

人事與時移命乖廢學身常賤亂定謀生境轉危怕向黃昏

聽喚渡當年風雨不勝悲

夢弟

孤舟秋冷一燈僂兄弟相逢夢乍回誰爲離魂添別淚幾聲

斷雁渡江來

秋夜

雁語清淒攬客愁無眠敲枕數更籌幾竿竹影一窗月四壁

蟲聲萬點秋午夜疏燈寒短榻霜天戍角警層樓江城又遇

重陽節何處登高望故邱

鎮江城樓秋望

一聲飛礮裂心腸收拾殘軍拒虎狼歸馬悲鳴還戀戰征人

垂淚各思鄉瓜州城早沈江底舢板船初入海疆惆悵忠魂

遺恨處陣雲黯淡滿丹陽會國文長江制器製日

字板書無船字金楚越國士順人沈俗而東波山海字入滬仍其平南東南治元板

二之功九日步張國標登戰十夜丹四月

荒城日冷渡哀鴻瑟瑟悲筋咽朔風平野骨羅霜草白空江

血洗戰袍紅東南淪陷疲民力宵旰勤勞累聖躬三載未聞

恢寸土酬功金紫滿軍中賦而後江黃者已不備三解矣

危樓頻眺哭窮途荆棘縱橫未易圖眼底斜陽留六代江邊

孤郡賸三吳頻年徒作從軍客何日當捐報國軀聞道楚中

諸將帥宏開幕府重吾儒

夢母

別離慈母動經年昨夢歸來拜膝前避亂異鄉垂老日倚閨

揮淚夕陽天貧難自給憐家督病莫能痊念阿連旅魄驚回

雞唱曉枕邊涕泗若流泉

寒菜

甲白莖肥脰且甘雪花冰屑沁牙端者般風味知誰似寒到

如斯總不酸

鎮郡南鄙賊築版焉咸豐十一年臘月六日戰於花村我師

敗績富鎮軍陸陣亡作詩弔之

塵軍督掃虎狼巢拔幟先登殉實刀奪得尸回橫馬背黃沙

和血裹征袍

喜聞楚師直搗金陵感而賦此

橫江鐵鎖幾時開空念家山夢往來聞道將軍自天降楚歌

奏捷雨花臺

同治元年鎮江五月五日

爭奈又端陽傷心話最長兩年零四日離別我萱堂家破將

誰適交疏為氣剛更難忘仲氏飄泊在他方

展墓

墓門衰草閣寒煙摩撫松楸思黯然望有兒孫今似我果將

何以慰重泉

鏡破

頓墜虛堂月一輪更從何處證前身低徊不置知無益終莫

能忘贈我人

七夕詞

兒女爭看鵲渡河天孫傳語託微波嫁人不嫁神仙好嫁得

神仙別恨多

卽事

謀將遠去偏逢病債甫償完又斷炊籌畫片時無一策敲牀

且續夢中詩

恨事

恨事都難說呼天奈命何上書空抑鬱撫劍悔蹉跎如此窮

猶傲無端哭復歌祖生穰已失猶待魯陽戈

村居即景

新晴雲影斂長空
苔徑斜陽竹蔭籠
熟鄰翁邀夜飲
蘭成蠶婦慶年豐
無風煙遠自含綠
帶雨花開欲滴紅
原諷耕耘好生業
阿儂何事走西東

瓜州暇日偶成

東南全陷沒瓜州
圖恢復橫流屯水軍
築屋閱案牘近日軍
書稀偷閒娛心目
煎茶汲江流把卷臨風讀
遠山入疏櫺片帆逐歸鷺
海天碧悠悠煙樹青
簇簇城址將盡崩
營壘皆新築潮聲壯
悲笳暮色騰幽谷
病怯江上寒時就枕邊
伏吟詩未成小睡睡已熟
嗟此涸轍魚化為鋌險
鹿懷刺無可投

一

蘇詩上

十九

金陵遺書
蔣氏校印

胡爲去不速

祀仲蚪墓

載酒提筐祀阿連
紙灰散作白楊煙
怕添慈母傷心事
涕淚先收夕照邊

謝黃鹿萃畫梅

黃癡高格出風塵
數點梅花寫性真
要與江南賽風景
贈儂歸去一枝春

巴河除夕

風簷雪初霽消寒酒
一盞燈花開夜市
爆竹亂春潮
戍鼓江干急鄉關
夢裏遙野鐘催曙色
一歲又明朝

登天關山

天開雙闕駐宸遊
劫火新收葦路秋
竹蔭隔牆青欲出
溪光通雨綠初浮
日懸塔影撐危壁
風引鐘聲塞小樓
南望雲霏裴谷口
風煙黯澹滿松楸

成夢中句

昨夜夢登樓
一灑花氣浮吟聲
猶在枕往事信難留
芳草連天遠斜陽
逐水流懷持此十字
何處證前遊

春閨詞

簾捲花陰寂無言
對落紅芳心初解恨
從此怨春風登燕子磯

昂頭長嘯海天開
喜入鄉關轉可哀
試問南朝舊風景
空江賸有晚潮來

一

蘇詩上

二十七

金陵遺書
蔣氏校印

酬友人懷黃鶴樓舊遊之作

樓壓孤城山枕崖
斜陽漢水兩悠悠
隔江戍角吹殘月
終古寒煙咽夕流
雲影遠迷巫峽夢
雁聲驚破楚天秋
何時約共騎黃鶴
重躡梅花訪舊遊

讀宋儒箴銘書後以自勸

生而雖智不學何成
生而雖愚能學則明
今人之學葩藻是誇
學貴則古崇實
黜華爲學有要心
勿外馳馳何以禁
敬以持之何以持
敬乾惕兢兢如射
視鵠如行履冰
嗚呼我最讀聖賢
書行弗能踐口誦
何居行貴自行止
勿自止苟朝聞道
夕死可矣

九日同羅兩田作

漢武登臨戲馬臺相傳此日一銜杯但看黃菊如君淡也插
茱萸笑我默衣影涼生疏雨過山谷瘦爲早霜來靜參殺氣
皆生氣賴有乾坤濟變才

登武昌城懷黃鶴樓

昔時鶴去騰空樓今日樓亡江自流十四年前垂死地一千
里外再來遊梵王塔峙餘陳迹少保祠新占上頭城外昏鴉
噉不住蕭蕭殘壘夕陽收

黃州赤壁

東坡赤壁泛扁舟載酒吹簫共客遊空說三分因一炬獨留
兩賦占千秋江聲繞郭春潮急塔影垂山夕照收貪讀蘇碑
蕭寺畔鐘聲催月上僧樓

丁二十 願詩上

二十一

金陵叢書
一將氏校印

龍蟠溪題壁

在武昌江中

波漾晴煙碧嶼開四圍帆鳥入樓臺此間絕似江南好夢到
金焦頂上來

窗俯飛巖檻聳空登臨縹緲五雲中憑欄靜向風濤聽疑有

龍吟入梵宮

十四年前過此遊曾將血淚洒磯頭重來悲喜知誰解爲問
江流識我不

溪樹煙嵐夕照紅懷忠祠畔景賢東山林有福開新境今古

英靈聚此中讀忠祠在武昌西東晉以下諸賢曰景賢堂

何當月夜出禪局時向溪頭側耳聽死孝死忠談笑處書聲

應更滿西廳

遊西山寺示宏濬和尚

山在武昌縣西舊傳爲吳大帝避暑處亂後重建一新留
題墨跡甚多

靈巖晴翠掩禪門古木陰深日氣昏鳥語悅心參妙諦溪聲
引耳洗塵喧爲尋古跡纔來此喜遇詩僧可共論多飲上方
茶最好源頭水活養心源

初收灰燼起琳宮石壁猶餘劫火紅前殿香花礙岫鶴諸天
鐘磬落松風亂離也覺如來苦造化全憑上相功方丈分明
容我坐早知空處亦非空

雨餘碧暈墜庭陰雜樹飛花著一襟涵息泉清流古洞讀書
堂近接空林碑垂藻翰千秋寶寺繞煙雲萬壑深亦足累人
山水癖此遊自笑有貪心

山水癖此遊自笑有貪心

隔江跋涉不爲疲幽草閒雲樂自知緣徑紆回懷射豹臨池
清淺數靈龜坡仙載酒流風渺大帝行宮落日遲林壑多情
留後約許儂佳處結茅茨

黃州即事

躡屐侵晨出歸舟泛晚煙性情成放浪山水有因緣樊口魚
穿柳巴河藕似船更沽南岸酒獨酌醉江天黃州人俗稱黃州

巴口觀魚

岡聳黃堂起煙波几案間階臨前浦樹簷接隔江山野雨吞
村落斜陽壓市闌何時除瓦礫送我使君還
何處探幽好行行西復東竹樓荒草綠泥坂野花紅泉火傳

遺俗人文襲古風此邦居守者往哲盡宗工潘大雅撰名壯

今俗無秧馬江村正插田餉耕青浦外喚渡綠楊邊城勢箕

傾半山形釜覆偏快哉亭在望招我入雲煙

愛親勤儉俗去轉怕忽忽蘆葦宜洲產棉花課女工大江風

定後孤艇月明中今夜宿何處煙波赤壁東

遊煙水亭答古懷上人

在九江府甘棠湖之中面當匡廬香爐雙劍兩峯之間舊

名侵月亭爲唐白香山所創李渤刺州時築湖水以禦災

州人賴之名曰甘棠湖同治五年德化令錢唐張公光裕

重修於兵火之後洵足後先媲美矣

尋陽江上客愁多渡口停橈喚奈何司馬琵琶聲寂寂南湖

賸有舊煙波

晴煙淡抹水亭開一醉湖天載酒來魚鳥忘機隨意樂與人

相狎不相猜

翠屏千疊倚簾前雙劍齊飛插九天纔見廬山真面目一時

半化入雲煙

看山何必到西湖此處湖山入畫圖一樣故鄉風月好使君

應不憶草鱸

一亭斜日盪滄浪水抱山環眾妙場佛享名賢供奉福慈雲

千古蔭甘棠

道公樓託水雲鄉自寫梅花有妙香好是橫琴相對處碧峰

高拱一鐘香

繫舟亭昨夜歸遲正是湖心浸月時誰學宜僚嬉上界銀丸

弄向碧琉璃

納涼人坐藕花中夜氣清幽浸碧空風露四圍一湖月水心

亭是水晶宮

晚吳肅齋孝廉

聚首犀軍又別離難忘勸我讀書時何堪臥病孤舟客風雨

黃昏哭故知

舟過三山

帆掠雲霞破曉來晴煙初卷畫屏開貪看山色推篷背翠靄

浮空落酒杯

由鱖魚洲返雙厓舟中即事

片帆搖曳荻花間沙鳥江雲送客還鴉陣衝煙橫野渡雞聲

傍午出魚灣歸心競逐東流水回首貪看北岸山小醉醒時

風欲定夕陽黃葉滿鄉關

舟泊萬福橋

邗江二月雨霏霏草苗河隄綠漸肥狹港喧流驚客夢低雲

結陣帶帆飛潮生薄暮人爭渡橋燬當年賊解圍春影欲晴

煙水活茱萸灣口散餘暉

丙辰歲晨飢寒逼人適有漢江之行時臘之廿一日也舟中

有感

悽然遊子別離心負米天涯淚滿襟歲序又隨滄海變春愁

漸入楚江深舊時惡夢分明在此去驚魂何處尋
身已遠驚聞人語異鄉音

和悅洲除夕

扁舟江上逢除夜夜半思家一點然慈母此時應想著游人
何處度新年

過天門山

橫空莽莽陣雲屯兩岸山爲雨勢吞濁浪排開千仞壁長風
駕我上天門

登大觀亭

皖城舊有大觀樓丙辰間余亡命過此猶悲覽其上亂平
蕩爲墟矣城西余忠宣公墓旁山岡平曠當道者結亭於

丁二十 四時上

二十五

金陵遺書
蔣氏校印

其上江天千里在窗檻間不減前樓之勝宜其名之仍舊
也

大觀亭畔繫輕舟放眼登臨最上頭河洛西橫連北極蠻荆
南下注東甌戰場漸復新村落風景難忘舊酒樓檻外斜陽
封古墓淒清簷鐸咽寒流

小孤山戲占

小姑孤冷影娟娟秋月春風歷萬千說嫁彭郎猶未嫁渡江
來接是何年

渡八里江

贛漳岷漢合汪洋幾葉蒲帆破大荒雲壓天低迷瀑布雨隨
風捲過潯陽派分湖水光浮碧春入江流色更黃飛渡鯨波

回首處石鐘聲遠隔蒼茫

登晴川閣

凌虛百尺彩翠飛山色湖光上客衣萬里舟車爭近市滿江
煙火散斜暉華夷雜處終非計郡邑流亡未盡歸極目離愁
迷楚澤春雲春草兩霏霏

高閣巍然俯漢濱晴川千古句猶新息婦廟外花無語魯肅

墳前草自春亂數粵氛魁史冊靈鍾湘水洗煙塵重開勝境
留風月多謝名流作主人

過謝公墩

煙草荒涼一土邱低徊想見舊風流諸君事業新亭淚兒輩
功名別墅秋縱有半山終莫勝若無蔣阜孰爲儔更誰能慰

丁二十 四時上

二十六

金陵遺書
蔣氏校印

蒼生望夕照空餘萬古愁

達所知

感謝多情淚滿巾書來深念故人貧故人貧是故人命好作
清官慰故人

寓滬租界

西洋樓閣競岌岌鼎沸笙歌賽湧湖兵革勢憑犀甲利綺羅
香壓馬蹏驕鐘爭報刻連天響火不焚膏盡夜燒聞道海氛
寒日色夷歌唱晚起漁樵

擬作

水面紅樓迤邐開朝朝湖上妾家來恨湖送得檀郎去湖去
潮回郎不回

約郎戲泛藕花塘船伴花枝妾伴郎含笑低聲喚郎看並頭
花底宿鴛鴦

詠孤洲

塊然橫截大江流浪捲風摧日不休獨賴天心無厚薄春來
草色似瀛洲

鎮海庵江上清明日

犀軍阨險駐行旌春滿江村雨乍晴聊解客愁一樽酒繞船
桃柳作清明

界河水軍夜望

照耀江流賊火紅砲聲又震海門東羣山擁月烽煙裏遠水
浮燈牛斗中畫角時鳴驚雁陣大旗不捲鼓天風元戎初渡

丁二十一 願詩上

二十二

金陵叢書 蔣氏校印

吳淞上獻捷何時慰兩宮

家時李師章以進吳中

返徐村作

不做貂裘尚不歸門前垂柳也依依家貧自慰無多累蒼草
春來永夕暉

雜感

東南民力漸消磨將帥承恩夜枕戈因賦十年稽斧鉞哀鴻
千里泣關河望能藉慰蒼生少罪至當誅赤子多袖手沈吟
瞻四表誰為霖雨起嚴阿

羽書夜發火星馳傳警花村又喪師歸馬嘶風悲喪革孤軍

背水哭登陴城餘煨燼園偏久糧待鄰封饋每遲嶺外英豪

半零落獨留大樹障江湄

張忠武公所部將人也東南全

軍力持獨局守軍收指臂之效

帆樯遙接海雲浮封禁江關慮太周韜略未聞平虜策科條
何苦使民愁砲聲水應鳴空際旗影風翻拂亂流惟有漁人
空涕泗風波將老野江頭

書沈玉田詩後

山陰人

英雄竟爾沒風塵賴有遺編見性真今古放聲同一哭才人
半是命窮人

慷慨淋漓詩百篇幾回投筆問蒼天悲涼欲絕誰同調五夜
枝頭泣杜鵑

鄉關迢遞苦流離消息經年兩不知慈母書來兒已葬可憐
猶自問歸期

丁二十二 願詩上

二十八

金陵叢書 蔣氏校印

徐村暮秋

南雁一聲寒蕭蕭木葉乾風更雲勢易霜斂菊華難靜得貧
中趣衣嫌病後寬故鄉兵已罷歸思轉多端

初返金陵舟泊儀鳳門

斜陽渡口繫輕航劫火餘紅瓦礫場重到前身生死處寒潭
衰草總心傷

虎穴初平鼓角收江聲猶自恨悠悠此來恐是還鄉夢細向

城東望石頭

徐村

屋臨環水千竿竹門對隔江數點山花自落紅苔自綠子規
聲裏送春還

六哀詞

哀者哀金陵癸丑之難也余親歷其境就目所見者編為
韻語不加雕琢以存其真俾後人知前輩之遭患難有如
是之苦詞之工拙初不計也或曰如為婦婦女二篇殆有
不盡如君之所謂曰余所哀者被難之民必如余之所謂
乃真難民乃可哀也彼夫利安逸美衣食不如余之所謂
乃甘心從賊者也又何足論或曰唯時余之詞成故並誌
之

哀退防

聖朝隆教養二百一十春德政莫不備涵育我黎民運厄道
光末赤子竄荆榛司牧尙粉飾大府怠撫巡粵西一聚嘯郡

一一二 願詩上

一一九

金陵遺書 蔣氏校印

邑漸沈淪衡湘驚風鶴江漢生青燐江南日告急制府冒煙
塵督師秦淮上駐節楚江濱武穴一戰潰奪走江之滑直下
一千里軍令不復申三山無險阻石頭空嶙峋外不設牙爪
禍斯速心身圍城纔十日儀鳳崩城圍兵弱望風喪飛將無
其人更無退防處慷慨淚沾巾迎戰小營畔一死報君親時
勢有難易成敗豈無因例諸向榮死公猶社稷臣

哀駐防

咸豐癸丑歲賊困秣陵城仲春初十日河山慘變更制府陸
公死將軍退旗營八旂眾將士天潢子弟兵繕守一日夜籠
鳥空哀鳴營陷無遺類一日京觀成僅活敗軍士三百數十
名婦女俱不屈死節心堅貞驅弱長干河骸與橋梁平塚焚

孝陵麓十里聞哭聲水流血變色日慘光無精陰晦鬼嘔泣
草莽骨縱橫嗚呼忠烈氣崧嶽壯崢嶸景仰鍾山下凜凜猶
如生

哀殉難

日赤流血光城破萬家哭次夜火四起殉難者比屋男子意
氣雄不甘為臣僕婦女鐵石心求自保貞淑家家志趣同白
虹光鬱鬱或愛秦淮清或甘鳩酒毒環投繩與巾懸立森林
木閉門火自焚舉家並舉族潭深井泉寒爭下如徵逐小兒
女可憐願死隨骨肉噫嘻彼都人仁義至精熟正氣塞兩間
詩書素涵蓄殺身知所歸漸摩成風俗人文淵藪邦庶不負
化育他年俎豆新馨香慰幽獨

一一二 願詩上

一一一

金陵遺書 蔣氏校印

哀為虜

一城盡為虜閭巷吞聲悲骨肉相顧念忍活須臾時家人四
分散生死存猜疑聚眾編軍伍司馬卒旅師短衣蓄囚首紅
巾低束眉少壯脅遠出不得別妻兒幼弱執鼓角登城為守
陣老人別聚處弗許兒孫隨疾病無醫藥負戴無扶持死者
日相望路不絕藁裡棺槨大干禁葬惟藁掩屍營濠日夜築
機匠手足胼明宮一旦毀城磚四遷移爭造偽府第肆欲營
臺池日給四兩稻腸恆朝夕飢忍飢苦力作迫迫加鞭笞逃
亡被弋獲竿懸首纍纍哀哀百萬戶親戚總陵夷半死黃河
北故鄉不可期半死殘暴法青燐夜淒其流亡十一二羅網
偶脫離四方填溝壑苦復不可知時非遭離亂雞犬亦怡怡

寄語昇平世聽我悽愴詞

哀婦女

從古盜賊起淫亂是其常粵匪下金陵禁令首宣揚婦女別
館舍合處城中央室家散不聚男女設嚴防父女與母子唔
語必遙望分軍立管轄巡察彌周詳犯此以死論同居坐餘
殃羣賊咸服帖狐狸畏虎狼莫謂刑慘酷賴以保善良人無
姦邪患咸願依其章不死者遂眾蓄意冀逃亡其奈命服役
迫效粵女妝弓鞬弗敢繫羅襪敝道旁長鬚弗敢曳短衣走
倉皇掘壕大江側砲石聲驚惶永夜樓風露累日絕茶湯運
鹽兼運米江船風波狂百步九駐足不勝背任囊終朝苦樵
採深夜磨稻梁掩骼荷畚急結伴擔磚忙冒暑飲河水禦寒

一 二 一 願詩上

三十一

金陵遺書
唐氏校印

薄衣裳晚歸月欲滿曉出星猶芒憔悴嗟力憊呻吟嗟飢腸
將死病誰問骨肉隔茫茫甚至惡奴婢附賊勢益張何暇問
主母鞭撻如驅羊阿姑泣持婦嬌婦哭呼娘云胡不早死苦
楚爲誰嘗或憐兒尙幼或念親在堂遠人疑未死完聚希願
償明年開桎梏縱就秋田糧幸此億萬眾保全散他鄉想像
驚寤寐回首心悲傷

哀內應

哀哉張先生大節如山峙滅賊志未伸報國心如此胡爲乎
向榮虛名乃爾爾賊已陷金陵追兵始戾止屯師鍾山陽旌
旗空倚徙遷延歷四年進軍無尺咫城僅圍半隅攻未克一
壘戰輒隔累月兵不勞弓矢怒蛙一跳梁大潰二百里病死

丹陽城國事空任委成敗無足論勞逸跡可指不見苦戰爭
日月云逝矣師老餉更糜逗遛罪何似哀哉張先生共事乃
與彼內應外不攻忠義人盡死蒼蒼石頭雲悠悠秦淮水遺
恨以雨聲溼絕荒祠裏

團扇歌

贈君團扇懷愁絕團如明月皎如雪君自愛團扇妾心常皎
潔但願團團照妾心無冬無夏圓不缺一任金風玉露涼莫
教相思怨秋節

新月

雨潤空庭裏碧煙娉娥窺影綺窗前四月初四娥眉樣淺淺
深深最可憐

一 二 一 願詩上

三十一

金陵遺書
唐氏校印

孟蘭會

妄聽浮屠說十王鬼需錢鈔更荒唐請將無數香花費散與
鄉鄰救死亡

英法入天津北犯

鯨波萬里撼神京一戰津門變猝生驕舍輪船深敢入險矜
砲壘策殊平西秦貪詐何厭有北宋陵夷漸釀成權略舊時
承譯諾可憐匡濟賴公卿

十載南征兵未收夷虜北犯滿皇州六軍遠駐三邊警一炬
難忘萬世讎無復請纓威絕域更誰擊楫誓中流出羣才合
乘時起社稷而今多事秋

春雨

夜雨醜層陰鳩聲亂客心病隨春共至愁與草俱深雲抹山
容媚寒籠曉氣沈晚來含霽色鉤月挂平林

聞楚師直搗金陵喜而有感

大軍兩次潰鍾山餘燼難教復克還驚喜南征賢節相旌旗
已入鳳臺關

鋒鏑天涯未盡銷東南物力極蕭條瓣香南向雲天祝速活
斯民答聖朝

買刀篇

昔民賣刀劍而買牛犢化莠爲良矣今余以館穀而買七
首是教化中之罪人也生際亂世干戈林立既欲避兵而
無方轉將藉兵以自衛良可慨也夫兵凶器也生亂者兵

丁二十

願詩上

三十三

金陵讀書
蔣氏校印

也靖亂者亦兵也余茲置兵非敢曰將以靖亂也特欲藉
兵自衛俾知亂有由生庶幾不爲亂階而翼可免於亂也
此終日撫舞無傷於好而正有所爲耳

古人佩劍不佩刀壯瞻威儀德昭武獨聞季友斬敵功孟勞
寶刀名東魯予今佩刀不佩劍別製巧樣長尺五碧篆鞘出
燦凝霜白虹寒吐光搖戶一杯對爾助酒豪五夜聞雞作劍
舞叢叢盜寇起江湖欲藉君家伏龍虎磨礪待時試及鋒奸
佞頭顱不勝數順逆興亡出自君機微勿惑慎擇取用君當
立蓋世功不用當與我爲伍耐隨書篋走風塵戒我君乃凶
之祖他年化作日月光同裏虎革封太府

寄沈銘齋

少年已過亂離秋白髮青衫說可羞盜寇東南還未靖只宜
江上盪漁舟

揚州市上

小步新城午舞初年來民力喜徐舒錢囊不管人羞澀盡數
探來買舊書

村居雜咏

雨晴芍藥初開鳥啄櫻桃乍熟斜陽麥浪橫空暮色萬重雲
木

林間風聚紅飛江上山晴翠滴一犁雨趁人耕幾陣風來牧
笛

鶯囀春去偏多日午柳陰清潤餉耕女伴歸來簇簇野花簪

一二十

願詩上

三十四

金陵讀書
蔣氏校印

髮

池塘蛙鼓爭喧正是黃昏雨歇人家初散炊煙露出柳梢明

月

鄰家麥釀新香江岸鱸魚正上醉來學作山歌村老漁翁鼓

掌

先婦未罷機梭小婦沒動蠶葉欲將辛苦告誰城裏綺羅姬

妾

疏鐘野寺煙迷樹樹斜暉相接兒童學散花間戲撲一雙蝴蝶

蝶

煙籠樹色青蔥秧刺波紋翠疊臨流閒數遊魚衣滿白楊花

貼

芳林鳩喚溪橋煙徑花封茅屋誰吟摩詰新詩摹作丹青一幅

聞官軍攻克金陵

聞道湘軍入石頭豺狼宵遁鼓笳收捷音傳處初疑妄生計
還鄉盡早謀劫火幸餘邱墓在敵廬無復里門留安排邀伴
呼歸權回憶蓬飄十二秋

跳梁妄擬繼南朝王氣鍾山早已銷十六省俱遭竄擾東南
地更苦蕭條效收戰守奸謀猾穴踞金湯偽制驕三載圍攻
折斧破偉功天授靈標姚

祀別仲蚪弟墓

將旋故里慘魂飛來別孤墳泣夕暉恨我家貧難負骨與君

丁二十 詞詩上

三十五

金陵雜詩
蔣氏校印

同出不同歸

鄧既雨招泛秦淮登雞鳴寺即事 丁卯

江城六月天新晴暑未酷扁舟泛秦淮流碧如玉柳岸好
風多倚櫂煙溪曲不見舊珠塵空傷新草綠山色過城來鍾
阜青於沃

泛泛北城隈載瞻雞鳴麓繫屬躡青阜斜陽停雲木拾級百
仞岡一覽江山縮城闕騰煙塵民事初興復何處弔齊梁幾
度變陵谷可憐古今人後先爲一哭

讀史雜詠

榮陽以死脫君生豈是功名足重輕他日封侯諸將士幾人
助業似韓彭

關雞走馬出宮城侯府家人說富平新病起來張放去君至
久不見班生

陳琳書復誓仇讎義士酬知信寡傳東郭孤魂應自悔請按
恨失殉雍邱

不盡金危強應酬張君席上五郎愁梅花合與公知己總是
人間第一流

宰相何援叱使歸當年金鑑事都非自譏夷甫從林甫鞞鼓
聲驚破羽衣

義士曾無廿四城平原何壯樹風聲孤忠直被書名掩誰念
吾兄是臬卿

凝碧池頭往事更衣冠猶是舊公卿承恩自是梨園重西勸
誰如雷海清

丁二十 詞詩上

三十六

金陵雜詩
蔣氏校印

牛車古法竟如何劉秩難當曳落河惟有董庭蘭不去相公
獲報管絃多

大臣愛子極堪憐忠孝知難兩地全留嗣懷光收葬日何如
救確在生前

孰言儒者不知兵定計邊庭中敵情爲謝張公頭可斷如何
一概抹書生

既尤邪黨有朋儕孰若循州莫遣牛一語崖門應自咎敏中
果勝樂天不

淮西雪夜捷書回巨眼曾知李祐來應是將才容易識謬詩
鄭注是奇才

黃臺重爲唱青宮衣白山人際遇隆果爾神仙寡思慮不知
董寶失宣公

能易播州行
經繪文字著功名交獲昌黎訂死生試問浪蕩八司馬幾人

燒骨當年苦諫爭健兒鋒更隻身櫻此時心定千秋計豈是
文章足重輕

諫官不聽仕賢良孰謂文饒識力長他日應慚丁補闕爲誰
譴謫到南陽

求援書密召全忠凍雀山頭勢更窮一曲板歌親侑酒此情
何不向河東

此人可畏眞師表發纓躬迎使相時安得柳公終古在紛紛
一 金陵叢書
卷氏校印

奸吏盡誅之
飛鷹僧本太無因策立朝廷歲歲新此老眞知長樂法騷人

四姓十君身
中弩曾捐蔽主驅鐵撻殿上被無辜可憐解帶歸遺母應悔

當年死復蘇
戲龍珠勒極精良口辯心思總擅長不解聰明作天子甘來

執挺長降王
先皇子弟竟何存忠信應慚謫魯論他日既知難再誤如何

願命竟無言
歸共妻孥飲美珠明朝黃帛下天衢遺言削髮披緇死何補

逢君往日辜

參政曾經爲拂髮斯人可使上居乎蒸羊他日雷州道文靖
前言記得無

空頗勅子曷爲乎命撤簾時更疾呼知否韓公自有說事機
一失即難圖

人果難知白眼多學經世務竟願波祖宗寸土皆辛苦姑與
新酒七百何

三言時政最通明宰相才奇早著名一罷經筵成蜀洛髯蘇
亦不近人情

四不如曾苦諫爭奈何作相欠分明使人不得言差役奉法
無端喜蔡京

紹述當年速喪亡紛紛和議誤君王忠良氣脈傷殘盡祇賸
一 金陵叢書
卷氏校印

南朝李侍郎
時政曾陳廿一篇春秋在自傳當年奈何不識荀文若浪舉

人材說槍賢
元宵舟過黃州

雉堞環山夕照收碧天浸水月輪浮春燈影亂漁人市花鼓
歌喧估客舟佳節勝如前度好重遊喜未此生休江干美味

停棧問豆腐鱸魚似舊不
句留舊夢繫扁舟翻喜連朝遇石尤江上征鴻都北去春來

蕩子又南遊白搖沙影寒於雪碧瀉天光淨似秋分得秦淮
今夜月照人千里過黃州

抵漢江

復尋舊夢一輕舸雨漬春愁入漢皋風景那堪將盡變西洋樓閣障飛濤

楚王宮殿沒蓬蒿澤畔吟聲曠代高怕惹美人芳草恨檢書不敢讀離騷

宿僧廬

客中况味淡於僧小住經樓最上層一枕潮聲驚旅夢半窗山月掩寒燈

揚州紀事

野花紅夾路縱橫鶯度歌聲入柳營

煙水釀春晴駐兵虹橋有虹橋舊風景一湖

戎幕移來近梵宮茱萸黃灣畔五臺東

前溪傍晚涼多處垂柳

絲絲月一弓屯營五里廟

鼓角聲來換管絃幾家臺榭鎖荒煙寒衣未具秋何早怯坐

風林水石邊館黃巖商家

索倫結陣戍城東冰凍旌旗雪滿弓夜半渾疑身出塞胡笳

悲切馬嘶風宿江東關外營

廣陵軍次秋夜坐

駐兵邗水上戎幕寄荒村雨過涼生簟更闌月掩門野營喧

鼓急短榻隱燈昏覘報悲蘇浙憑誰救燎原

渡江

夾岸烽煙障上游滔滔不盡古今愁自從擊楫歌聲歇空有

漁舟渡亂流

萬福橋早渡

兵潰長橋燬投鞭莫斷流湯池雖可恃舟楫賴誰謀角勁吹

殘月沙晴曬凍鷗渡頭車馬集帆影去悠悠

辛酉正月十五夜揚州城外黑龍江營中作

歲華容易又新更江表年年寇未平燈閃微波掀戰艦月凝

激宇冷孤城樽前客下思鄉淚帳外歌聽出塞聲謀襲崑崙

還量敵將軍雅不喜功名

暮春

草色依依綠芳心自可憐柳翻花作雪麥捲浪連天病擾經

三月春歸又一年子規愁欲絕嗚破夕陽煙

辛酉三月揚州告警因憶金陵潰圍之日歲適一周感而賦

此

金陵三月失長城滋蔓難圖歲一更吳越雲山都陷溺淮揚

風鶴又縱橫軍中無復稱飛將海內誰將舉義兵正是煙花

好時節四郊慘淡鼓鼙聲

有感

升沈何敢強維持一夕傷懷淚暗垂從此更窮窮不得萱堂

春晚日斜時

新秋晚庭獨坐

疏簷雨過滴初殘月引新涼入畫欄境寂心爲風味淡衫輕

背覺露滋寒年猶未老衰何早事到知非改每難太息情深

終是恨金鷄欲奪扇團圓

昔癸丑春二月賊陷金陵余與里中被虜同行者數十人丁
已秋余荷天佑亡至毘陵今年壬戌從事潤州軍中感憶
往事不禁黯然揮淚書懷

桂嶺煙塵障日昏蠻荆風鶴警吳門喪師若雀經鷓逐被執
如羊待虎吞何幸故鄉今日復可憐同伴幾人存莫嗟身世
常貧賤後死應知道化恩

圩居漫興

亂後無家困不禁借居澤國白雲溥漲隄水過行人類苦雨
晴安野老心繞屋碧荷蓮作界沿溪紫萼徑成陰江鄉小住
耽幽趣寫入新詩散步吟

數椽茅屋水環回漲落蘋花點翠苔日日食魚多自釣村村
風時上

賣酒盡家醅滿天風雨渡江去幾疊雲山壓戶來貪得煙霞
忘旅況攤書餘事一銜杯

秋來一雨入新涼細霧含紅襯夕陽江影水搖雲影溼藕花
風雜稻花香鷗侶新乳眠青岸蟬帶餘聲過綠楊閒倚柴門
看暮色漁歌歸去隔蒼茫

晚來偏愛翫溪流幾曲青灣一葉舟繞浦蓮歌人不見上籬
花影月初浮池塘雨過蛙鳴夜齒菖香時燒夢秋禾稼喜豐
民力豫漫言余獨慰窮愁

顧伯蚪遺詩卷下

金陵叢書丁集之二十

江甯顧我愚

題溇陽琵琶圖

主人留客木蘭舟賴有琵琶解客愁醉倚燈窗纔入聽一聲
驚破碧天秋

蕭蕭雁語咽江聲百感悲涼月自明衷曲可憐卿似我一場

春夢誤平生

春風久厭綺羅嬌強理殘妝慰寂寥一遇知音便千古莫教

容易度今宵

尊前潦倒不堪論空有青衫染淚痕感謝多情傳畫稿荻花

楓葉總銷魂

金陵叢書
丁集之二十
顧詩下
蔣氏校印

屬羅君雨田刪訂詩稿

行年三十五雙目病成瞽老母妻子悲相持泣倚戶無田可

食租居屋寄人宇摩挲舊圖書三年不復視學問雖漸衰神

明猶有主敢尋顏子樂筆瓢相與處順逆人自召榮辱勿自

苦卓哉羅夫子日與宋儒伍操存有不為學古尋墜緒授我

理學言日夕相鼓舞口誦知非難力行懼不努省舊圖新得

庶幾拙可補索我舊時詩為我訂去取嗚呼知己心厚我以

千古把卷如託孤泣涕下如雨吁嗟乎男兒生不得成名北

邱終古一坏土千秋事業竟如斯雕蟲小技何足數

醉司命詞

老姑嫜終年忙今宵廚下祝黃羊破茅屋燒爆竹神前再拜

求多福豐稔五穀肥六畜酒盈厄夜遲遲一年一度醉休辭
神自陳稱小臣我亦人間木偶人用爾可憐意還去求錢神
哭張將軍

將軍諱復勝字梓堂湖南甯鄉人以軍功洵保總鎮並賞
花翎長勇巴圖魯名號加一級誥授振威將軍亂平借補
巴河遊擊光緒元年乙亥九月二十五日卒於官余應將
軍聘主戎幕凡五年病廢後任信之專敬禮之至無異往
日又三年而將軍卒嗚呼命途多舛知己云亡悲不勝悲
矣

將壇旗鼓黯然收風咽潮聲五夜秋戰績廿年垂細柳旅魂
千里泣孤舟鄧攸絕嗣真難測定遠生還願莫酬我是軍門

丁二十

金陵叢書
丁集之二十
顧詩下
蔣氏校印

長揖客傷心不盡楚江流

江頭淚洒蓼花紅悽慘軍聲哭我公為恤故交常匱乏不知
粉飾是英雄田園賣後身纔葬官爵加時命已終九月四日

古意
二軍
十月五日
楚些一歌聽不得洞庭木落怨秋風

開篋思愁絕寶鏡飛上天倏化一輪月流照君身邊君身與
妾意相去路幾千高樓怨遙夜衷曲憑誰伸願言慎眠食努
力愛青春自是妾命薄感君淚滿巾敢復望歡愛尙希鑒性
真妾心似明月皎皎無纖塵

路張氏烈女詩

風催斷雁聲吞咽雨冷吟蟲思愁絕淒淒哀雁似誰多夜臺

烈女悲嘸血女髮覆額歌于歸春風遲未度羅幃郎厄陽九
命夭折從容殉義貞魂飛貞魂將何從青山爲靈宮俎豆新
百世華表聳蒼穹金石垂型勵風教泣載路爲感通魂兮
魂兮如長虹合山川之靈秀凝縹緲於虛空時上下乎秦淮
之北石頭之東折芙蓉而朝羣帝兮招夫君於雲中遊紫府
而聽鈞天兮其樂也融融駕螭龍而驂鸞鳳兮翱翔乎天風
永相從而無失兮伴明月以長終

詠唐貞女

貞女湖南人受金陵湯氏聘年十五未婚而湯亡貞女誓
柏舟以矢志

明月託中天素懷斯永結一夕天柱崩月孤光愈潔影落滿

丁二十 題詩下 金陵 湯氏校印

湘秦淮間瀟湘秦淮水嗚咽水清月白冷如冰不及女子心
如鐵

戊寅年四十生日自述

四十年華似水流誰教放過好春秋讀書福薄難爲用知己
恩多恨莫酬與致敢如霜後草生涯贏得雪盈頭乾坤不復
再生我搔首悲歌夕照收

浮生草草困風塵此日愀然念二親空有餘哀悲鞠育更多
隱痛愧彝倫天施禍福誠無據自命才能總不真杯酒難供
慚謝客半因喪禮半家貧

西河左氏病同然愚陋安能比昔賢世故不親纔六載滄桑
已變似千年少時抱負都成夢他日飢寒只聽天歲月從茲

皆廢物妄言修養學神仙

碌碌聲稱竟若斯樗材多壽亦堪嗤遠行帶病謀資斧借屋
爲家屢轉移入室愧無萊子婦承祧空有景升兒不能作箇
奇男子何以黃泉對父師

己卯正月二日課兒

貧家度歲轉舒徐已是新年吉月初淨掃小樓無箇事雪窗
晴日課兒書

己卯重陽攜大兒隨戴君達泉羅君雨田父子登北極閣

散步臺城舊柳隄登臨少長互相攜磴旋蘿徑扶雲上閣接
微垣瞰日低千頃湖天飛鳥沒萬家煙火午雞噦此來似有
前緣在誰與茫茫證雪泥

丁二十 題詩下 金陵 湯氏校印

永甯庵茶飲泉水

泉因山不朽名豈以庵傳泉已非前日庵仍是昔年雨花山
下水合號雨花泉清泓無盈竭寒影常瑩然茗香烹活火松
徑颺茶煙雪碗浮玉液冰壺迸珠圓少長抒藻思談笑紛綺
筵夕陽引鐘韻送客相言還

張春霆遊戎由裕溪過訪喜而賦此

故人放櫂白雲濤江樹春潮別思深迂道煩尋新住處隔門
驚識舊聲音樽前不盡滄桑感別後無慚淡泊心近喜海天
鯤欲化青雲路畔又分襟

除夕示兒

書要多多課幾篇教兒今夕莫遷延也知儘可明朝讀爭奈

明朝又一年

錢春詞

舊時別恨又翻新
醉酒花前淚一襟
爲問年年春自去
春應憐取錢春人

庚辰端陽日鄭君叔龍招飲於其家

五月五日胡爲乎
家家驅鬼門懸符
秦淮水嬉門簾鼓
綺羅香霧迷雲衢
雲衢有門號道德
清芬高義鄰何孤
鷺撫歲序招我飲
蒲觴泛綠擘鱗脯
仰聞箴規式金玉
飽德味愈肥鮮腴
酒酣起舞把我臂
謂我目盲聊與娛
王侯將相非吾侶
昂四顧爾與吾醒
眼恨遭風塵苦直
願醉夢常模側數
不可知且循分古
今坎壈無賢愚我
感斯言歌復嘯促
酒酌我傾

丁二十 願時下

五

金陵遺書 蔣氏校印

金壺醉招酒徒出門去
呼買扁舟下五湖

輓羅君雨田

回首交情十八年
西風一夕動悽然
相逢默契從軍日
每話忘歸欲曙天
歌缺齊聲悲燕雀
尸饗同慨走烽煙
軒軒器宇瑩如玉
弱不勝衣劇可憐

藹然辭氣泯矜爭
窮理無他祇力行
兀兀名場懷淡泊
翩翩書記思縱橫
學通漢宋捐門戶
教切倫常養性情
著述正蒙諸課格
薪傳賴有戴先生

願時下

垂憐病廢意殷勤
存問頻頻更論文
序齒謙沖兄視僕
反身修省我師君
厄逢二豎悲朝露
綠盡三生泣夕曛
怕過中秋從此始
傷心月色照離羣

雨田 於八月十四日

四壁寒家似水清
有兒岐嶷喜聰明
遺言垂誡無慙德
舊史添刊不朽名
時感修志君及心事再談尋好夢
足音重聽卜他生
蓋棺恨未躬臨訣
不盡靈帷慟哭情

自題關閩圖小像

一閩一關坤啟乎
乾既開復閩陽往
陰旋日昏於暮月
虧於圓盛衰在物
理亦同然於呼小
子卅五年前高親
百代丹黃陳編卅
五年後明鏡失懸
外有由制中無所
牽蓬廬息影藉省
往愆此天厚我敢
怨願連圖外一我
將受誰憐圖中二
我孰孰妍今我故
我判自何年是我
非我不知焉行虧
俯仰愧彼前賢鑒
茲不德來嗣勉旃

攜兒負米於東關
往來風雨中感而賦此

願時下

六

金陵遺書 蔣氏校印

青溪西去板橋東
梅雨斜吹柳岸風
笑我還應騎瞎馬
累兒何苦逐哀鴻
半肩脫粟輕能負
兩足塗泥冷待烘
賦命有由休怨慕
幾家歌舞畫樓中

辛巳除夕

百歲愀然太拂情
忽教傾耳喜心生
我家兒輩書聲響
賽過鄰家爆竹聲

元夕由花盞岡歸顏料坊

夾道笙歌似水流
花鏡叢裏暗香浮
兒童望月齊聲祝
今夜遲遲下畫樓

曉鶯

鶯亂飛時柳色青
春聲曉度翠雲屏
自從驚破遶西夢
每到

嗚時不忍聽

和吳御史可讀絕命詞原韻

讀書養志半生中豈博聲稱死以忠後事恐徒盟白水遠圖

冀此定青宮文章耀日批鱗在成會助氣節回天強項同血淚

盡時投筆起攀龍飛傍鼎湖東

上左爵相

靈鍾川嶽啟奇英戡定華夷相治平秦漢以來論功業幾千

年只一儒生

曾向軍門進罪言曲蒙矜宥給饗殮餘生歲月從新數獨受

乾坤再造恩

誰憐蓬戶臥袁安羞向尋常告急難日食官倉半升粟累人

未免愧猪肝

名德巍然莫與京公歸何以慰蒼生攀轅泣請重來約好共

兒童竹馬迎

駐節三年海不波萬家何忍唱驪歌東門祖饒齊聲哭無告

窮民淚最多

師曠歌諸雅頌聲聽來無限白駒情北門鎖鑰關輕重莫去

江南萬里城

題汪君折桂小像

千尺桃花萬古春多情我亦愛汪倫謂君前度非明月那有

天香證此身

題紅豆圖

春風初度綺羅時低傍花枝欲語遲一點愁心拋不去可憐
留著好相思

妾家種紅豆采纈君何早不見妾心愁但知紅豆好紅豆似

妾心長相思到老

甲申六月法人寇閩

鼙鼓聲停二十年又驚海上起烽煙通商占徧中華土納幣

輸空內府錢犀象改朝懷北極鯨鯢噴瘴毒南天誰教鐵甲

徒爭戰潮捲沙蟲最可憐

上總督時事書不報

生才無用不心甘書學昌黎獻再三絕妙文章爭日月橫空

膽識歷東南窮廬嘔盡心中血大府嗤爲紙上談自喜病軀

私願了桃源深處可頻探

輓劉君履平

諱純階淮安桃源縣人客於金陵嗜學尙氣節以力自食

不屑爲眾人之所爲故境日困而處之晏如也光緒十一

年乙酉正月十一日歿於新街口寓次年三十二歲明日

葬於臺城土名求子鋪山主王德貞德祥

天禍斯人亦太奇疾何由遣費猜疑可憐五日前揮手卽是

千秋永訣時

干將埋沒在泥塗磨洗誰憐世所無一夕破空化龍去回頭

含淚謝風胡

慷慨男兒七尺軀一腔熱血灑荒蕪爲君執紼青溪畔都是

黃墟舊酒徒

旅魂幸莫哭吞聲山鳥湖雲許結盟分得蕭梁一坏土臺城

從此屬先生

萋萋芳草夕陽低片石淒涼稱品題他日若尋劉處士雞鳴

東畔覆舟西

君爲王君卜墓田君今來傍故人邊此鄉好共處終古莫向

春風泣杜鵑

力辨河南王振西於此君與有焉僅四十日而君離歿

借諸子祭劉君履平墓

營奠空山酒一卮羣賢憐我許追隨溪聲嗚咽如相訴鳥語

悲涼觸所思地下應多知己感袖中各有弔君詩年年願約

同來此總在臺城柳綠時

一一二一 題詩下

九

金陵劉君 蔣氏校印

執戴君達泉

君諱玉成六合諸生館於金陵九兒巷卒年三十二

實力潛修得所依天然志趣似君稀狂瀾倒後憑風轉空谷

香時慘雪飛十載交遊難再續一家老幼欲何歸座間鬢

音容在好鳥聲中淚滿衣

硯田淡泊苦耕耘病至垂危學且勤賴有衰慈歸旅櫬惟期

孤女繼斯文古今修短誰非命風雨悲涼夢失羣喪我知音

天絕我羅君亡後又亡君

三歲而卒 十六歲而卒 田六歲而卒 則又少四歲 則又少四歲 則又少四歲

於余者

卓然才質異羣流早占文壇最上頭年少豈知身便死家貧

直到病纔憂黃墟召飲期難踐絳帳傳經願莫酬灑泣爲君

留片石斜陽衰草共千秋

五月既望達泉柩出南城買舟歸葬余挈兩兒隨鄭君叔龍

羅氏叔姪於狂風暴雨中途之長干橋下愴然賦此

孤舟渡口哭聲吞曉角淒涼白下門腸斷送君從此去一天

風雨弔離魂

乙酉六月六日有約爲履平省墓黎明攜兒北去既至臺城

會大風雨不克謁墓乃與李君席珍楊君幹臣胡君紹文

周君兩衫爲位於僧舍而祭之日晡雨猶如注徒步南歸

扶兒侵曉度城陰展滑苔岑兩滿襟同約此行誰最苦九原

應爲我關心

溪聲鐘韻冷孤村雲水蒼茫阻墓門遙酌故人一樽酒悲涼

丁二一 題詩下

十

金陵劉君 蔣氏校印

風雨弔離魂

物薄情深薦上堂諸公意氣總非常交遊如此憐君死葬在

他鄉勝故鄉

臺城南望路雲遙步過青溪第幾橋回首淒涼雲樹暝暮鐘

聲哀雨瀟瀟

代題梁方伯橋梓京兆圖

長安道上春風香水暖天池浴鳳凰老鳳鳴兮雛鳳舞振采

和聲入玉堂仙葩產自海天涯海上三山舊有家一植瓊林

承湛露珠樹春來更發花棟梁器宇資公輔斯人早爲百年

樹青蔭蔥龍日月邊羣芳窈窕何須數花開旌節年年早揚

鑣追逐東西道輦轂師表選重臣世卿自有箕裘好鴻遇風

今虎嘯谷九天雲飲秋容肅不同張敞畫蛾眉絕似昌黎燒
佛骨甘棠徧植朝天路復見瓊花開玉樹臨風花落訟庭時
舊是鯉對詩書處人生窮達不可知富貴有命誠難期孝子
心惟求繼述堂構重新舊德基松柏共結冰霜志俯仰參天
更拔地上有鳴鶴相和聲千古流風傳盛事

送別馮子雲

離懷未霽又分襟淮水何如別思深相送片帆天際去秋風
千里故人心

九月二十四日挈兩兒入臺城省劉履平墓

萋萋霜草徑縱橫墓拱山頭山倚城他日兒須時省視莫忘
先世故人情

代題某讀書圖

天地之氣和於春善探春者不在花與木宮商之節著於音
善審音者不在絲與竹聖賢之心存於書善讀書者不必尋
章摘句博浮名而取利祿此獨豪傑之士能之求其於儔類
惟君迥異乎流俗之碌碌其才高其質樸悠悠其心灼灼其
目獨具其傲骨而不爲風塵所黷不侈讀書名已有萬卷充
塞其便便之腹每見君悄然把卷若有所思而罷讀想其會
心早超出於眾物之表不屑與管窺蠡測者相角逐唯慨慕
古人之聲稱不與世而俱沒

團山墓碑銘

瘁殘廢軀竭飢寒力摩撫松楸中心惻惻敢不經營懼溼祖

德來嗣續承勿日弗克

送莫子卿北歸

春風江上逐春流君共春歸不少留一樣離情誰識破送君
愁勝送春愁

後湖權歌

石頭城外水悠悠紅板青溪自可愁一箇瓜皮一雙槳後湖
煙景好句留

春風一權水雲開湖影山光落酒杯山似翠眉湖似鏡含顰
相對日低徊

花分紅白兩芙蓉粉白脂紅門一湖妝淡妝濃都學我蓮華
果得似儂無

采蓮人和采蓮歌秋兩秋風處處多莫說蓮兒心太苦阿儂
心更苦於他

羞將金線壓年年來往煙波自可憐恐有遠人贈雙鯉一竿
風雪釣湖天

臺城城上角聲殘驚起鴛鴦曉夢闌爲取花間荷葉露藕絲
衫子不勝寒

湖枕雞鳴古寺傍暮鐘聲散藕花香何處涼多何處住菱荷
陰裏蔽斜陽

覆舟山下雨霏霏天壓湖低一權歸披著雲煙涼亦暖不須
簪笠與蓑衣

霽色初晴散遠汀蘭棹搖過水心亭蕩開湖雨湖雲處露出

鍾山一角青

此處曾操水戰圖南朝風景總模糊誰將歸隱從吾好何必
扁舟下五湖

贈石君正平兼簡張紫望

取友無今古賦代可為伍論交無淺深傾蓋可斷金卓哉張
紫望導予見石君君具矩矱準先哲涵養意趣凌青雲樽酒
之間為傾耳名言絡繹思逸羣際此世風日下時君獨奮起
思維持維持之功不尙奇力求正學躬行之學者心為名利
逐讀書雖多如不讀君將挾書避流俗謀向鍾山築茅屋君
家誠不愧姓石介然而峭立去天不咫尺敢不再拜呼為兄
乞君加我以鞭策壯心猶復碎唾壺君應笑我頭顱白

一二十 題詩下

十三

金陵讀書
蔣氏校印

題竹外桃花士女圖

捲起珠簾欲語遲多情初不解相思無端透入春消息惹得
閒愁上翠眉

縱是封侯不足云天涯問訊費殷勤奈何陌上花開日空報
平安累此君

香閨春色上花枝羞被花枝笑我癡自送劉郎花外去年年
花裏問歸期

也嫌羅綺門芳春愛與高人結比鄰是我幾生修到此得教
瀟灑出紅塵

戊子五十生日紀遊詩

瓣香致告我宗祧自壽羞無酒一瓢覺得曉來春色動凍煙

烘日雪初消

我辰安在又今朝五十年華太寂寥防有客來先避去攜兒
步上北門橋

時向桃源恨幾回望空瞻拜不勝哀屬兒念我思親苦此處
年年此日來

不是名流老此鄉小倉山也只尋常一坏荒土酬知遇終古
青青草亦香

蓋山西畔左侯祠到此依依有所思每飯不忘歌飽德更無
人可告顛危

清涼山路未曾經聞說山青似畫屏小步上來六百六此生
初到翠微亭

一十二 題詩下

十四

金陵讀書
蔣氏校印

尋向山門問古松四株盡去化為龍徘徊丞相祠堂下流水
聲中聽午鐘

臺城雲樹接荒村夕照低斜掩墓門淒楚聲聲嗚不住昏鴉
應是故人魂

模糊燈火路三叉門不容車舍是蝸一十六年如一夢重來
話舊故人家

無車無馬亦無舟三影郎中伴我遊城北歸來更招飲彩霞
深處酒家樓

張友霖字春霆善化人以軍功游保花翎游擊光緒甲申間
法人寇閩彭大司馬玉璣選水師中有將略者八人同赴

粵東以禦亂君與焉凱歸上憲知其才可大任漸起擢用

戊子春由裕溪水軍奉母嘍歸葬長沙而以疾歿於家追
念舊交愴然有感作詩南望而祭之

雄才會起挽頽波未遂封侯奈命何
酌酒哭君還自哭人間知己更無多

卜居大趙府

老夫徒自苦經營兒輩何時學有成
待決西江愁鮒涸喜遷喬木聽鶯鳴
身雖有累心無累目不能耕舌可耕
聊寄此間避風兩洋洋盈耳讀書聲

擬花燭詞

歌聽關雎又標梅語傳冰上喜顏開
藍田煙暖風光好種得溫家玉鏡臺

二十 願詩下

十五

金陵遺書
蔣氏校印

暗裏牽絲隔絳紗爭相擲果滿春車
選來女聳才如此拜井聲華出漢家

珠孃雅不好繁華自愛溪頭學浣紗
每過北村回首望南村花裏是儂家

佳期催做嫁衣裳雲錦機邊壓纒忙
庾嶺春風來最早梅花點綴壽陽妝

名門風雅豈尋常只合梁鴻聘孟光
一部漢書一方硯裝來黃竹女兒箱

金尊進酒賀新郎駕得仙駕入洞房
乘醉索看舊紅葉笑拈形管賦催妝

瑤臺仙子豔西方五色雲軒降玉堂
翠影珠光香入夢萬重

春護合歡牀

霓裳隊裏舊知名環珮低徊百媚生
風送暖時花吐豔流鶯初度兩三聲

襄王在賦入高唐管領溫柔自有鄉
香漲一池春睡足桃花流水戲鴛鴦

玉樓鼓吹永春宵紅燭燒殘弟幾條
料理曉妝纔半醒侍兒扶起不勝嬌

三星影爛漏聲闌斜倚熏籠整鳳冠
釵墜郎邊索郎拾花初解語氣如蘭

妝鏡開迎月上遲嫦娥對影起相思
風流自賞誰如我羞把雙眉畫入時

二十一 願詩下

十六

金陵遺書
蔣氏校印

果然流麗更端莊之子宜家吉且昌
愛著短裳提甕好少君不厭綺羅香

聽來琴瑟十分調快飲瓊筵酒一瓢
我奏房中新樂府和他蕭史鳳凰簫

十字碑
古徑花飛泣杜鵑延陵墓上草芊芊
讓承至德千秋重辭見深情十字傳
泗水留題榮似袞吳山生色屋如椽
記曾路出江陰道駐馬貪看夕照邊

三高祠
詩名皮陸擅三唐尙友先賢論最詳
狡兔患深謀變姓鱸魚味好乞還鄉
商量出處同千古享受馨香共一堂
惟問九京

味好乞還鄉商量出處同千古享受馨香共一堂惟問九京

如可作請隨甫里樂義皇

投金瀾

漁父縱將寶劍辭又逢溪畔浣紗時王孫幸免窮途死女子
羞爲若輩疑此水最清宜殉我有金雖重欲投誰人間望報
恩施者休向煙波笑彼癡

試劍石

聞說龍泉早化空尙餘古迹在吳中金精端賴洪鍾鑄石破
還疑鬼斧工但使鋒鋌堪堪靖難豈教頑梗敢稱雄願從歐冶
求斯劍克建平戎不世功

桃葉渡

放櫂秦淮酒一樽桃花深處訪王孫可憐帶雨飛隨水依舊

一二十 詞時下

十七

金陵叢書
蔣氏校印

臨風笑倚門渡口低徊名士句波心蕩漾美人魂祇今勝有

堂前燕影掠春流煙樹昏

梅花嶺

揚州風月漫平章閣部墳前泣數行城下誓師存故國江邊
授命哭斜陽一坏荒土君臣義萬樹梅花俎豆香孤嶺青青
終不改湖光山色共流芳

題山水圖

妙境尋來逸趣生綠陰深處鳥嚶嚶何須求與知音遇流水
高山自有情

飛泉萬疊碧空浮何事名山未可留誤信五湖風月好奔流
不肯一回頭

此心早共歲寒謀青蔭茅茨四壁幽巖護風聲誰得似何時
更起聽松樓

終日吟哦澗谷中煙雲涵養性靈通阿儂先得丹青意聊藉
新詩補化工

代友人上荊州某司馬

蜀道東趨楚塞西一峯挺秀眾山低仙鄉桂早攀蟾窟帝闕
花曾趁馬蹶捧檄偶來官白下移家小住伴青溪幾多不願
封侯者爭向荊州索品題

賢勞相助理勞絲不屑尋常說項斯官冷養親心自樂權輕
憂國淚空垂求稱循吏剛知己翼得偏隅足有爲應念蒼生
翹首意惠風霖雨慰三時

一二十 詞時下

十八

金陵叢書
蔣氏校印

愛才心事最綿綿下士高風慕昔賢寶鑑早懸開大廈明珠
偏覓入深淵龍門登自知名後馬勃收於識面先不是公能
容掛客鍾生何敢受人憐

文陣詩壇總擅長虛懷偏不峻門牆思隨桃李開千樹喜被
菁莪化一方朽木知難呈哲匠鉛刀妄欲混干將悠悠心似

秦淮水也解朝宗歎望洋

辛卯正月十三日羅叔重招飲庸園

嘯鳥聲中霽色開徑穿籬曲屐黏苔寒餘夜雨滋新竹香度
春風放早梅座客騁辭相奪席酒兵爭勝不停杯鍾山煙月
青溪水都被羅家占過來

訪羅叔重留宿庸園

許儂共醉笑風塵心折元龍絕等倫放眼直教空宇宙置身
未肯任沈淪樽前借箸悲時事燈下論詩念故人鄰寺曉鐘
催客去定來重問武陵津

燈花

蘭膏香度影飄紅繼晷全憑小草功不借春風噓植力自能
爛漫百花中

辛卯十一月十五日偕友人遊半山寺登謝公墩往來五龍

橋尋明故宮舊址而歸依於其家因爲長律以紀其事

椰堪哀樂感中年絲竹鍾情亦可憐晉代繁華都寂寞謝家
坏土獨完全馬嘶故壘寒煙外鴉噪空庭夕照邊我欲從公
求妙著棋聲髣髴落風前

丁二十

詞詩下

十九

金陵叢書
蔣氏校印

當年卜宅息簪纓鍾阜青溪夾兩楹墟廢荆榛迷舊迹寺羅
烽火喜更新好山苦爲名招謗流水聲猶拗不平絕代經師
眞作手誤教宰相累蒼生

創興王業靖煙塵六百年來澤未涇窺認鳳城樓收豎石餘
螭陛坐遊人御溝踏踏波無色葦路萋萋草不春賴有孤臣
款俎豆新祠猶護舊楓宸

孝陵東望依靈谷湖水南流出石城三十年前餘舊夢百千
劫後繫浮生偕遊喜是同心侶垂老慚無沒世名平子多愁
能醉客當頭寒影月輪明

謝李雲生繪梅窗課讀圖見贈

性逸神寒傲骨僵許誰知己抱孤芳腕懸筠管千鈞力心供

梅花一瓣香相共青衫悲老大回思絳帳感滄桑詩情畫意
皆垂戒傳與兒孫幸勿忘

贈李君筱園

雙輪掣電走鯨鯢嶼嶼蒼茫日月低能使狂瀾平黑海直教
豪氣壓青齊新詩入奏鶯聲脆遠道相思蝶夢迷管樂風流
如可作耳邊莫聽子規啼

代友人贈戴醫士二律

物色風塵獲識荆苔岑契合慰平生四時花月憑徵逐六代
江山任品評詩酒多情通燒夢雲霞古誼結鷗盟扁舟雪夜
曾相訪頻聽枝頭好鳥音

故園雲樹隔江濶小隱秦淮樂不禁愛重交游忘富貴求供

丁二十

詞詩下

二十

金陵叢書
蔣氏校印

嘯傲憶山林千秋絕技回春手一片慈懷濟世心良藥萬金
君莫惜爲儂醫俗滌塵襟

代友人贈林醫士二律

遜園無復舊林泉數枉高軒訪昔賢憐我卅年棲枳棘爲君
三徑開雲煙閒吟芳草斜陽地小飲風晨月夕天惟有梅花
是知己更誰格調似逋仙

過從許我坐春風益友如君好折衷養晦塵寰藏屈屨雄談
氣槩貫長虹才堪醫國名先著誠可回天術更工應念蒼生
多疾苦望君速奏博施功

贈李君筱園

萬斛閒愁酒一觴醉來詩思更清狂幽燕豪傑同聲調海岱

花賽綺羅嬌妾惹春愁早妾爲花愁風雨多落紅滿地無人
掃寂寞玉樓春日惜鶯花少採花簪鬢邊莫遣紅顏老朝朝
相對鏡圓圖笑看花常如妾好

負債歌

生必有死權在天死必擇所天無權妻兒苦恨耕無田我方
樂與酒爲緣與其餓死必擇西山巔何如即葬糟邱邊積負
酒家十萬錢風雪閉戶無炊煙詩箋告急如倒懸庸園先生
豪且賢策蹇輸粟救顛連不答米價情纏綿時復醉向黃墟
眠夢與伶籍相周旋酒券有期不可愆幾被追索逃於淵今
我稱貸入市廛酒債債在米債先不怕餓死窮廬前但恐無
酒助我顛爭奈死爲餓鬼苦可憐不及醉鄉死去爲酒仙安

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

得黃金如湧泉陶然一醉幾千年

寄懷漢江故人

同事犀軍日屠鯨障百川論文明月夜較射夕陽天吳楚千
餘里滄桑二十年淒然釀酒處無復舊樓船

夜坐

天街雨過碧如油縷縷新涼入小樓露浸苔階斜月裏蟲聲
初破一分秋

爲李雲生擬作秦淮竹枝詞

秦淮水上碧煙開舊夢重尋打槳來渡口花枝似相識落紅
飛向我低徊

小姑祠畔繫輕舟煙樹黃昏月一鉤燈影連天香似海笙歌

四面酒家樓

家家水榭盡朝南傍晚添妝酒半酣巧畫蛾眉新樣好簾前
月影正初三

楊柳樓臺蘇小家紅兒丰貌豔於花開干東畔珠簾捲玉笛
橫吹待月華

兩聲青溪夕照紅琵琶聲度板橋東停船何處清閒好幾樹
垂楊弄晚風

千家畫舫放銀河粉黛如雲門綺羅爭買素馨花壓鬢晚來
香是阿誰多

夜闌歌舞未曾歸萬隊花燈照四圍紅暈凝波香霧繞渡頭
散作彩霞飛

蘭棹停伴綠陽隄醉倚燈前舞袖低小語屬郎歸緩緩儂家
月墜畫樓西

送徐君兩亭

鯨波初靖海天開江上沈淪作棺材十九年前分袂後二千
里外放舟來黃州煙樹榮殘夢白下雲山騰劫灰垂老病中

揮別淚送君此去幾時回

癸巳生日搗策兒拜謁小桃園

霜踏橋頭渡白門隨園西去最銷魂此來靈爽應含笑更見
行三十歲孫

扶策兒登北極閣

朔氣肅長天樓登北極巔殘碑餘古跡新廟萃名賢嘯傲湖

山外低徊日月邊憑欄懷許伯風雅足留連

江甯方伯許振律重新北極閣奉東晉王導及曾文正今古十賢於閣旁其聯云自六朝即紀茲山惟諸老動名與為不朽萃十廟可以觀德縱他年陵谷亦足懷賢

避園舊址

繞城淮水日西流花蓋岡頭弔故侯老屋數椽經十世殘碑一片足千秋箕裘遺澤憑誰紹風月多情為我留三百年前文獻地斜陽衰草滿荒邱
七召亭開為避賢望風追慕舊林泉藏家著作都零落遺像衣冠尚儼然三徑劫灰沈瓦礫一門文采散雲煙風游寺近空園北獨聽寒鐘暮雨天

一十一 顧詩下

二二五

金陵遺書 蔣氏校印

避園高臥碧山巔忠孝傳家道兩全九世聲靈垂史冊四公

俎豆重鄉賢樓臺埋沒餘螢火煙雨淒涼泣杜鵑最是菜花香滿處可憐蝴蝶影翩翩

荒墟初月上如鉤蟲語西風夕照收雨漬綠餘階薛滑霜飛紅散蓼花稠幾堆亂石形何怪一曲寒潭水自秋清節昭然留勝蹟馨香珍重好詒謀

奉和羅叔重由粵見寄原韻兼以奉懷

萬里風開瘴海塵重尋舊夢感沈淪詩懷清似張三影友愛情深第五倫必展經綸無若輩常教天地有斯人留宿至夜
續半齊構之聯云無可留於天地間君大笑曰狂何過我請
纓自可平南越姑向蒼江一問津

再步前韻奉懷

寰宇仍留未靖塵思將隻手挽淵淪處裝脫穎憐毛遂藉紙稱侯笑蔡倫大地風波摧壯志故山猿鶴望歸人遙知愁寄離懷日瘴雨蠻煙渡遠津

送別李芸生

離情渺渺水雲涯送客乘風放釣槎愁酌白門春夜酒夢驚黃浦曉天笳千家歌舞香如海十里樓臺月賽花此去羨君多逸趣詩懷應更豔而葩

前題

鷓鴣聲滿石頭城愁對春風送客行一曲驪歌一樽酒依依楊柳不勝情

一十一 顧詩下

二二六

金陵遺書 蔣氏校印

奇懷莫子卿

春雲雜春雨團作相思愁東風吹不散和夢下揚州

代題小像

璞玉猶韞荆山麓棟梁材尚沈空谷天真不鑿守其樸無妨為眾誚碌碌阿翁閱歷最精熟性情流露純且淑春秋日迫華髮禿灼灼雙睛便便腹名利羞與庸流逐不求甚解書儘讀感歎桑滄變何速顛狂醉後歌當哭古人節義素所服修名不立懷慚惡奮衣高蹈離邦族遠游時伴江湖宿素衣不受風塵蹟六朝花鳥悅心目行止懶問金錢卜何須零落悲華屋寫真供奉花簇簇春蘭兮佩秋菊望美人兮慰幽獨壽而臧兮歌景福

寄懷讓之禪師

高人鄙士不鄙佛懶與時流爭碌碌慨然披緇出塵俗拈花香散雲巖谷自笑信佛胡爲乎諸佛妙諦出於儒儒佛相濟不相背貫通其理乃不迂廣集儒書千百軸義理一一求精熟深山松風花鳥間書與佛經時並讀睥睨風塵孔孟家竊名悖義徒浮誇不肯卽事求實理遂令盜寇滿天涯憤拂袈裟懺佛前禪關掩閉鍾山巔嘯傲城市長太息蒼生莫救殊可憐託鉢就居清涼東雲煙供奉顏魯公藉佛緣結三千界捆載來自公卿中創興善舉救荼毒飢寒給以粥與粟博施濟眾聖賢心佛爲官吏補不足大府側耳聞高僧造廬博訪稱其能假以事權孚輿論辭謝不得時兢兢由是感激情益

一二十 顧詩下 金陵叢書 蔣氏校印

烈躬親勞瘁求精切道路流離活者多苦哉兩鬢將成雪嗟嗟九州飢寒同誰爲斯民恤困窮安得盡如公普濟普濟徧處無哀鴻公性好與古爲謀神游太虛心悠悠但求煙霞養衰老不屑酬酢公與侯我與禪師舊相識從軍鎮江同破賊滄桑一夢三十年白門重見舊顏色我今臥病城之西不獲從遊過虎溪屢勞存問意何厚無多故舊心悽悽夜窗風雨相思苦吾師高潔難悉數墨名儒行許誰知辦香奉之以終古

輓大司馬彭剛直公

公之盛德豐功布在天下垂諸史冊固無待余之歌頌其美然猶不能已於言者何也公嘗謂張梓堂將軍曰顧君

何多傲骨又曰此人能勝重任心不與目俱盲也噫人生得一知己可以無憾而今已矣撫今追昔黯然神傷此輓詩之所以作也

蒼崖絕峭聳千尋孰敢登臨一振襟接席劇憐多傲骨量才見許不盲心衡湘落木悲風兩江海頽波變古今良朋盛衰關運會獨深悽楚慰知音

甲午之歲自夏徂冬臥病不起溫煖之服半皆入質莫君子卿自泰州寄贈白金五餅爲余贖取羊裘一領殘喘之餘賴得此助乃有以禦此嚴寒也賦此以誌之

憐我無衣爲我謀酒家許贖驢裘披來如入春風坐足抗冰霜到白頭

一二十 顧詩下 金陵叢書 蔣氏校印

寄懷莫君子卿藉以代簡

雲樹蒼茫裏邗江聽有聲悠悠流不盡總是故人情
攀和李君筱園航海由天津之德州原韻藉以送別
遠遊重知己濟水暮雲深海去吳天迥寒驚塞月侵五更鄉
國夢萬里故人心好壯男兒志何須淚滿襟

題畫屏風詩二十四首

柳色迷樓閣參差珠箔垂煙凝流水曲風颺落花遲芳徑停
金勒長亭醉玉危綺羅亂春影香滿五陵時

散步眺芳野草帶晴煙薰紅飛花賽雨碧瀆樹黏雲蜨影枝
頭亂鶯聲谷口聞樓臺鬪歌舞淑景騰氤氳

曉霽樹煙活嘯鳥和春聲苔紫花徑滑草襯筍鞋輕留醉綠

珠意分香碧玉情翩翩貴公子車馬日縱橫

芙蓉開金闕羣仙朝玉京樓中鐘鼓湧池上瓊環鳴日月懸

鸞掖雲霞擁鳳城蓬壺麗風景煙柳弄春晴

草堂俯幽壑獲鶴相爲鄰風霽前溪雨花開古洞春瀑泉飛

碧嶂嶺樹隔紅塵素琴鳴空谷招隱餐霞人

村落隱斜照牛羊歸煙墟幾聲漁笛杳三徑樹陰疏飛鳥沒

青靄餘霞浸碧渠深深垂柳岸月上一鉤初

湖上春光暖煙波一櫂孤桃花紅兩岸楊柳綠千株畫舫調

金瑟歌樓酌玉壺草連天一碧香駐美人車

青浦接天際漁歌西復東浮家葭岸外鼓枻浪花中水漾沙

痕白霞烘蓼穗紅扁舟賣魚去歸趁半帆風

人煙浮激浦城郭枕沙汀風鼓海潮白雨洗江天青濤聲撼

古寺帆影掠疏櫺臨江一憑眺雲樹入蒼冥

日夜江聲急登臨瞰大荒西來巫峽遠東下海門忙波靜聽

鼙鼓帆輕逐鳥翔數峯青未了一曲歌滄浪

翠屏聳千仞仙館抗高峯盤磴旋危石幽澗鬱蒼松日斜倒

塔影風定歛煙容隔溪雲欲起游目支孤筇

蒼煙鎖林壑山花紅四圍梵宇依丹嶂鐘聲度翠微苔柔青

滑展嵐潤碧沾衣樵路穿雲谷僧歸帶夕暉

碧峭環幽境雲封薜徑斜石蹲疑伏虎藤山驚盤蛇寒日隱

層樹回風掃落花巖阿青萬疊煙火幾人家

平且敞珠戶夾道槐陰濃旌旗翔彩鳳車馬騁游龍瓊閣獻

一二十 詞詩下

一十九

金陵雜書 蔣氏校印

歌舞珠樓奏鼓鐘卿曹齊下拜劍佩自從容

嘉賓賦燕樂華堂開綺筵絡秀百人食何曾萬箇錢泰山肉

爲饌東海酒如泉宵闌醉未已弦管聲滿前

花開桃李日綺閣春風多新妝倚寶鏡異香熏輕羅譜翻金

縷曲扇詠合歡歌閒自調鸚鵡含情喚奈何

陽臺空餘夢金屋多藏嬌愛日萱階永香風桂殿飄文君時

進酒弄玉慣吹簫誰最承恩寵春宮鎖二喬

草綠上林早美人鬪風華錦初裁芍藥妝好點梅花楊柳歌

長樂葡萄醉館娃樓臺春似海斜日上窗紗

鶯曉二三月百卉爭芬芳屢來香草徑舟繫藕花塘微雨滋

紅藥輕風颺綠楊管弦助春色聊爲開壺觴

丁二十 詞詩下

三十

金陵雜書 蔣氏校印

晴煙夏芳樹池館生春光燕影掠珠箔鶯聲入玉堂花鮮送

蛺蝶水暖浴鴛鴦細數八磚影遲遲夏日長

雲水百頃碧銀塘環復回雙雙蘭槳過朶朶芰荷開鷗飽眠

花底魚游戲岸隈采蓮人不見風送緩歌來

溽暑夜欲盡星河斜長空蟬鳴煙樹杪螢閃籬菊叢輕羅透

涼露團扇驚秋風清渠浸殘月掩映蓮房紅

滄洲何浩淼石峽夾奔流村落千竿竹漁人一葉舟水源來

谷口嵐氣壓潮頭日浴波色燦雲抹峰容愁想聞湘靈瑟倚

徙憩江樓

蓬瀛望海日夕空徘徊靈鰲戴山起鯨鯢跋浪來彩霞擁

瓊壺初日照仙臺數峰煙樹杪萬里雲霄開長風何時駕一

展濟川才

采桑曲

紫姑簫鼓散斜陽
女伴商量話最長
明日踏青無別事
大家齊拜馬頭娘

村村兒女唱藤蕪
提著筠籃喚小姑
齊上大隄相笑語
不知若箇是羅敷

娟娟影倚夕陽邊
辛苦連朝劇可憐
今日采桑歸緩緩
儂家豈正作三眠

綠陰深護小茅茨
纔采桑來又作炊
喜說今年蠶事好
不曾二月賣新絲

幾時風日轉晴和
苦向春陰喚奈何
冒雨歸來泥滑滑
不知

采葉是誰多

縱車聲裏促栽秧
大婦殷勤小婦忙
報賽笙歌聽處處
十分豐稔好蠶桑

擬白樂天澗底松樂府

風謾謾兮巖壑重
澗臨絕壁泉奔衝
下有千秋萬歲不死松
得助雨露潛孤蹤

廊廟求大木選材偏
不來空谷淒涼
猿鶴爲松哭棟梁
胡爲終碌碌吁嗟乎
偃蹇千尺冰霜護
不願哲匠一往顧
不材而壽全吾真
閨寂自甘隨所遇
但求堅此歲寒心
化龍有日騰雲霧

宿僧寺

丁二十 顧詩下

三十一

金陵遺書 府氏校印

夜話荒庵共老僧
四圍煙鎖樹層層
鐘聲催落空山月
雲氣侵窗冷佛燈

客有出神策門循後湖而東渡鍾山迤邐南行徧尋成豐間
向張兩忠武公屯營處歸而爲余述其狀余歎曰此皆我
三十年前枕戈棄筆地也因各賦一絕以誌今昔之感

後湖提督馮子材嘗統領北路長蘆

湖上屯兵扼要衝馮公威武亦雍容向何舊部彫零盡獨受
中興五等封

鍾山西嶺
懸巖千尺阻雲煙
曲曲穿濠入九天
西嶺鑿開通驛路
山東兵駐翠微巔

丁二十 顧詩下

三十二

金陵遺書 府氏校印

孝陵

孝陵宮闕亂棲鴉
舊壘蕭蕭野草花
指點戛兵爭死處
斜陽煙火幾人家

金門

陣結愁雲埃火高
兵稱黔楚最英豪
前營扼駐金門道
衰草萋萋塞斷壕

下馬牌張忠武公觀軍部之曲號一日捷男曾與東人其俗

下馬牌推之爲先鋒旗面戰屯粵勇多椎牛醜酒祭婆婆
三軍一舉神旗出破賊
歸來奏凱歌

孫陵岡

向帥東征著大名孫陵岡上擁雄兵
樵歌牧笛荒煙裏幾是當年鼓角聲

海子裏

海子屯營起戍樓諸軍總統屬王侯
祇今偏種西瓜處戰士猶餘骨未收

蕭水關

欽使和公已合圍長濠一旦事全非
洗兵飲馬人何在蕭水關前賸夕暉

高橋門

王侯部將鄧元戎許我參謀入幕中
夜上更樓觀賊火高橋門外野塘東

上方橋

一戰幾擒兩僞王上方橋下脫豺狼
停舟渡口聽流水遺恨聲中日夜長

香葉樹

香葉樹成豐庚申獲賊由此破長濠而入
天心何故扼英雄一壘衝開半壁空
香葉樹旁談往事杜鵑嘸血滿山紅

鳳臺門

鳳臺門鎮台像文英統領南鎮長濠戰敗而死文英殉之
戴公忠勇著威聲統率濠圍更請纓
馬革歸來灣汜道風臺門外失長城

卽事

殘夜寒燈下呼兒起讀書老夫親汲水
煮茗竹窗虛

三十三 金陵遺書 附氏校印

示兒韻語

遜園兩世四賢人祀典千秋俎豆新
珍重名門好苗裔莫隨流俗溷風塵

嚴君情性

嚴君情性率天真吐氣如虹絕俗塵
常歎乞人半天下饑寒幾死不言貧

有懷母氏

有懷母氏淚沾巾三世難艱備一身
垂老不辭操作苦兒孫何忍厭家貧

小倉山北

小倉山北小桃園父沒圍城盾所存
驅盡豺狼陵谷變茫茫何處爲招魂

父骸迷失

父骸迷失果心安抱恨長終淚不乾
我死亦當尸暴野好留罪狀子孫看

就遜園東

就遜園東奉母居季春五日痛舉魚
權將先考文章稿合葬團山四月初

喪禮從經

喪禮從經酌古今敢因貧乏不殫心
土和三合棺加槨穴地求穿七尺深

屏除酒肉

屏除酒肉乃心安佛法欺謾弗敢干
親殮不知何所忌故教親屬盡憑棺

祇憑殯葬

祇憑殯葬竭哀忱習俗移人幸未深
術數家言全不用也無異異到而今

三十四 金陵遺書 附氏校印

墓側樹松楸

母喪禮數為貧刪執紼賈賓豈等間古道居然今復見衣冠
送葬會空山

鄭戴高程義氣濃二羅二顧更敦崇諸君躬掩墓門土夜黑

山高風雨中

謂鄭叔龍處達泉高柳堂程楚舉

風號空谷咽寒泉扶稚提筐奠墓前墓側留居二十日朝朝

涕泗溼雲煙

人家喪祭賴兒孫我作兒孫不足論酒肉三年雖屏絕區區

何足答親恩

二十餘里路艱難成勸乘車送母棺哀戚渾忘徒步苦敢因

盲目苟求安

一三二一 願詩下

三十五

金陵叢書 蔣氏校印

儼皮禮變尚經營婚嫁愆時蓋有因婦二十三我三十非逾

經義為家貧

花燭房中四壁蕭家匭荆布稱筆瓢百錢蔬果三斤肉是我

新昏第一朝

蒙養常教謹與恭事無大小莫稍鬆愛兒一味存姑息何以

他年對祖宗

氣質全憑變化功此功醞釀讀書中希賢希聖吾何敢冀免

鄉人笑阿蒙

茅塞雖深漸可開須從辛苦學中來纔拋片刻工夫去十萬

黃金換不回

故人憐我共圖存教養兼施爾弟昆兒要報恩如有日師恩

高厚勝親恩

讀書豈必苦癡兒徒怕傷恩亦不惹我目已盲兒又拙待兒
成立是何時

死於顛沛莫歎歎道苟朝聞樂有餘戎馬場中十三載未嘗

一日手拋書

江浦城東夜喪師援兵背水死相持一江殺氣天無色正我

謀生北渡時

提攜弱弟潰長圍夜走鍾山淚共揮應是至今靈谷畔驚魂

猶與白雲飛

倉皇避難靖江濱風雨黃昏苦問津野老義高止雞黍千金

未報愧前人

一三二一 願詩下

三十六

金陵叢書 蔣氏校印

暮暮朝朝走避兵饑寒險阻不聊生而今安享昇平福好學

詩書答聖明

誼關親故貴先施一受先施報不貲蔡鄧兩姑情最厚難忘

亡命引援時

揚州往事總傷懷才拙非關運會乖恤我飢寒資我學交情

誰得似銘齋此銘齋

西夷造作日新奇淫巧何裨寒與飢中國不尊洋外物通商

謀沮患應遲

長江四省路綿綿兩岸民居數百千康樂終身資水利祇今

盡奪入輪船

張弛因時足守成舊章宜率不宜更富強千古無奇策祇務

勤民織與耕

號寒聲苦遍天涯貧賤多於富貴家羅綺難謀粗布易種桑不及種棉花

專任新交入幕賓張公卓識出風塵八年無一千私語用此操持答主人

將軍信我獨何深彼此推誠利斷金最足感懷後三載謂予盲目不盲心

豪門奢靡且為災貧賤如何更費財粗布衣衾飯蔬食已甘淡泊半生來

友分損益貴研求慎勿輕言意氣投好是閉門修學業不矜名譽寡交遊

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

三
二
一

金陵叢書
蔣氏校印

恢宏豁達是雄才第一男兒莫重財若使飢寒真勝我還應

推解莫嗟來
考亭小學述先民啟佑蒙童復性真屬望力行惟九事餘書

不讀足為人
佳節如何不讀書漫言遊覽負居諸朝朝學問增無幾百歲

光陰日日除
紛紛輕薄整天真百怪環生不足嘆事事恕人如恕己冰心

一片自無塵
多方怨謗果何來奈有黃金解得開既已鄙他無足重奈何

偏要重他財
京口三君也力單客中猶恤我艱難一天風雪渡江去告急

人歸樂歲寒兩程德珍王子才孫子俊

慈親每語感羅生不盡殷勤歲暮情遊子江湖歸不得親將錢米助金銀兩羅雨田

母喪彌月葬無資請決西江望阿誰賴有麥舟相濟急畢生銜感鄭當時兩鄭超伯

懷抱回頭卅八年寢苦猶得在棺邊自從送葬空山後知在何時伴母眠

哭徹靈筵淚滿襟徹遲一刻值千金奉親事不明朝再萬古千秋始自今

禪服除時百感生驚心廿七月頻更杜門謝客違風俗不忍多聞賀喜聲

丁
二
十

三
二
八

金陵叢書
蔣氏校印

鄰母哀矜我可憐除喪猶未食肥鮮分來甘旨殷勤勸下筋

初時亦黯然
學識須求我諒人求人諒我在勞神人能諒我自能諒待到

求時反取噴
知己雖稀跡不疏時相問慰至吾廬縱談竟日知何事多是

別來所讀書
鄙吝從來不可醫要為慷慨好男兒事無難易如當義必忍

饑寒力赴之
交遊終始貴能全第一通財易變遷緩急有時何道可互相

原諒讓為先
霜柝聽殘月墮西倦來隱几凍缸低一編坐擁寒衾讀添盡

爐香又曉雞

原本須窮入細微書多未讀見聞稀茫茫學問如煙海不可輕言是與非

草完羽檄夜何如江上棧槍掃未除助我書聲笳鼓壯海湖風裏五更初

術工命數欲誰欺禍福由人信不疑用我之心行我事笑他說夢惑癡兒

笑我無端也好師心如滄海坐如癡此時氣象知何似零落乾坤混沌時

窮盧心事早如灰無復生機意外來兒肯讀書多幾句一時喜勝獲錢財

丁二十 風詩下

三十九

金陵雜書 蔣氏校印

征途徒步苦提攜骨痛腸饑路更迷四顧蒼茫斷魂處遠山青了夕陽低

雨怒風狂渡亂流波如山倒壓扁舟幾回幸脫鯨鯢難湖海歸來雪滿頭

忽交羅子在犀師竟夕談心惜別離軍士睡闌驚送客空江月滿海湖時

故國河山劫火餘冷煙衰草滿荒墟傷心怕過胭脂巷無復先人有敝廬

齊戒明朝是祭期挑燈數問夜何其雞鳴浣櫛鋪陳畢正是烏曉曉角時

浮名何惜讓時賢虛誕詞章不足傳木偶可憐司命醉哭懷

知己李臨川 李小湖山長

阿笑春來十歲初家貧謝客閉吾廬慶兒生日宜何物一卷文公小學書

新年簫鼓滿街頭兒女如花賽出遊珍重早春天氣好爾曹莫下讀書樓

強忍飢寒築債臺渡江纔負阿連回雖更殮葬難豐厚哭捧枯骸不盡哀

醉酒空山淚滿巾號呼墓下告先人聊償二十年間願送弟歸來伴母親

葬必隨時莫少停躬求墓地妥幽靈但教自問心安否術數荒唐不可聽

丁二十 風詩下

四十

金陵雜書 蔣氏校印

省墓期愆七載遙病軀畏卻路迢迢此來風雨句留我多伴慈親住幾朝

交遊儻總是尋常枯骨安能反故鄉我感到君何以報生生世世不相忘

介然莫與俗人通讀我詩書守我窮窮到萬分窮不怕此時纔算是英雄

謝鄭叔龍 卅載交情利斷金臨終裁答淚沾襟知君贈我一瓶酒即是

延陵挂劍心 留別諸親友絕句 願結同心未了緣他生重見大羅天故人相憶如相問風雨

空山泣杜鵑

四十一

四十一

金
陵
氏
校
印

顧伯蚪遺詩跋

右顧伯蚪遺詩二卷江甯顧伯蚪先生箸先生名我恐文莊裔孫幼丁粵寇之難轉徙京口廣陵閒與江防部曲伍荒郊孤壘磨敗硯操秃管治軍中文檄無夷險劇易未嘗一日輟學弦誦聲嘗與刁斗相應士卒笑侮不恤也所爲文檄朗暢洞機要彭剛直奇賞之年三十餘目遽盲剛直猶謂其府主曰顧君盲目不盲心勿棄也府主賓禮之如初又三季府主沒先生始歸歸而益肆力於學目不能視則命其子讀之尤嗜詩軍中所遭與夫羈旅阨窮之境胥於詩乎寄之憶母之什訓子之篇又皆從真性中流出正不必絺章綉句而詩之本已立矣立身行己步武程朱與羅兩田鄭叔龍戴達泉三

一二十

金陵遺書
蔣氏校印

先生爲道義交朝漸夕靡不一息自暇逸事母孝交友信一門雍穆肅若朝典蓋古所謂躬行君子也又可以詩盡之哉鄉後學蔣國榜

芸香館遺詩

歲立戊辰夏日
武進涉園石印

夫玉臺之編非所宜於金管莢筆之訓未遑頌其椒觴是以蘇蕙徐淑內政無聞傍母鴻妻文辭罕述辯通仁智中壘殊其篇林下閨房濟尼別其品而况家擅助閱體胖帝潢嚴萬石之精明苗夫人之貴盛亦或深持禮法垂美珩璜未聞兼涉八儒究通四始王姬桃李並入轡軒之隊季女蘋蘩自譜房中之樂若 宗室博爾濟吉特夫人者和林貴種瀚海名家毓秀璇枝遠承薛禪之帝紹封珪葉代襲名號之王泉於尊人涉帑紫庭依光 丹闕犀紕賜帶擬漢廷質子之班 鳳詔銜綸視宋世閨門之職充蒙古奏事官遂定居京師焉夫人蕙性夙成苕華絕出幼受

芸香館遺詩序

詩於外祖母英太夫人韓太君之易學徧述諸孫劉令嫻之文辭本於外氏十三工篇詠十五究經義較之容華弱齡豔傳催妝之句應貞奇悟夢授左傳之文殆有過焉及歸 年丈副憲雨亭先生鮑宣受學因締少君傅元有聞足儷杜韡蓋中閨唱和觚翰無虛策事相矜賸書爲樂下至舉業亦播藝林副憲以 玉牒承華金貂嗣業出爲協揆文愨公後梁公名相實曰宗室之英令時清名雅爲諸房之冠經營北舍咸無間於宏微出入南衙恃保全於李石比之安平議事或取參譚山公擇交亦資內決靜好之助於古爲多兼之周覽政書明習掌故晉代朝正之禮定

自陳媛魏朝近事之餘諸夫封母逮於歌傳寡鶴教厲丸熊魯敬姜戒不忘恭宋宣文世無廢學所謂既昭婦則兼擅母儀宜播椒蘭傳之閨壺者焉然而竹柏之性宜育大年鐘呂之音吹徵極貴乃艾歲方屆議齡忽摧門帆未懸帟琴永徵令子伯希孝廉位搜塵匿桴香遺文得詩百篇釐爲二卷而屬爲之序慈銘幸結齊年之契曾展登堂之儀步障不施賓筵已設衣預慘絲或語孟陽機斷流黃同悲仇母東芻未致執紼何從展讀遺編悅親昔款清而彌酌麗而不侏高格出於自然深情託以遙愔懷人送遠之什登山臨水之吟踵軌風騷銘情陶謝洵足抗美遙代傳

芸香館遺詩序

示後來名士遜其智珠 國史煒其彤管矣或謂才思非婦人之事華藻垂福壽之徵是以茂先作箴不取麗製昌圖得偶悉焚舊詩夫人削棄不存意亦猶此不知周官婦學所咳九能三代姆教皆通六義鼓城作賦張說擬之東征唐山有歌漢志以補雅樂况夫人者訓傳羊敬業付左芬佳婦婉嫻一門講授則是編也亦猶子政編祖氏之詩丁媛譔大家之集並垂珍笈式誦先芬而後之論世者所當禱異璿源纂芳玉晚侈女宗之盛事耀 昭代之藝文爾 同治十三年歲在閏逢掩茂室皋之月會稽李慈銘拜撰

芸香館遺詩卷上

喀爾喀部落女史那遜蘭保蓮友著

偶成

暑退新秋至風清氣爽天繡餘拈筆墨花影到窗前

初夏

一桁疏簾率地輕落花和絮裊檐楹綠陰滿院紅塵遠時

有飛禽墮地聲

小榻松陰坐午涼游絲暗罨柳絲長一晴未覺薔薇放隔

著紗窗偶送香

蛛網添絲鵲巢層層密樹望中交培花養鶴閒生活坐

芸香館遺詩 詩上

把羣芳譜自鈔

長相思

蟻蟻短金井深梧桐一葉生秋心秋心零落向誰訴絡

緯唧唧答寒礎碧雲欲暮歸雁遠綠窗閒盡鴛鴦鍼

行路難

四角雕輪三足馬請君暫憩瓜廬下天荆地棘康莊途間

此栖栖胡為者秋霜昨下羊腸坂春風自暖桑榆社

秋日

極目寥天一望收西風故故動簾鉤白雲有意親書幌殘

日無言下畫樓落葉聲中憐短鬢寒鴉點裏帶清秋海棠

一檻嬌無限似欲邀人為少留

晚秋偶成

未寒天氣欲寒風霜染楓林漸已紅五夜鄉心生蟋蟀一

年秋色在梧桐鶴鈴雁字雲千里藥徑松畦地半弓好把

酒杯尋樂趣菊花昨夜放籬東

覓詩

靜室焚香坐覓詩蘆簾紙閣鎖相宜屏圍燈影嫌妨目窗

隔寒威巧中肌落葉打門風有韻殘花滿地月添姿清宵

偁水休輕負檢點芸函不厭披

風餐

芸香館遺詩 詩上

鎮日風餐甚深闥為掩門寒林爭日色薄酒見春痕竹影

幽人帳梅香老婦盆拚他聽外冷鑪火隔宵溫

不盡閒愁緒蕭然一室中壁燈寒射幔窗紙暗吟風袞薄

溫難徧背長夢不通無眠數更鼓月影下庭東

成趣園夜坐

林壑杳以深拂石坐忘冷涼月不親人孤松轉清影

秋夜吟

景况居然一味秋嫩寒侵入水邊樓半聽涼月花能淡滿

院清風竹自幽詩境須從書裏悟機心漫向奕中求人生

可樂須行樂在青年華去不留

詠菊

清標傲骨絕羣流凡卉輸君一百籌似此丰姿應愛我算
來心性只宜秋愁生北地霜千里夢落東籬月半鉤點綴
蘭閨成韻事不辭斗酒為君謀

冬夜讀書有懷竹君妹

讀罷閒將繡枕欹書聲歇處漏聲遲風來竹院一堂韻月
照芸窗兩地思碧簡多情容我伴青燈有味許君知重重
別緒綿綿道樽酒何時共論詩

賞雪

朝來大地換新妝歷盡塵埃氣自芳竹葉敲餘銀有韻梅

芸香館遺詩 詩上

花著遍玉生香擁箕掃徑兒童喜撥火烹茶姊妹忙尊酒

未終明月上愛他天地一般涼

遊西山

清晨駕巾車日晡到山脚頓簸不辭勞山靈如有約轉路
入烟霞回頭隔城郭危磴雜松楸遠寺聞鐘鐸孤青表窈
峯萬綠爭一壑行行下筇輿徑窄步引卻還與叩僧寮荒
荒紅日落

我愛秘魔厓怪石高撐天復愛寶珠洞下瞰及平田快哉
御風行頃刻如登僊探幽及窮僻選勝防人先所愧腰脚
劣呼婢相引牽夾路椽實厚嵌石孤花鮮流連劇忘歸峯

峯凝暮煙

宿大覺寺

十畝松陰滿寺涼一條瀑布界山光峯巒青逼衣裳冷燈
火紅盤棧路長時有微香來佛座偶聞孤磬出僧房遊人
對坐渾無睡明日登山禮佛忙

春曉

夜來微雨曉添涼一枕遲人春夢長料峭風吹深巷裏賣
花聲似促晨妝

春午

小閣千影日遲遲一派春聲鳥語知繡罷綠窗人意懶碧

芸香館遺詩 詩上

雲天外漾游絲

春晚

柳梢風軟紙鷁收為愛斜陽上小樓挂起西窗閒徙倚一
彎新月誤簾鉤

春夜

閒來得句費推敲愛月翻嫌樹影交試向畫闌斜處過一
雙宿蜨起花梢

春日三首

乍暖天教雨住涼閒來只覺晝偏長蜂憐露重遲歸戶燕
趁風微低度牆作畫每教衣染墨折花贏得袖餘香一春

細較渾無事且作尋題覓句忙

碧天雲淨澹煙籠輕暖輕寒二月中竹印粉牆成畫稿箋
藏翠袖當詩筒偶耽薄飲忘家務每為微吟誤女紅最是
春光留意處杏花初綻小樓東

庭院初晴有暖香紙鸞一綫曳韶光時原可樂花含笑春
故多情艸亦芳杏苑露濃迷蛺蝶柳陰沙暖睡鴛鴦閒來
只覺身偏適自掃青苔坐夕陽

尋詩

綠窗人靜篆煙消春引詩情上柳條正欲尋題無覓處小
鬟報道是花朝

芝香館遺詩

五

訪畫

一點春痕透絳紗新紅催得畫情賒曉妝臉有胭脂水較
量枝頭作杏花

折花

滿園春色手親栽一日花前幾度來恹底枝頭蝴蝶舞鬢
邊新插牡丹回

檢書

傍架齊書小課功安排身入古香中舊遺花樣新翻得又
省窗前細翦紅

僕婦李氏隨余六七年今為家大嬖鳳儀夫人攜往

盛京因成十韻以畀之

聚散原無定親疏各有緣料應難惜別無那總情牽意逐
遼東水思繁薊北烟隨人千里外伴我十年舟挑繡資分
綫梳妝情整鉤他時我還憶此去汝堪憐衣履隨行笥平
安好寄箋離懷飛鳥跡心緒落花天舊主恩休切新知禮
欲虔瀋陽吾舊里古蹟待歸傳

三月十六日送鳳儀大嬖之 盛京

一曲驪詞百感生夕陽流水送君行臨岐莫作傷心語縱
有關山不隔情

以布衣一襲贈僕婦李氏

芝香館遺詩

六

縷縷絲牽別緒眞布衣一襲贈離人前途冷暖原難料借
得斯名要謹身半臂俗名紫身

暮春卽事

畫靜蘭閨午夢遲困人天氣正斯時日移綠蔭遮書案風
送紅英到硯池縮地有方應借畫留春無計只哦詩安排
清簟疏簾處伯姊相邀一局棋

代書寄鳳儀大嬖

分手難言別寸心爭忍離與君獨不見令我長相思落月
憶眉宇停雲想鬢絲計程驂駐後轉盼雁來時眠食欣增
勝平安可告知得閒聊罷繡消暑但憑詩處世求安拙言

情盡占癡蕪函將意寄煙樹絲低垂

海定

瞳矓初日壽郊垌賦夢輕車曉出城一帶山光分遠近萬
畦雲影界陰晴打禾聲裏豐年樂疏柳行中 輦路平何
處桂花香撲鼻貴家樓閣儘啼嗙

題宋女史張玉娘蘭雪集 舊知鸚鵡豕故事今購

得其集乃爲之作此詞

松陽山下埋香土一枝紅豆生無主春風未許作鴛鴦秋
雨先教泣鸚鵡鸚鵡嬌藏綺閣深玉嬾生小春無心分來
翠珥教妝裏敲斷金釵學苦吟月未全圓花未謝碧玉盈

芸香館遺詩 詩上

盈猶待嫁誰下姑家玉鏡臺溫郎中表才堪亞婚期猶未
指三星借計郎偏進上京春暖侍兒嬌有伴天寒翠鳥噤
無聲詎道相思不相見滄桑頃刻能生變合懽庭樹未成
花連理繡絲偏絕綫飛語忽傳到繡闥金刀不惜斷鴛鴦
百年已閱人閒夢一死何妨地下隨錦囊一卷編遺集翠
梳三旬絕玉粒風驚桂苑青霜飛夢斷楓林紅雨泣侍兒
嬌小號雙娥一縷情牽誓不他荒塚一坏添婢子雕籠半
夜殉鸚哥千秋此是傷心事主自死節奴死義合芝雞教
夙願償旁觀猶懼多情淚自今溯宋迨千年蘭雪清吟牘
一編讀罷空成鸚鵡賦豕荒何處暮雲邊

夏日卽事

清簟疎簾靜不譁陰陰夏木罩窻紗削書無價將釵抵買
竹留錢趁雨除洗硯恍疑雲在水拈鍼權富筆生花粉牘
隔斷塵千尺不使閒愁到我家

小齋宴坐

青琴一曲日斜陽庭院沈沉苔徑涼蔭荔青搖花侶雨琅
玕翠脫粉如霜心清自得詩書味室靜時聞翰墨香燕子
不來春事盡鬢絲禪榻兩蒼茫

題冰雪堂詩稿

國風周南冠四始吟詠由來閨閣起漫言女子貴無才從

芸香館遺詩 詩上

八

古詩人屬女子詩人世每謂多窮我道窮時詩乃工請看
後世流傳者多在憂愁憤激中我師聰明由夙慧暑齡解
字傳三歲家貧母病苦備嘗鍼劑餘閒愛文藝于歸家是
紫薇郎遇夫得所傳書香蘭闥聯句春方暖戒旦趨朝日
正長酸風忽折鴛鴦草蘭芽况復霜前稿偏將薄命付伊
人坐使紅顏速衰老天長地久恨迢迢大節松筠特地昭
冰雪名篇人比潔歸眞取字意殊超觸境生情每言志一
編寫盡平生思不道風雲月露詞純以性靈追六義我幸
身居弟子名執經問字早心傾夜讀清詩剛掩卷秋高月
朗碧空明

小園偶興

小步意徘徊西風幾陣催
淡煙隨暮起落日促秋來
紅葉點高樹黃花壓翠苔
晚來清興好隨意過平臺

題翁繡君女史羣芳再會圖

如讀離騷疏披圖得巨觀
春風新管領香國大團圓
苑若瑤池會羣仙集紫壇
封姨莫相妬收取卷中看
檢點羣芳譜開時總不同
別離憾人世缺陷補天工
漫說妍媸雜誰言色相空
題詩慚點汗越女亦西東

芸香館遺詩卷下

喀爾喀部落女史那遜爾保蓮友著

瀛俊二兄奉使庫倫故吾家也送行之日率成此詩

四歲來京師卅載辭故鄉故鄉在何所塞北雲茫茫成吉
有遺諸庫倫餘故疆彎弧十萬眾天驕自古強夕宿便墮
幕朝餐甘酒漿幸逢大一統中外無邊防帶刀入宿衛列
爵襲冠裳自笑闔閭質早易時世妝無夢到鞍馬有意工
文章絲窗事粉黛紅燈勤繅細華夷隔風氣故國為殊方
問以啁晰語遜謝稱全忘我兄承使命將歸畫錦堂乃作
異域視舉家心徬徨我獨有一言臨行奉離觴天子守四

芸香館遺詩

夷原為捍要荒近聞頗柔懦醜俗醜其常所愧非男兒歸
願無由償冀兄加振厲舊業須重光勿為兒女泣相對徒
悲傷

得鳳儀大姨 盛京書

讀罷燈前心意慵花牋與恨疊重重浮雲人世聚又散流
水年華秋復冬偶對好花思笑貌時從明月想儀容昨宵
剛有逢君夢怪煞無情遠寺鐘

謝張孟緹夫人辱題小照即贈

閨閣論才子當今第一人我生猶未晚塵海暫相親餼菜
江南夢鶯花上國春層樓高寫韻悵望每凝神

春日有感

鎮日懨懨倦倚床蘭閨人靜晝初長悶懷縈繞調鸚鵡春
色飄零到海棠姊妹離情頻悵望詩書滋味漫評量無端
暗感韶華換又見新雛燕繞梁

題蘭坪二姨如舟室

如舟小屋遠塵喧別是人間一洞天紅豔花光輕洩露綠
連槐影淡浮煙閒眠小榻疑停漿醉倚虛牕當叩舷愛此
數椽隨意構息肩容膝樂悠然

夏日

午夢初回晝正長新蟬學噪韻悠揚湘簾似水波紋澹葉

芸香館遺詩

惺如雲日影涼心靜卻緣知事少身閒又為賦詩忙增儂
興致連宵雨嫩竹參差已過牆

秋雨

陰釀連朝雨秋聲滴碎天牆陰苔色古池面水紋圓韻入
蕉窗裏涼生筍簟先閉門無箇事身倦枕書眠

秋晴

滴徧芭蕉雨秋晴寫一庭雲容沉水白山色接天青樹寂
蟬添籟花眠鳥喚醒捲簾新爽入斜照上疏櫺

題覽勝圖

披圖一覽卧遊同縱欲爭先也計程書畫琴棋詩酒外深

聞亦可奇閒情

憶懷

憶昔肩隨姊妹行舊時勝事總難忘碧紗牕擁書千卷紅杏筵開酒一觴春到樓頭人共緜詩聯花下句生香倚闌牘有蒼鵬醉流水行雲總感傷

小園落成自題

處泰堂

坐攬空明景閒來試一唵亭臺四面畫泉石一生心窗豁風先到庭空月易臨昨宵觴客地花下有遺簪

漱芳榭

小室青溪曲疏闌碧玉文池光輕漾月石洞冷嵌雲觀水

知魚樂餐霞許鶴分玲瓏總格子樹外是斜曛

知止齋

鈴索沉沉處幽齋小睡宜松高知宅舊樹老得春遲屏曲書圍坐花香夢入詩捲簾新月好皎皎在東籬

得真觀尚齋名

萬瓦縱橫內蕭齋靜不唯琴心託幽草書味聚寒缸泉石圍三面松篁蔭一窗碧苔閒滿地絕少足音聲

芥舟 榭名前爲射圃

臨水層軒敞依山一徑長穿雲春習射坐月晚乘涼竹檻

留禽語松花蓄鶴糧街塵高十丈不遺過紅牆

豔香館 階下有梨三株牡丹數十本

一院涼陰滿延緣碧蘚肥架雲春不落花雨夢橫飛冷豔全欺雪天香乍染衣模糊晚來月強半在書幃

退思書屋

十二重關阻環房出入迷茶煙當戶疊竹影拂窗低壁畫蟬聯疊案書鱗次齊安排紗障子便可號香閨

快晴移

玻璃嵌面面此室最宜冬殘雪明三徑孤雲瘦一峯梧桐寒縛草薜荔曲纏松晴日初開處南窗小夢慵

晴虹 橋名

橋上長廊建春流活活經攪開雨萍裂偶窺星魚氣連雲起泉聲俯檻聽坐來濠濮想花滿夕陽汀

蓼缸

流出潺湲水居然小石梁青蘋浮夜雨紅蓼占斜陽聊作閒鷗界平分秋水光朝來行不得石上有新霜

小池

便有滄州趣澄波坐渺然買魚還自釣汲井謬稱泉花外都無地波中別有天浮萍看動盪昨日已栽蓮

假山 夫子築此山屢成屢易至是又將復毀余

勸而止

屢易煙霞棄山應號再成峯巒新結構洞壑小經營畫意
巖能具詩心最忌平名園輸半畝猶擅笠翁名半畝完顏氏園名

曠觀亭

樹杪高亭出登臨足大觀花光迎日暖石氣逼人寒一角
青山暮千林落葉乾憑闌舒遠眺涼月白團圓

天光一碧樓

小閣柳陰中層闌高下紅山光生檻外天影落盃中低舞
鸞支雪高騫蜨背風晚來一枝笛吹出碧玲瓏

五月八日與麟莊蘭谷二嬾夜話

去香館詩

詩

五

桐影迷離月影斜晚風涼透碧窗紗鐘煙茗碗挑燈話風

過香來姊妹花

題香湖女士墨蘭冊

自是高標約自長不將顏色鬪羣芳愛他閨閣生花筆寫
出人間第一香

和友蘭三姊留別韻

怕君車馬去吾門握手依依愴別魂此後相思應入夢只
愁夢醒了無痕

小聚如將絲綜麻片時分手各天涯明知聚散原常事妬

殺枝頭連理花

五月廿八日即席再別友蘭三姊

離筵相對暗傷神總覺衷情話未真握手殷勤無別囑尺
書早寄故鄉人

和友蘭三姊杭州見懷原韻

六月聞君已渡河清秋又涉大江波思鄉應灑登高淚惜
別空成對酒詞素簡纔從湖上寄黃巾已恐浙西多干戈
滿地相離遠搔首青天可奈何

當歸遮莫換將離此意山靈許默知海上青桐是同調江
南紅豆最相思休因念我能添病除卻懷君不賦詩秋亦
知人情緒惡芭蕉窗下雨絲絲

去香館詩

詩

六

附原唱

百

保友蘭

秋深鴻雁滿關河一棹吳江起夕波花發江村新覓句
人來畫舫待徵詞月明野店清砧急風掃荒村落葉多
為問都門舊知己故園情緒近如何

西風漸緊雨迷離把酒蓬窗憶舊知楓葉半江添畫本
梅花千樹動鄉思寄君南國燈前信寫我西湖陌上詩
客裏加餐應共慰鬢邊白髮已添絲

輓華香世媚

三生文字結因緣小照留題已十年鮑妹才華今代謝鴻
妻椒鏡後誰傳春來人往愁無地月缺花殘恨有天八秩

重慈九齡子翁姑俯仰倍悽然

傷心最是好人亡林下高風想大方回憶交期雲慘綠怕
思夢境月昏黃生兒育女俱煙散搜畫尋詩贖墨香白酒
數盃同淚奠九原酸苦要分嘗

寄和友蘭三姊

正是花陰望雁初一朝喜得故人書遙知素手緘封日自
斷京華幾憶余

錢唐聞已解重圍招隱嘉賓喜不支夜雨新來大雷信秋
風重賦小山詩

初春寄懷芸卿妹

去春館遺詩 詩下

別來轉眼又經年自遣春愁靜裡觀草長階除餘雀啄花
臨窗紙惹蜂彈路長敢怨音書少畫靜翻驚繡閣寒無限
離思歸筆底情深只好寄詩看

庚申冬寄外 時在滌陽

漫道相思苦從悲行路難烽煙三輔近風雪一裘寒去住
都無信浮沉奈此官親裁三百字替竹報平安

寄鶴友七姊天津

傑閣高樓夏景多津門此際樂如何唸成字向芭蕉寫妝
罷香從菡萏過綺閣應添新著作荒園時闢老煙蘿西山
昨夜胡桃熟奉上盤匱助醉詞

鶴友七姊駐津數年每得鮮果嘉肴率為郵致昨來

都復以憶津門食品詩誇於余昔東坡在海南食

蟪而甘恐人得其味屬相與秘之今讀吾姊詩用

意過東坡矣乃用原均率成四詩聊為一謝之報

久關襟懷慰幾重莫辭絲蟻泛杯中津門燕市秋何限快

得醅顏相暎紅

桂子花開秋氣清微風片月繞檐楹支頤笑說神仙事久

已逍遙過半生

漫誇珍味重唐時一騎紅塵走荔枝三日閩疆來海舶自

批朱顥自題詩

去春館遺詩 詩下

幾處樓臺送夕陽蓼花蕉葉闌秋光變頭昨滅鴛兒酒為

愛同心取次嘗

墨君女史鶴友七姊小姑也墨君今歿十年矣有自

書詩一紙存余處即憶鶴友作也珍之篋衍有年

昨歲鶴友來都向索頗切感故人之舊情欽七姊

之友誼因和韻四章同為裝池以歸諸鶴友

重緜舊夢到春城一度唸同百愴情徒贖吉光留片羽賭

詩從苦論輸贏

一家風雅憶閨中鮑妹梁妻才調同惆悵芳園聯詠地傷

心依舊夕陽紅

我愧樛材炙蕙芳
微風雅調引來長
十年離恨猶能說
時對雲容想羽裳

銜杯今日正愉思
話舊偏教憶昔時
寸紙付君頻鄭重
故人墓草又離離

壬申冬日代柬招鶴友

寂寞匡居俗念生
梅花笑我負清盟
南柑已到香醪熟
可否前來話別情

祝歸真師八十壽 補遺

眞業來蓬島
修齡衍麥邱
性同松柏茂
身與水雲遊
大節千秋定
新詩萬古留
絳紗稱弟子
慚愧鶴銜箋

芸香館遺詩 詩下

九

芸香館遺詩卷下終

先母七歲入家塾十二能詩十五通五經十七歸先
府君上事姑嫜下和娣姒家務之暇不廢吟咏所作詩
已哀成巨帙中歲喜讀有用書終年矻矻經史詩不多
作迨丙寅歲先府君棄養後內事摒擋外禦憂患境
日以困遂絕不復爲詩嘗語不孝及妹琦曰我於詩學
幸窺門徑少年所作率多浮響不足爲後世笑如我竟
死爾輩勿梓吾詩苟天假以年爾輩成立不以家事累
我我當復舉所學陶鎔而出之庶幾可與古作者競嗚
呼言猶在耳而太夫人竟於去年秋厥棄人間矣不
孝昏憤瞽亂不知詩之足存與否而竊念梓詩是違

太夫人之命罪重不梓詩則太夫人之德言無所附
以傳勢將終於汝沒罪益重乃請於里鄰諸長者僉謂

太夫人之詩清雄綺麗雖意不自滿而詩實可傳不
孝用敢取太夫人丁巳歲手鈔本又益以搜輯所得

共九十一首編爲二卷錄付梓人嗚呼太夫人之意
本不欲以詩傳故散失已多無從收拾卽以詩論亦不
過存什一於千百又况懿德嘉言實有迥出於詞章之
外者哉惟冀後之讀者卽詩以窺行誼勿徒以語言文
字求之則不孝所以梓吾母之詩之意也夫同治十
三年五月不孝盛昱謹識

存 且

單

詩

雇	如	屋	蔣
涂	月	校	氏
月	着	印	慎
吉	始	甲	脩
成	天	寅	書

且巢詩存序

歲在壬戌識江甯周丈還之於寶應城北之且巢相得也既予奉母與丈鄰又辱交長君鳳笙誼益篤乙丑丈為桃源學官招予共鳳笙讀相依者半歲予去客曾二泉先生許距一牛鳴地晨夕過從無間也丈嗜為詩有所作輒舉視予一語之未安一義之未協不吝往復必愜于中而後已或列坐一室被酒放歌聲淵淵出金石雜以嘲諷泊然寵辱之外明年丈歸江甯鬱鬱遂卒後二十年鳳笙始刻其遺詩而屬予序之丈為詩凡三變少負備才有聲鍾山尊經惜陰三書院時王紉齋馮敬亭兩前輩先後主講席而湯貞愨公侯青甫教諭並以聲律導後進江甯矜吳帶楚山澤雄南戒又沿六代

一十四 序

金陵遺書 蔣氏校印

之遺祖尙騷雅寓公羈士爭為選事文謙無虛日丈與編修壽昌蔡戶部琳孫知府文川楊歲貢後金拔貢和尤為時所稱海內承平不見兵革之事春秋佳日數共游衍一篇敵手都人爭寫如三河少年鮮衣盤馬其詩豪備洪楊之亂丈沒賊中與張義士炳垣謀應我軍垂濟而洩炳垣殉丈以親在跳而免播越淮海間軍事頽窳民生凋劫一寓之于詩如霜夜吹箏征人感泣其詩激楚晚為學官有弦誦之資兩尊人既無恙鳳笙又嶄然見頭角能世其學遇少少舒矣而撫今軫昔其興替榮鬱可喜可愕之故時形於聲不能以自克如白髮宮人話開天遺事其詩怨抑是編其職志也嗟乎方侍丈橫舍時二泉先生為縣官竿牘之下各以詩歌相虞樂丈

倡先生和予若鳳笙及先生兄子蘋湘亦相與庶績焉今俯仰不三十年丈與先生宰木已拱蘋湘連寢江左予年且五十始衰矣鳳笙少予三歲近亦權甘泉學官其諸子長成且如予與鳳笙共讀時覽丈詩竟追維疇昔之游忽不知其百感之橫集也抑又思之丈氣充而色溫與人交渾渾不露鋒穎而智畧洞一世蟄在卑位靳不獲施可見者僅是編耳然其中之所蘊者又百鬱而一撼焉是人才於世運兩不相直也獨丈之不幸也邪庚寅春三月金壇馮煦

一十一 目 序

金陵遺書 蔣氏校印

小傳

周葆濂初名葆瀄以穆宗諱改今名字還之江甯人詩才清麗嘗陷城中與張繼庚內應事謀洩得脫出後選授寶應訓導卒於官著有且巢詩存

丁十四

小傳

金陵讀書
蔣氏校印

擬李義山韓碑

龍飛翔迺開皇唐天策上軍如鷹揚擒充剪園靖四海功成
 治定垂衣裳廟謨千古在能斷後師前聖道乃昌淮西小醜
 據甌缺如螳有臂盪有芒五十餘年荷覆轡竟敢跋扈生披
 猖蹶軍習戰簡豪銳自恃阻固成金湯是時廷臣事姑息務
 爲撫馭謀非臧養難成患遂不治由來返弱當以強相臣曰
 度合帝德河山元氣歸扶匡征伐本自天子出獨撓眾議宏
 乾綱詔以平章莅元帥羽林曠騎驚超驥道古文通備驅策
 正封宗閔資贊襄行軍司馬統貔虎論事宜狀何趨趨入蔡

十四 詩存一

金陵叢書
丁集之十四
周氏校印

縛賊愬也力縣瓠夜半盛沙囊風饗雪虐鶴鳴叫駭車驛
 飛雷碾執俘獻馘入太廟大酬三日黃金鑄帝謂豐功莫如
 度宜勒金石垂殿廊汝愈能文稱厥職用昭後裔威遐方公
 拜退乘晝日筆代宣綸綵真煒煌遠導河源自星宿高測日
 影來博柔勒銘燕然揚偉烈直與孟堅相抗行靈鼉展鳳戴
 碑起垂垂金薤森琳瑯詞嚴義簡得古法政爲飾說取冗長
 武士何來肆椎扑洵洵相與爭朝堂彼婦之口可出走乃至
 說佞災文章豈知鉅製仍不朽曠世一出如鳳凰當時柳雅
 亦奏御相擬尙覺分低昂文昌之作覆瓶耳那復日月騰其
 光御脰可接紹可綴歛手笑絕蕞芽僊聖神功德常赫濯匪
 公刻畫誰能當欲與此石壽天壤千古惟有獵碣留岐陽

劫吟

盡訴新愁鵲曉舊恨借浮華之惱響作香草之寓言故我
 難忘解人可索慨乎言矣觀者諒焉

經時相見卻羞郎閉置長門在自傷驚鏡影憐雙挽髮鴛機
 聲斷九迴腸只餘弱質如楊柳那有閒情妒海棠蓋篋寒衣
 搜已盡翠衾假抱怯空房

錦城西去路偏斜指點層樓是妾家幾度來游詠紅豆無端
 冷落到黃花空庭寂靜生煙草小院團樂讓月華昔日風流
 今似否青衫有淚哭琵琶

迷藏隨處寄閒身偶聚萍蹤亦夙因自分甘爲薄命妾相思
 怕作負心人含情且刺臂前字失足應憐掌上珍窄袖短衣

丁十四 詩存一

金陵叢書
丁集之十四
周氏校印

裝束改蓬門只合守清貧

如花美眷總神仙分手匆匆各一天相望銀河空有路得窺
 繡閣轉無緣三遷燕雀居纔定半載鴛鴦夢不圓悔未當時
 覓劉阮桃源深處貯嬋娟

崑崙無計脫紅綃銅雀沈沈鎖二喬賣賦金多難贖命留仙
 裙好久離腰顏探芳訊新分竹亂卷愁心未展蕉惱殺一灣
 衣帶水青簾關住小紅橋

侯門咫尺即天涯入市招搖半艾緞鳳好也隨鴉作隊鳩安
 都占鶴爲家幾人病體輕於葉一樣離懷亂似麻長夜惱儘
 眠不得官私更鼓沸鳴蛙

消損眉痕與髮光朝朝膏沐卸新妝捧心大半成西子纏足

從教怨旨娘玉樹後庭重誌慨金蓮貼地不生香劇憐陌上人如織壓背花枝盡米糞

掛戶朱絲久未開月明閒煞好樓臺荒涼玉釧堆紅葉暗淡銅鋪澀翠苔密室都教熨帚拂斜封重把鳳箋裁風詩再詠牆茨句親見斯文掃地來

唱徹宏農得寶歌深深金屋貯春多爭看鄭姑乘龍去屢見吳娘躍馬過殿脚三千隋院女街頭二八漢宮娥垂髻碧玉芳齡小盡卻緜衣換綺羅

風月春宵恨沒題香閨聊博一枝樓閒來搔首除花恐冷處潛身養木雞哀我浮生遂泛水依人活計絮沾泥每當七夕挑燈坐玉筯偷揮隱暗嗟

丁十四

詩存

三

金陵叢書
蔣氏校印

背人私地語檀奴時世艱難耐得無妙手數錢慚姹女癡心擲米望麻姑問誰肯解江皋佩何自能還合浦珠同是王郎在天壤那堪重憶舊羅敷

紅窗女伴日招尋翠袖伶仃冷漸侵鸚鵡叢中防絮語鴝鵒聲裏警芳心乍寒珍重纏頭錦每飯躊躇蔽額金已把瓊簫拋暗室尙憐香火結緣深

朝暉隱約逗檐端絳幘雞人促曉餐驚起睡魔呼去去歸來仙步惜婀娜蝦蟆坐上聞新法蟋蟀燈中憶舊懽詰且鴻溝曾有約暫謀將息到更闌

踏青聯步出城闌小市閒評物價新手執筇籃循曲徑眼看桃葉渡迷津連畦蔬荀忙挑菜隔水菰蒲賦采薪顧影忽慚

形穢甚蓬頭羞對路旁人

也擬臨歧折柳條白鷗飛去任逍遙千金市駿文姬贖一曲求鳳卓女挑鳥覓新巢原自穩燕辭故壘已無聊重韓何況雙親老鄰下雛兒戀母嬌

促膝論心塵尾揮妝臺迴首舊游非綠楊春館懷今兩黃葉秋墳弔夕暉老去填詞湯玉茗兩生少年作畫陸探微小畫多情更有侯公子兩同逐王孫兩去不歸

無限芳魂葬玉鈎幾家夫婿擅封侯居然小婢稱如願大有佳人字莫愁燕子紅襟誇愛寵鸞兒黃帕助嬌羞東鄰幼女今初嫁又報郎君作狀頭

簽名寶冊急傳宣妙選花枝盡綺年紅袖只今多豔福霓裳同日詠新篇金蚰桂折三秋夜玉蜨梅題十月天自笑畫眉班管禿雙蛾何忍乞人憐

若從閑閑論英雄豈少奇謀蓄閫中消息不應如雁鼎驚疑其奈誤蛇弓鯨魚儘抱銅鑿泣雙鯉頻煩錦字通聞道木蘭能轉戰美人那便老吳宮

蘭臺秘籍許傳觀刪削遲回下筆難創體文章嚴禁忌等身圖史付叢殘漢書再續煩班女唐韻重鈔倩采鸞管領上清新寶錄此開巾幗徧衣冠

滿天霜信緊哀鴻逝水光陰一瞬中得過人皆且過鳥自憐儂亦可憐蟲敢隨玉女求生路怕學銅仙別故宮操算有誰知結果成陰綠樹感西風

丁十四

詩存

四

金陵叢書
蔣氏校印

小姑獨處特愁余
掩袂閉門歎索居
一任容顏近蕉萃
自將心事比芙蓉
白獺久亂當前局
青鳥偏遲去後書
爲問瑤臺舊諸侶
刀環情事竟何如

苦守樓頭燕子春
相逢俱似夢中人
良媒吹閣緣何事
密約差池總未真
芳草有心通要路
落花無語逐輕塵
哀腸欲訴何由訴
好自珍調翠裏身

慳慳情事強支持
錦瑟華年誤少時
上藥自應儲遠志
好花爭忍詠將離
此中洗面惟宜淚
暗裏傷心只有詩
欲脫紅巾理雙鬢
不知何日是佳期

擬曹唐小游仙

領取鮫綃一幅巾
武陵未許避羸秦
自從縮就盤龍髻
同作

望風墮落身

一十四

詩存一

五

金陵叢書
蔣氏校印

一紙青詞達上蒼
人間衣食事尋常
翻遭玉女投壺笑
夜夜通明奏綠章

莫道蒼蒼事杳冥
時聞法駕降真靈
上清書好無人解
累煞癡龍側耳聽

洞府森嚴日月高
有人平步踏金熬
丹砂容易凡胎換
多少黃冠著錦袍

珠宇琳宮半已隳
五雲樓閣失崔嵬
燒痕裂盡鴛鴦瓦
認取昆明劫後灰

海上曾留不死丹
神仙縹緲失漫漫
芙蓉城外蓬萊島
未遇鴻都覓路難

寶印新鉛色暈朱
畧遊關尹認靈符
雞鳴儘有人偷度
紫氣東來識也無

不堪彈指話滄桑
一局楸枰幾戰場
手折瑤華問青鳥
白雲何處是仙鄉

移居

天涯草草賦移居
處世真同漏網魚
曾恨鼠牙穿我屋
又從蝸角得吾廬
一身飄泊還鄉後
八口艱難賃廩初
便有青氈非故物
不勞檢點到琴書

紀感

竭來居士坐何所
貧到今年雖也無
作賦江淹多別恨
傷時鄭俠有新圖
綠楊城郭簫吹冷
黃葉鄉村棹泊孤
太息秋風

一十四

詩存一

六

金陵叢書
蔣氏校印

茅屋破萬間誰爲此
寒儒

中秋日吾園訪桂東
程文伯

肝膽向誰說
雙眉比眾殊
還鄉翻似客
經世愧爲儒
東去清聲壯
南來雁影孤
揚州今夜月
還是二分無

秋夜不寐

商意動林薄
蕭然秋氣深
庭花媚疏影
窗樹斂清陰
風雨挾愁至
妻孥因夢尋
獨醒渾未可
推枕一長吟

枕上聞鐘

疏燈搖搖青光圓
欲曙未曙霜滿天
無端鄉夢攪人醒
一杵鐘聲何處邊

過朱佩齋士珉鳩隱園看菊索賦

閉門委巷一相訪勺水拳山能自娛
碧巖暗隨芳逕轉黃花
低情矮籬扶憂消永日琴書共節近
重陽風雨無笑我硯田
今亦歎不愁詩興敗催租

天多佳節晴尤好人比名花澹不妨
栗里清芬懷靖節虹橋
雅集繼漁洋畫圖點綴詩千首裙展
招邀酒一觴記得年年
縱吟眺況逢稻蟹足江鄉

感逝

逝者如斯感何能已隨所記憶各系
以詩或誌景仰或敘
淵源無缺無遺請俟異日

祁方伯宿藻

指顧無餘子階危有老臣小心圖大
事一死重千鈞熱血滿

丁十四

詩存一

七

金陵遺書
蔣氏校印

胸臆孤忠泣鬼神祇今感知己不復
和陽春前歲以十二
春詩受知

劉大令同縷

舉邑稱循吏純儒信可師勤勞雙鬢
悴推解一心慈北斗人
同仰南山我不移半泓清淺水歸夢
逐鷗夷

夏廣文慶保

惟我夏夫子勤修法宋儒每偕同輩
語感歎此翁愚天性崇
瀟灑風規率步趨高山安所仰灑涕
徧吾徒

湯都督貽汾

樽酒聯今會圖書結古歡風流三絕
擅名節一生完愛我情
尤攀思君淚未乾匣中餘故劍誰為
斬樓蘭

劉廣文紹曾

桃源充吏隱前度此劉郎兩家
孫首蒼盤中味梅花紙上
香畫梅工
歸田歸田娛晚歲開閣宴重陽
回首舊游處冶城山色蒼
前歲與君再
陽於治山第一樓重

婁明府家蘭

數報春闈罷艱難博一官教兒敦節
儉奉母祝平安南國棠
初憩北堂護已殘歸歎逢浩劫飲恨
髮衝冠

胡封君沛

一鄉推祭酒髦矣尙書生士習半挑
健師資仗老成助人修
善果有子繼賢聲晚節君無忝清流
本自清君絕命
詞中語

侯青甫師雲松

出秉皖中鐸歸彈海上琴百年堪屈
指師今年
十載久傾心

丁十四

詩存一

八

金陵遺書
蔣氏校印

老至名逾泰童時愛已深幼時肄業
極業風池
由來風義篤那忍

復聞吟香火綠兼
風義篤那忍

陸明經葵

脫葉文千幅生花筆一枝金荃豔才
調玉樹想丰姿情話探
梅共前歲同飲
下功名拾芥宜那知成永訣無計
慰相思

王茂才金洛

豪極呼天問悲來斫地歌蒼茫同調
少磊落壯懷多世事竟
如此狂奴終奈何讀君蔗餘集起舞
劍重摩

焦茂才長齡

文心清似水詩骨健於秋風木西山
感煙花北里游有才贏
薄倖無命掾窮愁何處招魂葬荒涼
土一邱

張茂才鎖

虛懷如月朗妙趣亦天成任爾愁難解逢君氣自平全家忠
孝盡亂世死生輕淒絕書牆字淋漓紀姓名

汪茂才復

裘馬翩翩度青年意氣高大言能駭俗小技善揮毫君工未
八法
可馴龍性還應惜鳳毛九泉多故侶短髮定同搔

錢茂才薦青

淤泥身不染火宅有青蓮君自
焚死骨肉都為爐心情久化煙朱
門尊上客君連
於望白屋慨遺賢猶記聯牀話挑燈未忍眠

丁茂才逢年

語雜詼諧妙翠推會計才柳邊雙槳喚花底一樽開每與倚
丁十四詩存一

裳去相將把袂來米家居再過君齊
名三徑掩蒿萊

金布衣國琛

卅年懷壯志歷次困名場黃卷功徒密青衿願未償自然敦
友愛渾不解疏狂至竟重泉下相隨有雁行

張茂才勤之

天與無根禍人稱有用才含冤坐囹圄齋恨赴泉臺忠厚仍
遭謗危疑獨被留八分書好在根觸起餘哀君工
機

秦淮妓梅大姑

紅顏邁流俗青眼識吾儕遽以終身託何曾大義乖豪情鄙
軒冕俠氣屬裙釵寄語五陵子同將熱淚揩

題高渭川殉難傳後

碧血三年化丹心一息寒未披高士傳已作古人看求友詩

同寫哀君淚獨彈何時封馬鬣重與葬衣冠

凜凜松筠操筑筑草莽臣黃泉應一笑青史更何人劍外江

關夢聖中天地春初心盟止水不用嘸沈淪

重陽日借朱和之百梅河隄晚步

西風吹斷雁落日下孤城一水弄空碧遙天釀晚晴登高誰

作賦望遠若為情多把茱萸采江南正苦兵

好月似相識照人隄上行鳴鈺泊官舸吹角練新兵天下尙

多事吾徒漫遠征劇談歸與懶柳外一燈明

過潘伯琴詠宅

灣環流水抱城斜流到東關別有涯瞥見夕陽紅一角赤闌

橋畔是君家

此景依稀似故鄉沿隄疏柳弄昏黃出門一笑北風緊明月

窺人下女牆

登泰山殿樓

遠水白千里夕陽紅一樓蕪鱸故鄉思稻粳野田秋此地久

為客名山今獨遊無言契禪悅古佛睡垂頭

秦州尤園十二景之八程文伯屬作

煙柳搖春晴小橋跨流水一竿釣苦磯著我畫圖裏小橋
煙柳

古堞環河流清光涵戶牖片帆天際來是我故人否古堞
環流

叱犢耕原田農人告春及一埠屋角曬杏花紅欲滴耕原
農人

春暖入梅萼繞屋枝橫斜把酒宴東閣一詩吟一花春暖
入梅

春暖入梅萼繞屋枝橫斜把酒宴東閣一詩吟一花春暖
入梅

春暖入梅萼繞屋枝橫斜把酒宴東閣一詩吟一花春暖
入梅

春暖入梅萼繞屋枝橫斜把酒宴東閣一詩吟一花春暖
入梅

灼灼池中花披披池上雨雨餘花氣清夕陽紅一縷

老圃開黃花西風人比瘦蟋蟀吟疏窗一燈小如豆

虛廊勝綠天坐臥芭蕉影月明來幽人仙鶴睡未醒

放眼白無際平疇一覽中試攜鐵笛子來唱玉玲瓏

哭張祁原繼庚

五刑備受劇酸辛死節錚錚草莽臣擊賊尙應爲厲鬼殺身

端不愧仁人肝腸同粹偷生日溝壑難爲後死身何處招魂

歌楚些隔江聊爲奠紫蘋

寄秦陰堂汝槐

春暮脫羅網逢君尺半書壯心哀獨鹿雅意託雙魚寂寂江

梅發蕭蕭岸柳疏寥天正風雪極目渺愁予

昔時共歡笑今日慨流離死者那復作茫然多所思心交餘

爾在皮相少人知一飯自不易英雄悲路歧

大江隔迢遞與子共飄零漸見二毛白誰令雙眼青憂心馳

故里熱淚灑新亭未可語時事行吟日水汀

家鄉我羈旅卽事多辛酸消遣一身易支持八口難文章誰

有用歌哭總無端寄語二三子同心盟歲寒

河隄晚步

小鳥雙雙飛夕陽行人僕僕爭渡忙聞根到此忽一淨躍龍

關水鳴浪浪

朱曼伯家見湯雨生貽汾畫簾

詞壇鼎足峙三分

侯青甫師金偉軍丈暨雨樽酒時時獲異

聞今日吟懷感風雨當年健筆走煙雲孤松如見鬢蒼古

一遺簪重看涕淚紛僕指舊遊都已矣盛名不負故將軍

題吳禮白瑛撰杖圖

學問有坦途先路導愚罔指示得良師步趨慎所往安吳包

先生師表重吾黨君能從之遊規範日稟仰振衣不稍離素

心愜真賞乃倩寫生手丹青繪其像于茲識淵源流播藝林

廣吾師夷門叟古貌畧髯髯去年墮塵劫委化遺世網今披

道子圖遺詩觸淒悵撰杖嗟無時前蹤託悵想

題楊慎菴畫扇

零星秋色滿庭中綽約花枝叫晚蟲記得夜涼簾未捲讀書

聲裏一燈紅

贈金子謙天福

終日市廛隱今之韓伯休閒雲來北郭古月話揚州草木供

驅使詩篇富唱酬還憑醫國手一療甲兵愁

同此天涯感相逢若故知行行唱楊柳采采詠汴離夜月覓

新句春風吹遠思淮南明日發樽酒又何時

冬暮感述

不堪重話舊滄桑萬事回頭總斷腸自按笛聲吟白雪誰憐

劍氣拭青霜銅駝衰草深南國石馬長楸冷北邙曾被罡風

吹短夢返魂無那有奇香

塵劫身經悔莫追本來南八是男兒三搥怒激漁陽鼓一擊

心寒博浪椎溫嶠絕裾渾未忍鍾儀微服暫相隨機聲織就

一十 詩存一 金陵叢書 蔣氏校印

愁千縷匿身陷國城慚對君親淚暗垂

殺氣干霄貫白虹沈沈刁斗漏聲中秦關擬學鷄鳴度漢使

頻煩鯉信通吳蔚堂敢謂膠庠無節烈張才不圖市井有

英雄張人之義思量一戰恢鄉里拚取青衫血濺紅二月二夜

私洩垂楊別有春坑儒今又遇羸秦孫叔吉平謀魏難箝

口聶政讐韓總殺身三月五日報國只應求一死承家

何可棄雙親蘆中三喚江干暮微倖翻為漏網人二月廿九

故友相逢話悽慘初出上國城蕭郎同此託鴻泥夫滿定

才喜多袖裏新篇贈文姚西怕向樽前往事提磅礪解衣

朝射虎縱橫大被夜聞雞杜叔關心更有秦淮

海珍重瑤函尺半齋北齊三月江南斷鷓鴣春城消息悵

棋聲憶婦姑時春每覺胸中生磊塊忽從掌上見明珠

風雨憑誰慰寂寥亂離心跡溷漁樵絕無可語韓陵石那復

相憐吳市簫時移章布願修慈母奉幸四嚴親苦為飢驅別食浦

隋隄繫夢遙時家嚴親苦為飢驅別食浦

扁舟倉猝渡邗江八月十日回望烽煙氣未降已分飄

搖同草木不忘忠愛采蘭汀鶯花恨寫詩千字賦客

願有傳江以北蝦菜香分酒一缸觸我妻孥離別感羨他沙鳥

自雙雙

鷓詠風流事已非懷人重減舊腰圍推襟酒國牛心啖把袂

騷壇塵尾揮雨生水鳥衣門巷付斜暉尋常百姓家都改燕子春來何處飛

紛紛遊子渡河梁寂寂荒墳弔國殤月照離顏非故態風吹

死骨有餘香江村秋晚仍黃葉城郭春深又綠楊六代繁華

儘銷歇晨星零落魯靈光侯青好風相送抵安宜喜晤新交與故知愛我妄稱蕭穎士依人

難得鄭當時漫云狡兔營三窟竊比微禽寄一枝俗尚悼龐

崇節儉還鄉自悔卅年遲賈子避繳飛鴻暮杳冥茫茫塵世夢誰醒如何結果霜中樹比似

浮蹤雨後萍歸里陶潛甘澹泊登樓王粲感飄零教人無自

涓埃報畫角年時已厭聽

荏苒三秋月鏡懸天涯家室幸重圓車中生聚散渾如夢意外逢迎亦有緣交端以娛親謀菽水還應教子覓蒲編新來事事添惆悵李密陳

情倍黯然五母舊地重過感不禁旅裏根觸幾沈吟先人廬墓青松老

重得處士家園碧草深城西戚黨葭葍多故誼謝湯

世姻先公門桃李半新陰朱文下存者無多自

琴篋劍拋除盡箭稿檣書一再尋先集後集

往復吟箋互唱酬朱和之廣文伯明文廷相海白田風月紀閑

游一庭丹桂蠶嗷夜陽中秋日朱佩齋廣文鳩隱吾園看菊三徑

黃花雁叫秋好夢幾時完趙璧壯心終夕看吳鉤只堪痛飲

消長晝擬把頭銜署醉侯

念家山破度新聲風雪蕭條歲又更咄咄眼前多怪事悠悠

身外只浮名人誰肝膽聯知己我自鬢蒼愧此生試向蒼穹

通一語軍威何日靖南征

淮陰旅次憶畫川書院杏花東喬笙巢丈守敬

簷鐵丁冬曉漏零旅窗別盡一鐙青展聲委巷客沾酒幡影

丁十四 詩存一 十五 金陵叢書 蔣氏校印

層臺僧誦經鄰樹無言撐斷壁砌苔隨意繡空庭遙知紅杏

添消息珍重樓頭夜雨聽

錦城

莫問風流舊板橋白門新柳半蕭條過江有客尋桃葉金屋

誰家貯阿嬌

小艇人宜受兩三蘆蒲淺水碧雲涵錦城西去無多路芳草

閒門一再探

絕勝屏風畫折枝簪花妙格寫烏絲生綃六幅冰蠶繭快讀

紅兒本事詩

短短牆垣界四圍惜惜門巷掩雙扉紅窗夢醒鸚哥喚翠幙

春深燕子飛

金谷藏春別有園兒家門徑卽桃源試論當代黃崇嘏消得

人呼女狀元

羽衣終夜集羣真取次花枝照眼新好向飛瓊問名字本來

金粟是前身

丁十四 詩存一 十六 金陵叢書 蔣氏校印

且巢詩存卷二

金陵叢書丁集之十四

江甯周葆謙

留別魯通甫一同

懷人孤館悵無聊客裏逢君百感消黃浦停車曾殺日白田
歸權又花朝千金幾見人求骨五斗權爲吏折腰片晌清談
傷往事春城分袂惜迢迢

索我新詩一卷攜翻成舊恨怕重提干戈雁塞沈消息文字
龍門重品題異地聞聲欽健筆故鄉回首隔征聲袁江何日
扁舟訪尺半瑤函取次齎

揚州劉幼樞太守兆璜索觀癸丑劫吟囑自爲註賦此答之
一卷纏綿本事詩寓言聊復妄言之玉壺擊碎懷空寫錦瑟

丁十四

金陵叢書
丁集之十四
將氏校印

吟成註轉遲敢謂包胥多熱淚不妨宋玉有微詞竊聞退食
從容日猶自津津說項斯

年來蹤跡慣風塵四顧蒼茫劍外身經世悔爲無用學憂時
今見有心人閒中論事足千古客裏吟詩消一春歸去安宜
容小住江鄉我亦受塵埃

醉中贈劉伯山毓滋

劍外新知少樽前舊恨多酒能澆壘塊詩只助悲歌梓里去
年別蕪城今日過不堪荆棘裏一一拭銅駝

江干尙烽火保障重良圖堅彼同心誓憑君振臂呼愚忠深
草野大義激鄉閭莫漫譏書儒因茲宏遠謨

題徐星北福辰九秋聯詠集

昔時雅會盛琴尊九十春光白下門舊與同人聯今日故人
何處也蕭蕭黃葉冷秋墳

年來宋玉慣悲秋重檢奚獲好句搜我是三生狂杜牧傷春
時節在揚州

喬笙巢丈惠尊甫止巢先生載賦大集賦此答謝卽以題首
山雲遺韻衍高沙岸柳蕭疏隱暮鴉旖旎風懷彈錦瑟蒼茫

雪鬢撥銅琶已看蕭譜修紅豆更喜笙詩補白華記得菜根
留舊額小長蘆後有專家

題王子惇柳陰讀書圖

絲絲新柳拂檐長上有流鶯喚夕陽我自有家歸未得春來
辜負舊書堂

丁十四

金陵叢書
丁集之十四
將氏校印

烽火江干隔暮雲亂離身世感紛紜君綠葉陰陰裏一卷
常攜避俗文

次韻答吉蔭干丈懷慶

秋風旅雁叫酸辛春水桃花憶舊津客裏琴尊誰地主亂餘
詩酒自天真置身聖世無長策回首高堂有老親未忍青箱
述家學顯揚今已負先人

疊黃晴初時溥感事原韻

桃花津水未曾迷苦憶應勞萬井低與子相期黃石隱問余
何事碧山酒涼背燈火螢分照長日盡虛鳥勸提但有菰鱸
歸便好鴻飛渾不計東西

疊朱禮堂丈百順北城茶隱韻

舊時翫展相徵逐十九人中最少年用成師壘琴書傳盛會

生文兩夷門香火緇深緣前春風座上傾三雅秋水江頭隔

一天何意梁園賓客散又來此地壁吟箋

非里飄蓬曾幾日江關傳檄已經年孤帆邗水尋歸夢一笛

山陽感舊緣楚北豺狼猶梗路淮南雞犬未昇天秣陵春盡

音書斷溥暑憑誰寄手箋

題阮瑞臣恩來江洲泛月圖

長蘆詩句憶坡仙依舊江澄璧月圓今夕也應吹水調廣寒

宮闕是何年

我亦青溪舊釣徒故鄉風味斷蕪鱸近來八寶湖邊住夜夜

清吟伴月孤

二十四 詩存二

三

金陵叢書 蔣氏校印

蒼茫圖畫史癡留手澤親題二禮洲阮文達公以二禮洲

忽漫披圖感鄉里蕭蕭蘆荻隔江秋金陵叢書 蔣氏校印

洗兵誰爲挽銀河一覽江天發浩歌星火兩三點瓜渚不堪

良夜有干戈

讀林章甫舍人端遺集率題時客淮陰

一字珠零一淚零舊遊回首感晨星山陽秋思濃於酒風笛

蕭蕭未忍聽

如此清才付草萊天涯惆悵一編開招魂抵作離騷讀紙上

英靈尙往來

畫蘭贈徐星北

閒來痛飲讀離騷塗抹春風倩采毫欲寫蘭蓀贈之子楚江

何處不蓬蒿

題喬牧山叟在驛自繪小影

天上浮雲變蒼狗人閒萬事無何有仰天大笑一昂首眼前

明月大如斗枵腹古木奇而醜中有坐者牧山叟叟兮叟兮

復何爲潦倒終年故株守叟家之屋無三椽叟家之田無半

畝問叟何爲叟無求問叟何有叟有壽今之少年悔老成片

語不合輒氣負叟以一笑姑置之皮裏春秋某某某有時牽

帥老夫來爛漫天真惟飲酒醉後揮毫奇趣生造化在胸春

在手畫成聊復與人看得失寸心不挂口我昔愛畫已成癖

碩學者年半師友一從避地來此鄉苦憶鍾山好菘韭今年

梵宇聚客星我得追陪侍座右魯殿靈光識面初相思況是

聞聲久是日酒酣互作畫叟畫一蟬與一柳譬如各逞野狐

禪叟獨大聲獅子吼我以一詩系其上自笑千金珍敝帚自

此蹤跡日親暱省識鬢蒼近鮮偶今晨索句展此圖紙上如

聞風雨走是時霜風大作勢萬木無聲秃林蔽松柏森森健

歲寒黃沙滿目吹塵垢卷懷此圖叟且前我有一言叟聽否

此景此境不足奇此畫此身當不朽茫茫天地一身孤誰爲

我先誰我後木兮空洞何所容月兮空明何所受叟兮叟兮

全其真勘破鴻濛大關紐

蔣心相副車新以上元令石城劉公諱同纓癸丑殉節序說

見示謹賦一律

青光如豆一鐙挑起誦新詩慰寂寥異地白蘋同泛泛故鄉

二十四 詩存二

四

金陵叢書 蔣氏校印

黃葉正蕭蕭，衰宏血已三年化。屈子魂誰五夜招，自是表揚留信史，轉軒試采此風謠。

題喻子勻鑿江三渡圖即次原韻

一笑拈花悟幻因，重來杜牧懶尋春。回頭朱雀橋頭水，眯眼紅羊劫後塵。鄉黨聞君敦古處，江湖如我亦勞人。邗溝俚指今三渡，慚愧難留畫裏身。

哀豔文章庾信工，傷心懷抱古今同。秣陵春老悲猿鶴，瓜步秋深嘒雁鴻。異地有誰同玩月，層臺無處可歌風。亂離不少滄桑感，敢請呻吟似疾癘。

仙女廟與關西老卒夜話

百戰身經膽寶刀，血痕紅滲舊征袍。老來作客心猶壯，醉後

丁十四

詩存二

五

金陵遺書
府氏校印

論兵首重拯當代，幾人求駿骨浮生萬事等鴻毛。中宵觸我聞雞舞，起弄空庭明月高。

題金子謙偶巢圖

天涯同此作流民，驀地相逢劍外身。往事不堪尋逝水，苦吟何處避羶塵。惜無上藥能醫國，幸有仙源可問津。根觸鄉懷儂較好，白門人是白田人。

數椽老屋倚城隈，取次吟朋日往回。小綴新詞詠紅豆，快論當代煮青梅。一般雪裏留鴻爪，幾度霜前墜蝶翅。我有且巢圖一幅報詩早晚待相催。

戲題陶菱衫白菊花便面

紛紛桃李鬪芳春，取次花叢問隱淪。寄語東籬陶處士，賞心

還是素心人

美人風格瘦無礙，秋士心情淡不妨。安得白衣頻送酒，時逢

蒹葭一舉裳

越一日重題一絕

菊花天氣雨霏霏，大白盈樽飲莫違。此是風流陶令婢，霓裳翻笑玉環肥。

月夜有憶

惆悵尋春杜牧之，瓊花開後我來遲。十年好夢迎桃葉，一鬢離懷唱柳枝。魯酒相攪唯別淚，并刀難斷是情絲。秦樓竟日無消息，燕燕鶯鶯繫所思。

題芮佑之道裝小影

丁十四

詩存二

六

金陵遺書
府氏校印

太息塵勞未息肩，誰從陸地見真仙。手揮一拂仰天笑，但乞人閒歡喜緣。

浪遊何處覓金丹，多少凡胎欲換難。似此廬山新面目，等閒莫作畫圖看。

讀李半仙士芬曉夢四律感作

藉甚才名李謫仙，采雲情事話纏綿。士逢知己應無憾，我爲懷人轉自憐。南部煙花非昔日，東山絲竹已中年。相思合與同心證，兩字新題稱錦箋。

蓬蓬一枕化蒙莊，俊賞於今屬杜郎。消得才人吟翠被，本來

仙子冠裳震春風。絮影三生幻秋雨，槐陰幾度忙欲折。瑤華

通問訊劇憐身世等蒼茫

海天何處譜鍾琴幾輩風流覓賞香遺世果然人似玉修辭
敢惜墨如金大隄柳亦垂青眼空谷蘭能寫素心潭水桃花
自千古汪倫猶遜此情深

燕拈湘管對銀缸苦憶元龍氣未降似我鷓鴣空守一多君
蝴蝶易成雙青雲也抱同登志白雪重翻自度腔除是芳洲
歌采采等閒何事拾蘭苕

三月初一日紀事

去住誰爲主艱難有老親自謀無善策相願總流民欠者只
一死憂來豈獨貧不堪成願盼掩袂一霑巾

題射濱把袂圖送秦蔭堂之清河

一別忽三載重逢欣在茲好風吹雨至來日苦春遲未見亂

丁十四

詩存二

七

金陵書
蔣氏校印

心曲相看惱鬢絲滔滔無盡意射水自東馳

久旱得雨讀龔梓村同春賣劍山房集偶賦

甘霖一灑土膏潤多少農夫望雨時新綠滿庭叫幽鳥推窗
快讀梓村詩

戲柬龔梓村

聞名三載識君遲玉樹風流想見之道是文園新病渴嘔心

莫再爲吟詩

題梓村行營步月圖

放眼碧空淨層陰向晚開男兒好身手按劍起徘徊明月弄

清影大風思將才玉簫聲久歇那更角聲哀

畫梅贈張蓮溪

三載萍蓬靚面遲故園風景繫人思那堪同賦無家別又見

江南春一枝

戲題五鬼開判圖楊石鵬翻屬作

十殿森嚴舊掌科九泉官職亦堪裁紅燈照耀陰燐碧尙恐

擲掄路鬼多

寄張治秋鱗

無聊事業參竿牘有用年華困米鹽爲報故人淪落感一函

和淚手親黏

題龔梓村梓村圖

清時林壑愜幽探雲裏溪聲雨後嵐兩扇短扉萬黃葉昨宵

我亦夢江南

丁十四

詩存二

金陵書
蔣氏校印

兩度滄桑一畫圖幸從合浦覓還珠相逢莫道鬢絲改省識

春風此故吾

秋齋排悶

斗室攤書百感侵閉門聊復學閒吟眼前好雨分新舊身外

浮雲變古今懷罪有人輕白璧結交自昔重黃金已甘近市

謀盡隱尙喜良朋挈伴尋

黯淡征雲慘不開幾人號泣渡江來皇天劫運龍蛇大異地

悲鳴鴻雁哀澆酒可憐無趙土懸金何處有燕臺淮陰乞食

多年少未遇風雲總棄才

塵網網人不自由驚心烽火況悲秋便能浮世多青眼已是

名場誤黑頭有用年華呼負負無端毀譽聽悠悠興來投筆

渾閒事親老終當慎遠游

未必拈花能證佛最難辟穀始成仙
撩人情思桓伊笛策我精神祖遜
樞信仄共誰開眼界饑寒先自問
心田近來蹤跡君知否菱角磨如
芡實圓

送陳吉裳則兢之廬州戎幕

書生投筆慣封侯慷慨中原亂未
休記室也關軍事大名山須趁壯年
游傾心湖海元龍氣極目江城戰
馬秋我愧請纓非弱冠爲君長嘯
拭吳鉤

題陳海長蘭虞美人草蟲畫籠

美人終竟勝英雄記喚虞兮別楚宮
一自美人化香草英雄都作可憐蟲

丁十四

詩存二

九

金陵畫書
蔣氏校印

東城隅偶步

碧非黃葵紫豆花居然城市有桑麻
桃源何必非人境多恐漁郎一念差

題方孺人殉難小影

碧血幾時化紅顏一死尊天桃葬之
子芳草怨王孫世事不可說吾徒安
足論男兒出巾幗忍淚一招魂射濱
把袂圖復燬於兵火蔭堂屬補繪重
題

痛定復相見悲歌氣不春世情誰可
耐吾道在能貧離合信天數昂藏賸
此身酸心到圖畫況乃未歸人

高郵道中

垂楊縷縷結離愁芳草萋萋送客舟
殘月曉風誰共遣自搖

煙榜過秦郵

狂吟

滿目滄桑感狂吟酒百卮茫茫人盡
醉偃偃我何之於世久無補呼天
儻有知江城盛戎馬征殺夢中馳

贈陳勉之長懋

扁舟侵曉來袁浦薄暮攜衣君子
堂萬事但觀河上水百年難遺髮
邊霜悲歌斫地閒無那起舞看天
夜未央遲日元龍樓下臥銜杯重
與話蒼茫

同李冰叔飲孔氏心齋往齊口占

孔融有樽酒李白能詩歌邀我共
今夕懷人多逝波仰看天亦醉起
問夜如何淒絕數聲角霜痕滿
薜蘿

丁十四

詩存二

十

金陵畫書
蔣氏校印

題姚西農廣文詩稿

攬衣一笑各華顛別後相思漫五
年南國歸雲仍渺渺西湖涼月故
娟娟共誰更選三千弩爲爾長歌
五十弦賸有吟情拋未得袖中吳
郡好詩篇

題孫澄之文川詩稿

翩翩羣展江東彥重展詩篇格老
蒼錦瑟閒情懽溫李邊笳高調入
伊涼回頭魯國談經舍拍手蘇隄
買醉場安得長風共征樓十年舊
學互商量

謝堊精臺次楊意園韻即以見贈

殘寇稽誅閱四年羽書竿牘幾精
研雲臺滾滾諸公在江水滔滔萬
念捐春滿軍門須有日午餘民舍
半無煙客星昨夜

南天耀來共先生抵足眠

詞賦江關重暮年白頭故紙尚鑽研生涯未覺文章賤談笑能令涕淚捐到處名亭宜喜雨時苦幾人畫閣上凌煙一灣清激棠湖水浩蕩開鷗自在眠

蓮花社借江漱芳鴻釣鄭餘棠贊侯昆仲觀荷

炎炎長夏誰與遣草草良游君勿忘忽漫會心在濠濮相期濯足來滄浪出門初日滯無暑入座好風清有香不見蓮花見蓮葉此閒雲物空蒼茫

呈孔宥函丈繼錄

異地見非晚暮年才更雄悲歌無暇日談笑有春風一權入滄海高鴻翔遠空移情得仙籟凡響陋焦桐

十一日

詩存二

金陵叢書
蔣氏校印

喜王甘巖至

蕩喜故人至相逢仍潤阿酒腸芒角健詩思鼓鼙多去口視流水長風吹大河將軍有殘客期冰莫更話銅駝

高郵清明

五載清明客裏過扁舟今日意如何遲疑世事三投瑛根觸名心一枕戈楊柳碧時春水滿桃花紅處夕陽多舊時游釣長千里歷亂青燐照女蘿

重過韓侯釣臺

河畔輕車趁軟沙釣臺重見夕陽斜一林霜氣醉楓葉萬籟秋聲戰荻花莽莽中原誰逐鹿荒荒古戍亂嗚鴉投竿何處容漁隱嗚咽寒江起暮笳

答贊侯幼鑑

霜笳一夜咽寒河五載江城未罷戈短褐風塵仍我輩長鏡天地且高歌著書那便窮愁老識字空令憂患多他日思君渺煙水蒼蒼木葉洞庭波

吉蔭軒茂才邦慶以悼老槐詩索和卽次其韻

寂寞空山待斧柯參天老幹夕婆娑歲華閱歷能同健大樹飄零感若何浮世幾人同物化良材終古得春多槐安蟻散盧生醒學步邯鄲且浩歌

歸舟

清時轉漕大隄邊錦纜牙檣簇市煙三策治河無賈讓一槎貫月有張騫青天咫尺空搔首滄海浮沈共拍肩昨夜秋風

丁十四

詩存二

十一

金陵叢書
蔣氏校印

滿淮甸蕭蕭蘆荻野鷗眠

贈姚西農次宗湘文韻

淚流征衫慘不青茫茫人海感蓬萍豐城劍氣幾時出吳市簫聲鎖日聽離別那堪仍道路嘯歌何處有林亭此來拚共窮湖老手把漁竿上釣船

笑談容易到三公咫尺排雲萬里通未必風塵無賞識可能草澤盡英雄才當亂世難經見詩到窮途莫再工昨夜中庭看天象招搖星氣互長空

閉門攤卷日啣舌金石歌聲碎唾壺孤憤有時投筆起相逢一醉典衣沽飢來文字不能煮劫後瘡痍誰與蘇極目流亡滿溝壑此身何暇問榮枯

木落天高獨雁征江南回首共歸程側聞軍府虛磨盾終望
江湖起濯纓有數人才先駿市無多家計漫蠅營秋風搖落
憐詞賦早歲闌成已盛名

題甘巖笠屐集

袖中有東海杯底卽西湖歸種會稽竹來尋甓社珠雲山千
變幻煙水一歡呼腰脚健於昨茲游許再無
大地叢荆棘閉門冷薜蘿故園歸未得佳客喜重過相賞郢
中曲言懷江上波湖天渺回首鷗夢穩漁叢

畫川書院題壁

亂蟬聲不斷一徑入高秋落日下黃葉野風涼白鷗他鄉有
同好避地幾清游相與契心賞穆然懷遠修

詩存二

十三

金陵書院
蕭氏校印

重九有懷湯兩生都督貽汾次楊樸庵廣文長年韻

我淚下如雨前游渺若雲相逢二三子重話故將軍九日幾
人在千秋一死分泉臺盛壇玷應共唱秋墳王拓
田君

河隄晚酌

簪裾集朋好歌嘯偶壺觴明月極天迴大隄綠水長愁邊紛
客路夢裏有沙場一碧不知處惟聞荷葉香

一曲

一曲清歌唱惱儂當筵絃索弄丁冬不圖芳草閉門閉尚許
名花別館逢渺渺銀河駕靈鶴沈沈珠海睡癡龍夜深好夢
渾無著愁絕巫山十二峯

聞警移家

日光如紙晝昏昏亂艇乘風出北門竟擬攜家泛雲水可能
隨地覓餐餒路歧屢執途人問地僻方知野老尊茅屋三間
容賃廡夜深呼酒醉驚魂

同李冰叔華增集有函丈心嚮往齋卽席賦贈

飄零淮海幾清才詞賦江關庾信哀白雪吞聲仍汝和黃花
刺眼爲誰開相逢樽酒聊歡笑何處林亭不草萊笠帽苦吟
同飯顆斜陽鴉點亂疏槐

贈章雅堂大彬

少時意氣渺何許今日相看涕淚流亂後朋儕多末路愁邊
風雪有孤舟飄蓬異地龍蛇厄落木荒城鴻雁秋三十六湖
煙水關商量無自著羊裘

詩存二

十四

金陵書院
蕭氏校印

重晤甘巖

河橋歲暮此爲別握手回思一惘然幾日山窗共燈火五年
江介尙烽煙街雲柳色碧於水過雨麥苗青滿田兵甲氣蘇
農畝潤春風送喜入樽前

寄羅心魚笏

回頭十事九咨嗟數米量鹽度歲華今日饑寒猶有地少時
朋好半無家浮沈玩世從人老剝啄敲門任客譁七尺男兒
千古志未應詩酒卽生涯

月夜聽袁木生樂觀吹簫

嗚嗚咽咽訴幽思秋老疏桐月上時小市何人憐乞食畫橋
有客解題詩已當連歲愁笳鼓況值中年感竹絲飄泊更聞

新鳳侶青衫那不淚痕滋

閒道

顛倒卅年事今來昨已非豪情渺滄海至樂戀庭闈白晝羣

狐嘯青天一鶴飛閉門商出處未覺寸心違

徐仲恬應祥范雲初啟祥朱曼伯壽鏞仲書雲生之都門詩
以贈別

少年樽酒締新歡異姓真同骨肉看一日竟應推我長連朝

翻覺別君難秋深隄柳榮離思春小山梅釀早寒馬鐸車鈴

搖夢去五雲多處是長安

與蕭定夫保安晚話

談笑常吾輩征誅偶 聖朝浮生百可欺相對兩無聊家室

丁十四

詩存二

十五

金波樓書
蔣氏校印

愁何益江湖夢轉遙會當營半畝拚共老漁樵

夜深玩月

何處不秋滿天涯共月明霜華涵雁影風葉亂雞聲索夢就

虛枕哦詩避短檠長歌洗兵馬銀漢素波橫

白田

三月移舟過白田楊花如雪柳如煙謫仙去後鶯聲老馬上

何來人少年

曼伯仲恬雲初仲書別後一日舉一女作詩馳報兼申慕懷

錦綉繡祿夜生香曉起曉聲在寢牀書報故人聊誌喜詩占

女子亦稱祥連朝設說娛親舍他日能文盼婿鄉未免向平

懷隱願又添遺嫁事匆忙

漫辭征權換征輪舟過淮陰第二晨翹首燕雲新酒侶關心

鴻雪舊詩人移家仙眷借雞犬華國儒生比鳳麟羨煞倚裳

游洛下少年同踏 帝城春

闕述

莽莽風塵眼倦開勞勞身世困蒿萊古來將相本無種今日

男兒倍可哀但乞人憐皆下品不遭時忌亦庸才謀生計拙

文章賤鴻鵠空教燕雀猜

一一四

詩存二

十六

金波樓書
蔣氏校印

且巢詩存卷三

金陵叢書丁集之十四

江甯周葆濂

邗江舟中寄懷劉丈

偶四

萬事偶然耳因之成古今天地本寥廓
偈仄由寸心牙琴奏太古聽者難
爲音何日叩真響一訪槐庭深
春風扇萬物迹象妙不留朝誦秋水篇
暮想濛梁游文章契神化庖丁無全牛
夢中亦栩栩非蜨非莊周
大氣相鼓鑄此身與推移雙丸走日月
跳盪如兒嬉南山有壽相靜者心領之
自稱百歲翁先生非好奇
鄭子寓我室江君館我家辛苦賊中作
謂爲盼昧加哀歌託比興此意非淫哇
因風告知已往事良堪嗟

詩存三

金陵叢書
蔣氏校印

白雲在天上招之來我前好風一吹蕩
垂垂東海邊下有古鹽澗老屋棲寒煙
思之不能往心與雲周旋
奔走日道路而非効馳驅江關近咫尺
而不歸鄉閭野岸驚砂飛荷戈人滿途
荒河起寒色霜角鳴嗚嗚
重湖水西注大堤障其東拔彼雞犬宅
成此蛟龍宮秋風一遺決吞築誰爲功
積薪萬束鐵弩三千從
同行四五人縱橫臥一舟轉側不成寐
驚憶前年游搖夢墮空碧吳櫓聲何柔
歡笑那易得戎馬湖山秋
南天盛烽火萬命號江村有客航海至
襤被寒無溫秋風淮陰市誰復憐王孫
我亦窮途人欲語聲爲吞
屏息坐篷底百念迴中腸我終鮮兄弟
我上有高堂少小守

章句中年悔詞章富貴不早致四十今已強

有子未弱冠稍知詩書言就西河教聞即尼山徒道統聚

一派親炙應無殊會令趣講幄門下門生呼

緇塵垢素面攬鏡悲二毛子雲設客難寂寂誰解嘲
鯁生百無用詩歌聊自豪或者同心人采之如芻蕘

歲暮懷人三十六首

博得頭銜署冷官只今首蒼尙空盤宵來偶讀冰壺傳想見

先生風骨寒

姚西農

開口便誇文字奇談經說佛善言詩絕憐
嘯強韓蘇筆解撰

小紅低唱詞

楊樸庵

靜如處女冷於僧薄醉閒吟夜一燈昨惠尺書重致意
饑來

煮字老猶能

吳九鳳

隨身竿木舞逢場一字吟成兩鬢霜獨領偏師建旗
鼓幽燕

老將氣悲涼

馬鶴船

一唱江南哀豔曲芙蓉城寄苦吟身誰令有席不能煖
地棘

天荆愁煞人

楊柳門

說經不窮戴侍中雖醒亦狂蓋次公那能低首受羈
繼騏驎

一嘶凡馬空

金亞雅

回憶名場角藝初前程凌厲目無餘故應早下狂奴
拜似錦

才華我不如

葉子通

百歲翁應有好懷怡顏終日伴庭槐雨餘庭草含春意
青上

先生吟展來

劉雲卿

飛雲慘白夜堆篷夢入瀟湘叢翠中風雨萬竿雲萬疊更誰
爲我畫屏風俞梅村

詩情畫意兩蒼茫尺幅圖成遠寄將多少南枝烏鵲散丈人
屋好漫思量馬石樓

駢儷鴻詞重六朝遠從漢魏續風騷欲攜杯酒商文字江上
繁笳咽暮潮李冰叔

等閒一夢度揚州拋得閒情訪莫愁爲問樊川老書記年時
可復踏歌游朱子聲

蔀屋孤棲淮上村百年身世布衣尊瓣香養一齋中老甫白
淵源細討論王蘭卿

手拍紅牙小令填細嫩繭紙簇雲煙翩翩濁世佳公子書劍
從軍又一年陳宜庵

昔我題君春草詩爲言珍重出山時君今走馬長安道認取
紅心即卷蔬秦文伯

蓬窗燈火偶論文一別雲泥轉眼分聞說禮曹常似水玉壺
心迹我知君汪子儀

讀書飲酒無餘事老輩風流劇有情日寫素心花幾朵後堂
絲竹女門生李香樹

我方蹣跚出門去君獨攜詩款戶來會買扁舟渡淮海狂吟
重上韓侯臺鄭質侯

榜頭高占憶丁年日下爭傳奪錦篇老去黃鱸無酒侶近來
白石是詞仙程翰庵

詩存三
金陵叢書
蔣氏校印

長身慷慨看吳鉤挾策干時汗漫游負郭有田歸亦得幾人
投筆便封侯成子清

諸弟招邀設杯罍一冬三度醉君家酒酣往往想顏色不見
長安見月華朱亞伯

寶刀橫跨氣如虹抵掌談兵虎帳中此去好交屠狗輩健兒
身手出山東李健堂

硯鏡塵封日撫摩吳門平地有干戈兩年不見張三影山字
吟肩瘦幾多張子士

紅羊劫脫今何往黃鶴詩高舊有名博取微榮誇半刺廿年
前是好諸生崔仲甫

一官久已如匏棄大好家居鶯脰湖蒿目南天烽火裏劉綱
夫婦得仙無錢子敏

袁江花月細分編絕妙新詩人月圓一曲最工柘枝舞三春
可放海棠顛孫玉田

前年掛別款冰衙解組今於何處家寂寂春城黯桃李茫茫
秋水徧蒹葭葉敏修

眼如點漆面如霜鑿鑿論文鬢怒張問訊江東舊羅隱果誰
容得彌生狂羅心魚

消息傳來半死生江天南望不勝情惠泉山下潺湲水似爾
窮途痛哭聲顧定夫

家餘故物只青氍辛苦傳經鐵硯穿有子才名比蘇過一編
他日繼斜川陳集堂

詩存三
金陵叢書
蔣氏校印

曾見可憐箋一幅絲開紅界淚痕新春明小夢濃於酒醉煞
旗亭畫壁人 李季仙

美人消息碧雲端應合移家住廣寒一枕東華紅夢熟上林

花好待君看 馬濟川

坐臥書叢酒一樽離摩斗室晝昏昏年來風雨吟詩句時有

催租人到門 劉佩卿

自營老圃蒔花木十載杭州愴舊游飄泊西風來斷雁一枝

安穩不如鳩 朱煥隱

毫端生氣蓬蓬出似有春風繞指從一種新羅好家法異他

蒼秀十三峯 王小梅

豔體齊梁久擅場無端詩格變清商去年一話西湖別今日

丁十四 詩存三

金陵叢書
蔣氏校印

滬城天際望 孫澄之

題謝石溪逢原詩集

飄零南國新詞賦惆悵東山舊管絃昔我狂吟詩廿四共誰

重話劫三千傷心錦瑟無端恨脫手明珠相贈篇記得故人

曾與說 四山錄 此才晚出抗前賢

五年異地能謀面一笑洪厓共拍肩少日心情閒似我近來

詩句好於仙義山真派杜陵出安石盛名江左傳大庾嶺梅

開萬樹春風相待試吟鞭 時將之粵東

題余星若餐花小樹圖

近城隅處總蒿萊獵獵西風畫角哀斷甓零甃牆半堵舊家

池館怕重來

清芬祖德留圖畫風雨先人有草堂一度披吟一惆悵百年
彈指小滄桑

答謝石溪卽次原韻

相逢纔幾日投贈各詩篇客夢鷗邊月鄉心雁外天功名爭

早歲風景逼殘年不盡臨歧意春波感逝川

別子忍無語懷人今有篇高雲來楚甸寒雨入吳天薄俸能

娛歲狂歌不計年莫將南國恨重問杜樊川

題謝善卿詩集

烏衣風度自翩翩子弟能文況妙年幾輩故人傷老大 西門

日一樽謀痛飲黃河高唱大堤邊 君半生舊學廢鑽研後先濟美斜川集清麗居宗長慶篇遲

丁十四 詩存三

金陵叢書
蔣氏校印

題周春谷月夜泛海圖

昔者此身陷虎穴至今未覺驚魂蘇閉門自守漢家臘入市

大索秦廷通白髮衰親就道路青衫下士辭鄉閭流民有圖

繪不得回首往事長歎歎

孝子尋親古所重窮歷險阻增酸辛吳趨儘有客亡楚武陵

未容人避秦舉家相見悲喜集出門四望烽煙鄰茫茫煙水

渺無際過此乃信皇天仁

無題

錦江新漲滑於苔贏得扁舟自往來漚漚鶯聲藏巷陌沈沈

蜃氣幻樓臺青衫司馬休絨恨黃絹中郎轉費才昔日墨池

今雪嶺十千沾飲莫徘徊

更從何處訪雲翹雜記分明續板橋我輩終當爲情死阿誰
真個可魂銷傳聞青女猶窺鏡分付紅兒自度簫春在東風
桃杏裏牡丹無那太憨嬌

題蘭軒畫蘭

不寫東風桃李枝荆雲楚雨黯相思天涯無限傷心草空谷
春深人未知

三月揚州眼倦青新詩聊復唱旗亭畫蘭重譜梅村曲撥取
琵琶帶酒聽

畫川書院題壁

林亭闐寂亂昏鴉城郭荒寒起暮笳幾日不來秋思老野風
吹雪上蘆花

丁十四 詩存三

七

金陵遺書
蔣氏校印

題人月圓詞

涿涿壁月唱瓊枝記否秦淮打槳時賸有一條衣帶水綠波
如縠展相思

寶燭華燈燦夜游錦城歌管舊風流新詞不比青衫溼司馬
琵琶漫感秋

題朱午橋射陽漢鏡圖

銀薄金花秘殿藏苔剗蘚別爛生光一般璧社珠胎孕寶氣
沈沈古射陽

茂陵玉枕委泥沙漳水銅仙別漢家太息風塵埋異劍等閒
何處覓張華

紫葢團團月魄同一園秋水瀉寒空幾經人世滄桑換可有

山河影在中

厭勝添妝印臉波菱花餘豔不消磨故應凌轢周秦上真子
飛霜未足多

仙女廟

浩浩天風透晚潮冷冷笙鶴降層霄江頭野哭多新鬼擬託
神絃賦大招

葛芝山殉節詩

嗚咽射湖水行吟懷葛洪偶披高士傳如挹古人風肘後方
誰受身前道未窮年年寒食節雙樽弔孤忠

舟中

一櫂不知遠溪雲相與深狂呼天上月分照故人心意外有

丁十四 詩存三

八

金陵遺書
蔣氏校印

歌嘯愁中無古今海山何處是來雁答清琴

楊柳門得春楊樓庵長年金亞匏蘇招游江陰陳氏適園即
席贈主人

論心猶有地回首各無家開我竹三徑懷人天一涯流離尙
文字嘯傲偶煙霞始信此閒樂不聞江上笳

花木盎春氣圖書敦古歡杜門無管鑰拜石有衣冠自慕林

泉逸彌知天地寬月明前夜望獨鶴海雲寒

有寄

既見亦無事不來殊有思苦從金盡日憶到酒深時脈脈竟
何語茫茫難自知隋隄萬楊柳一縷一情絲

寄懷俞梅村

滿粉疏篔玉一竿小窗風雨畫生寒何當手研銀光紙乞取
瀟湘晴翠看

一種春深四月天故園歸計負年年鶯鶯聲裏江村路新筍
新茶綠可憐

短褐風塵濁酒澆髮邊新雪那能消淋漓醉墨供揮灑與可
而還又板橋

一叢子母檀欒竹日報平安寄所知肯再天涯怨羈旅江南
風篠已無枝

鄭贊侯淮舟酬唱畫冊
秋色滿天地狂吟直到今思量河上權根觸酒邊心寂寂歲

華晚迢迢雲樹深釣臺無恙在後約一竿尋
詩存三 九 金陵叢書 蔣氏校印

葭莢重湖岸披圖殊惘然昔遊才百里此別已三年世事更
誰說詩篇空復妍寒雲莽蕭瑟獨雁語寥天

喜贊侯至兼以誌別
歲晚急行役敲門訝子來浮生百可歎孤抱一爲開寒意讓

如水歡聲轟若雷王孫休悵望前路有韓臺
和徐仲恬枕上口占原韻

披衣獨夜起徘徊城柝窗雞破曉催卅載空餘今我在百端
都上寸心來敗期閱世知三樂子建憂時咏七哀曾幾蹉跎

成老大童年回首亦清才
再疊前韻示謝七善卿

閒身劍外百低徊眯眼征塵戰馬催三月春城和夢斷一時

名士過江來天空地廓長鏡倚林密山深短褐哀寄語中郎
須驛取焦桐隨處有奇才

偶憶
秋風蝦菜西湖夢春雨鶯花南國詩萬種思量一惆悵夜深

燈燼酒闌時
題畫
春來桃李又新花垂柳東風燕子斜回首江南好風景烏衣

門巷是誰家
題黃文之詩稿
同此嗟鴻澤何因奪鳳池名場殊偃蹇雅道久陵遲商榷十

年業推敲一字師便應晨夕共略分細言詩
詩存三 十 金陵叢書 蔣氏校印

遠念根香叟長懷琴隱翁文章秋士老意氣少
年雄井里流亡後河山感帽中奮遊者宿盡飄泊到詩筒

白田新社啟吾道幾人存斗酒喬公墓巾箱孔氏門

深談曾握手忍淚爲招魂何意高軒過重教古誼敦
小邑絃歌雅長河笳鼓紛王師方用武我輩只論文萬事

隨流水江干隔暮雲眷言諸將帥麟閣待書勛
次韻酬李冰叔

深杯短燭放歌長蹤跡他鄉等故鄉哀豔文章拚共棄酸鹹
世味惜同嘗三年斧鉞稽殘寇萬里江天有夕陽多事荒雞

呼夢醒夜深蘿月暗東牆
短歌悼張鵬頭名之

鴉頭鴉頭市井氓陷賊羞與賊爲伍少年任俠慕朱家晚節
蓋愆學周處六師皇皇不用武城門咫尺太行阻潛開鎖鑰
迎官軍鴉頭願以身負弩神策門高鳴戰鼓鴉頭搏賊如搏
鼠一刃一賊賊氣沮事洩乃爲賊所虜此身可糜舌不吐鴉
頭頸血濺刀斧事雖未成志則苦烏呼鴉頭足千古

題硯 楊伯言贈硯背篆黃庭經

一卷黃庭道味深故人知我靜中心等閒莫共雞碑讀抵得
韓陵字字金

寒鴉行

呀呀呀呷羣鴉飛寒雲漠漠天四圍江南八月稻梁美江北
三春楊柳肥朝覓稻梁暮棲柳反哺呼雛各有耦羽林健兒

丁十四

詩存三

十一

金陵遺書
蔣氏校印

飢攫食入林雖深避不及一丸火發一鴉墮羣鴉拍拍心膽
破臨淮百里無人煙飛鳥不到營門前秣陵春色來何處頭
白王孫悲失路關山萬里風雪寒歸飛盼斷天涯樹

初程

一年幾行役今日是初程雲黯天邊樹煙明水上城高歌遣
世慮獨酌慰勞生燕見南飛鷓無枝啾啾鳴

昭陽紀遊

閒搗蠟展問兒家庭宇深深隱碧紗要使郎心識蓮子可能
人面勝桃花三生石上精靈在一顧樽前笑語譁我是傷春
狂杜牧綠陰惆悵徧天涯

黃酒長安逢李白 香樹移琴滄海訪成連子清花開陌上剛

三月夢覺揚州已十年重見畫圖慕仕女如聞環佩降真仙
絕無人處春偏好一種幽芳只自憐

題蘭軒校書停琴待月小影

青天一輪月隱隱浮雲端招之不可即泠泠松風寒
古調不復作知音良貴希人閒萬籟寂天際孤雲飛
停琴琴易彈待月月未至雖無師曠聰絃歌知雅意
琴心渺難叩畫裏一何深妾領畫中趣君聽琴外音
題宋黼卿師開第錢唐觀潮圖

長嘯吳山頂斯遊亦壯哉空明擊雲水縹渺見蓬萊一鶴渡
江去羣鴻戲海來咎言吾黨子有筆抗鄒枚
板開

丁十四

詩存三

十一

金陵遺書
蔣氏校印

放舟無遠近來就夜關眠睖睖眾星爛團團孤月懸大河叢
市舶小吏稅官錢酷權亦多術廷臣方議捐

蓮花社立秋

萬花香沁夏一葉晚驚秋蓮意比人澹桐陰如水流瓊簫吹
別夢鐵笛起邊愁今夜關山月何因獨倚樓

泊露筋祠

高樹出帆外扁舟泊酒邊角聲吹夢醒燈影照愁眠野露無
青草湖風有白蓮餘蝗猶在隴蚊蚋漫紛然
題秦文伯農部煥春草詩後

游子經年感天涯綠又滋西堂殘夢杳南國好春遲青眼輸
垂柳紅心託卷菴榮枯等閒事珍重在山時

高郵北門舟次聞南營之捷喜而有作

吹我北門去湖風天際長荒城枕流水孤艇載斜陽飛檝來
江上重圍合故鄉乍聞真失喜一醉累壺觴

題朱子弊萬卷書圖

載訪楊雄宅同登蕭統樓一編來眼底萬事到心頭劫火幾
時盡蕪城三月秋那堪問圖史華屋半山邱
自賦無家別全拋有用書壯懷今已矣痛飲復何如身世雙
鷗鳥生涯一蠶魚會當營廣厦千萬買鄰居

出門

荒雞叫鄰屋虛隔含晨光僕夫趨就道端袂辭高堂高堂語
游子客路多風霜勉旃慎眠食及早籌歸裝離家日以遠行

十一十四 詩存三

十三

金陵遺書
一府氏校印

路日以長男兒四方志父母門閭望

出門仰天嘯浩氣凌秋霜道逢阿嚴來意氣千夫強前年事
遊俠去年為貴郎今年腰利劍叱叱參戎行倏忽三載中裘
馬生輝光時事方多艱對此增感傷

不寐

燒燭哦詩不肯寐夢回街柝搖清鐘三更殘月荻花冷一夜
繁霜楓葉濃關塞風高叫鴻雁江湖水落眠蛟龍攬衣與子
兀然坐故人明日還相逢

逆風一首邀贊侯幼鏗作

逆風打船船不前一風一浪船一顛一夫一練纜百錢笑謂
穉夫無太苦一船三人詩共賭浩浩長風一日阻詩成多於

記里鼓羽林健兒方用武書生文字賤如土秋霖穀價增淮
浦飢來文字不能煮我歌子飲胡爲乎有酒與君傾百壺酒
關興盡攬枕臥夜深荒夢愁菰蒲

堤決

悔不河渠舊志修風高瓠子急防秋千夫力與蛟龍鬪獨客
心先鴻雁愁險失大堤飛鐵騎水來平地走銀蚪晚禾漂盡
田廬沒野老吞聲哭樹頭

咄哉行示張子希

咄哉世事真堪愕今日之日乃非昨有客昨自臨淮歸一言
令我雙淚垂臨淮連年苦饑饉盜賊橫行操白刃可憐人賤
不如畜斤十二錢賣人肉戰士骨立寒無衣未暇殺賊空愁

十一十四 詩存三

金陵遺書
一府氏校印

飢管門日午眾官集百道飛符催餉急扁舟今泛邵伯湖角

聲清夜吹鳴鳴防湖戰艦湖干住林立帆檣不知數襦褌衫
子紅且鮮三河子弟俠少年烹羊椎牛日相逐酒酣笑向倡
樓宿材官技擊紛豪華馬上相逢拍手語去年湖口今已閉
今年餉有秋租濟昨聞今見增猜疑彼哀此樂殊參差耳目

閒事有如此作詩歸示張公子

由露筋祠渡湖至邵伯驛

老魚吹浪起高鳥破煙歸野岸望都失征帆去若飛水聲作
人語寒氣透腰圍繫纜一回眺蒼茫但落暉

遊子吟

茫茫野月枕邊白滾滾塵沙衣上黃江頭征夫怨行路天涯

遊子懷高堂高堂日日歸期數三日行蹤五日阻浩浩長風
吹不回明朝挂席翦江開風聲水聲一時作快談那數滕王
閣高堂見子顏色喜富貴何如在鄉里回頭寄語未歸人人
閒樂事惟天倫

追憶

陳駒冉冉夢重重三五韶華不再逢近日諛聞猶滿耳少時
豪氣儘填胸驚心楊柳桓司馬緘口葫蘆陸士龍說與旁人
慚愧甚年來無定是萍蹤
兵氣南天苦未降夜深起舞別蘭缸書生那便能謀國名士
由來重過江七載干戈沈雁塞十年烽火冷雞窗幾回枕上
成追憶多事清鐘破曉撞

題畫

起舞劍三尺當歌酒一卮英雄不平恨兒女有情癡豪氣我
猶昔素心人在茲何當棄塵鞅同話早秋時

題蘭仙校書畫蘭卽以奉懷

楚雲夢斷縷金鞋記訪平康十字街萬種相思託豪素一時
知己讓裙釵閒情那便妨陶令小傳還應續李娃春水錦鱗
誰寄語美人香草不勝懷

再題蘭仙畫蘭箋

似聞蕪澤來空谷一握筠桃入手新畫裏蛾眉應爾妒樓頭
燕子爲誰春江湖載酒仍今我閨閣能文更幾人欲託微波
通問訊天涯愁絕草如茵

次文西山海感事韻

王孫寶玦久抄摩夜聽荒雞警睡魔誰使江城紛戰壘坐看
海國起橫波縱譚世事名心熱同抱鄉愁老淚多志士由來
悲日短魯陽重與一揮戈

疊韻贈文西山

鄉邦文獻獲觀摩消遣詩魔復酒魔今我南來同末路大江
東去少恬波一官國子先生重到處諸侯上客多舟湖作夢
繞舳棧懷魏闕可能絃誦化干戈

題陽羨掉葉僧詩卷

一臥滄江晚時艱涕淚多讀書真種子玩世老頭陀豪氣因
君盡閒愁奈爾何買田陽羨住日日款煙蘿

月當頭夕過羅心魚笏夜話

顧影又今夕關心已昨朝頻年歷淮海萬古此雲霄樽酒幾
人在林亭故國遙天南苦征戰何處更瓊簫

同日示章石仙

顧影憐余直當頭共爾看壺觴謀夜永聲鼓逼年殘萬事那
能料重逢聊自歡家山渺何處兒女莫憑欄

再柬心魚

少年今夜月長此故園看離亂獲良覲悲歌謀暫歡世途餘
慷慨天宇劇高寒翻羨南飛雁凌風振羽翰

題魏西之浮家泛宅圖

家具一舟備鷗波隔輭紅琴尊仍世外雞犬儼雲中余亦同

飄梗誰能繫短篷桃源在人境圖畫有春風

淮河舟中次幼鑑韻

小住有離合高歌無短長鄉心遲雁外塵夢滯鷗旁一雨稻

梁熟重湖葭莢涼移船聽水語風簾曉浪浪

題楊曜西萬山香雪小影

積雪夜來白斜陽天外紅壯遊懷往日奇想落春風邈矣孤

山鶴蕭然遠渚鴻何當堅握手長嘯萬山中

立秋日東鄒餘棠明府燻

少年意氣各飛舞長日詩篇聊唱酬萬里雲霄羈俊鷁五湖

煙水狎閒鷗深林短燭消良夜清簟疏簾覺早秋鴻雁不來

鄉夢杳天涯王粲莫登樓

丁十四
詩存三

一

金陵叢書
蔣氏校印

釣臺

生死兩無奈王孫信可哀千金難報德一飯遽憐才功盡有

鍾室時微此釣臺至今淮泗水嗚咽大河隈

舟夜

白月亂蟲夜清霜獨雁秋中原仍轉戰野水不勝愁急鼓搥

官舫疏燈明酒樓半生搖落感一笑看吳鉤

且巢詩存卷四

金陵叢書丁集之十四

江甯周葆濂

題洪石樵國恩背月吹簫圖

廿四橋邊客三千劫後身爾音難自闕獨坐有誰親縹緲瓊樓夢團欒玉鏡春姮娥羞與對相賞更何人

清影瘦如許亭亭空自憐不堪歌楚些同與話吳天地已江南縮家居海國偏一枝寒玉弄心事暮雲邊

題司馬晴江湘畫梅

老梅一樹隱仙菴每到花時載酒探今日鞭絲殘照裏卻從江北望江南

題俞梅村鎔畫竹筍

丁十四 詩存四

金陵叢書 蔣氏校印

葉葉展新陰春風吹解籜昨夜雷雨中怒生雙犢角

寄懷朱子馨

花底一樽酒迴思漫五年閒情吟楚澤謝若歸夢斷吳天官

閒苦相憶歡場不似前故人逢李白垣東為道汝猶顛

贈李東垣

離合皆關數飄零未是才記為花底別新自賊中來不死亦

天幸能文空爾哀幾人前席待痛哭且蒿萊

次韻答崔繼庭

竿木隨身戲琴書舊願違門閒憎雀啄江近覺魚肥作客三

彈缺于時一攝衣家書前日至上藥寄當歸

酬崔繼庭疊前韻

歲月閒中老雲山夢裏還人皆投筆起我亦食糠肥自掣斬

蛟劍相看射虎衣黃龍須痛飲壯士幾時歸

肝膽向誰訴文章與運遠是龍君不信比鶴我猶肥來日羞

看鏡先秋盼寄衣一樽聊自遣百計莫如歸

次朱子馨韻再贈李東垣

莽莽風塵短髮摧懷人一日九腸迴直疑江上客星隕不道

天邊舊雨來米賊延緣淮北起山靈呵護浙西回偶論世事

須管膽潦倒心情付酒杯

再柬崔繼庭

曾恨鱗多骨醜憐豹有皮浮名聊復爾世事乃如斯把酒且

謀醉無花可療癡一錢羞澀甚贏得滿囊詩

一一四 詩存四

金陵叢書 蔣氏校印

再過畫川書院懷蔭堂吳門

風景感今昔重逢蠟屐臨晚煙波瑟瑟寒日樹沈沈魯國新

霜鬢吳江舊雨心登高望鄉邑大地已秋深

題落梅次黃晴初學博原韻

自嫁林逋鬢未霜春風蔕地惜餘芳蝶魂暗化紗窗冷鶴夢

橫摧綺閣荒三弄淒涼絃外調十年點綴鏡中妝揚州棖觸

詩人感踐踏飛錢豔骨藏

一樹曇花認幻身不須搖落怨花神繫鈴防妒渾無策橫笛

吹愁信有因綠葉成林空結子紅綃貼地為傳真飄茵墮溷

嗟何及誰掃岷山百斛塵

題張容元詩集

磊落張徵士鬢眉太古誇此來真意外垂老尙天涯壯志消
鐘鼎餘生厭鼓笳韓陵碑可語飄泊不須嗟射陽石畫象今
在畫川書院
屈指舊游輩重逢氣不雄諸君西過江仍爾健入世果誰工
結習文三上高談酒一中師門回首共與先徵逐
我猶童

作計宜千古何當鏤板行抗懷鄉父老步武魯諸生金石勤

蒐討雲山阻釣耕儒林他日傳噤矢此先聲

白田秋稷集蓮池庵分得五律四首

雲水空明地人天歡喜場幾生修慧業一味飽新涼不放炎

歎到能容我輩狂西園翫展盛蹤跡半他鄉

回首冶山樓高吟木末秋涼珠天在水虛幔屋如舟壬子秋
日

丁十四
詩存四

三

金陵叢書
蔣氏校印

今聞唳鶴何處訪閒鷗際公侯青市結香鄉詩社於
冶山第一樓及秦淮涼珠閣廢宅尋江令靈祠拜蔣侯只

兀兀醉千日匆匆過平九年壯懷長劍外孤夢大江邊歸權

迷黃葉移家寄白田鶯聲今已老秋思上吟鞭

廿六蕩荷花流香水一涯西窗話風雨東郭款煙霞此地宜

蓑笠頻年厭鼓笳儲公垂釣處五柳是誰家

禊事虹橋補蘭亭人半之先秋三日酒供佛一甌詩醉倚短

長笛閒敲膈膊基會心濠濮上魚鳥漫猜疑

虎溪留笑語歸路夕陽寬煙際一鐘遠雨餘雙屐寒謳歌雜

樵豎脫略到衣冠重與山僧約來看楓葉丹

聞警移家

聞警移家

陣雲壓境倦登樓鄉國烽煙況未收一夕秋風起淮甸十年
春夢感揚州模糊世事隍中鹿浩蕩閒情水上鷗籬菊有花
樽有酒只應開徑覓羊求

蒼茫天地長鏡柄潦倒風塵短褐衣未必聖朝容棄物便如

君子見先機秋風杜老吟茅屋賤日韓侯守釣磯薄有雞豚

娛歲晚桃源風景認依稀

贈觀音院小懶和尚

微雨澹驕陽尋幽到上方江天苦爭戰世界此清涼詩卷靜

中課旂檀空際香飽餐常住飯來與坐禪牀

題小懶師大集

苦吟僧入定成句今見苦吟僧說衍無生法禪參最上乘退

一一四
詩存四

四

金陵叢書
蔣氏校印

休耽嘯詠餘事見精能即以詩求佛焚修得未曾

題楊袖石德堅詩稿

叱咤文壇舊日豪今來湖上泛輕舸老年詩是心頭事退院

僧爲世外交過眼雲山千變幻側身天地一悲號杜陵賸有

狂歌在慷慨羞看壯士刀

次金丈眉生消夏元韻

綠天如幕午雲遮細帙重緝韻關又解事每憐蛙坐井論文

曾夢蝶爬沙久甘苜蓿官廚儉小步莓苔野磴斜襪襪到門

非熱客清談雅合戰茶瓜

燒尾桐材出爨餘記曾熱淚灑包胥牀頭久置仙人枕門外

偏停長者車井里幾時聞吉語郵亭昨日過軍書比來魚麥

移家就梅雨條條仲蔚居

漁笛蘆洲按草窗釣臺高隱話桐江他鄉鄰買黃金萬比舍

歌成絳樹雙折東屢邀開徑待酬詩今擬築城降瓦溝溪水

泠泠玉好覓鷗天泛月樓運之日有觀

得失憑誰問楚弓去來一自任樵風涼亭荷菱開新社香徑

蘼蕪感故宮魯酒西園應共醉齊竿南郭果誰工關中轉餉

需才急杆軸哀吟大小東

次眉丈泛舟觀荷原韻

水關東去板橋邊子夜清詞唱采蓮一笛風迴簾外月萬燈

星簇鏡中天招涼池館窗三面入畫家山石數拳今日窮湖

莽回首花枝如雪不論錢

十四 詩存四

五

金陵叢書
蔣氏校印

萍梗鷗波半寓公冰壺心蹟幾人同卻看水國成花海只少

山泉引竹筍行樂及時移畫舫欲歸何日理漁筒虹橋禊事

更番補堤柳陰陰夕照中

再疊前韻

涼珠高閣綺霞邊香界吟壇詠白蓮老輩琴尊宜勝地壬子亥

於掌幾疊螺峰小似拳畢竟江南風景好何當重辦買山錢

愛客淮南聚八公綠雲深護賞心同雨餘幽影開蟾鏡天半

笙調叶鳳笛生恐阮孚虛蠟屐更煩坡老置錢筒煙波是處

堪漁釣手把芙蓉一笑中

三疊前韻

熱惱誰祛午榻邊欣聞玉井放新蓮裁冰鏤雪清涼界席月

眠雲浩蕩天洛浦微波情脈脈涇濱高會意拳拳盤飧蔬果

饒真味抵得何曾下箸錢

路人指點說羣公仙侶移舟李郭同千古是非存稗史一時

談笑折荷筒泠泠水瑟空凡響短短雲箋剖蜜筒回首斯遊

殊眷戀碧蘆翠莢綠波中

寒甌

茶煙輕製鬢絲斜雪梳浮香淨不瑕一種味甘回諫果二分

春小點梅花迴燈試喚樵青婢行酒醜憐覺尉家昨日金閨

新報捷吳孃持贈義興砂

寒罌

十四 詩存四

六

金陵叢書
蔣氏校印

莫認紅兒淚化冰唐花分色暈層層心清自覺春常在膽小

偏防凍不勝繡闥藏香宜矮几畫屏留影倩疏燈玉人和月

簪梅折知道鄰家酒價增

寒鏡

開簾秋水瀉涓涓瘦過黃花已自憐四照不殊冰皎潔一年

長比月團圓誰拋冷眼窺燈下自惜酡顏照酒邊待得歲除

聞吉語勝儂辛苦卜金錢

寒缸

銀蟲光冷散珠塵癡意憐蛾剔燄頻紅豆懷人情未滅綠窗

呢汝坐相親歡娛夢好偏宜夜頃刻花開不是春燒雪自將

虛耗照蘭因先有卜年人

寒幙

繡簾曉地室無塵中有嫋嫋欲出人小閣瓶罍青幔夜後堂
絲竹絳紗春香含絮雪流蘇願夢逐風花步障新爲憶小郎
圍可解清談聊與遣霜晨

寒杵

敲落燈花警睡處懶將得失問春婆團樂兒女機心少栗烈
光陰袖手多一局零星勞檢點半窗冷月耐消磨英雄終讓
盧家婦記訪湖樓雪夜過

寒茵

火鼠冰蠶疊重地衣紅襯寶雲濃落花未許三春掃孽絮
先煩五夜縫小小鴨爐香噴薄深深狨座錦蒙茸卻壓豔說

瑤英褥一臥柔鄉綺夢慵

寒鳥

踏雪翻憎欲雪天風頭新試繡燈前從來尺寸膚俱愛不獨
腰肢瘦可憐凍折私心愁玉筍春回輾腳試金蓮凌波別有
生香鞵寄語霓裳隊裏仙

寒袖

石華天巧乞鍼神雙袖裁量穩稱身雅合籠梅吟夜月未須
倚竹怨芳春添香甘倚同心侶善舞應憐縮手人博得垂髫
嬌女笑迎年花樣逐時新

寒袜

麝膺香孕戲相猜束錦胸藏豈惹胎長夜恰如郎意暖好春

十一四 詩存四 七 金陵叢書 蔣氏校印

都上妾心來嬰兒玉乳呱呱乞妃子金詞密密裁私叩連環
雙絡索和裘深裏莫輕開

寒襦

呼名尉斛旋珠榴窄小腰圍玉尺量半覆繡裙飛蛺蝶雙飄
錦帶繫鴛鴦南山射虎衣同短北地垂貂袂不長報到雲深
添背子侍兒新學內家妝

寒脂

玫瑰淺笑索葳蕤那用桃花釀女兒梅雪研香呵凍指茜雲
分量貼修眉守宮的的應輸爾辱井沈沈卻喚誰子夜歌翻
樊素口先春時見早櫻垂

寒劍

宛轉玲瓏七寶光一雙條達袖深藏強來捉臂嫌輕薄暖到
同心耐付量月下瑣環應共好天生金玉自相當爲思尊綠
仙人贈消得梅花姓字香

寒翦

聲聲刀尺急紅樓霜落天高冷季裘香雪迎朝晴絮碎吳雲
何處早柔求春風著意來同快湑水論情覺更柔畫閣不曾
歸燕子一絲難斷是離愁

寒衫

燕瘦香凝一爐紅冷然仙樂奏房中春傳隔座心求鳳響落
平沙自送鴻三疊秋心哀落葉幾人冷眼識焦桐停徽莫惜
纖纖指雪地琵琶更不同

十一四 詩存四 八 金陵叢書 蔣氏校印

寒塔

雙垂纓絡鳳珠新梅瓣凝香欲早春往日誓盟猶在耳十分
賦媚不關身黃金色冷憐蠻女翠羽光明賦洛神莫共釵鈿
沾酒去瓊瑤投贈是何人

寒譙

餞來殘臘又今年豔集歡尋釀雪天排日羔羊騰笑語未春
鶯燕鬪嫩娟細傾竹葉評新釀小折梅花遞矮箋數徧畫圖
消九九立冬時節是初筵

寒供

尋常竈婢那能知暖閣安排處處宜真賞半庭松竹石古香
四壁畫書詩房帷清福三冬占錦繡春光一室私除卻素心

丁十四

詩存四

九

金陵叢書
蔣氏校印

誰與共酒溫茶熟夢回時

將卸安宜學篆留別諸同寅兼示同學諸子即索和章

彈指瓜期一刹那黃花開後唱驪歌文章誰更憐秋士富貴

從知屬夢婆鷓蚌相持聊復爾雞蟲所得本無多揚州明月

吳陵雨記取扁舟次第過

霜街同踏夜觀場聽鼓趨衙曉漏長此後分金知鮑叔有人

挽袂惜周郎新陰小縣紛桃李舊德先疇重梓桑一事喜生

毛義檄萊衣早日介荷觴

前送
十區
長郡
預試
期家
稱殿
七

分野占星析斗牛此鄉寶氣未全收儘誇堂有三鱸集終望

樓能五鳳修學子絃歌萃冬夏上丁瞻祀肅春秋親裁手啟

重相囑魯殿鳩工好共謀

會疏
短引
所勸
學宮
來者

冰署頭銜骨相寒廿年不改舊儒冠科名在卜芙蓉鏡風味
粗管昔荷盤爨下焦桐期共賞

乙丑鄉感並序

風瀟雨晦獨處趁歡花落鳥曉六朝如夢茫茫天問渺渺

予懷若僕者鐵撥銅槽幼好吟弄玉桴金鼓生丁亂離吹

參差兮誰思結幽華以自贖所以癸丑有劫吟之作甲寅

有述況之篇也乃者十載滄桑一官昔荷羈棲淮表碧雲

已寒要渺江干白蘋不見續庚信傷心之賦和江淹蕩魄

之詩載愁與俱欲歸未得幾輩效楚囚對泣今日見漢官

威儀生聚教養期之當軸悲歡欣戚慨焉前塵語也有思

丁十四

詩存四

金陵叢書
蔣氏校印

言之無罪爰成短什用質大方

中年哀樂更誰多冰雪閉門冷薜蘿 盛世一官容嘯咏浮

生萬事悔蹉跎壯心自看尊前劍歸計難尋江上篋三十六

鱗裁錦字瀟瀟疏雨黯黃河

依舊山光滿郭青重來風景感新亭蒼生共望名臣雨碧落

高懸上將星來日蕭曹宜畫一在天褒鄂自英靈燕然碑勒

摩崖字百戰功助萬口銘

韓鷹牽犬一相逢少小終軍善折衝六代河山分駐馬八旂

子弟舊從龍玉纓笑絕鳴弳將金甲銷為識字農痛哭同聲

酬 覆幘招魂何處景陽鐘

江甯
防

南來戎馬蹴煙塵九死難寬首禍身倉卒一時無善策吹求

千古少完人狐狸安問誰當道蟻豕應知我亦臣敢信模倣
征戰死煌煌 天語下 楓宸

老范能令賊膽寒將軍小李又登壇側聞武穆

師宗澤曾以夷吾望謝安白馬三郎歸地下赤眉遺孽徧江

干鼓聲直下濤聲壯一夕悲筋激怒湍

飛渡金閩竟沼吳荒臺麋鹿莽姑蘇過江名士曾無幾亂世

英雄實有徒未許閉門修漢臘只聞入市索秦逋哀時一掬

靈均淚灑到窮途淚已無

雕龍繪鳳傲高閣槐國衣冠萬蟻屯那見鬼神來夜半只容

屠販溷東昏布金滿地春無價埋玉墳荒月有魂苦把尋常

門巷改舊時歸燕失巢痕

丁十四 詩存四

金陵遺書 蔣氏校印

粟粟誰存趙氏孤桓桓多是霍家奴那知撲朔皆雄兔不信

荒唐有媚豬蠶毒異人蘇父拜阿蠻養子祿兒呼朝朝花下

尋生活愁煞延秋門上烏

纔起長生又未央有人擲筵傍宮牆朝雲扶上鴛鴻影夜月

飛來墮馬妝十二釵驚圍鏡殿三千裙嬈奉金牀蓮花滿地

羞鴛履偷把弓鞞舊樣量

天教南北界鴻溝萬馬投鞭易斷流軍府泉刀勢轉餉江城

鼓角動高秋折殘斧缺三年少虎踞龍蟠半壁愁自是穢除

關劫運幾人持重擁纒貅

一笑軍中解甲呼鏡譚聲裏唱羅敷盡搗神女歸三峽亂戰

西施入五湖拍手相看危腦帽同心互結合歡襦樓船江上

風帆影幅幅滕王蛟螭圖

記買扁舟得暫歸秋深黃葉不飛飛行人故國悲禾黍義士

空山采蕨薇短褐風塵雙鬢禿長鏡天地一身微江南多少

傷春事今日傷春事更非

百尺松楸掘墓田萬家村落斷炊煙尙難死後頭顱保幾見

生還骨肉圓木石冤誰問東海金銀氣已盡南天道旁翁仲

無言語隱隱春山叫杜鵑

十年黑獄久沈淪燐火橫飛草不春坐雨一燈形答影倚天

雙劍膽包身肝腸同碎偷生日溝壑難爲後死人聞說輜軒

忠義采須知草莽有微臣庚茂才

上下千秋一卷橫六時弦誦魯諸生少年豪氣真無敵前輩

丁十四 詩存四

金陵遺書 蔣氏校印

風流各有情詞賦清新唐禁院文章沈博漢都京江河不廢

才人老盧賂王楊總盛名

春風講席起雷何相國憐才以禮羅白屋定增知遇感黃鱸

重悼友朋多鴻文卓卓金台彥驚噴鏘鏘石鼓譚鹿洞遺經

傷武火頗聞搜探到巖阿近聞重鑿

雕蟲小技羞壯夫健兒身手驕吾徒揭竿相視賊如鼠操刀

自謂龍能屠城頭老鴉忽大叫孩心匹馬驚相呼要離魂魄

死生傍僂背鬼雄青骨枯魏之

粥鼓鐘魚響上方諸天樓觀極蒼茫松風高捲留仙閣花雨

紛飛選佛場百萬金錢輸士女大千穉米感滄桑酸心最疑

長干塔破碎琉璃夜有光

層閣高壓治山頭都督題名第一樓治山第一樓在治山

佳處吟翁留海嶽遙天匹練走江流飛鷗明月滿聲夜落木

青霜劍氣秋一樣摧燒獅窟樹亦真感不堪招恨是前遊

隨園水石湛清華吏隱風流自一家終日眠雲茹芝草有時

鋤月種梅花迎賓但放孤山鶴作令曾求句漏砂昔日絃調

文譙地只今鼓吹付鳴蛙

打槳呼朋日幾回莫愁艇子石城隈湖山風月渾無恙兒女

英雄併可哀香夢碧餘孤冢草血痕紅上戰場苦通侯甲第

成灰燼遺像何人再拜來

楊柳池臺永畫陰枇杷門巷夜深深三春二月繁華夢萬喚

千呼宛轉心綠髮那知愁裏事白頭相約畫中吟秦淮水上

丁十四 詩存四 金 謝 景 書 府 氏 校 印

涼珠閣松真 幸壬 之公 秋胎 膏結 侯青 社甫 子師 此豎脂粉零脂不可尋

斫地酣歌不記年海棠顛放柘枝仙狂奴故態徒尊酒狎客

新聲尙管絃吹笛自翻流水調填詞親擊衍波箋春燈燕子

都消歇一曲家山破可憐王茂才 洛君 金

問訊青溪舊板橋斜陽不見柳彎腰迴環碧玉盈盈水淘洗

黃金夜夜潮破屋沿街人賣瓦陰燐貼地鬼吹簫輸他十二

樓中月照盡悲歡又此宵

盤箔鴉鋤龍骨車江天漠漠野雲遮藥瓶糯稻堆花酒瓦鏡

松枝小葉茶釵股碧分鍾阜韭枕頭黃剖孝陵瓜不知二水

三山路負耒歸來今幾家

歷亂楸枰局外看仙樵柯爛恨漫漫人憐南國興亡易我覺

東山出處難養士共誰憂社稷封侯一夢熟邯鄲不妨在野

言無罪信史他年有稗官

次雲衢長明府卸安宜縣事留別元韻

後先承乏地彈指隙駒催樸訥安儒素源去年代理安宜精

明仰吏才曾因公事至源君得與學官 屢報使君來舊日間桃

李重煩一一裁生君 張君 關君 趙君 之院 入首 都拔 試合

翻覺來何暮誰能挽不行小民追李觀民欲 臨近 日有 李觀 米唐 價時

及一事 故 大吏重陽城田雉春無擾村廂夜不驚官箴勸慎著

心跡況冰清

自唱驪駒曲詩篇播藝林才難量以斗墨肯惜如金五月循

良最君在 五在 任羣黎愛戴深至今鄉父老指點說棠陰

丁十四 詩存四 金 謝 景 書 府 氏 校 印

二分明月夜歡笑記吾曹秋君 前二 日江 在都 中淮水鍾情遠江雲

入望高頌聲應再起夢想一爲勞東閣官梅放行看建節旄

題袁薇生隨園餞別圖

昔時文譙地今日付鳴蛙客裏重陽節秋來何處花回頭望

鄉樹揮手去天涯嗚咽射湖水行吟夕照斜實時 同寓

遠念根香叟青甫 師長 懷琴 隱翁 公真 仙鄉 罹浩 劫儒 吏扇 餘

風朋黨黃燼香王君 君樓臺綠野空滄桑十年感憑弔畫圖

中

卸桃源學篆留別曾廉叔大令

溪上桃花紅欲然春風吹送武陵船去思碑好憑誰勒惜別

詩成只自憐結契偶然逢異地縱歡渾不似離筵歸裝載得

元亭酒休笑獲無問字錢

留別夢華

把酒歡今夕停車憶去年宦情論水次歸夢及花先異地誰

同調臨歧自擊篋再來應記取風鐸語槍前

地有鸞陵習深知教養難眷懷吾黨子重語舊同官富庶須

籌策絃歌已暫安中原仍伏莽珍重此泥丸

長嘯登隄日弓刀叱夜行好春三月暮薄宦一身輕萬事那

能料斯人盡可兵十年戎馬裏依舊是書生

我去君仍住今來昨已非少年儲遠志前日寄當歸洪劉來保竹

行其烏鵲巢枝穩鱗魚出網肥登樓勞望眼天際一帆飛

東馮子昌

一十四

一五

金陵雜書
蔣氏校印

排日追歡祖道筵醉中瀟墨門吟箋行蹤偶爾分來去承乏

居然判後先我輩生涯原草草大家子弟自翩翩隨文傳三春

桃李天倫序況有從游小阮賢謝

送郡試感賦

鴻雁風高秋興長淮雲南望鬱蒼蒼三生默證當頭月萬事

愁看兩鬢霜排日衣冠參大府經年竿木舞逢場前年應詠

歸沂浴皆天趣童冠能知點也狂潘化西陳榮光邱

記得衝寒捧檄初問津底羨武陵漁秋風有願歌華鹿春水

無心就麥魚齊魯仍賓館為誰留榻待馮子名山與我對門

居晉山長傳家故物青蓮在差喜兒能讀父書新兒入邑

心香一瓣接南豐大會次第燈箋遞短筒尺地果能無曠

廢增召領曹家曉地萬間應可庇孤窮閒吟白雪酬坡老

同海人率賦事兒和之忽報黃巾擾鄭公長嘯自看腰下劍悲笳

淒斷五更風春夏之交登陸

枕畔雞聲破夢遲覺來情緒夜燈知十年臺省諸公盛一曲

家山獨客悲招隱那須尋桂樹解官漸已及瓜期荷他多士

殷勤誼徐次丞于桂堂左抵得攀轅父老癡

竭來私語謂同官今日人材亦大難敢信文章能報國幾容

叱咤便登壇健兒桀傲空身手詞客飄零孰肺肝獨樹一軍

童子幟無雙可似昔時韓莊吉甫風試以文蔣

酒邊依舊此吟身開徑羊求過往頻鴻揚生王南子定許

奇文俾雲漢恐勞太史驗星辰親衰忍說家多累歲儉何堪

一十四

十六

金陵雜書
蔣氏校印

仕為貪欲折梅華遲驛使天涯應念未歸人

東觀晉律院小懶師

等閒護世城中錯那及山廚蔬筍香沁我詩腸清似水更兼

一味是新涼

五百里中雙草屨南至海走無北至不然滿三千界內幾蒲團青

衫梅不袈裟換何處空門許挂單

題胡厚堂棠湖舊感圖

瑟瑟西風咽暮潮娟娟缺月冷瓊簫年時點滴征衫淚化作

棠湖水一條

花裏逢君倒玉觥一枝風笛唱燕城那堪重問南塘路紅袖

飄零半死生

展上已修禊圖

重三風景從頭憶九十韶光轉瞬過萬樹桃花千尺水夕陽
紅處遠山多

讀史詠左良玉

起從裨校効馳驅驟擁三軍握虎符坐鎮荆襄觀成敗舊恩
辜負老司徒

村居偶見

旋斫生柴旋煮茶炊煙圍住野人家茅簷淺亞竹籬短門外
一叢烏柏花

古堞

百雉山河在零星廢堞連斜陽鴉點點春雨草芊芊柳舞巖

詩存四
全說遺書
蔣氏校印

關雪花明野埃煙淒涼終夜角吹徹女牆邊

古渡

流水杳然碧夕陽無奈紅一灣桃葉月十里蘆花風岸遠舟
難回橋危路或通蒹葭何處唳蕭瑟白雲中

古驛

寒月自今古邊雲空渺茫鳴笳悲冷落牧馬助淒涼野渡咽
流水荒城枕夕陽年年寒食節折柳話江鄉

古寺

金碧飄零盡旂檀香暗聞危樓孤嘯月老樹鶴棲雲壘冷無
松火鐘殘有薛紋空庭飛蝠蝠落葉下紛紛

且巢詩存卷五

金陵叢書丁集之十四

江甯周葆濂

野哭

停杯慘不歡夜半聞野哭咽咽復嗚嗚哀吟山鬼續揚州昔
全盛畫舫涉絲竹子夜乘燭遊歡聲振林木零落飛青燐歌
舞誰家屋戰血潰荒郊芳草不肯綠瑟瑟涼風吹不知哭者
誰登高望四野四野雲陰垂雲陰滑不開城頭老鴉語百感
隨心生掩袂泣如雨

虎媚歌爲朱仲江作

有虎有虎南山隅孝侯殺之害乃除有女有女一曲珠公瑾
顧之誤乃無爲女傳神虎寫照今有畫者周鄰湖我與數公

一十四 詩存五

金陵叢書
丁集之十四
周氏校印

適同姓不能一事堪軒渠前年陷身入虎口英雄大半如妾
婦有心謀虎虎不死自笑不如兒女子今年作客來淮陰客
中買笑無黃金幸從虎穴得生命無乃見色生戒心朱君此
圖有深意女兮虎兮同一致手搏猛獸降天魔虎綏狐媚將
奈何請爲君歌虎媚歌

流民謠

形骸柴立面塵土驅之驅之出廊廡白眼相看市上虎南國
荆榛亦已阻西山微厥不容煮百口難訴流民苦不死則賊
否則汝不遣則留議曰撫明日哀哀告大府

書邳州宋烈婦

臣事君婦事夫綱常大義千秋扶臣死忠婦死烈萬變不磨

真氣節咸豐三年歲癸丑義魄忠魂無不有大江南北叢烽
煙豐工水決淮徐偏蓬門有女坐窮餓鄉黨嘖嘖稱其賢事
翁事姑才一年事夫不惜孱軀捐夫病不起矢長眠從容仰
藥呼皇天含悲斂衽語夫前兒夫相待從九泉兒心耿耿金
石堅願父無爲兒哀憐人生百歲誰無死泰山鴻毛一而已
女子能增邑乘光丈夫勿貽巾幗恥形管作歌告君子烈婦
之烈烈如此君不見邳州烈婦宋王氏

桃源新樂府

媿糊粥大麥稌稌一鍋熟官廚日日厭梁肉廣文先生空首
着昨夜乃聞鄰婦哭媿糊雖稀能果腹炊煙不上逃亡屋
拐磨時朝朝拐磨仍愁飢江南羅綺嬌相嬉晚妝未罷羅金

一十四 詩存五

金陵叢書
丁集之十四
周氏校印

危妾命苦薄妾不辭有手何不鳴寒機

勝秀才峨冠博帶城中來縣門巍巍兩扇開中有明鏡懸高
臺袖出一紙情詞哀便道過我東西齋權頭歸去誇同儕今
日結識衙門差

五班頭五寸粟子當堂句三三五五鄉間遊東家錢糧今未
收西家積匪今仍留此來只作抽豐抽歸飽私囊吾不愁脂
膏所欠皮肉酬

懶漢田花生滿地不值錢山芋秧子大如拳黃豆綠豆紛相
連不貪地力只貪天癩犁耨肥真徒然枯樁丈人其愧焉
搶孤孀三人市上成虎狼東家姊妹圖新妝西家女作嫁衣
裳伶仃孤苦人未亡一燈熒熒守空房立誓不歌陌上桑雕

面少年誰家郎嗚呼從一乃妻綱節義之祠吾蒸嘗

黃河徙河見底黃河搬家不回矣從此糧船停運米治河三

策古無比經世儒生今有幾劃船來往黃河裏舵工半是糧

船子

築土圩萬人邪許聲如雷長吏巡視日幾回一畚一鍤鄉民

隨北風獵獵揚沙灰土圩高于黃河堆西來賊馬不敢窺

對月

何處不秋滿天涯共月明霜華涵雁影風葉亂雞聲索夢就

虛枕哦詩避短檠長歌洗兵馬銀漢素波橫

題劉青原學阮圖遺照

人間廣陵散天上少微星此老不復見餘音何處聽樓神貌

未改展卷涕先零急起看河岸暮雲無限青

借袁木生過劉佩卿簪水園觀藝簫即送其返鹽城

斯人兼醉醒佳日難悲歡出示手中玉能生空外寒荒河亟

飛雪阿閣此飄驚歲晚孤舟客途窮乞食難

感事次黃晴初廣文時溥韻

桃花津水未曾迷苦憶塵勞萬井低與子相期黃石隱問余

何事碧山樓涼宵燈火螢分照長日胡塵鳥勸提但有菰鱸

歸便好鴻飛渾不計東西

贈鄭贊侯

時艱歲儉一相見把酒論文聊復然夜靜荒雞空警夢春回

枯蠶亦能仙琴書飄泊同今日裘馬輕肥有少年慚愧侏儒

多飽死午餘民舍尚無煙

淮陰旅次憶畫川書院杏花東喬笙巢孝廉

權鐵丁冬曉漏零旅窗剔盡一燈青展聲委巷客沾酒幡影

層臺僧誦經鄰樹無言掉斷壁砌苔隨意繡空庭遙知紅杏

添消息珍重樓頭夜雨聽

虞叔垣席雲士成子清招集龍川口占誌別

青衫紅袖兩歡呼邂逅開樽百感無飢眼好花尋北里賞心

疏柳憶西湖何時江上誅殘寇斜日秦淮載小姑卻恨龍川

今夜月照人歸夢促征途

曼伯家見湯貞感公畫筵

詞壇鼎足時三分明侯甫師金傳軍尊酒時時獲異聞今日

吟懷感風雨當年健筆走煙雲孤松如見須眉古一筵松遺

筵重看涕淚紛僂指舊遊都已矣盛名不負故將軍

和朱禮堂司馬百順北城茶隱原韻

舊時裙屐相徵逐十九人中最少年師編琴書傳盛會湯貞

夷門香火締深緣青市春風坐上傾三雅秋水江頭隔一天

何意梁園賓客散又來此地學吟箋

井里飄蓬曾幾日江關傳檄已經年孤帆邗水尋歸夢一笛

山陽感舊綠楚北豺猶梗路淮南雞犬未升天秣陵春盡

音書斷得暑憑誰寄手箋

次朱子壽韻贈李東垣

莽莽風塵短髮摧懷人一日九腸迴直疑江上客星隕不道

天邊舊雨來米賊延緣淮北起山靈呵護浙西回偶論世事
須嘗膽潦倒心情付酒杯

紀感

竭來居士坐何所貧到今年雖也無作賦江淹多別恨傷時
鄭俠有新圖綠楊城郭簫吹冷黃葉鄉村權泊孤太息秋風
茅屋破萬問誰爲庇寒儒

留別魯通甫一同孝廉

懷人孤館悵無聊客裏逢君百感消黃浦停車曾穀日白田
歸權又花朝千金幾見人求骨五斗權爲吏折腰片晌清談
傷往事春城分袂惜迢迢

索我新詩一卷攜蘭城舊恨怕重提干戈雁塞沈消息文字

丁十四 詩存五

金陵遺書
蔣氏校印

龍門重品題異地聞聲欽健筆故園回首隔征聲袁江何日

扁舟訪尺半瑤函取次齊

邵伯鎮致錢子敏寶和貳尹

去年謝埭扁舟泊風雪蕭條逼歲除未接笑言君子雅空教
遲滯故人書寒宵斗室論詩地春水邗溝泛權初依舊良緣
慳一面只今問訊託雙魚

悶述

莽莽風塵眼倦開勞勞身世困蒿萊古來將相本無種今日
男兒倍可哀但乞人憐皆下品不遭時忌亦庸才謀生計拙
文章賤鴻鵠空教燕雀猜

枕上聞鐘

疏燈搖搖青光圓欲曙未曙霜滿天無端鄉夢攪人醒一杵
鐘聲何處邊

題朱珮齋士珉黃花修禊圖

秋風秋雨徧關河秋草秋花自嘯歌爲問梁園舊賓客近來
秋思是誰多

村居偶見

旋斫生柴旋煮茶炊煙圍住野人家茅檐淺亞竹籬短門外
一叢烏柏花

山行

山形似繭將人裹雲影如龍趁客忙緊策疲驢覓歸路霜楸
葉葉響斜陽

丁十四 詩存五

金陵遺書
蔣氏校印

讀史詠左良玉

起從偏校効馳驅驟擁三軍握虎符坐鎮荆襄視成敗舊恩
孤負老司徒

展上已修禊

重三風景從頭憶九十韶光轉眼過萬樹桃花千尺水夕陽
紅處遠山多

湖上晚望

一團清氣撲人來雲影天光冑不開翦水掠波雙燕子亂拖
煙雨入樓臺

題毘陵女子李瓊繡字

想見璇閨織錦時五紋親手擘絲絲何當度盡金鍼巧徧繡

人間絕妙詞

春郊漫興

杏花紅到酒家爐爭忍花前不醉沾君去試聽枝上鳥聲聲
都是喚提壺

久早得雨讀龔梓村同春寶劍山房集偶賦

甘霖一灑土膏潤多少農夫望雨時新綠滿庭叫幽鳥推窗

快讀梓村詩

題硯楊伯言贈硯
青鸞黃庭經

一卷黃庭道味深故人知我靜中心等閒莫共雞碑讀抵得

韓陵字字金

題司馬晴江湘畫梅

十一四 詩存五

七

金陵書畫
蔣氏校印

老梅一樹隱仙菴每到花時載酒探今日鞭絲殘照裏卻從

江北望江南

且巢詩存跋

右且巢詩存五卷江甯周還之先生著先生初名葆瀄以辟
穆宗諱易葆瀄少負雋才有聲譽序問王綱齋編修馮林一
宮允奇賞之江左沿六朝之遺代扇風雅道咸之交湯兩生
都督隱獅子窟執矚壇牛耳侯青甫學博左之每有文酒之
會輒招先生與金亞匏和蔡子函琳孫澄之文川楊柳門後
拈題分均先生一章甫脫爭相傳寫某歲重九都督置酒高
會先生以事不至都督畫菊花一本於便面上題五字曰還
來就菊花使騎者馳送先生以先生字還之也先生即乘騎
來賦一詩擲筆而去其豪傑不羈望之如天際真人且想見
南都耆舊流連文譚之樂曾幾何時而緒寇東矣先生與張

丁十四

金陵遊書
周氏校印

義士炳垣謀應我軍垂濟而洩先生跳而免旅食江淮間一
以詩自遣憂生念亂多鬱伊激楚之音可以哀其遇矣鄉後
學蔣國榜



北
狄
華
堂
詩
存

雇	如	屋	蔣
涂	月	校	氏
月	著	印	慎
吉	始	甲	脩
成	丙	寅	書

序

嗚呼此固不足以傳蔡君也自道光戊戌後先師陶文毅公既築惜陰書舍以經史詞賦課諸生於實學而余與君暨壽君昌孫君文川先後受知於績溪胡竹村涇州王綱齊吳縣馮景亭泰興吳和甫諸先生時名日稜稜起自惟才地無多於行輩要未嘗不孜孜焉益知所發奮期大異於俗學之所趨競斯至於古人之卓然表見於後世者以不負諸先生責望之重以大為陶公光四人者蓋交相助也居久之壽君先成進士去咸豐癸丑髮逆陷金陵壽君聞之以憂卒吾三人者免於賊而逃各就食一州郡自是不數數見見亦不數日輒別既而君亦成進士官京師孫君留滬滬上余應聘之廣

金陵遊書

蔣氏校印

南所散處日益遠矣而金陵之賊且熾甚吾三人不敢作再見想唯間歲一致書而已同治甲子金陵斯克戊辰之春余然後得返其里孫君方用曾侯薦入都余甚以二君得先相見而余不及一見二君為憾其五月聞君遭婦喪且乞病奉太夫人來養於家余又以得亟見君為喜願君至九月中始成行行不半其程而病日增劇以未至家之前一夕卒於舟太夫人竟以君喪歸孫君在都不及見也余在里亦不及見也嗚呼悲矣君喪在殯余乃叩太夫人謀所以傳君者太夫人搜君篋盡出見帙示余僅有詩若干首幾不能一卷太夫人曰吾兒著書盈尺今不知度何所或何人秘藏之凡所以傳吾兒者其在此乎嗚呼此固不足以傳君也君生平所處

境皆極人世之所謂至艱與窘者生數齡而孤太夫人以女

紅扶君成立儼然如餘生逮冠早與儲於庠又為上舍長十餘年生計財苟完歲入贖其家無銖寸少贏泊觀政刑部京俸固素儉海宇用兵轉餉驟急諸宦食者俸愈不繼君每晨襲敝衣冠徒步以從公懷餽餽為飽治官事至日昃乃還復舉燭為諸生徒講帖括業以束修佐祿入僅僅給資斧寒餓尙所時有積勞七八年幸補一真秩再三四年萬一翼騰仕而君遽即世且無子計君及身之窮蓋五十年如一日焉至於文章傳諸身後雖盛名抑虛名耳非其及身之美官厚祿者比天宜於君不復吝而君之文復不傳豈君之所齎於天者固至薄耶豈天之所以齎君者卒不稍寬假邪嗚呼此固不足以傳君也今君竟借此以傳且非此更無可以傳君者在矣今故為點注其詩之僻謬者畢畧著其涕洟於篇他日孫君自海上歸謂何如也上元金和序

丁十

金陵遊書

蔣氏校印

小傳

蔡琳字紫函江甯人博學者古爲名諸生科歲試及書院肄業數冠其曹咸豐二年舉於鄉三年春應禮部試甫至京聞粵賊陷江甯以母在城裝未解即回車星夜抵金陵望城而泣百計籌所以救母出者往來於鷓洲小航近城地以數百錢置少食物僞爲出賣者漸得入賊卡遇城中人出因得母耗又百計以迎之始得脫當是時江甯人多陷賊中丈夫或死或逃惟婦女艱於行自分必死即其夫若子亦無能畫一策以救之自琳出其母乃競以智力財賄各迎其眷屬脫者以萬計皆由琳啟之也琳既免母難旅食江淮者數載九年始成進士除刑部主事升員外郎提調律例館京秩清苦安

小傳

金陵叢書
周氏校印

貧守正義所不可凜然難犯以勞瘁嬰疾乞歸弟子朱恩海見其羸弱欲躬送之琳不可則謬讓當歸省附舟同行琳卒於清江浦恩海慮舟人知之內慰琳母夜則與琳並衾臥如生時濟江而後發喪琳無子以家宅爲祠母居之終其天年所撰述多散佚僅存荻華館詩藁數卷

荻華堂詩存

金陵叢書丁集之十

江甯蔡琳

五古

雜詩

窮陰催急晷飯罷日已摧歸鴉掠窗黑勢挾風雨來清寒欲
砭骨傲裘新贖回纒若觀河面十歲不得開且復事曳婁究
勝敗絮材中有慈母線負荷難為懷

昨日插梅花渾忘瀉瓶水那知今夜寒瓶凍花亦萎堂花紛
絢爛湯沸吐奇藥繡幕間金爐護之若愛子冷暖境不同壽
夭命如此誰言憂患生誰見安樂死

七齡初識字便置短燈檠忽忽廿餘年每夕對有情共苦不

雜詩

金陵叢書
蔣氏校印

共甘顏惡心忤忤又恐一朝離兩目如喪明豈無椽燭燒風
流嬖子京豈無蓮炬頌絕調賞清平糟糠不下堂車笠有舊
盟

歲莫百憂集莽然如亂絲抽刀揮不斷一醉以了之生平不
能飲借此頗自怡不憂醉太苦但憂醒不遲始知處人世悔
賈駉與癡

喜晴 用全洽均

淫霖失恢台卜日乃在甲湍奔勢淙淙雷注聲響初疑河
出壘繼若江倒峽颺鳴動風簸蓋蝕暈月脇豈其天本漏垂
乳竟可唾媿無周滿才長笛吹竄圍陰爭解剝黑雲壞山
壓喧闐已終朝清辨管一翼臥聽心久厭起視目猶眨金碎

竹交節槍沈苦亂夾粘壁篆盤蝸負礎葩揚蠅香熏柏手焚

糞除箕膺搗出曝衣掠架就滌硯離匣修治及庖漏賦拭到

箱恰準擬簞鋪葑好待扇握筵那知潮有信疾等泉出硤層

波遞淪漣駭浪遽決凜息壤盡聲沈泛宅不容拔難處共蛙

黽浮行類鷄鳴登林蛇入夢結襪蚊暗嚼裹足竟不跋鬱氣

時作欲懸釜帶煤炊飲水和藻寢拙伏雞棲岬幽禁虎在柙

問途車債濟移居鼎遷郊頗聞海潮漲震迅壞堰插罡風三

日起坤軸互歎欬是時更初定人靜方駒駘席卷不留屍誰

復備柳翠哀此魚鹽地化作蟲沙劫又聞下圩田新秧綠早

插沾體被撥穢流汗揮鋤鉞歷癘期助長蟬鳴盼齋指洪溝

挾積潦隄岸摧糞糞潰敗不逾時熟未及羊腓集澤噉哀鴻

丁十 雜詩

金陵叢書
蔣氏校印

樓枝逐曉鳩既少鳩材庀定就龍宮抑我思四瀆靈享配先
王裕況乎水本柔可玩亦可狎胡為效懷襄用意作威情東
南承清轉賦重日困乏催租吏打門日夜心膽怯一旦罹巨

災慈歲失故業豈無僑相鄭亦有豹治鄰前導盛旌旄從官
耀隸輪勅示來行輿敷陳入奏劄請帑念彌殷振粟盟屢獻
仁心雖共仰實惠恐難洽儒生詡經濟行定亦頗給一卷苦

窺蟬千金富少鮑感時心如搗搗困血欲喋所賴日杲杲兼

之涼恰恰霜未肅秋葭風已轉瑞蕙汎溢幸無虞浴距漸有

法吾廬更卑溼念此聊自忤俛視寰宇寬渾忘世路狹瓜美

剖紅萍蓮淨對白裕逢山皆可遊得酒願先呷何妨乘朝爽

任荷劉伶鍾

報恩寺塔燈

暮宿長千里紺宇馬待秣重樓連螺棘華基盛松栝九層凌
崢嶸百仞瞻崇辭粉丹神媿塗金碧巧般剝躡龍螭踔踔
咽獅象未登筋先學屢視目頓駭香篆愾齋厨梵貝瘡磬
鉞璧月已泥濘銀河待汨活啟寶槩列小懸磴架支關棋縹
蜂房嵌杯覆螺殼撮注膏方仰孟藪稗倏振筭熒煌纓絡垂
煜燦珍珠豁初疑象燧升繼作蚌胎脫形幘紛綵縹虹帶互
膠轕筆卓蒸天葩輪旋耀坤輻電光幡葉握星華斂芒拔碎
簇紫玻璃高張紅赫鞞圓影燭青髮旁輝照瓊闈罡風不敢
吹法雨終難潑澁澁昔飛燕喁喁等祭瀨思親悲拊膺禳福
拜折額庀材任繁費飯僧極喧聒云可照天圓兼能洞鬼魅

丁十 蘇詩

三

金陵遺書
蔣氏校印

遂令萊葡火常粲蓮花鉢豈知詔心齋頗復事手辣蔓抄一
以徧莖光詎誰活芳蘭雖可蓋海粟真一撮覽景烈餒騰論
古劫灰撥烹茶壺屢然就枕燭盡跋曉登雨花巖殘燭尙木
末

歸雲堂訪桂

瘦策忘路遠羣綠茂秋煥桂叢在何許香漸出林麓松門穿
鳥影竹徑入蛇伏宛轉躡樵蹤探尋往而復鬱鬱石含寶冷
冷泉奏筑連蜺見喬柯彌漫遍幽谷一一辟寒金釵粟已成
簇涼風掠枝頭氣挾碧雲肅有堂榜歸雲虛曠淨如沐老僧
垂龐眉款客貌逾樸自言此間樂地暖四時敵種桂當種山
秋收極千斛念此頗自慙無分抱雲宿况乃游屬經莫飛行

然遂且飛蟾應夢歸影圓冰逐

同治丁卯冬月澄之于役都門因復讀其讀雪廬詩集流覽
所觸輒即成韻語無詮次凡一千二百六十言

人自中年往多憂漸少樂況復經喪亂同輩如掃籜舊雨一
在念輒作數日惡何圖我與君兩度會京洛冥冥誰主宰公
牘慰私約道遠來不易波濤狎蛟鱷命幾瀕危險事乃學唯
諾不如姑飲酒縱談破寂寞天涯當歲莫懷人詩每作今歲
獨不爾凍筆可以聞

憶昔少年時聲名雋一登吾黨二三子切劘最稱良句非雙
美璧字非百鍊剛不待讀終篇抉摘窮豪芒此樂殊不易轉
瞬成滄桑中又弱一箇雲路失翱翔其餘如晨星散處天一

丁十 蘇詩

四

金陵遺書
蔣氏校印

方君今來此間宿草枯天霜相將挈一壺言尋青豆房下遺
巫陽招魂兮歸故鄉不敢為文祭文成羞故常

昔偕雁于

詩窮而後工此語吾固疑境窮詩亦窮寒蠶泣孤嫠所以有

心人才與境轉移山川歷兵火因秀助以奇我今讀君詩不
覺涕漣漣垂垂燈欲死掩卷且置之人言少陵鬼忽入君肝
脾我言經亂離能詩皆拾遺其才有大小其境有險夷上則
得其骨次亦得其皮阜夔作龍逢詎工廣颺詞于戈十餘載
乾坤盡瘡痍若比天寶間或恐更嶽巖

官不居一品事不列史館間有宣副者遺棄竟無算忠魂與
毅魄枉死真可歎賴有不朽筆聊以代傳讀君詩甫盈寸國

傷已居半壯士身不顧將軍頭可斷生氣寫灑烈直節表廉
悍君友皆我友駢首殉急難桓桓唯陽胃尤爲死事冠江山
千古峙俎豆四時煥成敗論英雄不直一笑榮田 張炳元 茂

昔者桓司馬種柳在漢南十年重相見泣下淚數行別離尙
如此況繫存與亡依依淮水影褒褒蘇臺妝飛絮化浮萍好
春難久長此柳我所見舊游增悲傷何怪折柳人鍾情未能
忘

田生古俠客危難可與共虎穴三出入壯哉智且勇陰謀雖
不成賊膽皆震動才高人所忌氣傲世難用從戎復入豫獻
策機屢中三月守困城百騎破萬眾九年我來都相逢在市

丁十 蔡詩

五

一金陵遺書
一編氏校印

術恂恂仍似舊談笑發嘲哂是時夜已半挽我作綺夢錦衣
披狐裘畫燭列蟻窠歌聲震屋梁坐繞十雛鳳自言侵曉別
交勉勝遠送三載無書信一朝失醫控渴河陣雲黑捐軀報
恩重莽莽中原亂摧此匡時棟回首江東門至今有餘勳

田玉梅

君家有仲氏英姿軼凡輩隱身市廛間含笑吳鉤佩被捕入
賊中耿耿心不昧獻賦自歸來拔戟成一隊往年過淮陰袒
臂示肉塊爲言經百戰中藏礮子碎前歲聚都門貂蟬增藻
績風雲擁旌幟雄鎮臨海岱尺素忽相寄發言多慷慨兵疲
難訓練餉缺須借貸不如去爲農江上把鉏耒居然古名將
知進復知退讀君憶弟詩至性出友愛嗟嗟我何人杖杜篇

乃廢

庚申暮春月言維滬濱舟大軍時瓦解烽火燭天愁倉皇渡
吳淞挈家遂北游繼聞蘇城陷杭郡亦踐蹂僅賸海濱地臥
榻未容胸膈吏繁何人視息生方偷徘徊雷池間束手無寸
篲賈勇作前驅喧傳有夷晉借才于異國計得終可羞無怪
半壁天破碎竟難收卓哉李臨淮旌旗耀戈矛一戰復吳山
再戰定長洲非無助順者相拒不相求功高由識偉氣壯故
才優豈同困一隅肉食無遠謀

丁十 蔡詩

六

一金陵遺書
一編氏校印

事豈可變民俗漸且侵吏治熬鐵久鑄錯徒薪况乏智總由
己不臧並非人敢肆此情君洞悉補救抱素志十年集異同
一旦參末議在商斯言商芻蕘詢可備願于商之外慎勿言
一字

代馬向朔吹越鳥思隴陰猶與物性準各有故園心腐儒謬
通籍十載玷朝簪廬舍付焚燬墳墓聽浮沈羈絆轉甚昔流
亡仍至今聞君近買宅家具移釜鬻雜風又生雞新巢漸成
林令人生健羨飛夢到江滸勞勞對案牘宦味嘗已深高堂
增衰態繞膝香暖音何事戀縈塵馬驅駸駸行當賦遂初
卜鄰就苔岑一尊沽濁酒三尺橫素琴緩彼息壤盟慰此莊
鳥吟

七古

觀孫伯淵先生天發神讖碑拓本

瑯環秘閣橫經笈若石鱗鱗三段立謬出聲飛乙丑災銷盡
黃龍赤鳥蹟今觀拓本何精妍仙華發毒鋒摧堅金繩鐵鎖
互纏結指畫未及先口箝字古疑是皇象書文詠斷非華嚴
編中勒梅張許賀共七姓大都此輩容悅工黃綠憶昔臨平
湖開妖讖起尺許銀函得之喜紛紛天璽又天與寶鼎鳳皇
安秘紀楚九州洛吳九州都既飲建業水誰識武昌魚紫髮
碧眼恢雄圖王氣銷沈山川孤龍驤一到降幡樹青蓋遙遙
入洛無此時問天天不語石若能言應笑汝奇疆長棄伴荒
榛留付雕搜資好古嗚呼一自赤符中興讖緯擅掘壘深宮

丁十 雜詩

七

金陵雜詩
蔣氏校印

遂倡亂蒼天已死黃天立如麻盜起山河換由來戾氣肇嘉
祥盈虛誰握圖書算况復當年謠應當塗高轉瞬不見哀與
曹一龍渡江地流血石馬金牛等煙滅

老將行

幽燕老將頭如雪不尙任俠尙氣節報國常存一片心平蠻
渴飲千人血少年韜髮玉門關不斬樓蘭誓不還風腥出徑
虎嘯石月黑穿林雕落山出門只道立功早長征始覺家鄉
好浩莽黃沙送斷菰叢殘白骨埋芳草幾載烽雲苦寇邊歲
書火急促裝前一揮蟻穴難成陣三射天狼早避弦明鏡朝
看忽驚起兩鬢蒼蒼竟如此舊時所養半銀黃附勢偏裨盡
金紫且攜長劍挂崆峒且放名駒入海中不賣寶刀供世玩

待銷金甲事歸農任爲吳市吹簫客恥學新豐折臂翁
向筵前說賦詩閒從湖上頻沽酒空思客淚墮清笳那復軍
容談細柳衰宇昇平久罷兵韜鈴無分到公卿兒孫好自操
柔翰麟閣難爭虎榜名

鏡聽詞

白龍樹冷雁千里香桃骨瘦鴛鴦國冰無語繡匣迴差澀
芙蓉化鉛水蟄雷入戶股叢篔廚神霞靨顏微醺手抱老蟾
下銀闈喁喁卅字燒檀雲燭淚凝紅堆一尺蚪箭聲沈漏轉
劇人靜花街星半明風鞋印偏香塵迹陌上憶歌頭翠翹湘
闕笑露春鶯嬌歸去枕窗安錦履重措粉絮雙蛾描綠桂煙
濃金鴨燦飛飛蟾子羅裙畔斜倚紅鸞待曉籤瑤臺無夢煩

丁十 雜詩

八

金陵雜詩
蔣氏校印

鸚鵡年頭下山采藤蕪團樂寒玉雙影扶菱花八角垂流蘇
同拜蓮燈賽紫姑

永和九年癸丑歲觀硯歌爲姚邗生明府作

昭陵繭紙蠶雲煙零珠斷璧經幾年蘭渚春波留山骨縱有
玉版無人鐫桐塢陰森闕幽壙漆燈紅出秋墳邊苔纏碧獸
得殘甃陽款尙勒升平前武功詩人酷好事攜歸正值春風
顛量以虛屣銅拓之由拳箋雲斤琢此水蒼玉勝獲十頃膏
腴田我思永和御極在襁褓風綸遙隔紗帷宣七年始行謁
陵禮歸魂哭拜青山鵲殯室松柏黯雷兩搏埴正費官家錢
是時此瓶在何許瓦雞同向陶家眠壘北果節浮水出湖壩
威斗經沙旋江山變易一轉瞬乃隨燐火留荒阡樣小豈共

保母殉分明七字猶蟬聯明唐世依然上巳天故鄉風景多
清妍游絲細裏日杲杲修竹靜倚山娟娟相將攜視出水次
一觴一詠追羣賢明屈班在御球鐘懸桃花落盡禊溼雨

惆悵文成誓墓篇

題陸二子珩明所藏畫幀
青蟲吐絲在高柳火雲濃挾千峯走風前展此水墨圖便覺
涼陰生滿手插空不見芙蓉根溼氣猶帶腥龍奔其下竹樹
黯叢薄一片濫作蒼烟痕林端墮影半杏靄野寺恍聽鐘鳴
昏雨洗溪山清入骨幽絕不著看山人我聞米虎變法出新
意窈窕林巒潑空翠今見此圖如見米荷葉披皴有古致豈
若俗手事塗抹墨大如鴉紙無地絹素深藏經幾年裝池仍

丁十

九

金陵畫書
一附氏校印

復留雲煙想見暑窗踏冰日朵朵貌出空中蓮江南南岸山
無數春來煙雨樓臺莫載酒期君一快遊始知身向圖中住
明懿文太子妃捨珠歌

咸豐辛亥春游永慶寺寺方修塔僧出觀鎮塔捨珠一串
附銅策一長七寸闊三寸上鑄玉貞賜京都烏龍白塔住
持古清潤建文三年九月二十三日共二十四字據寺僧
云相傳爲明懿文太子妃所捨玉貞蓋其皈依名也攷明
史懿文太子卒於洪武二十五年元妃常開平女先太子
卒繼妃呂氏生建文建文立尊爲皇太后靖難後稱爲皇
嫂懿文太子妃與幼子允熙出居太子陵未幾允熙亦焚
死妃不知所終珠釵飾無足珍惟建文紀年僅四稔又復

削去遺物頗少借此以存一代餘迹且懿妃之始末有可
感者因撰長歌紀之

緜山月冷吹笙急銀河耿耿流雲息碧雲一夕掩金棺瑤宮
不管花枝泣花枝憔悴斂愁蛾愛水填乾少海波蠅幸原殘
膏印桂鸞孤忽歎鏡持荷深深金屋歲蕤鎖悟徹蘭因兼絮
果螺斛羞將翠黛描蟬紗嬾向雲鬟裏擬管瀆勺誓同心擬
來情慘切曇華散後信銷沈曾蒙青柏門新妝好奉紅牌慎
禮防璇室機聲悲靜夜柏舟詩句肅秋霜吉夢幸占龍據腹
鄒前早見皇孫育猗闕殿杳罷雲蒸鈎弋門高漸香馥鼎湖
弓劍盡光顏太甲祖祠祚未危紫垣實補前星耀錦帟休嫌

丁十

十

金陵畫書
一附氏校印

半月虧母儀自守親繅訓婦言不預垂廉政笑煞安劉待絳
侯天生雖雉成凶性幾載鴛鴦冷冢煙幾經鶴禦渺琴弦藤
枯永歷恆沙劫花落誰歸仍利天南朝舊數伽藍煥寶鐸鳴
風臨霄漢椒寢遙遙駕鬪軒蓮龍步步瞻華藏香燈影照涕
雙垂一串牟尼手自持七寶林中拜蘆荀三生石上乞楊枝
環經峽寺原親獻金爲祇園合布施獅座幢幢參護法法名
願勒藏經匣未隨鹿女侍華筵且學鸚鵡娘歌梵夾鳳釵一拆
便生塵捨此還如竟捨身已將陰禮幣陪管每奉清齋冀轉
輪烽火無端集飛燕陳兵特請朝相見猥言椒行敢釋強詭
說桐頒由激變慘淡風雲黯九閣金根返後劇銷魂紅輝已
燦瑤樓燼白骨難尋玉陸尊池水照殘黃鶴影宮花曉徧杜

鵬浪昔日幸無掘盡事此時何勞頌羹賜驚心怕聽鼓聲
回首最憐歌舞地咫尺陵園白露荒松雲蔭蔭蒼蒼辟邪
一徑凋寒色燐火三更凝血光只願託身同薜穴那憂藉幹
缺苔牀繁華如夢形闕度鐘聲靈谷來何暮猶憶雞園聽講
時難忘鹿苑焚香處覺路金繩執指迷香桃鎖骨日含凄翻
悔有身傳擊仲未能脫垢伴繼尼劫火無辜更刈蘭漆燈弔
影夜漫漫拋殘寶璽螭全斷爛到羣衣蠶亦乾天女戶衰金
帶拆宮人斜古玉鉤寒招提有客尋春綠釵朶明殘載瞻矚
庶人銅後歎蠅癡老佛歸來記鶯禿叢談恍向鐵圍山鐫名
重認苕華玉一角雲陰霽鳳臺皇姑遺廟偏蒼苔可憐入手
蟻胎細不及山茶冒雪開

丁十

十一

金陵遺書
蔣氏校印

伏波銅鼓歌

谿崙嶺窳沙飛弩月黑蝦蟇作人舞桄榔葉大瘴迷天斷穴
千年出銅鼓此鼓傳自伏波平蠻年此鼓之出乃在西京前
一從得諸駱越作馬式搜奇直到炎荒邊諦觀形製一何古
不事鞞裝工精堅大長七尺經逾半面平口舁腰圍圓將無
曾毀爨囚血至今錦紋翠色斑剝猶連錢頗聞此鼓在猺洞
索以千牛致一轄門庭菌塞侈縱觀金簪銀簪競相送或以
祀盤瓠或爲迎茅娘鳳髻繡額者誰子蘆笙嗚嗚吹未央老
巫鼻涕三尺長一擊一節神跳踉蟄雷轉空燕入地鎖宅坐
使山精藏由來交廣之間尙奇異物有憑焉遂難制蠻獲此
鼓如獲寶類好厭勝以求利汗馬原因大宛強金人自是休

屠瑞伏波將軍善用兵灌燧銷鋒有深意樓船當日下牂牁
聲震遐方輦而至祝融轄扇不敢收天道流傳作彝器君不
見嵯峨銅柱撐空青分菲嶺昨西日暝又不見隱隱銅船沈
清冷蛟涎怒折秋風腥密等叢篁半遺跡豐功在在皆可銘
相傳諸葛之鼓亦如此土人得之貴莫比一樣天威冠古今
不忠南人心不死我竊摩挲當銅狄如畫須眉最堪憶裏革
方期壯志酬戰珠已受讒言迴回首功名不忍論跼焉潦霧
盡昏昏象林雖破羣囚膽鮮蚤終埋戰士魂吁嗟乎蒼梧山
高森欽湘灘水多沈霧訓狐短蜚毒且淫餘氛往往致妖孽
誰向壺頭來進營儒生徒手無寸鐵日長路遠愁請纓坐對
銅鼓三歎息與爾棄置同菅荆好配爾以南越翠羽之奇麗

丁十

十二

金陵遺書
蔣氏校印

將磨爾以鬱林廉石之光瑩江南五月黯梅雨試聽打衙時
復如雷鳴

還珠曲

雉皋煙草春來綠鶯聲曉徧紅樓曲歌到樓東一斛珠人間
豔說鴛鴦福碧玉兒家姓字香花枝第一漢宮嬌青鸞鏡皎
盤雙髻朱鳥窗深繡七襄廿四橋邊明月好瓊華合種瓊華
島學舞羞爭乳燕輕畫眉未分明蟾老江甸無端劫火紅年
纔錦瑟怨飄蓬桃花那禁廉纖雨柳絮還隨蕩漾風墨池誤
入誠非計歲澗鎖展春風易未遇湘皋解佩人空居湖水銷
金地簾前翠鷓自呼茶門外斑駁慣踏花裳舞銀霓低夜月
帳藏赤鳳豔朝霞蘭因欲締愁無力鞦韆背倚常偷泣情深

未免懸楊絲心苦憑誰問蓮的幸從鴻案結前緣好夢清游
錦洞天琴裏三挑似曾識灣頭一見便相憐識卿心比靈犀
透憐儂骨出飛龍瘦坐彈箏柱儻行行眠繫囊紗呼扣扣荳
蔻花濃芍藥嬌春寒度盡可憐宵身如共捏黃泥化恨不能
填碧海遙儘有同心結雙結生憎愛水藍橋絕駿馬安能換
便來杜鵑枉自嗚空切溝水東西悵別離相思紅豆寄遲遲
夢回衾枕初寒夜腸斷簾櫳暮雨時千里春風報花靄劉郎
正訪天臺景偶聽當筵捉搦歌難戶擁袖娉婷影幾度含顰
自送迎幾回私語不分明爲雲峽口原無意化石山頭別有
情手把魚書淚沾臆合懽期杳無消息紅粉飄零祇自悲黃
衫游俠何須覓願仿文簫聘彩鸞衷情一訴一心酸也知火

丁十

集詩

十三

金陵叢書
蔣氏校印

宅離非易但得慈航渡不難詩豪果是司香尉一諾尊前使
人慰寸札能聯鬪臂盟百金憐用纏頭費幾載拋珠珠淚盈
今朝珠又掌中擎待看夫婿封侯相喜聽耶孃喚女聲脫兔
方成囊底智驚鴻倏展天邊翅遂使團樂繡屋春永辭歌舞
叢臺地艇子搖搖江上來好花早作並頭開重完二等金釭
豔共拂三年玉鏡埃雙宿雙飛向何處海陵擇箇雙棲樹楊
枝放得正韶年桃葉迎來是佳遇從此心香寶鴨溫生天生
地不忘恩語兒鄉好應添寵定子筵高憶斷魂新月灣灣照
吳水與君短櫂閩門倚五載重逢古押衙一杯相對嬌羅綺
是時銀漢迴橫波秋近雙星欲渡河金粟園邊剛照影玉釵
燈畔正聞歌歌闌酒畔從頭說人生信有子飛樂由來紅葉

作媒良那復青樓都命薄就中根觸溼羅襟空谷幽蘭思不
禁作蛹春蠶徒自老隨鴉彩鳳待誰尋我竊因之寄惆悵天
涯從此飄零樣回首秦淮擲笛時傷心吳市吹簫狀多少明
珠竟暗投飛花歷劫付浮漚絕勝墮落難歸櫓不盡淒涼等
墜樓爲君更把金輪咒綠章連夜通明奏避風臺好縱難容
離恨天高終有漏一曲翻成贈阿蠻琵琶重唱念家山寄言
珠戶探珠客莫使珠殘竟不還

南唐樂府并序

南唐甌缺一隅牒傳三世鶯花小劫金粉零叢論者第等諸
溝宮之下國執樞之降王而已然而金塗建塿莽莽泉雄摩
訶闢地陰陰莫氣李氏擬之殆無愧色所惜婦人釀酒拓地

丁十

集詩

十四

金陵叢書
蔣氏校印

無愁銜璧把茅箋天有恨雖臥榻難容鮑睡而長江已被人
量碧餘天水衫痕白是澄心畫幘涉自抱雞寶座飛鯉重溟
密糖之佳譏方終玉李之旁枝再續鼓鐘在御深宮喧彩鳳
之佳期弧矢無靈前殿值貪狼之星宿未慄色荒之戒遂貽
肉袒之差觀於納幣僅稱唐國入宮潛祀張仙望皖公山色
以回頭聽石城水聲而洗而亡同邸祀能勿悲耶嗟嗟可憐
歌舞想瓊華璧月以猶新依樣胡盧弔燕子春燈而如夢敢
檢茂倩之解藉衍鐵崖之吟

延賓亭

卅六英雄草間起黑雲長劍去如駛山光寺裏臉頭顛義子
今朝作天子天子大啟延賓亭黃金布席列輻輳酌酒爲賓

壽置驛思賓停意欲拔麟一毛攬鳳一翎豈知中原梟獍苦
未息麟鳳安得充門庭君不見白雲深處披漁獲拍手自唱
藍采和風雨揭屋爲爾歌網羅不及柰爾何

青陽公

青陽公爾何不衣錦還鄉爲老農而乃視事華堂中頽然如
癡復如聾鐵筋撥火火不紅少年從我思戡亂鳳皇臺古文
章爛晚歲倏起不軌謀已戴冠兮冀戴旒旣騎馬兮馳騎牛
九華之山應蒙羞俗說國老能當十萬兵那知鼓舌如簧鳴
莫敖恣睢縊荒谷漫笑園宗享奇福別有鍾山散髮人自營
臺榭終其身桃花流水常千春

泥金帶

十一 蔡詩

十五

金陵遺書
蔣氏校印

送君泥金帶爲君題新詩便是神仙語不作人間諛墓詞清
才自詡龍門李入末捻酸亦可喜萬錢日費不知貧恩錫頻
頒拜嘉止公孫開閣履聲粲粲夏侯垂簾妓衣翩翩甌八
尺羊燈燦清歌妙舞相凌亂紅羅一角梅花飛曲子相公在
宮幃郵亭雪絮迷芳草有人只唱春光好

綠耳梯

百花燦爛深宮開銀屏繡戶迴樓臺鈴索沈沈日當午綠耳
梯從花下來鴛鴦湖冷秋風急人間金盃魚膏息刺桐重發
映簾鉤鴛鴦何處尋行迹月子何團圓照愁復照歡玉階刻
襪露珠溥漏沈銅箭聲漫漫笑煞儒生議婚禮用樂當賦鳩
關關六轡如琴何堪彈嗚呼綠耳之梯真可憐高不能登清

流關上之青天深不能臨蘆子北邊之鳴泉自從檀來一破
昏塵煙將星斗大落如液誰弔龍駒千里電

凌波軍

菰蒲獵獵生柔荑龍編鳳翔張水嬉簫鼓鳴兮握旌旗弄潮
不數錢塘兒前軍後軍衝而走桃印榴環猶在手左軍右軍
紛相逐艾鮓角黍不果腹更有中軍試一揮兩行紅粉粲然
回南人善泗古莫比糊甲何須藉白紙三丁抽一苦未已江
頭報縮黃花水

念家山

龍香撥紫檀槽東西鷓鴣吻蟾輝高花蚪曉喚扶桑起當筵絃
管猶噉嚼月府霓裳傳舊譜羯塵動地股髀鼓可憐蜀棧碎

丁十 蔡詩

十六

金陵遺書
蔣氏校印

鈴聲流到江南作爲語高訴聲聲公莫渡低訴聲聲公莫舞
繁絃促節那堪聞黃金已納中原土雨潺湲春闌珊樓上玉
笙吹薄寒落花飛去何時還衣帶一條填不乾

錦洞天

繡榜雲霞懸高標錦洞天中有鸞眼活潑之古硯魚藻喋啜
之華牋插架琳琅森萬卷金蓮瑤籤日千編保儀玉容佩荷
囊翹軒寶帶龍涎香蒼篆璘彬集姬孔珠襦鬱律搜鍾王喧
應甲馬紛蹂躪百丈瓊樓燦紅燼誰向昆明問劫灰蠶魚身
共芸編殉珍玩如山不救貧運去呵護無鬼神何如女冠耿
先生烏爪燒取羹壤銀開寶內庫猶光瑩

沃囚燈

青龍山下停駕與校獵親頒金僕姑還歸大理錄囚徒一燈
熒然如豆無朝決一囚囚願而哭莫決一囚囚願而笑問囚
何能然長命之燈相照耀南油西漆紅葩接中含千家萬家
血顛倒重煩羸羸手有錢則生無則絕從來北寺之獄不可
與李貓持議世所稱閹人弄權日養騰菩薩低眉悲不勝吁
嗟乎決囚籠

昇元閣

昇元閣下江千尺朝日晨霞絕石壁闌若干層動輿造粥鼓
齋魚說折倒戴僧伽帽披袈裟紅羅銷金豔于花黃龍入道
何天斜珠圍翠繞闍黎家生平養僧如養士執銳披堅甘效
死青陽揭鉢鬼母逃撲殺數千好佛子登城周麾長老伏聲

十七
金陵遺書
蔣氏校印

聲救苦愁雲盡來日大難守陣皆哭酒禿酒禿

蹲洲虎

四十萬眾虎蹲洲罡風吹水水倒流油機縱火飛紅蚪焦頭
爛額聲啾啾金紫大夫稱鐵漢一時只有劉仁贖結櫻赴難
來中途此日應誇深眼朱人言曹彬傳檄江南日不殺一人
功已畢試看虎蹲洲草碧血游燐聚多少蚶蛟磯寒潮生
樂官山荒月明漆燈黯淡無佳城風裳水佩來精靈飄流一
卷江南錄白髮孤臣自北征

五律

秋日游雞鳴寺

樓臺聳碧岑迢遞起秋陰鈴語入禪定湖光空鳥心柳殘餘

豈驚菊小漸胎金後苑飄何在荒烟獨自尋

田家

春風幾日吹綠上桑田犢鼻一時把鳩聲何處邊泥香新
筍進山吼亂松連茅屋東頭去依依生午煙

靈谷寺

古刹藏幽綠微茫路不分松門颺窻雨花翻雉曉雲殿迴梁
皆甃僧多飯有薰憑高一舒嘯春老帝王墳

九日過永慶寺訪慧果上人

出門何所適秋思日來深不意逢佳節因之訪道林青山森
兩骨紅葉醉霜心復值影堂坐妙香清可吟

出太平門

十八
金陵遺書
蔣氏校印

倦眼看秋色鄉關息鼓聲人煙出村遠雁語下湖低黃葉喧

流水青山飲斷霓浮生幾兩展吟徧夕陽西

東園晚步

溼翠收不盡散爲烟滿隄市聲喧亂展城影截殘霓風定蟬
移樹湖生瀨上谿菰蒲催獵獵林表月丸迷

水檻

小築青溪上春波拍岸生漁艇人喚渡燕戶柳吹晴月瘦初
窺岫霞高欲燒城誰家橫短笛復此據牀聲

秋霖

秋霖不可絕鎖日閉柴關茶夢滄將夕書聲雲與闌螢光昏
照水鴉點磬沈山庭桂有香意清尊誰往還

春日郊行

路出長千里錫簫雨後圓綠蕪帶春郭紅杏倚晴天魚艇喧
河市蕭箏落墓田僧寮間語古幾處有茶煙

朱大羹香余虹川師之哲嗣也以喉疾遽卒詩以哭之

幾日猶通訊凶音遽告哀病非無藥治死竟費人猜鬱鬱瓊
枝隕森森寶劍摧北堂垂雪鬢某且歸來

心香期畢世恩重念吾師豈料傳經嗣重興屬續悲文成玉
樓日天黯漆燈時苦憶新春節飄零酒一卮

災厲紅羊劫罡風吹不停琴亡廣陵散月犯少微星順境甘
於齊浮生薄似萍遙知九原下悽絕正趨庭

兩世論交久零丁感故吾回頭思負笈掩淚薦生芻向筵不
堪聽陸莊凌已燕相期舊桃李珍重視遺孤

梅雨

昨宵月仰瓦今日水周堂已分廬先做還令硯盡荒書淫緣
病減酒渴得愁強莽莽魚龍氣江天又插秧

亞陶以題隨園圖詩見示根觸舊游率成五律二首

兵燹流離後披圖認小倉梅巢香似海竹蠶翠爲廊壇玷當
年盛樓臺此日荒月明歸古鶴浩劫話興亡

名園續雅集回首夢難成鼓擊催花宴箋傳落葉聲池心悲
寡鶴海角弔長鯨更憶飄蓬客勞勞各遠征

上元邑序與余交最久春秋佳節一應無虛度生工詩賦入
集有八人山月有之佳節一應無虛度生工詩賦入

變姑今通天長生昆仲昔以荷宮子湖口甘訊通思之勉澀然不
可達之

乎

亞陶以詩訊病依韻奉酬

同作京華客艱難困苦辛緇塵衣上滿白髮鏡中新袞袞看
臺省茫茫問鬼神半生何所適得味是清貧

薄寒容易中薑桂且嘗辛書好難忘舊裘良待著新酒疏瓶
任醫花退筆無神何幸逢徐孺論交不厭貧

青谿雜詩

廿四航邊路尋秋載短篷龜魚蘆港月鳧雁柳汀風岸斷浮
梁淺潮平別澗通那堪歌舞地金粉弔荒叢

江鄉富煙月繞郭水泠泠園總名依綠亭曾建割青樓臺沐
初雨簫鼓鬧春星憶絕天然畫芙蓉十里屏

舊步傳邀笛高風晉代留青山人讀畫紅雨屋如舟古趣若
爲接清歌還自謾不關鄰宅聽搖落渡江愁

玉樹歌殘日旌旗水榭屯麗都原誤國專闢亦驕恩石色經
脂澆潮痕粉淚昏洞簫銀盃在翦紙弔香魂

何年江總持卜築在河慶高柳聽鷓鴣館晴莎射鴨陂鐸沈孤
塢峭樓抱莫鐘遲故址斜陽外誰來載酒卮

一角神叢影河橋近水西珮環新月冷眉黛遠山齊綠舫魚
吹雪紅梁燕壘泥老郎誰並祀未免奪鸞篋

池沼菱蒲外乾元紀放生疏燈新酒市殘堞古春城碑雨延
蝸篆潭雲壓燕聲寒泉不可薦秋色滿江蘅

綠水帶長橋依然舊綺寮翠簾春命酒紅燭夜吹簫梅子鳩

啼雨蘆花懶趁潮教坊碑已沒煙草莽蕭蕭

桃花半山寺九曲湖靈湫苔氣溼當檻松聲寒上樓冷雲侵

石磴殘雪化銅溝宮殿前朝圯潺湲鏡日流

小住圓詩夢龍標昔隱居爐香三徑冷茶話一編徐雁鴈抱

霜健蛟響映月虛菲亭連藥院何處覓精廬

五言排律

諫壁丙辰

又作辭家客行滕復此停關河雙鬢白鴻雁暮天青江月寒

人影秋風落將星浮生原若夢未敢怨飄零

重過丹陽

路出丹陽郭寒雲天四垂川原都改色節鼓尙含悲野哭添

丁一 蘇詩

二十二

金陵雜書 蔣氏校印

新鬼荒年斷晚炊孤城如斗大一角係安危

題丹陽魏樹人望紅薇吟謝詩集

耳熟練湖盛霜晴蠟屐來偶驚高士臥相對小軒開乙卯季秋

符通訪道高臥北窗心冰雪新詩卷煙波舊釣臺一竿如許

遂長共話深杯

十丈紅薇館吟懷得氣清書巢隨蠹老水國訂鷗盟風月閒

尋夢江山苦用兵石城雲影黯根觸不勝情

謁卞忠貞公墓四十韻

龍化傳東鷺天摧社稷臣一坏莫叔血千古冶城春淚爲杯

前墮樵嚴壙上邊聞名思起懦弔古編成仁在昔憂危日偏

逢板蕩辰闌臺盡令譽蓮幕重儒紳宇秀青雲器材儲赤水

珍鵬鯁腹渤澥賦驥展軒轅早歲嗟行役維揚協用賓禮剛

因穆設情已報劉陳芝紫終襄運鳳黃迥絕倫芸編勤侍講

蒞膳見生噴鬱鬱匡時畧悽悽願命身死邱期正首攀檻願

批鱗薄俗懲揮塵高談鄙岸巾直管操董筆醉豈飲曹醇獨

有鷓鴣類難如燕雀馴負嵎留隱患召亂自庸人恨削溫生

廣空汗庾相塵險原憂銜鹿謠竟驗賁鶉烽火驚宮寢旌旗

耀水濱壓營低黑皆熏燧走紅燐拜闕辭雙檠登車挽六鈞

觸邪來辨多鬥力仗麒麟氣銳軍非債創含數不振紆籌曾

輾轉蹈刃肯遠巡箕尾騎何速旄頭落更頻握拳深透爪嚼

齒碎穿齧慷慨倍鍾雅優游恥賀循壯懷欣報國弱息痛隨

親詎愧歸元軫應符効節荀魂招螻蟻穴衣葬鳳凰闥嚴石

丁十 蘇詩

二十二

金陵雜書 蔣氏校印

銷烽炬霜叢委箭筠崇封餘馬鬣論祭少牛鄰勝代修遺廟

熙朝勒壽珉桐枝繁後裔菊盡肅明禋青骨藏猶在丹心矢

未泯靈寢依藥院拜履藉花茵颯爽風聲健蒼茫月魄淪晉

陵何處是石獸莽荒榛

七律

讀任階平師清芬樓雜著

眼目親書烟似秋天光雲影溯源流萬言稽古嗾陳說一字

爲師費苦搜戴席久教垂士範莊襟真可歷風流三冬媿共

游楊立零落心香只自收

矢硯偶成

權把冬烘一例看非春也自凍消完冰心益分隨時泐塵面

何妨任唾乾墨守光陰灰滅易石耕生計火攻難頻年那用
穿酒鐵熱血因人便不寒

壬寅長夏感事十五首

萬里烽煙煽舳艫滄田誰種葉芽粗蛟涎慣射含沙弩魚腹
空排亂石圖明詔幾頌青曲蓋前鋒枉號黑雲都最傷三載
長鯨吼破浪乘風一士無

蜃樓祗傍鳳麟洲多事宏羊握算籌錦鬪不緣鮫室貢水衡
卻付狗奴收狼貪法久忘三尺鳩毒謀深徧九州離照也曾
垂國禁不堪述職是諸侯

宣室欣聞策治安千秋恩遇擬登壇能驅逆鏢先飛檄詎鈞
靈鼈妄下竿爵博蒲萄羞自獻謗興蕙苴弭原難龍沙莫漫

丁十 蔡詩

二十三

金陵遺書
蔣氏校印

吟明月天下蒼生淚未乾

長指橫刀一世雄枉誇才氣壓江東河湟坐失章舉策風雪

偏慳李愬功門志安能驅檻獸軍威空使化沙蟲結纓任博

烝嘗典聖世恩深自教忠

秋風瓠子警宣房建節旋聞賜上方燕寢香常凝畫戟龍門

險未扼金隄車飛霹靂連營亂冰合潯沱夜渡忙甘遜姚崇

矜遠畧彎弓獨自挂扶桑

奴隸由來訥衛青首倡和議小朝廷書通橘絮成奸黨堂伏

桃枝落將星夢入紅羊生浩劫潮回白馬哭羣靈醇醪誰學

曹參飲一著安危問未經

曠騎喧傳下紫霄臨軒親策兩嫖姚節樓踐席官寶印荒冢

摸金士振鏹月滿蠻船圍繡被花濃鶴市醉瓊簫雅歌那見
陳師誓幾輩無端翠羽翹

獸蹄鳥跡躡中華錦繡江城聚夜叉錫爵黃巾來鹵簿宜淫
黑皆徧空鑿澆螢無力河難挽待兔空嗟日又斜苦煞籌邊
檄道濟可憐扶病尙量沙

五夜星沈颯火光電頭天寇一身當拊膺有淚悲諸將披髮
何辜叫大荒自信鯨封高可築那知鼠輩嚇先藏拓蓮臺畔
楊無敵飲恨千秋血戰場

沿路烏飛楚幕空丹陽樓堞圻長虹渠暗撤層閣禦木柿
盧傳半渡功縱鶴幾衝雲氣黑然犀深照血波紅藥欄雅詠
無消息想見窮途哭阮公

丁十 蔡詩

二十四

金陵遺書
蔣氏校印

擊擊宮奇亂播遷頻凋城郭萬家烟弁矛購賊喘張敞銜壁

迎師陋魯連當道豺狼憎免賦希榮雞鷲苦書捐誰知魏絳

歌鐘賜桐鼓虛傳策十全

咫尺風雲細柳營牙旗高颯靜無聲船連陶侃嗟沈粟囊聚

岑彭笑守城毀館競傳開馬路割繻偏說詰雞鳴于思羞對

徒胥坐且聽笙歌當壓驚

吹螺擊鼓會旌旄芟艸誰教拔佩刀鏹頰登壇皆闕虎冒彩

撤殿等飛猱玉函竟賺芝泥采金穴難填葑屋膏孤負地形

成扼險黃天古蕩吼秋濤

六朝荆棘泣銅駝樹得降幡便凱歌重幣全輸新府廢寸金

已割舊山河呼公羅拜無回紇稱帝梟雄有尉佗城下一盟

真鑄錯翻誇談笑却干戈

依然澄鏡十洲開一卷周官罷理財為聽鼓鼙思將勇誰歌

板蕩識臣哀澆殘熱酒青燐化釀就新涼白雁來回首東南

憂不細安危須慎築金臺

贈吳丈蓋山

雲龍會坐仰風儀酒渴詩狂俗頓醫經術真能摧五鹿笑談

何止卻千飛輓紅作客餘鄉夢慘綠看人感髮絲至竟香名

兼慧業榮榮大集冠當時詩別始堂

露脚斜飛下九重前身斧桂說奇蹤山河絕界搜灰燼羅綺

嬌春醒夢濃草草名場秦氏鹿樓樓幕府葉公龍瀉溪此去

無多路日盼瑤華字幾封君著漢書地

除夕有持兩當軒詩求售者漏隨卷盡因墨其後

君年卅六便騎鯨我到君年也自驚磨蝎命宮從古定登龍

聲價待誰評三生金榜無羅隱一夢蓉城有曼卿手把琅玕

敲欲碎榻來悔作鳳鸞鳴

壽大湘帆春闈獲售與館選喜而卻寄

十年紅雨夢江潯一日青雲集上林螢案光陰爭尺璧龍門

聲價重泥金杏園走馬開華宴蓬巷彈冠感素心到底翹材

需藝苑出頭枝好便千尋

才華絕代媿枚臯射策遙知吐氣豪我輩冰銜原不讓何人

彩筆更同鑿春深瀛海看鼉抃日煖梧桐起鳳毛第一著書

心事遂目窮東觀快焚膏

哭林二仲字

木樨香近痛歸期可是修文暫別離錦障誰將琪瑛飾竹花

不教鳳凰飢才懷白璧原多罪魂上青天許問奇慘絕菟孤

謀似續雁行遙囑涕交頤

白門二妙集題詞

顧丈秋碧槐三張丈子游樂夾淮水而居以詩鳴顧丈子

一見之獲視其然松閣集張丈則予不及見所著青溪艸

堂集僅得諸借閱傳鈔而已顧熟精選理集中賦居半老

去細律未登也張作雖少力敵盛唐兩丈者其後嗣皆不

愛紙筆擬編為二妙集合梓之而先弁以墨

豪華結客少年場肥遯潛蹤避世牆花月三生供杜牧煙雲

萬卷積朱昂龍泉苔鏽都成血鸞鏡菱開直到霜二百年來

論著作寥寥此集重琳瑯

風流真似六朝人絕代才華誤此身落筆便成驚蟻蝶蜚聲

不比檣麒麟麝經秋老香逾烈龍解雲騰性肯馴我欲箋天

聊寫恨好花墮酒究何因

笙簫曾迓紫霞仙王叔也各賦卜所延紫雲前世事但和人詩盈寸

許窮到能工劇可憐白帖自宜隨聖貯唐瓢或恐逐波旋現

身莖艸留非易披腹琅玕摘更妍試看風雲鬪雙管熊熊光

饒尚摩天

亞陶招集環翠軒賞菊卽次潘星齋先生見贈元韻

長安居久識辛鹹又見黃花出短鏡九月光陰宜酒債一堂

人影聚秋銜是日座友玲瓏畫格分明認綺麗詩懷取次芟

領畧淡交心似水何妨朝市作林巖

那得寒齏況味鹹十年孤負白雲鏡生涯合讓花農富宦境

真慚麴部銜此日棘籬聊共賞舊時蕪徑問誰芟與君共話

還鄉夢一夕歸心滿翠巖

病起口占再疊前韻

大苦回牙辨味鹹養生何處覓苔鏡窗燈明滅聞鴉噪書卷

殘叢看鼠銜多難飄蓬終若寄間愁滋蔓待全芟梅瓶菜甕

尋常事何日誅茅白下巖

聞亞陶亦病詩以代東再疊前韻

乍驚臙裡蹴蔬鹹冷卻梅花月半鏡人笑凍窗蠅怕出地思

靈艸鹿能銜支離鶴骨身原瘦歷亂牛毛事且芟識得真吾

仍炯在春回枯木徧寒巖

冬日書懷仍疊前韻

卅年茶苦雜齏鹹悔向青山未荷鏡事業羞登酷吏傳姓名

擬署懶人銜勞生泡影何須計綺語風懷已盡芟願得杜陵

千萬度不爭佛界與仙巖

紫茄白苧說分鏡可奈荒園草未芟九陌車塵無且暮一挑

水味有甜鹹唐花壓架看人送魯酒盈杯任我銜回首鄉關

倍惆悵瑯嬛灰盡好書巖

可堪反哺學烏銜孤露分明木倚巖生事常謀乞米帖閒愁

任費種花鏡能還渾沌天何醉肯受煎熬海自鹹塵絆既櫻

途尚遠鏡中且把髮毛芟

清吟何幸過千巖散帚藏來欲借芟驥伏久教經坂拆鴻飛

爭奈共蘆銜煙雲身世隨舒卷冰雪心胸耐刻鏡漫語幡然

應失笑此生合咬菜根鹹廣文不

亞陶同有悔不作廣文語賦詩見答因畧述其苦樂之況

自入春明嗜好芟恐他造物費雕鐫風襲雪虐塵都穢米老

煤爇井半鹹盤獻五辛爭赴市假都門于市飲多書藏二酉孰搜

嚴善本甚頻年碌碌成何事真似轅駒笑壓銜

高寒一樣是冰銜能把勞形案牘芟早韭晚菘親健飯名花

好竹僕攜鏡書中仙蠶應多壽門下脩羊不碍鹹更喜鱸堂

清似水南山避畫石巖巖

新柳

托根便比百花尊春影離離白下門第一東風教舞態初三

纖月畫眉痕未容繫馬臨官路纔有曉鶯向水村薄煖輕寒

經不得縹來愁思已消魂

爭得江梅共占先盈腔離緒便纏綿經風擔雨都如夢轉綠

回黃且聽天帘外市聲催日煖窗前人影隔波妍光陰彈指

清明近尙學春蠶起復眠

風翦裁量認未真巧隨花樣謝陳陳秋千庭院高低影樓閣

仙山淺淡皺窺鏡也知猶綠髮染衣生恐誤緇塵願將一滴

蓮臺露莫洒浮萍作幻身

種向琅邪亦寡儔芳心搖蕩竟難收棗花簾軟歌金縷杏子

一一 蘇詩 二二七 金陵叢書 蔣氏校印

一一 蘇詩 二二八 金陵叢書 蔣氏校印

衫輕倚畫樓放眼何人常可對折腰生小不能柔鴉青鴨綠
看如許取次成陰覆御溝

爲吳九帆題畫美人

畫中人是鏡中身空際飛花劫後塵錦瑟年華悲逝水瑤臺
舊夢憶殘春鏡來鸞翻猶餘彩生作蛾眉便不辰今日倚門
翰刺繡任他平視到劉楨

霧鬢風鬟下九重汝南灣裏寄芳蹤枇杷門爲傷春閉荳蔻
胎羞待月逢往事花枝銜野鹿新愁藥店唱飛龍等閒雲雨
消除過腸斷巫山十二峰

家山舞破白霓裳鼙鼓聲催墮馬妝紅豆相思千種恨黃花
時候一天霜蓬頭幾輩隨鷓鴣化竹實而今禁風管儘有高軒

一十 藥詩

二十九

金陵遺書
一將氏校印

容寫韻珠璣盈手太情傷

碧玉而今已阿婆相逢重賦悽儂歌飄零各作沾泥絮辛苦
同牽補屋蘿漆室有時憂患遠參星從古別離多江流慣照
寒梅影一樹灣灣可奈何

圖山關

十年前鎖戰雲稠鐵塞銅關水上漚東去江聲歸海盡西來
烽火燭天愁航燒朱雀家千里杯落青山地數州細柳新蒲
無限綠且隨野老哭江頭

丁巳新正泊胥江

客裏新年思不禁蓬窗擁被自孤吟燒燈門巷煙花溢溼雪
樓臺爆竹瘖驥伏漸消豪士氣鴻馨難遣故園心梅開鄧尉

無多路夢裏衝寒試一尋

題蕪湖繆可齋 昔遊補咏詩稿

新詩如展臥遊圖擊劍高歌興不孤春夢半生消竹馬鄉愁
一例付尊鱸厭聞鼙鼓心俱淡閒看棋枰淚易枯別有懷人
難道慰河山滿目過黃墟

二十年前住板橋知君紅燭教吹簫己亥庚子間君來白下

得余讀之以爲未地當劫火燐先兆之壬子夏來淮陰見遊衣染緇塵

鬢易凋歷歷雪鴻猶可記荒荒雲狗太無聊何時同返江頭

權重問旗亭覓柳條柳近則盡成瓦礫矣改同

喜澄之至都門 丁卯

飄然重泛海天查北地風高日易斜舊友存如經刈草才人

丁十 藥詩

三十

金陵遺書
一將氏校印

老作後開花擬斟苦酒澆離緒且撥寒灰語夢華我是羈隸

君旅雁者回相見倍咨嗟

霍然病已握談綫難得天涯笑口開時事浮雲蒼狗變伊人
空谷白駒來豪情勃勃猶存舌醜態巖巖各上顯五十功名
未爲晚黃金咫尺有高臺

澄之以團扇索書感賦次端木子疇韻

開爐已了簾重更又見宮紈照眼明入夢忽疑江月近障人
何限市塵生未容棄篋難辭瘁爭說題橋舊有聲翠綠風前
同徙倚鷗波苦憶畫舫橫

七絕

秋曉

柳梢殘月帶棲鴉自蘸泥
鑪淪井華風露娟娟蛩語寂一籬
紅穗豆垂花

讀金源諸家詩

輓金杯子瘦金書家法宣和祕本儲天上樓臺春似海楊花
一曲捲簾初章宗

一片閒雲畫裏身如菴瀟酒絕風塵誰知金紫王孫貴枯木
寒灰自寫真密璠

秋風吹鬢感登臺豈料圖書起禍胎泣血孤臣家萬里節旄
落盡不歸來宇文虛中

村齋寥落憶平生一髮青山莫靄橫鄉夢自南人自北竹溪
終遜稼軒名完懷英

丁十 蔡詩

三十一

金陵遺書 蔣氏校印

沙邊涼雁叫霜青月滿滄洲滯使星舊日桃花紅入夢夕陽
一角峭靄亭張翥

閒閒堂裏策吟筇經濟文章仰大宗春水圍鷄秋射鹿昇平
鼓吹度雍容趙秉文

煙霞仙骨渺塵寰歸去黃花有故山四十雙田流碧玉夕陽
樓上寫潺湲王庭筠

摩空彩筆萬花蒸壁上光芒寶鑑騰別有幽懷無處著山深
月落鬼吹燈麻九疇

博洽真堪號雅才月光皎皎雪皚皚野狐多少通禪悅不是
金仙脫後來李純甫

佳處真疑白樂天高懷恬淡入秋先巡檐笑指梅花句最不

分明錦瑟絃王若虛

襍雜鶴步釣臺偏詩骨裁花豔錦箋都尉鴛鴦真嗣響空侯
一節一纏綿王惲

冒雨游山與太孤吟成秋影半模糊拖泥帶水君休笑少箇
人傳笠展圖劉昂

鄉學河汾品孰齊未應麻段判高低王官谷裏松枝管麟閣
功勳一再題麻革

絕代才名野史編雄奇浩瀚更無前雪香亭畔花如血愁煞
青衫拜杜鵑元好問

和吳丈九帆東園雜憶詩二十首
讀詩恍惚釣遊時何安青楊繫夢思記得柴門斜啟處鳴榔

丁十 蔡詩

三十一

金陵遺書 蔣氏校印

西畔出桃枝余居白種巷
節霞高閣說瓏玲物換星移勝涼萍爲有塘名留玩水波光

猶作六朝青玩水閣故址今尚存
萬卷居然抵百城小樓一座擁諸生汪倫別後朱昂老絕少

書聲只梵聲後文昌閣爲林子文書聲讀經于此
游蹤爭數萬花園每到春來日影喧暢好茶寮兼酒肆繡毬

如雪鳥能言以萬花園在苑家橋側
雙橋壓水鏡涵初一塔凌空筆卓如不道玉京清閣地寒鴉

衰柳日蕭疏故京仙館陳容國先生宅中軒名以多種美于
莫問青溪舊草堂畫師老去最堪傷珍藏賴有零縑在峭壁

青猿飲練光吳李侯名思比善童名時入畫乘家之有青

朱藤一架裏春風小院蜂聲日影烘懊惱無情瓜蔓水空餘

落砌繞荒叢一本是傳為手植以類為前水吳居守人別故為新朱矣

深深晴雪壓荒陸一半新年過未曾明月滿街聞鼓吹長生

祠裏看燒燈長生祠元為張家舊廟

枕郭青山似畫張粉牆一帶對魚莊小樓聽徹連宵雨舞色

吹紅上海棠業毛丈晚開老海

茉莉圍頭地少偏東風煖入菜花天此間塗抹多魑魅沿路

逢人叫吃煙菜外鄉人失路往門者其謂女鬼子

楊枝老去又楊絲青漆門關似昔時不是浣紗過溪畔小姑

居處甚人知居女校書楊玉香揚小舞皆

鼠姑開放氣清和到處尋花蜂蝶多第一幽軒名靜樂旗槍

新樣點松蘿所辦藥軒向本劉春池燬于火春池即隨園

夕陽高柳暮悄悄隄上茶蘼響屐臨千盃香燈如柳比花枝

齊拜石觀音石觀音坐在井上候相傳其六月即顯后化蟬觀音

毘盧佛閣峙崔巍鯨吼疏鐘莫霧催微雨林塘紅蓼瘦幾經

著展訪碑回僧慧淨寺後求放之生池不得中有額公本傳於臨江帶郭寺

西風白菊花張國香時日所稱花杜景張畫是也

小小張園尙賣茶短牆屈曲接籬笆荒畦寂寞蛩聲瘦開老

一痕乾雪鷺鷥飛霜後蘆花影不肥幾個盆船任飄泊五更

寒縛大魚歸國戶入歸夜盤為魚

苑家橋枕小溪流月子團團夜轉幽運迤長隄紅袖影瓜棚

豆架笑摸秋俗苑家橋女橋以摸得瓜豆謂者得子飯往是中秋也

普照禪林紫竹排伊蒲精潔繫人懷臘終尙想兒時事錦鬢

雙了看打齋普照庵僧以善治蔬筍

青燈小課破無寥零落唐求手一瓢莫歎隙駒容易過如來

金粟也煙銷自西米知得來者米佛子說今見之長圓相識太監鄭具和

今時已

徙宅青溪歷幾春窺園時復逐游塵細思花柳都陳迹只有

鐘山是主人似余舊宅東上

同治乙丑九月過徐亞陶實謙比部環翠軒看菊即次元韻

自種黃花愜素心圖書四壁寄致音疏籬編就高人宅漫說

秋光底處尋丁十 蘇詩 三十四 金陵叢書 蔣氏校印

高下盆瓶列坐環浮生半日喜偷閒尊前觸我還鄉思夢入

雞鳴埭後山

冷金寒翠畫秋晴霜月輝娟分外清知有延齡甘谷水幾回

倒屣費相迎亞陶工書

閉門風雨獨吟詩寥落琴書世少知十丈輕塵客吏隱何曾

高淡不宜時

以生鳴贈亞陶亞陶賦詩道謝依韻奉酬

題鳳才高孰與陪塗鴉字醜謬相推亞陶詩獨翻勞盈手珠璣

贈信是同岑說異苦

全家逸汎歷星霜又見甘瓜賣路傍讀罷君詩倍惆悵藕花

菰葉夢林塘金陵東園十六景鴨門新成其一也余嘗作桃東

句枝之

亞陶以琴言室圖屬題卷中著墨都滿即次元韻

一山山虛復水深寥寥襟抱證同心半生自詡中郎聽又遇

人間囊下音

彈鉄吹竽苦未諳自將古調靜中參勸君妙領無絃趣且共

窗雞作夜談

題孫澄之吳淞歸權圖庚申閏三月時將由

秋來何處杜鵑聲畫出煙波百感生一樣青山紅樹裏人家

依舊水邊城

鎮日思歸未得歸浮家終似斷蓬飛晚菘早韭嘗來慣定覺

丁十 蔡詩

三十五

金陵遺書 蔣氏校印

鱸魚味不肥

他鄉當作故鄉看六代江山血未乾我是孤鴻還北去涼風

天末不勝寒

讀金人詩補

生來仙骨自珊珊尺五雲天放眼寬知有蕭樓心學在紅燈

如穗夜窗寒耶律履

主司張鄒詔聲華第一科名數孟家雪燭底須成識語有人

尙不識琵琶孟宗獻

蜀棧秦川行路難瓣香海岳接詞壇南朝千古傷心淚都似

秋溝捲不乾吳汝

圖書東觀鮑聲華綺歲驚人賦菊花修竹千竿荷十畝江邨

好句答殘霞蘇廷

苦學涪翁亦擅場羞將脂粉鬪時妝木樨別有聲聞諦不是

華光筆底香劉仲伊

白簡風生獬豸冠堂堂直節古松寒清尊北海餘豪氣豈獨

才名壓建安雷淵

螭吻簪筆鮑荷囊花滿蓬瀛酒滿觴聽水聽風歌一曲瑤光

樓上月如霜趙溫

馬瘦長途雪不溫雲斤月斧鑿天根斷崖千古無人到獨立

蒼茫賦曉痕鄧權

門第金吾響玉珂掀髯一笑富吟哦風雲氣概思從獵彷彿

天山勒勒歌李獻能

一十 蔡詩

三十六

金陵遺書 蔣氏校印

信陵墳上莽塵沙碑礪澆來岸嶺斜惟有秦聲聽不得行行

清怨入秋笳雷淵

高隱嵩山抗倭佳機心久息枯禱篇碧雲日暮人千里零落

霓裳幾散仙李俊民

讀元人詩

運翹飛龍振八鸞扶桑日出鑄金鑿漫同劍閣倉皇去聳翠

流丹詔大觀文宗

莓苔日莫廟蒼煙空谷真堪著隱仙月色書堂清似水亭亭

寫影入青蓮劉因

小集桐江具雅裁山空一榻雨聲催若從平易論天趣豈自

瀛奎律髓來方回

楮衾紈扇佛同龕
縹緲松風入夢酣
萬里江湖雙鬢白
春生紅豆又江南

蘇東元

朝元手把玉芙蓉
獨宿瑤臺好夢濃
擬向蘇臺聽長嘯
天風林影盪心胸

王偉

抱膝思爲梁甫吟
草廬花落畫橫槽
石頭城下飛雲起
目斷蕭蕭楓樹林

吳澄

燕南芳草綠如絲
鼓角金臺入望時
明月關山春寂寂
更無人解落花詩

劉經

王孫彩筆廢蘭闌
熏綠酒金尊白練裙
一片湖山天水碧
那堪重弔岳將軍

趙孟頫

榴花紅上粵王城
閩海煙雲百感生
憶絕蒼山池館靜
水螢

丁十

蘇詩

三十七

金陵遺書
蘇氏校印

照雨竹間明

范梈

桃枝盡勝瑣窗寒
曼碩清思秀可餐
史館高華簪筆坐
金鈴滿地菊花殘

楊炎新

青城山下夢歸遲
聽雨空江有所思
紅杏酒帘黃葉權
繁愁都在翦燈時

虞集

皇都垂柳半嗁公
舞雪初消馬足輕
尺五青天奇可問
只緣身已到蓬瀛

楊載

春風病倚綠窗櫺
綺語撩人不厭聽
十幅蒲帆江上路
橫吹紫竹太龍玲

羅邴

鳳麟洲遠接笙簧
天與龍梭織錦裳
古硯自攜尊酒畔
園林春半洗梨妝

宋元

獨石龍祠幾擔簦
才長諷諭大夫能
潁州老與新鄉媪
大有呻吟似少陵

趙賈

淵穎才名感慨多
長驚擬賦碩人薏
中流擊楫誰相問
風雨連江吼白鼉

吳萊

鹿皮冠子任欹斜
閭谷幽棲自一家
莫怪冷雲難手贈
此人語盡煙霞

陳棣

香雪霏霏琢句工
詩才海粟氣如虹
樓臺金碧開圖畫
人在蓬萊第一宮

馮子振

脫手雲煙落素縑
詩名能與畫名兼
鍾嶸神品誰參得
淡裏工夫水著鹽

柯九思

清閨雲林帶古春
高梧百尺洗纖塵
月明獨抱青琴語
藥白

丁十

蘇詩

三十八

金陵遺書
蘇氏校印

繩林此替人

倪瓚

一枝鐵笛老春山
復古功高詎可攀
遺稿茂陵求不得
空留樂府在人間

楊維禎

山中白石煮難溫
丹井尋仙翠壁扞
莫向風塵認蓑笠
梅花清氣滿乾坤

王冕

江左風流集雅才
玉山高處語頻開
宮詞綺麗傳天寶
合向珊瑚架筆來

顧瑛

疏梅瘦竹日蕭蕭
碧血成燐自寂寥
回首天臺山下屋
朝雲都建赤城標

蘇不華

羞仿書生洛下吟
白門新綠又成陰
一般細碎灑京咏
斷壁零珠百納琴

謝宗可

文附

張五姑誄

吾友張子治秋德配黃孺人死於粵寇之亂其五姑赴水以殉時甫十五齡也嗚呼蓮的嬌含便作嚴貞之隕穀音消脫共搜鸞鏡之災天降鞠凶名餘馨烈女圓璧成性華若耀年墨葉晨書偏憐最小絨窗春唾實擅通靈詠絮排肩牽絲待訊乃若萬家烽火碧嘯巢巢一例粲薪紅股鵲血日黯黯以無色波泠泠而自流輕畢鴻毛沈淪魚腹豈不以慈烏既沒斷難隨羅刹而居精衛常填或更甚湘娥飲泣初女之母代其祖母橫受榜慘幾投鼎烹至是祖母與母俱亡生何所念久為卷施拔心死幸同歸豈願萍飄

十一 蘇詩

三十九

金陵叢書 蔣氏校印

再蒂彼童而角其蛻如蟬嗟夫閃閃寶燈苦徹嬰兒之瑣湛湛江水哀吟幼婦之碑女也全節逾芳求屍不得援今鏡昔其殆過之因為誄曰

猗與孝女焯焯華羅此寇氛瓊摧其芽寇之初來浪浪蕩蕩殺人如麻血盈街半窮索狂驅闔室星散女依母不驚不亂俟母俱死志先果斷賊婦猙獰奉母如羊母身醫姑爰受厥創鞭痕飛血天愴無光女也吞聲悽斷肝腸蓬首跣足日炙露宿練屨數合不可以粥母念姑餓思剗其肉引鏡自照恨餘柴骨母為女號女為母哭白髮離離病氣愴悽奄然就逝蓬蒿路迷母職既終母力亦竭執女之手與女永訣猗與孝女焚焚銜哀送母荒郊悲風四來念此危險與母共歷

母尚不免我則莫惜念此強暴恃母而避母今已故我則靡計母命何苦母魂何孤孤苦相依惟死是圖翩然返戶更不回顧河水清深踴身而赴猗與孝女捐生嶄絕雖賦柔質心真屈鐵溯彼淮流曜靈千秋蔣家三妹青溪軌留蘋香薦潔憐粹然幽猗歎孝女倘從之遊

詞附

滿江紅 題小畫山房詩集

天馬行空誰得似者番格律胎息處青蓮餘韻多郎豔什銀海玉樓驅使易一朝頓入陶韋室劇堪憐吟冷廣文耗窮愁日登臨倦豪情溢金石契郵筒密有子荆爽邁快投膠漆我願瓣香呼佛祝君付我生花筆問金丹換骨是何年時

丁十 蘇詩

四一

金陵叢書 蔣氏校印

開映

沁園春 粉黛和亞雅

嫩眼增輝掌上團樂是耶非耶早雲容打疊清光不減雪痕擺脫小樣非差背面綾綉從頭絨絳愛繡鴛鴦睡藕花纖纖手訝晶瑩一色剗地輕搥 妝成不鬥繁華祇瓊屑霏霏點絳霞教玉郎端相重勻嫩盤難髮收起怕洋微瑕女伴邀來芳筵散後濃雪梅梢反蘸些含情處奈嬌娃嫩撲故故嗔他多麗

憶鄉關長江郭外回環鎖招邀湖心打槳依稀數點青山桂子香僧寮秋早桃花笑仙洞春還步履參差嬉遊倦也釵紋秋影夕陽閒渺無際柳陰漁舍總勝畫圖看尋歸櫂千門燈

火不盡雄觀 恨幾回無情烽燧知他風景凋殘勝迹空梅
巖冷落幽賞絕柏寢荒寒撲地閭閻沸天歌吹到今只賸
花灘更何況三年飄泊催我鬢毛斑剛欹枕高城又是孤角
聲酸

水調歌頭 寒夜憶友

潦倒共誰訴前路竟如何那堪稠疊悲淚催我鬢毛蟠拚把
愁城搗破纔共麴生相見豪興已消磨寂寂一燈影冷伴醉
顏酡 頻搔首飄泊恨近來多黯黯魂斷何日重泛楚江波
猛憶故人天畔今夜鐵衾空戀莫也怨蹉跎怕聽風威惡強
自學悲歌

摸魚兒 和重德

一十 樂詩

四十一

一金陵 蘇軾 蘇軾印


鎖相看淚痕難拭天涯同作游子忍教一髮輕離別天意頓
乖人意空自喜賸一寸相思未學春蠶死沾春香市縱紅燭
呼盧綠楊繫馬爭得慰蕉萃 新詞好格調遙追正始長淮
誰是知己挑燈慙姚顰空效悲咽那能如此句恨易正此日
烽煙楚水連吳水角聲又起算舊恨都拋新愁誰訴除是夢
魂裏

荻華堂詩存跋

荻華堂詩存一卷江甯蔡紫函先生著先生名琳癸丑進士
官刑部主事幼穎異自拔孤童之中爲惜陰書院翹材生與
金和亞匏壽昌湘帆孫文川澄之齊名號白門四雋沒後無
子遺編零落僅存此卷然即此卷中五古如喜晴一章用全
洽均硬語盤空韓孟之亞題澄之詩集傷離念亂則杜陵北
征之嗣響也七古如南唐樂府十章網羅一代遺聞雜事足
備詩史五七律亦多中晚唐勝境斷句五言如靈谷寺云松
門颺窻雨花礪雉曉雲東園晚步云風定蟬移樹潮生獺上
溪水檻云月瘦初窺岫霞高欲燒城秋霖云茶夢澹將夕書
聲雲與閒青溪雜詩云鐸沈孤塔峭樓抱暮鐘遲七言如贈
澄之云時事浮雲蒼狗變伊人空谷白駒來關山闕云東去
江聲歸海盡西來烽火燭天愁新柳云放眼何人常可對折
腰生小不能柔冬日書懷云能還渾沌天何醉肯受煎熬海
自鹹窗燈明滅聞雅噪書卷殘叢看鼠銜贈吳丈蓋山云經
術真能摧五鹿笑談何止卻千飛七絕如讀金元諸家詩五
十首東園雜憶廿首倚撫隙文俯仰陳迹皆有迴腸澀魄之
致惜乎所存只此未足以盡先生也然而先生亦以此傳矣
噫鄉後學蔣國榜

丁十 跋

一金陵 蘇軾 蘇軾印



寄

生

山

館

詩

贈

瘦玉詞鈔附

光緒丙戌七月
四日吳俊署簽

徐君子靜刻其兄棣友君遺詩成郵寄於余屬爲弁首
觀其雋永悽異清麗芊緜文采若新裏抱俱古神劍韜
曜千淬百磨朱弦遺音一唱三歎玉樓長閉其人已往
顧朝華雖謝而夕秀恆留糟魄有窮而神理無盡循覽
遺篇麓爲揚摧元二之災東南瓦解遭時撫事多所感
傷畏逢青犢之兵愁望紅羊之火秦川公子傷亂離於
建安杜陵布衣憂君國於天寶此其紀事之篇也求珠
入海破鏡上天擣麝作塵鑄蟾爲淚返魂無海南之香
重見乏少君之術中庭遺挂荀奉倩之神傷竟牀長簟
潘安仁之辭費營齋營奠竟無俸錢他生此生徒有長

寄生山館詩賡序

一

恨此其悼亡之什也高山流水鍾期始逢清風朗月元
度相憶攀桂枝以淹留折疏麻而延竚濠上之樂莫逆
莊施夢中之路時迷敏惠陸士衡之贈弟盧中郎之感
交意藻相宣情文竝茂此其贈友之章也夫詩之爲道
造端夫婦旨達於昆友事通於朝廷有此三善無乖六
義傳之哲弟已足千古子靜志慕居夷迹同賃廡處魚
龍曼衍之境抱蟬蠹畸零之編長枕大被淒然爲秋伯
燠仲篋塔焉寡和捶琴之痛難制於子猷對牀之盟已
虛於和仲然龍蛇雖厄不厄禮堂之書鵬鳥雖災不災
長沙之賦鄂不之色唐棣發爲連枝嚶鳴之聲絲羽感

而相應咨其用意竝可傳已光緒丙戌九月易順鼎敘

寄生山館詩賡序

二

余往來海上得交石埭徐君子靜其人開爽明敏制行甚篤而以獨身居貧佐人治官事不能自發抒其意余嘗深惜其才勸之以仕作而言曰某不幸既孤遭亂有兄才而早卒坐是不得學古入官因手一編示予卽其兄棣友遺詩也棣友之詩不規規唐宋人門戶而琢句選詞芊綿悱惻有美人香草之思其寄託蘊蓄窅然深致令人挹之終日而不能盡夫詩者古樂之遺所以觀風俗而覘心性非可苟焉爲者曩嘗歎漁洋一代鉅公其悼亡詩篇累十數首悉取古事相比傳不知其中之何所託也秋谷隨園譏之豈得謂過而棣友集中悼亡

寄生山館詩草序

之作最工亦最多往往讀之悽然增伉儷之重意其爲人必有無窮懷抱鬱而不宣特寓諸淒楚激越之音不自知其降年有不永也使其考祿以終縱才力所至以求會古人精神穆邈之中豈第一體之工有勝漁洋者哉此子靜所爲撫卷而有餘悲余亦爲之惘然不能自克者也今年子靜將舉以行世抵予書曰願有言也因以夙所論者報之如此藉慰子靜鶴鶴之痛云
光緒十一年歲在乙酉秋月桐城宗愚弟徐宗亮拜序

姜家大被期來世寶氏聯珠剩此篇偏是才人偏易死不逢知己不求憐瑤琴獨撫聲清絕錦瑟沈吟意惘然比似池塘春草句千秋一夢共流傳

子靜仁兄以 令先兄遺詩囑題遲遲報命者吾 兄 鶴原之情不可不迸入詩中方爲親切耳頃再三把讀益知 棣友先生才大情深如悼亡多首與夫投贈朋游篤於元白皆字字可傳吾 兄幸先付手民刻成分貽同調使 棣翁慰地下吟魂使我輩益重人閒手足妄題一律伏維

鄧政光緒乙酉秋日忠州李士棻芋仙拜草

寄生山館詩草序

二

吾兄幼而警敏於書無所不窺以少孤中更離亂衣食奔走不得竟其所學顧獨喜吟咏凡所遭憂傷憔悴困頓阨塞之境一皆寓之於詩而兄亦坐是不復永年兄平日所爲詩甚多然不自愛惜往往隨作隨棄沒後檢其遺稿益以友朋贈答之作得詩二百餘首不忍聽其湮沒爰付之梓而以詩餘附彙於後嗟乎兄之可傳當有其大且遠者而僅僅以詩也僅僅以詩而詩之可傳者乃止此數也且所謂可傳者尙不知其果能傳焉否也是則哀集遺編所爲感慨歎歎而不能自已也光緒丙戌二月弟士愷謹識

寄生山館詩賸

石球徐士怡棣友著

弟士愷子靜校梓

三多鎮對月感懷

迢迢數百里渺與故鄉隔已作江北人仍看江南月彼
美居一方亂後無消息共此嬋娟明恨少雙飛翼愁隨
落葉添心共孤鴻滅相思復相思徘徊淚盈臆

懷黃子嚴

急景匆匆歲又除故人消息近何如客中烽火三年淚
亂後艱難一紙書楊柳曉風添別恨梅花明月伴離居
記曾共問元亭字把酒論文最起予

寄生山館詩賸

感事

曹唐漫賦小游仙問訊行踪只惘然誤我鯉魚遲塞外
賺人蟻子落燈前雲多變態常嫌幻月到銷魂總不圓
閒倚畫闌思往事將離花信又經年
不須苦盼大刀頭一錯真難鑄九州眼望東南飛孔雀
心憐西北宿牽牛空勞棋借張華箕枉說書憑柳毅投
悟徹楞嚴應自笑天花來去不關愁

春暮

九十雲烟過眼空強排心緒付詩筒春歸雨裏兼風裏
人在愁中更客中芳草只知依舊綠飛花都作可憐紅

登樓望斷江南路身世飄搖獨轉蓬

閒愁如霧不分明往事思量淚滿巾江令本來工賦別
司勳豈獨為傷春銜書青鳥音難達入夢元駒信未真
寂寞海棠花下坐斷腸風景斷腸人

喜官軍收復句容

聽說貪狼滅孤城建節旄將軍天上下螻蟻穴中逃喜
色分明鏡歸心指大刀諸君須努力羣盜尙如毛

得張小涵書賦寄

憑誰寄語勸加餐一別經年淚暗彈忽枉魚書情更怯
先從函外看平安

寄生山館詩賸

移家遠住潯溪側鄉思羈愁兩不堪絕異故園好風景

黃蘆苦竹滿江潭

移居東溝鎮舟次有作

秋雨秋風路阻長一帆朝掛過昭陽旁人莫怪心情惡
不是登舟返故鄉

烽火頻年少定居漂零王粲計全疎何當泛宅浮家去
自署烟波一釣徒

晚泊沙溝

落帆泊沙堤風息波微動水上殘霞明林閒孤月湧村
人自來去秋草失萋萋江南羈客心迢迢愁夜永

除夕

爆竹聲聲急春光又眼前飢寒銷壯志烽火逼殘年歲
月看如此浮生事渺然且斟柏葉酒醉後擁愁眠

暮春

一春曾見幾回晴鎮日風聲雜雨聲燕子不來天又晚
楊花無數撲簾旌

憔悴休文瘦不支春歸三月尚棲遲酒酣忽憶江南好
已是鶯飛草長時

自東溝還句容

盼到歸期急束裝扁舟風送返華陽漫云建德非吾土

寄生山館詩贖

三

真把并州作故鄉逆旅三年增感慨孤城百戰閱滄桑
憑將漂泊重回首只算春宵夢一場

晚泊

烟霧飛溶溶遙泊蘆花外何處舟夜行隱約聞款乃

興化

一路鷓鴣聲東風打槳行夕陽明遠塔春水繞孤城湖
澗人家少風微波浪平黃昏棹歌起無限旅人情

郭公墓

澄江如練夕陽天為訪遺踪一惘然聽說此閒生氣好
寒潮一片墓門前

丹陽道中

夕陽作紅色又到泊船時風定帆懸穩波平纜繫遲黃
昏鴉雀警心事鷺鷥知此地經征戰猶餘畫角悲

舟次寶堰鎮

茄峰雨後捲晴嵐一抹輕烟遠翠涵草草吟身渾莫定
又隨旅燕到江南

句曲雜感

風送蒲帆掛雨歸滄桑變後恨何依三閒老屋迷衰草
一種閒愁弔夕暉門外黃蒿攔徑入年來紫燕傍誰飛
不須化作丁仙鶴城郭人民已半非

寄生山館詩贖

四

遙指臨溪有數椽此中儘可枕書眠便教我借橋西宅
猶勝人牽岸上船瓜蔓水生春雨後秧針風送夕陽天
是鄉畢竟非吾土纔賦歸來又惘然

讀桃花扇傳奇

長板橋頭柳色新粉香脂膩門芳春侯生不學陳吳死
晚節頹唐負美人

將帥驕淫積怨多憑誰重整舊山河皖南烽燧連淮北
猶是同操入室戈

梨園小部擅風流一曲春燈唱未休聞道戰書床下滿
南朝天子慣無愁

紛紛氣焰死灰餘黨禍偏將復社除不及風塵多義俠
崑生曲子敬亭書

東南半壁易淪亡誓死孤臣淚萬行可惜孝陵乾淨土
未能陪葬侍高皇

銅駝宮闕莽蕭蕭王氣金陵久寂寥滿眼滄桑家國恨
就中愁煞老漁樵

贈駱鴻社

記曾問字子雲廬梁木頽殘一槍子感舊空垂唐勒淚
聯交重御李膺車風高西極來天馬波冷南溟困巨魚
失路英雄成底事年年蕭瑟賦閒居

寄生山館詩牘

五

著論休誇擬過秦可憐同是困風塵狂來痛哭原無補
醉後高歌自有真守拙漫言當世事匡時終賴讀書人
閒愁欲藉詩排遣輸與賓王句入神

送曹梅生回茅山

送子茆峰去還家上翠微門當青嶂啟風送白雲歸想
像棲遲味清閒與俗違只憐予寂寞獨自掩荆扉
無計留君住離亭一黯然那堪分手際偏在早春天草
色遮官道鶯聲送祖筵知君離別我且爲駐吟鞭
才名誇七步瀟灑況多姿亂後離羣苦歸來見面遲琴
尊朝把酒風雨夜談詩此境休回首依依繫夢思

春草

小樓一夜雨瀟瀟綠遍平原色轉饒拾翠人遺金鳳小
踏青聲送玉驄驕六朝舊事愁無那三月春情恨有苗
莫倚欄杆頻望遠天涯何處不魂銷

指點山涯更水濱天然烟景畫難真看伊也有高低感
無此終非淡蕩春柳外半篙新綠水風前一尺軟紅塵
生來弱質君休笑記取靈根每濟人

王孫何日計歸程怕聽啼鴉斷續聲花影淒迷簾半捲
屐痕淺淡雨初晴幾朝陵寢斜陽暖一片雲山翠靄橫
唱到蘼蕪腸欲斷青袍落拓愧平生

寄生山館詩牘

六

愁痕滿地鎖輕烟似此春光亦可憐羨彼化螢多變幻
惹他飛蝶也纏綿詩吟南浦成三疊夢醒西堂又一年
畢竟情根難得斷秋來還是翠粘天

調浚韞輝

年來我已嘆途窮氣盡尋章摘句中一擲榜蒲錢百萬
輸他劉毅是英雄

集寄生山館分詠武安君

虎狼大縱咸陽兵主兵者誰武安君長驅直向邯鄲走
深溝高壘誰能守小兒徒知讀父書一戰趙壁嗟成墟
四十萬人齊解甲將軍好生不好殺歡聲振地鼓聲悲

生還幸未與尸歸忽然夜半傳軍令一片白旗搖不定
頭顱滾滾刀光明將軍好殺不好生慘霧陰霾鬼亂哭
不知何罪俱遭戮吁嗟乎杜郵一旦伏劍死君不見天
道好還乃如此

二十初度有感

忽忽人間二十年不堪回首轉淒然苦無媚骨能諧俗
儘有狂歌欲問天狡獪白雲多變相蕭條青鬢感塵緣
文章信美終何益一事無成只自憐

集授經堂分詠得花蕊夫人

家山入破陣雲開帶雨梨花馬上來巾幗猶能知大義

寄生山館詩賸

七

封疆其奈屬庸才朝天有淚君應諒私祭無言我亦哀
百首宮詞休再續摩訶池上冷秋苔

贈汪蓉航

六朝金粉倩誰收劫換紅羊總未休惆悵寒烟衰草外
絲絲楊柳白門秋
彈鋏依人事可傷羨君意氣尙飛揚短衣匹馬匆匆去
獨對西風弔戰場

無題

此生無計憊情癡懊惱歌成只自知肯種薔薇名買笑
怕開芍藥號將離纖眉隱約分瓜字綺緒纏綿繫藕絲

故是年年歷金線何曾逢着上頭時

強抱筵篔不忍彈傳來消息膽先寒也曾私誓留烏鰂
又趁輕風駕紫鸞相見溫存攜手易別時囑付記心難
雲箋空託雙魚寄憑仗誰能拾墜歡

瘦損維摩減帶圍佳期未敢便憑催多情天上來鴛牒
無賴人前遇鳩媒妬婦津翻平日浪博山爐剩舊時灰
劇憐弱質伶俜甚幾寸柔腸日九迴

錦瑟年華過眼新拈花一笑悟蘭因鴉兒穩睡原難醒
鸚母偷言恐未真密約半成杯底影閒愁暗鎖鏡中春
寶珠補屋由來慣空谷偏多絕代人

寄生山館詩賸

八

游仙曲

大羅法曲奏咸英九轉丹成肯讓人聽說天門傳玉旨
素衣未許便朝真

迢遞銀河種白蓮五銖仙袂影踟躕西池阿母緣何事
獨惜黃姑下聘錢

便擬鵲鸞上玉京天風吹送珮環聲劉王雞犬渾多事
偏在雲中亂不清

屏開雲母月華涼記得親騎白鳳凰昨夜瑤箋傳語至
秋風消瘦杜蘭香

晤張少義卽以贈別

周北張南已四年相逢庶下一潸然元龍豪氣君如昔
書畫生涯我自憐話到別來多感慨交因亂後倍纏綿
瀟瀟風雨三更裏祖約深談尙未眠

山邨蕭颯感西風曾此依劉作寓公自笑行蹤仍役役
轉憐春夢太匆匆故人半作離羣雁謂程蓮舫諸君陳跡重尋
印雪鴻衰柳也如儂落魄幾株偃蹇夕陽中

連朝纔得慰相思又向河梁折柳枝滿眼雲山傷別淚
關心風雨再來期烟波古渡秋帆遠燈火蕭齋夜漏遲
最是離愁無那甚蟲聲四壁晚涼時

會曹梅生

寄生山館詩牒

九

似坐蒲團染戒香風情脫落少年場个儂也爲文園病

不把清齋惱太常來書云周妻何肉戒除淨盡

嚼羽含宮妙可知閒中評選五家詞從今願避君三舍

低首旗亭賭酒時君方選陳其年朱竹垞成容若厲樊榭吳穀人五家詞集

人望班生去若仙布帆衝破半江烟時鴻社應試赴浙西湖明

月茆峰雨兩地相思易惘然

可憐寥落幾晨星閉戶吟成只自聽生恐離愁難打疊

旃檀香裏寫金經

弔周涵齋軍門

慷慨臨淮誓佩刀大星慘墮一軍號臣雖馬革心無負

世有狼烟恨未消滿地黃塵遮廢壘一江白骨冷秋潮
只今烟水蒼茫裏何處魂歸賦大招

感秋

百戰巖疆未罷兵鍾山西下漢家營霜凝玉帳寒生色
風捲牙旗夜有聲驛路塵飛馳羽檄軍門秋淨按銀箏
平原淺草紛狐兔快聽雕弓試一鳴

戈船千里達滹沱人世雲烟變幻多十載朝天脩土貢
一朝擐甲起風波西平大可驚回紇南越終看下尉佗
聽說津門彰奏捷紅旗影裏唱饒歌

皖北軍書絡繹傳健兒百戰枕戈眠招安已報降高傑

寄生山館詩牒

十

跋扈還須制李全金帛消殘兵易擾貂蟬矜寵將多權

請纓聞是秦良玉寄語蛾眉好着鞭

紅塵一騎走兵符招募謀成計總疎此輩從軍關氣運

有時爲盜聚萑苻師行竟效風前鷓寇過虛追幕上烏

零雨三年空感慨先登誰竟拔螿弧

集寄生山館分詠得洪文襄

戰罷松山白骨寒九重哀誅淚潸潸空勞酒向壇前設
那見魂從塞外還建節又添新部曲開邊重認舊河山
等閒試上高峯望寂寂思陵蔓草間

集寄生山館分詠得李後主

梵宇金經着意求量江那管釣人舟佛家儘有慈悲處
慣促降幡出石頭

命婦班中見面難琵琶一曲向誰彈多情只有瑤光月
來照羅衾水樣寒

江南閒煞好樓臺獨自憑欄亦可哀畢竟鍾山拋不了
生天成佛也歸來

遣懷

飛騰意氣少年場二十光陰暗自傷曾說小時原了了
其如去日已堂堂療貧儘有詩千首破悶誰貽酒一觴
莫怪人閒多白眼次公本是醒而狂

寄生山館詩贖

士

青衫兩袖淚痕多謂鴻社諸君下第豪傑無端受墨磨不信文
章終遏抑只憐歲月易蹉跎擊殘壺口風雲氣撥斷鴟
弦懊惱歌我亦名心終未盡還期匹馬走滹沱

送趙小容游吳

春旗獵獵捲征途春浪油油漲綠蕪高掛片帆辭我去
試燈風裏到姑蘇

題唐蓉鏡詩藁

啼紅暈碧太淒清展向燈前百感生才子文章工體物
詩人生性本多情千般幽怨湘妃瑟一種哀絃子野箏
題奏通天臺下表可憐愁殺沈初明

竹西歌吹渺天涯浪跡頻年感歲華阮籍途中空有淚
張融歸去已無家舊巢補葺驚棲燕衰柳蕭疎冷暮鴉
剩有二分明月影夜深還照玉鈎斜

樽前一曲懊儂歌奈此青樓薄倖何已往心情疑解珮
只今門巷欲張羅魂消春水攀官柳淚灑秋風怨女蘿
悟徹枯禪空是色孤燈夜伴病維摩

鄉心根觸總無端共把漂零促膝談飛絮行蹤君復爾
勞薪身世我何堪紅羊歷劫愁中過蒼狗如雲靜裏參
絕好蘭成一枝筆風塵蕭瑟賦江南

春日漫興

寄生山館詩贖

士

莽莽天涯未罷兵何時妖鳥靖羅平江山有警宵傳箭
笳鼓無聲夜拔營幾處蟲沙歸浩劫滿天風雪逼清明
春光祇在愁中度日聽蕭蕭戰馬鳴

袁浦蒼黃一炬空傳來消息恨無窮雲迷廢壘烏爭肉
月黑荒邨鶴淚風勝地荒嬉招劇寇華堂高會有元戎
驚魂馬上知何處猶在酣歌醉舞中

陰風獵獵振旌竿賊騎如山守禦難四野青燐沾草木
羣公碧血冷衣冠拍天春浪樓船下壓陣濃雲鼓角寒
盼到明駝馳露布錢塘風景已凋殘

臨淮關外起蒼鵝羣盜如毛費枕戈國法不嫌誅叛亟

招安強半負恩多肯從帳下收黃蓋終向營前斬白波
寄語從征諸將帥莫教軍事久蹉跎

懷鴻社吳門

難憑箋紙訴相思舊事淒涼只自知裙屐少年同北面
琴尊佳會話南皮那堪鴻雁離羣日已是龍蛇起陸時
聞道王師方轉戰吳江戈馬日紛馳
故人何處寄雙魚遠道浮沈一紙書望眼欲穿烽火外
芳春渾老戰爭餘衝寒士馬頻飛檄小隱侯門肯曳裾
問訊絳帷無恙否連宵空夢子雲居

句容復失夜避兵余家山

寄生山館詩贖

其

幾年勞戰伐變起又匆匆烽火驚相逼干戈劫未終車
行殘月裏人在亂山中回首華陽路宵飛一炬紅

京口感懷

斜陽晴捲暮潮聲擊楫中流百感生往事南徐雄作鎮
危時北府漫裁兵樓臺劫火金山寺笳鼓悲風鐵甕城
幾日巖疆聞報警漢家新設伏波營
手酌新亭酒一觴沈沙折戟感滄桑地盤山勢雄南紀
潮擁江聲下大荒客裏情懷空涕淚亂餘風景獨蒼茫
王師轉戰當年事殘壘蕭蕭又夕陽

晚發京口

大江流不斷愁共暮潮生水激山皆走波翻月有聲亂
離朋輩少旅夜客心驚樂土知何處揚帆且北征

大橋鎮旅次贈小容

公子才華迥不羣最難肝膽自輪囷同爲烽火飄零客
獨負名山著述身按劍不須談浩劫買絲真合繡斯人
酒龍詩虎當年事落拓江湖一愴神
豈獨嶽寄厯落懷卽論騷雅亦雄才摩霄健鶴盤空起
下筆鯨魚跋浪來兩戒河山悲戰伐三春桃李盡輿臺
酒酣難掩風雲氣擊筑狂歌天地哀
無端師又潰成臯一片蟲沙劫未消曠野星垂芒作作

寄生山館詩贖

其

荒營風急草蕭蕭憑城狐兔留殘孽捲地魚龍挾怒濤
剩有豪情難遣處船頭跂足看金焦
臨歧小別太匆匆握手他鄉一笑中香火因緣由夙世
雪泥蹤跡共飄蓬側身天地雙蓬鬢如此江山兩寓公
莫話霓裳舊仙侶茶烟愁絕落花風

舟中雜感與子靜弟聯句

厄運遘陽九友身世安可知泛舟凌洪濤靜故國從此
辭悲風自天來友慘淡浮雲馳江南莽回顧靜四野含
瘡痍雖幸骨肉全友那免寒與飢搖搖波中萍靜飄飄
隨所之載廢碩鼠詩友去住虞艱危感彼行路難靜中

夜摧心脾友

昭陽邨舍感興

柴門只合住羅含卜宅荒邨便解帆身似斷蓬飄莫定
愁如春草蔓難芟飛騰意氣青萍劍淪落生涯白木鏡
讀罷蘭成小園賦淚痕點點溼征衫

蕭條庭院冷於秋騶鳳笈鸞亦可羞烽火頻年催短髮
寒湖三尺蕩離愁搏沙親友嗟分散賃廡心情苦滯留
米價淮南近何若飛鴻空有稻梁謀

搔首斜陽獨黯然傷春心事怯啼鴉埋愁始信真無地
浪跡翻疑別有天亂世鹽齏增鄭重異鄉風俗費周旋

寄生山館詩贖

七

雞蟲得失原難定何日西樓月再圓

天狼睽睽斗邊橫十載江南未息兵景物渡江悲庾亮
清漳臥病感劉楨紅燈綠酒懷人夢鐵馬金戈去國情
倚枕中宵一惆悵哦詩強半帶商聲

雜感

東南財賦地戎馬正縱橫一路尸陀氣千山鬼哭聲悠
悠天道遠黯黯客愁生擊缺唾壺口高歌意不平
自失長圍險風塵千里昏王師傷敗績上將孰招魂舊
事悲青坂荒營弔白門功成虧一簣此錯忍重論
曲阿高處望鼓角陣雲寒戍卒離心久孤軍禦敵難長

城倚道濟百戰死陳安九里牌前路蕭蕭夕照殘

厝火真無計於今已燎原是誰司鎖鑰便爾棄屏藩事

起鴻離網時平鶴在軒毘陵諸父老流涕尙攀轅

極目吳宮外蒼生淚眼枯探丸兵遠遁破竹賊長驅二

月鶯花夢三春仕女圖可憐盡消歇流恨滿姑蘇

飄風何發發萬弩射錢塘最惜桑麻地都成荆棘場誰

歟饒幹畝亟爲制披猖聞說王元禮憂時鬢已蒼

莽莽金沙縣重圍勢莫支倉皇同制梃垂死尙登陴力

竭三通鼓援無一旅師夜深燐火冷風雨颯靈旂

殺氣橫京口茫茫天塹長有人持大節獨自鎮危疆按

寄生山館詩贖

末

劍心何壯量沙事可傷江淮數州邑仗此扼睢陽

豺狼尋隙起反噬亦堪虞驛路朝飛檄樓船夜控弧已

先防肘腋終自送頭顱望遠頻三嘆蒼茫璧社湖

烽火連淮海安危那可知乍看傳箭急且莫處堂嬉慷

慨籌方略艱難計度支似聞諸將帥早晚捷書馳

秋夜有懷鴻社兼寄小容昆仲

草木黃落聲蕭蕭中庭四壁莎雞號遙憶故人在天末
悲歌使我心鬱陶故人鴻社湖海豪興酣落筆驅神鰲
目光爛爛巖下電側視餘子皆鳴蜩天生此才不世出
便合獻賦簪螭毫胡爲十載棲蓬蒿風塵跣跋仍青袍

去歲錢塘大試士相期九萬將翔翽造物忌才古所嘆
龍門未許魚尾燒失意歸來盡太息君獨豁達嗤蟲雕
醉後起舞忽大叫五嶽方寸終難澆昌黎先生解薦士
扁舟促泛胥江湖臨歧執手萬感集依人生計殊無聊
可憐悵惘出門去綠波三尺浮輕篙自從此別永乖隔
蘇門山色空迢迢滄桑變幻那可測江山半壁紛弓刀
崑岡火炎燼玉石茫茫浩劫安能逃家山入破淚交墮
賤子遠買橫江舫逆風吹水水倒立帆檣乃與魚龍磨
打鼓發船下揚子失喜眼明雙金焦磨牛團團轉陳跡
時危何處尋樂郊地近昭陽且托足驚魂待譜新詩招

寄生山館詩賸

七

南雲黯黯莽回首蛟螭起陸騰波濤連天蔓草纏白骨
提兵轉戰無票姚君今流寓更淒絕劉綱眷屬匆匆拋
已經百日斷消息思君徒令朱顏凋是時月黑天沈寥
浮雲慘淡明河高更闌彷彿入我夢夢醒悲憤填中宵
憶昔我年初垂髫教我作詩歌蘭若祖約深談日繼夜
嶙嶙風骨干雲霄詞壇倚爾作領袖狂吟天地爲動搖
不肯低頭學章句曹蜍李志迂可嘲吁嗟此境難再得
況聞舊雨多萍飄只有平原慰岑寂寄居聊爾同鷓鴣
又苦衣帶一條隔張南周北空煩勞安得對酒呼我曹
彈棋擊筑吹瓊簫寘從雜遝樂復樂坐使壘塊胸中消

拊膺涕下起長嘆打窗風雨聲刁騷

送郭笛樓之寶應

木葉蕭蕭露下初故人泛棹指珠湖手攜白傅新詩卷
夢繞黃公舊酒壚半壁江山兵甲滿一窗燈火客星孤
不知此後南飛雁可有雲中尺帛無
白袷飄零感少年鄉關回首正烽烟難消湖海元龍氣
獨上烟波甫里船杜若風香微雨後蘋花秋老夕陽天
人生聚散尋常事記取班荆一度緣

明河曲

海棠泣露芙蓉老絡緯金井啼秋曉溼雲滉漾流有聲

寄生山館詩賸

七

蒼龍掉尾銀漢明銀漢斜飛樓角入樓上美人怨瑤瑟
起看匹練融冷光黃姑欲渡愁無梁愁無梁淚如雨不
見烏鵲飛誰來迎接汝風寒簾幕生微波璇宮夜織相
思多相思奈爾銀漢何

懷曹梅生

太息鈞天夢易醒一般廡下怨飄零江山半壁孤鳴火
風露三更雁拂翎旅邸淒涼懷舊雨故交寥落感晨星
相思未得常相見滿耳寒蟬不忍聽
脫身虎口向蘇臺偏是烽烟日夕催燕雀生涯難自定
萍蓬轉徙劇堪哀魚龍怒捲驚濤台蛟蜃晴嘘幻市開

聞說魯連新蹈海幾疑辛苦賊中來

靈旗縹緲弔嬋娟夜夜長虹影巨天生已甘心嘗白刃

死應嚙齒入黃泉埋香塚冷飛秋蝶帶血魂歸哭杜鵑

最是左家嬌女小那禁清淚滴琴絃梅生妻罵賊死

夔蛟踪跡久相依回首錢塘繫夢思姓氏都登流寓傳

英雄易老亂離時王尼攜子心終苦張儉依人事可知

淒絕蕭齋燈火夜茶烟一榻記談詩聞鴻社赴浙

兵燹餘生只自傷全家入口寄昭陽雪泥過眼皆陳跡

竿木隨身又上場作客清如蟲食蓼謀生拙似鼠搬薑

殘衫破帽秋風裏羞澀誰曾念阮郎

寄生山館詩贖

九

黃鶴高飛恨失羣加餐一語已沾巾我憐李嶠真才子

自信江淹是恨人賦寫哀蟬腰帶減命多磨蝟鬢絲新

庭闈須念慈顏老好自珍調歷劫身

如皋道中

此生無自息勞筋又挂征帆百感侵衣上線痕慈母淚

天邊雁影故人心西風古戍催寒葉落日孤城急暮砧

怕向辟疆園畔過名流勝蹟久消沈

靖江寓舍夜雨

殘燈影裏雨淒清一枕閒愁夢不成窗外芭蕉三兩樹

背人夜夜作秋聲

海上西風又一年清笳暮鼓動寒烟江南冷落吳娘曲
暮雨瀟瀟倍惘然

舟發靖江

落魄無長策因人事遠游關河仍作客風雪又歸舟顛
頓雙蓬鬢漂零一徹裘愁心不可制先逐水東流

書小容無題詩三十首後

怨碧啼紅事總真可憐幾作負心人阿難定力今何在
空坐蒲團現色身

司勛根觸舊風流到此言愁始欲愁滿樹綠陰春色老
飛花扶不上枝頭

寄生山館詩贖

十

絕好江淹筆一支燈前灑淚寫相思從今十八雙鬟女

解唱冬郎艷體詩

哭業師張璞崖先生

乍驚惡耗過江來望斷愁雲慘不開宋玉堂歌大招賦
謝敷偏應少微次城憑豺虎方流毒歲遇龍蛇亦可哀

多少山邱華屋感那教心不著寒灰

藉甚聲華四十年斯人不遇儘由天鄉鄰交口稱王烈

經義傾心問鄭虔濟濟英才歸絳帳茫茫身世老青氈

鰥生曾侍程門雪往事思量一泣然

年來虜騎滿城陰骨肉流離百感侵蹈海未窮千里路

首邱終遂一生心有家先破愁何極視殮無兒痛更深
回首望夫山下路不堪重聽女嬰砧姊婿蔭棠公三子
陷賊中至今未出
自愧屠龍技未工翻勞到處譽黃童九原不作誰知己
百計輸人我負公渺渺關河魂夢裏淒淒家口死生中
臨風搵盡羊曇淚長此西州恨未窮

沙溝阻雨

烟水闊無際迢迢滯客程江湖寒旅夢風雨亂殘更挂
壁昏燈影橫天起雁聲夜闌人不寐倚枕一含情

除夕

天涯搔首欲歸難臘鼓聲中歲又殘十載風塵猶瀕洞

寄生山館詩贖

三

一家骨肉幸團樂養親潘岳娛春晝玩婦高柔泥曉寒
桑落酒香生菜美明朝且試五辛盤

別意

棲鳥自有巢飛花亦有枝豈不念歡會貧賤輕遠離侵
曉理征棹愁思當語誰一唱游子吟音響令人悲與君
初相逢我意君未知相逢即相別何以明恩私昨夜東
風來桃李含芳姿華英豈長耀坐惜青春時臨歧勸加
餐常語無他詞千里猶一室不思相見遲仰視雙飛鴻
比翼何差遲去去就長道腸轉車輪馳

寄敬可八十韻

良友常睽隔相思易惘然拊膺將有述染翰愧難宣之
子真英傑前身是列仙詞華何袞袞丰致亦翩翩綽約
王恭柳清揚庾杲蓮歌謠學長慶樂府唱屯田未冠芹
先採焚膏桂待舉共誇千里駿必遇九方歎忽報金陵
失俄看鐵騎駢妖氛連皖豫伏莽梗幽燕烽燧多綿亘
椰環尙究研黃初追勝曾白下集羣賢事本推袁久名
因說項傳三生知有石一面悵無緣轉瞬浮雲換驚心
戍火延鼓鼙殷振地簫管尙鈞天盡室遷鄉里移居遠
市廛避秦車乍歇御李恨方捐妙論欣揮塵深談慰執
鞭漫須傷黑劫且自弄丹鉛癡想星長聚何期月少圓

寄生山館詩贖

三

家山成破碎裙屐莫流連君買蘇臺棹儂乘贊社船鄉
愁雲疊疊別緒草芊芊媚俗慚原拙幽棲此最偏飄零
悲短褐消息卜筵筭盼到風波定歸來涕泗漣園亭荆
棘滿碑碣蔓籐纏古寺寒斜照荒階鎖暮烟人逢殘劫
後家徒亂峰巔每值來城市相邀設几筵行踪比蛩駘
心事等夔蛟剪燭明窗下烹茶曲檻前賓王才健舉仁
槩興騰騫射覆杯同賭拈題句互聯別裁分偽體酬和
見真詮意合咸含笑花多各鬥妍此中紛讌飲門外正
戈鋌韜略欽王猛勛名望馬援頻年勞轉戰幾輩奮摧
堅毒霧迷江左妖星暗斗躔運籌羞鄧禹逐寇失楊璇

風鶴喧鄰邑豺狼滿陌阡天心非悔禍人事固多愆悵
惘將奚適倉黃更可憐甘爲喪家狗難學戾天鳶戚戚
烏巢墮團團蟻磨旋生涯魚上竹況味鳥驚弦塵土侵
雙鬢蒼茫望八埏掛帆來雨裏卜宅傍湖邊暫使行程
穩彌勞望眼穿瑤函遺素鯉苦語咽秋蟬慘說珠先碎
何曾瓦幸全狡童飛雪刃貞女駕雲軒棲泊纔吳郡漂
搖又海壖浮生疑夢鹿遠道怯啼鵑斷梗隨流水誅茅
借短椽身雖孟乍覆室已罄同懸嘯詠皆陳迹穠華委
逝川滄桑工變幻身世益迤邐失路憑彈鋏傷離擬叩
舷更闌縈往事春早入殘年自枉書遙寄於今歲倏遷

寄生山館詩贖

三

梅開香冉冉柳嫩色娟娟以我情蕭瑟知君恨渺綿媧
皇天莫補精衛海空填鸞鏡餘紅粉蛛絲罩翠鈿霜應
散蒿里日不返虞淵紅豆愁頻種青棠忿豈蠲處堂同
燕雀流毒怨鷹鷂節帥謀何壯媿徒惡未俊弓刀長自
擁竹帛待誰編羽檄馳盈野文章值幾錢囊空渾洗水
衣冷欲裝棉想像停雲什低徊落月篇故人芳訊杳賤
子旅魂牽芍藥思攀折蒹葭幾溯沿加餐緘宛轉感舊
淚潺湲息壤盟猶在關河願勉旃長歌寄知己淒絕行
波箋

擬行路難

今我胡爲苦不樂日向風塵事飄泊五陵裘馬多少年
茫茫獨作窮途哭夜深列燭燒銅盤吳鉤鳴躍霜花寒
有酒亦莫飲有箏亦莫彈擊節且歌行路難

黃沙捲空風色惡睽睽妖星射城角十年未息潢池兵
嗚呼天意無人識我欲拔長劍一決浮雲開日月晃漾
金銀臺掃除六合無纖埃神鷹之志在千里草間狐兔
何有哉閭闔九門不可到舉首仰望空徘徊

鄧林有羈羽滄海無縱鱗羽豈不利惜哉非其辰君
不見驂騮力竭鹽車下羞與駑駘爭聲價又不見山雞
舞鏡方逞妍鳳凰局促不敢前君莫問遭遇遭遇良可

寄生山館詩贖

三

恥不如蠟屐歸去來登山臨水從茲始

陵若附喬木柔蔓何惹籠一朝喬木忽摧伐可憐飄墮
隨飛蓬當日憑高計誠得多少行人望顏色繁華只道
常百年豈知禍起成不測嗟嗟立身宜慎圖蘭蕙當門
猶必鋤如爾陵若何其愚

良工采玉來荆山琢成玲瓏宛轉之雙環感君持贈有
深意朝朝結佩衿襦間雙環結不解君去何時還太行
高高不可攀黃河之水多波瀾念此長嘆息淚落紅闌
干賤妾棄置焉足道但恐風雪凋君顏

次阜甯

烽火遍淮東人家一炬中倉皇傳寇去寥落已城空戰
壘浮兵氣沙場喧鬼雄重煩諸將力處處戛刀弓

射陽湖晚望

萬頃湖天闊樓船此駐師晚霞明組練春浪動旌旗地
勢嚴吭扼軍符懷手持夜深刁斗靜撫劍獨沈思

高郵道中

文游臺上酣歌地荒草離離日又曛不見風流秦學士
遠山依舊抹微雲

東風拂面柳如絲婀娜蒲帆去獨遲三十六湖明月冷
今宵穩泊露筋祠

寄生山館詩牘

三

感懷

三載豬肝累使君敢云冀北馬空羣山頭雲歛難窺影
水面風迴尙有紋自是高情容揖客何妨蠻語作參軍
醉來百尺樓頭臥閣閣蛙聲了不聞

雜詩

涼風西北至吹我游子裳攬衣起徘徊憂來浩無方出
門一長眺山川鬱蒼蒼落日淡平楚頹雲翳崇岡禮華
曾幾時桃李萎不芳盛年難再得太息摧中腸且復盡
尊酒努力娛景光
庭前有荆樹枝葉何清美天涯一失所飄零逐流水嗟

子季行役戚戚靡定止飢寒奪友愛奔走從茲始海濱
多苦寒未秋朔風起感此傷我心作書貽雙鯉上言加
餐飭下言慎素履

勁旅蔽江下殺氣紛瀾漫轉戰至建康流血川原丹蠢
爾豺虎羣聞之心膽寒營壘何精嚴欲據知誠難借問
大將誰毋乃范與韓江河口滔滔仗君迴狂瀾失笑彼
懦帥徒作壁上觀

蘭蕙生中澤臭味無差池念我同門友夙昔相攀追誓
結平生歡令名期不虧零雨一爲別節候今屢移迢迢
隔天末車馬多逶遲手書縱殷勤面覲知何時願以綠

寄生山館詩牘

三

綺琴彈作長相思孤絃易摧絕悵望中心悲

酒酣忽不樂日暮登古臺關河曠千里颯颯悲風來前
人盛意氣高宴傾金壘豈知歌舞場一旦成蒿萊富貴
不長保勞攘奚爲哉我將隨鴻鵠逍遙游九垓

得駱鴻祉西江書喜賦

三年斷消息生死亂疑猜忽有音書至真教懷抱開斯
人終脫劫天意尙憐才驚喜情何限挑燈誦百回
別來多少恨一一告吾知難制尊前淚新添篋裏詩雲
山苦迢遞風雨倍相思千里章江路重逢是幾時

海陵松林菴古松歌

我聞松林菴中松絕奇種自何代無人知入門恍然警
心目赤日在天雷雨馳一枝去地不盈尺縱橫數畝紛
離披一枝突伸巨靈臂當簷高出復下垂元氣積成態
磅礴老幹不假神扶持偏側有如鳥張翼迴旋又似馬
就羈左盤右攫難其狀但覺皮裂皴之而韋偃畢宏去
已久誰搯雙管揮淋漓陽和三月集游客相顧讚歎傾
酒卮衆中我獨長太息神物遇合貴有時間汝蠖屈竟
奚益詎見巖谷回春姿幽隱縱免斧斤辱偃蹇要非梁
棟資吁嗟乎何不天矯化龍去寄人籬下空爾爲

昭陽道中

寄生山館詩贖

毛

棟花風裏放船初大好溪山畫不如兩岸叢蘆朝放鴨
半蓬涼月夜叉魚幽情待補雲林稿逸興誰編笠澤書
便擬此間來卜宅閒身只合伴樵漁

東山寺訪張士誠遺像

野寺蕭蕭易夕陽竭來訪古白駒場已看泗上真人起
虛擁吳中霸業強錢俶何妨生納土隗鬻偏欲死稱王
英雄割據當年事門外西風菜葉黃

二哀詩

曹梅生

我友痛徂謝忽忽將踰歲欲抒中心哀攬筆涕交泗撫

今苦煩紆念往益噓唏掉缺名場間詩詞托深契愛君
有至性誓永結昆季固知金石交不僅在文字同志三
兩人暇日輒相詣滄桑一朝改望遠警笛吹從茲隔棊
履漂搖等秋蒂君抱應世才世憎骨不媚塵海日奔走
有謀輒難遂寄我一寸書中藏萬行淚所急甘旨奉區
區不余畀使非食蓼蟲馬識辛苦味三載渺天涯烟樹
擾離思朔風吹凍雪扁舟忽馬至促膝訴亂離拭面訝
憔悴僧寮夜秉燭感嘆疑夢寐堆案酒如澗劇飲不成
醉隆冬水腹堅僕夫怨況瘁竊怪弗從容歧路又分袂
分袂曾幾時何圖遽長逝臨別緣已斷猶復期後會自

寄生山館詩贖

毛

傳消息來驚定心更悻君學甚淹貫君顏亦瓌異謂當
振六翮翱翔九天際乃奪李賀年兼絕鄧攸嗣所遭胡
太酷天道信蒙昧側聞白髮親憑棺幾隕涕有婦方伶
俇有女方幼穉生平事未了一生負百累懸崖輕撒手
此目瞑應未家貧滯他鄉何以發歸櫓夙昔矜任俠高
義傾儕輩沈吟麥舟贈後死有餘媿遺集存吹簫獨得
中和氣樂府祖南宋亦復具姿致逝將搜佚稿一一加
詮次他年付劄劄報以千秋意微願倘能償慨然起深

唱

趙子雲

今春過昭陽君病已沉篤執手臥榻前氣竭語難續私
心作慰詞年壯愈宜速秋風下庭樹猝聞音耗惡妄疑
信非真痛惜命何促論交五六載回首事如昨我偕元
方游與君遂酬酢雲閒誇二龍天半翔雙鶴山館偶置
酒讌飲騰觚爵君每褻裘來雜坐共諧謔男兒好身手
詎肯徒醒齷醉後持蔗竿奮起看跳躍歡會多變遷寇
盜滿城郭浮生寄短艇遠向江頭泊相別嗟蒼黃相逢
慰落拓君居城南偏我宅村西卜越旬始一見見卽具
杯酌示我所爲詩才氣森噴薄力掃流俗音上追古人
作師事惟浣花取法自超卓源流泝漢魏百世存矩矱

寄生山館詩贖

堯

其餘鄙以下何足供研椎狂言羣兒驚健筆小儒作著
述成專家齒僅踰舞勺予也美柔翰少小嗟失學敢云
角兩雄庶以資三復君意誠直諒有瑕必指摘至今寸
簡旁丹黃猶錯落詞壇失梅生風雅氣已索如何未數
月又見一個弱長物羅几案君手所曾觸篆刻垂琳瑯
書札散不束編排亟未能檢視淚盈掬君生負異稟九
原定鬱鬱趨庭依夢中呈詩苦恍惚重念西河慟曷禁
鴿原哭生才固非易積累想敦篤蒼蒼信難知咄咄嗟
無祿豈繫玉樓成奉詔同昌谷呼天莫我膺悲風振寥
廓

冬日漫興

東南蛇豕尙縱橫破賊由來仗國楨擊楫纔過黃歇浦
揮鞭旋下闔閩城將軍令肅驅貔虎僕射恩深比父兄
聽說渠魁膏斧鑕肯容窮蹙始輸誠

幾年制梃捍危疆草竊無端起壽陽脫兔陰謀何反覆
聚蟻聲勢劇披猖終看授首同劉闢枉學推心用樂羊
百戰孤城圍乍解析骸易子最堪傷

建節西秦又北燕空勞鞭弭與周旋晨頒勇爵招強寇
暮擁明粧到舞筵讞贖可能持八議軍符誰與策三邊
平時自負穰苴望東市朝衣定惘然

寄生山館詩贖

堯

血染平蕪草不青一軍轉戰畫冥冥早聞風后傳金法
更有楊公是鐵星兵氣漸消光日月先聲久已震雷霆
何當快掃鯨鯢穴幕府山頭爲勒銘

自七濠口放舟至焦山

我生夙抱山水癖渡江屢約尋焦仙俯仰身世困塵累
徒令五載吟魂牽良朋行役招我往失喜同放瓜皮船
是日江豚靜匿影鞞紋細蹙玻璃天望遠乍使心目豁
蒼然秀色浮尊前便思芒屨縛雙足鼓勇直上青峰巔
天公妬我盛游興晚來風雨何連綿篷窗相對添悒悒
如鶴閉籠魚在筌侵晨披衣忽狂叫遠林一抹紅霞鮮

帆開逆折作之字兩三俊侶偕翩翩奚童滿載京口酒
亟探名勝休俄延攀蘿敢憚石磴滑到門漸聽鐘聲圓
對峙有峰亦奇絕晴嵐隱約相鈎聯樓臺往時耀金碧
彈指瓦礫埋荒烟茲山劫火獨不到靈光殿宇猶歸然
殘碑斷蝕鶴骨瘞古鼎斑駁龍文旋風景無恙供眺賞
吾儕或亦關前緣世間清境豈易得況今半壁紛戈鏃
安能佳處結茆屋逍遙常抱烟雲眠乘醉冷然御風去
一笑上拍洪崖肩

三詔洞 有焦隱君像

半崖闢石屋颯颯響應籟江流莽奔赴雲氣上衣帶緬

寄生山館詩贖

圭

想肥遯踪超然俗塵外揮手謝徵書長此闕遺蛻詎希
沒世榮翻貢異朝媚天書惑祿祥加封一何僞姓氏青
山傳高風滿松檜慎勿誣前賢懷古與心會

登吸江亭

振衣直上勢岩堯健鶴驚飛去漸遙晴色遠分瓜步樹
江聲橫截海門潮望中形勝雄三楚眼底滄桑感六朝
愁向東南更回首年來烽火未全消

病疥戲作

江北濱於水其地多卑溼往往不及防浸淫邁癘疾我
年二十餘此境未曾歷忽焉附體來蔓延不能逐始生

指掌間見人輒避縮繼及尻腓際拘身費轉側方冬已
漸瘥當春乃更劇齊侯疥應同麻姑爪難覓不辭爬搔
勞儘使脂膏竭襪襪垂翎踣踣驚拳足偃臥徒呻吟
將行先躑躅嗜痂嗟何人剜肉補無術況復性陰狠狙
伺如流賊努力思掃除乘間又竊出累雖居皮膚患竟
勝心腹紛紛醫者流對此惟手束愈云宜外攻尙須防
丙伏所貴安毋躁底用効求速予亦無如何聞言空頓
蹙展轉床第中幾時占勿藥

寄鴻社

楚尾吳頭路渺漫遠憑書札報平安五年小別思方苦

寄生山館詩贖

圭

千里歸來見轉難作客幸教離虎口累人終覺愧豬肝
輸君意氣豪猶昔鬱律蛟龍筆底蟠

一曲河梁萬事非飄零身世與心違小人有母須謀養
游子無家轉怕歸瘦鶴那禁羈繼苦飢鴻且爲稻梁飛
最憐戎馬華陽路畱得茆峰冷夕暉

蓬山舊侶悵離羣往事分明易斷魂四座琴歌朝結社
一窗燈火夜開尊依依嘉會都陳跡渺渺浮生祇淚痕
感逝傷離無限恨他時相見恐重論

憶子靜弟

自負連牀約於今秋復春憐余同作客累爾遠依人舊

夢思青草新愁寄白蘋江湖風浪惡努力慰衰親

送趙小容應試北上

此筆真堪賦帝京飄然書劍遂長征也知一第尋常事

須慰高堂屬望情水入漳河波浩蕩雲連岱嶽氣崢嶸

獨憐小謝今黃土不共途中並轡行

走馬滹沱願竟違舊有我亦名心還未死元龍湖海氣

全非登樓身世羞王粲入洛才名讓陸機春水鯉應騰

浪起秋風鷹已破空飛泥金正繫蘭閨夢宴罷瓊林盼

早歸

悼何慎卿

寄生山館詩賸

客窗風雨冷三載共依劉感慨籌生計艱難話旅愁如

何別九日便自隔千秋重過黃墟下淒然憶舊游

墮地須論命如君亦苦辛半生同斷梗垂死尙勞薪多

子反成累有才難救貧張堪家口在誰是托孤人

六月十六日金陵克復賦此誌喜

紅旗一路走星郵已報巖疆破竹收小醜久勞宵旰

慮元臣重奠帝王州勛名文武裴中令相業艱難李鄴

侯贏得萬方齊送喜天邊昨夜落旄頭

王師千里靖荏苒爾豺狼敢負嶠白日三山喧鼓角

炎天六月拔蝥弧漫云困獸猶能鬥畢竟長鯨總就誅

餘孽何難同掃箠嚴城早已淨根株

龍蟠虎踞古稱雄十載翻歸竊據中倘是災黎應歷劫

非關天旅緩成功流亡徧野獲鋤廢征調連年杼柚空

今日東南纔底定挽回元氣仗羣公

恩詔遙從日下來瞳瞳晴旭散陰霾尙方錫爵真無笑

諸將論功各有差不用雄文傳論蜀且濡大筆紀平淮

虞廷自此頑苗格千羽欣看舞兩階

題鴻社庚申後詩稿

新詩勞遠寄雜誦到三更宛轉思歸引淒涼變徵聲罪

言容杜牧愁緒逼張衡我亦嗟羈旅因之百感生

寄生山館詩賸

聽風兼聽雨四載滯他鄉落魄纔吳越依人又豫章悲

歌何慷慨天地欲低昂想見揮毫際狂奴未減狂

東望江南路愁雲黯不開感時紛涕淚遠道竟歸來湖

海餘豪氣風塵老霸才相思艱一面展卷重低徊

當年詩社裏載酒日常過得句同商定相逢各嘯歌烽

烟催北渡知己失東阿莫聽山陽笛滄桑奈爾何

宿龜山與子靜弟聯句

一棹浮淮去友龜山晚泊時當年傳夏后靜於此鎖支

祁湖闊帆收早友天空鳥下遲庚辰祠宇在靜拂鮮讀

殘碑友

盱眙

亂山圍雜沓擊汰且長征欲訪襄陽跡翻教客感生驚
沙埋野徑冷日下空城剩有長淮水年年送恨聲

下蔡有感

落帆泊下蔡颯颯寒飈吹沙積何縱橫日暮奔狂狸道
旁有老父向我前致詞往時富生齒蕩析今無遺召亂
由彼僮自顧誇雄姿假名衛鄉邑攫取民膏脂廩中積
朽粟帳下羅健兒章服却不受乃欲稱民師禍心久包
藏夫豈朝夕為長吏務姑息置若罔聞知非獨罔聞知
或從而庇之曲突不早防焦爛嗟已遲倉猝揭竿起殺

寄生山館詩賸

三

氣紛潢池國法雖獲伸萬戶皆流離我聞重三嘆前事
安可追此邦素獷悍習俗猶未移撫馭自有道不在多
誅夷寄聲牧民者尙復持其危

題汪蓉航詩草

惆悵鄉園未罷兵短衣長劍事孤征帆檣落日淮陰路
笳鼓悲風驟騎營幕府有才追阮瑀窮途無客識袁宏
卷中多少依人感讀向燈前一愴情
酒賦琴歌事已陳天涯相見且相親關河寄跡同千里
湖海論交更幾人黯黯閒愁青鬢改依依楊柳白門春
卽今烽燧都消盡勉爾華嚴劫後身

寄二姊京師

記從袁浦送征車在苒光陰歲兩除旅客情懷增落寞
深閨眠食近何如淮西風景悲歌裏薊北雲山悵望餘
為語賓鴻正南向數行早報大雷書

錦瑟春濃子夜絃月華常傍鏡臺圓承歡好製姑恩曲
循禮無忘女誠篇咏絮閒情思往日徵蘭芳訊盼經年
幽井自昔風多厲珍重寒生料峭天

平生壯志已消磨漫說霓裳咏大羅千里江湖淹滯久
一家骨肉別離多心牽天外孤鴻影子靜弟仍腸斷闌
中寡鵠歌張蔭棠附賊稍喜慈闈猶健飯年來只是髣

寄生山館詩賸

三

添皤

幾載歸心唱鷓鴣辦裝錢少又踟躕行蹤遠遜投林鳥
身世真慚返哺烏故里松楸縈夢寐貧家菽水費枝梧
羈愁欲訴何由訴且托雲箋告女嬃

和羅慕韓大風紀事乙丑六月六日

入夏六日歲在丑陰盛陽氣乃閉藏夜半颺輪轉倏忽
咨爾風伯何披猖有如萬弩趨錢塘蛟龍徙宅天吳狂
又如雷雨鳴昆陽兩軍蹴踏紛刀槍大聲直欲翻地軸
巨浪有時凌天闔榜人此際心蒼黃可憐性命爭危檣
曉來作勢尙未息但覺江海迷混茫玉龍戰敗曳尾去

片片鱗甲雲中揚，羲娥停馭不敢出。六合慘淡無晶光，吁嗟盛世詎見此。此事或者非休祥，側聞英霍正烽火。亟需猛士守四方，胡爲天時忽變易。臨風無語增徬徨，羅子得句神洋洋。挾摘造化窮豪芒，酒酣一讀一擊節。令我瞠目走且僵，挑鎧欲作還復止。拒臂竊恐同螳螂，今宵封姨賈餘勇。怒挾冰雹聲雷碾，君倘再歌吾願和。擲筆一笑天蒼涼。

答筱容見懷

忘形爾汝久相知，風雨羅浮悵合離。黯黯春愁侵旅髻，茫茫別緒入新詩。歸心觸我回帆鼓，世事輸人打劫棋。

寄生山館詩贖

老

載酒題襟纔幾日，黃墟淒絕夜深時。

春草依然滿建康，亂餘風景太蒼涼。纔經燕趙悲歌地，更弔齊梁古戰場。指點金仙空涕下，摩挲銅狄早神傷。胸中五嶽難平處，白眼哦詩筆有霜。

八公山畔又晴暉，辛苦浮生那息機。夢裏鄉關游子遠，客中尊酒故人稀。十年落拓羞長鋏，千里風塵嘆短衣。最是天涯親舍隔，登高愁見白雲飛。

鳶肩火色望飛騰，底事都成鍛羽鷹。也識科名當有日，劇憐文字本無憑。帶圍清減思姚令，友梅琴劍飄零憶駱丞。鴻倘若逢君煩問訊，相思爲道意難勝。

送陳履之還羅田

花落春將暮，悲歌一送君。何堪同作客，偏又惜離羣。舊夢梁園月，新愁楚澤雲。藏書零落盡，珍重護遺文。謂令祖古

硯齋詩集及尊甫量齋詩草

彈鋏成何事，天涯悔浪游。大江流赤壁，一棹下黃州。書劍窮途恨，烽烟故國愁。倚闌多愛日，行矣莫淹留。

高粱澗阻雨

收拾輕裝放棹行，連朝偏自阻歸程。劇憐篷背瀟瀟雨，滴碎愁心是此聲。

舟發海陵

寄生山館詩贖

老

萍梗天涯素願違，昨朝纔喜卸征衣。枯魚困轍終難潤，病鶴辭巢又獨飛。五月炎風愁遠道，幾年旅夢戀柴扉。瀕行珍重慈親語，好待秋來盼汝歸。

悼亡

爨室風占主婦灾，頓教涕淚化瓊瑰。依依鴻案猶前日，寂寂魚燈忽夜臺。有限光陰彈指去，無窮愁恨上心來。不堪細繹微之語，貧賤夫妻百事哀。

十四年前夢未忘，記持玉杵搗元霜。韶顏爭比青溪妹，世澤曾傳綠野堂。偏是烽烟聞報警，屢遲簫管賦催粧。可憐鳳泊鸞飄後，草草青廬願始償。

名花綽約玉溫柔荆布終朝樂唱酬守禮恰能師德曜
安貧不悔嫁黔婁春寒提甕親行汲夜雨鳴機自織愁
淡泊心情吾爾共讓人夫婿擁前騶

從此辛勞力不支上承色笑下操持蕉心宛轉娛親日
棘手艱難作婦時生長綺羅原未慣勉供井臼竟忘疲
寒閨風範標彤管好補人間靜女詩

唱到驪歌各黯然藁砧一別動經年風塵奔走慚予拙
甘旨安排仗汝賢燕去燕來題錦字花開花落卜金錢
青銅憔悴飛蓬影孤負粧臺喚比肩

回望華陽夕照殘外家消息隔江關烏啼中夜巢先墮

寄生山館詩贖

堯

鶴閉深籠影未還漫說香車歸緩緩空勞繡戶泣潸潸

滄桑轉眼朱門改數載何曾得解顏婦兄敦甫虎臣陷賊中

玉璫緘札寄相思腸轉車輪僅自知雲樹萬重嗟路遠

烟波雙槳怨歸遲何期倦鳥投林日已是飛龍出骨時

淒絕中秋好明月照人嬌喘剩絲絲

慵眉瘦靨認難真倚枕相看問苦辛深恃庸醫原易誤

爲賒珍藥尙辭頻扁舟倉卒來千里病榻周旋只一句

垂絕幾番猶強起轉憐奉倩暗傷神

玉燕投懷信有徵香消翠冷莫重論風摧丹桂難成子

霜壓紅蘭又損根久識宗祧關大計偏教憂患集衰門

含愁忍聽慈幃語枉說春來欲抱孫

平陽嬌小四齡餘也自看同掌上珠那料浮生生成短夢

翻將弱息累衰姑情難瞑目千回認事太傷心半語無

爲問九原相憶否零風斷雨痛孤雛

故園兵火剩荆扉浪跡天涯計本非虛擬鹿門好偕隱

豈知鴛侶便分飛新詞嗚咽歌蒿里舊約蒼茫冷釣磯

最是江頭衣帶水當年同渡不同歸

哦詩伴我坐三更風雨沈沈一短檠蓋篋猶存針線跡

寒窗無復剪刀聲伯輿只合因情死騎省何堪抱恨生

怪底愛吟腸斷句而今纔悟識先成

寄生山館詩贖

罕

寂寞塵生錦瑟絃幾時尋爾到重泉早知一霎成長別

何用三生有夙緣集苑集枯休再計營齋營奠亦徒然

禁他蕭寺冰霜裏夜夜孤魂哭杜鵑

爭使檀奴不白頭閨中知己此生休更無萱寢晨昏伴

空惹蘭房姊妹愁花未全開偏遇劫桐因半死易驚秋

舊懽一墜難重拾悔煞年來事遠游

粧樓人去鏡奩寒賸粉零脂不忍看密誓分明留鈿合

綺懷消歇付蒲團縱教來世緣能續其奈今生見已難

幸得總帷遺挂在深宵彷彿珮珊珊

獨臥牛衣直到明寒蟲落葉助淒清都將單枕潺湲淚

寫作哀絃斷續聲不信卿真成薄命轉疑天亦忌深情
海枯石爛尋常事此錯何因竟鑄成

夜雨不寐聊遣悲懷

冷雨何淒淒陰雲何曠曠感彼地下人對此腸寸結一
燈黯不明枯坐自永夕未必黃泉中景象尤慘慄所傷
魂影孤誰與慰岑寂魂來依我前毋隨風飄瞥
嗟我困行役戚戚常生離生離尙不足死別且繼之夙
昔出門去千里勞相思我去有歸日汝歿無還時謂當
夢中來終恐迷路歧六載共艱難義重非情私嗚呼今
已矣積想成狂癡

寄三口館詩牋

望

庚申值寇亂烽火明江鄉全家竄山谷黑夜何蒼黃前
飛驚鴛鴦後顧多虎狼淒風吹雨來淋漓滿衣裳路滑
屢顛蹶險阻亦備嘗脫身干戈間萬死相扶將干戈今
已平吁嗟汝何方

汝父昔早逝虛種河陽花生小既失怙惻惻長興嗟竭
來遭喪亂盜賊紛如麻汝母復摧折骨肉成土苴江南
何迢迢慘淡浮雲遮撫棺未一慟望遠悲征笳九原尙
相逢煩冤訴無涯

巢燕棲雕梁哺雛無偶離一旦燕飛去雛小將何依繡
窗所憐女時來庭下嬉索抱不一膺問娘果安之往日

常在膝棄我忽如遺太息思此言那不摧心脾

貧家婦難爲汝生良苦辛妄冀來日長庶用敘我誠汝
貌亦端靜汝性亦幽貞下壽亦難得此理烏能明翳予
實福薄致汝歿其生徒抱區區私莫與造化爭嚴霜日
以繁憂思日以盈安能學太上忽然竟忘情

我昨賦北征別母心淒其猶記囑我言此去慎勿悲客
路多風霜寒暖宜自知慰藉雖在口涕淚乃承願衰年
苦疾病動止須扶持我出汝又歿寢息誰相隨徒令游
子心夜夜庭闈馳

天地本寄旅百年如轉燭等是易盡身底用判遲速中

寄生山館詩牋

望

道相棄捐頓使形神獨胡弗留須臾鬼伯亦云酷我生
無聊賴塵網苦拘縛歲暮逼短景悲緒紛來觸蕭蕭白
楊風同穴何時卜

路鴻社郵寄秋草詩四首索和時余正抱安仁之

感藉抒本事以答

枯盡風前一寸心倚闌無語獨沉吟那知弱質經霜早
悔未孤根受露深病蝶伶俜非舊態寒蟻嗚咽送哀音
長亭話別依依處往事思量感不禁

瞥眼芳春去太忙殘年景物劇淒涼空庭寂寂簾垂地
廢苑蕭蕭月滿廊三尺綠波曾照影一抔黃土冷埋香

傷心獨有明妃塚終古青青伴夕陽

塵沙撲面走征車底事王孫又道塗已懶心情註蘭茝
空思手爪泣薜蘿白楊聲裏秋蕭索黃葉堆中路有無
爭使青袍不憔悴飄蓬踪跡況江湖

黯黯荒郊日色昏踏青勝會莫重論平添南浦愁千疊
忍醉西陵酒一尊螢火有時留幻影鳳鞋何處認香痕
名花委地吹難起輸爾春來便返魂

題駱楚漁戒虎圖

陰雲晝黓黹悲風激慘肅斑奴逞搏噬長嘯振鼓薄危
崖石巉巉雙睛睽紺綠其氣孰敢撓談者猶變色安可

寄生山館詩賸

聖

施訓誠教擾孳蕃育先生曰不然忠信豚魚格不見周
梁鴛養虎具奇術不見漢童恢呪虎虎自服感孚固有
道未足語流俗指化五獅子懾使聽約束狃徐蝗爲散
鮭鰓邪是觸維駝能知風維隄能療毒蠹爾獨不仁雄
長在山谷封狼與獫狁朋比助威虐佞鬼爭前驅百獸
盡殼棘饕餮乃汝常奚勿細決擇羊性淫且狼豬性卑
而率狙喜復狙怒狐埋更狐搯凡此機僞徒頗足供啖
嚼毋倚勢耽耽毋快欲逐逐長林豐草間磨牙肆荼酷
上帝惡吞屠大造忌貪黷旦夕行天誅盛衰相倚伏困
爾小者蝟昨爾猛者駁何用虞機張頓使見顛覆虎聞

慘不驕俛首意瑟縮吁嗟人有知願以當棒喝

韓雪園美人畫幀

綽約春濃荳蔻梢金猊香燼思無聊蝦鬚簾外東風軟
一抹燕支上鏡潮

載酒江湖感髣髴新詞唱到比紅時眞眞紙上呼難起
莫誤尋春杜牧之

題葛晉書小影

入世苦塵鞅遐想寄林樾萬壑松泠泠澗水瀉寒碧先
生鸞鶴姿襟懷抱冲寂策杖信所往平生幾兩屐白雲
滿空山中有幽人跡得非輞川莊偕隱其裴迪眷言結

寄生山館詩賸

聖

古歡願與共晨夕素琴靜不張聊足供怡悅地僻眞賞
稀心閒浮慮息何用求丹砂卽事是仙訣

題張枚臣

廷選

九秋圖帳額

箏船曾作冶春游花滿秦淮古渡頭金粉南朝零落盡
冷香寫出十分秋

涼回枕簟漏初殘怨碧啼紅獨自看却憶今宵羅袂冷
有人風露倚闌干

鷓鴣聲中急夜砧碧天無際暮雲沈西風吹醒繁華夢

沉芷湘蘭入楚吟

秋士情懷百不宜孤燈客舍雨如絲青溪幾曲多衰草

愁絕芳馨欲晚時

題熊吉菴聽泉圖小影

萬壑虛籟寂山水互澄映曲礪瀉寒流因風入清聽白雲媚層阿青松抱危磴靜者本高曠倏然動遐興散髮弄漣漪振衣發歌咏異境滌塵鞅奇懷悅吾性但見太古色齧石碧愈淨淙淙出清音一欵眾山應何能此結茆開軒得所稱獨往淡忘歸遠寺數聲磬

題程亮齋雙燕圖

代趙伯蓉太守

一曲將雛往事非冶城春盡柳成圍夕陽無限滄桑影朱雀橋南莫更飛

寄生山館詩贖

罌

回望牂江正戰塵年年同負社前春舊時門巷應全改何處雕梁認主人

題畫冊

代伯蓉太守

明月流清光水天互輝朗羣山張畫屏四顧絕泱泱妙手荆關徒烟墨恣森爽似有微風來瑟瑟蕩菰蔣披圖意爲觸適然發遐想疇昔江上行役役苦塵鞅擊汰越冥滓雲根巖鳥榜推蓬縱孤矚卽境寓眞賞牽緜人海中感此獨神往安得謝塵累去作五湖長

題駱雨生小影

南山有喬木高高蔭華蕤梓也晉而俯肅肅多容儀八

載遠行邁風塵緇素衣登山見白雲寸心相與飛慨焉辭京洛秣馬言東歸采蘭賦循陔至樂生庭幃君其善葆持努力娛春暉

少小樂徵逐共學如弟兄同是慘綠年意氣何英英一別數星紀人事紛變更翳余實薄祐孝養曾平生厄運遘陽九矧爲塵網攫趨庭有至性翻覺浮榮輕勉旃及是時相期崇令名

題盧雨人爲霖軍門壯游圖四十韻

勒石燕然北浮槎弱水東斯行真不朽之子亦何雄嶺嶠聲華著詩書閱閱崇英年齊鄧禹壯志邁終童樞馬

寄生山館詩贖

罌

因騰踔謁鷹欲上神韜鈐窺秘笈矛戟抱孤忠厄運逢陽九傳烽遍域中河山嗟伏莽袴褶且從戎投筆來江表橫刀謁上公霞光開組練電影走朦朧滬瀆原腴壤萑苻竟內訌氛誰靖妖霧氣自亘長虹擊楫眉皆豎揮鞭膽豈忱哥舒槍半段周訪鼓三通月暈重圍合雲梯百道攻沙場馳吉語元日奏奇功肘後黃金印軍前白玉聰蘭陔違孝養菽水繫深衷返哺烏私亟趨庭鯉訓隆時艱資幹濟大義警疲癯慷慨辭親舍飄搖任短篷問程輕鯢渚狂笑懾蛟宮析木潮翻碧崑崙日躍紅蠻夷迎島嶼橐籥盪鴻濛絕域探形勢荒陬證異同片帆

心耿耿長劍焰熊能再肅貌貅隊重穿虎豹叢馳驅經
楚豫轉徙及嶠嶂頰尾旋甦困旄頭盡掃空酬勛分柅
鬯戰績紀崆峒徼外知名姓行間共始終機纜收脫兔
跡已寄冥鴻春草聯吟遠寒梅染翰工笠寬憑掩竹鞋
緊或攜機舊侶欽孫楚新交結孔融閒蹤狎漚鳥往事
感沙蟲寫勝形惟肖披圖賞不窮豪情張博望偉烈竇
安豐關隴猶飛檄扶桑未挂弓何當投袂起破浪更乘
風

題友竹鶴圖

鳳竹蕭蕭種滿庭綠陰深處對梳翎嘉名錫取波羅越

寄生山館詩贖

聖

爲爾重翻竺國經

張小涵山水便面

米家畫本傳摹久潑墨濃皴雨後山一抹斜陽開暝色
溼雲無際水潺湲

寄懷犀林刺史

與公吳會分襟後瑟瑟涼風又早秋座上詩情狂拓戟
軍前權稅苦持籌種花應滿陶潛宅載酒還登庾亮樓
可耐相思渺天末蒼茫雲樹迴含愁

髀肉潛生感不禁名場蹤跡太浮沉吹竽未入齊人列
束縕空勞里母心往事儘隨流水去此情終古大江深

只憐病櫟支離甚孤負中郎說賞音

北望津門斗柄懸防秋何事遣戈船漫云魏絳能和敵
已報呼韓欲款邊臺閣名虛山甫哀大農力竭水衡錢
移薪厝火憑誰議寶劍摩挲一惘然

索米真同曼倩飢周南留滯不勝悲十年意氣摧愁病
千里關河怨別離黃浦月明鷗夢遠白門潮闊雁書遲
習家池館琴尊會何日相從倒接羅

偕小蓉蘋湘游虎頭巖訪孝侯讀書臺遺址

春風散微和端居苦煩快晨起占盍簪選勝恣所向行
行城南陬林壑迴清曠迤邐遵曲徑聃談露殊狀殍錯

寄生山館詩贖

果

環坡陔下瞰絕依傍躡險躋層巖踞坐扼其吭鍾山如
猶龍爪甲奮伎壯翛然縱遐矚宿心浹幽尚永懷讀書
人高臺此苴刲遺軌不可尋千載空想像脩名若有立
後先豈多讓我生苦塵容卽景增感愴蒼蒼暮色下落
日交混漾足繭歸途遙俛仰發高唱

題葛小舒小影

回首薪勞暫息機琴書相對足依依四圍拂座松風冷
清絕宗之白袷衣

留滯周南感不禁頻年我亦負鷗盟何當小葺柴桑宅
一曲琴聲大蟹行

乙亥八月十七夜書感

又是西風落木時病餘瘦骨強支持小窗人靜蟲聲碎
虛幌燈昏漏點遲千里行蹤飄似梗十年家計亂於絲
低徊故劍關情甚此意分明夜月知
蕭條潘鬢怯經秋不待言愁始欲愁錦瑟有絃膠漫續
藍田無玉種難收量珠枉使傾千斛聚鐵空勞鑄九州
匱主年來猶未設茫茫私願可能酬
側望空山夢影牽平陽嬌小使人憐漸諳學繡深閨裏
也自調脂畫檻前泉路有靈情亦慰童時失恃愛尤偏
外家門祚今中落臺榭淒涼鎖暮烟

寄生山館詩賸

晁

百歲光陰一刹那藥鑪鎮日伴維摩桐因半死心全冷
竹本孤生恨轉多中夜幾番呼妙子塵緣何處問修羅
天荒地老終難遣輸與蒙莊擊缶歌

瘦玉詞鈔附

虞美人

柳絲搖漾東風緊
午睡人初醒
幾回塗抹行波箋
最是淒涼已近早春
天擬將心事和花訴
花又嬌無語
多情只有月當頭
一點清光能照兩邊愁

蝶戀花

春來多少消魂處
幾樹垂楊漸展黃金縷
欲寄相思詩
懶賦穿花燕子雙雙去
滿目烽烟啼杜宇
簾捲斜陽空自牽愁緒
閒倚屏山慵不語
紗窗又下瀟瀟雨

唐多令

夜雨不寐淒然有懷

瘦玉詞鈔附

窗外雨潺湲
羅幃夢易闌
甚年來愁總難
刪無那疎疎還密密
偏做出許多般
香篆鷓鴣斑
爐薰冷暮寒
怕輕將錦瑟頻彈
傷別傷春多少恨
都壓在兩眉彎

慶春宮

傷心事多斷腸書香旅次根觸言愁始欲
愁矣爰譜西麓調一闕誌之

畫槩衝烟孤帆掛
雨空勞細數郵程
信寄青鸞書傳紅
鯉奈他江上浮沉
此情誰訴漫贏得
年年愴神如何門
外三尺寒潮不載
春人可憐往事休
論花落東風悄掩
重門短枕支愁
單衾裹夢淒涼
又到黃昏怕看
羅帕印多少相思
淚痕低徊無計
拚着今番瘦了
吟魂

踏莎行

燕啄泥香鷗眠波冷澄溪一帶平
如鏡絲絲楊柳送歸舟
短橈衝破浮萍影
淡月籠晴疎烟美
暝憑誰畫出江天景
好沽京口酒頻斟
醉來又被風吹醒

金縷曲

題駱鴻社詩集

展卷真驚絕
想揮毫槎枒詩境橫
填胸臆無下依人成
底事況又懷鄉惜別
都付與悲歌一闕
刊落浮辭歸大雅
便韓蘇不過如斯筆
今若在應把臂
最憐未奮凌雲翼
偏遇着幾年戎馬
紅羊換劫百尺元龍
湖海氣誰肯甘心
蠖屈君莫把唾壺
敲缺知否英雄多
失路諒功名兩字
終能必須耐此小
磨蝎

瘦玉詞鈔附

滿庭芳

李松濤有得子之喜譜此奉寄

繡葆裁紅錦
綉映綠宜男
草解胸前啼聲初試
便覺惹人憐
試問熊羆誰夢
雁行裏怡讓君先
怡情處明珠一粒
擎出掌中圓
欣然曾聽說阿翁
藏得萬卷牙籤甚
蠹魚漫蝕已有人
傳遲來我欲來
摩頂怕弄麈錯寫
吟箋姑諧語無功
此事漫付洗兒筵

清平樂

春暮

葬花天氣冷冷
清清地小雨廉纖
深院裏斷送春光去
矣湘簾幾陣東風
含情忍問芳叢
愁絕一雙燕子背
人猶啄殘紅

齊天樂 駱雨香嘗夢登金焦得水流東去無邊白
山到南來不礙青之句爰繪圖索題爲賦

此解

無端幻入華胥境飄飄直將仙去星斗搖天波濤捲地
不辨來時甚路蒼茫四顧見沙鳥風帆往來無數忽發
狂歌痴龍驚起瘦蛟舞 鬣翁一去千載問豪游能幾
同此今古多少樓臺都悲劫火惟有青山如故天雞唱
處正耿耿星河夜闌欲曙一笑詩魂大江攔不住

八聲甘州

題樊洪聲枯樹寒鴉圖

漸西風吹瘦幾垂楊做弄冷秋光正孤村流水暮鴉歸
去攪亂斜陽可是爭枝未穩零落不成行啞啞飛鳴處

瘦玉詞鈔附

三

似共商量 已近黃昏時候怎不思棲息偏愛迴翔笑
寄身有地且莫怨荒涼須念我恁般憔悴也鸞飄鳳泊
在他鄉低徊感返烏私未淚又沾裳 時距先君下
世已一周

金縷曲

和題小容感懷

君語如斯也捧吟箋低徊讀到酒闌燈炮解道才人多
落拓誰遣風流儒雅愁思又者番牽惹莽莽天涯休放
眼嘆諸公奔走真牛馬有羯鼓須親打 自憐瘦骨愁
堪把一任說唐衢善哭禰衡善罵蒼狗白衣雲變幻心
事條條難寫只賺得淚如鉛瀉試理哀絃彈別調笑從
今莫謂知音寡僕原是傷心者

買陂塘 自題寄生山館圖

記前身大羅天上誰云我本仙吏無端墮落容山頂來
試淒涼滋味廿年矣但梗斷萍飄身世浮生寄樹猶如
此把舊恨新愁鄉心客緒一一盡勾起 鼙鼓動曾買
扁舟遠避思歸徒亂人意故廬今便能重到仍笑異鄉
人耳最恨是風折我靈樁心已如灰死更誰堪倚却多
謝良工替儂寫照真个恰相似

長亭怨慢

聞曹敬可臥病空山時雨香應試浙闈
星散渺焉寡歡譜此解寄敬
可不自知其聲情淒咽也

最無那秋風秋雨憔悴文園病懷如許薄暖輕寒此時

瘦玉詞鈔附

四

天氣費調護山遮望眼難望見人何處笑兩字加餐空
向着雙魚囑咐 日暮把闌干倚遍只有亂蛩淒語衍
波箋小寫不了心中愁緒便近況畧告君知也只是酸
酸楚楚問一段離愁何日西窗共訴

蝶戀花

題李松濤美人畫幀

睡起綠窗初捲繡相約花前小步同攜手十二闌干閒
永晝海棠一抹燕支透 昨夜風儂兼雨憇細數韶光
又過清明後根觸閒愁濃似酒落紅點點春人瘦

浪淘沙 前題

生小住江鄉畫舫明粧愛他風景似瀟湘兩面新荷三

面水一面垂楊 衣薄五銖涼扇影兜香朝朝常伴睡
鴛央甚欲採蓮還又怯怕遇空房

虞美人 前題

庭前仙桂堆金粟雨過催寒馥斜簪釵畔助新粧多謝
西風吹聚鬢雲香 紅牙小試霓裳譜驀地牽離緒檀
郎消息幾時來盼斷瓊脰脉脉費疑猜

清平樂 前題

淡烟搖暝一遂寒梅影不管風吹纖指冷要把春魂喚
醒 湘簾夜月昏黃無言且自評量欲按江城舊曲只
愁填滿淒涼

瘦玉詞鈔附

五

木蘭花慢 題郭笛樓詩稿

羈愁無着處都付與衍波箋看劍閣雲深盱山月冷一
樣情牽從前徵歌選舞到而今事事總生憐惆悵墜歡
難拾空教魂斷啼鴉 家園烽火黯遙天好夢幾時圓
嘆舊游如雨閒愁如夢別恨如烟頻年阻風中酒怨天
涯儂亦杜樊川怕向燈前重讀惹人清淚綿綿

瑤華

華鬢小劫一霎罡風促春光去矣飄零如許窗影外忍
問珠根玉蒂鴉聲縱急料難把倩魂呼起賸依然三尺
朱旛換了招魂幾字 年時錦繡成圍怎短夢匆匆香

散羅綺殘紅滿徑還錯認千點啼痕凝漬返生無術使
我亦銜冤精衛向風前繞徧棠梨此恨東皇知未

百字令 題葛晉書小影

蕭疎庭院覆桐陰半畝窗痕浸綠十丈輭紅飛不到鎮
日香濃金粟扇製輕紈茶烹活火閒擁書盈尺翛然逸
興年來都付蘿石 試看阿堵傳神朱顏蒼鬢想像雲
中鶴天使名場留碩果冷眼雞蟲得失鄭姑徵蘭燕山
培桂況有含飴樂茫茫塵海幾人具此清福

南歌子

題張少蕤美人畫

恨壓蛾眉重魂消鳳髻欹退紅衫子曉粧時怕寫芙蓉

瘦玉詞鈔附

六

箋上斷腸詩 抑鬱憑誰訴淒涼只自知千般愁緒費

尋思怪底含毫欲下又遲遲

聲聲慢 賀幼誠梅窗仕女圖

寒籠淡月冶暈輕霞江南春到梅邊欲折還遲伴人瘦
影娟娟隔窗翠禽低訴怪宵來夢醒游僊門掩處更吹
殘玉笛獨自纏綿 莫怨東風相誤算暗香疎影猶似
當年絕代芳華漫隨桃李爭妍黃昏冷欺綺袂引愁紅
沁入空烟消凝甚恰薰籠閒倚未眠

月華清

秋海棠帳額

冷翠顰烟冶紅泣露幾分秋意微逗楚楚芳叢也費西

風雕鏤甚抱香倦。蜨飛來訝憔悴。腰肢非舊。回首記華
清春睡。半酣時候。昨夜嫩寒侵。否便寫入冰綃夢痕。
都瘦輸與東籬。禁得濃霜。僂僂悄黃昏。掩却羅幃。清
影半床相守。消受更蛩聲。曳怨暗吟虛牖。

高陽臺

友梅悼亡後繪天女維摩圖索題爲填此

白柰休簪碧桃。易謝生憎。劫入華鬢。色色空空。憑誰悟
徹。情禪飛瓊去。後仙雲冷。裊爐烟。心字灰殘。幾沈吟散
盡。根塵穩坐蒲團。江湖小結。維摩室。便花飛。釧動解
脫。非難何處。芳蹤月明。環珮珊珊。只應稽首蓮臺側。願
他生永證團圓。儘消磨。一杵鐘聲。瓶拂飄然。

瘦玉詞鈔附

七

州 萬
殘 里
稿 游

沔陽盧
氏慎始
基齋棊
于都門

萬里游草殘稿卷一

沔陽陸光祖

十九日辰發重興集尖仰化集戍宿宿遷順河集百里

曉發重興集道中即目

頻年寇潦迭相聞風景蕭條觸目紛集澤尚多鴻雁侶防河
猶列鶴鵝軍地經烽火無全宇野少蓬蒿掩故墳萬姓瘡痍
猶未復朝廷宵旰仗誰分

途感

行蹤重復飽風塵躑躅天涯百感新世路崎嶇艱馬足愁懷
宛轉逐車輪程隨落照爭先後身與間雲判逸辛為問道旁
舊楊柳自經霜雪幾時春

宿順河集和壁間韻

萬里游草殘稿卷一

平生萬里記郵程備歷艱難讓此行行盡江南又淮北浮雲
縹緲是神京

附原作 滑澁春泥滯客程冒寒終日閉車行杏花消息

江南路豔煞新詞宋子京

二十日卯發順河集尖峒嶠西宿紅花埠百里

曉發順河集

寒月澹松梢霜華影暗滄沙深馬蹄澀風緊雁聲交遠樹分
疏密重岡辨凸凹翠崖與丹嶂好景莫輕拋

過吳齊交界處

行程歷五旬始盡江南境飽看六朝山還登泰峰頂

二十一日卯發紅花埠尖鄰城十里鋪申宿李家莊百里

曉發紅花埠

又聽鷄催曙勿勿犯曉寒輪蹄流影疾鈴鐸凍聲乾星斗光
沉關關山路渺漫豪情日消滅短夢續應難

郊城道中

已過問官處還尋傾蓋亭縣因周地舊路記聖人經古堞層
雲黯荒村落照冥我來思訪古輟影未能停

和李莊壁間韻

霜風凜烈曉猶寒車馬勞人百不堪却憶去年片帆穩看山
次第過江南

北際南陲天盡頭飽嘗艱險飽含愁年來豪興消將盡十載

游踪半九州

二十二日卯發李莊渡沂尖沂州府南關進望淮門申宿

半城九十五里

萬里游草殘稿卷一

渡沂

鴻雁聲中客思多半彎殘月俯清波霜風淒緊寒沂水立馬
平沙夜渡河

二十三日寅發半城入山尖青駝寺申宿梁莊九十五里

和半城壁間王韻琴女史韻

疏鐘冷燄照塵牀敗壁猶留墨墨香我亦天涯倦游者懶隨
時世關新妝

山行

夜半發征騎耿耿星猶明古木澹月映枯草輕霜盈僕夫勸
色戒入山首茲程岡迥馬足轉路曲羊腸繁怪石紛錯雜雙
輪激碎胛下坂奔溜急登峻峭壁橫崖懸防崩裂徑狹愁敲
傾出險復入險歷險心忪忪天公善慰藉特放晨暉晴

曲折入深山亂峰遙相向平曠豁然開境地稍夷曠半日跟
踏行至此心乃壯分道羣揚鑿危徑始一放策足雄鷹奮追
風逐奔浪方謂盡坦涂乃過斷橋障石梁半傾頽閣僅三版
抗咫尺性命爭艱危左右讓夷險判須臾已過猶恍悵
經險途復平羣山遠迎送雲影隨車飛嵐翠撲簾重林木何
森森參差補石縫磴罅奔泉流崖凹積雲凍岫嶂交迴環溪
澗流錯綜好景紛在前萬幅畫圖供安坐當臥遊覽眺目一
縱度嶺境忽遷沙石相磨礱蹄蹴碎影堅軌激迸聲厲午倦
眠方酣恬然靡疑恐忽聞春雷鳴輪邊墮殘夢

日影漸已西迴照射山麓人倦馬亦疲且投前村宿比戶多
斷垣編籬隱茅屋逆旅供客餐粗糲難果腹主人爲我言此
邦災何酷自經烽燹餘旱潦迭相續縱得逃兵戈大半委溝

高皇游車棗稿卷一

三

瀆菲食勉能供甘旨餐難屬聞言起徬徨惻然動心目較著
發長歎寒燈色黯綠就枕夢未成又被鷄聲促

二十四日寅發棗莊尖龔家城申宿整陽百十里

夜色紛微茫繚繞山不斷明燈導車行照影路一線龍陣蜿
蜒蟠蟻磨左右旋屈曲循崖登輿折隨磴轉洞口雲霧封石
痕蒼翠亂窳谷深且幽日光不及半凝睇迷去蹤回顧失轉
盼陟降嶺百盤紆迴景千幻畫境移難工詩心悟善變
昨午過費境茲行經蒙陰乃古嶺與地碑碣流傳今小邑雖
蕞爾風景堪追尋東蒙爲屏障疊嶂環奇嶽晴嵐壓層堞斷
嶺森平林岡巒莽聯續遠接嵒山岑比歲困兵革荒歉交相
侵民向事耕種撫綏責誰任安得被文教一聞絃誦音

和整陽壁間韻

泰岱峯高望渺茫征塵迢遞度斜陽岡迴斷澗交流影春淺
名花尙勒香嶺岫青蒼雲外繞塵沙艱苦夢中忘空山松柏
知多少誰葦朝堂作棟梁

二十五日卯發整陽尖翟家莊未宿羊流店八十里

曉發整陽山陽暮宿羊公祠宇新繕脩遺像肅瞻視湖公出
山初當晉開國始作鎮守襄陽威惠孚遠邇贈酒心無他敵
國有知己已定策收江東勲業炳青史遺愛留民間感德浹肌
髓我昔經峴山撫碑淚難已今來謁靈祠庭前悲風起緬懷
僑將英後來誰繼美

記里未三百三日匆匆過匆匆三日中勞逸殊白科初歷涉
奇險履道繞偏頗麓沙與大石激盪復切劇繼乃引入勝遠
黛環青螺濃淡態各異奇景紛崖阿曠與實兼擅陟少平爲

高皇游車棗稿卷一

四

多造物善佈置惠我良非苛從茲更北去崇山高差我復將
困征轍循環理無訛明朝陟峻嶺輪鐵重銷磨

二十六日寅發楊柳店尖崔莊申宿泰安府百五里府

岱廟宏敞瑰麗西有設字碑
柏上旁枝似飛來鳳因名

星斗森寒芒迢遙度層嶺嶺路多崎嶇巨靈開異境氣勢如
風濤起伏變俄頃坂峭絕壁橫登降力爲併猛登猶形遲徐
降尙疑隕叱馭心雖雄攬轡意彌警終日趁起行蹙蹙靡敢
騁征途亦云艱清景乃相引徂徠晴雪封汶水澄且冷仰視
泰岱雲飛出危峯頂

岱色鬱蒼翠遠望何龍從拔地塵境隔插天閭闔通羣山爲
輔弼雲氣青濛濛東方作巨鎮霖雨資神功氣象自肅穆不
矜高與雄我昔泛滄海浩浩乘天風悔未登日觀觀日扶桑

紅何當振衣上絕頂凌蒼穹此願竟未遂旅跡隨歸鴻愧乏
驚人詠一洗萬古空

帝位首出震萬物咸資思崇祀備典禮秩視三公尊殿闕飾
壯麗遠倚山嶙嶙燔柴昔致祭蒼壁今猶存珍藏伴彝鼎厥
質分涼温古木積蒼鬱一一蟠雲根唐槐與漢柏鳳舞龍蚪
蹲穹碑競林立翠帶苔蘚痕雕刻古文字披讀難盡捫純皇
昔巡省董騎雲雷屯詣廟灑宸翰勒石垂乾坤肅拜敬展講
墓拓珍瑤琨聖德陋封禪秦漢安足論

望岱和吳晉王別岳韻

浩蕩游踪不厭行岱宗蒼峻望中明高陵諸岳獨爲長環拱
羣山俱有情絕頂北依天闕近飛雲東接海波清何當共遂
登臨願日觀峯頭看日晴

萬里游草幾稿卷一

五

二十七日卯發泰安尖墊臺申宿張夏百里

登山願未遂勝境縈心懷驅車駕言邁前路偏崿巖怪石當
道立彌望紛無涯槎枒鹿角竦恣厲豺牙乖牽犂瓜引蔓叢
密蔭生蕪削如戟折鐵利如劍橫軟如陣左右結如棋縱橫
排鋒鋌恣磨礪層級伴梯階屐屐履蹉跌傾軻防沉埋躊躇
勢騎虎遲滯涎盤蝸畢程已移晷一抹紅遙厓倦骨且暫憩
春風回枯荻

二十八日卯發張夏尖杜家廟申宿晏城百里

行山如爲山程功僅一篲策騎鼓勇前末路未敢懈削削難
施功石齒怒猶齡譬彼游江湖波濤流餘派兩山屹然開中
容一徑陞斧鑿何年成形分神如會千里來游龍首尾交紫
帶鎖鑰雄嚴局終始此爲界北轍境已殊南轅險方屆回顧

前經途峯勢猶峯峯峯寄語後來人宜守垂堂戒

出山

北征新賦紀游詩歷稼行踪馬度遲閱盡險巇得平坦出山
休忘在山時

渡黃

黃河故道屢遷徙一決不計百千里此中成潰誰爲權卻使
濁流併清水清竟有時濁濁更何時清驚波駭浪茫茫橫成
非朝夕功毀竟須與潰墓圮橋崩幾興廢平生未讀河渠言
駐馬忽聽洪濤翻寄聲風伯儻相引便欲一訪崑崙源

宿晏城作

管晏勲名盛後先千秋采地尙流傳德威難擬包茅貢著述
終輸乘馬篇卅載一表虛示儉兩朝中立未爲賢卻疑絕代

萬里游草幾稿卷一

六

龍門筆何事殷勤願執鞭

二十九日卯發晏城尖禹城橋申宿平原二十里鋪九十里

依韻和仙海山行入絕

早春天氣似深秋冷霧凝煙黯淡浮匹馬衝寒霜影破雁聲
帶月下城樓

磴折千盤度嶺斜荒村倚石自爲家殘陽一抹紅峯半遠樹

參差綴暮鴉

長途輪鐵半消磨遺興聊憑醉後詞一枕卧游殊草草雲山

萬疊夢中過

飛泉激出玉玲玲雅韻能迴倦夢醒逆作溪流最清淺遠峯
斜映一痕青

湖海曾經萬里程風濤歷盡又山行休云嶺路多艱險塵世

晴嵐更不平

秋色蒼蒼澗影寒粉披圖畫送征鞍溪山不異瀟湘景只少
臨流竹萬竿

閒雲來往跡難尋照影溪流瀉碧泐萬嶂迴環遮不斷名山
一出便為霖

樹樹垂楊夾橫栽含情相送赴金臺袖中自笑無他物攜得
岱宗山色來

二月初一日卯發二十里鋪尖黃河涯申宿留智廟百二
十五

過平原弔顏魯公

誓掃機槍盡雄心百戰寒威名張許並全節弟兄難河朔皆
先靡孤城竟不完存亡關氣數弔古一長歎

萬里游草殘稿卷一

七

和留智廟金陵女子題壁詩即用原韻

月落花殘信夙因飄零難問綺羅身蔡姬笱怨明妃曲一例
傷心塞外塵

初二日卯發留智廟尖漫河西宿富莊驛百三十里

景州為董仲舒故里又為賈閻仙祭詩處南門外有碑
誌漫成一章

披尋陳蹟駐征鞍儒術詩名兩不刊策上天人駭治體號兼
僧佛創驪壇千秋媲美長沙賈一字稱詩吏部韓會巖扁舟
訪祠墓又從遺碣惜凋殘

萬里游草殘稿卷一

同里盧靖校刊

河陽陸光祚

雨後遠眺

寒風蕭瑟暮煙低
山色冥濛望欲迷
千縷雨絲忽吹散
凍雲猶擁楚江西

江行

未午即疑天已暮
渺渺江村隔煙霧
波光黯淡野色昏
雨聲淅瀝雲痕迥
疾風凜冽添薄寒
吹送征帆輕影度
扁舟今夜停何處
古塔依稀認前路

泊九江

樓閣參差雉堞橫
壓江迢遞九江城
東資保障聯漳潁
西固藩籬扼楚荆
名勝千秋猶有迹
塵沙六載已銷兵
我來憑弔

萬里游草殘稿卷二

十

添鄉思惆悵遙天鼓角聲

望小孤山

憶從鄂渚泛輕船
兩岸山光儼列屏
今日忽翻新畫本
一峯高壓浪中青

馬當阻風

朔風三日破空來
天半愁雲鬱不開
莫訝行程故相阻
文章原乏子安才

抵安慶

雄關百尺倚雲開
極目遙天暮色催
重鎮千秋資地險
回波三面抱城來
無端笳鼓添鄉思
如此江山感霸才
落木蕭蕭多戰壘
西風一劍獨徘徊

初八日為先君生忌不能養不能葬並不能祭捫心自

問何以爲子痛恨交集爰成此章 係壬戌年作

寒煙黯朝暉
霜風撼枯樹
渺渺望白雲
思親空悲慕
地下人含冤
春秋已三度
負骨竟何從
復仇更無路
今乃生忌期
我又客中住
生前乏甘旨
悔被浮名誤
歿後缺松楸
報親惟縞素
祭奠並屢疎
年年慘霜露
有子不如無
此心向誰訴
我親昔愛我
多方勤保護
丙歲親南行
臨歧尙回步
每逢稱觴時
願親顏久駐
此志竟成虛
惟向夢中遇
梵梵慟藐孤
不及童與孺
親今在何方
竟忍不一顧
問天天無言
白日倏已暮

讀江忠烈公行狀並遺集

奮袂湖湘地
孤軍轉戰前
壯心輕馬革
奇氣託龍泉
望早屏藩寄功應
鐘鼎鑄如何
身竟殉無分
貌凌煙黑月暗
連營機槍天
半橫艱危經
百戰生死係
孤城未竟昇

萬里游草殘稿卷二

二

平事空傳竹帛名
至今東逝水猶作鼓鼙聲

我爲朝廷惜東南
失此人循聲傳浙右
戰績著江濱
報國丹心耿
靈忠碧血新
廬城星墜後
天地幾風塵

餘事詩長擅能爲
正始音風騷含意遠
忠孝託根深
獨我平生恨懷君
千載心滿腔
存熱淚一讀一沾襟

晚步書所見

散步縱遐目
廣野何清寥
暮雲黯斜照
山空霜葉凋
平原列千帳
部伍絕紛囂
忽聞鼓角發
聲雜風蕭蕭
旌旆影交互
戈鏃寒光搖
軍中令嚴肅
訓練各騰驍
借問壯士誰
應募云新招
國家方多事
甲兵久未銷
寄語好男兒
立功勿憚遙
速下金陵城
一平豺虎驕
名成受上賞
高冠珥金貂
行行勉東征
努力奮戎鏃

從軍樂

軍中有婦人處勇揚兵氣豈知近日軍此事所不諱
前茅驚燕列後隊干戈易羅精能使人醉且免寄寒衣將
士足自慰側聞東征軍荷戈方出塞苦樂誠天淵安得及瓜
代

瘞瘡悲

腥風黑夜吹骷髏殘骸堆積如山邱孤魂怨魄淪九幽氣穢
連天天為愁愁雲黯澹怪鳴叫豺狼飽餐羣鬼嘯萬骨已枯
兮功未立霜花深埋兮土花溼

書王子壽比部權言後

空有文章著艱難志未剛立言荀子匹憂國賈生流叙述羅
千古心胸隘九州獨憐濟時器高卧在園邱

萬里游草殘稿卷一

三

上曾滌生節揆一百韻

苦塊餘生在微躬集罪愆命途多蹇外家道人述運涸輟鱗
需潤殘灰散冀然變經滄海後心繫白雲邊城樹蟬聚遮
衣荆棘纏寸衷憂悄悄終古恨綿綿萬里君門遠千秋公論
懸陳情選詣闕負屈等淪淵名幸瞻山斗光應照壤泉德詞
容遜辨述德謹加銓嗜昔溫綸責疆圻峻秋遷持旌蒞吳會
移肅自巴滇昭代勤圖治斯民望拯瘼舒仁慰饑渴矢報效
埃涓永以精誠貫奚辭手足胼怨勞原共任利害不能牽鹽
突新規定芻糧舊運便宏綱欣畢舉奸蠹退無權計畫操成
算更張用改絃明良千載遇艱鉅一身有粵境俄興亂區隔
屢告股郊陞森壁壘財幣竭繪錢苞孽滋彌廣潢池禍靡後
察幾虞寇患敷奏上封箋惕厲冰霜漸網繆陰雨先預嚴西

塞成倍慎北門鍵適值河流决堪矜黎庶痛請櫻心未遂塞

領倚方專惡黨孫盧熾妖殺異軫連萑苻紛莫剪鋒鏑密於
縷恣擾蛟鼉吼狂奔豺豕獠倉皇諸邑潰雜沓取舟聯當此
黃巾滿伊離赤幟攀飛符馳愈亟錫鉞詔初傳積弊恬嬉甚
揆文習俗沿塵囂聞警迭夙駕賦征遽迫促遲徵調倥勿未
簡銓恩期馴萬一卒僅率三千扼要憑深入批亢擬直挺志
將搜逆穴卜豈問靈算銳氣吞羣醜雄麾助兩甄耀威旗獵
獵督陣鼓鼙赫抵觸蝗仍拒辛劬馬竟驢屯營齊瓦解鎮將
俟軀捐散盡收難合援師擁不前奇愁峯劣削賈憤水潺湲
大局金陵重行旌白下旋桑榆猶可補其豆忍相煎蕙誘騰
索夥黃官聘巧僂是非滑貝錦形迹涉疑漩赤舌同官萃丹
忱歷劫堅協謀翻掣肘獨立祇空拳一木支傾厦回瀾挽逝

萬里游草殘稿卷一

四

川分防局鎖鑰布列壯旗旂路阻凶颯烈濤凝戰血鮮敗尋
青坂險失碧岑巖蛇虺還潛毒機槍正應墮重圍憎虜盛
設守奈軍屏旆影沈雲黯笳聲盪月圓所宵籌筆碎風雪枕
戈眠掘地窮窟鼠郵書斷紙鴛鴦鬚常皆裂齒齒且齧穿采
石虛橫鐵陰平暗裏甌城孤藏隱請火雉訝炎燁狹巷短兵
接沙場大節全星芒昏墮碑誌冷埋煙紀實章纓進褒忠
勅特宣頭銜象寵復籍產荷恩獨譴罰懲誣鱗謨猷付史編
帝廷隆善善說肆譏諷聽工萋菲舍私洩忿悁低跽比
效鳳搏紫阮霜鶴先子時居疾奇冤尙待前茹茶絕餐寢席
柔滯幽燕遺榭歸何日深仇誓戴天拊膺悲最劇披髮訴無
緣灑盡泉魚淚思揮祖迅鞭報親身罔顧許國意同虔事勢
傷喪旌氛霜慨蔓延從戎老滬濱捧檄赴淮壩伏莽逢頑藪

遙程痛顛顛瀕危困鯨鯨隨殉慘刀鋌噩耗絨九噉哀鳴泣
杜鵑有懷隔烽燹何處表岡阡蔭遠柩庭隕石難精衛填願
遠華黍養詩廢蓼莪篇陟岵嗟長已驚波歎忽焉箕裘慚墜
緒霜露感頻年碩輔湖湘俊熙朝砥柱賢臨江開幕府破浪
下樓船結隊貌貅肅凌霄鵬騫東南資保障勲績震埃垤
高義咸欽仰孤悻諒恤憐覆盆求並鑿載筆藉如椽撥霧消
羣議排闥達九乾闡揚胥至當郵賜本無偏執法希伸理鋤
凶乞究研銜環三世繼銘版五中鐫榮戟翹依切泥塗涕泗
漣苦吟寫胸臆悽惻咽寒蟬

自皖歸楚

一葉歸舟度碧溥舊游回首感難禁烏啼喚醒封侯夢龍窟
虛懷按劍心江左旂旗烽火隔天涯消息海雲深茫茫身世

萬里游草殘稿卷二

無窮恨逝水東流自古今

粵匪之亂皖中荼毒尤甚舟中憶所聞見詩以哀之

十載踏風塵誰憐戰苦辛山川餘白骨風雨泣青燐廢壘千
秋恨荒阡萬劫湮天邊一輪月曾照荷戈人

桃源何處是無計避刀鋌命竟同時燼生難入口全河山擬
恨血墟里絕炊煙蒼赤終何罪茫茫欲問天

縱免兵戈劫流亡竟靡遺餘生轉溝壑滿目痛瘡痍骨冷霜
埋慘城荒月度遲似聞山鬼嘯餒亦少人知

境內畧安定殘生兵燹餘奇荒人易米焦土市成墟憫此哀
鴻集何堪竭澤漁側聞新下令賦稅未全除

又報殘疆破連江戰氣昏顛危安土少離亂幾人存戰勝歸
諸將殷憂屬至尊民生太憔悴空憶鄭監門

泊九江弔琵琶亭遺址

淒涼淪浦泊歸棹懷古情深感寂寥紅粉青衫俱渺渺荻花
楓葉自蕭蕭離亭廢址埋荒草澹月空江咽暮潮商婦琵琶
司馬淚臨風想像總魂消

不寐

倚枕不成寐蕭條百感并鄉心隨漏永客路載愁行霜重淒
燈影風寒噤雁聲遙知故園夜屈指計歸程

舟過葉家洲見一大番船橫互江岸詢係八月間誤淺
於此冬季水涸去水逾遠時方決渠通江以待春漲
信逸勞之何常巧力之不足恃也感賦此篇

我行過沙渚所見殊奇詭一舟橫岸間雙輪滯難起山重莫
能移百夫聚如蟻方競鋤掘功鼎沸聲盈耳云將決通渠盛

萬里游草殘稿卷二

木

漲待春水溯計停留期五月於茲矣伎倆無可施勞勞靡得
已觀此艱歷形頗悟盈虛旨當其馳騁時瞬息逾千里一朝
困泥塗轉側不及咫尺征途勿快意快意禍所倚寄語行舟人
巧力安足恃

聞李東之同年歿於京師詩以誌悼

遠道傳凶耗驚聞雜信疑斯人竟無祿天道果何知終古餘
幽恨三年感別離招魂吟楚些北望不勝悲

連忍歸泉壤雙眸瞑未會衰親悲白髮孤孀泣青鏡末路憐
崔嵬遺文散茂陵九原不可作默默問難磨

回憶題名日聯鑣步後塵宦游蹤跡並交道性情真此後論
知己如君有幾人同心感搖落思舊倍傷神

猶記春明別臨歧慘不歡豈期成永訣無路痛遺棺鄰笛何

堪聽牙琴已罷彈篋中餘墨在珍重忍重看

臘月初一日子刻沌皋火災共焚二百餘舟死百餘人
于舟亦泊隔江殊深疑懼次日僕人來寓詢悉先擬
進泊沌皋因停舟太多不得移入始改泊沌陽東門
外得免此劫誠天幸也爲詩以紀其事

昨夜隔江一炬紅炎燄鼓煽驕祝融積雪映照盡失色火光
直射蛟龍宮我舟時亦泊江畔夜深消息無由通中庭仰視
天爲赤頗深疑慮將毋同侵晨僕子渡江至乍見驚喜心猶
忡始知舟眾不得泊一葉移駐清流東幸免此劫亦天意不
然拯救難爲功嗟彼百夫果何罪盡付烈燄洪濤中禍福倚
伏殊變幻茫茫此理安能窮便擬從容整歸棹布帆明日隨
長風

萬里游草殘稿卷二

七

留別蔣閩生

離筵杯酒強爲歡悵觸情懷欲別難苦憶連宵相對語一笑
風雪不知寒
層雲漠漠黯難開惆悵江城鼓角催執手臨歧聊慰藉瀟湘
春好待君來

再接家書

驛使勞相遞封緘鄭重開小窗梅漸放囑我早歸來

舟夜

寒逼征裘重淒涼五夜中山明千嶂雪濤挾一江風遠色迷
歸路嚴威奪酒功殘燈靜相伴黯淡不成紅

過香爐山

千里青山伴客行雲屏稠疊亦多情輕帆漸入鄉園境猶有

羣峯作送迎

聞雁

一行斜影雁宵征嘹唳長空送響清宛似陽關第三疊聲聲
都作斷腸聲

密霧

天暗月初昏冥冥布層霧但聞水潺湲不辨舟行路

抵家

此行飽看萬山歸景逼殘年雨雪霏客路已醒游于夢淚痕
難浣去時衣重闌華黍娛晨膳書室紅爐話夕暉稚女漸能
解人意膝前學語也依依

萬里游草殘稿卷二

萬里游草殘稿卷二

八

同里盧端校刊

萬里游草殘稿卷三

沔陽陸光祖

甲子人日後雨雪連朝阻行程者旬日矣

寥泚長空斷雁羣嚴風吹墮雨紛紛雨經凝結成濃雪雪積
微茫壓凍雲虛映寒窗鏡似夢借攻愁墨酒爲軍南天悵望
無消息對影傷心入夜分

二十日自家赴粵舟夜有作

流年成逝水水逝泛征舸雪霽風猶勁天空月自高吾廬渺
雲樹海國想波濤一夜夢來往浮生夢亦勞

感事

機槍夜半尙橫天極目關山思惘然戰血碧凝千載恨烽塵
紅化九州煙妖氛屢慨孫盧熾諸將誰伴郭李賢太息萬方

萬里游草殘稿卷三

多難日預期昭代中興年

玉斧分疆夜渡河天容異類走蛟鼉漏卮幾見傾金滿鑄錯
驚聞聚鐵多近水樓臺成蜃市翻風鱗甲動鯨波隱憂徒抱
伊川痛海上何人夜枕戈

一鞭橫掃戰塵開陣壓鍾山萬騎來夾岸旌旗分壁壘臨江
綠艦擁風雷柙中虎兕猶能鬪澤國萑苻已漸摧聞道圍棋
娛太傅前驅端賴謝元才

闔閭城築受降城射柳筵開細柳營河朔新增回紇騎遼東
遠借契丹兵汾陽制敵名原盛維翰求師策竟成祇慮涓橋
留隱患可能先事遏縱橫

高牙大纛列郊垠將慢兵驕古未聞白騎連營甘豢盜黃巾
遺孽半從軍至今河洛流餘毒終古畿疆策戰勳執法上方

新賜劍名藩轉旆壯風雲

積虜原難靖本根久傳勞面伏花門先時誰弭冰霜漸絕塞
空招將士魂六詔天迷寒日遠三秦地接戰雲昏頻年剿撫
無成議十萬蟲沙化血痕

荒城寇去土全焦將令虛聞靜斗刁澤上噉鴻誰撫輯帳前
戎馬自騰驤金縢供億財先匱災後頻仍却未銷烽燧畧平
民力盡時艱無路告中朝

霜笳曉角動邊愁局外徒教抱杞憂萬里征塵悲出塞三年
舊夢冷封侯平時意氣消駒隙遄海功名說虎頭空著罪言
究何補星紋鏽澀撫吳鉤

火輪船歌五十韻

爐燃石火堆破礮黑煙騰上轟怒照火勢沸鼎水納膠水火
呼吸融不消湯筒轉軸形互交一衝上貫鐵爲筭忽低忽昂

相推敲雙輪激走雷聲哮衝突巨浪奔如庶水底驚起潛蚪
蛟隔窗迎送山岷嶼舟中列室深且窳下爲管窟上爲巢窟
宇銜接同豁摩高樓聳峙飛雲旛呼族聚食鳴鐘鏡盤瑤雜

陳盛酒肴就瓶吸飲不用爬腥羶狼藉盈後庖巨牛解體羊
折骸膏凝血漉恣烹炮刀匕紛錯爭攫抓奇形異態難撮鈔
人狀詭譎伴魚鮫黃髮鬚結垂蓬髻鼻凹頭豁藍睛顯短襟

禿袖斂衽袖鉤轉鳥語喧啾啾間爲華言頗自設中土禮俗
任所嘲我聞掩耳終日齏古聖制器原精教剗木刻木參換

交豈虞階厲夷情勦有時狎水波中捎沙暗石突舟立膠萬
夫難爲驅羈轡有時猛進雄奔跑火筒迸裂成擊拮聞舟齊
化飛灰拋徒恃巧力禍所包設想變幻心孔悞安得持劍清

芄苒控馭神駿游圻郊澄清六合揚鞭駟縱橫馳騁途無摻
萬里咫尺猶堂坳何爲局促困豎矛輕身試險同虛泡隨波
遠逐風颯颯

江行

破浪雄乘萬里舟合將天水共沈浮南飛烏鵲無留影東去
波濤似倒流絕足奔騰秋塞馬翻鱗蹴舞海雲蚪託身自笑
同騎虎如此風聲未得休

過金陵儀鳳門

城頭月黑寒蒼冥鬼狐夜嘯悲風腥鐵騎重圍列萬帳葱翠
光接星芒青鑿兵墨霧煙塵裏霜笳聲咽鼓聲起大野草木
焚燎原烈焰掀騰半天紫十二載前劫火燒殘灰枯土猶餘
焦當時短兵力戰處至今碧血痕難消誰紀登陣守禦事誰

清軍游草殘稿卷一

三

諒誓殉孤城志風激江水作怒濤似訴生平不平氣靈旗渺
渺愁雲涼滄海枯盡摧扶桑俯仰今昔餘殘夢夢繞當年舊
戰場

夜泊鎮江

雪浪掀翻萬馬吼風捲長空驅雲走銀蟾色黯生寒芒凍結
霜痕蝕星斗誰吹鷲栗驚幽冥雁聲相和來遙汀悵觸昔時
舊游處夢中兩點金焦青

過江陰海口

冥冥寒日無輝光極目四顧天茫茫萬里澄江歸碧海流水
一去成千載水聲鳴咽如含悲天涯游子雙淚垂淚血滴入
滄波底驚起魚龍來相窺自恨無命化精衛罪集一身身如
贅披髮何處問彭咸幽憤填霄白日蔽頻年奔走形空勞含

冤欲訴蒼穹高悠悠此恨無終極化作悲風海上濤

抵上海風雨旬餘寓樓夜作

百花生日近天意欲爲秋夜雨淒孤枕春寒戀徹窗搖鏡
影碎風遞雁聲愁萬感叢如沸蒼茫獨倚樓

將航海赴粵留呈座師薛世香先生

諫掖聲名宇內欽旌麾出蒞大江博軍備國賦晨籌策海水
天風夜鼓琴別路憶牽三載夢沈冤待雪九原心浮槎萬里
同萍梗回首門牆感不禁

渡海

一身遠客游溟滄渡海萬里驚汪洋海中縹緲何所覩但見
水天一色青茫茫軒然大波起無際巨舟隨波參低昂雪山
數湧雜沓至忽起忽落千丈強一起凌空騎虛步一落恍向

清軍游草殘稿卷一

四

波中蕪泊滔滾滾不知所終極雲帆陣風儼若弓弦張甫向
但憑針所指靡分昕夕雄騰驤天鷄報曉鼙報夜晨潮晚汐
時無忘燭龍夜半出天關口吐紅珠開大荒淨碧長空無纖
翳一綫火燄明微光倏見絳帷浮動飛絲縷頰玉盤挂霄中
央迴影入海遠照耀血波洶湧連扶桑怪雲掩日日忽動龍
尾下垂鱗鬚揚鯨吐鯨擲迷咫尺洪濤屹立聲浪浪漫空雨
灑鴻濛腥巒嶼搖動凝雪霜室風暴捲截雨止珠沉鮫溼天
蒼涼獸雲漸收時漸霽徐升明月臨遐方水輪返照映水底
隱隱金碧交輝煌上下兩鏡相摩盪疑是驪龍雙睛窺天闥
瓊宮貝闕清可數萬象呈露分豪芒廣開奇景恣譎詭陰晴
百變穹荒唐乃知造物不可測此中至理誰能詳眼界空濶
了無礙凝睇水色尤非常或作純丹或濃綠或伴霞紫或煙

蒼或化蔚藍或紺碧或爲黝黑或深黃五光十色不相雜
然界劃如分疆百川到此俱無勢信知大海遼濶真難量
平生有觀海志快哉此願今方償元氣浩渺無涯埃吞吐
處分陰陽我將張霓旌駕虹梁鞭蛟御螭兮凌風翔徧歷三
山十洲兮騁游興廣涉六幕八埏兮無披猖笑呼安期赤松
書我雲霞章

香港一百韻

島夷聚族南海隅手闢嶺嶂平崎嶇林木芊鬱森萬株層樓
臺榭臨交衢形方中矩圓如孟三角六角析爲舫或似花葉
街亭村或伴果實紛瓜瓠繁飾累巧宏規模雕鏤奢麗輝琳
玕波黎四面明窗櫺重垣列戶銀沙塗間以回闌玲瓏朱沿
階曲徑青莎鋪地衣無縫延蔭蕪遠勝錦繡陳甍甍別開邱

萬里游草殘稿卷二

五

整成名區鐵網布如當戶蛛千絲萬縷伴置翠環以鐵籬交
縈紆有獸在檻禽在笄文鳥倒挂紅翠味五色鸚鵡么鳳雜
黑熊黑猿黑羊羴猿獺短髮馴鹿麋翔游鳴嘯耳目娛巨鐘
應昏鏗鯨呼轟立百尺凌霄孤法輪激轉如轉轉琤琮相和
聲嗚嗚卜晝卜夜罔或隄安用銀箭投銅壺明燈懸耀金碧
枸旁垂纓絡籠繪繡七寶璀璨紅珊瑚騰光流彩同日盱磊
磊白石平爲途有持挺者前而趨監守道路無或汗敢有妄
行鞭挾俱俗尙尤與中夏殊魑魅魍魎繁有徒白哲者貴黔
者奴紺髮螺螄虬鬚鬚深額昂鼻藍雙瞳錦襪裹身於曳屣
柔韋韜手無齟齬腰佩長鈇鋸屬鏤天魔幻相奇難摹姿容
妖冶嬌彼妹華髮笑靨凝脂膚湘滯百幅雜彩襪行乘金車
四輪扶繡繪燦爛披駒駘其赤如火白如茶奔馳迅疾飛雲

蹇有夷相遇貌悽悽免冠待立靡敢躍輕男重女良非誣列
市萃貨琳琅都皇皇求利窮錙銖亦或稍裨日用需水泉啟
閉由石闕火燄起伏由地爐取之不煩人力劬亦有瑤瓊洋
海圖仰觀俯察納須臾電氣爲機銅爲郭水銀入管通斟劑
寒暑風雨微相符其他珍麗非所須異物崛詭來舳舻奇技
淫巧期速沽粟漿煉土融膏腴爲害尤勝淡巴菰噓吸直使
形容枯漏卮傾竭成江湖外夷互市遷有無聖朝柔遠誠良
謨且復寬大獨其祖忠信感格豚魚孚兼容并包情愉愉第
恐日久生覬覦他族逼處忱難翰矧習邪僻崇邪蘇三巴大
寺居浮屠七日一聚填闔侍奉謹恪羣南膜風樂迭奏鳴
鐃鈿法王之法莫敢踰入楊入墨將援儒人倫道盡良可吁
且爲叢叢藏逃遁設謀無乃中國愚隱憂百世心孔忤肘腋
之患成積痛思患預防議非迂伏波已往樓船祖因循玩忽
忘不虞官斯土者胡爲乎

虎門

五丁巨斧鑿雲根終古常餘蒼翠痕百水東流憑作障九州
南盡此爲門洪濤勢挾蛟龍舞列戍雲連虎豹屯誰使重關
失天險當年戰守不堪論

託旋楚者寄家書 時在洋船

賦歸未踰月再爲炎荒行乘桴涉溟海飽歷風濤驚幸遇同
舟人云將返故里殷勤前致詞爲我寄一紙一紙願勿輕棄
捐中有游人淚萬千萬千淚痕不能寄夢魂飛度關山煙關
山煙月總淒絕人生莫使遠離別

抵香山焚客冬上會滌生相國百韻於二先叔靈几前

並系以詩

天道茫茫竟若斯問天難賦楚騷辭酸風冷月殘宵恨瘴海
蠻鄉異地悲隔歲豈期成隔世長年從此痛長離英光浩氣
歸何處淚灑靈筵知未知

年華脩短竟難知萬事傷心易算時力疾猶聞勞案牘遺言
會未及親私略無宦橐充餘物尚有甘棠繫去思舊部新民
同一慟常留涕淚岷山碑

兩世同銜萬古冤定知相見泣聲吞紅羊歷劫消英魄白馬
沉江槍夢魂十載三悲陵谷變一天偏積霧雲昏哀猿啼夜
鷓啼曉迷作淒涼血淚痕

寂寞虛傳身後名雲天無處證三生停棺鐵嶺歸何計埋骨
青山識竟成舉室蕭條悲未竭孤兒襁褓夢頻驚總帷深夜
萬里流車殘稿卷三

風淒緊似助泉臺嘆息聲

一慟無由見蓋棺白楊蕭寺殯宮寒別來情景回思渺疇昔
音容入夢難凝日風塵凝痛恨斷腸消息斷平安錦囊細帙
多零落珍重遺編未忍看

自聞凶計遠星犇夜夜征衫有淚痕風雪洞庭舟獨艤蛟龍
海國水同昏扶危屢仗英靈護涉險惟憑忠信存責任自應
歸後死捫心何敢負深恩

封臂吟爲二先叔側室林孺人作

有沈疾無良醫醫不可療兮天不可知天不可知恃人力以
勝之賢哉巾幗志不移 一解 白刃何皎皎騰光鬪寒月刃利
利如霜心懍懍若雪 二解 揮刃斷肉血凝不流和藥以進禱
祀以求此心無他求惟祝斯疾之瘳 三解 斯疾竟不瘳人力

無可謀號泣呼天天爲愁 四解 事親不惜身事君不惜死忠
孝以愚成其愚非得己所天之義亦如此吁嗟此義無人知
奇行乃出奇女子 五解

書南疆釋史後

君臣荒樂竟忘仇半壁偏安失遠謀閩外將軍多跋扈南朝
天子本無愁青宮骨肉傳疑案白馬衣冠禍勝流羣小共將
時局壞孤忠遺恨在揚州 福藩

赴難偏遭譴責嚴閩疆擁立起龍潛宮闈佐治唐靈武海滄
奔移宋景炎枚卜竊揆權莫寄兵歸專閩任誰兼可憐一戰
銷餘燼介弟良臣亦並殲 唐藩

請臣百戰關危疆殘局支持願未償五虎紛爭吳楚黨兩雄
塵關晉秦王牂江洱海經艱險豈豎儼人作棟梁亡國餘生
翻見通書詞哀婉感滄桑 桂藩

鯉魚先識兆荒朝正朔遙頒眾口器閩越一朝成隔世烽煙

十載痛漂搖潮枯風反天心厭海泣山崩王氣消一樣厓門
家國恨寓公名號更無聊 魯藩

兩都相繼劫灰紅帶礪屏藩感慨同白馬朝周悲遠道銅仙
辭漢泣秋風枯林敗葉形如掃燭火餘光氣不雄堪歎五王
龍種盡宗枝凋謝太忽忽 益藩 諸藩

蔓草銅駝恨若何青燐碧血總難磨呼天頻酒孤臣淚落日
空揮大將戈東晉柴桑有遺老西山薇蕨起悲歌轉憐降表
僉壬輩一例銷沉逐逝波 遺臣 義旅

得家書

一紙遠相寄音書嶺外來開緘不忍讀讀罷又重開

游五仙觀

在城中坡上近燬於火惟五羊石及巨鐘尚存

持穗何年仙馭臨坡山層洞昔仍今山空能使心期澹洞古
猶留跡跡深羊石影埋荒草冷鵝潭聲寂應鐘沈劫灰飛盡
樓臺圯莽莽前塵不可尋

題史閣部遺像

像及觀音石皆史伯延表弟家藏

難將獨力奠金甌半壁河山一戰休正氣謦傳文信國出師
表痛武鄉侯至今梅嶺藏英魄終古燕城咽斷流想像生平
鬱忠憤遺容慘澹尚含愁

觀音石

石厚分許長寸餘潤三分許形微圓而下略殺一面

萬里游草殘稿卷三

九

淨潤無文一面有大士像眉目衣巾歷歷可辨手持

楊柳枝倚石而立石具綉瘦透之奇上植萱草一叢

花葉繁拂有生氣旁立鸚鵡毛羽瑩然石質黝而文

黃其精巧者為畫手所不能洵異物也

石質黝以蒼體纖不盈握乃具天然形靈奇此焉託幻相呈

莊嚴七寶垂瓔珞手持青楊枝功德水徧濯神理入於微匪

僅得大略旁立石窅衙古色鬱斑駁窳穴嵌玲瓏瘦峭積磊

砢勢轟雲根危鱗擁苔痕敲其上叢靈萱花葉銜跗萼葉抽

紛離披花開靡榮落鸚鵡棲其旁文彩立影卓姿態何翩翩

毛羽何翳翳微物舍天機花鳥形交錯明晰窮毫芒精巧類

刃削信知造物奇豈假雕與琢雖非補天才亦具破凡格何

年出深山致弗完其璞金身莖草化須彌芥子約有迹與無

象淨因理誰覺行行善珍藏勿使纖埃著

伯延奉二姑母先行反湘相待並攜仁弟同往詩以送

之兼詠季海蘭生

小聚忽睽違風前勞燕飛此行度隴水別路黯斜暉嗟我頻
為客天涯何日歸歸帆羨君穩弱弟幸相依

昨送春歸去臨歧又送君心依湘浦月望斷楚山雲故友儻

相問音書幸早聞為言遠游者無計減塵氛

游海上仙館 潘氏別業

深沈庭院淨無苔畫檻雕樞面面開萬樹垂楊千樹荔絢將

丹碧繞樓臺

一池碧水漾徐徐鏡朗圓開涵太虛曲折闌干紅掩映翠萍

文藻間游魚

萬里游草殘稿卷三

十

浮圓百尺倚雲霞雪影凌空絕點瑕漫道嶺南雪飛霰幻為

層塔聚瓊沙

對月憶豫生即寄

京華嶺嶠悵離羣百慮無端感夜分萍絮浮沉悔飄泊雁魚

消息斷知聞心懸珠海三更月夢繞金臺萬里雲書劍遠游

吾分定那堪天末倍思君

淚痕猶記別時揮何日塵勞得息機四載韶華成逝水一年

明月幾清輝屢經家難推心易重到蠻荒舉目非悵觸鴿原

舊悲痛琳宮孤櫬尚難歸

平生心血半消磨力盡何能挽逝波噓氣樓臺塵境幻遮衣

荆棘道旁多年深漸解殊方語客久新成勞者謫一事差堪

告知已飽嘗丹荔學東坡

自聞先大夫訃後每遇諱日皆囚客外未歸五載遷延
深仇未復今况蠻鄉遠隔祭亦不豐悲痛之餘愴然
成詠

灑盡思親淚天涯設祭難隱憂年共承負罪海同寬夢斷白
雲渺悲深炎日寒踰辰更滋痛斷續涕沈瀾

粵中懷古

鹿逐龍爭莽戰場趙劉乘釁啟雄疆南分服嶺朝頒詔北向
羣星夜墜芒長樂臺脩更帝號未央宮宴長降王紛紛割據
成何事一樣銷殘霸業荒
閒尋遺事證遺聞幾輩英賢迴軼羣錦石錦江傳使者梅關
梅嶺重將軍相臣金鑑千秋頌大將樓船五路分銅柱威靈
猶赫奕豈因叢謗掩殊勳


海天颯颯起悲風賁恨何從問碧穹漢塞終韓稱二使宋家
張陸紀雙忠黃廣嶺黯愁雲外綠綺琴寒淚眼中異代精靈
猶未泯漫將遺際歎英雄

才人相望後先遙陳蹟遷移尙未消楊子種松成雪樹仲翔
遺宅傍僧寮詩名黎鄴傳花鳥文筆蘇韓動海潮大雅而今
成絕響流風誰與繼前朝

傾城才色擅風華佳麗南朝未足誇金谷遺蹤綠珠井玉人
香塚素馨斜彩絲飛蓋仙三島鑿鑑新圖錦八花一洗夫人
更奇俊能收邊障事天家

校刊萬里游草殘稿跋

右萬里游草殘稿三卷吾沔陸太初先生撰先生爲文節公文孫文節公開府江南網羅海內名宿禮延長洲陳碩甫上元梅伯言監利王子壽入幕校刊郝氏爾雅義疏金氏求古錄禮說胡氏儀禮正義江氏古韻標準四聲切韻表音學辨微紀氏唐韻考諸書皆極精審與靈巖琴經相伯仲治鹽治河治漕三大端悉經國要圖洪楊變起大局糜爛公轉戰皖蘇以身殉國生平剔除積弊綜覈過嚴爲世嫉忌全節之後忽起流言先生集中上會滌生節揆百韻敘述慘狀慄血陳詞長歌痛哭忠孝至性哀感動人是真所謂詩史不僅以文字傳也先生曩官刑曹遷擢臺諫才藻華瞻雲霞綺麗所著有周易象義擇要春秋三傳分類異同考說文古籍正譌金石叢殘介石軒印影帖考各種或佚或存方謀蒐輯詰嗣和九紹承家學雅嫻書畫尤嗜金石廉吏子孫沈淪下僚長安鬻文清貧可念先就先生詩稿鈔存行篋家兄木齋屬付梓人弼校讀既竣謹述先生家世以告世之采風者甲子花朝日里人盧弼跋



荔莊詩存

荔莊
藏板

序

余髫齡受詩學於友珊夫子之門追隨杖履既聞緒論
鍾牙聽琴識成連之韻遠侯芭問字望子雲之亭高時與
子礪前輩夜燭晨燈長吟短韻或賈島推敲請更一字或
李白酌酌遂成百篇洵足樂也歲月馳忽共臻暮年回首
前塵有如隔世香山教主居應兜率之宮宦海勞人夢入
華胥之國遼鶴歸而城郭改銅駝泣而滄桑悲鯁生既滯
迹歎浦子礪亦隱身龍湫虞卿困窮愁而著述子長受成
書之顧託日者郵示夫子荔莊詩存屬為之序開函欣然
展卷罄折竊歎其鑄劍造化雕刻肝腎清言妙句有若天
成聲律格調取高前式劉彥和所謂源奧而派生根盛而

荔莊詩存序

穎峻裁雲製霞不讓天工錫卉刻葩有同神匠也擲天台
金石之聲羣驚孫綽留泰山毫芒之集致慨昌黎幸膏馥
之能霑摭襮禱而不必嗟嗟人間何世大雅云亡蕭艾盈
路滋蘭畹兮不芳桃李滿門指梅花而永歎羅浮梅花仙
院夫子所築
李長吉之詩歌錦囊貯久陳子昂之風範鑄金事之一卷
留貽千秋景仰粵東何讓三子斗南共尊二樵是可傳已
蓋夫子胸懷高尚胎息魏晉煙霞供養棲隱羅浮跨鐵橋
之蝴蝶人羨神仙挈碧海之鯨魚翁真嬰鍊後有作者當
取法焉猶憶壬申之年余以幼童赴考羊石趨侍鯉庭夫
子過從畊樂書室謂先君曰孺子可教當使讀孟堅之書
少陵之詩逾年遂附門牆未窺堂室效作篇什輒冠儕輩

雞籠山色謂有傳薪之人鸞旂泮水方廣采芹之句當時
意氣凌轍潘左豈謂一行作吏抗塵走俗廿載宦遊學蹙
荒落心同茅塞身似萍飄迴望康成通德之門彌憶明道
春風之坐有愧荀卿出藍之語實負張籍立羣之譽因循
誤我夫復何言今者丹山老鳳一集先傳秋樹枯蟬九歌
欲續因慙愚之亟付剗剗萬丈光燄人欽李杜之文章一
辭贊窮我同游夏之鑽仰云爾戊午九月門人張其淦敬
序於春申浦吟芷居

荔莊詩存序

荔莊詩存

將進酒

東莞陳銘珪友珊

人生不滿百常懷千歲憂縱教千歲可長保奈彼東烏西
免逝者如川流酒田多收十斛麥此生何處非旬留高門
華族朱輪丹轂六博踰鞠哀絲豪竹有肉如坻酒如淮華
筵鎗紅舞袖綠美人捧觴顏如玉座客祈壽頌多福玉山
未倒冰山頰中堂啾啾鬼夜哭豈如登山臨水行放歌大
嚼杯盤稱快足槐安孰富貴蝸角自蠻觸世上恩仇兩不
知醉鄉日月無榮辱我將據酒國操酒兵築酒泉郡為長
城南面而王不與易直使千秋萬世與劉伶李白相齊名

荔莊詩存

讀淮陰侯傳

丈夫怕受恩曩屈猶昂首丈夫善保身鴻冥獲无咎咄哉
人傑三齊王自命羞為噲等偶窮途乞食同飢鷹末路遭
烹憐走狗於噫嘻婦人生死制其權借問英雄果何有當
時卓犖文成公變化隱現如神龍韓仇未報見倉海漢業
已成從赤松吁嗟乎婦人之貌真英雄

江村散步

繡塍方罫繞魚磯晚插新秧綠漸肥地仄烏犍爭路過人
來白鳥隔田飛立秋暑氣猶蒸背亭午雲陰欲濕衣前岸
村雞啼啞啞水松疏處露柴扉

送李覺軒之瓊州

茉莉花開白氍張天涯游子正停航黎人款客鳴銅鼓
鳥題詩付錦囊欲息塵機撈海月難消壯志扣枕椰
我欲乘潮去策杖同登載酒堂

答友人論相法 二首

援臂無功老轉羞衞家襁褓盡封侯班超自是能投筆食
肉何曾係虎頭

相傳方眼壽千年宏景深山有墓田身是神仙官宰相
侯依舊骨珊珊

晚投山村

黃月一丸上兼程度水隈屋沿煙脚出人帶葉聲來僻地
圍甘蔗深宵勸濁醅夜談兵火急樵牧有餘哀

荔莊詩存

甲寅仙村除夕書懷

滿目干戈逼歲除茅移家在卽吾廬幼安避地非長策康
節行窩且著書赤手回天愁罔濟紅塵徒宅億何如茫茫
浩劫憑搔首得失雞蟲付太虛

聞說河中借寇恂共傳渤海退黃巾卸交局內賢勞擔還
我窗前骸髒身寒具鄰供憐作客暖爐圍坐好娛親關心
守盡殘更雨勾漏還輸學道人仙村以葛稚川得名

南海神廟

黃木灣前一艤舟祝融祠宇屹千秋五朝碑碣尊廊廡萬
里魚龍拜冕旒銅鼓有靈驚水府火輪無計控濤頭焚香
我為蒼生祝願震王威海國柔

謁崔清獻公祠

美人進東宮殆慧日開問沂邱宰執臺諫莫誰何彌遠當
配八千里新恩一言孰為傳廢立陰謀藏腹虺西川雖遠
詎不聞致疾歸來臣已矣內黜后外權奸彝倫攸數指顧
間可憐濟王抱冤死太湖漁火仇如山不愁韃靼來但愁
國步艱家法已亡人紀絕危邦失道難隨班屢召公公不
起臣身願老羅浮趾登城安撫嶺南軍不過情深桑梓耳
真德秀真小人魏了翁偽君子人才用舍遠諮譏朝廷羣
議原如此山中宰相吾豈敢聊以報君書一紙當時恬退
非無因同心僅有李與陳此情默默向誰語宜薄功名甘
隱淪菊坡飛賜天家字澹到無言見微意網常顛倒何能

荔莊詩存

五

為鄧兒饒舌還多事審大義決先幾寸衷未許時人窺故
都俎豆自千古清風亮節誰能知吁嗟乎清風亮節誰能
知

西樵紀勝 六首

華蓋峯

探奇盼林巒高岫快先觀危峯儼張蓋矗立孰敢伍茫茫
造化區形肖隨所取陶鎔各有象名定遂千古誰迎雲中
君天外卓葆羽懸崖逗積陰嘉蔭日亭午乃知覆幬意具
識行路苦嶢嶢宛在茲差信天功補

若谷

行行度層谿深翠障晴旭豁然石竇開地逼勢猶束穹窿

剛其中疑有鬼斧斲苔痕溜步滑樹色照眉綠坐同彌勒
龕片刻了萬欲我聞老聃語上德貴若谷何時結幽棲長
把道經讀

白雲巖

雲來若可招雲去不可馭嶺雲自來去喜與雲俱住奔泉
射雲出嵐氣互吞吐彌空膚寸合觸石有餘怒奇境倏忽
變未至幾回顧頽然與雲俱胸次靜無慮盤陀流水遠環
佩隔煙樹何來磬一聲飛出雲深處

雲瀑

忽聞聲碎句勢若騰萬馬蒼厓散星斗直向層霄下恍如
戰且陽雷雨飛屋瓦又疑蛟龍鬪閃爍鱗甲墜跳珠灑面

荔莊詩存

四

冷臨流不敢坐巖底生漣漪照見芙蓉朵儼同金在鎔萬
壑齊躍洌為想鴻荒前山泉密包裹何年鑿空出撞擊復
掀簸雲水毋太勞靜極仍輸我

應湖湖

飛泉千百疊匯此一湖碧大江扼其流聲氣應潮汐彼瀉
此復前盈縮隨月魄譬如相見灣洄泐兩不隔湖水湛然
清盡洗塵污迹自與濁流通初貌頓改易爰知隨波逝每
易混黑白何如長在山日伴逃名客

三湖書院

松杉路紆迴上有多士集堂廡逼簪岑喜引嵐光入琅琅
讀書聲互與流泉答深林萬竅動併作繁音合秋來月初

上清輝滿石榻虛廊耳根靜不受凡心雜澄潭觀衆妙自覺古可汲游亦學所資舞雩有遺法

和高青邱讀史 八首

藺相如

衝冠一怒氣凌雲引避同朝恥論勳誰挾私讎忘國事敵人壓境殺將軍

平原君

買絲繡汝却何由門下三千碌碌儔不有毛公能脫穎當年空負美人頭

范增

玉斗難量萬斛愁賜骸歸去此身休滎陽苟得參奇計若

蒯莊詩存

五

箇雌雄辨項劉

張子房

壯士悲思唱大風誰烹走狗未央宮神仙不是英雄事辟穀惟求得令終

田千秋

三老言曾悟聖衷訟冤何待白頭翁羈魂已散泉鳩里思子猶聞諷築宮

王章

太息昏庸賞罰殊仲卿剛直遂罹辜前朝石顯今元舅覆轍京房記得無

楊雄

文章氣節竟相違問字荒亭賸落暉有客不行王氏臘太玄說易愧知幾

荀彧

魏公唱義切求賢帷幄勞參二十年志士每爲知己用中郎失節總堪憐

泥龍角鐵牛歌

萬里奔流見湍洑磯圍遏水水勢曲沈牛推入龜鼉宮白浪橫吹駭樵牧爾牛來思孰鼓鑄得毋上應牽牛宿金睛閃睽角龍角要與蛟螭爭所欲重淵怪物出深黝黑風散灑腥涎毒滲霖幾日惡霧蒸勃然一怒崩崖谷鍛鐵嵒康作主簿捍災親自然犀燭象形肖此太宰精投水能教罔

蒯莊詩存

六

兩伏我聞大禹擒支祁庚辰童律爲指麾沈江鐵鑱互萬古神力耿耿扶地維又聞李冰作蜀守化爲蒼牛鎮江湄江神決戰被刺死至今健者名冰兒牛兮入海本龍種星辰震盪揚靈威深宵雷雨助牛鬪浪花蹀躞翻鱗蹶老妖窟穴忽已徙石菑永捷千金隄長虹偃川百怪息波臣效順西樵西

題家句生茂才

嗣容

春暉草堂集

風雅南園盛誰叨一席陪扶輪須巨手間代出清才趣得江門逸音殊獨漉哀吟壇期再振屢問鳳皇臺邑中舊有鳳臺詩社吾族琴軒叟堂存萬卷書詞華過康樂知遇比相如盛業真傳世遺編並起予他山猶可借願傍大橋居

學海堂玉山泉上夜坐品茶同家蘭甫孝廉

挈瓶效汲古小坐神先清皎皎一泖秋上歷山月明萬家
夜氣肅白露溥中庭歎薄灑叢綠淪漪生石青併作玉山
泉學海緜茶經何勞調水符瓶笙高低鳴涼風起兩腋沁
齒同中冷同來桑苧翁至味試一評

癖性愛石泉冒險登危峯挂瓢東西樵蹋徧青芙蓉幽關
古苔寂雪井流霞封一嘗味外味塵境嗟難逢何期越岡
下得此仙源通頗疑注醍醐來灌驗人胸石林妥位置嵌
壁花玲瓏勞筋許頓息俗慮淡不濃一洗神魂清高歌凌
太空尉陀沒已久降王去無蹤古今幾朝暮流水何終窮
寶此在山泉相契惟淵衷

蘇莊詩存

家蘭甫掌教龍溪書院賦贈

清濁教澤已無存莞學于今孰與論陳清瀾世稱之為東莞學且喜先
生來鹿洞遂令多士仰龍門韓膏矻矻功宜逐邊笥便便
道更尊何日禮堂親寫定合將漢宋溯淵源

贈家渭川守戎

男兒生不習戎韜圖形空羨雲臺高體團箭瘢汗出血會
獲簿錄酬勲勞吾家將種拔地起從軍不似良家子嫖姚
身手鑄鐵強舞槍如風刀如水潢池鼎沸煙塵昏千里百
里蜂蟻屯連年搏戰入虎穴賊膽已落餘游魂記從陷陣
隨主將首冠兜鍪神倍王決圍飄捷虎乘風掃壘橫飛蛟
跋浪小賊不擒擒賊魁馬頭向處賊乞哀堵如防川川不

續衝如撼山山為開東澗西馳十數載博得脩翎照光彩
姓名應在

御屏風威武猶騰合瀾海迄今分轄東西頭時清約訪赤
松遊投壺雅歌漫復爾磨刀且向礪蚩尤

題錢塘家秋珊明經玉堂愛姬遺像

嶺海人思種玉年獨彈古調倩扶肩姬善鼓琴如何翻奏離鸞
曲不化鴛鴦却化仙

檢點殘絃見淚痕廣陵散絕悄無言淵明縱解琴中趣賦
罷閒情早斷魂

眞眞紙上喚來生太上忘情却有情老去眉公低首拜旃
檀熏處可憐卿

蘇莊詩存

一朵曇花化彩雲天涯宿草弔斜曛應攜艷骨陪蘇小留

照錢塘月二分

書齋前軒書所見 四首

新筍

十日雨始晴石關鬱春氣幽篁蔭亭角濃綠翳無地晚雷
陡一鳴苗笋大如臂

薜荔

漠漠院牆陰迴廊弄風葉離騷山鬼吟日暮意恇怯旁牽
屋上蘿幽翠落眉睫

苔

空齋屏俗客著書常閉門寒碧浸庭帷夕陽澹無言連錢

疊文綺席地間開尊

小鳥

一雌復一雄見慣不復避時銜老榕子飛逐檐前墜日夕
羣鴉來楂楂使人悸

苦熱

思量列子御風行盼斷涼颺一綫生人異靈飛精六甲暑
屯初伏畏三庚却愁海佛魚先避爲愛林幽鳥共爭仍舊
先生眠食好夏畦何處汗縱橫

香港行

天南萬里龍伯都重洋島插如聯珠蠶叢關借五丁力
氣光怪呈一隅窮荒坐據夜郎大驅集百貨齊奔趨廚衣

荔莊詩存

九

粉面紛錯還如披軒古王會圖層樓瑰麗去天咫滄溟幻
化五色水繡旗倒壓玻璃青雕疏潔拂旃檀紫風檣張燈
星萬點遠人輻輳如歸里十丈珊瑚徑寸珠炫奇蜂鬧波
斯市晚霞艷映鰓簾密海月光涵龍戶出胡兒馬走鐵連
錢倡婦屏開金屈膝腰袂褰拖碧眼姝翠微罽葉拳毛滑
塗歌醉倒人成行犯夜還防綠衣詰令嚴宵寂晝則譁團
樂中外爲一家教崇耶蘇重禮拜七日安燕閒看花繁華
境換風波地萬國冠裳逐遊戲懷柔喜得金甌寬撫綏孰
任珠厓棄犬羊野性終難馴溷居曾惹海若瞋鴛鴦陣連
倭膽落令人却憶南塘軍

題赤灣廟壁

茫茫巨浸連閩越千舸萬艘出復沒陰霾徒合鬼颺作性
命鴻毛擲倉卒狂飈拉桅桅若蒿怪魚觸舵舵不牢人船
存滅在呼吸呼天不應天高高出生入死誰援手一點神
燈來聖母祥雲乍捲海氣清海底驚魂死復生母兮出入
顧復我此恩不報非人身赤灣一隅立海角複屋重檐母
棲托飄檣駢集蟻慕羶羣擲金錢加勳聖三月華筵
諭祭來曛曛曉日珠簾開萬衆稱觴母顏喜人聲潮汐爭
喧逐迄今瀛海安瀾莫遠來思采蘋蘩薦梯航萬古頌神
功激波一覽明如練

赤灣廟旁有大堊土人傳爲帝昴陵寢

相提塊肉殉厓門哀絕膠舟暮雨昏龍蛻幾時求海上羊

荔莊詩存

十

年同此瘞山根運移尙灑遺民淚地僻難招帝子魂聞說
鵲聲寒食節有人麥飯上荒原

游鳳皇巖

南溟浩渺論邱壑叫嘯魚龍罕棲泊巨鼇沈沒失方壺放
眼無山息行脚舊聞大士蓮葉舟獨坐靈巖無所著合瀾
之海龍穴山日月高跳泉一勺狂游我忽到東頭布颿乍
收理芒屨長松綠引雲濕衣石徑蜿蜒束青嶠策杖窮登
五百級纔到山門日初落道人怪我來何晚一覽空濛煙
漠漠長天飛鳥去不盡幾點螺青互連絡蒼茫湧起碧琉
璃此身直置蓬萊閣茲山傳說鳳來儀靈跡仙蹤半依託
九苞文采逢豈易高樓一去猶黃鶴俯視汪洋得大觀臨

風先把層胸拓

同家廉夫茂才 維岳 過柳堂訪李子虎學博 長樂 不

遇賦此留贈

名早驚詩虎今朝訪柳堂人同邀月叟屋配浣花莊高會

羣仙盛長歌一客狂溯洞情正急煙樹鬱蒼蒼

案展嶽湖集知尋坡老回朝雲拜遺墓見日上高臺權放

碧波淨巖窺石室開羅浮豈難到有約待君來

一枕梅花夢酣眠七洞天登山半名士似我亦頑仙况溯

松心子曾題粵嶽篇蓬萊舊師友香火合流連 張南山號

言及為羅浮洞

擬纂山經誤苦岑得味新鐵橋搜故徑珠海重才人筆妙

荔莊詩存

關天性居閒出劫塵何時一瓢酒相與話前因

題夢香園贈鄭紀常司馬 績

夢裏聞香別有香木樨禪味費參詳鷓鴣避海為依魯胡

蝶隨煙合化莊幻出樓臺供畫本刮來風月入詩囊主人

徧設華胥枕話歷華楞劫一場

歌舞岡前小有天鹿蕉醒後斷塵緣局殘誰弔降王長壺

隱人傳陸地仙千古興亡歸浩歎一生豪放識真賢羅浮

自續師雄夢雲磴容君掃石眠 君繪眠雲枕石圖

燒香曲

小熟女兒香懷郎心耿耿隨月下瑤階絮語人初靜

更深翠袖寒雙星乍明滅問妾此時心細并爐煙結

鄭熊廣中荔支譜佚僅存荔支名二十二今不盡可

考各追詠以詩

玉英子

瓊瑤投報事非輕珍重瑤盤手自擎試誦曲紅集中賦雪

膚含澤想移情 張文獻公荔支賦有

焦核

買夏論園到近郊纍纍丹實徧林梢探懷不用王郎鑽賣

李何妨代解嘲

沈香丁香

旃檀熏處翠成帷的樂香含白玉厄鼻觀微參通舌本可

人端在酒醒時

荔莊詩存

紅羅

仙人曾向海山呼風骨傾城艷彼姝綽約紅紗衫子薄天

生尤物媚鬢蘇

透骨

龍眼蒲桃漫較量冰盤新薦水雲鄉阿誰思換凡塵骨灌

頂先求玉女漿

牂牁

高臺猶憶老夫陀黃屋蕭森錦樹多一自樓船通道後沿

江珍果上牂牁

僧耆頭

樛枝磊砢壓祇園老記頭陀手澤存恍惚增城尋挂綠佛

燈紅對畫關門看城柱綠以城西卷中樹爲最

水母子

穿林白雨客停橈五月江微蜃氣消恰與鱗魚爭上市盈筐歸趁虎門潮

蒺藜

側生低傍柳毼毼刺手翻愁摘不堪名士自來難貌取底須容悅始同甘

大將軍小將軍

亭亭翠蓋五雲高却暑論功氣自豪威敵炎歛誰第一血班猶染舊時袍

大蠟小蠟

荔莊詩存

明璫錯落綴檀欒幾樹斜陽取次看何事韓嫣飛彈後有人林下逐金丸

松子

火珠擊出老龍精繞屋波濤聽有聲五夜空山人未睡瀟瀟隨雨撲簾旌

蛇皮

樽肩壺腹擅靈洲更讓霜皮出一籌爲問紅雲當日宴果教誰氏屬龍頭

不意子

沁牙贏得雪填胸實剖江萍味更濃茅屋山齋隨意足暮蟬多處一扶筇

火山

層巒如燒布炎荒入夏蠻村火微張誰是熱中愁未解朱明丹餌本清涼

野山

宋香江綠任安排地少留題品自佳槃澗幽棲風味好笑他名借向書懷尚書懷荔支以灌甘泉得名

青荔支銀荔支五色荔支

舊譜誰翻十八娘銅青銀白賈平章懷中試取江郎筆細詠家園荔子香

羅浮白鶴觀潘暢生道人以詩見贈次答

東菴邂逅亦前因與子分評物外春手指龍潭向西笑在

荔莊詩存

山泉勝出山人

游五龍潭

重崖瀉羣流匯此一湖水谿訝劈石骨中貯萬斛隨俯瞰魂欲搖青冥渺無底長虹歎玉碎知有神物在飄騰蒼天

造壑伏赤岸峙沿溪試側行躡頂難正視投身懼一擲鬱翳覺雲起橫衝墮野禽暗嘯踔山鬼垂藤結華鬢峭壁樹

堅壘寒生萬木森陰來衆壑改我存探幽志涉險踏乾葦奇觀鑿金鱗斜日半潭紫空澹道心明灑落塵耳洗行躡

葛陂杖飛入雲似海

葉辭軒少尹

志純屬題羅浮華首臺圖時松徑爲山嵯所伐書以誌慨

舊夢羅浮路長松蔚勝區濤聲推寺出雲影夾僧扶龍漢
愁經劫牛山歎已枯何緣瞻萬綠魂斷臥游圖

初入酥醪洞宿逕口村

占得神仙窟幽棲有野廬竹泉春澗合松月夜窗虛壺暖
金英酒驚烹石龜魚晚涼邀薄醉清夢更蘊蘊

望仙人對奕石

危峯對坐映朝暎閱盡春秋石影存聞說飛仙來橘叟肯
將殘劫付桃源峯下為浮雲變幻楸枰老流水嶙峋骨相
尊疑有爛柯人未返幾回翹首立山門

登白水門絕頂借道侶王圓修李圓玉劉圓檀

招攜道侶問仙源曲曲溪流小小村路入飛雲穿蛺蝶人

荔莊詩存

丰

綠峭壁類猢猻崖懸樹偪身如葉石折濤撞水有門聞說
坡公此延仁天瓢奔注手曾翻

泠泠天外響笙鏞回首雲梯已萬重上界似聞仙鶴語盤
陀時有野人蹤草交綠濺途間濕花倒紅分澗底濃為約

三更觀日出道童爭指最高峯

良泉

深巖幽澗九回旋中有激淵號良泉隱士心期同止水游
人足跡半飛仙怕投碎石驚龍起愛護高松引鶴眠還憶
留題老循吏良泉二字黎楷屏大令所刻築廬長此弄漪漣

山中曉行

貪看山桃開凌晨戴樓笠濃雲撲面來打作半身濕

羅浮山中畫燕篇

謫仙遠謫浮山浮幻身雖去精魄留况偕仙眷快棲息此
情耿耿回首邱白鶴峯頭築公宅銅龍壇上攜兒游賜環
歸渡瓊海月騎箕應指蓬萊秋迄今相距七百有餘載羽
衣來往定作真靈儔我從巖扉重景慕瓣香小炷羅庶羞
寒梅花開月漉漉拜公生日林之幽想公當年笠屐來惠
州鐵橋高下窮探搜前行瘖虎作引導倒挂么鳳隨啁啾
冲虛道場寶積閣盤桓日夕忘夙憂雞鳴起看日初出扶
筇直上大小雙石樓守安道士德長老筵張蔬笋領宿筇
爾時捧觴為公壽洞天仙樂吹下風颼颼文章氣節自足
壯林麓何用丹砂寶笈長焚修片雲南飛鶴一隻此間足

荔莊詩存

未

樂逾十洲作詩弟子余豈敢玉京偷住聊相酬一壺桂酒
效公醺願公長醉公無尤

羅浮歲暮懷昔賢詩二十首

安期生

謁項猶存策士風胚胎仙骨屬英雄凡夫跪乞如瓜棗弱
水綱輪豈易通

陸賈

錦鞍星使慣馳驅黃屋親行說老夫百粵游蹤誰最早探
奇君已到神湖

葛洪

妻孥偕隱棄封侯抱朴書成秘藏收何待燒丹天上去人

開著述亦千秋

袁宏

牛渚秋宵憶壯吟飄飄如鼓伯牙琴道開石室分明在到日勾留太守心

趙師雄

村落相尋賣酒家美人不見月光斜寒林妬煞當年夢占斷天南第一花

劉禹錫

南遷一例惜奇才絕頂登臨亦快哉誰說柳州邱壑好殊方曾賦古蓬萊

顏真卿

荔莊詩存

七

一箇書奇太恩恩嶺海人歸說魯公出世最憐陶八八仙緣未了度孤忠

古成之

課農勸學傳仙吏塵土何能溷使君惟有故山忘未得飛鳧仍戀草堂雲

周子茂叔

隨身風月證心期澤物無冤見設施從此仙都開道學清暉長照白蓮池

蘇軾

鶴飛一隻集豐湖萬戶香薰笠屐圖為怪鐘聲春睡好又隨儋耳逐田夫

羅從彥

立雪程門且步塵愛從物外見天真徵心願作名山主甘受微官老此身

葛長庚

參透儒宗悟透禪萬言落紙盡雲煙揮毫早具凌霄氣修到聰明即是仙

留正張宋卿

三朝碩望權奸忌勵學曾偕張秘書漠漠水簾遺跡渺問誰幽洞賦閒居

李昂英

棱稜霜節挺台端譽謬排闥肅牙冠何事抽簪竟歸去鐵橋風雨幾盤桓

荔莊詩存

六

孫賁

南園風雅五雲高歸路煙霞足自豪見說日斜西市去啾啾山鬼哭林泉

湛若水麗嵩

心源一脈衍江門南嶽西樵講席存還有粥唐同執業朱明洞裏互稱尊

黃畿黃佐

泰泉曾繼粵州來一卷圖經手自裁兩代文章工著作瓣香端合祀瑤臺

葉春及

半椽風雪閉逃菴洗耳歸來夢正酣翻笑閒雲閒不得每
辭後鶴出溪潭

袁崇煥

醫巫閭昨日治兵絕徼誰推萬里城劍賜尙方人莫返嶺
頭泉作不平鳴

譚清海

見日山人曠代稀茅衡抗疏叩朝扉胸藏奇氣橫天下廡
廟山林一布衣

開年兩日山中縱步

林谷散鮮契道心探年無客好行吟潛魚躍澗水初暖靈
鳥呼春未深高樹雲藏低樹見遙山日朗近山陰巖花

荔莊詩存

九

得氣參差放留待詩人款款尋

贈道侶余笑塵子

儒冠怕賺鬢成霜別製雲冠禮上皇道德有函瞻紫氣功
名無夢熟黃梁室能生白神常靜爐未燒丹體自昌醒世
一編傳語錄學仙仍不負宮牆

游撥雲寺遇虎

策杖飛雲頂雲深野寺閒腥風刷林谷猛獸越柴關膽笑
沙彌怯心同古佛頑機忘自馴擾穩步上重山

由白水門路上飛雲頂

磴道竦然上凌高失鳥蹤風簷忽轉石雲撼漸迷峯跨險
足逾健搜奇興更濃狂游恨天遠踏碎幾芙蓉

酥醪觀中遲李仲約學士文田來游不至

浮山草木多仙氣底事游羅不到浮豈是鐵橋難拄杖致
令玉局竟回騶菖蒲酒釀經年釀雲霧茶甘過雨收何日
蓬萊風引至山房清供足句留

自題所畫扇

石田茅屋舊溪山流水聲中自往還一片閒雲少拘束欲
隨霖雨出人間

家印波總戎旭師船出海偕游補陀

扣舷思唱大江東路出蛟門望眼空萬里濤飛枚乘筆一
颿天助馬當風新龕竺國談禪味故壘舟山數戰功橫槊
賦詩尋彼岸不成仙佛亦英雄

荔莊詩存

十

游補陀山八首

界入梅檀海氣蒼儼乘寶筏渡蓮洋白華頂接三摩地紫
竹林棲萬法王雞犬不教隨俗去魚龍偏爲聽經忙無多
福慧貪祈佛且放吟身兩日狂

仙人舊館古煙霞三萬琉璃飾洛迦香國有緣供內官普
門誰主仗

天家寺分前後邀

宸翰洞關玲瓏轉法華博得僧徒矜
寵錫向人時耀紫袈裟

危峯雪浪踏層層飛錫無緣路怕登苔壁徧鐫三世佛茅
篷散處十方僧雲間鐘鼓鼙聲應海上樓臺蜃氣騰聞說

朝參春夏夜招提光徹萬枝燈

化身巖洞偏棲尋纔過潮音又梵音繞道靈蛇通佛性忘
機漚鳥息塵心崖經波嘯根疑鐵寶許人窺相現金響納
風濤羣壑動移情思答伯牙琴

五十三參拜善財磐陀說法道場開半空瓔珞乘雲下
滴楊枝灑露來絳節有時臨貝闕白毫終古放蓮臺雪根
墨汁爭題徧那箇頭從苦海回

受菩薩戒契圓通樂住靈山在海東千步沙搖金粟地一
池水漾白蓮風曾教獻寶來龍女難得持齋到釣童秘藏
莊嚴經萬卷道人由此悟真空

荔莊詩存

圭

咫尺蓬萊欲學仙偶從佛國證因緣吳門跡溯梅岑月句
漏丹遺葛井煙何必達摩能渡海自來靈運本生天我行
欲乞如瓜賚秦代槍桑莫問年

遠來差喜際深秋好借團瓢作浪游窮島倘容開白社乘
槎何惜挾縑流人天淨果三生共風雨禪牀一夕留領取
齋厨煨芋火短姑長道記灘頭

家印波總戎偕游天童山

秋宵人住柳營閒喜放孤篷約踏山太白何年淪草莽濃
青一路入松關堂開鹿苑晨光澈篋護龍衣瑞氣環聞說
志公曾奉

詔煌煌

天語煥巖間

戴夢若 索題所畫香港雲泉高趣圖并呈胡蓋臣

漫空雲水共一色水與雲遺雲有力一夜湖滂雲化水白
虹互天鼻深碧我從羅浮半山脚此景歸來人不識戴遠
畫手天下聞風雨鐵橋苦相憶相逢示我雲泉圖轉借滄
溟寫奇特滄溟萬里蠻煙寒海市陸結蛟龍蟠層淵光怪
市舸集崖青海黑成鉅觀年來飢驅走窮島橐筆塵中人
易老填胸塊壘積難消盡捲飛濤入懷抱風波險處魂不
驚一紙要爭身後名至今懸向空堂裏沉淠如聞巖穴聲
陰霾怒張龍伯國攬空翻壁銀河傾皎珠滴雨蜃嘘氣幻
此妙境如蓬瀛舊游終記名山好腥風誰汲仙瓢掃繪留
尺幅有深意持贈故人非草草雲兮水兮何糾紛海若氣

荔莊詩存

圭

騎愁煞人高人妙趣豈繫此為君一問雲中君

贈醫士羅華堂

讀易辨五行庶技由此出肢體况調劑陰陽審虛實神醫
手補天理造庖犧室豈徒抱古方謂得龍宮術化機洞河
洛良相功始匹妙悟契四時斯能拔奇疾先生達造化應
變非執一默會玄中玄救人百不失似吹鄒陽管暖回寒
谷日如挾紀昌矢命中可及茲問君何以然神到口難述
要其窺腠理旋幹在倏忽無過人治人絕不物於物譬彼
能文士精義躡月窟羅胸備列宿落紙無餘筆丹經本卦
象吞篆君預悉延年有大藥刀圭或許乞何勞田種芝已
見泉湧橋我行爲蒼生拜此萬家佛

送朱華甫都戎之江西

半是詩仙半地仙逍遙纔試壯遊鞭落霞遠指滕王閣春
水方乘杜老船嘯虎前谿尋舊社撼龍空谷訪遺篇此行
不為封侯印猶仰綸巾興灑然

送李圓歸羅浮

洗盡塵機意豁然厭從人境問桑田無為足證逍遙道知
命長完自在天瑤草琪花雲外洞芒鞋竹杖地中仙羅浮
此去無多祝一箇峯頭住一年

游深溪山第十龍潭觀元人石刻 并序

石刻曰飛泉曰紫虛洞天曰西山道派曰南嶽仙
源字俱大尺許旁有小字云大元某年西岳先生

荔莊詩存

圭

尹道泰開山二所曰紫虛洞天曰通仙道人楊志
堅步此海陽龍虎某某記考太平廣記女仙部魏
夫人者任城人晉司徒劇陽文康公舒女名華存
幼而好道年二十四適南陽劉文生二子已粗立
乃齋於別寢累感真靈白日昇天大微帝君位為
紫虛元君領上真司命南嶽夫人陶貞白真誥所
呼南真即夫人也此尹道泰蓋女道士供奉魏夫
人故諸石刻云然今遺構已無存

龍潭深溪底飛泉雲外喧聞昔有道者養高闕邱樊我來
訪遺址崖字青可捫上云尹道泰開山於大元洞天曰紫
虛南嶽通仙源下云龍虎某某記留山根頗憶真靈匪紫

虛魏華存 真靈位業圖女仙位 道成授玉札南嶽尊靈媛

道泰豈女冠禮此斷濁煩年深壇觀沒恍惚不可論紫昔
道教興實稱奇渥温西遊長春子雪山朝至尊歸來錫仙
號北宗盛龍門同時全真派棲息南時村馬鈺孫不二蓬
島先期奔別有龍虎張宗演及留孫組服芙蓉冠後先侍
帝闈彼皆守玄牝清靜為之根時時悟世主止殺聞至言
不比林靈素妖術謾童昏神霄傳密語唐突玉真軒茲山
元代構道派同本源先生號西岳龍錫或望恩道人楊志
堅千里相攀援想當營建初琳宮鳳高焉南真與北宗經
帙勤對翻如何六百載迹掃風無痕空餘龍潭水日夜流
潺湲

荔莊詩存

圭

資福寺元至正大鐘歌 并序
鐘高五尺許口徑三尺許文云大元國廣州路東
莞資福禪寺僧眾化到金銀銅鑰等寶鑄造銅鐘
一口重五千餘觔腰鑄天竺國梵書咒二十四字
并有大士現貧婆身施錢以為靈蹟以和鐘音聞
音思武應鐸銘功敬列芳名流傳萬古進義副尉
東莞縣達魯花赤木八刺等至正七年丁亥正月
日識

東官古利湖南漢脩慧資福高閣浮修慧大寶鐘已沒
院舊在縣城東南漢大寶間建內承宣使
劉廷威鑄鐘置院中今院與鐘已無存 惟此至正今猶
留憶昔元兵下西域法王佛子來神州八思巴錫帝師號

金葉經眼爭焚修庚申帝立事尤佞番僧演教忘春秋當年鑄鐘鎮此寺仰贊佛法揚王床銅五千筋出檀越雜以至寶金銀鑰金銀人頭幕騎馬海舶輸送如泉流惟鑰所出路更遠波斯碧眼紛來投雖云寶貨富百粵亦見兵力行歐洲三錢布施事更怪大士豈遂無金溝胡爲躍冶現三寶鐘腰下有始悟月面青蓮眸腰中梵字二十四誰其刻者老比邱膽巴神呪或卽此用厭靈怪驚龍湫我聞至正閱七載中原盜起連海陬真人龍蟠在濠泗布衣會化爲王侯秀支僕谷鈴語動相輪來告難爲謀如何副尉木八刺勒此尙欲銘勳猷君不見大寶三年東監鑄郡志載在縣東監鐘爲大寶三年鑄金塗鐵塢同雕鏤羊頭二四白雨至昌華

荔莊詩存

畫

花謝誰巡遊詩成語佛佛不語惟有蒲牢響吼風颼颼

荒原

荒原無車馬躑躅走狐鼠中有英雄人翁仲立不語

曉登水簾洞謁何仙姑祠

銀河屈注走轟雷濕霧濛濛掃不開忽見一雙紅蛟蝶傍人飛上會仙臺

石樓璇室綵雲環瀛海歸來認故山夜半纔聞仙鶴語不留清影在人間

襲帶雙飛水合流水精簾外月如鈎鮑姑鼓掌麻姑笑誰占瑤京在上頭

清都偷乞九還丹午夜朝元冠法冠獨立壇前人不見天

風吹下玉笙寒

題戴夢若羅浮觀瀑圖

朱明洞老石門合未許凡夫輕出入戴逵攜杖曾獨來四百卅君齊拱揖蓬萊飛瀉太古雪白龍裊空響奔峽泉喧境寂通靈禪臨流自得安心法我伴山靈忘歲月房貯白雲階積葉約君再到君來遲長松無聲衆峯立酥醪水化酒氣香肉芝初肥俯可拾羣仙高會將有期誰跨徜徉大胡蝶

麻姑進酒圖爲何太孺人壽

絳雲詠岩天門開仰看金母排空來霓幢羽葆下鸞馭璇光閃爍金銀臺蕊宮舊侍推班首蓬壺慣釀瓊蘇酒阿母

荔莊詩存

美

傳宣降玉京爬搔愛汝摻摻手故交珍重何仙姑紅塵小謫瑤池友同是蟠桃會上人相逢合問平安否壺裏乾坤日月長蓮花世界薰風香綵衣丹楮森玉笋十洲三島來明粧青琴爲謳緣萼舞壽君滿酌昆侖觴慈雲覆處大歡喜濁醪盡化功德水擲珠作米沾衆人萬家齊祝三千春歸來應對羣仙說女貞花下逢生佛扶桑笑指海門東寶婺星明大於月

壯士拂劍圖爲賴磐洲軍門鎮海作時軍門家居

豪情難遣付吳鉤斫地歌哀不自由傀儡場中誰肺腑風塵眼裏幾恩讐短衣匹馬英雄老長斂無魚座客羞苦恨邊烽仍未息願提三尺覓封侯

歸羅浮

芒鞋竹杖叩巖巒驚起松間鶴夢醒我自遠來雲遠出送
迎忙煞曉峯青

次韻譚叔裕太史宗浚游酥醪觀之作兼呈梁庾生

秀才起

喜君金閨彥結伴來山林蔬咀雨餘味經聽雲外音我期
紫芝叟歸卧丹砂岑詎敢誇靈異知常證道心

附原作

何人關棹莽結宇依空林澗草饒仙氣山禽學法音似
聞飛寶蓋時復駐瑤岑相傳觀落成日有五色雲見卽事多靈異應
懷嘉遯心

荔莊詩存

老

譚叔裕飲觀中桂花酒而甘因作酥醪酒歌賦答

金門歸客真人筆補造化詩有神登山臨水動高興一
杯索醉羅浮春羅浮夙號神仙府前有安期後桂父桂父
餌桂實馬東羅浮山志責懷身直入蓬萊宮眼見安期酌
神女酒香噓喻酥醪釀至今羽士挹餘懋血清骨勁顏醜
紅後來何人知此旨謫居造釀東坡子擣辛篩辣傳仙方
滑比雲英甘石髓椒漿桂醕古亦有想俱切置其中耳楚
王逸註桂酒切桂置酒中如何刻石鐵橋邊云備瘴鄉編酒史秋來露
冷銀河槎巖間老桂叢作花瑤臺仙子不自採木樨香度
山人家我從禪悟出新意以花爲釀含真味益然玉色醕
而清咀之不幸其性平輕身自可御六氣延命豈待仇三

彭靈芝醴泉得蒸潤仙仙乎羽翼沖舉凌瑤京昔聞趙師

雄醉卧梅花下綺衣翠羽夢初回云是飲中得仙者又聞

唐子西南遷寓惠州醴醪自釀養生主擬追葛單逍遙遊

鶴林玉露稱唐庚在惠州名酒之和者曰養生主其勁君

者曰齊物論山志載有庚所作葛洪單道開二賢贊君

今高珥蓬山筆玉局仙才世無匹往歲持節行蜀都醉歌

直造相如室小山招隱我何敢采石上仙君可必金丹卽

未成九還玉酒先宜餉真一酒者天美祿聞之君先翁少

年裙屐集蒲澗壽相早決程司農陶然自放觀世變雞皮

鶴髮無龍鍾君先翁玉山善飲嘗謂余曰吾少年時隨程

謂及見者惟吾一人吾未嘗止酒今聞君如去學仙長使

古稀矣乃知酒者天祿真可養壽也君如去學仙長使

杯在手宦境能醒春夢婆醉鄉自契希夷叟朱明七洞天

荔莊詩存

夫

仙醪我常有中山千日未足奇淮南八公此其偶但使吳
剛桂樹平分八月秋定知方朔蟠桃長介千年壽

附原作酥醪酒歌并序

余寓酥醪觀數日陳丈友珊飲余酒香清而味冽余

謂酥醪以酒得名非此酒不稱此地也詩以貽之

蓬萊水淺今幾年倥傯期羨皆雲煙人間何者是仙境

惟有華胥國裏全其天君不見洞窟醉君不見希夷眠

飛昇何必求丹鉛林深壑美風日妍一杯與我長周旋

我從浮山來首叩朱明戶衣披鳳谷雲鳥踏龍潭雨主

人愛客陳尊罍缸面新醅如撥乳飛來雙蛺蝶栩栩依

前楹涼風洒然滿襟袂便欲跨鶴歸瑤京少焉日落金

盆傾長松自舞修竹鳴空中仿佛雲亭亭坐我以琳琅
珣玕之石磴娛我以琴箏祝敵之泉聲倏忽騰身登紫
府夢中似是瀛洲路玉兔長依桂樹眠青鸞慣傍琪林
住仙之人兮列如麻或駕虎馭駉虬車爲言至樂在杯
杓慎勿辛苦食流霞貽我八解漿飲我三危液丁宜求
長生痛飲須勿惜人世有忿爭酒後盡消釋人世有怨
尤酒後但歡劇其潤比金壺其甘同玉醴其芬勝椒蘭
其冽如藥石軟飽三百杯冥冥任所適行之久勿渝可
以鍊精魄下顧酒田路蕭颯梅花叢麻姑賣壚漸消歇
兩鬢凋瘵成秋蓬吁嗟仙人不飲尙易老何況爾曹忍
使金樽空醒來皓月林間起拍枕濤聲浮兩耳靜思劉

荔莊詩存

完

伶畢卓眞解人果與後天同不死伊余櫻世網局促如
轅駒辛勤博一飽逞敢求歡娛卽如前年擁節來成都
雲安麩米聞絕殊郛筒花釀原可沽勞勞冠蓋坐困頓
枯喉燥吻何曾濡乃知人生貴適意富貴豈及山澤癯
吹玉簫展瑤席萬籟沈沈起寒碧村節行歌樂無極夜
闌大叫呼酒星似傍南維光烏奕野人木客休相嗔不
爾何能快胸臆生不願獲東瀛瓜棗三萬秋但願醉西
域蒲萄五千石

傍晚同梁庚生茶山飛瀑下小坐

絕幽不覺遠陰壑見斜暉澗水亂樵語溪雲帶葉飛石喧
游客席塵流道人衣煙合四山暮蒼蒼橫翠微

題道侶王芝巖焚香圖

繩牀枯坐掩窗紗手把黃庭鬢未華夜冷香煙團不散滿
階如雨落松花

贈道侶黃學留

記歷星霜路八千鑿開塵夢恣談玄百爲已洗生前劫一
見能參世外緣在手酒杯長樂老隨身詩卷小游仙藏脩
浪主蓬萊席落落傳燈仗汝賢

荔莊詩存


幸

先君子少力學好吟詠見賞於順德梁章冉先生每歲冬
餘以經學教弟子並日課一詩從之遊者率百餘人晚隱
羅浮著述外兼以詩自娛然多不存稿檢篋中僅得詩百
餘首門人張君寓荃梁君伙侯輩囑鋟木以傳因述數語
附之卷末 男 伯陶謹識

秀莊詩存

三

廣州市西關街余富文齋刊印




養
存
獨
齋
詩

庚辰五月

馬承賢





養拙齋詩存序

余從兄復初爲人和平樂易喜施與好善不倦素性淡泊不以榮利介懷三十餘即棄舉子業頗好吟詠以自適往余家居授徒其子鼎從余受業兄亦常相過從課讀之暇輒與論古今道衷曲一觴一詠互相唱酬蓋其時相契甚厚相得甚歡若是迨庚申計偕余至清江聞警而返則兵燹洊至井里蕭條兄方臥病山中余往省視猶慰勞如平生乃未踰年而兄遂辭世余自是棄筆游楚轉徙十餘年回首鄉關倍增感喟及筮仕江右又以薄宦羈人欲歸不得今年秋大兒楨自金陵試選出養拙齋詩草一冊乃鼎於亂後抄得遺稿若干首來求余爲之序余持之不知其爲詩也蓋不勝人琴之感焉益又深余桑梓之思也方余與兄之肄業台山寺也優游林壑之間流連文酒之譙往來贈答何樂如之未幾而滄桑變換故舊凋零欲彷彿幽居之勝概而不可得又况文章書籍消燬於灰燼之餘者不知凡幾也豈料十數年後中興啓運復親承平而其所遺殘編賸墨其子猶得而珍藏之至於今而余且爲之摩挲而歎賞也乎余深幸兄之手澤猶存而又喜鼎之讀書能世其業也爲之序而歸之鼎也勉旃其克自樹立以承乃父之志可也
光緒二年歲次丙子小陽月上澣陶軒氏鴻澤序

養拙齋詩存

序

一
棟學齋叢書
第一集

題養拙齋詩存後兼柬愛亭姪

吾家伯氏號雪堂鳳毛濟美能文章養拙名齋守吾素淡泊不馳名利場生平嗜好書與畫尤耽吟詠協宮商揚華採藻兼今古風骨迥峻追二唐年來著作等身積珠璣字字吐光芒面似桃花身似柳名句膾炙人難忘騷壇我亦隨唱和燻篋相應聲鏗鏘須臾浮雲變蒼狗吁嗟浩劫遭紅羊避亂歸來家四壁傷心琴在人遽亡收拾殘篇成簡帙猶幸有子傳書香示我一編舊詩稿如見伯氏金石腸吾家手澤無一有對此不覺神悅傷子能善繼先人志吉光片羽宜珍藏他年名山搜著述壽之梨棗流遺芳
時在同治甲戌清和月丹五氏桂芳題於寄琴樓

養拙齋詩存

序

二
棟學齋叢書
第一集

養拙齋詩存

涇縣胡學書雪堂著

雜詠

三春淑氣至衆鳥相和鳴工拙雖有異各自發新聲皇皇李與杜鐘鏞鐸錚錚郊寒與島瘦亦傳後世名我非能詩者聊以寫性情

昔者顏淵子三十而夭折商彭享大年春秋歷八百彼壽何以永此壽何以迫豈知千載後同作長眠客惟此身後名永以壽金石聖人亦有言聞道死不惜

吾有三尺劍佩之數十年能奪星斗光能摧金石堅夜半匣中鳴神蛟吼潛淵珍重復珍重一流連見者若無睹吾心殊坦然晉代有高士琴設而無絃

山中有白雲無心自來往隨風任所之意態何蕩漾因此感吾懷悠然發遠

養拙齋詩存

漢學齋叢書 第一集

想天地本遠闊俯仰自寬廣人生貴適意莫投名利網

桓簡公祠堂

江左偏安晉室卑賊人跋扈國祚危不能廷尉望山頭詔書一紙烟塵馳烽火連天逼建康更無一騎肯勤王桓侯拔劍怒而起義旗豎立江之浹一書忽報建康失精忠益以賈白日國亡與亡義無辭人臣一生之事畢公之志氣如石堅公之精魂常在天我來謁公拜階下奠罷椒漿意流連公其有靈來享我亦慷慨讀書者

俞將軍墓

將軍乃一武夫耳舍身取義竟若此桓侯不肯負國家今日焉敢惜一死當日將軍血戰亡大節凜然嚴秋霜荒草一叢封馬鬣過者無不暗斷腸何日再拜羊肚石特薦將軍一瓣香

金御史故城

萬峯壁立勢環抱中有一綫通鳥道古木參天蔽白日女牆無人石亂倒御史昔日此屯兵天險常與雲霄爭孤城屹立山之上敵人對之心膽驚書生謀事豈莽夫大廈不能一木扶別有幽徑師潛度鐵鎖郎當北走胡至今芳草遺廢址戰鼓無聲三軍死千年碧血化為燐夜半山坳陰風起

香心夫人廟

荒村晴煖花斑斑古廟丹青翠竹間疎窗日曉紅梳髻遠黛吞深綠擁鬢人生自古誰無死扶持綱常一女子貞心發為蘭麝馨濺血染徧杜鵑紫廟門斜倚山之隈蠟蛸在戶階生苔千載貞魂常不散明月清風自往來

夏夜

晚風生微涼露下空階濕深院悄無人時見流螢入

飼蠶詞

瞳瞳日影上紅牆暖護深閨錦幔張清酒一壺香一瓣大家齊祝馬頭孃

養拙齋詩存

漢學齋叢書 第一集

野徑桑陰綠影合小姑折葉大姑擔老人兩鬢皤皤燈火寒窗飼女蠶阿儂日日怕蠶饑到四眠葉漸稀更願大公十日煖關心只恐雨霏霏機上新絲如白羅儂家辛苦一春過豈知戴勝飛鳴後布穀聲聲勸插禾

節婦吟 為荀婦葉氏作

忠臣義殉國貞婦義殉夫一朝絃斷絕妾當與君俱上有白髮人下無垂髫子所以留賤軀不敢從君耳舅姑無人供妾為進甘旨兒即己兒妾為善撫字膏沐久不御容顏為之毀終年妾辟繡室無呼庚癸子職為君修父職為君理忍死非偷生妾心如月明

友人新婚

記得書窗共讀時每逢月夕賦新詩而今檢點題詩壁好與佳人作畫眉天桃灼灼立風前一種丰姿嬌可憐寄語劉郎須愛惜秋風結子桂花天

秋閨

一盞孤燈淡不明夜涼如水暗愁生寒蟲不解幽人意偏向階前唧唧鳴

過溪南山莊

書聲出茅屋白雲長在天屏息花間聽疑是離騷篇有犬吠籬根主人出門
前相逢一大笑攜手入林泉或以酌樽酒或以弄管絃或聽林中鳥或採浦
內蓮徘徊不忍去彼此各流連須臾明月上清光滿庭前

消暑 韻用綠樹陰濃夏日長

鎮日掩柴扉淡然空嗜欲何處響蕭蕭修竹滿窗綠
園林暑逼人散髮迴廊步坡公水調詞詠罷蟬鳴樹
萬峯立屋角蔚然一徑深松濤枕底落橫琴眠綠陰
夜靜來池上閒吟倚孤筇涼風忽然至荷花香氣濃
富貴身自勞貧賤身自暇小隱在牆東林深不知夏
焚香開金鴨烹茶掃石室棋子落丁丁一枰消白日

養拙齋詩存

三

養拙齋叢書
第一集

書臨右軍帖墨磨松花香窗前新綠影芭蕉數尺長

隨園 次秋坊先生韻

清涼西畔有柴關秋水一泓翠竹環我道果然幽雅地人言此是小倉山
竹林風月夜窗虛樓閣參差畫不如一自先生騎鶴去烟霞空繞此庭除

登北極閣遇雨 同前

終日兀兀坐游興頓然作相攜二三子隨步上高閣四望杳無極天光日影
薄冉冉白雲生須臾過邱壑萬家沈滄海一塔撐碧落飛鳥斜欲墜中天風
勢惡片時雨忽收青光滿山郭

清溪渡 同前

長天秋水共悠悠渡口風光好放舟明月管絃何處是清溪兩岸住紅樓
細草微風白日悠紅闌干外泛輕舟癡情欲化溪邊月夜夜清光宿畫樓

送友之漢皋

且飲樽中酒休話離別情丈夫懷壯志聚散浮雲輕山青兼水綠柳暗更花
明春光行處好慰君到楚城

題燒丹圖

石窟瀉清泉丹爐起藥烟松下危坐者神游太古天
萬緣都已絕空山獨坐臥悟得此中理丹爐可打破

夢覺

輕寒薄煖嫩晴天花氣襲人倦欲眠夢覺偶然聞鳥語詩懷澹澹寫雲箋
東石巖山諸同好

山中風景近如何春日融和樂境多楊柳可會遮曲徑梅花想已發高柯好
邀僧侶攜清酒同上月臺看翠螺山之內有石曰月台隔塢桃開傳尺素山與隔塢相近塢內桃花最盛
故人來訪舊巖阿

烏欄塢看桃花

養拙齋詩存

四

養拙齋叢書
第一集

行行古原上淡蕩來春風細草綠初勻仙源一徑通雲霞雜一塢迷離色不
同世人愛繁華玩賞興無窮蒼蒼松柏與柏偃仰澗谷中終歲守寂寞枝葉何
青葱每當風雨夕長嘯起太空

烏欄塢看花醉歸

古寺鐘聲催夕陽看花醉臥白雲鄉山中好景難攜去落得春風兩袖香

自笑

自笑無長策終年閉戶宜馬牛憑世喚魚鳥太情癡慵懶多思睡顛狂浪詠
詩功名心已淡惟有菊花知

晚歸

日落深林晚沿溪數十家人歸三徑月犬吠一書花啓戶兒牽袂吹燈婢煮
茶亂書翻未了一枕夢烟霞

桃源行

雨後山光如新浴影落水底蕩溪綠溪中鯉魚一尺長溪上桃花如錦簇漁人愛魚更愛花兩岸繁華看不足輕舟一葉忘遠近雲霞漸深山漸曲老松古柏凌蒼蒼石逕聲確通幽谷山口遙聞雞犬聲谷裏平田開林麓春風到處繁花柳臨水人家白板屋青山久已隔紅塵數家村落自樵牧一時傳聞有客來競詢姓名與邦族茫然不知漢魏名豈識晉宋年祚促居人不著世衣冠比閭猶存古風俗老人扶杖看白雲牧童傍澗飲黃犢青松百尺眠老鶴芳草滿地臥麋鹿炊烟散處日西沉今夕且就田家宿東方漸高啼曉鶯塵心未盡思歸速洞口桃花解笑人溪中流水猶娛目歸來再作汗漫游不知桃源在何處但見雲水一片空悠悠

秋感

空山霜落獨驚秋萬里江天舉目愁古木蕭蕭分遠浦涼風颯颯響寒流一行旅雁雲中落幾點閒鷗水面浮荏苒光陰人易老中宵不寐獨登樓

養拙齋詩存

五

樓學齋叢書
第一集

登太白樓

太白騎鯨去空餘百尺樓江山終古在詩卷至今留遠水浮天闊蘆花滿目秋斯人不可作浩嘆付長流

吳子隨以詩稿見示歌以贈之

有客有客老而狂高談雄辯態飛揚袖中新詩三百首開卷滿目皆琳琅高燒銀燭一朗誦拂拂齒頰欲生香清如新秋氣蕭爽老鶴一聲喚寒塘和如春風來淡蕩桃李無言對夕陽有時拔劍悲歌起萬馬奔馳鳴刀鎗愁雲漠漠燕山黑斜日黯黯塞草黃長歌短吟盡珠玉嬉笑怒罵皆文章峯峯古寺昔讀書賭韻飛觴意自如春早看花杯在手夜半高歌雪壓廬十年光陰如流水轉眼兩鬢欲蕭疎故人已化雲中鶴即秋翁先生笑我猶如涸轍魚今日逢君溪水上請君意氣真高曠傲儻權奇總不拘疎豪恐被時人謗七字吟成要我歌歌罷明月出疊嶂

春日書懷和家子麟韵

偶然拈筆寫幽懷興到何嫌韻未諧名利無爭綠性懶疎慵習慣豈心齋歸來自有田園樂不遇休言時命乖富貴不如貧賤好風塵免得客天涯風光轉眼又青春烟柳如絲二月旬碌碌半生猶故我茫茫何事可先人任他若輩呼牛馬懶向名場較屈伸料得紅塵留不住桃花流水問漁津酒懷詩興偶相逢一首新詩酒數鍾逸興偏多參畫史芳心不斷號花農歸禽自覺深林樂倦翮何心萬里衝懶看六朝風景勝是歲秋間余懶於行征衣不必更重縫

車馬爭如晚步安情懷最耐是孤寒看花薄酌消閒晝招友清淡寄小翰芳草滿庭吟李杜青燈開卷讀蘇韓從來世事真游戲醉到闌干不整冠

和家雪齋孝廉

天涯何處覓知音醉後長歌又短吟近日湖山多浪迹等閒名利不關心阮

養拙齋詩存

六

樓學齋叢書
第一集

生痛哭悲窮路陶令逸情寄素琴惟我與君同調者不妨攜手老烟岑

拾得梅花一枝

偶來溪畔踏春晴拾得一枝冰雪清不識是誰雲鬢落香風一嗅惹癡情羅浮仙境是伊家春色飄零亦可嗟我試爲君一舉手香魂免得逐魚沙

採蓮曲

採摘復採摘花中露未乾不惜羅衫溼一心戀所歡蓮花映紅粧蓮葉含清影低聲喚郎來此中有佳境郎貌似蓮花妾心如藕絲郎貌妾愛惜妾心郎不知

四十感懷

家懷仁先生嘗語余云學始生之日設湯餅筵宴客先大人慨然曰生兒誠難哉既欲其生更望其是男更望其能壽考更望其能成立學聞此言耿耿于心今年四牛追憶前言不禁愴然有感

父母生我日愛惜如珍寶既幸是男兒更望能壽考詩書世澤綿功名成立
早常存此區區何時釋懷抱今年四十生年幸不夭古稱不惑年理境塵
障掃愧我暗昧胸作事多草草禮曰強仕年吏事嘗論討愧我鄙俗躬一領
青衫老我父久棄余我母頭已皓我今思此言不禁泣蒼昊語我者是誰懷
仁先生道

有感而作

稚子惟知羨大賈俗人那復重儒冠多情只有溪邊柳勞爾年來青眼看

秋日飲長樂山

平江秋雁一聲遙霜落空山草木凋相對無容悲歲月高歌且自上雲霄酒
因酣飲天都醉身不自支山亦搖便欲奮飛銀漢路滿懷滄海水光鏡
每逢詩酒便流連况復楓林秋色妍嶺上寒雲生袖底林間飛鳥落樽前經
霜黃葉橫鋪地似劍青山亂插天莫道蓬萊人世隔我今即是小游仙

養拙齋詩存

七

換學齋書
第一集

放歌和紫林

丈夫當封萬戶侯手握兵符定九州東藩已下南越服四夷無事干戈收否
則君身有仙骨飄然不與人世儔雲為車兮風為馬十洲三島任遨遊胡為
兀兀守牖下手執一編日吟樞眼中不知天地闊局促與世共沈浮幾來惟
知供一飽倦時但覺高枕投吁嗟乎富貴不可必神仙不可求七尺昂藏何
所用徒然炯炯懸雙眸昔日少年今老矣轉瞬已覺鬢盈頭

秋宮怨

青燈夜泣紅妝煖冷露接風昭陽殿可憐年年不見春空階落葉散如霰憶
昔少年入宮時風流豔絕桃花面金樽美酒樂未央水滸銅壺催漏箭今年
歡笑復明年不覺秋風入團扇愁來欲寫相思句彩筆一枝點素絹妾身雖
妾安足惜只是君恩深可戀

益三留贈戲贈

昨日與君初接見訝君顏色頓然變如何相別未三年乃爾鬢髮竟滿面
昔年也覺顏如朱今日居然偉丈夫我有一言君莫怪深閨不愛老頭顱
轉眼西山又夕陽人生換得幾年郎如今老大堪嗟嘆也要與君較短長

哭益三

最足銷魂是別離痛君一去渺歸期空齋夜冷梅花月君嘗館於管領春風
付阿誰

高堂白髮已龍鍾膝下垂髮尙瘦容骨肉關情難不得緣何撒手覓仙蹤
地下飛禽有鶴鶴君兄夜台應不嘆伶仃天邊別有孤鳴雁啼斷西風
不忍聽

一樹荆花舊有姿西風大虐折雙枝如今曲奏墳前雅腸斷聲非是昔時
死生之理古今同事到頭來終是空未待秋霜先萎落憐君歸去太匆匆
會築荒郊數尺墳朝朝不自惜辛勤君同鄉可憐細雨清明路蓬露行歌

養拙齋詩存

八

換學齋書
第一集

又送君

窮民行

偶過田家見有老婦蓬人垂淚詢之一家數口相次而亡剩有遺孩
焚焚在抱生死莫必余聞此言不覺有感

天地誠廣闊覆載有所虧日月誠光華照臨有所遺哀哀此窮民年已近古
稀萬斛悲傷藏胸臆未曾啓口先淚垂去年秋風八九月獲荷猶有婦與兒
今年嚴冬九十月一家數口盡分離焚焚剩有抱中孩嗷嗷待哺日苦饑老
婦夜啼關山月難燕傍花不能飛相看兩眼無親人垂垂欲死更何依我初
聞之甚嘆息我復思之心更悲人生富貴功名復何為但願一家骨肉團圓
似明月粗衣淡飯情自怡嗚呼人生富貴功名復何為

與內子話舊有感口占二絕

昔日紅顏女今朝白髮婆二十年間事流星頃刻過

卿莫說往事傷我情春風花月夜記得最分明

自君之出矣

自君之出矣不復理琴瑟悲切不成聲聲聲惜離別
自君之出矣不復進酒厄未能解愁悶偏能惹相思
自君之出矣不復下妝樓日日樓頭望或恐是行舟

見月

少時見明月我心爲之喜如與故人別忽然來千里今日見明月我心悲不
已如彼憂思婦觸物而情起明月古今同悲喜乃若是我還問我心莫知其
所以我將問明月無奈竟默爾但見雲漢間明月皓如水

挹爽樓和吳子隨韻

挹爽樓偏倚城南正面水西俯仰間古塔梵宮風帆烟樹宛如畫圖
欲訪一邑之勝無過水西欲覽水西之勝無過是樓也

養拙齋詩存

九

換學齋叢書
第一集

經營結構是奇才是樓家采此日登臨倦眼開窗外亂峯銜日去天邊孤雁
破煙來層層樓閣分高下泛泛漁舟自往還况有賞心人在座時有妙清歌

勸酒莫停杯

烟雲都在水之西一上高樓望欲迷寺裏鐘聲穿樹出雲間塔影壓城低層
巒積雨青歸檻野竹如蓬綠滿隄待得桃花明歲放買春仍要玉壺攜

游水西禪院用吳子隨挹爽樓韻

謫仙去後苦無才今日邀朋訪勝來綠竹叢中幽徑入白雲深處寺門開經
年古壁觀遺畫寺壁畫有十八羅漢像香冽新茶飲數杯烟樹蒼蒼日欲晚渡
頭載得夕陽迴

除夕

今夕是除夕吾心獨依然相留在片刻轉瞬又經年小兒圍爐坐笑語滿樽
前老人抱深意此情只自憐人生百年間光陰似流泉

臘月朔日晚起冒寒往溪頭夜返

步健何須杖閒行與亦除蒲山藏霧氣一路踏霜華風冷偏欺面日高猶凍
鴉歸來村暝暗燈火野人家

讀詩有感

婦豎不識字風雅乃若是葩經三百篇作者非文士寥寥短章間韻節叶宮
徵情以任天動辭以緣情起工拙非所論名譽更不市第以書懷抱如斯而
已矣精氣故常留文章乃不死所以千載後猶以爲風始今人殊不然各自
逞靡靡摭拾以爲工粉飾以爲美動筆千百言莫知其所指性情失其真紛
華徒滿紙繹之苦無味竟同嚼蠟耳安得奉始皇一炬快何似兩眼去翳障
清光滿懷裏

苦雨行

己酉之春陰雨連綿林中好鳥寂然無聲園內繁花黯然減色一月

養拙齋詩存

十

換學齋叢書
第一集

以來兀坐案頭繁碎之聲擾人清夢欲南陌踏青則阻我游興欲西
窗剪燭又阻我談興也平生無聊一至於此遂作苦雨行

九十韶華真草草和風和雨空過了捲簾不見枝頭春破曉莫聞林中鳥樓
頭日日苦霖鈴一腔詩思爲爾擾我欲問東皇東皇應亦惱花英落紛紛花

魂竟渺渺安得女媧氏好施鍊石補天功補就漏天依然見蒼穹不然海外
巨靈聊試一臂力撥開層雲濃如墨百花處處放新晴擊楫攜壺樂無極

烏欄塢看花醉中偶得人面似桃花人身如楊柳之句足成十二韻

今日天氣佳同行二三友來訪武陵源共酌宜城酒開樽正面花飛鷓鴣戰
拇高唱輒入雲拚飲幾滿首酒氣併花氣和杯吞入口一自入醉鄉世慮渺

何有勝境讀異書斜步之字走人面似桃花人身如楊柳目搖而神馳蹶前
而踵後更有無賴客甘入通逃歡樂正無極平生固是偶醉踏落花歸滿
天搖星斗

游隱仙洞

昔年嘗過琴溪道仙峯轟起入雲表今日來訪隱仙巖滿山怪石何巉巖紫
山禪院足清幽行人到此欲小休寒裳試問蓬瀛路小橋曲折澄清流一入
洞口忽大叫造物奇怪如此妙石柱倒掛三千尺疑是神龍一尾掉此洞幽
深不可窮常恐白日起蛟龍陰風颯颯毛髮竦教人何處覓仙蹤仙乎仙乎
不可見洞口流出桃花片忽聞岸上採樵歌天地空闊風景變

烏柵塢看花忽憶曩年同秋舫先生益三硯兄花下醉飲皆已物故不

禁有感疊前韻成短古一章

桃花如美女青山似故友相對兩無言相看宜飲酒醉笑折花枝香氣生指
拇風景猶在目往事空回首伊人不可見桃花仍笑口昔日恣歡讌而今竟
何有俯視澗水流仰看白雲走光陰去不返絮散風中柳當其安樂時焉知
身以後一朝時運衰同歸山之藪白日而飛昇古今乃是偶感此傷中腸醇

養拙齋詩存

十一

一樓學齋叢書
第一集

醪酌大斗

秦淮竹枝詞

清淮流過板橋東十里闌干一色紅夜夜燈光如白晝歌聲綠繞散長風
郭外山光帶夕陽小舟過處綺羅香萬壑擁出春如海高掛珠簾門晚妝
輕搖官扇着羅衣蝴蝶追隨繡履飛畫馬圖衣繡繡一詩所尚一笑相逢何處去清溪渡

口打茶園

纖月如鈞掛柳枝畫樓正是上燈時李郎偷聽新翻曲乘著烏籠小艇兒
短巷深深徑狹邪紅燈掛壁是誰家香風一陣門前過簾內有人喚買花
展鐘初罷已凝妝隔院相邀姊妹行趁著早涼天氣好清涼古寺去燒香
中秋月色淨無波如此良宵有幾何瓜果滿園香裏美人階下拜姮娥
隊隊紅妝笑語來月明如鏡照樓臺大家今夕知何處遙知城南打瓦堆

丹溪垂釣圖為家懷仁再叔題

淮陰昔不遇謀生力已艱抱此縱橫略垂釣大澤間一朝遇漢高功名冠塵
寰先生胡爲者氣靜而神閒嫋嫋一釣竿終日伴白鷗得魚不足喜失魚無
感頗丈夫抱奇志聊寄水滸滸鴻毛過順風霄漢莫可攀否則蚯蚓屈宇宙
一庸凡所以素傑士每被俗人訕

又題

家家住丹溪旁樓台倒影含清光春來溪邊風花香中有磬石色蒼蒼溪
水環繞石中央水石相激發宮商吁嗟此翁太清狂一竿與引秋風長沉鱗
隊隊鯉與魴釣絲垂垂夕陽一簑一笠任徜徉天地空闊萬慮忘富春之
山尚在望客星如斗生光芒千古而後論行藏清風得毋相頡頏

送春詞

昨日杜鵑一聲驚滿園桃李無顏色分付家僮置雜筵我與東君相訣別送
春問春何處去目極天涯飛柳絮送春囑春早來歸芳訊梅花款款故扉我欲

養拙齋詩存

十一

一樓學齋叢書
第一集

留春留不住惆悵闌干幾回步深情脈脈而無言殘紅搖落滿庭樹

六句壽歌為聯元作

天上有南極炯炯光四域地上有南山高高不可攀任是天長與地久南極
南山永不朽公乃得天之氣純得地之氣厚不然歷盡甲子六十春何以紅
顏而皓首耀祖會頌五花譜負郭尚有田千畝陳實有兒光門楣梁鴻有婦
操井臼人生天倫如此樂萬戶封侯何足有舉酒問公公無語公但掀髯一
笑酌大斗

代題秋江泛棹圖

昔年曾泛楚江秋楓葉蘆花伴客舟今日都成雲水夢展圖令我憶滄洲
有客秋江發棹歌回頭不覺暮雲多故鄉大有佳山水何日西軒載酒過

又題

張翰寄情鱸膾宋玉有感秋風何如此君高曠大江鼓柁而東

兩岸蘆花飛白浦林楓葉飄紅扁舟一葉何往涉江要采芙蓉
風足一江浪靜潮落十里沙平柔櫓一聲呼帆驚起蘆雁飛鳴

新歲偶成

茅檐日影漸遲邊屋角梅花三兩枝雪水初消新試墨山齋無事好吟詩眼
前安逸原爲福鏡裏榮華莫妄思更喜高堂眠食健年來鬢髮尚如絲

昔年曾欲留難此意本屬躊躇因明齋一語於是不果今欲留難明齋

不復出一語余亦無躊躇矣詠七古一章非第誌慨亦以博笑也

青春欲留留不住便欲思思棄我去秋風打頭葉蕭蕭即是昨日花開處人
生再難是少年轉眼不復春風妍任是伏波不服老也要鬢髮相輝聯只恐
空負丈夫氣碌碌百年無所傳君不見虬髯公儀表非常人中龍他日得意
海外時萬里鵬程遇大風又不見宋髯蘇峨峨偉貌七尺軀文章推爲一代
宗卓然千古稱大儒我今有鬚更無用但能朝食肉暮飲酒如此之外一無

養拙齋詩存

十二

養拙齋詩存

有鬚乎鬚乎爾負某

留鬚自嘲

韶華一去不歸來也要鬚鬚上兩頭未擬隋堤掩柳線好如新荷攢春雷閒
吟藉爾增詩興小飲嫌渠礙酒杯我且囑君常守黑晚年莫學隴頭梅

不復昔年顏似朱頓然吾亦失真吾每從暗裏覷青鏡竟是人間一老儒談

笑應難遮開口儀容也可表雄軀山妻一見心驚異問我何爲太急乎

胡孝子行

孝子名春齡吾胡氏籍坑人也生父母早卒繼父又卒事繼母孝娶
婦不得母歡輒棄之更娶婦生二子矣仍不得母歡欲棄之春哀求

懇至俾之傭工度日不令暫歸以觸母怒母病革思食魚春擊冰以

取思食肉春剖股以進母病卒不起婦聞之號泣奔喪春居喪哀感

過甚母墓萬山中春廬墓側有虎過墓見春掉尾而去夜有巨石震

聲如雷春方慮石損母柩柩號泣石飛空而過止于墓門至今石
尚存焉蓋春野人也目不知書而天性真篤如此鄉鄰皆知其孝出
至性故遠近無間言焉家東文先生爲之敘因歌其事以發潛德之

幽光云

嗚呼胡孝子稟性何醇美目不識詩書心能明義理繼母如生母恩情猶毛
裏母怒兒亦怒母喜兒亦喜母曰婦不長婦在吾當從以故胡嗣起于母
母不致在家庭也兒曰

婦不長曷其竟出矣斷絃自宜續雙魚自有比舊婦從關去新婦來比里容

顏不相如性情若相似婦來一二載不堪任母使母乃怒大怒婦真不長只

與汝不兩立母恨方切齒兒一見母怒含淚以長跪此婦已生難吾母強其

委一庵出門去傭食於妯娌曉起朔風寒兒常操薪水晚炊暮烟平兒常供

甘旨循循子之職家庭樂如此兒年日以壯母形日以毀陰陽有愆伏二豎

肆其詭兒心抱隱憂憂其無已私割股上肉寒求冰中鯉一朝萱草枯母

養拙齋詩存

十四

養拙齋詩存

病竟不起天崩而地拆傷心而痛髓泉壤其永隔號泣從此始築廬墓之側

兒心不母死草萊必親除救水必親祀事死如事生精氣感神鬼深林來猛

獸斑斑身有斐不逞咆哮勢側耳而掉尾山頭有巨石其形崔以踣夜半聲

如雷奔向墓門止大孝能格天古今理如是嗚呼胡孝子稟性何醇美

擬東坡試院煎茶

陸羽一去茶神死世人無復識茶旨東坡學士人中仙手持玉尺策羣賢東
廊西廊吟聲歇活水活火相烹煎此非出自人間種乃是和風和雨採自武

夷之山巔窗中爐飛雪柳外鶴避烟初看蟹眼過又見魚眼圓空庭細細松

風響金甌捧出色更鮮瓊漿玉液何所護含之于口不忍咽酣飲便覺詩腸

潤吐出清芬滿錦箋短長句歌謠篇至今開卷一朗誦猶是香風拂拂繞我

牙齒尖

行路難

行路難行路難後有百尺之深淵前有萬丈之高山深淵不可渡毒蛟水底
住高山不可行猛虎白晝鳴人生舉足無坦道朝相親愛暮難保談笑之間
藏大禍眼前險阻猶自可

春閨

卍字紅欄當碧紗美人倚立半欹斜小庭日永無人到閉煞牆東碧桃花

煙草

寒士逢人吐氣丈夫行市吹簫陸仙若使相遇滋味也應更饒

明妃

漫怨紅顏誤畫師安邊功足切當時深宮若得君王寵難免秋風團扇詩
只重君恩不惜身琵琶一曲太傷神豈知絕代如花貌也算雲台隊裏人

江干晚眺

蒼蒼烟樹獨斜暉野渡無人鵲自飛忽見蘆花搖動處漁人輕棹釣船歸

養拙齋詩存

十五

採菱曲

第一集

採菱曲

八月秋風涼風吹菱葉香木盆當小艇盪入水中央
曉起理雲鬢相約採菱去采之不盈筐夕陽紅半樹
菱角有芒刺偶爾傷僕指指痛猶自可心痛更何似

秦淮憶舊

秦淮月色映清華紅板橋頭小玉家醉後豪情閒散步相逢一笑便留茶
繁花如錦鬥春暉蝴蝶也從花裏飛最是一枝春豔足懊僕未得採香歸
楚王魂夢上陽台路近陽台夢轉迴一種癡情空惆悵豈知神女不重來
我本多情結好緣桃花不見舊時妍漁人再訪仙源路雲水茫茫空泊船

偶過聽松軒菊花盛放見堯樵居士壁間詩即次其韻

有客敲門冒雨來菊花剛過滿園開主人頗有大兒趣留我花中醉數杯
花木園林廣自栽繁華如錦破春雷秋容更比春容豔五色迷離滿架堆

往丁溪過九里嶺

峭峯如壁立仄徑少人行谷暗陰氛散山深古木平仰岩防石墜舉足踏雲
生道遠愁懷起東方月欲明

至丁溪次韻

來自千峯外遲遲倦客行星河天漸闊林木路纔平淡月孤村暝荒田秋草
生今宵投宿處茅舍一燈明

欲登高峯阻雨不果

吾聞高峯之高插天來自黃山三十六峯之青蓮奔騰一日走千里突兀
勢欲壓九邊山頭夜半翻紅日山腰白晝飛紫烟古有真人來西國此處曾
參上乘禪談經忽見天花落猿鶴無聲蛟龍潛古柏蒼松皆寂靜但聞石潭
淙淙流清泉野人一一為我說聽之便覺心欣然朝來欲買謝公屐豪氣直
上青雲巔細雨濛濛泥滑滑山神與我兩無緣歸來還想汗漫游彷彿白雲

養拙齋詩存

十六

贈吳東弟

第一集

青山與我魂夢相周旋

吾生獨笑笑堂上椿早折君生更孤苦怙恃恩已絕吾無同胞者中懷常淒
切君無禦侮人形影悲單子窮途兩相憐性情兩無別名利是何物夷然若
不屑更不學趨趨逢迎君獨抽皎皎雲中鶴體體山上雲襟期何高曠行直
頗清潔逐波而隨流君甚與同列游情於堪與博覽古今說枕中有奇秘君
能得其訣吾最為君憐年來寒徹骨衰殘常不繼妻孥色不悅君懷殊浩蕩
坦然忘鬱結盈虧本無常且看天邊月

落花

昨宵風雨打樓頭曉起推窗便惹愁偶過短垣飛片片閒隨流水去悠悠
娃宮冷紅顏老金谷香殘白晝幽深恐餘香留不住珠簾未捲墜銀鈎
東皇底事太恩恩十二闌干昨夜風無力暫依芳草綠含情亂舞夕陽紅雙

飛蛺蝶憐幽夢六代鉛華總是空記得小園春二月美人含笑倚簾櫳
江南何處最銷魂狼藉東風滿地痕寂寞闌干明月夜蕭條烟雨杏花村繁
華過眼春如夢亭館無人畫掩門待得明年芳信到與君相對意溫存
可憐薄命逐楊花轉眼飄零感歲華杜宇聲中三月暮宜村院內晚風斜當
時曾把金鈴護此日空聞羯鼓擗忘却自家生白髮偏憐粉黛逐泥沙
回憶韶華二月時園中初放兩三枝尋芳猶道春光淺訪勝還嫌花信遲曲
曲畫闌微點綴疎疎綠葉藉扶持而今與我同飄泊浪跡山巔與水涯

春閨怨次少華韻

未濃春色嫩晴天花欲含英柳帶烟忽憶天涯游蕩客背人私自卜釵鈿
春愁脈脈倦含嬌欲寄回文錦一條含淚拈毫紅豆落傷心和墨寫輕綃
踏青懶去過芳郊獨坐黃昏細雨敲最是鶯聲無賴甚曉來底事囀花梢
消愁強自飲葡萄醉臥燈殘未繼青夢覺春寒生翠被天涯何處寄征袍

養拙齋詩存

十七

樓學齋叢書
第一集

怕聽春陽唱艷歌垂簾無語感雙蛾阿儂一任紅顏老偏惜花落喚奈何
月光斜照滿庭花屋角高枝棲暮鴉欲剪宜春頰放手春寒淺透綠窗紗
竹外桃花漸漸香花枝最易感離腸春來不似呢喃燕軟軟雙飛過畫梁
送行馬跡綠苔生屈指韶華已幾更可惜故園風景好闌干閒倚獨聽鶯
不調錦瑟少清冷唱罷驪歌歲幾經悔種階前連理樹東風着意爲誰青
妝台近日少依憑塵掩菱花一水澄怕老鏡中傾國貌傷心不肯略眸凝
月軒弟以詩寄贈次韻答之

雙魚寄我感班荆急折來書喜氣生讀爾七言冰雪明余五夜夢魂清閒
愁句裏春多怨落葉燈前秋有聲大抵騷人無俗韻放懷飲興與吟情
問余何事閉柴荆養拙林泉老此生且當遨遊觀畫古不工吟詠喜茶清賞
懶頗有琴書趣聒耳偏驚風鶴聲莫學杞人空抱慮黑甜睡飽且怡情

和慶祥弟

年少翩翩意氣豪龍蛇走筆擅風騷半窗蕉葉閉臨晉一盞春醪醉詠陶自
古文人多坎軻從來名士總清高老懷漸與秋容淡賭韻飛觴讓爾曹

金陵感事

妖氛直逼大江東血染秦淮水亦紅空有龍蟠與虎踞堪嗟一旦失雄風
鍾山依舊枕斜陽無復文人翰墨香盛世衣冠真楚楚不堪遍地是紅妝
戰士如雲著鐵衣疆場時見羽書飛王師何日能南渡戎馬經年不解圍
可憐玉葉與金枝吹折西風一霎時南國屏藩誰寄託堂堂風憲屬頑兒
炊烟萬戶晚風斜今日寥寥有幾家最是月明三五夜小倉山畔憶梅花
清溪兩岸住紅妝錦瑟銀燈酒數行故國繁華成舊夢腥風那復綺羅香
記得當年訪勝來幾多烟雨好樓台南朝金碧今何在滿目淒涼瓦礫堆
無端江海起風波大劫紅羊喚奈何自古六朝金粉地夜來空自照姮娥

文姬

養拙齋詩存

十八

樓學齋叢書
第一集

一曲胡笳最可哀千金買得玉人回阿瞞最是多情者老去風懷猶愛才

芸畦弟出示所畫蝴蝶題贈

春到江南春可憐嫩綠深紅二月天花間飛出雙蝴蝶迴風弄影舞翩翩
翩只在畫樓西樓上春光入翠幃造物可是丹青手一片風神入化機化機
却在君懷裏著手便覺春風起染翰揮毫本游戲君之文章如霞綺霞蔚雲
蒸威冠冕才華如君應入選不堪滿目皆干戈聊復爾爾閒自遣消遣閒愁
任悠悠君自感年吾老休勸君努力惜春華佇看承平君無憂

白秋海棠和蘭秀蘭仙韻

生來紅粉本無緣韻比梅花瘦骨堅門掩蒼苔涼月白風來青瑣素秋妍衆
香故國春如夢綺袂新妝淡似煙只恐夜深霜信冷高燒銀燭照嬋娟

題蘭仙詩後

深情寫出海棠妍詠絮才華孰比肩我道先生香案吏

少華先生女弟也
先生故軒賦玄

人傳

弟子蕊宮仙關仙在天風吹幾聯韻語無瑕玉一縷清絲不斷烟祇是陽春誠
寡和繡餘吟稿秀娟娟

瀟湘八景

瀟湘夜雨

瑟瑟西風菰葉傾疏星幾點映江明孤舟夜泊瀟湘客愁聽窗蓮煙雨聲

煙寺晚鐘

如鈞月映碧芙蓉更帶疎烟淡不濃古寺深山無覓處遙聞雲際一聲鐘

洞庭秋月

萬頃湖光一望平碧天如洗夜涼生我來看月君山頂橫笛一聲山水清

平沙落雁

江樹朦朧夕照斜秋來潮落見平沙長空忽見一行字飛入無邊蘆荻花

漁村夕照

養拙齋詩存

賣魚沽酒趁斜陽乘醉歸來逸興長遙指江干紅樹裏煙霞處處是漁鄉

江天暮雪

仙女飛花散玉銷凍雲壓水影迢迢滿天風雪行蹤斷古寺鐘聲過野橋

山市晴嵐

翠岫橫橫市井連白雲幾片雜人烟最憐春日錫簫煖笑靨相逢分外妍

遠浦歸帆

蒼茫遠樹望中收萬里天光水面浮遙指長空飛片白夕陽影裏識歸舟

咏蠟梅

朔風陣陣送寒香忽見枝頭數點黃為破山人孤寂境不妨冷蕊冒冰霜

二十四番花信風百花取次放牆東豈知地凍天寒日不斷生機是化工

問君脫白是何年品自清高酌自妍若以周正為歲首也應開在百花先

仙境羅浮是故鄉清標不肯學時粧只緣混跡人間世未免黃塵著紫裳

十九

養拙齋詩存
第一集

底事羣芳殿後開彼蒼應自老奇才調羹雖在酸鹹外曾歷冰霜苦節來
天涯何處覓知音鶴在枝頭月在林此外風塵無賞識孤芳獨抱歲寒心

讀罷偶成

一縷清烟竹外籠鳥聲無數噪晴空離騷讀罷無餘事閉坐窗前數遠峯

月軒弟將之京都贈別步韻

無端海角與天涯兄弟離情岐路車萬里關山經歲月滿城冠蓋壯京華平

生不墮青雲志此去應看閬苑花唱罷驪歌何所贈柳條高插一枝斜

訪俞將軍墓

我來謁公墓羊肚石鄰鄰感慨南朝事臨風弔古人

懷仁先生生輓詩

文人游戲無不可前有古人後有我隨園老叟徵輓詩咄怪事傳江左懷

仁先生人中仙箇中參得南華篇生死彭殤同一理勸事高風繼昔賢家貧

養拙齋詩存

只為稻梁謀萬里關山事遠游探懷自有江郎筆作賦每登王粲樓戎馬干

戈紛擾擾客愁鄉夢兩悠悠近來策馬歸故鄉書劍而外竟空囊與君相別

六載耳篋中詩稿半悼亡絳帳寂寞空墮淚蘭譜影傷暗斷腸人生百年原

如寄春夢一場傀儡戲他年同作北邙客今日且歌南山句

洪母胡孺人節烈

崑山之高涇水之清中有淑女秉性幽貞清華世族與燉煌而結絲蘿之盟

解一之子于歸閨房靜好琴瑟在御與子偕老不意絃斷之速欲白首而莫保

解二斷雁孤飛天邊月缺心冷如冰淚滴是血死者不可復生生者肝腸寸裂

解三堂上有舅姑叔兮伯兮以供甘旨膝下無佳兒兄弟之子猶子嗟嗟未亡

人可以從夫死解四相奠一杯酒何會到黃泉因之傷妾心清酌不忍咽不粒

食者七日一身而殉所天解五山之高兮不可攀水之清兮何潺潺千秋萬歲

之後兮烈婦雖死而猶有生顏解六

二十一

養拙齋詩存
第一集

哭家哀臣

君家兄弟是心知荆樹何堪又折枝幾載墓門成拱木今番蒿里賦新詞誰將青眼憐貧病難向蒼天問報施縱爾騎鯨南海去老懷不覺淚雙垂

縹緲仙蹤去不同愁雲愁雨我徘徊案頭課草傷心墨君近尋大兒墓改置深數結窗外曲

花泣老梅梅川山房印身世消磨成傲骨功名淡薄豈庸才茫茫四海誰知己

空奠靈前酒一杯

夜雨課讀示大兒鼎成

空山風雨夕滿屋書聲起忽然感我懷我懷為爾語憶昔少年時借我同門侶終日芸窗下埋頭讀經史忽忽三十載此境如夢裏生者苦貧賤死者空塚壘唐突一老儒兩鬢欲白矣僧房借榻居晨夕若洽比案頭照青燈深夜課二子汝今年十六粗解書中理汝弟纔八齡塗鴉紛滿紙汝父期望心勤勤其無已豈必希榮華庶不入卑鄙青年宜努力韶光若流水汝果克自立

養拙齋詩存

二十一 樓學齋叢書

免被旁人恥汝如不自立我亦聽之耳

台山庵牡丹盛放桃仙云此花香國色不幸寄跡於蔓草荒烟是可

慨也感成一律

品宜位置在瑤台一徑荒涼冒雨開大塊文章真國色小園風景半蒿萊館

娃空老吳姬貌湘浦應憐屈子才免得烟霞新伴侶幾竿修竹一株梅

朱小舫家芸畦弟朗霞姪同聚台山庵看牡丹用前韵一首

窗前初放幾株梅便掃苔痕蔕徑開直待春風爭國色方逢樽酒聚詩才和

烟和雨舒紅錦名士名花等玉台今日開懷拚一醉人間即此是蓬萊

黃海歌

昔我泛舟南海島天風朗朗波浩浩須臾變幻不可狀水光雲影現出無數山林樓閣好今我拾級黃山巔舉頭烏帽礙青天手持綠玉杖遙指三十六峯峯峯在眼前長嘯一聲山神怒驚起波濤出烟樹白日暗暗天無光千巖

萬壑盡包藏颶風捲起千尺浪勢與蒼穹相低昂安得成連琴一曲一彈再鼓山水綠安得仙人八月桂凌空好到餐霞家不然結廬山之頂目飽奇觀酌清茗仰面大笑叩鴻門但見淋漓決決朵朵芙蓉睡未醒

中秋夕宿旅館是時送大兒鼎成府試回

今宵明月正團圓咫尺鄉關旅夢寒不解世間名利客終朝策馬走長安

嶺上閉雲未出山十年風雨蔽柴關平生懶向名場走偏引兒曹到此間

續滿城風雨近重陽

滿城風雨近重陽城上高樓接大荒烽火無邊連楚塞版圖一統畫秦疆雁行遠落滄洲外鷗鳥閒棲小渚旁羨汝漁人舟泛泛終年來往水雲鄉

桃仙弟將之浙省鄉試續句贈之 己未恩科江南借浙省貢院改期

九月

九月

滿城風雨近重陽雁到南天字一行文興發隨秋興發菊花香裏桂花香如

養拙齋詩存

二十一 樓學齋叢書

余壯志銷磨盡羨爾青雲意氣揚他日西湖吟好句歸來須贈我琳瑯

庚申之春避亂歸家口占

東風連日不能閒吹我入山又出山負却清明好時節夕陽影裏鳥歸巒

黃田菴即景

夜靜風如雨山深夏似秋多情天上月來伴此清幽

高峯雜詠

獅巖

猛獸從何來至今踞岩首佛法本無邊降伏不敢吼

龍潭

潭水深如許神龍曾此住忽然風雨號定是觸龍怒

油鹽洞

古洞出油鹽而今淡如水老僧忘世味領之悟妙理

豆腐塌

鄰鄰此白石云是淮南腐我本寰中人飢來不可煮

羅漢松

佛祖坐蓮台此松來護法不願三公號門空列十八

觀音岩

大士化此身一朵慈雲護分得楊枝水洒徧岩前樹

淨口泉

結緣在塵世平生口業誤來此滌清泉遺迹登覺路

經義樓看雨

舉頭天可捫俯首山盡低風雨從東來蒼茫萬象迷

家梅坪廣文殉節

戰鼓寥寥殺聲起夜半鬼哭酸風雨前村後村人亂走先生獨一茅齋裏手

養拙齋詩存

二十三

養拙齋詩存

第一集

持一卷孔孟書風簷展讀意自如男兒死忠女死節此志不肯負平居是何
狂賊太猖狂手執短刀怒目張一刀斫之血沾裳先生神色猶如故樓烏啼
斷庭前樹大聲罵賊賊益怒亂刀相斫斫無數愁雲慘慘白日暗游沙渺
猩血汚平生不墮青雲志一旦慘入黃泉路人生自古誰無死從容就義乃
若此大江南北咸文翰此真不愧讀書子

先大人生平澹於名利泊然真營庭訓之餘輒吟咏自娛積久成

帙名其稿曰養拙齋詩草明素志也庚申之春鼎讀書於茶冲古剎

三月間太平軍窺涇寺被燬而生平著作盡為灰燼明年亂事稍定

鼎從大人避亂歸來家徒立壁困苦不堪而大人亦遂疾病在

牀追憶舊作於鼎口吟而手錄得詩百餘首遺忘者殆十之十焉

猶思再為強記而一病竟不復起嗚呼終天之憾曷有極哉竊思

先大人生平好義不倦鄉鄰貧乏者輒賙恤之而堪與家言尤所素

嗜日手一編丹黃並下遭亂之後書卷蕩然無存今錄先大人之

詩而一一追思凡生平善舉與所著述既不能從旁默識又不及先

鈔副本而收藏之今所錄僅得詩首百數十首猶出於侍奉湯藥之

餘病中之口授也是鼎之罪也夫甲戌孟夏男鼎謹誌

養拙齋詩存

二十四

養拙齋詩存

第一集

養拙齋詩存終

跋

樸安生也晚不及事 先大父嘗聞 先父言 先大父澹于名利

早歲輟科舉業時吟咏以適志太平軍竄涇倉皇避亂詩稿皆散失養拙齋

詩存 先父錄于侍疾之餘也手授伯春樸安寄塵曰汝等善保存之又

授一冊曰此汝 先大父之手稿亂後得之于故紙堆中者汝等愈善保

存之樸安寄塵來上海伯春曰 先人遺著弟等可攜至上海俟有力時

謀刊行之樸安等旅滬多年衣食奔走卒卒無須臾之暇 先大父手稿

藏寄塵處失于一二八之役幸 先父所錄之養拙齋詩存稿保存樸安

處巍然尚在伯春棄世于民國十六年今年寄塵又棄世矣樸安年過六十

幸而後死使再不刊行來日大難則不能保存于前者復不能刊行于後使

先人之遺著自我身而散失則樸安之罪真不可逭矣 先父言 先

大父好施與族中貧乏賴以舉火者恆數家資不中產常鬻架上之書為周

養拙齋詩存

跋

一

樸安齋叢書

第一集

卹之費記于安徽通志人物志義行傳者十不能一也 先父又云族衰

臣先生家屢空而高節自厲不肯受人周卹 先父命予送課文數篇請

為批改并附東脩若干哀臣先生語 先父曰君之子本有業師我為之

批改課文者因我與君為友蓋欲驗君之子之學業而君乃為變相之周卹

君非知我者為批改其課文而却其東脩嗚呼 先大父待友之厚哀臣

先生處已之高皆非今人所能及也校養拙齋詩存附記于此使世子孫有

所取法焉民國二十七年九月孫樸安敬識

吟紅館遺詩

歲在戊辰夏日
武進涉園石印

吟菴館遺詩序

畢節路氏世以詩名莫芷生黎受生輯黔詩紀略後編采及毅齋大令璧人別駕余既選黔靈紅鷺兩家詩入晚晴移詩匯復為編刊遺稟袁君靜閣又以其母夫人吟菴館遺詩屬為之序靜閣之言曰吾母生前所作詩多不存臺存者曾經水厄散佚過半就匪衍所藏益以先君所記錄得詩百二十有二首端陽游陶然亭一詩乃絕筆也靜閣孝思不匱辭意悲惻余聞之瞿然夫人為漁賓先生女適仲青觀察歿於光緒壬午八月歲止三十余家與路氏姻連夫人之清心淑行夙所飲聞今覽其遺詩如喜雨云為

吟菴館遺詩序

霖三日願望澤萬家情古劍云一朝逢薛燭拂拭偃雄心聽琴云松風聽一闕萬物化和平此等懷抱度越閩嶺白蓮云珊珊仙袂冷鷗夢伴銀塘自秀獨絕田家漁家四時詩俱詩中有畫至辭親北上自汴入都運河道中諸詩則情真語摯純出性靈讀其詩可見其人矣以夫人之才德戚鄰每以不壽為惜然世之璇閣婆娑曼齡駢福後無足稱者胡可勝數夫人雖不永年而克家有子一卷長留以視管仲姬之僅傳漁父辭數章殆遠過之苟識天之所予在此而不在彼奚必與庸庸者較浮生之修短邪夫人歿後數十年女學日新婆娑盈校其得失未可知要之風雅

凌夷頌椒賦若之流幾同星風斯則掄揚尹吉感不絕於
余心者也丁卯仲冬天津徐世昌

吟菴館遺詩序

吟紅館遺詩

畢節女史路秀貞春波著

春陰

柳外鶯啼懶雲陰釀藥闌蘭閨人繡倦倚檻覺春寒

春雨

入夜蕭蕭雨當春百卉生紙窗眠未穩風送賣花聲

新柳

鵝黃新綻已依依灞岸柔荑著雨微寄語行人休亂折濃

青待染侍臣衣

春郊

吟紅館遺詩

春郊日暖賣餉天淺草平沙轉似綿麥氣浮青迷遠寺柳

絲分綠到新田花明綺陌晴煙外鷗沒芳塘夕照邊最是

黃鸝解人意間關巧弄雜冰弦

花影

月下玲瓏映名花分外香闌干人倚遍蹴碎影成行

一院花爭發香來暗遞香遙憐天上月扶影上東牆

喜雨

漠漠雲陰合長空送雨聲爲霖三日願望澤萬家情紅潤

花光活青浮麥浪平豐年真可卜大野慶秋成

聽雨

綠漲新池水蕭蕭雨未休重簾慵不捲斗室靜如秋

新晴

鶻噪喜初晴茅檐息雨聲捲簾新綠滿蠅篆上疏櫺

綠野堂即景

綠野堂前景垂楊裊裊低幾竿修竹外人釣小橋西

春晴

一唱春光好晴烘亞字闌蘼蕪花有韻枝上露痕乾

燒筍

微火煨新箨加餐不厭貪味宜參玉版香欲並金柑紫葢

難同調青尊好共談湖州千畝飽坡老最先諳

吟紅館遺詩

題虞美人花圖

一叢淺碧間深紅怨態低何憶故宮回首霸圖成往跡惟

留盤影舞春風

楚帳歌殘已斷魂重生弱質戀君恩誰籠金粉六朝筆畫

出當年碧黛痕

古書

脈望朝飛處奇書萬卷藏劫逃秦帝火祕啟魯宮牆古色

函金匱鴻文重玉堂傳家宜永寶靜對發幽香

古劍

沈鬱豐城久霜鋒半薛侵凌空騰虎氣掛壁作龍吟玉匣

封何古銀花蝕已深一朝逢薛燭拂拭愜雄心

古鏡

百鍊成斯鏡盤龍久擅名秦庭曾照膽任宅憶飛精質想
鎔銅鑄光伴止水清金沙勤洗拭常共日華明

古琴

一闕松風起冷然太古琴材傳雷氏製曲寫楚妃心雁柱
珠全失螺徽土暗侵鞠通猶譜操靜夜發清吟

打麥聲

萬頃黃雲割時聞打麥聲隔鄰耒耜響辛苦憶躬耕

團扇

吟莊館遺詩

巧製齊紈扇能將夏作秋團團同皓月挽底覺颼颼
紈扇誰人製涼生掌握中堪揚賢守惠何至惜秋風

白蓮

雨過暗聞香凌波試淡粧珊珊仙袂冷鷗夢伴銀塘

夏日書齋賞雨

雨洗琴書潤高齋竹簟涼聊持一尊酒徐領芰荷香

夏日偶成

昨宵雨過驪殘暑已覺窗前報早涼半畝新篁初解箨一
庭茉莉暗浮香歸心每逐南天雁往事空尋岐路羊無那
間愁消不得藥鑽經卷禮醫王

夏夜懷安陵寓中諸姊妹

今夜纖纖月如眉上畫屏遙知深院裏一樣撲流螢
雨後即景

立秋日即景

已罷廉纖雨新池漲未平微風猶颯颯時聽墮梨聲
忽報西風至紗窗暑漸收桐枝微雨過一葉早迎秋
蛩笛

何處笛聲清階前蛩夜鳴傍苔音斷續古調不分明
雅號傳歌女悠揚送笛音三更涼月上吹徹古牆陰

聽琴

吟莊館遺詩

眾籟盡岑寂涼宵露氣清松風聽一闕萬物化和平
不寐偶成

新月

露重覺衣單沈沈夜未闌捲簾清不寐月影上欄干
最好初三月蛾眉畫不成一鉤新露影瀼瀼掛簾旌

咏桂

仙桂何年種團團倚畫牆瓊枝搖月影金粟散天香十里
清芬遠三秋密蔭涼蟾宮花放日攀折使人忙

秋雲

縱目秋光好雲容淡淡拖西風吹不散舒卷薄如羅

秋露

一夜瀼瀼露秋光迥不同花間珠錯落草腳玉玲瓏
散步新秋夜長空露氣深偶然風過處清響滴疎林

九日登高

高閣凌空起登臨景色清一溪流木絲半塔夕陽明佳節
題糕樂徵風落帽輕開樽且長醉歸去白雲橫

早梅

搖落羣芳盡寒梅放一枝暗香通幽檻疏影映新池
風來早羅浮月上遲先春開最好不許蝶蜂知

春日即事

吟紅館遺詩

五

寂寂春闈裏湘簾晝捲遲焚香無個事靜讀二南詩

粉蝶

一醒漆園夢臨風試羽衣莫教傷粉翅好趁落花飛

蛙鼓

細雨暮春天青蛙伏野田深宵添鼓韻兩部鬧林泉

高柳鳴蟬

柳陰遮不斷嘒嘒一蟬鳴抱葉身偏穩居高韻自清

即事偶成

小院靜無譁閒吟倚石磴隔溪松風來冷然滿清聽

秋夜玩月呈伯兄覃叔

空庭散步澹煩情照徹紅關月正明竹柏影斜如藻荇
隴一樹桂煙輕

憶故園菊

憶昔家園九月天金英璀璨倚風前何時載酒東籬下
靜花香澹欲仙

夜坐

瑣窗人靜漏沈沈碧篆香消聽遠砧霜重樓鳴移老樹
深寒犬吠疏林竹橫虛影頻添畫松憂清音欲和琴獨倚

朱闌閒眺望好風吹月到天心

聽鶯

吟紅館遺詩

六

早起乘清興聽鶯上畫樓花間音百轉睨眴趁風柔

洗盡箏琶耳新鶯轉更幽絲蠻聽不倦攜酒獨登樓

雨後即事

苔色侵階綠蛙聲閣閣連移花霑曉露扶竹散輕煙

雞雛

竹徑花籬外雞雛傍母馴羣飛爭啄蟻故故學司晨

夏日書事

無計祛炎暑沈沈夏晝長荷池垂釣久香浸蒲絲裳
繡倦憑闌立查盆茉莉香折來簪綠鬢恰趁晚風涼

秋日讀書

蕭蕭幽絕似仙居滿院濃陰映綠裾最是宜人詩思處一
窗秋色半牀書

題畫四首

不將顏色媚時人青塚年年爲漢春誰識蛾眉能報國琵琶

一曲靖邊塵王昭君

寂寞秋閨信筆吟御溝紅葉本無心天公故使才人合韻

事風流說到今韓宮人

雙蛾秀蹙畫應難常得君王帶笑看螺黛頻添猶未足水

晶簾下不知寒吳絳仙

歸去仙班手共攜玉蕭吹徹紫雲泥如何自跨秦樓鳳尚

吟紅館遺詩

七

遺而翁事寶雞秦弄玉

雁字

西風蕭瑟雁來天作字排空斷復連似把戲鴻眞翰墨幾

行揮灑在雲煙

學書

書窗多雅興紅葉寫銀鉤細仿簪花格雲煙筆底留

淨几明窗下毫端想露垂冥心搜入法一幅寫烏絲

燈花

銀缸花放映珠簾一穗玲瓏淑景添多少文人方夜讀卻

將喜事向君占

春初書齋即景

又識春光早紗帷日漸長硯凹融宿凍書暖發幽香好鳥
臨窗語名花繞坐芳薰籠重徒倚圖史自評量

春草

暖入江村路芊絳草漸滋西堂新夢到南浦夕陽遲晴翠
憑誰染春暉只自知踏青須趁此莫負杏花時

久雨

一雨逾三日綠階碧藓生何當殘霧捲樹杪報新晴

春日泛城北柳湖

明湖新漲碧於煙酒榼相攜上畫船夾岸桃花舒異錦半

吟紅館遺詩

八

隄柳絮落輕絲衣霑溼翠三分潤篙點波紋一响圓偏是

水禽驚不起蘆芽深處傍雛眠

田家四時詞

紅杏芳菲繞戶幽東郊雨過一犁柔老農荷篠歸來晚草

徑花蹊獨飯牛

綠樹蔥籠矮屋遮薰風吹到野人家閉門盡向西疇去開

偏牆邊枳壳花

霜杭十里漾雲黃老圃秋菘野味香何事前村喧社鼓鄰

翁扶醉下斜陽

柴門斷續起炊煙穉稔全收百畝田共喜歲關春酒熟公

堂介壽說豐年

漁家四時詞

垂楊踈地綠千條
曬網當門趁早潮
釣得鱖魚長尺半
落花深處繫輕橈

拂面涼風蔭碧槐
釣絲垂處翠蘋開
回頭忽見荷花動
知有銀鱗掉尾來

慘白蘆花夾岸飛
西風瑟瑟澹斜暉
寒潭水淨青葙冷
黃葉聲中載酒歸

霏霏雪影打疏篷
閒擁蓑衣唱晚風
放下釣筒歸去晚
一窗爐火夜燈紅

吟苑館遺詩

蒲劍

壁瘦水中蒲青青
滿河岸辛温能辟邪
直勝太阿劍三尺
迎風蒲疑是水仙
劍倒影漾碧波蛟
螭跡爲斂

秋晴

颯颯秋風至
纖雲帶雨歸
捲簾晴色滿
一院豆花飛

詠秋葵花

老圃增秋色
含苞亦向陽
輕盈多雅態
恰對曉風涼

秋涼書事

庭梧含潤篆煙微
風送清涼透袷衣
閒倚小窗看晚景
忽驚秋葉滿階飛

秋夜聞砧

如霜涼月透疏櫺
閒步中庭夜氣清
底是西風吹不息
隔鄰時送搗衣聲

蘆花

紛紛蘆絮白如霜
不學楊花上下狂
最好月明溪淺處
伴他征雁立銀塘

楓葉

疏枝掩映夕陽中
瑟瑟渾如野燒紅
點綴秋光無限晚
霞幾片襯遙空

冬晴晚眺

吟苑館遺詩

憑欄閒眺數歸鴻
落葉紛飛夕照中
遙指鄉村天又暝
索綯聲裏一盞紅

憶龍門舊遊和家大人韻

十寺銷沈萬佛留
客來訪勝景偏幽
殘碑剔蘚尋陳跡
曲徑捫蘿憶舊遊
嵐氣蒸成朝暮雨
泉聲咽盡古今秋
夕陽影裏催歸去
愛聽松風獨倚樓

辭親北上

生小相依慣率裾
未忍行薰風京國路
夜月大梁城濟困
還資友承歡賴有兄
板輿應早發直道付公評
自汴入都細徑送至道口

欲別難言別登舟意黯然多情惟骨肉往事等雲煙豈有
花常好重逢月幾圓歸家慰爾祖或恐廢餐眠

運河道中

有子方三歲相從便北征如何成遠客強半爲浮名岸曲
帆隨轉波澄水漸平隣舟聞笑語都是異鄉聲

憶婢詞有序

余有一婢名芳蘭工詩善繡明慧可喜八年當期
滿其父贖去書窗寂寞殊有白少傅楊枝之感漫
成三絕以誌無聊之意云爾

藥爐茗碗味偏饒鸚鵡書窗伴寂寥記得變成無一事小

吟莊館選詩

桃花底坐吹簫

水晶簾箔靜生涼寶鴨閒翻百合香記得倚欄常侍立棟

花風冷勸添裳

畫閣朱樓靜掩扉落花庭院思依依憑誰寄語飛瓊曉病

怯春寒減帶圍

雪夜

倚窗兀坐畫簾垂閉戶閒吟雪映帷爲惜三餘勤諷詠夜

燈重展少陵詩

乳燕

軟語依芳壘低飛近玉堂乳成雙紫燕款款共歸梁

海燕新成乳呢喃語亦工學飛花外去弱羽不禁風

曉起

昨宵細雨覺苔滋漫捲湘簾日影遲一院名花香更好碧

闌干內坐吟詩

掃花

瞥眼春將晚飛花滿碧苔倚闌呼婢掃風過卻吹回

焚香

薄午下珠簾龍涎手自添裊成心字篆馥郁透冰匳

兀坐紗窗下名香細細焚爐煙榮一縷風過自氤氳

芍藥

吟莊館選詩

檻外翻紅藥芳菲映畫簾含煙嬌欲語金帶一圍添

春雨

捲盡遙天霧花梢送晚晴應知秧隴外已有踏歌聲

秋日閨中書事

鎮日敲詩句未成珠簾不捲篆煙輕小環淨掃松陰路坐

聽琴床落子聲

詠菊限兜字

亭亭瘦骨不禁秋陶徑疏香分外幽欲與西風事酣戰滿

園霜朵戴金兜

秋漁

數間茅屋繞谿斜
霜岸漁燈映淺沙
紅樹半江鱸一尺
月明沽酒醉蘆花

秋獵

沈沈野燒陣雲紅
盤馬將軍正引弓
得意霜禽輕似葉
控弦雙翼落秋風

唐花牡丹

凍合羣芳未忍開
四圍活火暖相偎
東風不惜吹噓力
竟夕妝成錦繡堆
閱盡繁華隨處好
笑看富貴逼人來
熱場占得春光早
寄語寒梅莫漫猜

柳絮

吟莊館遺詩

三

幾株門外柳春釀
影依依昨夜東風起
輕綿處處飛
濯濯三春柳橋邊
絮又飛微風飄不定
吹過釣魚磯

分秧

刺水秧都活分栽
趁夏初行歌聽緩緩
驅馬去徐徐
匝地青如此秧鏡
簇簇新分將春水活
栽向碧畦勻

秋夜

小庭風過集昏鴉
猊鼎香銷月又斜
爲怯輕寒簾不捲
任移花影上窗紗

黃葉

疏林幾日釀清霜
綠葉紛紛夜染黃
聽到吟蟬秋又老
漢

官寂莫映斜陽

秋渡

秋波草驚風蕭蕭
兩岸楓蘆花渾似雪
飛入釣船中

暮秋卽景

紛紛落葉點蒼苔
吹上瑤階掃不開
夕照入門棲鳥靜
一行征雁破空來

春社

春郊逢社日桑柘望中迷
野老豚方祝游人馬亂嘶
斜陽飛絮路細雨落花泥
扶醉歸家後前村笑語低

詠蟬

吟莊館遺詩

四

滿地槐陰綠新蟬
鳴鳴莫嫌風露重
枝上譜琴聲

書齋坐月

今夜清輝月高齋
獨倚闌風輕雙袖薄
露重袷衣單滅燭
瓊樓迥停琴玉宇寬
薰籠閒立久蓮漏聽將殘

持螯賞菊

老圃黃花發江蟹正可持
快將凝雪質靜對傲霜枝
佳味宜秋色清香浸酒卮
醉鄉閒詠賞根觸故園思

代外子謝殷芷和表弟贈菊

東籬頃刻燦雲霞
贈比瓊瑤敢拜嘉
正是蟹肥新釀熟
一簾疏雨醉黃花

拳拳盛意愧難酬歷擔金英迺邇收寄語奚奴勤護惜好
留佳色傲清秋

扣門不是催租吏喜見霜枝冒冷開秋色平分叨雅惠也
同送酒白衣來

靜對幽花憶故廬遙憐松菊久荒蕪知君妙擅龍眠筆爲
寫淵明歸去圖

秋日奉懷叔父幼清師

絳帳欲從問起居年來宦境復何如遙知退食應無暇不
寄雙魚一紙書

安輿迎養去匆匆蜀水黔山夢少通悵望南天雲欲斷數

吟莊館遺詩

五

行征雁度西風

壬午端陽遊陶然亭

家家酒泛苜蒲綠惟有客懷多悵觸病起支離強主持驅
車且去穿林麓城南古亭名陶然十畝菰蘆翠接天試倚
石闌舒望眼西山爽氣撲當筵虛庭小憩消煩暑寺僧殷
勤留客語潑乳新茶活火煎碧杭角黍松枝煮憶昔承歡
暇日問龍門山水屢躋攀祇今對此清幽境曠色催人未
忍還

吟莊館詩集校讎既畢不禁潸然流涕也憶熙方五齡即
依戀 姑母時維同治戊辰在 先祖中議公洛陽官舍
芸編插架 姑母終日卷不釋手 中議公於典實有遺
忘詢之 姑母即詳舉以對嘗名之曰小書櫥迨熙九齡

隨 姑母誦詩暇時授以音韻之學尤記聯四言韻語摹
庠詰輞川風景出於天籟少壯而後不可復得則是詩教
傳於 姑母其啓發苦心有不得忘者光緒己卯熙送別

姑母北行至運河登舟始返故有自汴入都細姪送至
道口之作壬午應京兆試重侍 姑母於京師僅聚月餘
竟悲永訣如集中夏日偶成題畫四首及端午遊陶然亭

吟莊館詩集卷一

一

請作皆病中所構而題周少白畫石七古一章則未之見
蓋已散佚彼時京華人文薈萃 姑丈官京朝多與賢士
大夫遊某年翰詹考試御題下有不審其出處者耳 姑
母名展轉來叩詢得其原委一時人咸欽服會幾何時已
成往蹟迄於今無人能知之矣表弟靜菴搜輯軼詩將以
付梓屬爲校勘熙垂垂老矣詩學一道不能深造自成一
家其有負於 姑母昔年教誨豈淺渺哉幸得與校讎之
役謹綴數言用志崖略歲丁卯九月胞姪路承熙謹識

先妣路太夫人秉承家學博通載籍經史之外兼習詠
事 先外祖父漁賓公躬自教授於唐宋以來詩學源
流均能抉擇精微得其神髓手訂窗課哀然盈篋及來
歸 先君子家政操勞頻年多在病中而藥鑪經卷仍
復不廢吟詠蓋處境愈澀而詩境益工詎天不假年中
道見背時則壬午八月也詩中端陽遊陶然亭一作乃
屬絕筆焚焚餘生愴忽四十五年矣悲夫不孝無狀無
以表揚先德僅此斷簡零編爲 先妣畢生精神所萃
集者尙不知保存以垂於後則不孝之罪更何可擢髮
數耶爰謹搜輯遺藁鈔錄成冊都凡古近體詩百二十

吟莊館選詩跋

有二首敬付剗削備諸家乘固不敢謂 先妣嘉言懿
行遂藉是以傳然徽音不闕亦略仰見清芬於萬一云
爾歲在丁卯六月不孝男祚虞謹識

雲南叢書集部之七十二

天船詩集

共二卷

雲南圖書
館藏板

甲寅
年刊

張天船詩集序

張星柳字天船原名星源余與之生同里少同學長同
年兩人議論不相下然常不能作一日離別全無
生商賈天船猶過從無虛日及天船西走離江為鋪
兩人遂不相合然未嘗不日冀其合也甲午八月既望
之名太和友人電余曰天船在關以疾卒語其弟速來
經絕為乎天船沒矣悲哉天船狂士也其生平雖奇窮
而志節不屈常恣睢傲慢以陵轍一時不可意雖尊貴
唾罵無稍顧惜人亦以此忌之故其窮愈甚然至於其
詩則莫不心折也余嘗與天船言凡人之能文章者必

天船詩集

序

有真性情其上者皆秉道據德賢聖之徒次亦是非不
能搖利害不能奪特立不苟之士其或曠達清高耿介
孤僻狂直疎放剛愎褊急拘強之夫亦各有所成就而
總非委靡隨俗者所能天船詩之雄健適肖其人豈不
以此歟天船既能詩然甚矜惜不多作其作者大都書
院社中之作居多亦抑境遇使之然也今天船稍稍能
自存活雖不獲用於時而優游林泉一意於詩其造詣
常不止此然亦足以傳矣天船無子息其沒也余心痛
之不能忍急欲刊其詩以見於後其妻兄朱小園聞余
言而於其家索得三卷畀余余觀之皆天船所手訂者

喜甚遂付梓人烏乎天船於是為不沒矣余又何悲
光緒甲午年秋九月文且安施有奎序於斯未能信齋

天船詩集

序

二

序

光緒甲午中秋昆明張孝廉天船病卒於龍尾關旅次
天船余女弟夫而二十年以詩相契者也聞訃後索其
家得手書遺詩三卷因偕同志諸君子爲付梓而序之
曰嗚呼天船竟以詩人終矣而其志則不甘爲詩人也
天船生負異才其氣不可一世少孤遭亂家落刻苦自
勵遂以文學知名尤雄於詩可謂特立之士矣然生平
究心時務視天下事無不可爲銳欲有所表見於世不
肯畢力攻詩故所作不多乃六上春官迄未獲第又性
苦怵急議論亦多否少可坐是益與時忤終身困窮惜
天船詩集 序

三

哉惜哉其論詩專宗玉局最嚴於法晚年稍參昌黎劍
南一變而生刻沈摯功候頓進蓋宗旨頗近初白而造
詣時偏心餘使天假以年或處順境所詣當不止此也
噫天之菁華秘而不洩久矣古今才人往往以詩洩之
能不致天罰耶長吉歿東野窮玉溪不挂朝籍天於詩
人尙且忌之扼之於人乎何尤然天能奪其生前之遇
終不能奪其身後之傳是則人定勝天而天船差可自
慰於九原者矣悲夫姻愚兄石屏朱庭珍拜撰

序

癸未春余與張君天船定交於麗江天船年長余兄事
之而天船亦弟視余過從日密因得讀所著北征集詩
愛不忍釋謂其獨宗東坡而能別出機杼精神偏真古
人面目迥不相襲也後十年相遇昆華歡然話舊復以
近著倚嘯集見示則筆力逾老風格逾高蓋造詣又兼
宗杜韓進而彌上卓然成一家言矣時天船將之池西
余將之蜀未幾匆匆別去及今年冬余自蜀返滇過朱
君筱園問天船行踪始知天船以中秋日病歿於龍關
旅寓身後無子筱園從其家得遺詩三卷皆天船手書
天船詩集 序

四

本也因為促付梓以永其傳嗟乎天船豈獨詩可傳哉
其爲人也負奇氣懷大志縱論天下事慷慨激昂指畫
皆可見諸施行而久因公車畢生未膺一命無所藉以
稍展素蘊又秉性剛僻恃才傲物於詩文持議尤苛以
是招尤取憎與世不合終不屑毀方爲圓以希詭遇至
其篤於交誼爲謀必忠雖蹈艱險不辭卽古之烈士無
以過也惟其有餘於詩之外故能獨立於詩之中天船
之詩適肖天船之人不諧於今必諧於古其傳世又何
疑哉姑爲序以抒余懷不禁感慨係之矣光緒甲午十
月江南蔭先許廷培拜撰

天船詩集卷上

雲南叢書集部

友聲集

昆明張星

雜感十五首

團團天中月朗朗照千古佳人攬清輝哀淚注如雨今日睇寶鏡那若昨日嫵寶鏡一明月曠是姮娥女所思隔雲霧徘徊時自語香囊盤五絲絢爛寄何許桃李亦可投蘭菊亦可咀十年耿貞心誰能不我與

東園有高梧枝葉排青霄烏鳶來其上亟亟營安巢藏身倚老幹窮力攀柔條隼以墉見射鷲以梁致嘲小人在盛位自古難終朝南山吹孤鳳何處求鸞交側翅不

天船詩集

卷上

忍顧悲鳴如洞簫

繁華者誰子通衢起高樓綺窗琉璃網錦帳珊瑚鈎美人如花枝舉動香飄浮妙舞小垂手嬌歌輕轉喉每爲長夜飲時作連騎游豪貴輕千乘意氣凌一州杳杳日色晚蕭蕭霜鬢秋哀哉金谷園何遽成荒邱

有客爲商歌歌聲慨以慷飄風入清韻行雲遏激響此曲高則高但恐無人賞陽春與白雪和寡久難強流水與高山知音真無兩五岳既雷鳴黃鐘誰肯講悠悠人世間萬事皆可想王豹善桑間河西競模仿

驚鴻遺一羽菼菼墮微風盤不到地飄飄仍升空超

絕青雲物肯落塵埃中骨肉雖莫歸氣象迥不同收之以爲儀筮龜知協從笑彼孔和鸚殺身人玩供

洶洶黃河水萬古無澄波吾欲俟其清人壽知幾何舉世况盡濁甯爲河伯訶驅馬且歸去中路荆榛多赤狐超騎去蒼雕遮人過顧之不敢怒手中無太阿願侍王子晉吹笙青薜蘿

寒梅開一枝炯然照巖谷亦自矜殊姿畢竟無媚骨雨露雖莫滋冰雪未敢酷春風豈弗好能榮復能辱窈窕文杏花光豔奪人目移時見摧殘飄零歸不得觀理悟循環守道樂幽獨軼類豈得已矯時非所欲懸知此

天船詩集

卷上

語出貽笑凡草木

清風吹白雲搖搖到中天下方正苦旱朱火燒入挺出岫信有心爲霖慚無權乃知未從龍蒼生何預焉獨愛陶隱士安貧怡田園無求人心厚守約世守寬日夕一杯酒萬念皆渙然

布穀鳴春郊促織吟秋壁二蟲自微族飢寒念頗急如何民父母誅求盡絲粒方其在缺歎慨然懷禹稷大運一蓬轉前言和肉食形豈能役心心自爲形役孔氏務觀行此意人當識

表表木槿花朝開暮卽落開落本何常道與時爲約紅

桃妍一春毋乃成媚藥黃菊傲秋霜倔強不自覺顯晦
一失據精華化糟粕固寵既可恥彊顏尤堪薄古立三
不朽立名非立爵何事馮瀛洲老人稱長樂

驂駒來何處奇矯空厥羣四蹄散飛沙團結如黃雲具
此神駿姿蹀躞將安因會謁齊宣王棄置咫尺均要賚
千里心去與伯樂盟伯樂骨已朽真賞亡亦久天廐驚
駘充鹽車麒麟負勉旃化龍飛時當辭牛後

東瀛浩莫測中有三神山珠闕十有二金碧紛斑爛仙
人如冠玉一一驂皇鸞麻姑把芙蓉開花頃刻間簫笙
時一奏大海安鯨濶蟠桃紅半邊宴餘還復餐天香飄

天船詩集

卷上

三

不散彩雲空中盤我欲導悃款青鳥飛復還太息漢武
帝神穢貽嘲詆

踞牀讀離騷心目迷楚湘親見屈大夫相邀游八荒飛
龍駕象車上下隨風翔趨前雷電導顧後雲霓揚一聲
蒼梧崩駭汗流如漿驚定仍故著寒燈搖孤光但見所
手編零亂遺枕旁神爲意奴隸幻由情主張以茲悟生
理世人徒俚俚

君子固愛蓮採蓮遺君子芳心託微波素手弄清泚使
者暮不至渺渺空烟水袖花自歸來把玩曷能已明日
亦可待但愁蓮色毀不愁蓮色致祇恐蓮心死

白日六滄海萬象皆輝煌區區葵藿花煦煦傾向陽還
如感時士惜此須臾光鬢絲雖未變要識元弗長豆年
同日暮瞬息盈雪霜不義富貴醜有道貧賤傷青史與
素業寸心難兩忘幽蘭在空谷誰言非國香

春鳥

春宵聞春鳥得意鳴春風而我胡爲者無言心慮惺弱
齡覽羣史英氣騰長虹旺衡懷燕領齟齬慚雕蟲大志
惻拂逆貞心生困窮失意復何云日月馳如馳忽忽五
年來擾擾稠人叢丈夫一鳥耳乘時當飛雄一鳴驚天
下一翔出雲中獨不顧燕雀高不知樊籠晏然戀飲啄

天船詩集

卷上

四

毋乃家雞同善藏雖爲豹易馴終非龍淮陰一飯厄相
如四壁空三子落落者豈無驅騁衷禮法彌朝野資格
區窮通布衣王侯王靜女私狂童何若終日醉性命拌
春醞嘯歌洩沈痛脫略養大慵時倩陽和音慰我冰雪
胸

去秋和雲軒總戎饋劉仲衡牡丹二本今春花時
仲衡因弟亡感賦詩成寄示特和慰之

玉人困酒春眠熟妙香勾得蝶蜂撲天姿千古誰品題
奪去詩仙亦何速香山夢醒失樊素瑤池會散歸萼綠
花花錦毬旋微鴻葉葉羅裾起細蹙無雙空自耿寸心

有一便足勝尺幅故人雁束忽飛到開絳未讀神先肅
紫荆無華棠棣枯爲賭瓊株哀轉酷况復二美對爭妍
分明雙鸞形孤鶴身世那比恒春草人事真同交讓木
蘭亭死生爲虛誕安用清淚灑斑竹兩間無色不是空
乃爲空色惜心目弗見張生慕絕豔瘵心願填洛陽濱
行當相尋醉花前療君愁懷厭我欲

附原作

園丁告我春酒熟楊柳生烟桃花撲終日昏昏坐
復眠不知四時去來速園荒草深埋路徑鳥啼蝶
舞亂紅綠百卉妍醜各自芳棠棣無花顏色慶當

未船詩集

卷上

五

前兩株何處來新染鵝脂畫一幅和君贈君君忘
否雁行斷時秋風肅恍若夢醒愧報瑤天公毋乃
太苛酷憶昔觀花同爾我今年對花獨立鶴花開
花謝無窮期人生何如草與木有夢空復吟春草
無德安敢憶孤竹瘦馬離羣徒鳴耳哀鸞照影杜
娛目况復四方正干戈困苦顛連填溝瀆何當去
傾東海水一洗物我得所欲

題王楊氏節孝册子并序

昆明楊節婦紀事册子略言先姑趙守節撫孤
某既成爲娶楊氏節婦也甫一年某亡家貧

無立錐地節婦欲殉夫則奉姑無人欲養姑又
蓄旨無自乃於廬傍隙地種菜數畝鬻以爲生
時謂之雙節云姑卒依母某氏操業如故同治
壬申予讀書桂香樓李蘭岑因以册子示且囑
題詢知節婦時古稀也而貧愈甚矣年來雖蒙
旌表老去不免飢寒彼蒼其容心耶走筆成此
願有哀之如我者效者宜良秋槎嚴延中前學
使和甫吳存義首倡種菜吟滇宦士反覆詳詠
者三十餘人

未船詩集

卷上

六

李君示我楊氏傳讀之始末明且詳苦心勁節出親炙
兩松先後森蒼蒼方其失雄悲黃鵠宛頸長鳴知絕望
春鍾躬親生何趣夫亡姑老誰相將女貞花開白露降
冰雪日夜摧孤芳毀妝却餽古來有家無寸廩吁可傷
我將援筆贅數語才力薄弱難表彰比聞昨著旌旨下
苦節生淬爲幽光堅貞永矢人共式報施不爽天何嘗
春花秋柳遞憔悴節婦至今七十剛桂薑有性老愈粹
餽粥不給悲更長紛紛題詠胡爲爾忍見窮餓如首陽
我生一寒乃至此空言是託心慚惶懸知舊時把鋤處
風草搖青畦隴荒子規竟日啼亦數黃蝶無人飛自雙
種菜諸吟那暇和明日試往餐風香

覆劉仲衡韻

熒熒神龕火澗澗瓦溝水衝風排闥來飛雨入樓灑所
幸骨清寒蟲蚤不來止故人寄新編妙味腴如隨時蚊
方雷鳴利同黃鶴背可圍在何處相望隔尺咫覆詩獨
遺君勿令他人視

中秋用劉仲衡韻

是夜登魁星樓首層

重樓高矗凌月渡下瞰城中香燭羅醉裏人物不可辨
手門萬戶如蜂窠平時久已絕盃盞今宵生恐羞姮娥
回頭却憶少小事魯陽恨不從揮戈年來劉季獨賞我
冰心相印常無他紅燈明滅綠酒盡念予不識將若何
天船詩集 卷上 七

附原作

四更遊屨未畢返牆外橐橐疑行驟涼風吹醒欲就寢
明月後夜光漸磨忽聞鄰家長笛起壁壘四答秋聲多
故人此時如聚首唱和不遣行雲過明朝人事胡得預
忍寒走筆成長歌

長空似水天無波家家拜月香花羅桂影婆娑看
欲舞驚起鳥鵲爭巢窠兒童笑指月中兔強問何
處奔嫦娥旋促列座陳瓜果執觴競啖如橫戈英
雄氣短兒女重極妍態甯由他一言偶出及亡
弟座上白髮傷如何應答無計且荒誕或云人見

騎青驃三漏未盡各歸寢壺中有酒難消磨我欲
隨白夢天姥其奈明月今宵多踟躕聞庭踏花影
衣溼香露涼風過金丸下流曙色動牆外猶聽人
行歌

書段氏詩紀後

并序

富民段氏殉父其弟幼山培善為詩紀其事徵
詩嗟乎段氏夫歿於王事死賢於生氏廣文女
何弗聞三從之訓不殉夫而殉父耶豈以夫不
足殉而惟父始克當吾殉耶是必有委曲難白
者且舅姑之有亡詩中曾未敘及設或有之是

天船詩集

卷上

八

於此所得者小於彼所失者大也段氏諒不出
此則所以闡幽補遺余烏得辭其責與時已請
君不見木蘭十載事行列策勳天府真奇絕又不見臨
江揮涕祝浮瓜江水至竟常嗚咽兩花榮謝各千古妙
是當年未笄櫛女兒從夫士從王許身君國家違恤不
然誓死謝所生君子無取栢舟烈烈陽烽火炎桑梓煉
出佳人心如鐵金閨方舉孟光桉沙場旋灑杞梁血風
飄孤卉子先摧一規泉湧雙魚羹枉潔補無
得作鴛塚
死如歸冀展烏私生與訣大歸於父
廣文任一朝進退成狼狽
九夏斯須留冰雪必鳳未獲棲老椿時弟避
亂在外寡鵠忍便

覓同穴精鋼時化繞指柔堅性未許終磨滅樹倒藤依
誠始念竹苦松貞疇能說要知建白具深心不遣雖黃
得肆許巾幗偉然有丈夫移孝作忠彌見節我心素喜
談風義有時舞蹈雜歌位聞道請旌表幽光十分欣慰
三太息稱貞諡愍論其志略節言孝貞恐沒雷同勦說
古來羞月旦定評今宜決援筆作詩當誅書俾與昔之
碎璧沈珠爭赫奕

代作一首并引

余既以節與段氏矣逮以顯親論之又不得謂
非孝也李蘭岑囑代作遂書以補前意云

天船詩集

卷上

九

烈婦以死殉夫子十年雖生亦如死死生相隨胡待言
隱微盡孝心永矢壻尸倉卒裏馬革輕身一激非女士
久要不忘在平生欲把玉石驗留止皮金剪字又何謂
梁摧孤燕恐難恃稱節稱孝各饒譎焉知在彼不在此
貞姜守信光齊國桓釐行義傳鸞女後人慨歎思所生
嗚呼顯親真孝矣

爲李蘭岑題孔慧卿小照有序

慧卿孔姓名實徵字寶言慧卿其號也世迤西

趙州人爲螺蜂國儒別駕三女有夙慧喜誦讀

女紅尤獨絕祖魯瞻公龍章中憲官越與蘭岑

先大人越司馬爲世好後蘭岑謁公里第公大
賞以慧卿字焉既歸性端順事姑嫜至孝代姑
操家政井井有條甚得姑歡定省餘輒閱前人
書史好讀香山詩著有紅窗餘韻一卷每宵繡
伴讀言皆自勵卽以勵郎愛花竹春夏繞室環
種百卉入秋癖菊愈甚時對花密詠雅有古女
博士風一日姑疾慧卿嘗湯藥廢寢食數晝夜
不愈遂私禱北辰願以身代是夕姑病渙然蓋
柳耳目所僅聞見也十月初突不起參蒼投罔
劫二十八日夕竟力疾作書請早聘名門女爲

天船詩集

卷上

十

繼室太夫人聞急入慰之慧卿長逝矣家之人
莫不痛惜痊後蘭岑悼不已乃親寫一照以副
落月容顏之想書絕句於上吾滇士大夫靡不
爭爲題詠事在咸豐甲寅年今同治壬申蘭岑
始與余爲文字交出此冊見示嗚呼慧卿淑德
佳人蘭岑深情才士未有伯鸞之福不免鯨魚
之苦誠大可憫矣夫崔微何如人而子瞻題其
真余願默不一言乎賦贈長歌一篇時維重陽
後一日

玉繩垂夜東西引蟾蜍蝕月魄無影人間要識許飛瓊

張郎含毫謝不敏美人自古鍾西方鯉庭詩禮淵源長
懷裏慧珠作小字才情那減劉三娘金針乞得天孫巧
不知度盡人多少尺練寸素春風生姊妹花中獨矯矯
雪堂柳絮增聲華小姑此日將并髮白玉紫金兩跳脫
神仙惟降羊權家青衫司馬先官越故山老友位上列
誰知後此十餘年小鸞么鳳紅絲接風花聚散幾寒暑
歸去芳蘭謁地主直遣玉梅聘海棠君家阿祖真香祖
交車寶馬連通衢馳紅走翠歸羅敷一自藍橋春水漲
海中鐵網生珊瑚青蓮花裏駕雙宿小郎代掃眉間綠
太真三姊亦殊姿笑他有玷關雎淑執匪奉盟聲容和

天船詩集

卷上

七

九天龍女依菩提萱草忘憂花巧笑桑榆景晚春温多
代姑操作畏姑擾羞煞枝頭姑惡鳥請君莫作畫中看
小傳慧卿初歸太夫人曰此桂薑性粹甯須老玉檢琅
畫中人也意不能操作云函伴瑤瑟簪花字仿夫人格前生記撰紫石文紅窗餘
韻竊師白春宵繡罷神少颺風簾花影搖燈光一刻千
金要平即讀親掖紅袖來添香儂生好閱羣芳譜留春
欲作藏春塢綠竹紅桃繞室生蘭若翡翠相容與賓鴻
客燕西風時秋心獨有黃花知試擬左嬾作菊頌蓮香
蘭氣阿成詞瑤圃元君杖履惹羽童仙女環相向孝泉
石巢生丹砂春暉寸草空惆悵香閣解讀金滕書行徑

儼然同丈夫天人片念達天闕堂前慈竹惹雲扶賢聲
一襲播人口佳婦佳兒真佳耦便是吹簫引鳳來昇天
也要同攜手陽月北風吹獵獵活色生香羅死劫花神
十二各無言都把聰明還冰雪玉山傾倒扶難起露井
桃僵誰代李強覓菱花枕上看瘦梅一枝橫照水夜深
漬淚書冰綃墨光黯淡潮紅潮薄命花枝亡莫悼慰郎
珍重求鸞膠甲寅十月廿八丑杜蘭香去年十九高堂
涕泗哭不聞兩目光光聲在口命斷五絲續豈任奉情
神傷駭立鸞篋中便有返魂香泉路九重知那處落花
一片深深埋鏡奩絃柱空歸來爲問相思幾時盡紫玉

天船詩集

卷上

七

成烟心弗灰東籬黃菊感知已枝上抱香殉君死愁雲
淚雨暗巫山從此陽臺在夢裏霜燈紅射翠窻屏搗脂
研粉描伶俜莫恨癡郎情似紙兩心相印原忘形色色
空空烏足戀幼婦金身託黃絹他年李固直玉堂芙蓉
鏡下有人面罡風折散烏鵲橋隔河人影誰能招絹頭
題字二十八一字一淚珍珠拋名下士夫俱歛歛微吟
短歌來致意欲補九層離恨天五色彩石甯多備雅人
深致真纏絲畫圖示我雲中仙情海迷津等不悟結成
文字三生緣虛空粉碎失樓閣神山縹緲居不得魂兮
魂兮返故吾張郎權作鴻都客

次劉仲衡軍中見懷韻二首

東海周師釣南陽漢相耕二人不得志千古胡為情氣
選風雲合乾坤雷雨行大材知必用望遠暮烟平

亭臺涵落照懷袖生秋風言念遠游子驚飛如斷蓬干
金重然諾一箸借英雄時在行營為撫軍岑公遐想正
無盡好音來塞鴻

附原作

游子親戎馬美人自筆耕音容雖暫隔兩地有同
情燕雀時方噪龍蛇道不行壯心空復爾感歎豈
能平

天船詩集 卷上

三

縱有澄清志而無破浪風蹇蹄飽新粟駿骨放寒
蓬不遂男兒願甯微願盼雄同心惟爾我欲語寄
飛鴻

送李蘭岑之黔

四月孟夏始相遇十月孟冬官黔去俛首思君如電光
瞥眼照人難久覩吾滇兵革二十載窮瘡瘡疔吁可慮
聞君親世嘗悲歌成竹胸中多少具寸心儻令生矩規
時地方圓有餘裕張緒風流真似柳出處已作黏泥絮
東風與便待明年追逐飛花千里寓要知到日嶺梅開
秉燭三更情孰喻此時慨然懷故人折枝早寄隴頭句

孤山定憶林逋鶴九坂甯叱王尊馭異鄉欲承白髮權
慎施榮親以令譽時奉大夫臨歧別淚不屑灑但怪驪
歌催客屢勉作豪語壯君行萬水千山供遊豫苦恨離
合徂夏冬細思今昔同日暮停雲行化舊雨來清泉那
礙出山遠此言君試十日思別愁渙若南柯寤

甲戌春同履畝至陡坡髮髯仲衡詩中香巖因取
香巖洞韻次寄

大馬盤山蝨緣縫石徑滑絳轡敢縱維膏腥臚野餉陳
是日野人禽音拗折村笛唳高高絕頂上無路杳杳半
中深有洞引手朋友交牽扶畢方僕僮齊怨恫霜杉巖

天船詩集 卷上

古

密赤日偏風枝摩盪碧雲動泉奔雷轉撼耳驚沫散雪
飛射面凍憑虛厲喝四山應謝眾先登萬石共磅礴解
衣自嘯吟性命付天誰珍重拾柴撥草尋虎跡磔塊擲
林攬鶴夢日夕却怪寺僧迎月明定煩山鬼送悔恨未
游天生橋天生橋陡坡石洞穿山腹入三十餘里遠沙
游洞洞中猶及歸來準被吾兄諷

附原作

碧雲四垂天無縫萬木陰森礙目縱激流漱石奔
泉鳴濤音聒耳幽禽啼曲盤石磴長苔蘚牛掩朱
門藏巖洞飛樓百尺身虛懸憑欄一顧心駭恫磔

石下投測淺深草木無聲輕不動古佛嗟峨冷烟
火似是寒生雙眉凍朝餐烟霞暮雨風清淨寂滅
誰與共煩熱到此忽頓減五月披裘不嫌重茲來
缺少一壺酒有酒絕勝吞雲夢航游不怕歸路迷
林外便有青山送眞山眞水未曾觀應使猿鶴共
嘲諷

在陡坡用仲衡香巖洞韻作寄頃仲衡疊前韻遞

來更次其韻和之

雜沓萬山開一洞身不會游筆徒縱山骨碎磁馬蹄驚
土語啾嚙賦舌味嶺傍山多藤走瘦筋入巖竇蕨奮怒

天船詩集

卷上

七

拳出石縫赴壑修蛇猶可憎緣木捷猿危堪恫行雲隨
身呼吸應流水照影鬚髮動竹竿斲土得黃精松露黏
衣成綠凍口占數語調幽獨響傳眾壑惜公共長林藉
草坦腹眠高柯下葉擡面重起尋泥佛去求法歸語山
靈來入夢手中杖或化龍飛脚底鳥應作鳧送劉郎一
旦返天台難免吾家留侯諷

附原作

憶昔游覽香巖洞茫鞋未踏意先縱水繞山環路
高低一雨新晴鳥爭呀茂林行穿無白日密如天
衣尋無縫披榛上探猿猱穴下走確犖忘惚恫忽

聞響唱白雪邊極目遠嶺樵牧動山中生事異城
市四時辛勤免飢凍闕花開落香在水清流濯足
形影共螺峰倒景鏡面開照見美人雲髻重山僧
汲水歸打門老禪跌坐驚破夢晚來斷霞生半空
一聲清磬出牆送此景歷歷猶在眼探囊取詩牢
記諷

和彭子嘉師五君吟

島郊強和韓公詩有如溼薪難就炊是中消息人稀知
夫子東海瀉作解波瀾不動觀已闕但見雲霧騰英蕤
目眩扶桑與咸池耳根往復蒼龍虢方今才人多腐糜

天船詩集

卷上

六

間有傑者毛遂錐摩天巨刃驚怯追我懷夫子中飢渴
屏氣烟火今幾時飽誦一笑伸雙眉心屢安用沾巾爲
前廬後王俱瑰奇風飄鴻鵠無成思雜錯沒出容有之
明珠滿掬相贈遺荆湘萬里來先施倉皇學步忘支離

附原作

熙齋且官且吟詩履穿衣綻忘朝炊敦篤篤孝友無
人知朱君絕世高文辭心雄萬夫法莫闕胡不蟾
窟攀葳蕤來子畫法宗天池字與懽格相堦篋管
城何日食肉糜天船張生無卓錫遠懷甫白相攀
追煮字何由充朝飢楊公妙畫冠當時爲我寫照

窮愁眉倦云不似誑我爲歸覓妻子方驚奇瀕中

五君我所思夢中時復一見之五君憶我如相遺

丹青妙句從所施萬里庭戶非別離

和五君詠訖另呈一編時同治十三年三月十一日

昏昏顛作驪龍睡奔波懶逐蝦魚隊鈞天一奏徹重溟

往事分明警獨寐戶庭萬里異尺咫出處三年重感喟

聚星堂倒莽荆榛梁燕分飛失向背夫子慮我貧無食

熟煖裹飯救寒頓豈知飢德勝醉酒室齏醜塵復何志

人生飢飽要有命世俗悲喜殊作態憂來不覺見在身

過去未來無餘累清湘五月波浪瀾巨蛟騰擲修蛇恣

天船詩集

卷上

七

屈平冤魄沈千年眼穿古今誰餉遺夕陽漢口杳何在

池水昆明清日對憫才兩地具同心離合欣戚了莫礙

躍起火急寄新編勿誤端陽投汨瀨

次答仲衡蔡家園見寄用歐公游泗上雍家園韻

霜菊秋發盈籬間雪梅冬開香一園春葩夏卉莫悉指

裝點四時顏色繁老兄持壺席地飲醉倒襟袖風來翻

夢中呼快雜真贗芭蕉聞被修竹彈時撫軍岑勒將軍

近欲興百廢傳說更斥乘鶴軒並効人風回天南色向

霽匿民行出桃源村謝安憂時年強仕仲衡今東山高

卧人誰攀一壑能專則樂矣恐將捉鼻親紛煩

附原作

留侯去人世間我獨何鄙來灌園其力不足耘

三畝但喜雨餘花自繁春到山城日長候有書不

能生後翻更張斷絃爲拂拭素琴流水斯可彈夜

深攜酒弗即寐必待明月當南軒水光照耀塵氛

息一派寒色如江村雖有絕景慰寂寞更望詩老

相道攀烹茶洗盞待過訪門無擾擾車馬煩

仲衡疊前韻寄再答

陶潛爲令彭澤間莊周作吏來漆園鄭虔獨處廣文邸

信冷不覺塵埃繁我生貧賤遠志挫有如病鶴憂巢翻

天船詩集

卷上

太

稻梁一飽百謀寢矯矯飛避金丸彈故人見我營首着

時欲笑我駑髀誰軒軒梅花百本要我飲想見羅浮山

下村香中醉卧縞衣出台州佚老何足攀眼前三伏安

有此三盃嚼蕊銷熱煩

仲衡三疊前韻以馬相如相期復以白頭吟爲戲

三答

海燕惟巢梁楹間沙鷗不慣棲林園兩禽趨避習成性

紛紜論說牛毛繁長卿娥媚傲骨砭設心與時工覆翻

題橋數語差快壯士聞起舞冠塵彈西湖處士自枯寂

落落高陶追羲軒遺編言無封禪草趣若都市嘲蠻村

三子優絀吾不識君其爲我擇所攀梅花如能充桃葉
茂陵輪聘心厭煩

次張海槎除夕見寄韻

風雪催除歲瑤草寄未遲禦寒憑濁酒破睡仗新詩他
日君歸矣時以知縣試用四川名山共賞之蘇門醉把臂長嘯持
霜髭

再次芟竹韻

當際芳蘭去恨遲竹間鋤當太阿持手開幽徑延風至
眼見疎林受月知斬伐應機如陷陣剪裁入妙似刪詩
虛心漫惜諸君子正直彈蕉僅數枝

天船詩集

卷上

七

昆明池懷古六首

驅馬飲滇池下視見千古事往如流波滔滔不可阻緬
懷莊將軍略地至茲土強秦摧諸侯六國等朽腐宗社
竟何爲寥落眞三戶將軍奮忠孝北面恥臣虜擁兵以
自玉觀時圖進取中原雖不復未受祖龍侮死爲故楚
臣生爲開滇祖傳世若殷箕創業類漢主鳳皇鳴西山
發祥兆先睹

吾聞漢武帝鑿池號昆明日夕演樓船天南將用兵聖
人修文德中外咸尊親越裳獻白雉嚮化維中情胡爲
驅黔首角力相吞并其事幸不果古蹟留西京贏得千

萬世雷同傳嘉名

滇池出神馬毛色雪與白登岸輒奔馳求之不可得天
驎在行空下世滋人或竊笑方士口附會類藏獲是時
氣皇輩政聲俱赫赫治郡譬御馬巧挾王良策神物感
知已出示理不隔王衷移文祭金碧竟何宅疇說燕昭
王千金買龍骨

昆明池浩無際南界濱甯州李秀女丈夫今古無其傳大
星噴阿父烽火連成樓倉卒領州事孤城吁可憂堅壁
友炙鼠奇兵出火牛五苓一朝破諸蠻皆掉頭英武洗
梁邁忠烈張許倅峩峩天女城千載凌邊陲

天船詩集

卷上

七

素與築二隄雲津與春登分種黃白花呼作金銀稜東
風引游屐挾妓攜清樽三泉瀉玉案四壁飛珠塵湖爲
九曲池流觴如晉人吾觀二河水灌溉資千春游豫亦
如此風雅姑無論奈何立五歲廢棄同荆榛零落素馨
花尋聲爲斷魂

玉英軍板橋勢成破竹銳把巾人中龍還歸滇池內連
城旣瓦解全家合玉碎生降宗室恥死守黎庶累鼓樂
出西門回顧各掩淚可憐百餘人亂鷓波中墜殺使豈
得已愛民眞莫旣人心固一隅天命延廿歲收葬近耳
山舊德野老佩表墓元梁王萬古無興廢

哭劉仲衡用東坡哭刁景純韻

四年與君交識面苦不早願維日月長相期同病老我
生歷憂患顛覆秋茅稿讀書不救窮飢鼠金錢抱世棄
君獨取一見輒傾倒謂我真子房磊落超綺皓時時收
我詩珍惜逾絹綺無鹽人刻劃亦自覺妍好君年方強
狂典墳悉博考烟霧駕長空奮袂誓揮掃坐憐阮籍貧
運逐如援嫂兩鳥分集鳴枯存苑莫保前年喪惠連辛未
寶臣痛哭悲鄰媪鬱陰沍不開盡數殺蘭藻蓋棺事已
矣世論紛白阜掛壁流水琴分難彈泥濘嗣子方七齡
髮垂豈知道千載黃公墟淚血漬荒草

天船詩集

卷上

辛

仲衡四用歐公韻寄未答仲衡卒今夏初過蔡家

圖道悼疊賦

東風吹花開春間蜂蝶紛紛趨滿園春歸花謝榮耀歇
碧天四掃清陰繁物情如此哀我友離騷下酒隨手翻
萬金瑾瑜一瑕玷淚揮十指珍珠彈斯人一去遊眺絕
冷落亭榭閒窗軒西子國色世無有但見芭蘿荒故村
九天雨雹晦晴晝雙鳧飛去何由攀池渠嘈雜沸百怪
掩耳歸走逃悶煩

仲衡期予成名甚迫而予屢蹶鄉闈今始一捷則

仲衡亡矣明日北行感悼五疊蔡家園韻

心期黃雀翔雲間黃雀翅垂假故園一朝卻立理飛翰

主人宿草生墓繁可圓夜讀如昨日深杯對酌花碧翻

蓬蒿金菊真細事太息人亡琴絕彈平生豪雋吾越石

英雄舉措殊軒軒雷雨巖幹仆惡劫鬼魅聚傭聞荒村

北行聯轡事不果仲衡引道員見擬悲風明日鞍獨攀

經宿劉祖聞雞處在正定郡城古起舞同誰思惡煩

看古近體四十四首

天船詩集

卷上

辛

天船詩集卷中

雲南叢書集部之七十二

北征集

昆明張星柳天船氏

滇勝塘

滇黔交界

黔雨滇風鬱半霄高岡立馬亂山朝雄坊對峙蟠巖石
通道分趨下海潮天上星躔連井鬼民間土語雜蠻苗
鄉關揮手從茲去萬里金門未算遙

老鷹卡

絕谷屯積陰深冥不見底崖磴瀉百盤下趁勢未已危
鵬拔石立撓蛇奪路駛蒼蒼冬青林霜霰習弗死我生
昧夷險倥侗百足喜岳逼負屨猜坎壘降階擬後擁傳

天船詩集

卷中

十一

高歎前趨答低蹄馬首類飲窟控提那得起久久入幽
邃稍稍息舍邸夙昔陋子陽坐蒙井蛙恥

拉邦坡

下坂苦深險上坂苦高惡坂高攀引絕微徑如垂索昂
首失巔頂畢力奮騰踔衡風排嶺茅墮土蝕崖萼川渾
互赤蟒瀾口石屹立黑攫乏汗隨手揮回身散飛看連
珠走岡阜置釜瞰谷壑雲移萬木陰浩瀚崩濤拓先登
一長嘯下馬息腰脚坐見後來人沙蟲紛漠漠

旅夜弗寐

警絕不知夢孤燈耿夜光蛟夔竄昏壁鴉雀際清霜時

事多艱鉅征途重慨慷背人看寶劍虹氣貫天長

早發郎岱

馬聲雜人語曙白紙窗騰月淡失峰影霜鎖生石稜瘡
瘕千里痛瘴癘四時蒸霧散山田出天梯見疊層

抵安順

窘局廓然闢岡巒秀若何石城明返照烟市浩長河白
眼逢人少紅顏止客多慇懃重勸酒未許厭糟醅楚詞

黔省留一日二首

鞭韉小遲淹行行閱古黔錢輸飛莢細俗用毛錢酒釀刺藜
甜味甘美有霜曦晨風集冰溪夜雨添時隆冬仍多雨諺云天無三日晴

天船詩集

卷中

十二

登臨疑湫隘言語慎炎炎

款洽賓朋宴同此多爭完一日緣筭肥題玉版橘小售
金錢大不盈寸河涵魚三兩魚甚貴山奔馬萬千地稱萬馬歸槽

明朝龍里道回首莽雲烟

天未明發清平昏黑始抵黃平途閒隨所歷輒書
用慰辛勞

斗城僵踏角聲凍霧白高低催曉鞍山行十里不逢人
馬蹄踏破猿鶴夢飛甍重疊映初旭蒼岩下闕見深硯
名大風硯去溪邊坐待飯胡麻清湍激石琴筑弄僕夫
清平十里促行誰能緩深樹沿途鳥闐哢日中尖餉觀音山去大風硯

十三里 無寺宇 鉢孟何處分 僧供路長時 追戒航玩腹果歡騰

忘倥倥江聲遙 走對江塘山十里 兩耳時時殷雷鬩巨

川中斷絕壁對 鐵鎖橫牽鑿石空 鐵鎖橋去對江塘三

橋 飛龍活動勢 凌霄將軍功德行人誦 橋為提督緣崖

盤折山腰轉隱約 林梢浮畫棟我來恨不及春三親見

雷公充役從 過江里餘有真武殿相傳每 黃猴空谷去

無迹 黃猴塘去對嘉名錫予安取用 咿唔問答一茫然

回首千峰落日 送望城坡頭 黃猴塘五里 暮延於短

堞參差蒙烟雲 萬家燈火亂繁星 下馬入門主人諷英

雄風塵人易識 盤殮壺酒進珍重 平生固奇劉豫州 髀

天船詩集 卷中 三

肉復生深感痛

黃平道中

飢腸作雷轉 特立問屠沽 戶口山根見房頭 石板鋪名地

石板房以精草 霜草竭 苗亂初平沿 薪米土苗輸蠹壤

石代茅瓦 真何限邊端 啟一夫

文德關

一關中崛起 勢壓萬峰畏巖懸 根無垠險奇劍閣配路

滑鑿巉石痛入山骨內 東西日腳垂 南北灘聲會連岡

困奔走環峙 肅拱衛嗟呀 倒插雲虛空為粉碎 瓊瑤展

風草旂旒 監嵐榭壁立 虎牙撐徑折蛇骨 蛻似看霄漢

近俯見邱陵 贅盥泉得微腥 知有神物晦飛騰 迫尺咫

精光發明昧 想見明年春 驚雷起靈性

鎮遠眺

程途船馬匯邊陲 岩束長河出咽喉 屋疊高低排夾岸

城分左右擁中流 府城跨兩山頂 河水一半深烟倒影涵

山寺激浪回光蕩 水樓買醉徑歸催 放棹伏波故壘五

溪留

早至沅州泊大橋外

曉屢臨岸啟紛聒 聽人喧盈貯糖紅 膩杯傾酒白渾雉

環圍霧住虹互截 江奔橋跨江空 芳芷知何有漁翁笑不

天船詩集 卷中 四

言

艤舟黔陽登芙蓉樓 唐王龍標謫居所建 今茸而

新之以祠祀焉 樓下觀教諭黃虎癡 本曠碑鬱

律精妙洵珍寶也 書此誌賞

芙蓉樓起高崔嵬 亂山重疊風濤回 蠻荒竄謫亦偶爾

遺蹟千載凌江隈 虎癡廣文自骭髀 鄭虔三絕當復推

豐碑樓下留手蹟 蛟蛇盤屈蘇春雷 兩人落拓豈天意

文采照耀幽僻開 樓圯能興石弗補 恐此剝蝕生陰苔

北海真刻存者少 造物忌物人何猜 傳詩山靈當一鼓

豪戰丁甲奔茶壚

舟過伏波廟有懷

千古伏波績巍巍東漢魁征塵羣虜拜陣霧白蠻開事
業應復爾英雄安在哉岩頭見遺廟高絕壓雲臺

滾龍灘

急舟下溜丸走阪長竿刺石勢迫窘憑高陡落五千尺
竄獸脫圍駒絕紉日來泳游厭汗漫到此河神試一緊
瓶中有酒徑須傾遠勝燃犀照重溟

李蘭岑刺黔後赴部引見至辰州歿聞柩尚寄辰

今舟過欲一視訪之不得感喟有作

未俗交道失李君頗真摯出宦勢雖疏逾年書屢至筆

天船詩集

卷中

五

跡今雅士君書畫俱佳經術古循吏作詩未造極得半已精

綴萌蘭沒蕪穢始終發穎異露白天早霜摧折朝來泊

撫棺虛一慟歸舟零兩涕遺扇行篋中前出滇繪別啟玩

深惜祕天門九萬里我行君獨滯心愧曹孟德雞酒躬

沃祭

晚泊桃源縣夜大雪曉起賞作

寒日淡一隱凍雲濃四鬱雪意在人心蔬酒三日蓄入
夜嚴飈緊篷板聞跳撲遂覺江湖翻洶湧波濤蹙曉來
巖窗視陰光廓兩目顛然寫襟懷可對不可躡桃源距
廿里欲往寄幽躅漁郎喚誰磨巖洞封松竹盤風紛莫

紀墮水輕仍觸作詩鬪清妍逐字滌塵俗船頭擁裘坐
酒熱蔬香熟却笑灞橋客肩山驢背轟

常德出眺

辭滇踰黔楚水陸四千里亂山如俗務終日纏不已今
朝盡脫去曠夷心自喜積雪浩清明萬井寒光起春申
詎足道故宅存遺趾星霜促英華綠蘿隨槁死有春申君綠蘿
峯蜂房羅瓦屋招屈何處是有詔薄暮思夫君悲風嘯
山鬼登臨得古蹟憑弔發長唏墟烟上孤青雲日翳微
紫鑪來剪寸蠟開樽酌玉醴明日走平川回首陳迹遞
惟餘墨塊胸突兀驚凡靡

天船詩集

卷中

六

發澧州

籃輿載殘夢兀兀趨曙光曉風入知識洒然吹面涼情
騰一開眼已聞村飯香須臾更復往雲木漫干岡青山
帶餘雪二毛紛相望疏松未覺老鬚髯時還蒼草衰卷
枯白竹瘦欹微黃自非不朽姿安能貞冰霜陂陀瀉平
衍屋宇低即當寒梅占巖野春花桃李僵來歲都門回
秋高賓雁翔叢蘭坼紫玉澗谷流清芳美人遲暮歸蝴蝶
蝶裾袖颺伫立紉幽佩露下烟溟茫

荆州懷古十首用東坡荆州十首韻

客路孱陵盡自孱陵北行四里至荆江奔騰見大川臨江置驛舍

曉渡走官船風力孤帆疾濤聲一枕旋形書說都會今識郢城堅

南界湘衡在北疆岷漢存輿圖連外徼霸業競中原食貨收千艦屯防集萬邨倉皇入吳騎遺事忍重論

宮殿鬱霞邊亭臺鬪角連積威三輔發佚樂一朝捐雲雨空多夢興亡亦可憐湘東碑豈有五里今沙市一僵

踏已千年

屈魄歸何處狂風卷浪沙東浮盡吳越西望極夔巴小

艇依清浦脩門挂晚霞招魂歸來兮脩門郢南庭貞無

自達水母蔽羣蝦

天船詩集

卷中

七

絳帳咄誰設城有馬融絳帳臺臺高志乃卑山家居厭

久石室去嫌遲出處羞猿鶴東坡馬融石室詩云吾文

章博貝龜依梁從草奏燕朽概君辭

火德餘灰燼羣雄起俊髦縱橫馳盜賊割據走英豪鼠

伏真何益鷹呼只自勞劉表呼鷹臺在襄陽傳樂府且

欲謗風騷

歸妹孫吳智江山似昔時繡林山傳即昭烈安孫夫人處干戈長困頓

羅綺小娛嬉霸氣深仇寇兵機寄女兒真龍馴不得雷

雨更天涯

江水龍山在城南見空明帶伏犀岩巒列屏障波浪聲

琉璃狂嘯風吹帽科頭日照籠桓溫遺飲福庖俎笑空

到

典午危房運艱難見此人遙遙緬旌節肅肅整塵巾范

子若為譽溫生自不馴龍梭發奇異勳業史家珍

仲宣樓上望蒼莽見沙陽高季興建望沙樓以望沙戰

鼓沈音響降旌斂焰芒賺封開渤海拓地窮湖湘眼底

雄圖盡高家世假王

荆門州

荆門暮色生千嶺落日浮烟涵紫影城頭崩圯獻欹深

戶日疏稀瘡痍甚庚申髮行客逆旅會相置浙米斫薪

天船詩集

卷中

八

旋復詩縱橫七箸亂杯盤錯雜蔬豚供暇飲惠蒙漱石

兩泉潔蘇李題詩雙壁炯謂文忠公衛公秉蠟夜來擬追尋聞

雞曉起念馳騁三更醉眼星爭射四壁鼙聲雷遞殷倒

牀魂夢就安甜排戶僕夫貽喚詞長途早發久已厭傳

舍更評閱今何引路人指說昭君村謠詠蛾眉重一警

過工部墓用東坡次韻張安道讀杜詩韻

崛起承詩統皇唐湖杜豪百家受圍籠千古仰風騷鼓

吹驅英傑旌旗走彥髦孤懷填五岳灑氣卷重濤置隊

雌黃陋締交太白牢飛鳴看兩鳥頑頑韻同高一轍開

宏軌雙標奪巨艘乾坤行板蕩生死各奔逃九野昏塵

騎三山踏海鼇昌黎誠巨眼論定得真衷伏草披宵案
幽蘭佩晚泉鈎心變堂廡鼎足想巾袍家派朋韓李名
望駕陸曹遺墳公闌寂過式我游邀朽壤墜方甚雕鏤
笑枉勞蛩吟傳水部蝸鬪託雲旌花浣祠何訪蓬深碣
偶遭江湖藏大壑霧露鬱空濠獨振金聲鐸誰陳玉色
膠一坏餘王氣夜夜照萊蒿

襄陽有慨

峴山展後金湯固漢水縈前玉帶流荆豫井疆分兩岸
北南樞紐筦千秋溪閣躍馬奇真主臺上呼鷹藐懦侯
撫馭之才堪一勳也應墮淚灑荒陬

天船詩集

卷中

九

發樊城至瓦店

鄧禹故里

雙鵲餞行呼春風轉軸轅塵消黃霧散雪淨碧烟鋪勁
草來侯宅來歙故里在新店疏花范相廬沙堰鋪距瓦店十五里傳
范蠡會居此卅年猶寂寂鄧禹笑人無

光武廟

距葉縣保安驛三十里

佳氣千年散貴鄉即白水村去新野縣四十八里真人廟貌肅旒裳黃
塵戰馬開兄弟白水飛龍起帝王雷雨奇兵日馳逐星
辰上將夜光芒櫟槍焚惑收妖焰耿耿微垣御昊蒼

進履橋

子房屠龍才博浪傳俠諒一椎雖誤中獨夫心膽喪休

秦謝六國立韓答五相圯上懷英風忠義拓智重精鋼
千百鍊繞指如縣續鈍折兩無虞純鈎鑄神匠黃石授
荒唐赤松游誕妄孟孫張亦人豪勳名無多讓

自滎澤渡黃河

星宿靈源天上落洶洶下注海門秋沙泥西擁乾坤瀉
濤浪東迴日月流漢使聲名貫牛斗楚人割據限鴻溝
中原行有澄清會不信渾渠世與侔

比干墓

衛輝府

茫茫殷士屹孤忠手引清樽醉晚風身許朱雲遊地下
心懸白日照天中九原深樹龍鱗逆一塚高封馬鬣隆

天船詩集

卷中

十

聞道聖朝無闕事幾人相顧厚顏紅

岳王廟

湯陰縣

約飲黃龍士氣添金牌火速遞郵籤小朝議定韜戎廢
故國魂歸俎豆嚴北復中原辜祖述南還天順害于謙
大功立否讒終售上下千年一奮髯

過彰德

飛駟馳平沙鞭轡執一僕遲疾聽策驅操縱歸掌握肅
然齊號令便平若軀運足御眾等御車統制任專獨鄴
圍九節度枚卯壓山嶽灌城決漳河食盡守陴哭范陽
援不至睡手鼻巢覆進退失稟承時日延變局思明乘

其怠壁壘連雲轟合成主客兵事先機伏權紛心已
散壯力圻勢莫屬六十餘萬軍一潰四無束吾聞古韜
鈴師忌之轄督譬以馬馭馬背謬夫人覺長風振廣野
驚塵奔驥駭落落眼中人高歌見起牧

邯鄲縣

相士平原時豈有樽前往事逐風漚秦金巧買奸人語
漢幟奇儲大將謀司馬交遊空一世觸龍言語妙千秋
雜姬勸酒焉知此信手琵琶轉撥柔

早發順德

初日出未出紅雲天半亞衝風戰宿酒力敵勢不下繫

天船詩集

卷中

士

懷長安侯鉅鹿威叱咤沈船燒舍廬奮突排嵩華龍虎
并不生死伏鼠壁上訝破秦謁諸侯膝行具驚怕離虜
部行降聲名蓋世大殺氣結堅冰朝陽照難化河山閱
興敗過眼失雄霸回望三戶津在鄭西萬井烟白流

暮至趙州懷趙奢

州奢故里

兵機奇矯神龍幻龍去千年窟宅更圖解烏蘇村名卽
關與奇
州空夾壘封膺馬服壯長城賦租平國陳忠論書策傳
家隱恨聲騰問祁奚當日事夕陽開闔陣鴉橫

易水弔燕丹

漸武絳繆閣不行急功趨險太謀輕荆軻易水身充使

王剪中山手練兵薊北魂歸風有影遠東恨飲月無聲
幕容道業眞龍虎咫尺關河霸氣橫前百二十五里定
州古中山幕容垂

暮至定州求觀東坡雪浪石弗得次其次勝大夫

韻

胸中五岳風雷屯突兀壓倒他山尊下車入邸急呼酒
星光照眼夢中昏東坡奇石何自得鬼物攫送來荒村
我思一觀雪浪勢訪詢無路尋無門先生忠節卓百世
數輩入招懷石三閭魂銜杯坐戲聊爾爾屹然正氣盤雲
根去年扁舟出黔楚白波捲崖沙失痕嘗譏元章嗜好

天船詩集

卷中

車

隘此卻注意人應論珍愛定敵仇池寶文登玉藉高麗
益掃牀醉寢會夢見大行曉起鏡天存

椒山先生廟

保定

百鸞飛舞接重閣詔獄連年痛覆盆遠道憂天情具切
高山障日事難論南衙書上賢媛淚西市詩成聖主恩
鼎社明家瞬灰燼燕雲長此奉忠魂

涿州道

伯昭歟已逝誰堪主回首西南望故關耶律風來聲振
野嵐尤霧起勢連山花繁庭桂人文起去州四十五里
實店禹鈞故里
樹鬱樓桑王氣還去州三十里琉璃
河東北昭烈故里萬里一身三尺在

哀歌未肯唱刀環

都門

金臺玉陛引飛驂紫極龍盤氣倒涵赤帝中興徇河北

朱王大舉陷江南晚風薊野聲吹萬曉月盧溝影度三

盧溝古桑乾河橋上有御書盧溝曉月四字碑亭形勢平城根本壯漢周故事

莫輕譚

贈人

燈影豔春宵春心帶酒潮歌酣花有韻舞困柳無腰紅

豆明珠贈青菱小鏡邀藥師人不識浪賦董嬌燒

失題二首

天船詩集

卷中

三

丞相功名俯岱宗格天表閣威重逢聞風御史矜彈奏

偏識京師賣菜傭

眼底開元景運昌府兵名實半存亡初更吏放平安火

照見笙歌燕雀堂

右古近體五十一首

天船詩集卷下

雲南叢書集部之七十二

倚嘯集

昆明張星柳天船氏

次答張海槎蜀中見寄八首韻

西川書不至延眺倚宵筇詩草香沈闌燈花蕊疊重高
歌懷躍馬激響促鳴蛩應有新篇寄喘余好養慵

蓬門驚剝隊珍重遠函投雁足來魚復鳶肩憶馬周友
情傳廿載設誼足千秋莫論升沈事冲彪未許伴

痛哭悲時事疇憐阮籍狂蚩尤謀作霧變雅警繁霜十
步蘭無種三年艾有香礮溪留醉意未始忘鷹揚

改兆烏私竭祇靈應籲呼盤殮焚楮薦疊醕典衣沽惠
天船詩集 卷下 十一

逆昭明鏡玄微箬智珠孫鍾種瓜者世系衍吳都
北風吹一雁前月始來賓落落平生侶栖栖孰與親唱

酬千里共聚散四年頻感此吾何謂儀鴻愧結隣
冰梨產滇海歲暮熟紛紛願汝摠深蘊懷人挹古芬收

藏同雪柰包裏藉霜蕢欲寄終還罷含消應識文
睿慮防倭丞相期執義慈杜房原共學蘇李總能詩吸

海三杯覆占星一劍持明年春色早馬上折楊枝
雲雷淹尺木蘄屈臥家山知己招良厚添丁拜等閒臘

先征轡去春共報書還不見虬髯客扶餘是故關
接丙子訃音

延縣一病誤參苓生死勤劬為藁砧瑤珥助遊千里志
糟糠茹苦十年心羈人多夢神顛倒穉女懸知淚淺深
魂魄怪卿長逐我前數月嘗夢月夜策馬行聞人呼甚
而疑之至是悉青林黑塞路難尋急同見丙子在百數十武外奔追寤
卽亡之月也

客中聞子規昨悉丙子亡矣

中年潘鬢尚天涯別夢驚回聽未差萬點血凝新鞞鞞
一聲泣下古琵琶烟波斷岸迷芳草風雨空山怨落花
莫道不如歸去好可憐歸去已無家

次吳和菴 太守龍神祠祈晴韻二首 并引

麗江秋雨積旬禾稼多傷郡伯特往禱於龍神
天船詩集 卷下 十二

祠天隨霽見壁刊前守孔一律疊次其韻既成
見示囑和勉步二章一明賢守土之雅意感通

一自紀新晴也

神潭龍德蔽羣陰驄馬衝烟度碧岑飢渴憂思黎庶喻
水山樂趣醉翁尋三時案酒陳從古四野鎌衣剔自今
小憩回廊坐題句筆端風勢掃秋淫

蠟屐連旬阻積陰朝來百鳥噪幽岑岫雲籠日涵重暈
巖瀑乘風下百尋門外龍湫靈若此壁間鴻雪印如今
他年邊志徵游蹟應識相如病久瘳

望雪山

雪山來西極蜿蜒如白龍過江作龍尾掉起天之中陡
直無寸土草木馬能容不知幾何高其半雲常封須臾
勢動盪閭闔排長風光晶忽破碎萬狀開玲瓏瓊樓簇
面面削立森虛空四周數千里所見無雷同玄陰凝太
素自古塵夏冬巨靈壁不動金沙曲相從金沙江環皇

朝崇秩望岱華恆霍嵩城中分坐鎮典禮夷三公寧識

九州表間氣鍾奇雄馬君紀游歷馬子雲有發軔碑岳

東鐵堂石确确雷崖聲隆隆白銀嵌絕壁綠雪溼古銅

一壑著長春四時蓄青叢以上碑品鐵堂雷崖生銀崖

記所平生癖登覽芒屨凌巖從仰視初無路人跡胡由

通願聞鐵杖嶺仙去留遺蹤記載鐵杖嶺上有鐵杖忽

傳昔有老人攜杖入山 姓名曾不著安知非赤松他年

人去杖留鎮伏虎豹謝塵事來訪應與逢飲我瑤池漿骨換顏還童迴颺揚

積霰陣霧盤層峰時當綺縞鶴飛度三千重

游文峰寺

東風吹我出城闌走馬西尋古寺閒天縱百花三月放

地盤一窟萬峰環龍藏有氣晨嘯壁後山常生雲氣大

卧無聲畫守關却怪僧人皆俗陋茲山不是武安山

文峰寺看海棠

巨津海棠何處最挈壺來訪西郊寺蜂飛蝶舞亂馬蹄

廿里禪關帶松翠入門繞殿初覓徑紫霧紅雲落衣袂
一株絕豔占春山李杏梨桃皆疣贅臨風有度特清整
照水無言自矜貴天香深閔妙誰聞地氣獨鍾秀孰對
寧教塵垢汚華好直為荒僻開草昧留侯壯貌謝魁梧
魏徵姿格傳嫵媚逢時光彩眩窮谷平日韜匿雜凡卉
相逢此地意相傾酌汝一杯還自醉

傅生曦亭邀出郊游馬上作

春郊微雨三日灑新霽傅生邀試馬主人具能導人游

相需何必定清雅燕麥葉舒綠而地鷲粟花開白被野

霧霾四淨塵塏消處處繁枝鬪娟姪數家傍路人麇聚

壺酒豚蹄歡賽社青紅衣袴雜女男言語兜離堪一嘲

淙淙流水響深瀆古堰孰決勢奔瀉驚呼狂叫亂鳧鷖

捕魚兒童泥沒髀廢祠廢盡存遺址屈曲草根絡敗瓦

老牛卧地齧殘沫常勞偶逸天所假村沽酸苦詎足醉

布旆風翻出柳下拋鞭覆手折棠梨噴薄生香持滿把

誰家邱壟帶林麓紙錢飛飛挂松楸鳥鳶欲下復畏人

回翔伺食聲呀啞頻年浪跡走邊僻墳墓掃除兄弟寡

鄉關兩月書信斷感此不覺愁無那誓當理裝便歸去

拘留豈聽羣諠護明春生作昆池游明年鄉試生速駕

來從寒杜若

再游文峰寺同吳和菴郡伯楊小泉觀察朱筱園

明經楊玉泉別駕

輿騎喧呼路折旋
奮僧迎謁笑依然
海棠滿地渾成雪
前看海棠山翠浮
空欲化烟錦繡諸
天花供養壺觴兩
日醉因緣幾回臨
去還留戀命僕烹
茶再試泉

對酒

駭浪翻空沒普陀
狂飛魚鼈舞蛟鼉
樓船漢帝思橫海
旌旆交人望伏波
隸下未應揮玉斧
寶中何事卧瑯戈
臨風南向私流涕
遙舉孤樽酌尉佗

游龍神祠

天船詩集

卷下

五

羣山後峙環翠屏
一湫前鑑涵空明
連山及湫盡古樹
龍祠中占棲神靈
泉脉百道隨地湧
爭出快瀉風泠泠
北條巨派遠來滙
勢合寧得少滄溟
橫隄誰作遏不住
穿空懸注高建瓴
跳波激灑亂雨雹
排石決盪轟雷霆
鬚髮森爽縱一嘯
登樓還坐傾長餅
雪山卅里肯我就
開窗相對如嘉賓
潤跡荒鄙百不樂
獨喜此地殊幽清
半年兩屐凡七至
齒痕一一陰苔青
昆華歸去業有日
爪鴻留印飛冥冥
後來游躑那更繼
愁絕木客悲山精
夕日參差帶林莽
晚烟遠近迷郊坰
擲盃拂袖起復已
作詩致龍龍尚聽

書事

歷境強鄰伺釁工
爭知魏絳利和戎
黑洋逾險番船迅
青海防邊漢壘雄
喜見虎頭還塞上
慮聞驢耳失軍中
鬼方薄伐三年克
偉烈殷宗孰與同

送楊用九歸麗江

前年遇成都楊柳
全弄色未久各別
去櫻桃半破萼昆
華驚再觀盃盞權
復酌面目記無改
閱歷疑有獲悉從
關外還艱苦佐戎
幕天南戰守勢為
我陳約略書生昧
時事世論暗敢作
但聞趙宋來和議
終誤國吾子露布
手倚馬氣益拓所
長不一試拂袖歸
亦得金沙漾深碧

天船詩集

卷下

六

玉雪呈古白請雪誓除杞人憂
恣覓謝客樂龜山縣南
梅樹甚多前在麗嘗往賞老梅樹君旋
花應著今歲開若何
因風報我覺

輪船下江

浪激鋼輪雪打窗
樓船指顧下千瀧
風揚雕隼飛同迅
雷轉魚龍氣盡降
孫子五攻詳用火
周郎一戰重防江
洞庭計日殲妖寇
上將兵機世寡雙

上海題壁

黃昏落日淨浮埃
火樹燈毬鬼市開
萬國迹蹄交道路
千家調吹沸樓臺
游人盡說江花豔
故相公左翻憂墓檣

材欲射海潮無鐵弩繁華變局重疑猜

有感

門戶東南恠竟隳庸夫揖盜咎誰歸神州網盡開三面
鬼域危方漏九圍地上蛭蛻空自轉河邊懸殺儻能飛
徙戎有策儲江統未許書生論是非

題上海妓某照像

舊游如夢事如烟江草江花照影妍枕上巫山峰十二
鏡中弱水浪三千迷樓幻色籠芳樹樂府新聲隱翠蓮
他日雪兒歌妙絕等閒肯付鷓鴣天

航海

宋船詩集

卷下

七

長風鼓盪水奔騰黑浪如山走鐵輪雲氣四飛天破碎
潮頭一撼地沈淪眼中倭寇連洋鬼去歲日本下令國
中改教西洋衣裝
不從者罪之夢裏秦皇戰海神却望扶餘何處所聊從沽口
醉清醇

龍泉觀看梅花

四年三看龍泉梅臨去醉倒誰能催去年長安走塵土
失勢一落還蒿萊草荒木秃金菊盡南極山色枯同灰
舊游屢念今更至依然玉樹森瑤臺炯炯奇秀出寒瘁
鎮壓凡卉傾常材冰雪慘淡根垂死天地閉塞花奮開
晴雲紛如飛不去明月孤絕留相陪取精至多發至感

坐令萬物無春回碧潭老龍千歲蟄飢卧自與幽香俱
澄波微動豈有為怪我挾策仍歸來故山好在出千世
花不吾責龍吾猜折枝臨水意兩愧鬼神百弄真所該
和同人龍泉觀看梅二首

朔風吹不死時至亦能花香雪紛千樹滄桑閱五華苞
鬆寒雀暈幹老古龍拏醉卧誰知覓荒山道士家
一白迷晴雪花光晃曉空春回天地外香入版圖中南
海羈坡老西川寓放翁兩人感流落心事不吾同

又和水仙花二首

天船詩集

卷下

八

到底荷花未是仙
夢裏仙人肖藐姑綠衣玉貌笑詢吾百年秋菊生香候
一盞寒泉薦我無

錢南園通副仿趙子昂入駿圖

周王八龍亡幾時三千年之神駿婆遁入此圖人莫知
或後突出矜絕馳欲與風雷爭疾遲或目直視屹怒羆
或鬪而逸蹄橫施或齧或卧或奮嘶或渴就飲或尾隨
平蕪拓展河漣漪河邊數柳枯少枝一馬一態各出奇
入馬生氣騰虹蜺統無雷同絲毫釐筋脈貫注充骨皮
脫然肯受絡與筆用筆精妙深入微如泥印印沙畫錐

鈎勒界剔分水犀以鏡取像神不遺能事所擅何人斯
韓幹弟子曹霸師通副手意茲兼之吳興局促轅下材
舊本雖善甯值曠泉甘土沃春草肥淵龍霧豹從遊嬉
天地空濶容不羈造父弗作馭者誰毆之放之棄之宜

詠史樂府四首 社中擬題

白水讖

稟擬籌行西王母老賊盜漢兆已久陂壞勿怨翟子威
冢嗣起兵扶四維有如博浪一椎雖不中天下豪傑紛
相隨五銖錢廢貨泉始真人提劍起白水白水南滙春
陵前佳氣鬱鬱葱蔥然龍團四七天意注揮斥機槍掃

天船詩集

卷下

九

烟霧濫川大戰雷雨從滹沱急渡堅冰沅君不見隋楊
堅后父秉政方三年漸臺奸魄心甯死宇文幸不出天
子

青城降

汴都再圍哀莫哀胡塵四塞如烟霾鐵騎十萬陰山來
城陷敢辭青城辱帝座上傾帝易服舉室北去同一哭
哭聲震天天無聞懷愁覆局何紛綸青衣行酒應猶能
宰相誤汝還汝誤避敵扼津兩不顧買和自賣豈天數
元肅父子念傾否殷憂唐社心未已兩京卒復恥雪矣
嗚呼幽蘭殉國金哀宗末帝兵死流血紅百六年後非

所同

鳳皇來

羣燕東來飛徹天長安萬井無人烟鳳皇得志勢猖獗
可憐流血被體秦王堅阿房梧桐千萬樹鳳皇飛來啄
草付朝看雌雄入宮庭暮見族類殘城署吁嗟乎魚羊
事人終食人鳳皇媚人還殺人尾長翼短仇殺泣鯉魚
化龍龍不神斷袖覆袍差相似枕衾愛戀克終始地下
若遇董侍中目眴汝冲髮欲指世上龍陽甯有此

鸚鵡夢

相州節府枯木春雌龍恍惚來誕精太白晝見貞觀驚

天船詩集

卷下

十

女主武王當代興於陸鳴張陳碩真文佳皇帝開先聲
十八孩兒厄陽九乳鷄一晨寶鷄右冕旒忽被陰人首
女媧以還未之有宮殿紛紛燕雀偶四十年來視亦久
鸚鵡入夢荒而奇諧聲設喻宰相才兩翼一振雙雛歸
毀室取子空爾爲陽烏再中仙李開樂章又進桑條韋
留春

守歲固無益留春將又同盡情浮大白着意視殘紅有
客時來過相看一笑中簷蛛亦何事竟日網東風
碧曉里謁楊升菴先生祠
昆水碧漲山青蒼屐屐山鏡水興祠堂祠堂新葺自潔雅

開門萬頃吞湖光，菰蒲際天涵雨氣。松檜夾路吹風香，
升階敬謁無所薦。生芻一束二奠觴，先生至此何爲者。
議禮忤旨流蠻荒，璫募逢君不足責。當年舉動殊張皇，
宋朝漢議引爲據。持論當理行乖方，列名抗疏已急切。
撼門大哭尤荒唐，事由一激變加厲。止人杖謫空廟廊，
山水緣深宦緣淺。雲霄一蹶來邊疆，瞻懷弘正雙涕泗。
憑弔蒙段一慨慷，遺篇妙墨時散見。天遣孔雀滇南翔，
交州尙知祀解縉。公視此輩真糝糠，邦人建祠意有在。
所重節概非文章，登臨幽絕著誰稱。孤臣放士和詩狂，
公之神靈應戀此，招魂未肯歸故鄉。

天船詩集

卷下

十一

吳三桂二首

跋扈將軍特異人，秦庭痛哭豈忠純。全家不敵蛾眉重，
兩代難將豕性馴。英布封王終覆族，隗囂質子究亡身。
五華藩府存遺址，今五華書院三桂藩府也。父老猶能話叛臣。
蚩尤作霧太華昏，生負新恩與舊恩。紅粉見收慚呂雉，
白頭舉事笑王敦。井蛙垂鑿猶稱帝，覬虎窮兇尙有孫。
歎息金蟾風雨夜，城內金蟾寺三桂繼國殤誰復弔孤魂。

菜海一名翠海 看荷花

異龍湖掉前年航，斗柄錘未心輝煌。望月東生照湖水，

渚蓮十頃烟茫茫，扁舟徑入無定所。千紅萬綠紛披猖，
天空夜靜風露下。吐納時覺生清香，同遊擷花煎酥酪。
浪嚼齒頰餘芬芳，更傾荷露試新茗。滿甌潑乳疑天漿，
李生橫吹素精妙。手擲鐵笛流宮商，倚聲度曲有二客。
髣髴漁父廢滄浪，水禽驚起避人去。遠聲如雁過瀟湘，
貫穿曲折出葦港。歸來夜氣潮衣涼，今年菜海還獨賞。
臨流映日看新妝，碧筒吸盡興不盡。月明思泛鷗波鄉，
題後園內兄穆清堂詩集

天船詩集

卷下

三

君幕游蹤跡，徧六詔。我亦飢走蜀，會合誰得料。別來十
五年，行適至荒徼。巨津一相逢，悲喜各問勞。縱飲聯舊
懽，微論劫新造。與酣輒唱和，率意作歌嘯。我詩學無成，
鬻陋東施效。君不正教之，謬謂爲高妙。相從歲一而世
事，風中蠹家書。囑刀環欲去，百憂繞遲久。歸計決始於
君所告，臨行一牽裾。厚意明爲約，前年喪荆妻。天涯亡
才悼，君特哀落拓。令德許來教，明春君旋里。龍湖攜共
眺，歐梅本至交。蘇程况同調，今君梓舊著。苦心精剔校，
皎皎慧鏡懸。得失默自照，此道久凌替。妄人輕心掉，儼
然健鬪兒。氣欲摧拜稟，自負野戰長。一敗在豪剽，那識

節制師分數寓微奧江左管夷者由來晉王導作者豈
不多名字羞竊盜君詩信必傳中聲發萬竅詣力荷獨
至毀譽烏足較平生戚友誼未敢阿所好甯須二百年
昌黎幽始耀

題趙樾郵 孝廉劍湖漁隱圖

我家賃屋背翠湖挑燈聊復看君圖劍南三里瀦一水
中蓬四約同方諸其西高坦拓數畝又西羣山爭擁扶
盡東十里納百派歸來就葺先人廬舍宇不多辟眾妙
堂深一氣涵清虛小窗虧蔽映花竹老圃衡縱連果蔬
隨時散步苔徑曲終日靜坐茅亭孤藏書滿架意了了

天船詩集 卷下

七

飲酒幾榼形邁邁牆邊濃翠暈烟柳門外空碧翻風菰
扁舟斜繫閒短槳窺艙惟有雙野鳧志不在魚在於釣
把竿倏去誰招呼客來放棹那知處隱亦非隱漁非漁
以意求畫身入畫箇中景象心瞭如自專一壑得豈易
此樂君有人則無我生萬境聽所值數椽巖隘齊苑枯
捲圖還君重自晒無田不免人催租

寒宴四事 注見忠雅堂

詐馬

羣馬結束尾與鬣馬上騎士皆幼童馬欲急出人不從
控勒未肯輕爲鬆銚雷一霎驛騰空萬蹄騰躍前突衝

勢如急雨吹飄風如潮涌海雲頽峰流光激電馳絕蹤
馬疑龍化人乘龍人思軼羣馬亦同人馬一意爭豪雄
超越山谷翩飛鴻平沙廿里晷刻中聖人一笑開天容
賚其先至恩遇隆塞馬三十六馬馳三十六人神融融
傾杯舞馬人玩供何所取義廣樂工皇朝馭遠存深衷
華陽歸馬真勿庸

什榜

什榜蒙古之樂名吹唇鼓候亦可聽非琴非瑟非簫笙
腰鼓笳管琵琶箏磬格蘇囉渾而清曲折赴節宮商并
不識詞曲但聞聲但見儀衛皆耳傾金樽美酒浮盈盈

天船詩集 卷下

西

主上聽之增歡情名王額駙冠飄飏皇恩召宴趨在庭
鉦鼓四息風不驚北鄙殺伐歸和平鞞鞞翻譯詳且精
審音協律分涓涇一奏再奏環相生千秋萬世奉聖明
但願鼓舞中外甯不饒羨君如優伶

相撲

一人出立屹若山一人再出當其前踏步注目思攻堅
蓄勢欲發莫敢先忽然直進如捷猿撐拳撐執糾相纏
欲釋不可欲勝難制兇伏虎用力全其一失勢踏而顛
勝負既判真天淵厄魯特撲尤異焉袒裼內薄矜捷便
高作鷹擊低鳴蹲兩雀鬥墮毬滾圓斯須屈首控厥肩

負者喪氣勝者歡賜之羊霍探掬吞氣概不滅樊將軍
至尊董率精意存無拳無勇他何論尚德尚力毋強分
角觥之說古所傳

教駢

達悍三歲殊權奇氣驕不受人拘縻未識鞭箠銜勒機
但解飲齧羣追嬉是日驅至宴所齊逸之原野同鹿麋
名王子弟多英姿手執長竿親繫之生駒見人驚才馳
其首已被人絡羈騰而上馬不依馬怒人立人橫騎
驚愕跳擲蹄亂施馬身傾側人不欲厥勢未已鞭即揮
近奮一出奔若飛步法失度控勒隨須與調馴符矩規

天船詩集

卷下

五

周禮教駢允若茲聖皇作詩發其微物性之盡人能爲
造父王良知不知

讀五代史

殺運天開五十秋中原戰骨壘山邱區區冀充青徐豫
草草梁唐晉漢周爭地爭城何日已稱王稱帝幾人休
驅除誰識緣炎宋史筆廬陵勝魏收

秋艇

昆華露下起漁歌白板烏篷舊志和風急一帆隨地盡
江空孤棹載天多漫山楓葉催篙槳極浦蘋花映笠蓑
若道魯公賓客盛釣徒秋艇在烟波

圓通寺吳道子畫觀音像

晴空花雨飛繽紛石碣湧現眞天人妙容月滿眉低伸
慈悲充積無怒瞋祥雲四繞梅檀芬圓光頂上如雙輪
交手玉立離聲聞觀世音義難名言古來畫佛誰絕羣
唐時道子筆有神妙蹟何來溟海濱圓通古刹鑄貞珉
僧稱舊刻壺山根茲從彼印傳其眞吳生游蜀天寶年
嘉陵山水工描皴北勝東與蜻蛉鄰蠻詔得此非無門
因仍摹勒平等論是二是一身中身昆華劫火二十春
採芝故徑荒荆榛山亭久圯苔成茵巋然一碑獨見存
天龍八部呵護須金剛無壞法力玄四民捶搗緇不磷

天船詩集

卷下

六

香花供養通城圍百千萬億統一尊靜觀自在觀浮塵
貫休手寫羅漢全精微眞放非此倫白衣仙人當亦云
寺中觀趙承旨金書法華經

妙法蓮華誰手書紙色半舊金如初隸翻篆變作小楷
停勻齊整無密疎六萬九千五百字劃沙一氣神力殊
鋒鋸藏斂圭角去外圓內勁端而姝茂收垂縮筆有致
宗法二王兼褚虞款題吳興趙孟頫贗蹟衡較眞鈞銖
我聞王孫悼管氏寫經薦福藏浮屠名山大刹佈施遍
欲憑佛力超冥途嵩山驚倒董玄宰自愧平昔輕詆誣
不知何本乃在此何年月日來滇都永明在雲南流傳

展轉七百載劫火不壞霽汚無人天護持有若是收藏
仍付今緇徒晦巖名搨寧可惜珍秘寶貴同明珠寺僧
猝然肯出示氣概豈減賢獨孤吁嗟世尊宏普度私於
所愛情何如慈悲廣大徇一物諸天相顧當盧胡君不
見崖山軍潰后帝沒楮陌南海誰能輪傳觀感此一長
歎日暮且歸傾玉壺

圓通八詠

明月石

片石重來迹已陳曾從明月證前身廿年出處今何事
羞對青山影一輪

天船詩集

卷下

七

潮音洞

音響空山久寂寥秋林黃葉下飄蕭洞門日日雷霆守
恐有蛟龍起怒潮

衲霞屏

滇僧蒼雪故清高詩味醇同玉色醪題作衲霞知有意
當年雲衲住參寥

採芝徑

聞道靈苗足禦飢高榛大棘手親披蒼苔露下秋風冷
悽絕荒山蒼蔚詩

仙蝶園

蝶散園荒可奈何默齋檀寄寓傍巖阿游仙一去無消
息五畝黃花野菜多

千松崖

崖壁蒼蒼霧冱封荒藤野蔓長蒙茸邇來直幹摧傷盡
不見山中有一松

招鶴堂

爲守梅花要鶴歸堂階伫立望斜暉野雲成性難馴致
纔待招來又便飛

咒龍臺

風雨移居種類從法門廣大物難容早知有技終無用
天船詩集

卷下

八

不學屠龍學咒龍

題陳元小照

像二一宮裝一尼裝

生不能學陰皇后死不甘同虞美人妾誤將軍妾還誤
泥洹遁入般若門僉云計畫出同夢奸雄乃爲兒女用
以色事人色究空以智自全智足重老溥官牧今是非
水田猶覩舊日衣不見題詞驛壁淚沾血上都道士王
昭儀王清惠南宋昭儀也至正丙子伯顏入臨安以王
昭儀北去王題滿江紅詞於驛壁有對山河百二淚沾
襟血句至上都
懇請爲女道士

蓮華寺觀阮芸臺制軍雪浪石屏

十年黔楚五往還輕艇一葉經千灘奔流怒欲捲石走

石屹不動人當關水石處門未肯讓漁磯四下騰驚濶
喧頽博激孰能狀畫師吮筆徒嗟歎禪林石屏何處得
水墨揮灑皆天硃蒼游一覽畢在眼化工爲我迴奇觀
定知王宰掃崖壁十日五日功斯完精神貫石墨深漬
歲久入骨磨不刊芸臺老人嘗著此號爲雪浪非無端
明窗坐對發清思題詩其上鑄堅頑瀕行捨之蓮華寺
僧徒寶護逾珠玕游人玩賞日絡繹噴噴萬口傾城闐
我來摩娑詫神妙咫尺震盪掀風湍長歌感舊續公後
六一翁屏當共傳

題童二樹折枝梅花小幅

天船詩集

卷下

九

陽氣入枯槁驚寒連夜發生真個疆姿不受雪霜壓美
人信知已折歸供清被澤堅銅瓶凍無自得安插二樹
何爲者寫此寄幽悵畫師如詩人用意俗難達槎牙傍
琴書偃蹇橫几榻落墨不在多神全眾妙括思君本奇
士才藝殊夏夏一矜老江湖抑塞孰能拔吾窮識所坐
感此淚溢睫對花倒壘罇醉君亦自罰

代人作謁楊升菴先生祠三十韻略變舊作意書

與之

昆海華山際祠堂屹肖存松陰籠粉壁竹翠隱朱門蒼
靄重圍合清光一派吞敬恭來拜謁感慨賦招魂罪謫

爲邊戍才名本殿元傳應列文苑望久重詞垣大禮頻
參議孤懷欲報恩微微違旨意侃侃建忠言抗疏酬高
廟平情引濮園誰知興國主竟並泰陵尊毛相先求去
張生未足論連章邀日鑒大哭撼天闕帝怒斯方威臣
衷不見原朝房心飲痛廷杖血流痕落職嗟褫帶公評
慨覆盆餘生猶北戀冒死獨南奔萬里蠻烟黯三池瘴
霧昏鐵肝留史冊金齒問軍屯雪霰山常積瀾滄浪自
翻段蒙良可弔弘正永無護遍涉雲中境常携傲外樽
碧曉因有宅碧曉里省城西二十里今祠堂即故宅青嶂此爲藩落拓眞
名士羈孤老醉髡文章開絕域品極重荒垠解縉流交

天船詩集

卷下

三

趾眞州歲致騰殊方同祀祝大節異淵源感事攀庭樹
隨時薦沼蘩幅巾期再至石碣讀連番夕日催歸棹炊
煙出遠村回思桂湖上濁酒帶香温

西洋古劍行

青鋒三尺眞純鈞百煉鋼化繞指柔伸之如矢屈作帶
隱隱殺氣高空浮西洋用刀不用劍是胡爲者來歐洲
歐洲遠距七萬里豺狼避道蛟螭愁得毋延津龍逸去
千載還復歸神州刺鐘切玉絕聲響屠人百萬血不濡
從陰長生詩叶而求切憶從海門自揖盜番舶百貨如山邱中原
財用卮漏盡普天欲刃諸夷頭雷同誤國迄今日汪黃

秦檜安足尤倒持太阿蹙天步紛紛肉食吁何謀誰能
提此西海上縱橫鯨窟凌陽侯請看當年夫餘主雄才
豪氣髯如虬

題朱筱園內兄著書圖

煙巒四而屋數間梅花繞屋香連天中有一人執凍管
水煎雙瞳山聳肩乍看疑是宋和靖何來紅袖相周旋
圖書坐擁百城富樂此不疲忘歲年不知著作定何等
深心精意憂難宣專門所詣必獨絕詩家甫白文固遷
士生懷才莫我試奮發表著悲無緣晚思立言少自見
策出下下真可憐先生作圖蓋此念欲與時命分微權

天船詩集

卷下

三

我嘗自悔君更爾空使肝肺愁雕鐫挖揚風雅究何益
經緯經史誰復賢飢來一字不可煮浮名那值今錢
甯如看花飲美酒山中眷屬皆神仙各須燒書焚筆硯
語言文字都不傳

閏六月積雨初晴湖水盛漲同人放舟近華浦登

大觀樓

茫茫一白沒郊邱海漲樓臺似欲浮遠勢平分三郡縣
快觀倏越九春秋甲申游此湖亦久雨水漲蔽空風雨終須霽投老
煙波可自由興廢歸途慵共論推窓靜坐數沙鷗

昆陽戰

新兵百萬圍昆陽諸將反走心惶惶將軍平日怯小敵
目中今乃無尋邑獨與敢死士三千西從水上衝中堅
雨風震雷助軍勢伏屍被野淫川填君不見鉅鹿一戰
章邯困秦人從此不復振向非冒死摧其鋒松建能便
收關中

鄯南壇

赤符來四七際鄯南王卽皇帝位四方未平王稱尊疑
與高皇殊不倫豈知中興與創業情勢各異難等論是
時天下謳思漢附翼攀鱗羣材贊天之所與人所歸安
事疆華言圖讖吁嗟乎野王令爲大司空旋以罪廢讖

天船詩集

卷下

三

何庸

河西表

中原鼎沸方多故河西殷富河爲固五郡精騎各萬餘
此眞英雄遺種處天生聖人今在茲俊傑識時心自知
彼昏阻兵恃險遠臣融表請興師期天子霽顏嘉信效
璽書褒答深相勞噫嘻隴巔蜀路終無存竇氏福流及
子孫後來吳越錢王俶師君遠譏繼君躅

壺頭恨

從充道營壺頭兩議詔從新息侯未嘗覆軍與殺將小
有利鈍非援尤監軍忽至止怨家梁統子虎賁中郎帝

愛瑁將軍介介獨惡是嗚呼用人帝素長料敵帝素的
晚年暮氣胡乖方全功未收不足恨城西稟葬真堪傷

中秋大雨無月

八月二日秋分過病夫經年纏病魔拊牀却喜佳節近
羸軀欲遂前月波先期料量置酒果不恤篋笥蒐無佗
香花楮帛逐事具一憑兒女言嫦娥陰陽有數殊莫測
望夜大雨翻銀河上天下地混烟霧得月安見今宵多
平生有求類如此顛倒拂亂皆同科細思可怪無足怪
造物兒戲吾誰訶半殘蠟燭夜嚮午簷滴尚復尋舊窠
下簾攝息瞑自照老子宴坐還婆娑

天船詩集

卷下

三

讀漢書

黑色兒才世罕如當年三策智囊儲老來事業真休矣
讓爾騎牛讀漢書

錢南園通副守株圖

守株以待免得兔意未休不如泯此意淡然無所求先
生早悟澈自作物外游爲圖名守株迹寓心不留秀眉
聳玉骨箕坐而科頭林屋隨點綴布置含深幽方川妙
師亞寫此非無由今觀其丰神查似東坡叟隨讀所自
題樸質兼清道士生三代後眞僞紛糾中庸胡伯始
癡頑馮瀛州言行不相赴有類風馬牛先生邦之直大

節椒山倅聖朝得追死守道剛不柔我敬其爲人心折
三十秋展圖亟再拜珍愛逾琳瑯贊爲芸臺老詠者姚
林流忠姚姚傳均題有詩我詩續其後僅僅如毛輶因
人重及物不敢辭微謳還問三數公於我同心不

集翠軒賞菊

淫雨連十旬自夏徂秋杪荒穢乘積陰翳鬱不卽槁可
憐籬邊菊憔悴花葉少還如不遇士窮居此潦倒皇天
失肅殺風霜苦不早仰視蒼蒼高孤秀胡自表飛來雙
蝴蝶翩拂枝上繞微物亦何事因依成妍好我病久不
出看花跡已掃對茲一長嘆悵焉意誰曉

天船詩集

卷下

詩

輪船

昔乘江漢浮海東樓船破浪如破空水聲噴薄輟雷殷
辟易魚鼈奔蛟龍黑烟拖出千百丈天半橫亘如長虹
機關撥觸運以氣丁壬用事人無功海外九州談鄒衍
共道荒渺眞愚蒙誰爲此奇古無有五洲環轉皆能通
天之所興何可廢利用長此無終窮吁嗟乎招商輪船
不出海海國沙線殊夢夢彼能來窺我不往我自局促
拘墟同試看瀛寰列各埠懋遷利涉趨如風何時華船
及四遠百年馴奮犁庭庸

鐵路

兩道齊出如兩繩兩輪如碾槽仰承雷奔電馳無停軌
兩耳謾謾聞風聲却看遠樹小於薺條忽枝幹當前呈
山川村落不及瞬過眼幻化募誰能座人錯愕肅不動
驗表皆言時未更塘沽玉津信不遠四刻之頃百里程
僉云此款廢百萬計歲一周工乃成經營締造有深意
集兵運餉機隨乘沿途置卒密護守恐人撒毀如田塍
噫嘻似此易爲固千里雖防防不勝頗聞大工將又仍
將由漢鎮趨都城

海軍

海軍創置今五年特地開府隆其權王公大老總機要
天船詩集 卷下 三
海疆兵事聲勢聯憶昨中法釁端啟馬尾夷艦轟轟天
船局官船盡燬彼昏司命眞厚顏臺灣克於旣失後
一戰幸賴將軍賢海南代謀未及戰老成制敵兵機元
得人若此否若彼是軍之設非偶然我觀船礮我固遜
戰雖不足守則便古言海防無海戰請讀默深籌海篇
中樞能事別有在選任良將爲眞詮不見江陵當國邊
燧靜戚家兵法天下傳

電線

一竿矗然梳立舟竿竿接出聯珠伴竿頭有物架鐵線
一線直走前無休逾山絕谷還如海况湖與沼陸與邱

中間分股從所適兩端置人司發收百千萬里晷刻計
論速何足矜傳郵共云兵事所倚界軍情隨聞隨時籌
嗚呼制器實爲巧利弊雜處知須周去年騰防小不靜
竿倒線斷通無由聲息隔絕廿餘日上下蒙蒼滋疑憂
奸人惡劇苟例爾當事何以城厥謀君不聞千金之堤
蟻穴壞臨危一潰能卒修

臘月初一日雲

雨潦連秋夏冬晴屆臘初四郊饑正甚一雪問何如豫
作麥秋想稍同梅意舒殘黎莫吝怨但勉事苗畝

右古近體詩七十九首



秀

華

續

詠



秀華續詠序

蓋自房中樂奏。首吟淑女之章。漢上詩成。細詠頌人之句。美人香草。爲寫纏綿。秋菊春松。猶勞芳艸。下此則臺邊玉映。壁豔體于徐陵。香吟香露。讀官詞于王建。然而小家碧玉。偏誇雲雨之詞。大路青樓。敢撰煙花之記。村姑寫照。唐突西家。偷父題詞。詩張北里。風斯下矣。僕有感焉。吾友雲生。負抑塞磊落之才。兼俳惻芬芳之志。抑揚紀傳。咀嚼宮商。固宜柳汁染衣。薰名香于女史。春風拂檻。叶古調于宮人。而乃值海水之羣飛。嗟檣槍之橫掃。星閃積尸之氣。池埋燒劫之灰。雖投筆有心。一腔忠憤。而叫閨無路。五夜悲歌。與流水而說平生。向落花而談心事。此秀華百詠所爲作也。當夫上稽古史。旁及稗官。擊蕪蕪于掌中。叫真真于紙上。華言風語。能教死者重生。龍柳嬌花。但願佳人再得。哀渠窮窶。輒神往而曲致綢繆。縱有過差。亦心憐而巧爲解說。隱隱呼之而欲出。珊珊特怪其來遲。較王母之從仙。已逾十倍。考劃向之列傳。更極千秋。繡出鴛鴦。不愧小窻斑固。含來翡翠。可稱院本。王維矣。論者謂貴賤無分。貞淫并列。惟俸與姬。妾雜

卷四 秀華續詠序

三十一

香苑叢書

見。勾欄借寢。晷齊登。甚者僞莫愁于湘君。衰化離于樛木。洛神以感甄入夢。南子因見聖傳名。昂宿之竊梁清。如來之妻法喜。印來粉爪。風枝露葉之香。寫出丹青。牛鬼蛇神之像。譬之蘇峻與神堯對坐。人擬四凶。江淪向法。輿移牀。不堪一嘆。所謂歌詩不類。擬人失倫。不知宜聖采風。鄭衛與周南并著。武梁畫像。秋葉共曾母借描。歡喜海中。人天同隊。虹霓屏上。姪女紛來。法戒維昭。盡黜虞初之說。妍媸并列。足張娘子之軍。無嗟帝女之魂。填來怨海。請煉鳩皇之石。補此情天。則想像十香。或者彼姝知我。臨摹三豔。願爲伊古。聞人正詩人忠厚之遺。亦當世牢騷之慨也。僕長誦美人之賦。愛讀國風之詩。十五王昌。薄殊崔灑。三年宋玉。淫異登徒。凡夫十索。裁箋。雙聲讀曲。商隱燒香之句。冬郎撲粉之詩。往往帖寫深清。文稱慧業。噴之子脩容于脚底事。而癡人相惜。舍我其誰。揚少女之風。蕩爲香氣。寫中婦之豔。圖作花光。將十二行彩雲歌舞。收入詩囊。爲三千年花月因緣。結成公案。光緒庚子冬至後三日愚弟幹莊拜序

秀華續詠錄三十二首

夾江雲生黃金石

齊姜
齊狄羈樓感寓公。尊前不敢訴行衷。送君一掬傷心淚。灑上征鞍分外紅。
弄玉
仇儂雙雙赴玉京。笙簫嘹唳徹蓬瀛。神仙都許攜佳偶。只恐天孫羨殺卿。
負羈妻
未識其君但識臣。風塵巨眼認來真。盤飧只有園中饋。愧殺乘軒三百人。
賈大夫妻
東皋春暖獲山禽。始洗三年積恨深。一矢竟開言笑口。美人終有愛才心。
西施
舊苑荒寒樂鹿遊。沼吳盡出大夫謀。五湖煙水扁舟去。卿竟何心肯事仇。
鄭旦

卷四 秀華續詠

三十一

香苑叢書

芙蓉隔水映連枝。同負傾城絕代姿。一樣玉顏恩寵異。寒山空建愛姬詞。
如姬
不出兵符秦已帶。腐儒何事尙猖獗。門前愧殺三千客。六國安危仗美人。
漂母
區區一飯尋常物。難得相知又感恩。漫說鄼侯能相士。有人早已識王孫。
虞美人
楚歌四面泣重瞳。一曲虞兮血淚紅。惟有芳魂不能死。花開依舊舞春風。(原
作聞歌猶舞舊春風)
呂后
楚歌楚舞淚雙彈。野雉登天束手看。太息君王才略盡。斬蛇容易割雞難。
戚姬
太息深宵唱楚歌。君王英略盡消磨。斬蛇尙有當年劍。鴻鵠高齊喚奈何。
麗娟

5862

5861

輕軀深恐逐風翔。柔軟難禁羅綺裳。如此溫柔真可老。君王偏戀白雲鄉。

張京兆妻

傳聞長安眉嬾詞。閨房私事九閨知。相如亦有生花筆。只草封禪不畫眉。(原作只解修文不畫眉)

郭后

失位中宮無罪狀。頻年恩怨感凄其。君王未脫田翁習。十斛多收竟易妻。

陰麗華

願作金吾薄帝王。生平願又娶妻償。緣何拋卻微時劍。忍使糟糠怨下堂。

孫夫人

洞房燈映寶刀紅。武烈渾饒國士風。不羨二喬夫婿好。劉郎本色自英雄。

二喬

姊妹花開并蒂妍。江干橫槩枉情牽。羨卿何福能修到。嫁得英雄又少年。

薛靈芸

卷四 秀華續詠

三十二 香 鮑 靈 雲 十 第 一

獨承恩寵冠昭陽。寶帳深宵繡袞裳。玉面偶然屏上觸。宮人爭效曉霞妝。

綠珠

效死君前醇厚德。剎那金谷嘆荒蕪。齊奴地下應含笑。不負當年一斛珠。

翻風

皓齒明眸世所希。觀金別玉辨幾微。筵前唱罷翻風曲。四壁香塵不敢飛。

莫愁

清潤歌喉百轉嬌。彩衣低舞更嬌娆。江南寄語陳天子。儂已風流占六朝。

吳絳仙

淡抹螺青畫柳眉。君王臨盼每移時。合歡瓜果承新賜。又拂紅箋進謝詩。

平陽公主

家貧散盡招亡命。大有阿兄撥亂風。娘子軍齊元帥府。唐王兒女半英雄。

王皇后蕭淑妃

喪頭骨醉傷心事。再世為貓恐未真。何苦當初持鷓蚌。坐令阿武作漁人。

婉兒

入宮久已擅才名。樓上爭傳月旦評。明月夜珠饒賞識。當年沈宋是門生。

安樂宮主

勢饒炎炎埒太平。定昆池果勝昆明。三郎兵入含章閣。臨鏡蛾眉畫未成。

三國夫人

傾國傾城聚一家。金錢百萬助鉛華。馬嵬一夜淋鈴雨。落盡春前姊妹花。

眉娘

纖細蛾眉線樣長。心思靈巧絕尋常。君王不食胡麻飯。空向天台覓藥方。

盼盼

合歡獨起泣花晨。燕子雙飛幾度春。識得舍人詩裏意。不容儂作未亡人。

劉採春

浙東風味果何如。廉訪旬留十載餘。領略鏡湖春色好。因循原不為鱸魚。

朱淑真

卷四 秀華續詠

三十三 香 鮑 靈 雲 十 第 一

鳳鸞深愧匹鴉雛。暮暮朝朝血淚枯。吟到妒花風雨句。怪他月老太糊塗。

許若瓊

博浪以來無此擊。斷頭好去見高皇。銀瓶難補金甌缺。同灑荆卿血數行。

香豔叢書二十集卷四終

峽源集

四明張氏約園開雕

峽源集序

先君子受業於毛谿芷先生

諱瑗壬戌補行辛酉舉人石門教諭

先生丙

戌赴春試余小子猶得見於燕邸陳鈞堂先生所謂古

心古貌經師人師者也

見貽令堂家告

生子一价臣為仲實長

余七歲自余乙未館甥於蔡氏嘗過墨海樓時叔外舊

業青先生內弟月笙已下世月笙之嗣子琴孫年方十

一歲其教師則价臣也於是相與往返然其行齋居余

先事之在師友之間凡六七年歲在辛丑壬寅之交以

萍課演算屬為印刷萍課者江西萍鄉書院所課也演

峽源集序

一四明叢書
約園刊本

算者演課題未作之算題也自是書出而吾鄉嗜人之

學莫不推价臣矣然性孤僻不諳於俗書齋懸王陽明

客座私祝非同志不與接談案上雜陳經史子集及算

書錯然也獨余往則留之久且為購置林香溥竹相山

房叢書曰欲攷古史宜於此取資焉余知其聞之博其

心之細其好學之甚願未知其能忍也能求適於時也

洎乙未夏秋間吾郡議改書院為學堂萍鄉喻太守兆

蕃主持於上張憲叟與余呼應於下一時同輩咸思撥

雲霧而見天日而价臣奔走最力至臥不貽席病而出

淚雖幾經震撼卒底於成往還函牘今猶在也其後相

遇於江天輪上縱談往事猶歎我兩人當日愚癡嗚呼

王右仲有言人盡愚也天下治矣愚又豈可少也哉晚

歲彙筆春申鬱鬱不得志以此而歿年僅四十五也余

欲求其遺著輒不可得一日琴孫以其子所藏峽源集

一卷亦曰鶴遠詩鈔攜以示余詩始於乙酉終於乙巳

凡二十一年蓋其手訂者也包蕉舫陳慷夫二先生序

之余讀之誠如慷夫志墓之文所謂假途於昌谷玉川

以斷入浣花之室者矣況如書癸巳十一月朔事記奈

峽源集序

一四明叢書
約園刊本

使君廟之浩劫實為吾郡之奇災得此可備志乘之採

錄余因刻而傳之不僅傳其詩亦傳其人也而吾兩人

死往之交且於見矣民國三十四年四月後學張壽鏞

序

序

古廟呵壁靈均問天長劍當筵王郎斫地自來振奇之
 彥當其邁逆沈頓則有回風美人之曲驚絃動商哀蟬
 落葉之詞裂笛能破意者非瓌璋連玆無以據其侏僂
 乎若乃茗穎擢秀蘅銓扇芳荆璞甫剖鬱為胡輩之珍
 豐劍上騰蕩成龍虎之彩而子雲少作便賦牢愁玉川
 綺年工為苦語同僚集矢羌無完膚如毛君价臣者僕
 請得而解之焉价臣今之振奇人也鷹鷂善瞬鶴瘦工
 步振衣千仞呼凡僮為蟻螻排闥九層睨羣僕如蟻蝨

毛价臣源集序

一四明叢書
約園刊本

閒之詩玉溪小文待製會昌之叙登儻影島之而已光
 緒二十二年太歲在游兆涪灘六月才生明同里愚弟
 陳康補拜撰

毛价臣源集序

一四明叢書
約園刊本

序

余不工詩毛子价臣以其所為詩詢余余覽其詩亦不盡工也顧价臣承明德之後食貧居儉授徒以養其親年少負異不肯與猥瑣齷齪者伍故其發為文辭亦有時奇偉鬱勃之氣流溢於楮墨間其詩如其人也視世之揣摩聲律求工於字句之間闒然取悅於庸俗耳目者价臣殆有不屑屑者與雖然价臣之才則幾矣其學其養亦未也其以詩就詢於余也知其不喜諛而惡直也今之知此者鮮矣嚴滄浪云詩有別才非關學也余

毛价臣源集序

一四明叢書
約園刊本

竊意其不然夫詩亦存乎學而已學焉而不至乃始歎曰此才之為而非學之為也若夫不學則未有能至者也記曰不學雜服不能博依不學操縵不能安絃凡藝之成藏焉修焉息焉游焉有需之歲時以致其精者矣況詩尤藝之精者邪詩之別有三有才人之詩有學人之詩有詩人之詩才人之詩其失也剽學人之詩其失也拘必才與學兼而後為詩人之詩非易言也价臣試泛濫乎從來之作者本之風雅騷選以植其體擴之唐宋元明以暢其流反之於性情之正而充之以涵養之

路如是者有年其人其詩其皆有得也異時出所作則余又將不能無言焉价臣勉之而已矣光緒二十二年夏六月世愚弟包履吉序

毛价臣源集序

一四明叢書
約園刊本

錄郵縣通志人物編毛宗藩傳

毛宗藩字介臣號履棟清貢生潛志好學孤高自賞不苟交納詩務峭刻文峻潔視俗所尙蔑如也中歲以往治象數之學冥搜孤往能自得師吾國舊術如四元玉鑑等書皆有演草既見譯籍用心益專於幾何綴術時多新發明欲成一書以病未果歿後門人私謚曰貞介先生

宗藩嘗襄辦郡師範及慈谿慈湖等學校訓迪學生務循禮法學生以其嚴有違言或勸稍通變勿太拘宗藩曰吾不能染髮媚少年拂袖遂去其狷介如此

毛介臣峽源集傳

一四明叢書
約園刊本

峽源集

清郵毛宗藩价臣著

乙酉侍家大人遊西湖

蒼茫雲水接天光始信湖山勝故鄉
摺疊樓臺排路曲周遭林壑障湖長
折腰楊柳迎春騎映面桃花媚夕陽
自分埽花高尙宅此生奢願幾時償

夏夜 丁亥

星芒閃爍月魄闇怯暑喘息心撩亂
安得一決銀河水淨洗千人萬人汗
階草芊芊溽暑蒸雷聲般地蚊如鑽

毛价臣峽源集

一四明叢書
約園刊本

官骸局促不暫安恍有長纓牢羈絆
炎烈若此幾灼膚瘠者猶可難為胖
卻之無術避無地自天作孽且難道
君不見空山老翁頹頹芒屨竹杖籜
作冠等視夏暑與冬寒逍遙自在清
虛觀小民怨咨亦徒爾頂上那得
醍醐灌心清慮滌煩翬消豈必仙凡
寒暖判

遊方氏園

隙地清幽接曲廊漪園方氏園名
四面砌圍牆戀春雨重花

低並欺醉風狂樹抑揚苔磴參差翻
鵬腳權籬盤市埜

羊腸薄才應惹奚奴笑絕少新詩酬
錦囊

漪園白蓮盛開戲作絕句示方大雪
嶼兼徵和作

豈真著意標高潔未免多情現色香
羞與六郎較妍醜乃今傅粉學何郎

翻露欲風冒曉開此中證果費疑猜
東林一笑前緣寂重誤陶公結社來

不分仙姿絕世空只今汗渟在泥中
捧心浴罷亭亭出幾見先施不潔蒙

白色白光香妙潔底須密葉護周遮
祇綠藕節清如雪幻相裝成六出花

毛价臣峽源集

一四明叢書
約園刊本

先君諱日作二絕句詞未盡意輟筆
悲咽久之

拋棄兒曹太愬無幾曾萬一報勞劬
劇憐此日新來婦不見家翁只見姑

新葺田廬苦乏賢者番稱貸向親知
縱令屈指排頭算計在家居得幾時

夜飲方氏園

素不能酒飲少輒醉信筆狂吟不自
揣其詞之拙也

拙也

沈醉發高唱極恣歌哭情孤衷格俗
臆顏容任縱橫狂

遊無形淚幽香奔放聲顧影孑然小揮肱一掣輕朗抱
軼前古豪氣互入絃高舉驚螭鱗餘啜雞狗爭迷網罟
時破莽闢關荆榛大笑足玩世白眼再傳觥

讀兩當軒集終卷漫題二律

蒼涼文字動連篇落魄江湖意惘然曠世才情難入俗
他鄉貧病況經年悲離忍折灞橋柳傷暮空依幕府蓮
博得微名旋客死不堪身世此迤邐

壯馬何堪長伏櫪飢鷹況乃久羈籠交遊強半神情別
骨肉難教苦樂同大地關山秋草白異鄉血淚夜燈紅
可憐一死餘孤憤盡在零篇斷句中

毛介臣峽源集

三四明叢書
約園刊本

送方大雪嶼省試

人生束髮父師授詩書豈爲文字鑽研效蠹魚大則王
侯將相耀門閭小亦金馬玉堂播稱譽我愧學殖殊荒
疏東西塗抹負居諸目數聯鑣北上車自問蓄念何時
據今春假館漪園中始乃有志於磨礪况得師友啓曠
確奚啻夏雨兩人春風風論議俯仰詔閱通心期互證
乃復同習焉安之樂無窮轉瞬時節又匆匆秋風起兮
白露墜下詔將踐開科議諸君礪礪理行筇趨裝就道

各各張旗幟方子素懷騰達志高久屈今復決一試挾
此以往無不利壓倒千軍萬馬良易易賤子翹首且攘
臂祖道東門執鞭轡君不見有志大都事竟遂勉之勉
之莫謂余言戲

經聘妻陳氏墓

禮從牌合勢常分冰雪聰明止耳聞燕好未成旋鵲別
東風今賺冷郎君
早締姻親指腹同何曾食宿擇西東年來空染畫眉筆
待到生花是夢中

毛介臣峽源集

四四明叢書
約園刊本

夜臺竟少返魂香零落荒邱夢一場卿作觸幘郎駝髀
人閒天上雨茫茫

比來憤鬱少心知贏得慙慙病不支今日哭卿還自哭
秋墳應唱斷腸詩

述懷

萬事由吾作達觀此生何限歷悲歡迂疏涉世招尤易
貧賤依人自解難幸有雄文令眼豁縱無心事亦眉攢
十年黃卷功無閒五夜清燈淚獨彈魏闕致身殊未得
乾坤厠足竟非寬曹邱不作王陽死落實誰憐范叔寒

最是

春宵苦短忍裴哀
巨耐更籌取次催
最是夜深郎未睡
夢中嚙語罵書奴

含情凝睇傍妝臺
時樣裝梳又別裁
最是淡紅花勝好
嬌郎記取買將來

朝暎初上綺窗開
斟酌衣裳費幾回
最是暮春天乍暖
薄羅衫子稱身裁

躊躇離合兩相妨
少別先期已斷腸
最是倚牀偷酒淚
逢人佯說試啼妝

毛氏自峽源集

五四明叢書
約園刊本

悲哉行爲蔡滌峰作

人生本如寄往來空復情
少壯不行樂老來徒營營
草木一歲一枯榮人非草木比一死不復生
休短總隨化違計殤與彭死者長已矣生者情轉覺
豈無白髮親撫枕搥牀哭豈無妻若孀掩面淚撲
救官骸止露筋皮囊空餘腹埋此土一坏轉瞬容
臥憤哀哉尙何爲人生類如斯壽夭亦何定豈無
早與遲貴賤何榮辱消滅不移時愚智何軒輊
存者今伊誰嗟哉勿復思思之徒增悲吾自適已
事造化漫聽之詳究進學解潛玩勵

志詩及時尙加勉
高堂髮如絲

蔡大耘莊旋里久不得書詩以前之

過從言笑常相接
計自君歸寂不聞
每有愁煩還惜我一經
風雨倍懷君縱云交淡
情如水竟使音疎望入雲
嶺路山程況迢遞
小窗枯坐難離羣

宿育王寺

攬勝來遊育王寺
不因禮佛不逃潛
隱居醫我企宏景寺之左近有
陶宏景隱居名社爲誰繼
白蓮奎藻裔皇輝寶閣
寺中奎閣藏梅檀供奉
盜靈泉供奉泉在寺右相傳某孝子御書者母死舍身爲侍僧爲母位

毛氏自峽源集

約園刊本

於寺每日汲井泉
三空未悟伊胡極
強逐朋歡涵俗緣
遺跡至今盡湮沒
山經眞僞我滋疑
育王山志所載多僞
閒雲來

去東西塔寺右有西塔寺其東塔在山上
寶氣屯靈廢涸池
金沙池相傳淘沙得

金今繞地煙蘿延結曲
環山竹樹共淒迷
他時此地拚重到
爲買溪藤揚舊碑
寺內碑碣甚多皆米元間物

由育王至天童

纔離廣利育王寺本名廣利
又天童趁此清遊力
未窮斜日荒涼歌古柏寺前有獅
清關蒼翠掩長松
自松關至清關松樹夾道蒼翠掩映塵襟頓滌
只今異蹟留千佛
寺後有千佛關
道是深池鑿萬工

掩映塵襟頓滌只今異蹟留千佛
寺後有千佛關道是深池鑿萬工

池在山門外相傳
此池募萬工鑿云
我自欲留留不得
驚與西下復匆匆

大江笛

去來江上足逍遙
煙景何如廿四橋
流利新聲調夜月
柳揚寒韻助秋潮
良材未枉柯亭竹
哀思同傳赤壁蕭
最是玉門關外曲
春風楊柳恨迢迢

空山琴

等閒攜得龍門友
來此幽遐結舊盟
底事高山頻見志
祇緣空谷自傳聲
蕭疎木落神俱遠
飄忽風過韻絕清
海上相遭豈無分
成然雖杳亦關情

毛介巨峽渠

七四明叢書
約圖刊本

嚴城鼓

故壁荒涼戰壘空
受降城外鼓聲聳
薛撻殘明月人千里
驚破征魂夢一通
誰使戒嚴塵睿慮
會須作氣奏豐功
夔皮一擊威聲振
異獸還徵大海中

古寺鐘

曙色晞微月已沈
遙聞清響出疎林
九天嘈嘯騰梵唄
五夜空濛啓道心
盛世和聲參擊石
上方遺製紀浮金
姑蘇城外停舟客
殘夢依稀何處尋

王君亭揚索題扇頭漫拈絕句嘲之

庚寅扇以黃

蜂小亭工楊補景自謂隱切己名也命意殊拙

自況在君卻也當眾香閣裏獨稱王那知柳絮難成密
亂逐東風殊太狂

方大雪嶼來郡宿沙羅館夜話

莫道新知異故交
傾談愁緒一時拋
總無妙藥能醫俗
賸有新詩能解嘲
涉世每逢歧路泣
賞心常借異書鈔
自知孤癖關生性
上達其如沒下稍

無端憂思從中來
學謝兼人志不回
情實偏無茅可塞
巧門容似鎖能開
寄生世路防危石
則足文場愧散材

毛介巨峽渠

八四明叢書
約圖刊本

知我如君曾有幾
不拘形迹少嫌猜

秋日悼蔡滌峰

秋來大地黃花偏
此日乘不回
君死前一日自作輓語
有回憶黃花偏地時卻
含性當年墮地待到中庭日
滿後好乘風此日登天云云
任俠如君忽長逝
幽憂令我訴誰來
墓前已拱新栽木
心內應餘未死灰
傲篋猶留遺蹟在一經
展讀淚盈顙

壽至百年會有盡
如君天折亦何論
劇憐羸鶴歸華表
忍使孤鸞泣墓門
詩卷胃塵罹苦劫
靈旛和雨滯吟魂
無多知我今亡一
哭不成聲淚暗吞

厲丈虞卿以蕉窗望月詩索和卽以其韻

鎮日繁陰暗硯臺小窗抵暮未曾開芭蕉經雨無完葉
故引月從罅縫來

庚寅八月助祭文廟得詩四律

聖德侔天地因祭享同尊卑嚴論序小大樂從公我輩
生窮巷隨班入頰宮至虔昭一體靈爽我能通

酬金當八月法物備先期京室分隆祀文壇闢丕基千
官居弟職百世仰師資儘有庭前草常深待澤思

祀事修千載惟期古禮存心常儀俎豆誠自瀝羔豚舞

毛介臣峽漢集

九十四明叢書

約園刊本

列追隆古歌章定至尊聖功固無極食報亦奚論

從祀盡鴻儒因知德不孤筭經推許鄭闡理仰程朱今

古同門士東西眾說郭共臨樽俎地靈亦效奔趨

擬李昌谷秋來詩卽次其韻

蟲聚秋階露冷苦落月前津闌揭素鷺竊面真宛往塵

傲篋肩承愁簡蠶平林漠漠孤煙直破曉霜風欺行客

經過霜橋滑馬蹄迴望江皋凝寒碧

道悶

陳蕃設榻款孺子李桐鐔金事廣伯我儂何備甘落莫

孤斟獨唱自年年

擺掉塵冠兀自難強頑加得腐儒餐古今儘有傷心淚
千百唐衢哭不乾

肉如坭更酒如淮似醉流光日日換天卻叫人不如意
伯倫直待死方埋

八韻詩兼八股文別裁偽體更無論片磚敲碎渾無濟
何至轟開不二門

畏臣翔與短侏儒多媿生來骨相殊值得區區較飢飽
反躬原足取揶揄

毛介臣峽漢集

十四明叢書

約園刊本

世途恩怨總何因筆豆誰甘狂此身差幸枳椰能化食

糝之猶不累清貧

非徒春鳥與秋蟲夏日雷聲冬日風更有朝潮兼夕汐

四時常在不平中

重自踈此悔十年憂思徹夜竟無眠五更剛待欲成寐

喔喔雞聲催著鞭

陸嫂屬稿人輓詞

不分儂仙語卻虛塵空樹老綠陰枯者番會向瑤京去

落月荒荒準鷓鴣

荻花吹折悵西風廿六年華一夢中
淺絕多情荷奉倩
空房愁檢舊衣籠

戚屬伊誰不道賢縱關天性亦天緣
一時齊傍靈牀哭
若語酸聲徹九泉

故劍新絃豈異情士衡況復重時名
俸錢十萬他年事
行看鸞章表舊壙

壬辰歲除旅宿吳門夜闌不寐口占四絕

臘鼓頻催物候更音疎沉復滯遙程夢
回攪得重衾亂
厭聽家家爆竹聲

毛介臣藏書

十二四明叢書

約園刊本

觸角抵羊意莫申脫身未許且停身
眾中怕露孤淒況
強作歡顏慰主人

慈母臨行促速回倚闥望子想徘徊
家書欲報歸期早
為夾支都數點梅

女須曾予莫申申尺布代縫卻認真
為作嫁衣工未了
忍殘閒思翦宜春

劍池

石梁高百尺俯瞰一泓深云是吳王墓
茫茫水底沈劍
光騰日月虎跡沒山林勝有伍胥廟
獨留千載心

真孃墓

西冷埋蘇小虎阜葬真孃從古湖山勝
偏留粉黛香臺
常鄰越女墓合近吳王過客幾憑弔
蒼茫下夕陽

示及門張主事有採

以下癸巳

多睡則氣昏多動則精渙無事且靜坐
慎勿甘悒翫爾
今非童州行將踰弱冠青春不能再及
時尚加勉天資
況不敏人功烏可緩刻苦不少懈猶懼
有所限況復委
靡甚安望幾通遠先業雖足憑亦宜自
策蹇一日苟失
學卽已愧承續至若飭內行尤貴寡繫
懸念與室慾
疾疾自能免夫妻子母閒處之允宜善
毋令卑踰尊方
不至乖舛文行苟交修人言復何閒嗟
哉東憤憤竊慚
學術淺忝居一日長贈言效忠諫

書癸巳十一月朔事

毛介臣藏書

十二四明叢書

約園刊本

城門失火池魚罹殃禍機猝發焉躲藏
命與數與夫又
孰得而詳歲在癸巳月甲子田功盡慶
成飲宴相與始
徵優賽神亦恆事余使君廟食已年久
矧當誕靈期
左近居民齊雜而輻多使君廟食已年
久矧當誕靈期
沼例贖錢薦牢酒廣庭鞀錦幃華燈張
高簷金碧爛朝

光激日暹左顧史炳審姊名倡登臺喬古裝畫鼓各磅
碾金鉦聒耳嗶嗶手蹉脚跌熱戲張當日此戲原蓋場
場下觀者分無數肩相摩背相栝汗蒸氣鬱騰煙霧婦
媪妯娌穉子歡謔盡蹈迷網渾不悟冲霄烈焰冒頭來
日黑颺馳浪醫歷苦燥洪赫疾如雷廣厦修廊一雲摧
蜂騰蟻墜人隱畏但聞呼聲哭聲相喧匝男女老幼三
百有餘口奪門門塞不得走兒抱母夫招娘骨肉恩情
誓不負連衣結帶忍死相守歎歎勢愈逼不可得適焉
可滅聚斂抑何苦血肉模糊糝蕉土灰飛煙滅已成塵

手巾自誤集

十三四明叢書

新圖刊本

趁趨翹翹集周親挖抄瓦礫垢鼻鼻皆枯靴辨認衣履
似耶非耶心然疑肢骸焦爛肌膜縮胸識與不識攜手
踉足訴且哭哭久聲嘶淚暗吞風日慘悽天地昏嗚呼
夫妻子母之樂無人無但願長保聚豈願中道儵天殂
縱令得考終哀痛庸或渝傷心慘目乃如此天乎天乎
誠何辜有客誇詞高云此劫數不可逃不然火起殊無
因奚至蘭與艾薰蕕齊遭焚予曰否否子言誤斯人凌
夷安赴想或死國門禦或死苛政虎展轉相殘亦云酷
天豈更欲厚其毒嗚呼天豈更欲厚其毒

桃渡新聲

領情柔滑鬢雪侵的燦南金壓髮簪留手尾盤寬一絡
挽成新髻號拖心妓家舊梳盤香髻以其形似盤香故
名近乃於尾盤寬山一絡更號拖心

網鞵纖窄步增妍淺淺稱兒金縷牽座有風情楊鐵老

定教連辦代航船妓家製鞵於蓋脚處
用密線牽之名網鞋

絲絃促管奏錚鏗側抱琵琶按面龐偏是聲新流北里

雞養也便習京腔時號尚
京腔

短衣窄袖襖文縐一道花襟鈕密排別有深情多未覺

手巾自誤集

十四四明叢書

新圖刊本

防人暖手入香懷妓家多著
緊身衫襖

櫻唇紅綻石榴嬌側眉傳情日暗挑怕露瓠犀矜一笑

時承香腦搵生精

索得檀奴金彩邊上頭情愛兩無罣眾中未便露親暱

佯說才經一面緣金彩邊金手釧也狎客留宿妓家必
索金彩邊為夜合資 凡宿妓初破

瓜者謂之梳櫛已
成人者謂之上頭

蔡大耘莊以三十生日感遇詩見示即依其韻

以下乙未

輓近論交態吾不忍言言之徒增悲雅故託文字雖曰

非古處接之切劑之分猶未虧次則徵酒逐食無虛日
諸謔狼籍難耐嬉然在作達者容有託此之所爲且有
不忍厚非之下者則爲上交誦或居要津擅雄貨惟恐
少不得其意則必多方求合相詭隨卽以氣相凌言相
欺彼亦屏息順受而不辭及觀所求不得遂嚮之便醉
側媚迄無裨爲問意何居而乃甘心屈辱效驅馳以若
所爲無乃癡彼仍迷不悟飾說多支離嗚呼所求朋友
顏如此諒哉難乎爲先施一時振觸掬袂起挽此滔滔
頽流當今之世究爲誰吾交蔡子近十稔蔡子愛我謂

毛氏東嶽集

十五四明叢書

約園刊本

可謂訂心知始交因緣亦文字有賞必奇析必疑飲食
小集間同預比反必互悔請此逐逐非所宜若是乎吾
交蔡子無他異安必於世獨稱奇但有一語足相告倘
亦先民之風之所遺蔡子不貴故不驕而我雖賤亦不
卑榮瘁未懸絕臭味少差池素行矢抗直同軌更無歧
不欲遷就人并不願受人鄙夷一經挫折忽不樂相對
鬱伊共鑽肩間且以言宛開解或令轉自反過則旋相
規蔡子年三耳經歷世故較子之過更險巖輕言動招
忌舉足防傾危幽憂凋髮齒未壯行且衰嗚呼天生我

輩今之世何不與我媚骨如柔脂胡特與此匪石之性
不可移乃使窮居寂寂號寒而啼飢細思忽失笑百年
會須有盡期世人貴我亦能賤反躬毋寧守其雌國勢
況難山河等弈棋縱令躋顯要猶且懼爲犧蔡子與我
幸知己願共保此金石資及今身閒散振刷良未遲倘
得綜覽百氏少涉其藩籬區區爾辱烏足縈我思抗心
惟以古爲師無待年矢之催悔莫追嗚呼我與蔡子勉
乎而

放言八首

毛氏東嶽集

十六四明叢書

約園刊本

急攫功名終至狗極雕文字不過蟲何緣抵死自求螯
汨沒聰強障腦中
誓死不媚摩詰調寧窮甘碎子昂琴天生鐵性錚錚響
斷盡人間買笑金
痛哭世情令眼熱極論交態覺心寒無多破席割幾盡
那得清閒作幼安
九天擊倦頗安羣走肉行屍萬怪叢何物暗施吞吐術
盡收襍穢入鷲籠
造化區區一小兒牢持羶鎖待誰羈乃公三面開塵網

不極逍遙不算奇

劍光閃爍躍靈根書氣紛紛縹緲魂光氣突然排悶出
滿天星斗一齊吞

哭笑無心亦墮機茫茫兩界竟安歸問天呵倒靈筠壁
忽地塵空插翅飛

關步高歌哨遍來阿婆春夢將回寸心拓得乾坤大
汜埽紅塵十丈開

春懷家兄閩中

卅年聚首不覺親少別悵惻愁殺人少別足愁人乃悔

毛价臣峽源集

十七四明叢書

約圖刊本

聚首之時之不親嗚呼阿兄遭時何不辰胡為乎少年

行旅頻弱弟與兄俱食貧相依奚啻齒與唇今乃迢遞

數千里路阻關津阿母愛兄掌上珍行住坐臥時刻思

兄淚霑巾呼兄夢語常呻呻我知阿兄情最真豈樂為

此入幕賓囊筆走風塵固無以異負米而負薪我今為

兄敏蒼旻願得賜粟萬困錢億緡言笑宴宴樂天倫但

覺聚首親而無少別之足以愁人阿兄色養之志庶可

伸嗚呼我為阿兄敏蒼旻

芙蓉

延真館裏憶初裁丞相祠前幾度開一帶錦城秋綽約

四垂羅幕月依回露觴倚醉邀僊侶水榭流歌辨善才
為殿眾芳開已晚黃輪籬菊白輪梅

江南江北足清遊誰道紅衣不耐秋襦帔幘子懷標亢
爽摻祛丁度擅風翩然醉客臨湘岸籍甚文官下蜀州

別有殊榮人共豔魏園清曉枉鳴騶

釀雪

望眼同雲欲雪天高朋有約此開筵鳩棲庭樹陰沈晚

鴉噪汀槐淺淡煙撲面金風迴極浦迎眸絲霧藹前川

毛价臣峽源集

十六四明叢書

約圖刊本

酒衣煖著真吾分詩思寒山凍澗邊

東坡寄子由餽歲守歲別歲三詩多紀蜀中風土

今雜就鄉風依韻擬之

餽歲

歲暮侈餽贈藉為存問佐挂錢入都市列塵簡百貨多

儀既及物云胡禮不大或遺雙鯉魚網取異冰臥間且

分家釀開罈香溢座獻糕仍年例粉糝出水磨踵事好

鬪靡所費或太過創為崇儉儀寥寥殊寡和

別歲

義御疾以速惜陰悔已遲一年冉冉盡流光逝難追往
歲不思多來歲浩無涯歲去無固存猶及少年時慎無
咎寒餓首藉甘且肥永懷千載心落莫烏足悲無任歲
空過歲豈與我辭天地倘長久壯志固未衰

守歲

一歲忽云除電掣如金蛇行客可留客歲窮邀遮吟身
況加苦別我可若何樺燭燼復燃高歌雜叫譁尙未到
曉鐘愁聽社鼓搥兀坐鎮相守倦容支瓜斜且勿輕此
夕委心任踐跣明當一日長更新良足誇

毛价臣峽源集

十九四明叢書

約園刊本

初雪

次東坡聚星堂雪韻

平林瑟瑟飄霜葉頗喜庭前乍飛雪駭童拍手忽大譁
空中散鹽太奇絕雁抱寒蘆戩影過鵲踏枯枝帶冰折
遠山彌望指幼平萬瓦一白溜痕滅同人僵坐快呼飲
促襟襲寒肘疑掣煖坐擬徵夏侯妓簾衣不奈風解纈
擘箋耐冷且聯吟清詞灑灑同霏屑賭酒頻誇得句豪
手不停眼驚瞥故事端不數先賢此會合有人傳說夜
闌歸息故遲遲布衾切體冷如鐵

初春臥病雜綴四首

以下丙申

愁因偏因外感催擁衾惻惻幾腸回寡歡較甚膏盲疾
含意翻令骨肉猜榴寔三占嗟侘失梅花一晌待春開
小人有母年云邁願博當途檄早來

豈料今吾猶故吾居平鬱鬱愧非夫不甘懷寶終蓬戶
其奈銷金半藥鑪在疚固知生有忝自新取譬死重蘇
壯懷激烈何由洩拔劍相看膽氣粗

攬鏡形容太痰生蕭條生計百愁并入厨每笑山妻拙
轆釜頻分邱嫂羹志大未甘親瑣細性疎況不解逢迎
一編在手常熬夜咿喔晨雞隔舍鳴

毛价臣峽源集

二十四明叢書

約園刊本

自顧昂藏七尺身生成傲骨迄難馴心情冥合慳言語
歌哭無端亂笑噴閱世星霜如策我釀春風雨故撩人
會須盡送愁魔去霧撥雲開萬象新

前詩未盡意疊韻四首

驚心年矢暗相催嗟暮傷貧日幾回世網糾纏人自擾
天心茫昧我安猜計疎未相圍空涉學理榛蕪徑獨開
巍闕江湖兩無著居閒束手待時來

儒冠不分竟期吾等是鬚眉負丈夫愁坐形常枯似木
苦吟心已鑄爲鑪管藏縱滿身何補枕祕難探夢不蘇

悶極有時投袂起卻因氣盛轉心粗

精神虛擲數浮生四顧茫茫愧悔并敢認聚書恢父業

祇慚絜膳闕君羹年難常少更薪舊春不長留費送迎

呵壁問天無一語放聲時作不平鳴

年年髀肉長閒身浩蕩鷗波未易馴捫舌長存差快意

揚眉無自鎮愁嘔囊琴寂寂誰知己席帽找我尙戀人

別有寒心難告語鬢邊驚見一毛新

答陳懷夫

誰與饒舌破天慳割愛自我人世間世間有我復有君

毛价臣嶽源集

三四明樓書

約園刊本

天之作合何殷勤我知天心亦旋悔不台生君爲我對

君歌我哭儼有神翻假文章譏大塊大塊忌我乃更深

忽忽沒我千黃金黃金雖盡我固在奕奕英光仍不改

忌我何奈成我狂昂頭張目神飛揚書空劃破遙天雲

斫地踢翻年少場斫地書空日無已俯視那復有餘子

驚倒紛紛莫詬徒君卻從中拂衣起君起向我前致戒

謂我率真行將敗天今愛庸不愛奇何必故與天心離

我聞君言喪魂魄天豈挽君作說客君性較我並不異

何乃忽復中天意雖笑不樂強爲歡天視時或被君瞞

猝然圭角無心露離異儘足干怒嗚呼懷夫我豈妄我

拌與世總殊尙君盍洗耳向明河我當對君發浩歌始

我信天頗堅忍不分至今無憑準如天之德尙二三那

更責人殊太憨君倘有力能挽天慎勿爲我稍乞憐上

揆天聽脫未遠但持此歌排空宣歌此喝天天且聾滿

空散作冷冷風

悼亡 己亥

容易相隨十二年愛緣孽債總牽纏而今追念從前事

暗地爭禁淚潸然

毛价臣嶽源集

三四明樓書

約園刊本

總爲操家受折磨百凡冤苦飽經過日間忍淚吞聲價

哽咽翻從夢裏多

自知薄律分爲蠟恩怨從今一例刪漫道此生難一面

縱令相見也無顏

嫁得黔婁總寡歡食貧終歲幸相安劇憐唱到姑恩曲

慘淡心顏合拍難

自詳病體劇堪虞會且累卿撫藜孤不分天心殊叵測

卻令先我卽幽途

黯淡空房肅氣侵兒啼女哭漏聲沈一燈如豆熒熒碧

知爾魂來撫恤深

可親從教不暫違憑誰訊願意都非豈甘瑣細輕勞我

多分相勞日漸稀

病意愁腸痛摧欲摧詣神哀籲冀災喘絲僅屬沈迷甚

猶自彌留待我回

欲摸心情總任天愛時能割忍能捐年來似舊歡緣短

少別臨分亦惘然

斷錦零紉不辨名叢殘針線理難清操勞可想無寧易

製想兒輾半未成

毛氏詠源集

三四四明叢書

昔玉谿生無題詩率皆寓感禱散無事長日困人

信筆作此亦不自知何所託也 以下王寅

懊惱儂伽願屢垂墜歡零夢費安排洗妝曉厭多羅盒

藏跡春間錯底鞋頰尾魚枯愁潤轍紅草長怨空階

浮期瓜約都無準懺恨虔持八節齋

玉荷照影鎮疎蕪愁攪孤衾漏澀慣惹香魂花豈蕊

錯詳妖夢字芝芙鼠銜竄數難容穴鳥禱羅平畏見圖

纏背有金銷鑲盡卻容珍重守宮朱

別院沈沈鎖暫開長廊旋旋繡簷落落花夜雨荒金谷

滯柳春風困玉臺南海諸龍傳謬種西方神鳥謝良媒
千金羞買畏門賦梓使文園浪費才

馬麥金鎗鳳業昭鬢睡眉團總蕭條帕綉封淚書同寄

鏡檻凝塵影並消閒繡天花綠枕角獨留幸草鬪裙腰

夜橋闊效救瓊小明月關情照綺寮

歸令匪寅春再張莘野忻紹如曲中小飲既歸賦此

蘇龍相鹿秦朝謀敵敵氣莽求收贖有情天寬覆幬

好從花國事清遊

豪家劇盡況分攜近局笙歌渺竹西好事卻輸張子幼

毛氏詠源集

三四四明叢書

暗扶殘柳結幽樓

明漾浮香綺閣成紛紛佳麗昔知名不堪兵火銷殘後

曲巷吟猶呼太平

箇儂住
太平巷

中洲春語綴遺聞影事消沈等散雲極望鶯花多起色

不教開殺杜司勳

曲室深談佐玉卮徐孺半老尙丰姿可憐占斷蟲飛夢

餘聲猶存卻扇詩

榻來窈窕踏春蕪酒侶吟朋企上湖我輩此逃原有託

幽香誰便擬登徒

閨情 庚子

金縷鞋帮手製新
研綾高底不沾塵
出屐意求端正
側頸灣腰看一巡

夜深消渴底須愁
為吸清茶倩口兜
絳舌香津齊度過

別饒滋味是溫柔
坐看香煙散盡
空留餘韻在

無限春情入被池
温香偎貼軟腰肢
摩挲觸體防呵癢

心醉含嗔斂笑時
西窗夜雨東窗月
不辨誰來

凝眸坐對總傳神
貼意舒心屬此身
精極翻為離異語

何來癡漢漫調人
空說情詞與古人
其情

東晉書

三五 四明叢書

刺鸞描鳳鬪鮮妍
坐近瑤窗玉鏡邊
自誇儼人倦繡

嬌容疎態越堪憐
西窗夜雨東窗月
不辨誰來

鬢師眉匣妥妝梳
的爍容光玉不如
掩鏡泥人論疎整

似疑將信重躊躇
空看西窗夜雨
東窗月

醜顏掩映擬飛霞
卯酒低斟不待賒
偶露風情緣薄醉

迷離笑眼步天斜
西窗夜雨東窗月
不辨誰來

臨風招颺勝花枝
嬌困腰身弱不支
雙足尖纖難穩立

少前還卻繫裙時
西窗夜雨東窗月
不辨誰來

點繡天威願已儲
不須重卜費金銀
以儂家自卦閒心事

牀上牙籌信手排

少孤眠宿總依娘
深夜喁喁話短長
桃渡草營成往迹

年來新住肅清坊

丑刻土妓王佩蘭
以所遭不偶仰藥死
爰代其歡哀之

以詩即謂之爾日
自哭亡姬亦無不可
王寅

僂坐同傾玉巨羅
長絲豪竹萃青娥
酒醒筵散尋常事

追 翻令感觸多

出格平康作本師
七言上口泥懷時
玉煙珠淚都成識

悔授西崑錦瑟詩
佩蘭曾浼余教詩
余隨

東晉書

三五 四明叢書

搖落仙葩竟墮溷
春深空樹護花幡
從今蘭露如啼眼

風雨荒江黯夢魂
李昌谷詩幽
蘭露如啼眼

轉入陶輪一刹那
墜歡飄忽等浮沓
舊人空有何哉在

寥 江干子夜歌

題海鹽黃韻珊 意清
桃谿雪傳奇譜吳絳雪事時

辛丑六月

儷影青閨與不孤
傾脂河畔昔同車
舜英已謝前塵杳

梔子同心賸有圖

卻被飢驅事浪遊
亂離何處覓封侯
纏綿一曲桃谿雪

遣恨人間淚未收

寄跡慈湖候居重九觸物感懷偶成一律錄眎洪

明經葆初蔡文學芝卿並索和章

甲辰

世途陰慘不重陽賸有茱萸按節香山桂尚含生性辣
霜花終愧入時妝拌將身世炎涼感併作形骸脫略狂
耳 酒酣一長嘯登高閒眺總蒼茫

芝卿歸甬上葆初明經以詩送之次韻奉和

此去謀歡聚歸途歷水程不妨師有範兼學佛多情鄉
夢隨江舶家書滯郡城欲憑君寄語語意卻難明

圭介直峽集

三十四明叢書

約園刊本

葆初明經以盆菊詩見示即次其韻

人真如菊淡愛菊及時栽為有凌霜操難教冒雨開蕭
疎支傲骨珍重護初胎佇東籬下伊誰送酒來

奉和洪明經見嘲一絕并以自解

秋風秋雨攪旅人生涯蕭瑟苦吟身拍肩幸有洪崖客
一笑能回大地春

慈湖暮眺

四山秋樹已離披遠眺虛淵落日遲暮郭橫煙渚水墨
晴湖油月蕩頗黎寂寥琴韻揚公宅斷續鐘聲闕相祠

精爽千秋託荒碣縱心凝望獨躊躇

贈別洪明經葆初

話別依依尚有詩此詩成已淚如絲心期磊珂與時忤
肝胆權奇向我披十載故交多厚祿兩人異地結深知
等閒分袂猶縈念豈況相逢未有期

涉歷山椒與水邊從君延賞忿都彌關心魚鳥今成幻
觸目林泉盡可憐花塢日斜難寫影柳塘風起不留煙
此情歷歷真如夢

悼女弟子姚湘珠詩

并引

圭介直峽集

三十四明叢書

約園刊本

湘珠名圓慈谿姚氏女也青閨孕奇學界揚問簞錢之
歲初屆問字之車快登激慮聽受裁市平十旬觸類通
悟羣驚其孤詣乘除定位妙解河洛之精經緯在心不
迷坤輿之向圓鈴徹馨迺屬性成弱草輕塵倏隨物化
迹其諱疾畢課之心夢嚙向學之語求諸幃闥實罕倫
比鳴虞喘絲莫屬續倩女魂離中槩難消季長泪涸言
之增慟聊託於詩銘如之文以俟君子焉

乙丑五月

身世徒傷氣類孤盈虛酌劑術終疏忍令布算勞心計

未滿生乘便死除

女習算至乘法遇紛
蹟之題輒能了解

刈楚何緣出秀翹前途期待慰無家講壇贏得春恨

冰雪翻從座裏消女冰雪聰明成就未可限域妄意足為中國女教修明之據結果如是使

我心

斂容問字記初來寧料靈臺一雲摧從此弦歌翻變調

曲終應泣女顏回

擬杜屏跡二首以下據清詩略續編補

對酒不能語孤懷孰與言山川初秣駕風雨近還轅避

世忘蕉鹿論交愛棘狼何如終遯跡清嘯謝塵喧

安居身自貴聖世樂方真欲識羲皇間無過耕鑿人魚

毛介臣藏書

三五四明叢書
約園刊本

蝦江市鬧杭稻野田新卻笑桃源裏徒勞為避秦

讀延秋室秋草詩偶成

搖落荒原接遠陬闌風苦雨況迎秋舊時瘦蜨都辭影

永夕寒蟬亦答愁祇自輕塵思伴侶幾曾捷足愛驂駟

夢中恍惚池塘路韶景依稀尚未收

峽源集

金縷曲辛卯秋聞報罷

鎮無聊極更何堪蛙鳴聒耳萬愁填真箇頭巾能誤我

究與功名何益空染了斯文腐習一語敢憑知己道莫

輕疑狂病今增劇吾卻似雞羣立漫嘲僥倖殊無不術

見那方干見擯劉蕡遭黜自古奇才多厄塞說也人教

氣逆況此類猶難殫述豈盡司衡無隻眼奈文星是不

錢神敵談往事案頻拍

甘草子自遣

毛介臣藏書

三五四明叢書
約園刊本

無趣獨對寒燈檻外瀟瀟雨潘鬢一毛生歎少年虛度

人道我因聰明誤奈積得閒情如許下筆荒唐無次序

總是牢愁語

醉桃源前題

孤懷應不合時宜獨深千載思世人知我就為誰除非

我自知茶飯罷便吟詩詩成祇自怡天涯若個最情

癡看來還算伊

眉峰碧畫情

縮了同心結纔束紅羅袜宿量殘黃未褪時低越越垂

香序 寶鏡光澄澈皓腕雙如雪切帖臨妝傳粉聲怎
禁暗地人癡絕

珠簾捲 前題

珠簾捲鬢雲稠妝成獨上朱樓數徧六街車馬癡心望
匪劉看兒主郎如畫會情欲避還休怕那人私覷藏半
面怕疑眸

畫堂春 前題

蠟燈紅炬散華筵粉光黛色娟娟溜人媚眼笑嫣然別
樣纏綿 兩層微渦纔露轉歌喉一串珠圓更防檀板

三香齋集

三四明叢書
約園刊本

未連牽輕按金蓮

相思兒令 前題

暮被流鶯驚覺香夢去悠悠儂自夢他廝並他也夢儂
不攪得醉眼眉愁倚檀牀回想來由生憎小婢無知
卻來催促梳頭

邁陂塘 踏青

望平疇綠蕪如雅撩人無限愁緒嫩寒輕煖陰晴亂贏
得燕嬌鶯妒春已暮記有約前君莫遺良時誤勝遊堪
數正飛絮沾泥餘花移徑別是勝懷處 情何寄一任

紅嫣紫姪等閒心事無據軟酣風颺衣香過小隊金車
遙駐誰復顧但一例尋芳省城南路前行信步奈崔護
重來小桃門巷帳惆隔前度

虞美人

多羅晨散飄殘粉對鏡愁青鬢阿儂生小住平康不道
只今時世薄紅妝 眼穿飛雁長途信心事無憑準入
房印影正孤凄那更枝頭杜宇任情啼

點絳脣 題仇十洲春意畫卷

眼色迷矇温香綺膩和衣擁輕揉淺送嬌顛如鶯啼
雙足尖纖款款隨腰動心兒恐花嬌柳寵眉帶煙痕重

浪淘沙 蕙湖即景

一幅米家圖秋樹蕭疎溼雪籠岫淡疑無曠望荒汀煙
靄裏村舍糝黏 細雨洒青蕪水漲平湖湖邊瑟瑟戰
寒蘆對此不堪搖落恨獨倚修梧

虞美人 洪明經葆初以感遇詞見示即次其韻

前塵影事思難了老至非年少彼天謫我在荒陬不奈
雄心未死此拘留 豈真元會今當否世運滔滔水牝
雞啾啾尙司晨遑論青年舍舊競謀新

終

陳康輔撰墓志略云价臣始學爲詩務峭刻無凡語假途於昌谷玉川斬入浣花之室未極其至而棄去從事於疇人家言冥心孤往搜隱扶輿雖寒暑疾病無少閒朋輩見其病嘗深戒之价臣則喟然曰吾窮於世久矣縱勉而趨時能諧俗乎寄吾心於是其有成歟是吾志也其無成歟終吾身而已矣而卒以用心盡瘁病病數年而死時癸丑十月丙午也年四十有五所欲著盡皆未就有詩古文若干篇



詩薇

鈔雲

卷

稼亭題





題詞

黃綃新裁幼婦詞
閨房唱和夜忘疲
鳳凰去後簫聲冷
腸斷香奩一卷詩

瘦影珊珊骨欲倦
芝芙好夢話當年
秦嘉老去才華盡
留得淒涼贈婦篇

寒瘦頻年笑島郊
綠窗人靜賞推敲
從今寫付麻沙本
省得詞人學紙鈔

舉案深慙德耀賢
蘆簾紙閣鎮相憐
紅顏絕世原非福
一讀遺編一愴然

題詞

望雲仙館

已卯冬仲同里婉卿女士孫袁淑敬題

薇雲室詩稿

樵李遺書

嘉善周之鈇研芬氏著
同里孫福清稼亭校刊

白燕

改卻烏衣換素衣
春來門巷認應非
玉關萬里隨雲度
遼海千程帶雪歸
掠水每疑風聚絮
窺簷空見月侵帷
憐他紅粉成灰後
猶向樓頭故故飛

白桃花

鉛華洗盡倚東風
玉洞雲深雪未融
冷到春心聊約素
映來人面已消紅
重教漁子迷仙境
合使劉郎悟色空

薇雲室詩稿

望雲仙館

莫是尙餘亡息恨
無言黯淡月明中

春夜

紅爐輕撥護春寒
一卷騷經讀未闌
夜永不知明月上
瞥驚梅影到闌干

漢宮虞美人

楚帳歌殘霸業空
尙餘恨血幻東風
託根已是悲三戶
遺態猶能勝六宮
舞袖怨遮長樂豔
啼妝愁向上陽紅
後庭粉黛多如許
誰得芳名與爾同

魏營諸葛菜

救饑嘉蔬出蜀城春來綠徧魏家營遺根想見曾深入
當食還應懾大名滿摘不隨梅共指相煎可與豆同烹
曹瞞空有吞劉念此日仍沾漢鼎羹

閨房儂藥

西歸遺鳥化寒芳更入朱門作講場踏破禪關秋有迹
坐穿香界意俱忘打包寂滅歸清境插鬢參差謝豔妝
簾卷西風人玉立拈來靜裏悟空王

禪室美人蕉

仁從金粉了因緣來傍慈雲蔭綠天鹿女侍經翻貝葉
維摩丈室證情禪拈花上界空成色聽雨秋窗夢亦仙
從此芳心除絆縛開時常近鉢中蓮

送春

東風一夜去瑤臺杜宇聲聲喚不回心情落花收拾嬾
捲簾空待燕銜來

促織

當窗唧唧鳴刀尺各縈情有杼催應顧無絲織那成砧
聲連別院燈影共殘更芳草年年綠征人尙遠行

秋日病起感事

蕭蕭木葉逐西風愁聽蛩吟暮雨中元鳥辭人歸海北
白雲隨意過樓東病餘眠食都成懶悟後悲歡漸覺空
靜看韶華依次改拈毫終愧未能工

難婦歎

礮聲一夜摧城急難婦紛紛走他邑驚心不敢問來因
但聽逢人訴且泣安居久享太平春閱盡繁華自在身
一旦妖氛侵海甸頓教樂土化烟塵平生未識門前路
夜半倉皇棄鄉土家室空教付劫灰心魂猶自驚鼙鼓
雲鬢飛蓬淚濕衣萍蹤何處託栖遲倖生尙屬枝頭露
已死空拋戰地尸還祈上將成功早橫海鯨鯢迅時掃
但得金湯復舊觀難人生命原如草

題黃仲虬西山記遊圖

吳趨山水古無匹一角西南更幽絕靈巖深秀鄧尉奇
環燕由來孰優劣名山本待名人遊江夏才子今其儔
塵區閉置不得意約客試探千巖幽青山鳴禽勸客醉
吳王池館春常在響屨廊邊細草香玩花池畔清波滙
一望紅亭白塔間孤高佛日還追攀忽驚具區出足底
琉璃冷浸雙煙鬢相將更泛清溪棹何處幽香來絕妙

吾家山畔桐井東積雪千條留玉照年年梅花春
今年二月猶含蕊凝冰欲霧一萬樹忍寒爲待詩人來
詩人自古多好事似此清遊難忍置已將踪跡付丹青
更錄千詩作遊記

花朝雨

微風細雨釀春朝紅杏枝頭漸放嬌不惜苔痕粘繡履
金鈴親自繫花梢

秋日漫興

越羅輕袷未裝綿坐傍蕉窗欲雨天藥裏有靈何礙病
薇雲室詩稿 四 望雲仙館

華胥無夢不求仙每因易感秋多瘦苦爲耽吟夜損眠
欲展騷經弔湘客博山先熟水沈烟

晚明珠表妹

消息初傳玉化塵病中驚起信疑頻聰明絕世原非福
疾疢經年早損神孽果已超塵外劫曇花空現鏡中春
還真於爾尋常事難慰堂前寂寞人

小住人間十九年同心許我共周旋春風庭院來芳躅
秋雨河橋送別船每爲耽書妨繡課也曾拈韻筆吟箋
耳邊笑語分明在愁絕今生隔暗緣

而城園四詠效王孟體

老人泉

巧匠磊山骨幻此壽者相坐臨涓涓泉綠共鬚眉漾忽
聞警歎聲一蛙鳴水上

小濠梁

小立浮梁顛下臨一溪壑中有五色魚羣遊唼花落莊
惠不可招誰能知爾樂

得月泉

高臺臨水次在日已清曠想見皓魄臨澄波瑩萬象何

當良夜遊酌酒適幽賞

蓮南水榭

萬荷卓一池結屋當南面簾簾香氣清照檻花光絢蕭
然靜對餘吟情滿毫研

梅花和尚墓

上智能全歷劫時一坏無恙水之湄梅留傲骨撐晴昊
竹寫高懷認古碑名姓久登高士傳丹青空繫後人思

東風歲歲逢寒食誰踏蘼蕪耐一危

題練江秋月圖

涼蟾在滿秋正中江光如鍊搖晴空屏山不動鏡光濕
湖酒一舸凌天風天風吹衣石苔冷雪色垂虹涵倒影
漁歌別渚唱入烟楓林葉墮疑花鶯蕭蕭瑟瑟寒波裏
斷雁呼羣一聲起悄然鄉思滿關河露白葭蒼渺千里
風雨送春落英狼藉因念明珠表妹歿已三月觸
景傷心莫能自已爰賦長律再寄一慟

薇雲室詩稿

六

望雲仙館

題金織織女士瘦吟樓詩稿
小謫紅塵又一回空留色相是多才柔絲吐盡春蠶死
賸此光明錦段來

渡頭秋水證前因曾道雙遊夢境真太息優曇花一現
人間賺盡斷腸人

前秋以所書便面贈明珠表妹妹臨行囑作折枝
花於背因病未果今檢畫籠得之不勝悽惋爰
寫雨中花一枝并題此律寄似靈几不識冥漠
中能爲一鑿否

玉京人去杳難回遺扇空留積寸埃悔我丹青偏後約
爲君粉本此重開尋常枝葉經營慣憔悴丰神想象來
敢效徐君墓前劍聊憑幽恨寄泉臺

蕉衫

壁來一葉足驅炎織就新衫異織縑翠綺疏通涼易透
碧絲柔滑汗難黏製殊荷芰輕偏好著勝羅紈弱不嫌
雨罷綠陰庭際立清風兩腋自然添

葵扇

雅製流傳自粵東一規如月影玲瓏百錢許看思王跡

薇雲室詩稿

七

望雲仙館

五萬曾銷說謝公色比葵英能障日輕同蒲葉本宜風
秋颺動後休捐棄藥鼎茶爐儘奏功

落葉

一番芳景記前因翠嫩紅嬌迹已陳數陣飛來驚宿鳥
幾家掃得喜添薪蕭蕭秋冷吳江岸淼淼波微楚水濱
莫向西風歎搖落無多時節又回春

題讀書秋樹根圖

微霜下木末丹黃變庭綠翻風颯高寒清籟散巖壑中
有幽居人曠焉絕塵俗把卷坐林根忘形靜耽讀兀兀

千古心爛爛雙電目道妙一以探神理早涵菁茂先三
十車金樓八萬軸秘之生蠹魚曷若貯諸腹用舍得自
然縱橫洵足樂先生黃門齋書倉有舊築東箭與南金
世譽仍相屬稽古繼前榮好學真爲福

秋柳

隋堤千樹鎖春烟一夜西風客思牽瘦影自搖殘月冷
纖腰難受曉霜偏已無濃蔭遮遊舫膽有柔條縮別筵
如眼如眉儘憔悴不堪秋到恨年年

夏行曲

薇雲室詩稿

八

望雲仙館

欄干疊影迴紋細日炙渠荷紅玉膩蟬鳴樹杪嘖清風
魚躍波心唼花氣葵英碎粉疑墮黃蛛絲織瓦琉璃光
濕螢沾露飛不起一星慘碧依蘭堂

秋夜曲

蛸蟲織月簾盪影庭露無聲桂花冷涼砧搗夜人未眠
風過簷鈴一聲警流蘇壓幔珊瑚鈎明窗靜對銀河秋
空梁燕去碎泥落香散金猊黯不收

春日偶成

隔院伊誰落子聲午風傳到響丁丁儂家久學安心法

怕觸爭機又不平

疎簾花影上階時病怯餘寒起每遲一縷藥烟青不定
因風吹過海棠枝

爐燼餘香到枕邊透窗朝日薄於烟闥人不作封侯夢
一任黃梁熟尙眠

採蓮曲

生小橫塘住烟波一棹輕年年採蓮慣蓮種盡知名鏡
影淨湖光人面花枝映紅衣薄似儂不耐秋風冷朝來
採蓮處露葉未曾乾欲取珠相贈終憐無定圓折蓮絲

薇雲室詩稿

九

望雲仙館

繞手根蒂還牽藕回棹漫相驚鴛央此中守

七月七日寄紫巢

輕雲如縠月如鈎屈指星期一歲周知否深闌今夜裏
也思拋睡望牽牛

一勺情波界碧天填橋心事話年年翻嫌天上多離恨
願作鴛央不羨仙

佳期此後又迢迢畢竟神仙耐寂寥笑我未離兒女相
經旬小別已魂消

寒夜待紫巢不歸展讀瘦吟樓稿卽和其題紅樓

夢傳奇韻

半庭霜月浸窗寒蠟炬燒殘淚滿盤笑我未除成佛想
憐卿真合謫仙看情如可刻長生易名許能傳抵死拚
一縷柔魂招不得清吟拍遍畫闌干

和前韻酬研芬

附
丁廷鸞紫集

擗管爭禁翠袖寒聰明心事託和盤劇憐秀草當春
萎空使名花作幻看情債未償千劫在病魔難制一
生拚世間兒女情都爾水皺於卿亦甚干

紫巢六令善屬文兼工書法惟詩不多作閨中唱

薇雲室詩稿

十一
望雲仙館

和似不及女史之工茲特附錄一律以誌梗概福

清識

早春

兼旬臥病鎖窗深疊案詩書半積塵燕子未來花未放
東風閒煞一闌春

春日感懷

斷腸芳草遍萋萋望裏雲山夢也迷難道長安春已暮
郎邊獨少子規啼

青旗邀客醉流霞春色皇都信足誇惟有深閨人寂寞

金銀夜夜卜燈花

四月十五夜坐

數盡歸期未有期昏燈對影倍淒其推窗定被姮娥笑
四度團圓照別離

和紫集茉莉詞

限香字

瑤階露滴水天長玉吐輕葩正晚涼隔卻碧紗窗六扇
阿誰頭上帶來香

天生素質占秋芳小朶偏宜月下粧好憶清宵羅帳底
夢回一枕玉生香

薇雲室詩稿

二

望雲仙館

秋柳和仲豐弟原韻

折贈離亭恨未消花飛時節悵迢遙歌情宛轉拋金縷
畫意蕭疎點碧綃嫩葉藏鶯憐舊日柔條繫馬感今朝
依依閱盡炎涼態一段寒烟鎖六橋

瞥眼韶華逐逝波幾人撫樹歎婆娑秋娘老去修眉嬾
詞客吟成賤淚多縮盡離愁空落實待將芳信又蹉跎
相思莫再登樓望已失青翠縷拖

和仲豐弟感懷仍用原韻

塊磊填胸仗酒消龍門咫尺去非遙且隨祖述雄鳴劍

漫賦江流恨寫銷香跡雲霄期後日閉門風雪耐今朝
會看轉瞬陽春煦桃李花明卷畫橋

涉世直同涉巨波時宜未合且婆娑敢誇荆樹連枝茂
深恐蘆花被雨多寸草春暉慚報答英華秋老感蹉跎
晚窗葉落風吹緊碧破爐烟一縷拖

再和原韻贈紫巢

臨歧握手黯魂消極目京華半載遙岑寂未經成好夢
憂愁空自濕輕綃無情車馬勞千里失喜刀鐙遂一朝
從此莫生離別念賃春甘傍伯通橋

微雲室詩稿

主

望雲仙館

情海難填不竭波逃禪未學且婆娑世誰駿骨揮金重
古尚牛衣對泣多壯志如虹休棄擲華年似水易蹉跎
一樽好盡團團樂清福何如敬佩拖

和仲豐弟除夕偶成原韻

瑞靄散爐烟無爭福自全琴書安故物詩酒樂殘年豈
有窮能送空餘瘦可憐披釵償舊債圍坐卽神仙

和右巖叔秋夜原韻

夜靜月逾潔倏然意欲仙燈凝紅豆子香散碧爐烟
語破孤響鐘聲空萬緣微風一回過落葉滿堦前

題右巖叔鴛湖秋泛圖

秋光澹蕩雲如沐月倒波心貼寒玉湖號鴛鴦水亦雙
雙栖時有鴛鴦宿有客乘槎憶昔年長風快御如登仙
忽看烟雨盪空際恍入瓊樓玉宇間高樓屹立碧空冷
楓葉丹黃蘆雪影蟹舍漁莊入望連樹色烟光青不醒
十里橫塘激濺波菱花菱葉奈愁何伊誰解唱江南山
搵我青衫紅淚多銀潢夜落聲如瀉拂拂濃香月中下
露腳斜飛濕不粘一湖涼浸琉璃界吳娃嬌小未知愁
眉黛烟凝水翦眸翠袖雙投倚柔櫓鴛鴦飛過也回頭

微雲室詩稿

主

望雲仙館

題黛仙小影

眉黛青山寫景工幽居只合水雲中劇憐杜牧尋春晚
一夜東風葬落紅

客中秋感

無端作客此淹留觸緒能消萬斛愁鄉思望圓三度月
砧聲涼送一城秋糧空宜學餐霞去書富猶堪負笈遊
聚散年來類萍梗何時聽唱大刀頭

九秋詩

秋風

俄看節序換清商
簷馬背深新
獨場香散蝶衣寒
欲化涼侵鴛枕夢
初長捲殘蘆
荻沿江白吹落梧桐滿
逕黃最是鄉心
撩易起露蛩聲
裏月如霜

秋雨

一陣繁喧一陣輕
殘荷留得做秋聲
蛩吟東壁音如泣
燭翦西窗話有情
鴛瓦念跳珠
錯落螺峯淨洗黛
縱橫曩時記泊吳江岸
篷背深宵聽最清

秋月

纖雲卷盡又黃昏
楓葉飄殘漸漏痕
幽思擬來花下笛
清光篩上竹間門
關山道遠人千里
庭院宵深酒一樽
廿四橋空良夜永
邗江風景忍重論

秋山

危峯高插白雲齊
疊疊芙蓉映遠溪
新雨洗妝羅髻滑
濕烟勻黛翠
鬢低西風古驛涼
蟬咽落葉空林瘦
馬嘶數點牆頭
饒逸趣蕭疎畫意
望中迷

秋水

葭蒼露白碧天秋
清澈玻璃望裏收
湘岸潮平漁弄笛
吳江楓落客歸舟
威聲怒馬濤千尺
靜影驚魚月一鉤

薇雲室詩稿

古

望雲仙館

何處樓臺涵倒影
夕陽僧寺傍湖流

秋寺

招提如畫鎖晴郊
古木寒雲伴寂寥
黃葉一庭禪入定
丹楓滿路客攜瓢
凌霄塔聳鴉巢頂
踏月僧歸鶴守寮
妙理應求靜中動
霜鐘聲落暮江湖

秋燕

香泥銜盡落花稀
荏苒韶光比昔非
明月一簾涼入夢
西風三徑冷侵衣
主人情重難爲別
旅客愁深羨爾歸
故國音書勞雁達
雙雙商畧引雛飛

秋鱸

微波渺渺合愁余
舉網朝來羨得魚
霜破黃柑初入市
江迷紅樹正喧漁
色鮮金玉調新鱸
味美東南憶故廬
記得吳淞烟水路
疎燈點點釣人居

秋蝶

西園草色尙芊芊
憔悴風神恰異前
落葉有情還眷戀
惜花無力總纏綿
六朝金粉空餘夢
一幅羅裙已化烟
如許繁華消歇盡
寒香冷抱蛻難仙

中秋夜對月感懷

薇雲室詩稿

古

望雲仙館

待到團圓忍獨看
良宵拚負好闌干
論功未捷泥金報
下拜曾呼白玉盤
是處笙歌誰燕樂
望中雲漢總迷漫
羈棲無賴偏惆悵
露冷風淒夜色寒

和金眉生都轉安清消寒初集冬柳七律四首

記得垂垂萬縷金
也曾青眼感知音
乍經失蔭悲孤露
直到浮萍冷此心
殘雪寒江橫老幹
朔風古驛響疎林
飄零一樣嗟遲暮
擗管難禁淚滿襟

慘霧濃烟鎖不開
玉關春信尙遲回
絕無繾綣迎人意
祇合蕭疎入畫來
冷淡詩情懷灞岸
婆娑舞態認章臺

薇雲室詩稿

夫

望雲仙館

歲寒松柏如堪託
不使江干老散才

昔日芳菲散似雲
柔條攀盡任紛紛
生稊消息悲開府
落木光陰感仲文
繫馬河橋紫舊夢
聽鶯樓閣臘斜曛
年來心事枯楊絕
筆硯無靈早付焚

烏鳶謀食噪聲譁
繞樹無棲似破家
一片孤城怨羌笛
經年絕塞咽胡笳
將軍營裏風鳴角
高士山中雪作花
漫道蹉跎忘歲月
瞬看蕭瑟易穠華

薇雲室詩稿終

周氏望雲
周氏望雲

跋

薇雲室詩一卷同里周研芬女史作也周氏爲吾邑望
族研芬幼好詞翰兼精繪事有埽眉才子之稱其父尤
鍾愛之擇婿甚苛年過標梅尙未許字後歸丁紫巢大
令爲繼室三商禮重一秣心齊閨壺之中唱隨相得世
咸目爲神仙中人惜乎天不永年遽赴瑤池之會故所
詣止此然其詩鬱伊善感清麗爲鄰復能緯以精思樹
以豔骨鍛以秀句鑄以妍詞風格在中晚唐之間求之
綺窗繡戶中亦可云未易才矣今年秋哲嗣載庵茂才

詩稿跋

七

望雲仙館

錄副見貽因擇其尤雅者若干篇付諸黎棗庶幾零香
剩粉長在人間不致聲華之闕寂也嗟乎三更翠羽難
招月下之魂一寸明珠空結江干之珮痛百年之易逝
期一卷之長留詞客有靈或當首肯光緒己卯仲冬拙
脩居士孫福清并識

周氏望雲
周氏望雲



春

閏

雜

咏



春閨雜咏用上下平韻

閩金門許雷地豫庭

曉起

鶯聲啼徹衆芳叢。着意催人綺閣東。一枕梨雲春思懶。半簾花霧暗香籠。鏡底髮認雲鬟綠。指印腮留淺淺紅。莫道遠西天。樓遠昨宵有夢幸能通。

梳頭

水晶簾下篆烟濃。七尺烏雲幻作峯。細潤香膏融寶髻。安安釵股頭雙龍。紫鸞樣巧鬆偏好。墮馬粧新態自慵。堪愛髮光明似鏡。幾回獨對鏡芙蓉。

顧面

罷梳雲髻對明窗。花外聲輕吹雪飈。清露溶溶滌綉帕。朝曦灑灑上紗幮。桃堪噴面霏紅蕊。香可增嬌采綠荳。十里胭脂洵作水。南朝佳話豔無雙。

傅粉

水噴桃花露乍滋。搓酥真覺膩如脂。輕施蝶粉光逾潔。薄傅鵝青色倍宜。素手

卷四

春閨雜咏

二十六 香 絕 卷 四

細勻香澤豔玉容。長護雪霜欺。等閑笑對青鸞鏡。認取翩翩絕世姿。

畫眉

翠螺十斛納宮闈。豔說隋王賜龍妃。卻月彎。春岫小。橫烟淡。掃遠山。微文君眉黛人爭仿。京兆情深世所稀。且學入時新樣好。黛痕輕染筆揮揮。

對鏡

東風送暖玉窗虛。率地簾波日上初。兩點春山描柳葉。一奩秋水點芙蓉。漫云色相拈花悟。願卜團圓皓月如。情態自憐還自惜。幾回顧影欲呼渠。

薰香

時樣衣新製五銖。香焚百合擁瓊爐。薰籠斜倚垂紅袖。芳津長留襲紫襦。沈水自應勝蘭芷。涉江何用采蘭蕪。芬芳竟體人如玉。金粟前身是也無。

試衣

初試春衣畫閣西。六銖衫薄煖雲霓。纖腰搗處嗔郎戲。綉領低時泥母提。對鏡頻看芳美盼。整襟幾度費柔荑。秋千架上風飄灑。錦簇霞翻望欲迷。

5854

5858

下塔

小步珊珊下玉塔。低徊生恐墮金釵。傍花偶立拈鸞帶。拾翠初來試鳳鞋。知否露啼庭尚溼。應防苔滑碧於階。扶持不藉離無力。願與檀郎處處偕。

折花

紫姹紅嬌錦作堆。春園小步探花回。一枝入手香盈袖。幾朵簪鬟蕊乍開。隱隱幽芬侵翠袖。冷冷清露落蒼苔。携歸便作明窗供。欲引游蜂逐隊來。

背立

背蘇州好樣時新。認取風前獨立人。底事低徊羞轉面。料應憶遠故馳神。堪憐弱柳纖腰細。莫謂如花嫩頰春。萬喚千呼始回首。眉峯猶帶一分顰。

描鬢

卯酒初醒尚帶醺。花間小立簇湘裙。枝低忽挂金釵墜。細落頻勞玉指勦。掠借犀梳明僊月。描成鴉鬢綠垂雲。下風僊伴何人在。消受衣香百合芬。

裁衣

卷四

春閨雜咏

二十七 香 絕 卷 四

扶疎花影掩重門。寂寂明窗香尚溫。欲下并刀還付度。頻量玉尺費評論。清泉細細霏樓口。銅斗輕輕熨熨痕。未識沈郎腰瘦否。裁成贏得借銷魂。

縫衣

揜揜素手耐春寒。製出春衣錦作團。學度金針誇宿慧。漫拋綉線習偷安。午窗熨貼爐烟細。子夜辛勤蠟炬殘。寄與遠人識儂意。臨風幾度淚偷彈。

綉鞋

卷簾燕子乍飛還。壓線明窗且破關。皓月光澄千縷雪。紅羅線好一弓彎。宜入夢凌湘水底。事停針。幾黛山。只爲遠人歸未得。踏青無侶淚潸潸。

停針

五色絲勞幾度穿。借他消遣畫如年。描成峽嶼和誰語。綉到兜兜欲自憐。拋剪不禁春恨集。停針只爲別愁牽。章郎一去無消息。空使花枝笑獨眠。

彈棋

女伴蘭圍幾度遊。且將一局破無聊。仙枰相對心偏靜。妙着能贏意自驕。碎玉

聲。敲。開。竹。院。沉。檀。香。鼻。傲。松。寮。莫。言。黑。白。分。時。好。冷。眼。旁。觀。志。更。超。

午睡

銀。床。嬌。倚。曉。初。交。一。卷。新。詩。手。倦。拋。石。榻。烟。痕。紫。若。灶。紗。窻。日。影。亂。花。梢。游。仙。彩。蝶。來。胥。國。驚。夢。花。魁。吹。路。切。玉。枕。驚。騰。春。思。懶。惱。他。竹。曳。風。敲。

懶起

苦。為。相。思。減。頰。桃。愁。紅。怨。綠。首。頻。搔。雙。飛。蝶。夢。醒。猶。戀。萬。縷。羅。絲。縛。太。牢。底。事。貪。眠。學。楊。柳。非。關。宿。酒。醉。葡。萄。倚。來。珊。枕。渾。無。力。寶。髻。雲。鬆。散。紫。條。

喚婢

午。夢。初。回。彈。響。螺。日。移。花。影。半。窻。過。喚。茶。聲。細。穿。朱。幌。隔。竹。音。傳。度。碧。羅。嬰。武。學。呼。差。彷彿。燕。鶯。嬌。轉。比。柔。和。嗔。他。小。婢。遲。遲。應。微。歛。雙。眉。蹙。翠。蛾。

捲簾

幾。桁。低。垂。謝。女。家。春。風。蕩。漾。玉。鈎。斜。頻。呼。離。婢。輕。捲。莫。使。蝦。鬚。密。遮。為。欲。雙。飛。延。燕。子。任。教。千。點。入。楊。花。韶。光。如。畫。常。孤。負。獨。對。閑。庭。感。物。華。

春閨雜詠

二一八 香 飽 戲 書

吟詩

沉。沉。庭。院。鎖。春。光。垂。柳。千。絲。拂。海。棠。摘。句。巧。杼。才。藻。慧。拈。毫。微。潤。口。脂。香。頰。嫩。詞。好。輸。劉。氏。咏。絮。才。高。羨。謝。娘。韻。譜。雙。雙。初。脫。稿。還。應。索。和。到。檀。郎。

倚闌

一。行。垂。簾。卷。水。晶。自。拈。紅。豆。飼。春。鸚。倚。來。翠。袖。雕。闌。小。壓。上。花。枝。曲。檻。平。拈。帶。有。時。情。悄。悄。敲。詩。幾。度。拍。輕。輕。碧。天。如。洗。霞。明。處。認。取。天。邊。月。又。生。

出浴

澹。澹。蘭。湯。傍。翠。屏。個。中。倩。影。認。伶。俜。華。清。水。滑。侵。溫。玉。豆。蔻。泉。流。發。暗。馨。一。幅。畫。圖。耶。看。煞。十。分。嬌。態。妾。忪。惺。臉。波。腰。柳。花。應。妬。出。浴。新。粧。黛。掃。青。

夜香

是。否。禪。參。最。上。乘。花。前。親。點。九。蓮。燈。香。霏。麝。腦。烟。絲。鼻。馥。送。龍。涎。夜。氣。凝。折。柳。攢。腰。鳴。佩。玉。立。苦。鳳。履。冷。吳。綾。深。深。拜。罷。嬌。無力。含。怨。含。愁。曲。檻。凭。

坐月

團。圓。璧。月。映。瓊。樓。處。處。晶。簾。盡。上。鈎。千。里。離。人。勞。極。目。一。輪。皓。魄。正。當。頭。玉。闌。倚。處。花。憐。瘦。冰。鏡。澄。時。雲。乍。收。底。事。素。娥。太。多。事。清。輝。偏。照。十。分。愁。

調琴

月。華。如。水。浸。羅。襟。花。下。親。調。綠。綺。琴。三。疊。纏。綿。寄。遠。意。七。絃。斷。續。寫。芳。心。紅。愁。綠。怨。憑。誰。訴。流。水。高。山。乏。賞。音。一。曲。譜。成。長。太。息。不。知。花。外。漏。將。沉。

卸粧

卸。粧。小。坐。綺。窻。南。食。寶。生。成。性。太。愁。戲。情。樽。奴。除。玉。燕。輕。呼。小。婢。磨。金。函。團。圓。菱。鏡。奩。開。一。隱。隱。蓮。簾。漏。滴。三。散。髮。子。夫。容。更。麗。豈。低。還。揮。鳳。頭。簪。

拂牀

不。欲。輕。塵。半。點。黏。拂。來。塵。尾。手。纖。纖。窈。妃。玉。枕。留。芳。澤。漢。帶。雲。幃。覆。素。練。春。煖。錦。衾。堆。繡。榻。香。溫。寶。鼎。下。重。簾。懷。人。漫。說。蓬。山。遠。綺。夢。能。通。愛。黑。甜。

入帳

斗。帳。紅。珠。翠。羽。銜。妃。央。新。製。枕。雙。函。風。微。時。曳。芙蓉。幙。香。好。濃。熏。杏。子。衫。輕。放。

春閨雜詠

二一九 香 飽 戲 書

珊珊

珊。珊。聲。細。細。微。拾。玉。腕。指。摻。摻。此。身。願。化。雙。飛。蝶。恨。葉。愁。苗。一。例。荏。許。君。名。雷。地。字。豫。庭。號。小。一。別。號。電。話。室。主。閨。之。金。門。人。少。孤。家。貧。內。行。敦。篤。事。母。尤。孝。定。省。餘。閒。酷。嗜。吟。咏。于。唐。人。中。獨。憐。香。溫。李。寢。饋。有。年。壯。歲。為。東。瀛。之。游。悼。故。國。之。凌。夷。憤。強。隣。之。侵。逼。神。山。久。厲。記。室。屈。為。感。遇。傷。時。借。香。艸。美。人。以。抒。寫。其。愛。國。之。誠。著。有。神。州。厲。艸。二。卷。金。縷。餘。紅。二。卷。茲。讀。其。春。閨。雜。詠。三。十。首。芬。芳。悱。惻。情。見。乎。辭。東。望。博。桑。為。傾。想。風。儀。不。置。嗚。呼。子。誠。

識

叔丞

年

録

蔣	屋	如	佳
氏	校	月	涂
慎	卯	著	月
脩	甲	始	吉
書	寅	丙	成

序

蔣生國平幼而聰穎能誦詩木瓜篇上博母歎與兄國榜既
 師予脫口成章句意態雄傑為詩古文詞平易者尤非所喜
 西江大庾戴叟少翹引與唱和由是詩大進晨昔精研談非
 詩不歡兒子洵因親予往還交最契生恆勸學詩謂人當慷
 慨悲歌以吐胸臆為快耳惜洵資魯無所成就生嘗曰李六
 雖不能詩然肝膽照人亦至友也會洵北遊武漢事起生避
 兵走海上憂心時局更離別增感胸次鬱積一時泉湧風發
 鳴更不平成詩愈多予來申江倉卒一晤願未及讀洵自保
 定歸遽客死逆旅後三日生亦病逝悲哉夫以生美質天不
 斬完其學養成就詎有涯量乃使丁亂世其詞憤激豪情壯
 志規規僅見於詩亂世生才固多不幸與溯自洵病生日親
 醫藥其友誼至篤洵卒生適病心殆未知洵病即死而更未
 知已病亦即不起也將病染自洵以死耶則余心茲戚而洵
 愈不瞑矣余值世亂髮且種種兢兢逃亡子死身且無歸更
 益以生之戚哭安知慟然有文者彰無文者沒沒生固有自
 名者在國榜之言曰弟逝便成長往抽繹所作痛如見弟今
 願悉錄所作與知弟者共見之非敢言傳使弟沒而不沒即
 以舒余痛也亂離散失曩存者什之七搜集得若干首復共
 予商訂成之因為述其始末回憶師友兄弟喁喁然切劘一
 堂瞥眼都成陳迹今日之役逆事痛心余更增以喪明之戚
 盈盈老淚隨丹鉛而俱落矣壬子仲秋石僧李紹楠序於慎

修書屋

江甯蔣君蘇盒平叔昆弟年始十許歲各以才名余往客江
 甯未識也蘇盒昆弟已能識余文字辛亥轉徙上海平叔以
 遜國前死遺詩數百首其母夫人如長吉之阿嬾珍弄勿出
 蘇盒請編為數卷甲寅授余勘定余觀其詩有蟬蛻鴻舉遺
 世獨立之概又似顛顛失職趨然不能為懷而以狐喧賈太
 傅自詭亟亟以鳴其不平者平叔名家少年耳方宜薰衣鬢
 面躡高屐問體中之不暇奚事此業其獨者此而以聞見瘵
 傷煎其年命昆弟並孤童生長華廡且有見於世而坐弱一
 箇此蘇盒所以痛欲傳之者也余觀古之才士如謝惠連徐
 悱皆蘭綺世族無預人事而謝則云平生無志意少小嬰憂
 患如何乘苦心況復值秋晏徐則云少年負壯氣耿介立街
 冠懷紀燕山石思開函谷丸俱以懷抱奇偉不遂其志卒致
 短折平叔有謝徐之志而年猶遜於二子謂非才之夭閔耶
 余既已論次其詩而書此以慰蘇盒其白於母夫人謂世尚
 有牧之義山為能傳通眉一生庶幾可以弭悲也已揚州興
 化李詳

蔣國平哀辭

馮煦

甲戌交江甯蔣翰臣於漢皋翰臣隱關園而質直好義能急人之急予心異之既命其中子長恩厚民從予游同羈羖下蹤迹益密丙申厚民卒年三十許耳遺二孤曰國榜四歲曰國平三歲其年冬過江甯翰臣呼二孤拜堂下嶄然見頭角予喜二孤之萬於常童又念翰臣已篤老而厚民之不可作於邑久之不忍去越一歲翰臣又卒辛亥冬十二月避跡海上國榜來謁泣然曰弟國平夭矣並出其遺詩二卷乞予審定於戲予與蔣氏三世之好一哭厚民再哭翰臣今又哭國平百年如風過蕭矧丁陽九之厄七十野翁飾巾待盡其尙堪此摧剝耶國平雖三歲而孤然有賢母撫之閑以經訓所

丁亥年

金陵馮煦印

席既豐無芻米僕賃之撓與兄國榜並負異稟互相師友以文史爲枕藉意且有容容之福矣而國平際光宣之交世運否塞人欲橫恣愀乎恍乎激於中而不自克煩冤怫鬱若不可並生於斯世者所爲詩歌如哀蟬咽露孤雁叫霜淒厲激楚不肖家庭和樂十五六歲人於戲此國平之所以夭與令國平不夭挾其高朗英銳不可一世之概攷索前載洞燭世變以待一日之用必能有所樹立不域於凡徼不則與兄國榜鍵戶誦經邈與世絕根道核藝成一家之言使名字不隨汶汶之世以俱泯而今曾不得二十而夭天之隄國平與世之委瑣握促與國平異趣者札其生與抑國平怵憐不平之氣鬱不一舒而致然與天人之倪可知不可知素矣信乎國

平之自致然耶適爲辭以哀之且塞國榜之悲其辭曰
 蘭始萌於空谷兮候中實於繁霜玉在璞而見斲兮曾不得貢之明堂嗟之子之內美兮羌蘭頡而玉頡芳非其彌章兮嫉蕭艾之披昌武夫焜耀於席上兮獨自閤其英光二難競爽時江左兮博譽好修以爲常丁斯世之晦盲否塞兮氣苑結而不揚與突梯滑稽以溷其泥兮甯披髮而叫大荒卒一瞑而不覩兮乘鸞駟蚪以上翔縱浪大化會須盡兮齊陵谷而一彭殤

丁亥年

金陵馮煦印

亡弟平叔墓碑

弟名國平平叔其字先府君仲子也生光緒甲午八月六日
爲日本內侵之始卒宣統辛亥十月十日則先遜位二月也
年十有八初予喪父時甫四齡弟又弱一歲母忍死撫之予
與弟下帷讀不越跬步致羞澀家人弟偶疾沮課猶則兼數
日程誦詩木瓜篇聲琅琅以媚母諸經既卒業通曉大義箋
註家之瑣細穿鑿者恆易視之好太史公書及涑水通鑑究
氏族研治亂謂非他史擬一姓譜錄比於諸子喜管墨若陽
明書亦少涉釋氏居近楊仁山居士廬時從假經論皆能
識宗法詩文嗜韓杜恥立門戶派別所作故尙典雅麗則銘
今古駢散于一治書法主朴拙无巧得篆分意蓋皆有以探

丁二十三年

三

金陵 蔣氏校印

本源矣余治學稍無恆弟必極其詣余志立言弟志立功丁
世變所論著益偏宕激切洞當世利病善敗長老或未矜異
甚或譏讓之弟持之益堅獨予知之深耳余嘗謂弟道之不
明由屏百家當以孔佛究精再墨致勤又遍釋周秦漢唐宋
明及泰東西學說博取而約守期足澡雪性始鼓鑄斯世世
既蹙蹙無甯日卒業未可知弟又夭莫余助悲今爲懸談矣
弟生時眉間有光可鑑額隱隱隆起好勝能斷母訓飭多裁
正吾父垂沒以安本分學吃虧二語爲訓稍長守之不敢忘
屏叫囂駭矜習時拙余失擬以祖所遺者廣廢著別生計克
免依賴今不幸齋志沒矣幼鮮交游獨與戴少翹李立善少
翹故鮑忠壯超客晚遁江左與弟及予爲忘年交中興先正

多所稱述私以曾湘鄉自教助立治兵家言北僧某精技擊

夜與立往省之霜月在地習試刀劍鏗鏘旬有聲弟願樂之
少翹客死殯之某山麓立自保定遁歸滬遂病弟日視醫藥
立死弟亦病三日死或謂染自立也方甯變亟外王母普矣
而舅氏客遊家皆細弱弟毅然輟書曰吾有母母亦有母全
母母即以事母獨身護外王母及細弱之蘇而安焉反滬不
而月卒人尤傷之辛亥秋弟遊越歸得詩盈一卷病方具稿
嘗置懷袖間既革爲檢拾猶強起納之卒乃得之中衣嗚呼
抱志不祿將珍此自鳴與嗚呼假弟年何事不可爲而何業
不可就吾母苦節方冀二子成立今衰白而更哭子余同母
弟多孺獨弟存今子然願形影更誰與繼誰與成業更誰與

丁二十三年

四

金陵 蔣氏校印

共艱鉅承先一揚名聲弟病未必不可爲臨展轉庸醫而莫
知救且自兵起走海上世父之子若家人多以疫死余以羸
弱獲全然神氣亦隨弟骨肉俱寒矣弟卒之後一日殯諸上
海徐家匯後一月歸葬江甯某山某原致於吾父墓右其明
年春乃更銘之曰家難之順沛兮呼我宗主予季之不祿兮
佇泣如雨羌岐嶷而嗜學兮乃所志之莫吐離茲何世兮掩
爾終古行道之人孰謂我同父兮則莫余助有行踽踽兮嗟
我同父

平叔詩存

金陵叢書丁集之二十三

上元蔣國平

讀史

遺臭留芳慎始終史官能事更求工要當姓氏傳方策腐朽甯甘草木同

史遷而後史焉如盡與官家作錄胥末學願當南董席一編

改造萬年書

春雨

小樓深夜客難眠細雨敲窗響更圓春色滿園侵曉起萬紅

如海隱鞦韆

咏燕

丁二十三 詩存上

金陵叢書 附氏校印

呢喃往復燕雙飛二月春風草色肥閒著烏衣門巷待幾從

王謝便無歸

怪底翩翩去復來夕陽金粉罷樓臺春光爛漫花如錦問是

何人細翦裁

初春

猶未過清明纔交一半春輕風搖弱絮細雨溼纖塵

秋夜獨坐

耿耿銀河皓月清惱人天氣夢難成隔牆花影涼於水報到

天南雁一聲

春日曉起

朝來日出景清妍萬紫千紅鎖曉煙乍起惺忪捲簾望柳如

人倦正酣眠

花開

連日晴光眼倍明海棠小院吐繁英枝頭蜂蝶聲喧鬧疑是

東皇正練兵

登金山絕頂

獨上金山放眼空寺門鐘鼓振蛟龍怒濤起伏歸初地壞塔

嵯峨奪化工遠望南徐煙雨外近觀北固有無中髯蘇玉帶

今猶在且把春醪酌此翁

寒食野望

纔過寒食便清明嫋嫋東風吹滿城芳草如茵迷望眼踏青

前去幾多程

丁二十三 詩存上

金陵叢書 附氏校印

絲絲垂柳向風斜一樹天桃未著花爲問雨絲風片裏幾人

敲笠到山家

野望

春暖風和二月天水村山郭足留連鵝兒幾隊閒中鬧雙槳

搖來放鴨船

喚渡

遊罷歸來倦臨流且喚船青天一雁落綠水雙鷗眠櫓動長

流活帆孤側影懸依依山水趣穩坐好言旋

栽竹

荷鋪栽來謹護持牆邊鳳尾影迷離小園留得三弓地穠穡

客來俗可醫

栽花

滿城桃李爲誰開
大地春回自暗催
若得上林花遍發
須從根本預栽培

咏竹

最空心處最玲瓏
瘦態疏晝未工窗
外綠陰愁日暮
可憐翠袖倚秋風

王嬙

琵琶寫怨寄絃中
竟嫁單于別漢宮
馬上錦鞵馬足草
孤臺大漠柳絲紅

一幅丹青竟誤人
官家不武只和親
聞呼卻敵關門去
一樣酬君報國恩

酬君報國恩

丁二十三

詩存上

三

金波書
蔣氏校印

劉阮

神仙幾見暫還家
底事塵心動轉差
我欲再尋遺跡去
天台長與飯胡牀

悼陸椿生師

窮經皓首亦何爲
游宦隨人拙更悲
豈獨文章怨寥落
八旬老母兩孤兒

鶯囀

流鶯百囀柳堤邊
巧舌如簧態舞偏
編得柳圍絲更叩
莫教嘒破是朝眠

送春

飄飄紅雨掩重門
餞別春光酒一尊
狼籍莫教墮落
濶好留

香冢安芳魂

記恨

惱人春色困人天
只此孤燈伴我眠
記得窗前種紅豆
開花結子又三年

題畫

門對江干草樹荒
誅茅結屋水雲涼
卜鄰不在塵寰裏
來榜鷓鴣與鷓鴣鄉

聞笛

赤足科頭風晚來
餘音嫋嫋繞樓臺
是誰弄笛不知處
起傍空階步一回

初夏

丁二十三

詩存上

四

金波書
蔣氏校印

初夏鄉村風日晴
郊原一片綠陰成
籬邊掩映疏枝活
秋色迷離斷隴橫
穉子敲鋤呼釣侶
老農荷鋤起歌聲
蠶桑未了人閒少
叱犢頻聞陌上耕

咏蠅

終日營營底事忙
任人揮逐總猖狂
笑他逐臭隨汗慣
也有秋風冷落場

咏狐

媚人有術巧安排
性具通靈實厲階
一盞漆燈牆四壁
不妨吹火讀聊齋

咏蟻陣

整列軍容動鼓聲
元戎列陣過牆西
落花紅映征袍染
芳草

青揚戰幕齊壁墨燕泥留斷續烽煙螢火認高低間中靜視
應同笑蝸角紛爭孰指迷

莫愁湖

依城負郭大堤斜兒女愁生情更賒消受荷香剛十里鈍根
方始說虛家

端午

蒲劍裁成氣象雄兒童尙武笑生風爲因辟惡蘭湯浴續命
絲還繫項中

過方正學祠

麻屨衰絰蹈天庭一片丹誠照汗青我薦溪毛拜祠下驚心
重過血碑亭

閒咏

秋月春風樂歲華白雲一片戶前遮田園雖薄繞生趣半畝
栽桑半種麻

春日

翩翩蝶影亂夾岸鶯飛忙春色滿園動處處聞花香

美人

往古偏多絕代人等閒意欲喚真真不聞說殿關吾輩倒臥

紅裙醉幾句

春柳

細腰初舞大堤邊嫩綠微黃劇可憐怪我風情時更減幾從
張緒想當年

詩存上
一金陵叢書
蔣氏校印

絲絲低拂小紅橋眉黛和煙樣最嬌最是故人離思重涓城
不唱也魂消

春暮

花開花落及春歸咫尺天涯素願違長日小窗人更懶綠陰
滿地鷓鴣飛

班婕妤

玉輦辭歸黯斷魂秋風涼月掩重門合歡幸得留團扇猶見
官家舊日恩

有慨

寶劍壁間鳴羣龍睡已醒漢家悲伏臘胡虜徧羶腥歲月間
中去山河入眼青時艱多自晦長日寫黃庭

憂國心先碎合羣力未并頭顱原大好志願尙縱橫事去休
垂淚時危敢願生出關因自奮會欲請長纓

時事慨占

雪飛六月亦奇哉天上愁雲鬱不開底事頻年憂水旱人天
歌哭有餘哀

秋雲

雲到秋來薄似羅人情之薄卻如何當年臭味同相共到此
相逢不認他

秋夜

新秋一味正清涼拈甜填詞夜漏長久坐不如尋夢好推敲
直到黑甜鄉

詩存上
一金陵叢書
蔣氏校印

感事

六州鑄鐵已成錯環視蒼生獨慨歌奮起投身行萬里頭顱
價博萬金多

自咏

一事無成重自憂小窗長日在埋頭縱橫歐亞車同軌便欲
將身蹈五洲

時事

遠方災異見縈縈一介煩憂欲語誰我禱九天延國祚天風
吹折一龍旗

咏汪伶

粉墨登場道自通一官脫去效伶工衣冠優孟骸髒氣寫入

繁絃急管中

暮春

春光轉瞬卽天涯處處枝頭有落花正是浴盥好天氣小窗
長日只煎茶

咏蛙

閑閑聽蛙鳴池塘春草生莫須苦岑寂伴我讀書聲

有感

獨坐牢愁百感生平時壯志竟無成孤燈欲滅蕉窗冷怕聽
蕭蕭雨打聲

園中

綠羅結子晚生香荷瀉圓珠檻外涼且撫瑤琴盤石坐松毛

如雨落胡牀

楊花

滿地殘紅感不禁獨憐柳色尚青青楊花那不如桃李飄泊
猶能化白萍

閒吟

莫談國事重牢騷珍重頭顱撫佩刀零落亂紅殷似血飄殘
點漬滿蓬蒿

莫愁湖

兒女英雄付水流幾人懷古幾生愁接天蓮葉花如斗著箇
紅霜去樓舟

憤事

庸庸厚福羨如何擾擾風波事豈訛四野斃斃舒一慟猶憐
澀氣淚無多

金山

壞塔搖煙夢六朝金山東去劇蕭寥寺門鐘鼓魚龍動斜日
海門生暮潮

竹林寺

竹林寺隱碧山中隔絕紅塵路不通猶愛寺門萬竿竹自敲
綠玉響晴空

綠玉響晴空

焦山歌

大江東去勢洶湧京口防秋門戶重輪舶東西疾似梭象山
北固皆垂拱何處飛來一片石矗立江流示無恐蒼崖百尺

高插天窟宅蛟鼉屹無動危亭百仞俯驚濤人臨其上神尤
竦我方翹首凌虛空海門日耀波光紅江流滾滾去不反振
衣直欲披天風會須謝絕塵世事匿影陰崖待赤松

鍾君德涵來別

琴劍飄然別我行銜杯相對夜燈青丈夫末路休多感味道

安貧守一經

勵志

少年不讀老何爲冥罔無知雅足嗤有未讀書休自是茫茫
學海浩無涯

夜感

苦吟未就兩蕭蕭偏悔窗前自種蕉燈蕊結花光似斗一回

丁巳三月

詩存上

九

金陵遺書
謝氏校印

舞劍一吹簫

驚秋

迢迢河漢望徘徊點點流螢照碧苔一雁飛過翻尺羽始知

秋色又將來

掃墓

孤兒憑眺只淒然陣陣松風落耳邊回首赤棠顏色苦染成

血淚語噉鷗

夜感

冷夜冷於冰牢愁得未曾蛩鳴淒斷枕蝠舞踏孤燈哨角長
征客疏鐘入定僧惱予不成夢譙鼓聽聲聲

七夕

歲歲相思知若何人間天上兩蹉跎一般兒女癡相同烏鵲
填橋得幾多

桂

園亭寂寞冷孤芳早桂花開傍曲廊大道由來契無隱寒齋

風送木犀香

中秋雨

年年風雨與全刪佳節難逢未許攀應是嫦娥深畏俗清輝

不使照人間

月夜

夜漏滴秋殘蟲聲入夢難宵來多不寐偏憶月光寒

秋院晚坐

丁巳三月

詩存上

十

金陵遺書
謝氏校印

蟲聲月滿庭人影悲離闕三更色益明花影自清樾悄坐北

窗下微霜下梧葉頓思離塵世天風淒更絕

鐘鼓樓登眺

樓名鐘鼓勢崔嵬往古銷沈付劫灰一片白雲留不去憑欄

斜日亂山來

憶菊

殘萸滿塘秋水涼桂香馥馥繞東牆菊花開未聯吟社先約

鄰翁醉一觴

古墓

一騎鞭得得四望皆層岫老樹立縱橫荆棘迷前後高冢何
業業虺鼠穴寒窺香靄夕照陰淡定山谷瘦須臾寒煙起日

落光影破荒墳自斷碑鬼唱時倚和股有獨鳥飛遺糞穿林過

友至夜談

良宵得晤故人難燭淚成堆興未闌明月多情來伴我隔牆

花影逗人看

雜占

人情之薄似秋雲富貴教人利欲薰味道安貧吾自樂昌黎

漫擬送窮文

感懷

情到無聊自惋傷離愁默喻費思量可憐獨寢難成夢偏是

蝦蟆屢撼牀

丁巳三月 詩存上

十一

金陵叢書 蔣氏校印

鄰女

長日香閨獨自知連朝慵起畫雙眉春花秋月等閒事幽怨

關心到女兒

莫愁湖

鍾阜峯樹宿雨收綠絲碧柳繫輕舟襟懷淡定知無俚景物

蕭疏得少留想見六朝金粉麗空餘千頃水煙浮石頭雉堞

籠雲樹好寫丹青作臥遊

自笑

自笑生來血性成不論家國總關情搗殘蕪桂辛猶在實踐

勤修漫不平

感事

莫把無情說有情杜鵑啼血一聲聲欲收海水舒長嘯痛哭
情惟一賈生

楚歌四面家何在隻手回天事本難奇語吾曹休力學不知

不識轉平安

重九

安用罪言同杜牧何妨高詠託淵明黃花白酒今重九一上

層樓望帝京

秋夜感懷

露洗星河淨涼生入暮天流連今夕酒明月幾回圓寄興邀

儔侶生涯寄簡編夜誠酣更適入夢亦悠然

有憶

丁巳三月 詩存上

十二

金陵叢書 蔣氏校印

事由前定語三生不遇良時負舊盟人自迢遙嗟夢短小窗

燈火怕天明

梳髮有占

曾懷壯志動高歌玄髮凋疏氣自磨留得一枝雖結筆勒名

還試穎如何

鐘鼓樓口占

否極安知不泰來鐘聲零落劫餘灰年過五百生名世誰數

中原濟世才

鍾阜晴雲雁陣秋俯觀里舍意悠悠三山二水多清絕且尖

殘僧說故侯

口占

日月成須叟微生有階級志學幼無成既壯何由立勤修爭寸陰無爲垂老泣

讀餘道興

人生嗜好不能無養我身心莫若書世事不知閑自得北窗匡坐注蟲魚

題友人玩裝小景

赫赫威嚴體自充寶刀躍躍氣各虹看君首獲干城選報國還收上將功

國事

正襟危坐淚潸然豆剖瓜分謠詠傳獨抱靈均幽怨在起呵斷壁問寥天

十三

詩存上

十三

金陵叢書
蔣氏校印

故宮

片瓦明時劫火紅紛來鐵騎入關中思量世事成翻覆禾黍油油感故宮

石馬蒼苔滅沒中有人憑弔立西風年年綠到孝陵草留得殘磚付琢磬

青溪

板橋流水換新題柳綠風生滿大堤不見阿男舊詩句夕陽簫鼓下青溪

賀人新婚

賦就催妝絕妙詩柔情無限兩情知留傳韻事稱京兆笑倚妝臺學畫眉

珠簾低放晚妝開爭得郎君作賦才紅燭兩行人背坐含情羞進合歡杯

慨占

四野災情重流離道路荒朝廷自高遠盜寇莫披猖時亂死生易江湖去住妨幽居心獨慨無語一相望

小園

池水潺湲冷白萍小園風景樂忘形朝來遠眺還平視假得青山作畫屏

秋柳

白門春色柳先舒十里陰濃可駐車送客秋風勞望眼幾回相見幾回疏

十三

詩存上

十四

金陵叢書
蔣氏校印

泥池籠月復籠煙裊裊絲絲尙自憐流水樓鴉殘照裏相看憔悴晚風前

道旁墓

寂寂寒山冷墓碑賢愚一例草同萎可憐月照楓林黑正是吟魂欲唱時

書齋

問向南山學隱藏寒齋寂寂似禪房疏疏籬外竹還瘦淡淡畦邊菊尙香偶讀楞嚴參淨垢更觀碁局感興亡有時獨起池塘過來聽泉聲入夜涼

春日

東風吹著百花枝草色都從雨後滋鳥亦有情歌宛轉江南

春好買花時

二月江南春意遲大堤楊柳展如眉女兒十五翻新樣畫得雙蛾妙入時

靜鎖園亭到客遲錫簫吹斷日斜時一枝紅杏鄰牆出漏洩春光更惱誰

憶焦山

浮玉蒼然落眼前松寥三宿記因緣憶當絕頂江亭望吸盡江流落遠天

喜陸二至

故人今夕至執手且重看爲道相思苦知圖後晤難江湖多險阻書札報平安明日仍分手臨岐淚各彈

一一二二二

詩存上

十五

金陵遺書
蔣氏校印

君去長相憶君來悵別情不知因底事相見反愁生知己無多少交情驗淺深毋辭常問訊歲月自心驚

懷古

紅樹青山弔古頻君王辱井掩如新憑欄細認麤脂漬坐此山河殉美人

六代宮城冷薜蘿雞籠山好夕陽過次宗儒館流風香文獻

凋零慨幾多

鐘鼓樓晚眺

鐘鼓聲聞百尺樓斷雲橫鎖半天秋行人把酒悲無語柳色淒迷不少留

獨上危樓鬱不支愁來莽莽欲何之江流依舊稱天堑底事

中原不可爲

龍眉舅氏招飲舟中與蘇龔兄同作
豪情閒喚渡頭船華燭明燈促管絃不見王郎打棹去桃根

桃葉怨年年
畫舫笙歌逐隊遊炎天正好坐船頭妖嬈十五調銀甲不解

風波不解愁

翩翩狎客幾荒唐醉折花枝倩酒鴉更向河房一回坐夜深涼月照胡牀

琵琶聲急管絃繁舊院家家放畫船朱雀橋頭日斜後波光

如黛水如煙

紅箋飛去酒添籌不擲纏頭學浪遊一例興亡南國恨年年

綠到柳梢頭

冰盤雪藕碧沈瓜醉到船頭身半斜無數名花青冢在東關日暮有嗚鴉

岸上垂楊鬥舞腰美人長日坐吹簫一從南苑人消歇漫逐

飛花問板橋

朝野方愁多事日西風吹起秣陵城壯懷拔劍澄清日紅粉青衫醉太平

與龍眉舅氏戴叟少翹同遊明陵半山寺等勝

夕陽返照萬山紅何處蒼茫認故宮一騎西風鞭不進孝陵入望雨濛濛

當年絲竹竟消磨空厓荒墩巨石羅猶有爭持不解事世間

一一二二三

詩存上

十六

金陵遺書
蔣氏校印

無那好名多

荒城衰草有無中
輦道經過路尚通
古木蕭蕭山骨瘦
歸櫓猶指大明宮

項王

叱咤風雲變成陽
一炬紅名雖隨逝
水有美亦英雄
一劍銷沈日千秋感慨中
至今江上水猶有大王風

蓋世名猶在
萎靡羞沛公
天心成漢業
善戰亦無功
宇宙留英氣
河山一慨中
傷心穀城淚
憑弔與誰同

野眺

空山時獨往
天末松風響
落日如金盤
明月冲林上
煙雲鎖深山
寒光一派碧
獨立聞疏鐘
細數牛羊迹

詩存上

十七

金陵叢書
蔣氏校印

蒼茫晦暝裏
漠漠寒煙織
獨有下山人
不辨山顏色

除夕感懷

偏逢歲暮意
蒼涼太息前
程意更傷
漫以詩書磨歲月
卻將家國演興亡
徒增馬齒羞
稱說覓食牛心笑
獨狂人世幾回

值除夕天涯何處是吾鄉

憑欄

萬象深沈煙影遲
纖兒弄得國家危
攔干曲曲休憑折
如此江山坐付誰

橫議

世運囂囂奈若何
甘陵兩部禍機多
而今處士皆橫議
平地軒然起大波

欣遇舊友

乍見忽驚雙鬢改
相逢最怕一燈紅
天涯知己無多子
莫道相逢是夢中

治山後有孝子某
廬墓三年終服乃去

至孝尤能動鬼神
三年廬墓性情真
卓魚淚墮悲風樹
默誘潛移動世人

蒼兔二爲貓昨斃

雌雄相伴月中行
玉面銀毫瑪瑙睛
不意狸奴善學攫
應憐三窟未曾營

園中即景與兄蘇
靈聯句

習習涼颺至
平幽蘭自在
香池流侵砌
綠蕪雨氣逼雲黃
平

樹作深淺碧
花分濃淡妝
平沙鷗浩蕩
平虛閣燕迴翔
一

架疏藤老
當階細草長
蛛絲寫孤壁
平蛙鼓動方塘
野

際炊煙合
平人家燈火張
無言成獨立
倚杖對蒼茫
平

雜咏

七尺空吾有
如何負渺躬
讀書猶未得
學劍況無功
養勇心知奮
求仁道正同
投荒身萬里
熱淚洒秋風

閉關常失策
無地限華戎
宇宙紛淪久
山河破碎同
愁心隨直北
遁跡悵遼東
返照夕陽好
花開似血紅

絹桃花

花開花落幾
心傷貌得桃
花蕊擅長怪
道軍持剛插
入一雙

蛺蝶在迷香

了凡

如此風波絕可憐休從人世結因緣朝來試向蒲團坐與子

同參一指禪

默坐藏心守太玄靜觀一念轉先天西來王母無消息漫問

蟠桃熟幾年

煩惱皆由結孽緣眾生惡障一絲牽抽刀不斷情終縛蘭蕙

遭焚膏自煎

識鄭鼎臣師述先君遺訓卷子

鄭公高誼誰與伍示我阿父彌留語余生命薄幼失怙俯仰

身世悲難吐音容笑貌識渺茫抱痛椎心此終古生兒敢道

能象賢解識先生意良苦瞻彼慈烏猶反哺我生何爲空自

丁二十三

詩存上

十九

金陵叢書
蔣氏校印

負半夜起坐淚如雨吁嗟乎遺志何由繼阿父

端午

佳節催人歲歲同浴蘭共把酒杯空江南五月薰風動一樹

榴花照眼紅

角黍分遺白下門冥濛梅雨點芳尊國殤滿地無人哭湘水

南迴弔屈魂

江南風物不勝愁艾葉當門更插頭奪得錦標好身手青溪

來往戲龍舟

古意

妾本良家子莫道邯鄲娼爲郎自顛倒打起紫鴛鴦

偶占

明月樹梢出炊煙起茅屋蛛絲寫人面螢火醒倦目地遠縮
不盡雲生辨不熟偶然步深林映衣裳綠

月夜

夜靜羣動息一身常自閑清風如有意明月相與還香霧侵

虛幌瑤華照素顏何當謝人事獨坐渺塵寰

喜舅氏自北歸

回首辭京國風塵爲解裝莫提離別事還問道塗長折柳何

時淚新炊夜舉觴勸君須盡醉莫更語他鄉

大行皇帝輓詩

鼎湖龍去後朝野哭同聲朋黨終難化蠻夷恨未平圖強灰

廟算誤國有公卿悵望瀛台路宮車草不生

丁二十三

詩存上

二十

金陵叢書
蔣氏校印

愚園

我本常遊客流連每不忘名園自煙水人世有滄桑古樹藏

深綠落花聞暗香蕭條春已盡獨立向蒼茫

主人不知處到門惟鳥聲園荒多鼠竄地僻少人行庭草無

人綠蒼蒼著意生勸君須盡興登眺有高城

清明

無端風雨儘堪傷上冢家家泛野航底事清明最愁絕清新

應羨說重陽

可憐南望北山頭如此清明萬古愁解識城中人盡飽道旁

共語有骷髏

月下懷人

明月照衣裳清宵吟更長獨眠寄孤館有客滯他鄉短燭難
成夢空階勞遠望思君獨不見清影照流黃

夏夜

夜色多清絕微嫌冰簟涼冷螢時點水飢鼠暗窺梁庭草參
差碧池荷自在香迢迢河漢影仰望與偏長

急劫

急劫日相持成虧了不知山中柯已爛何事看殘棋

出遊遇雨

已訂遊湖約偏逢欲雨天山靈應笑我笠屐許流連

有悟

世事幾翻覆人情有淺深鑑形觀止水悟道識磨鍼放眼悲

丁二十三

詩存上

二十一

金陵雜書
蔣氏校印

人我臨流感古今鵬鳩互騰笑何處覓知心

小立

美人遙隔暗銷魂惆悵西風夢許溫獨向空庭幾回立小春

容易是黃昏

暑日

夏至閉門居幽齋興有餘日長無個事午倦爲耽書

遊園

短短長長路風風雨雨天亭臺勞佈置花草景清妍曲徑生

蒼蘚平池開白蓮重陽如可到共醉菊籬邊

靜坐

無夢意酣然潛居守太玄幾回心目銳洞徹是先天

送舅氏北上

此別意如何風塵滿眼過驢歌聲慘淡馬首阻山河遊子青
衫溼高堂白髮多聖朝深雨露莫自怨蹉跎

送君千里去匹馬入長安天下方多事浮生寄一官得歸須

料理此別難悲催他日長干道相迎一笑看

漫成

吾生任飄泊大道有浮沈世事忘年月滄桑變古今一身閑

自得萬物漫相侵開卷神能會悠然清靜林

友至

故人今夕至執手笑顏開莫道相思苦陶然醉一杯

相逢披豁見天真風雨家山別後新花氣入簾溫酒酌忘形

丁二十三

詩存上

二十二

金陵雜書
蔣氏校印

天壤果何人

玄武湖八律

玄武湖邊路臨流喚渡船一篙春水活夾岸野花鮮綠樹當

村合青山自郭遷東風微動處蓮葉更田田

瓜皮小艇子恰受兩三人夕照城邊映羣山雨後勻荷香迷

澤國柳色老湖濱家釀攜尊至舟中對酌頻

曲折蘆洲路層巒積翠多湖山千古迹風雨一舟過水面浮

菱茨城頭冷薜蘿由來名勝地憑弔且婆娑

一路經行處青山空自回白雲滿巖谷芳草亂城隈鷗鳥兩

相逐萍花四面開五湖猶未至此地且徘徊

舟抵湖神廟垂陽好繫船到門千竹合登閣一湖圓吟嘯舒

懷抱雲山滿眼前山僧談往事憑弔總茫然
寺僻人迷路林深竹破苔空聞曉鳥語何處足音來仙梵高
仍下晴雲去復來坐忘塵世味且把手中杯
一路多風景擊舟水有聲青山看不斷綠水幾時清郭外寒
煙起灘頭新月明扁舟遊興畢吾亦羨吾行
煙水年年在滄桑變再更幾人談往事猶對古臺城後會知
何日今來每自驚此心聊自解吾與白鷗盟
山居
天地無崩剝江山亙古今白雲時出沒流水任浮沈間得書
中趣偶尋絃外音山居殊自得負手一閒吟
有憶

十一二十三

詩存上

二十三

金陵叢書
蔣氏校印

金閨門外碧油車落日清風鬢影斜湖上有山皆繞郭吳中
生女盡如花每懷秋意空寥落幾度春風誤歲華眼望橫塘
西去水青驄緩逐玉鞭斜
即景
一樹動秋色羣山卷落暉白雲飛不定冥冥一鴻歸
冷院生秋草斜陽慘碧苔野花開盡處不見有人來
偶然攜杖立獨眺自心閑芳草連天暮蒼煙定遠山
偶懷
數載一爲別空令歲月賒思君何處見應夢到長沙
相去經年憶相逢重踏然小窗暗風雨試共話鬢年
偶感

瑟瑟秋風起愁思滿院深艱難一世事潦倒半生心天地空
寥關山河變古今思量有身後獨自一沾巾
月夜偶述

傷哉古與今吾生如寄客獨有天上月長照古今迹中宵星
斗橫天際共一色何處夜歸人一犬吠深黑
惆悵

涼風吹雁過磁杵起秋聲妙悟一心炯羈愁兩鬢生擁衾憐
永夜滅燭起幽情惆悵窗間月窺人分外明

失題

岸闊天無際江空水自流魚龍蕭瑟夜鐵笛起孤舟

塞下曲

十一二十三

詩存上

二十四

金陵叢書
蔣氏校印

雪夜破榆關龍城匹馬還莫言征戰苦萬里唱刀環

秋意

蟋蟀聲哀促小園葉亂飛秋風吹鬢影涼夜警羅幃徑掩呼
重掃庭荒過客稀下帷甘寂寞披卷未全非

海上遇孫供奉

當國乖生小子侯琵琶淪落大江秋滄桑爲我談庚子供奉
南來已白頭

堤上

大堤四望晚風柔幾樹垂楊掩畫樓樓上捲簾人不見玉驄
嘶過影生愁

語友

語友

吾生多蕭散杯酒自相親莽莽黃塵裏邀君作酒人

蟋蟀

蟋蟀驚秋早秋聲奈爾何移牀吟更切助我恨愁多

夜聞

馬蹶蹄殘雪寒月照淒清遙指前村路家家機杵聲

秋暮憶友

秋風正蕭瑟望遠一沾衣古木寒山外伊人歸未歸

有感

野哭萬家墟畔芸未有餘蒼生方待拯天道果何如世亂誰

先覺時危欲上書長安遠不見日暮且安居

懷遠

詩存上 二二五 金陵叢書 附氏校印

故人千里去匹馬繞山河夢寐終難晤相思別後多離懷空

寂寞壯志莫蹉跎歲暮鄉心苦知君意若何

月當頭寄友

年華如水付東流爲憶西園載酒游爲報故人須記取去年

今夜月當頭

對梅

不甘隨俗作生涯珍重孤芳只自嗟獨有幽懷記寒夜一鉤

殘月照梅花

朔風吹斷路三叉殘雪枝頭集暮鴉破帽疲驢衝曉去探梅

指點到山家

偶題

寒雲遙起酒家樓任俠何人劍氣道我亦平生多磊落眼前

識得幾恩仇

漫感

地軸今年震驚傳徧幾州乾坤悲板蕩身世寄浮漚人事何

由改天心未肯休太平空悵望脈脈只含愁

感時

萬古乾坤成嘯傲百年身世嘆飄零驚心戎馬三城戍望斷

中原一髮青故國鶯花春夢短秋來鼙鼓戰場腥江湖牢落

無窮感鴻雁飛飛不忍聽

寄友人書

故人不可見何處是長安千里同明月孤吟森肺肝寄書常

詩存上 二二六 金陵叢書 附氏校印

作客努力勸加餐珍重相思意君應著意看

秋感

一夜笳聲緊高秋特地寒遙聞羽書疾飛馬出桑乾

不盡蒼茫感悠然發遠心荒原衰草白凝望一沾襟

秋風

秋風正蕭瑟向晚思依依蟋蟀聲淒咽梧桐葉亂飛天邊一

雁度江上幾人歸瘦骨知寒甚來朝更禦衣

晚眺

芳草碧無際夕陽紅亂山停雲留未去倦鳥亦知還萬物誰

相得浮生空自閑悠然四望暮歸去掩松關

題畫

平遠淡秋山孤村水幾灣柴門倚杖立細數暮鴉還
有感

默觀天象惡伏莽逞干戈日燧嗟封土年馳等逝波無聊誰
送酒舒慨憤悲歌日近長安遠杞人憂若何

梧葉

蕭瑟意何適小窗愁思繁秋風如有待暮景最關情卻掃憐
殘葉沈吟對短檠偶然閒立處獨對此心清

雜感

碧血化塵埃英雄志未摧山河齊破碎時勢挾風雷孰整將
殘局難求曠代才遙憐消息到亡國有餘哀

未視滅亡慘經過方自知廟堂無遠略家國付流離良士肝

詩存上
金陵叢書
蔣氏校印

空瀝沖君淚暗垂傷心脣齒痛袖手只銜悲

國弱難存立無忘夜枕戈匹夫肩有責報國盍相磨甯忍供

俘虜何辭蹈網羅眼看藩屬割宵肝計何如時日方減時日方

春日閑遊

我來原上立一碧望無窮榮落天機現芳非造化功雲容橫

極浦草色戀春風生意誰人覺先生杖履中

又占

芳訊江南早韶光麗白門早知春有脚吹暖水無痕異地開

花發名園雜樹繁開懷欣有得默喻欲無言

重陽登高

懷古重登古石頭重陽風雨不勝愁高天落木驚三楚大地

風雲動九州危石獨憑人望遠亂山無語雁橫秋江南愁思
消磨盡目極寒江日夜流

歸又成一絕

憂患頻乘漫乘捐菊開無恙似當年轉應風雨增情興冷豔
疏香各自憐

偶感

命以工文誤愁因識字多勞生在塵世流涕對山河天際風
雲迴人間醉夢過相逢幸無恙一笑泛煙波

居間忘歲月獨處一悲歌世亂生人賤城荒斷骨多役身無

職志匿跡謝山阿味道安吾素休嗟大命訛

除夕

詩存上
金陵叢書
蔣氏校印

歲暮增多感連宵雨雪晴風光餘一夕杯酒坐三更人事升

沈易關河歲月情只憐今歲衰寂寞誤平生

城中十萬戶爆竹響驚雷莫問明年事今宵且舉杯高天臨

夜動大地喚春回俛又當除夕韶華底事催

宮怨

御溝秋水靜潺湲日暮寒鴉自往還水殿雲房月明苦玉顏

低唱念家山

月當頭即占

那堪人事日悠悠拋卻新愁換舊愁最是年年重感舊徘徊

淒絕月當頭

寄感

時未淨烽煙關河路幾千天涯催短髮秋色老江邊起舞顏
看劍鑽研得舊編不堪舒憤懣愁思又年年
冬日晚行

我行適四野膽怯落蒼茫矮屋燈搖暗荒村犬吠狂朔風沁
肌骨積雪暗衣裳何處夜歸客敲門意未遑
偶書

山川終古在歲月轉成空世事升沈裏吾生醉夢中青春難
久待白眼嘆終窮爲問神仙客蓬萊何處通

明妃
望斷南來雁風霜路幾千愁心依漢地明月到胡天青冢留
遺恨紅顏仗自憐和戎猶報國賤妾敢流連

丁二十三
詩存上

二二九

金陵叢書
蔣氏校印

紀元

睿哲惟明聖開基正典型車書逢大造川瀆効精靈卜世知
無極儀刑重守經萬方各努力何以答朝廷

吉日頌明詔傳聞喜亦悲敢忘明主德猶自故君思大陸方
多難中原仗主持小臣無所事鼓舞拜龍旌

偶感

萬方此淪落獨處感蹉跎野外龍蛇戰人間魑魅多夢魂依
里舍氣勢壯山河談笑悲身世中原事若何

城上

匹馬眺高城殊方事可驚山川餘王氣天地變秋聲故國悲
無主餘生意不平當頭一片月脈脈總含情

江樓閒眺

長嘯振天風登臨興不窮江流何日盡月極上游空山色斜
陽外濤聲曲岸中何當一擊楫高唱大江東

秋夜

秋色蒼然暮桃燈對影雙閒愁何處遺落葉打疏窗

感事二律

慰人果何事搔首問青天幽憤誰堪訴牢愁不可捐銜杯成
笑傲故國本纏綿獨立高樓上臨風一惘然

大勢趨危卵旁觀暗自驚書生多涕淚國事有紛爭治亂前
車鑒山河終古情遙聞疆土燧城下又要盟

冷至惆悵成律

二二三
詩存上

三十

金陵叢書
蔣氏校印

入夜朔風緊長河凍不流寒雲爭宿野涼月慣依樓落葉三

冬盡繁霜萬戶愁不堪情黯淡生意坐悠悠

冬日懷友

風緊雪花飛黃河冰幾圈寒雲連斷樹涼月入虛幃故國來
書少天涯素志遠異鄉何日返匹馬看君歸

再作一首

風雪滿天地乾坤此寂寥關河千里曲鞍馬一身遙陳迹如
煙散行蹤等絮漂夜來常不寐窗外葉簫簫

概占

豆棚花下月初圓冰簟微涼撫夜絃父老爲言桑海事身經
嘉道太平年

決盜

黃塵慘淡浮雲愁下馬直上酒家樓
酒家樓前飛馬起萬口喧傳今決囚
鼓聲騰騰如驚雷紅旗屬交使君來
健兒呵叱行人開良久如聞礮聲絕
刀光一掣白於雪萬眾無聲心慘切
吁嗟乎大盜不能誅小盜終難除
大盜高擁幟小盜死路衢大盜紛紛脫
網羅九州從此白骨多嗟嗟奈此大盜何

游半山寺

古寺深藏經更幽蕭蕭殘葉滿塘秋
鐘聲敲出危時感柳色都從劫後留
雲散鳥歸人影亂山眠泉冷水聲幽
爭墩往事堪憑弔蘆荻蒼然傍古邱
後湖堤上

一二十二
詩存上
三十一
金陵叢書
蔣氏校印

江南風物總依稀一片晴空白鷺飛
行過小橋人影淡野航斜日打魚歸

陸二

陸二朝朝費酒錢麴車才過口流涎
允為作頌輟長飲又向酒家缸底眠

壽戴少翹先生七十

感君意氣結忘年數載江南暫息肩
白髮談詩千日醉黃堂出守萬民賢
看山判作他鄉客解組難歸故里田
杯酒陶然還一笑先生有集待重編

一官擺脫意悠悠杖履從君林下游

大隱本來無世界高風直可做王侯
舊知朝士皆零落老我餘年得告休
五十年談

皆史事從君載筆記春秋

久賦無家淡似僧委年浸改髮鬚
思量身世詩千首脫略高懷酒數升
大庾梅花連粵嶠江南山水愛金陵
莫遊朝市嗟朝菌內熱時時學飲冰

轉念紅塵事本空休嗟老大恨途窮
中興將帥思賢佐末世乾坤泣病翁
醉後歌呼成笑傲樽前論列幾英雄
好將詩卷留天地爭識西江一寓公

火車

樞機纔展動握手悵臨岐天末勞相憶
人問易別離石尤猶有阻火發不能遲
莫喜交通便忘情各有悲無題

丁二十三
詩存上
三十二
金陵叢書
蔣氏校印

為愛名園好蟬聲噪夕陽偶隨幽徑入
時有暗花香凹凸樓臺映沿迴溪水長
花枝罥蛛網石罅逗蠶房綠透千重幕
紅圍一丈牕雙樓新燕子對舞紫鴛鴦
密藻游魚躍深林歸鳥藏煙浮初簾竹
風倒半垂楊架上調鸚鵡門前繫鸕鷀
柳絮金絡索雲想錦衣裳消息天邊雁
愁思砌畔蠶酒斟琥珀盞簾押鬱金堂
天外昏鐘落磯邊野鶴翔送迎迷鼓吹
魂夢繞池塘風動銀河響階空玉露涼
流螢低處閃明月定中光萬籟寂無氣
星晨凝有芒瑤琴彈不得錦瑟怕更張
清夜頻搔首良宵自斷腸小姑獨居處
寂寂久無郎京師友人送果

灼灼佳果美茲盈筐惠我遠人悠悠難忘
相去萬里情與俱

長長安雖好何如故鄉今我不樂中夜情傷
丈夫失意會合有時舉世溷濁素心與違關山在望遠落餘
暉秋風起矣一雁南飛何當得意匹馬來歸

夏夜閒游

歎蒸來舊友同步復成橋斜漢鵲飛過荒街犬吠遙小樓橫
遠笛明月泛輕橈更進青溪泊笙歌慰寂寥

晚步

虛籟潛驚躍岸魚大堤楊柳夜涼初因尋螢火得歸路明月
滿橋人影疏

新荷出水態輕盈樹鱗青山放晚晴遙指平原風景好斜陽
一片晚蟬聲

秋深

秋氣深矣天地無心孤煙漠漠夕曛陰陰明月照我萬籟成
吟仰睇清景俯聆遠音長夜曷且愁思忽侵且隨運轉載浮
載沈

夏日

夏日苦寂寞友朋三兩過熏風解襟帶驟雨洗庭柯燕去重
簾捲蟬鳴清晝多人生幾寒暑不樂又如何

夏晚

一雨忽霽蜻蜓亂飛新荷吐姿蟬鳴別枝夕景在林明月揚
暉俯仰閒適空翠沾衣

秋夕與馬二同榻登晨別去

丁二十三

詩存上

三十三

金陵書
蔣氏校印

秋聲起梧葉三更滿燭月今夕方合懽明朝復離別湘水通
微波芳訊無時缺心事正搖搖嚴裝甯緩轍

秋暮

高梧一葉下砌蟲鳴正繁中庭月皎潔秋色淡無痕
歲暮懷人

天乃限山川憂來思萬千故人失杯酒風雪送殘年身世忘
情久音書望眼穿燈前獨舞劍舉首望烽煙

寄慨

荒城鼓角動天高風雪無聲落雁毛萬古山河空涕淚百年
身世獨半嗥白鷗浩蕩辭京國匹馬乾坤仗寶刀今古不堪
愁極目書生憂國意徒勞

丁二十三

詩存上

三十四

金陵書
蔣氏校印

雪

天末北風起新醅醉幾杯梅花方著樹雪後一枝開暖閣乘
時啟輕裘稱體裁凍雲迷一片寒雀遠飛回

曉來

曉來天欲雪風急凍雲張古木脫皮瘦寒梅透骨香山川同
寂寞天地辨微茫幽興無人覺蕭疏坐草堂

再詠雪

漫天風雪緊大地總無聲寂寂空庭窄飄飄入地輕映心應
表潔眩眼自生明袖手憑欄立梅花自在清

舅氏遠歸

一雁正盤桓北風吹影寒匆匆由塞北隨汝出長安一別未

逾載相逢各細看歸來喜氣動白髮且加餐

立秋

玉階涼露溼銀漢已西流秋至須調護披人是舊愁

秋意

大塊商聲動蕭然雲樹悠江山仍急劫風日正清秋海外驚
戎禍天涯憶旅游四方今燈燧誰得慰余愁

上元口占

明月光如洗剛逢不夜城魚龍多曼衍一片踏歌聲
人影逼成團紅燈作隊飛良宵人載酒不醉且無歸

春日雜詩

風物念韶華晴光色倍加連朝天氣暖春色上桃花

丁巳三月

詩存上

三二五

金陵遺書
顧氏校印

小鳥當窗喚春來尙未知東風被吹徧殘夢醒偏遲

偶來花底坐林外鳥聲清對此忘形久悠然物外情

良夜頗酣眠風光思渺然曉來春意足知是放晴天

夜感

中宵難入夢反覆不成眠忽憶孩提日徑過一小天

掃墓

秋草連天暗傷心南郭門翻飛紙灰影憔悴晚煙痕地下成

長夜遙空奠一樽白楊最蕭瑟哀怨與誰論

旅行

電掣風馳入太空回看大地幾沙蟲壯游莫畏長途險收拾

山河詩卷中

海上

海上喧囂甚聯翩漫治遊輾塵拂馳道斜日照層樓騎鶴

腰香飛龍出骨愁夜深明月靜寒色上簾鉤

游愛儀園

愛儀名園好閒來得暫遊夕曛剛在樹好景卻當樓海外工

營運殊方廣苑裝頡伽有精舍龍象意悠悠

郊至李公祠有作

芳草連天碧春風駿馬嘶崇祠空悵望斜照正淒迷遺像當

雲物愁心入鼓鼙我來一憑弔起舞有荒雞

送人

寒窗話別對孤燈無那離情鬱不勝一片江聲侵曉發扁舟

遣夜抵金陵

海上送舅氏北行

一夜不成寐淒淒離別情如何故園月又照異鄉行羈旅憐

形影飄零此舅甥明朝忍分手徒使兩心驚

兩夜口占

客心愁不寐殘漏已三更歷徧關山路愁聞風雨聲蕭條羈

旅意辜負故園情辛苦江關水春潮日夜生

思鄉

二月輕風乳燕斜遙憐孤客向天涯故園此際春如海開徧

庭前幾樹花

送人客中

送人客中

送人客中

送人客中

我本異鄉客胡爲又送君孤燈兀相對窗外雨紛紛

山居

山居風味儘堪娛楊柳當門四五株笑指斜陽吹落去鷄聲

滿地啄殘芻

春一院

爛漫風光盡放晴滿園花氣透廉明春光一院無人覺小鳥

時鳴三兩聲

清明花放鳥聲清苦雨連朝一夜晴春意酥融人睡足客中

今日過清明

感咏

一昔霜風急蕭蕭萬籟鳴萬方皆苦水四海且憂兵憔悴悲

一二十三
詩存上

三十七

金陵叢書
蔣氏校印

鄉土艱難望帝京吾儕逢亂世且夕只偷生

夜雨

風雨最纏綿蕉窗滴響圓不知因底事一夜不成眠

記遊

萬籟觸機動冥濛夜氣生繁霜飛萬戶殘月上荒城遠樹望

無際栖禽唳有聲寒鐘動岑寂湖上一舟橫

冬望

獨坐下房帷看看日影移寒蠅鑽故紙凍雀抱枯枝古戍霜

催角荒墳鬼唱詩眼前蕭瑟甚風雪况經時

憶少翹老友作

風土猶能訖九州江南愁思白人頭樽前莫說成同事一樣

消魂雙淚流

飄泊江湖意若何故鄉雖好幾曾過不堪故舊凋零盡白髮

蕭條老病多

空階秋草伴蟲吟執手相看淚滿襟最是半生寄孤館西窗

冷雨五更深

送舅氏赴北

丈夫四十不得志嘆息斯人將奈何行李蕭蕭仍歲月飄零

處處指山河蒼涼天地人才老末世乾坤感慨多長路經過

須愛惜高堂白髮正婆娑

田間

行過溪橋高下路偶攀桑柘兩三枝卻逢月白初圓夜正值

一二十三
詩存上

三十八

金陵叢書
蔣氏校印

稻黃成熟時一粒居然明造化萬民有幸遂公私平生識得

鄉居趣滿眼青山寄所思

重陽

東郭對三逕悠然餐菊英人生有餘樂吾愛陶淵明早晚見

眞賞關河殊未并葛巾還漉酒心事且能平

新晴

正覺新晴好微嫌雨氣涼苔青侵斷壁草綠上頽牆遠水涵

深碧斜陽暈淡黃江淮淫潦久農事恐全荒

有感

歲月難相待舉杯豪氣生江河供撻伐竹帛著名聲故紙精

魂出明燈俠影橫門前車騎備志欲赴長征

漫感

掩卷思今古書生無用多光陰愁裏度歲月夢中過世事那堪問功名奈爾何由來懷壯志畢竟是蹉跎

將身偶萬物亦有不平鳴放膽空詩酒無人識姓名公卿謀未合仙佛願難成盾鼻磨餘瀟夏來愁思生

玄武湖

探得荷花滴酒嘗荻蘆深處水雲涼篙聲刺破中流去搖動

一湖蓮菡香

玄武湖邊半水田菱花十里權聲圓舟從曲折蘆花入蓮葉

無風香滿船

晚眺

照眼分明動寸心斜陽高處獨登臨冥觀萬類生悲憫天入

蒼茫日又沈

殘霞一片照江城獨鳥低飛天宇平暮靄橫山林木斷忽聞

幾杵送鐘聲

韓亡

痛哭三韓土其亡付劫灰秦餘胡太暴箕子有餘哀渡滿長

橋湧伊長橋日烽傳舊城摧為憐藩屬國永絕使臣來

兩花臺觀沙洲圩水

圩破洪流決嗟哉浩劫成岡頭風物警天末水星明何處尋

田舍無人問死生狂飈起林壑恍惚作悲聲

中秋步月

蟲聲方在地星斗正橫天月自有圓缺人空感變遷清光上

虛閣爽氣撲斜川風景依稀在誰家又管弦

送行

大道紛行客送君江上船追隨剛半載晤對定何年別我秋

方老還家月正圓人生多聚散何必重淒然

放舟玄武湖有慨前遊

朝來試泛玄武湖風起卓午神光疏一齊打槳湖中去晴雲

粘波影模糊幾家茅舍生炊煙近看蓮葉正田田水田漠漠

鷓鴣起清流曲折菱蘆纏入眼山河直無恙風景差不殊當

年當年悟叟與阿舅來游湖畔頻沾酒興闌題詩字斗大顛

顛在船杯在手歲月茫茫去惱人一時太息尤傷神悟叟物

化將半載阿舅衣流長安塵重來愁心結未消拍拍湖水嗟

無聊斯時荷香沁肝胃碧天一片蟬聲騷蟬鳴舟送紅橋東

寺門曲徑幽欄通近看荷花紅白間綠陰深處雙梧桐樓頭

起視感慨多新詩吟就空蹉跎滄桑遞變嗟無極蓮舟撐出

聞菱歌朱顏玉面歌相望相思無那藕絲長藕絲雖斷還相

續飛起鴛鴦空斷腸回船正值斜陽明臥看全湖晚景生夕

曛在樹歸鳥盡來船一值聞篙聲誰家樓閣方沈沈有人亭

立望遠心晚風吹面欣自適疏星隱約開前林順流直抵城

門路回首蒼茫無古今

下關與李六同遊有作

鮮霞一抹明天睡下關風物非昔時直上江樓飲一斗大醉

從君問所之江頭茫茫生明月波光雲物爭恢奇沿流燈火
映炫耀傾耳絃管聲酣嬉巨商大賈來暫駐道旁楊柳垂如
絲馬蹏芳草追縱綠人面桃花喚阿誰獨向江頭行斷隔
江塔火認依稀萬斛樓船沈鐵鎖江月愁人正半規魚龍寂
寞江湖冷搔首乾坤只自悲拂衣入城柳弄影清暉低照空
相思

秋興

古渡落黃葉秋聲正滿山離憂生水驛蕭瑟動江關遠道雁
已至他鄉人未還愁思忘不得爲謝髮毛斑

冬日

萬里同雲佈黃河凍幾灣山川愁故國風雪到諸蠻朝事勞

詩存上

四十一

金陵遺書
蔣氏校印

難理幽居靜自閑眼前景物美使我暫開顏

夜月

空庭入遙夜明月正當天放眼若無物掉頭空自懸一亭容
寄傲萬象各爭妍此景誰延賞無言獨撫絃

秋菊

籬落得佳趣及時開笑顏秋來無別事日醉菊花間幽景誰
能賞孤芳祇自閑蕭疏無限意門正對秋山

晚眺園中

一雁下投處秋山黃葉深蒼煙含暝色明月挂寒林獨立多
閒意無言了此心蕭疏三徑菊相對一開襟

秋日

江頭楓葉已經霜惆悵西風日正長滿目山河多變態極天
原野寫秋光懷人幾夜頻搔首歸雁一聲空斷腸白衫少年
矜物感不堪愁對此茫茫

秋晚

楓葉經霜染秋光黯幾重雲歸何處岫月在最高峯不辨翠
微色漸看暮景濃興來一何有獨立聽疏鐘

悲秋

西風吹不斷秋色滿庭柯自覺容顏瘦那堪風雨多此心如
有失滿目奈愁何終日蕭疏意都歸一嘯歌

金陵懷古

賸水殘山故國秋故宮零落只荒邱可憐王氣終銷歇幾見

詩存上

四十二

金陵遺書
蔣氏校印

降王出石頭

垂柳絲絲白下門南朝哀怨總難命臨春結綺今何處詩賦
難招狎客魂

興亡自古意難勝防亂何人揭秣陵燕子箋成朝進御江山
未造玩春燈

野火成癡翁仲離神功聖德有豐碑思量三百年前事獨考
殘碑日影移

鍾阜如屏淮水流建康終古帝王州輸他北地稱雄厚青史
遺留萬種愁

煙花幾部恨迢迢歌管魂消舊板橋舊日風流南苑杏秋菘
滿徑看抽苗

夏日閑居

時聽幽鳥哢偶讀古人書樹動影能補風來清有餘身閑長日永心靜小堂虛冥契世間味悠然見太初

秋夜月下賞菊

寒色浸天地流光驚我心君看滿籬落秋菊致幽深相對還澆酒遺榮採自簪悠然意不盡長嘯豁塵襟

秋夜園中

明月林梢出清暉萬里勻淒清見毛髮呼吸助精神宿鳥棲同葉潛魚躍似銀梧桐最蕭瑟伴我苦吟身

漫感

歌哭皆無當文章聊自娛死生難解脫身世劇艱少自問休

丁巳年三月 詩存上

四十三

金陵遺書 蔣氏校印

占卜冥行笑索塗揜關橫一卷吾道本應孤

掃墓

西風吹草見牛羊數點寒鴉拍野塘一路青楓少行迹萬山

無語斂斜陽

江城

江城誰唱踏青歌寂寞韶華付逝波行到長堤了無意亂紅如雨落花多

寄舅氏

憐君不得意况復寄長安世事升沈易人情冷熱看無多揮涕淚舉世少心肝天末相思苦應憐北地寒

嗟君常作客何日錦衣還薄宦難爲計生才空自閑關河紛

涕淚風雨念家山遠道書頻至臨風一破顏

登掃葉樓

登樓倚暮暉放眼辨依稀潭影流空碧鐘聲動翠微寒禽啄殘粒古木抱荆扉俯仰悲身世天風吹我衣

冬月十五夜望月別李六

送君頻勸酒萬里淨烽煙明月有如此爲君分外圓今宵嗟共別相見又何年客裏逢今夕此時眠未眠

秋興

秋至方蕭瑟故園菊半含素心共籬落黛色鎖煙嵐痛飲牢慙脫長吟笑傲酣蕭疏無限意幽興得從探

閒適

丁巳年三月 詩存上

四十四

金陵遺書 蔣氏校印

萬物成紛擾耽耽味道書偶懷古人意聊與世情疏滿目欣自得一心常晏如舉頭見飛鳥臨水數遊魚

曉行

朝行無礙路漫漫雁帶秋聲淚眼看星斗高懸千里動水天搖動五更殘繁霜滿地馬蹶疾積雪亂山鴉影寒曉色溟濛

何處辨東南無盡數峯攢

大觀樓曉起

眼前佳景暢余懷天地溟濛曉色開宿霧滿江渾不辨東風吹過片帆來

幾點殘星尙未收披衣直上閱江樓會看日出猶三濯不盡

波滄萬古流

曉起

涼風作秋聲不寐意何適
鷄鳴迫更殘混漢江天白
繁星千點收明月挂空碧
披衣上高樓曉色穿隙隙
放眼天地寬一洗塵凡迹

山行

一峯高出地半嶺遠含天
滿路少人迹空山多墓田
林深迷古道山色冷孤煙
得得鞭聲疾夕陽當路前
掃墓

路隨芳草盡山與墓田勻
可憐天上月長照地中人
愁合兼生死誰能悟道真
孤兒身世感俯首淚沾巾
小園即日

十一十三 詩存上

四十五

金陵叢書 蔣氏校印

閒倚孤松立小園風景妍
芙蓉紅映水楊柳碧撐天
竹亂喧嗚鳥風高送遠蟬
偶懷靜者趣無那夕陽邊

雨花臺

今古情無限登臨興若何
江山王氣盡壁壘鬼雄多
徑仄行人少林深飛鳥過
雨花誰不著禪髮幾銷磨

春怨

紅豆春來長相思寄小樓
紗窗朝雨暗繡幕晚風柔
懶照菱花瘦狂飛柳絮愁
生憎江上水不肯送行舟

端制府於後湖構陶公亭

江南名勝推玄武空付閒鷗
獨往還莽莽中原正多事
尙書漫欲擬東山

送戴叟

門外驪歌唱征帆出石頭
故交兩行淚萬里一孤舟
飄泊情何似蕭條意獨愁
計程前去路分付與沙鷗

送人

一片征帆出石頭故人別
後踏生愁孤舟今夜泊何
處楓葉蘆花古渡頭

送君自返枉生愁仰視浮
雲有去留後夜相思寄天
末江湖滿地使人愁

再寄戴少翹老人

天涯涕淚一身孤惆悵風
塵音問殊幾載相思空寂
寞半生事業總荒蕪樽前
白髮談天寶江上青山認
故廬回首不堪

十一十三 詩存上

四十六

金陵叢書 蔣氏校印

淪落感夕陽西下滿長途

小雨

深林歸鳥倦亂草小蟲吟
池水綸紋起遙山春藹生
片雲飛不定微雨下無聲
滿地苔痕滑移時天際晴

懷人

經年作客意何如望斷長
安歲月除世事艱難催短
髮天邊消息少來書功名
潦倒方嗟命老大飄零恨
有餘惆悵西風雁南至故
鄉歸計莫躊躇

有詔求山林之士喜賦

詔訪幽居士吾皇盛德無
風塵應感激恩澤及江湖
治亂關天運安危奉帝都
小臣方學仕何敢久泥塗

望明陵

勝朝遺跡那堪聞自古興衰孰解紛爲望孝陵煙樹黯遠天
低護接寒雲

十三十三

詩存上

四十七

金陵遺書
廣氏校印

平叔詩存

金陵叢書丁集之二十三

上元蔣國平

春詠

小園多逸興細認著花枝塞北春應到江南歲及時韶華開
裏度生意暗中滋傳語堤邊柳今年少別離

龍華聘騎

細馬駝春芳草肥馬蹶聲疾亂斜暉美人一笑香塵散落日

桃花紅欲飛

至蘇

相思復何限行路困舟車城郭如環繞人家多水居小樓春
色好深巷月明初爲問期期意幽情一夢餘

詩存下
金陵叢書
蔣氏校印

惠泉山歌

惠山夢想未許攀自笑足跡不得閒我來姑蘇剛十日春風
吹煖金閭間梁谿故人相招邀我當痛飲惠泉登惠山故人
遠迓舟中來相逢一笑顏爲開股動攜得惠泉酒使我痛飲
千百杯時當三月十五夜天上明月如杯圓惠山入望景殊
麗長虹臥波光景妍促坐船頭相對酌酒酣直倒舟中眠無
數青山落眼底客夢甜鴛鴦波鮮五更微風吹酒醒明月在
波揚客舫水聲微微聞轉舵水上人家露燈火復尋舊夢前
境改良久一聲聞款乃

蘇垣卽景

景物無邊說六門我來閒步至芳原居人點綴無他物牆外

桃花紅正繁

遠水平林野色昏棹聲欸乃漲無痕夕陽一騎橋頭過楊柳
人家水繞門

虎邱

煙柳垂垂晚山塘載酒游紅塵餘一劫白日幾千秋蕭寺鐘
潛動清溪水暗流山川同悵望非我獨言愁

寒山寺

寒山寺古倚江天寥落鐘聲入耳邊最是楓橋橋下水春潮
慣送往來船

遊天平山范墳

一鞭斜日落高下轉幽窅松柏排神道山靈守殯宮千秋留

詩存下
金陵叢書
蔣氏校印

正氣萬古想高風私幸游蹤至低徊感想通

萬笏森羅列羣山接九霄青楓崖石護白日鬼神朝仁厚天
心動乾坤正氣昭至今留勝迹猶自說漁樵

虎邱卽事

鄉國頻回首煙波愁我心江山勢想象絲竹復登臨山色青
相接湖光綠自沈更尋幽跡去斜月出平林

登北寺塔

登高凝絕頂放眼自生愁野闊羣山湧天高萬瓦浮三吳景
殊麗百代迹空留四顧得全郡孤身涉九州荒原寒霧動斜

日大川流家國同飄絮乾坤一幻漚憑臨成感慨懷古笑何

游塔頂風鈴語幽情暗自求

登靈巖山訪館娃宮

館娃遺跡訪坡陀絕代春風憶昔蘿花草吳宮空悵往予懷

渺渺寄煙波

鄧尉山中步太湖濱

薜蘿紛在眼逸興不能忘萬樹明香雪三春乳众芳山風吹

野色漁舍點晴光林壑觀尤美徘徊意正長

山路行已盡太湖尊滑肥沙乾泥蚌露湖定水禽稀橋樹千

頭合雲帆六面飛坐看明月上照得一僧歸

靈崖

登降似飛仙低頭幾點煙千峯迴白日萬綠撼青天古木相

敲伏平岡有斷連乘風懷壯志欲上太湖船

丁二十三

詩存下

三

金陵叢書
蔣氏校印

哭某

忽視南來信驚心拭淚痕生離猶入夢死別更銷魂遺世成

長往空言未報恩遙憐歸里日只少一人存

客中折來家園牡丹

細認無雙豔天香未有遮翻愁春事去得玩故園花淨白烘

新雪鮮紅著斷霞嫩枝春色好喜氣動天涯

旅夜獨坐

行役飽風霜春愁憶短長烽煙驚海甸風雨暗他鄉芳草無

南北生涯付渺茫挑燈閒起坐不寐此何方

夜月記遊

微雲淡河漢明月照江城漁火街村暗蛙聲咽水清看煙

影飛遙指斗杓橫更望天南路溟濛煙霧生

客中口占

生意驚芳草春心寄杜鵑離家纔半月作客已如年大道初

攀柳青樓又促絃遙憐風雨夕旅館驚愁眠

吳門舟中

燈火吳門泛權遲平湖風景夜相宜美人伴我春波上月滿

船頭私語時

微風吹動碧玻璃楊柳梢頭露酒旗魚跳滄波驚夢覺大堤

殘月上荒祠

吳越倦游返館

去後梧桐長無人庭院寒親朋來問訊弟妹喜相看為客風

丁二十三

詩存下

四

金陵叢書
蔣氏校印

塵苦還家夢寐安呼僮沽濁酒竟夕且尋懽

天意

天意猶難度嗟余生不辰青衫餘涕淚白眼向風塵憤至焉

投足憂來多此身湘流懷楚屈並世得何人

夏日雨霽

放眼階除淨蒼茫暮靄重日斜明遠水雨止定中峯蟬響因

風斷蛩鳴出土鬆晚涼信幽賞何處聽疏鐘

夏日

午倦拋書起日長似小年菡花定際碎蓮葉靜中園屋矮收

殘暑庭空壓野煙團團新月上作態意娟娟

中秋偶咏

野色昏黃淡暮煙天時人事劇堪憐一年真有中秋好三載未看明月圓大地商聲催落日長江雨氣逼高天依稀佳節匆匆過獨酌寒杯到醉眠

過故宅

焜族于斯久重來感故居古牆迷野竹老樹壓庭蔬城郭正風雨芸編飽蠶魚楹書供世守指點意何如

再咏二絕

遺跡猶堪說先人故宅殘殷勤謝庭樹留與後人看門正對荒城時看狐鼠驚秋墳多鬼唱來伴讀書聲

夜訪西來上人

三人躑躅踏星斗廟宇依稀屋尙新昨日書來曾有約今教

門外叩時頻問諸鄰右知何往云到城南訪故人獨起登階

看天氣一龕殘火照龍神

佛生日

萬法無邊洞死生一時頂禮竭精誠大千世界逢此日十方草木皆有情眾生自墮修行法我佛普渡志願呈靜讀楞嚴

聞妙義身心如覺琉璃明

送馬二至鄂

憶君長沙至我適吳中歸一別已數載晤言喜可知君問征途苦我道長相思忽憶少小事韶光成倏忽參商遙相望會合殊難說況我與子情兩心指明月方期長相晤留待春草長長揖向我辭云欲去武昌令我聞此言涕淚沾衣裳人生

不相見相見何倉皇可憐道旁柳折斷古離別安知復合時爾我不華髮勸君一杯酒明日兩愁絕驪歌動地愁一夜孤帆發

西方美人

我聞西方多美人于今始信圖者真繡袂羅襦不動塵秀骨孀孀稱身花冠簇簇金絲勻蔚藍之晴澄遠神裝成一笑天爲春有意無意多深情海天漠漠聆遠音我欲從之海水深東方之美愁病侵久辭一笑輸千金吁嗟乎凝土亦恐難成型安許娥眉門尹邢

義婦行

培塿有松柏寸草抱冬心古昔有義婦常恨少繼音無錫口

氏婦宜家有令德與郎恩情深端不在顏色仰視高飛鳥大

小必比翼俯視池中魚比目相游弋劇憐秋風起夫病痛不

起可憐古井波良時謝桃李妾心不可移妾甘爲情死芙蓉

製有片未飲先淚垂不辭心膽碎地下驅狐狸郎君方殫殍

亦妾斷腸時一髮陳雙棺鄰里爲銜悲何以詔世人刻石爲

豐碑

懷陸椿生夫子

五年餘涕淚三載念春風墟墓丹楓暗精靈白日通老親猶健在文字嘆終窮每爲寢門慟遺思想像中天道與誰倫遺編匿尙存春秋懷舊業啟發念深恩名世文章在高標氣骨尊梅花清夢杳明月返吟魂

秋思

洞庭木葉下秋色萬家聲天地山河老吾人身世輕烽煙盤
古道刀斗起層城欲上荒原望茫茫雞鶩爭
乾坤一揮淚身世入秋深放眼增悲淚低頭兀似堵礮聲潛
碎夢燈影自驚心起看殘星斗溪邊幾點沈
月當頭懷陸榕生師
黯然長逝近五載忽地梅花又一年垂老衰親徒有淚克家
令子尙稱賢末流風尙不如古篋內文章孰與傳我獨舉頭
長太息月華故故照人圓
對月

微風吹樹杪明月到中天大地商聲緊乾坤沍氣纏生涯零

丁二十三

詩存下

七

金陵遺書
蘇氏校印

落盡壯志慰何年相對無窮意看看幾度圓

感時

夜深風雨幾勝愁忽憶朝廷雙淚流歲歲頓教千里洗幾人
歌哭重煩憂高天鴻雁秋心老困水魚龍氣更遒聞道胡煙
關外熾幾回北望怕登樓

男兒

男兒好身手報國赴邊城自仗英雄氣猶聞寶劍鳴豪情奪
餘子亂世謝儒生今日方多事何人欲請纓

友人惠物誌謝

紅茶能去溼木瓜香正酣寄書到江左土物識湖南風雪憐
相憶關河路已諳遙聞開歲至冰判得清談

欲雪是日天雨黃沙

釀雪天猶暖寒梅正著花朔風吹敗箒白日暈飛沙蟄處愁
飢鼠盤雲鼓亂鴉圍爐悵相憶大道少行車

冬夜

寒月冷如九重關最苦寒霜嚴催地凍風緊掠雲殘短燭照
毛髮潤醜森肺疥頻溫爐火活無礙夜漫漫

感事二首

太平甯有待草野泣孤臣魏闕空懸望關河失要津邑存興
廢迹身作亂離人叔世知何濟全身事老親

列強圖內地萬馬入中原宿將多零落吾儕負國恩風煙猶
瀕洞搖落信乾坤獨處愁無極襟常漬淚痕

送人

君向長安去江南未可居連朝風雨夕一紙別離書後會期
冬盡征途逼夏初浮雲表天末何日寄雙魚

風塵餘滿目身世寄扁舟四海誰青眼天涯獨白頭功名半
成夢客況一生愁嘆息嗟孤注江聲無限流

渡江步殘壘

昔人留勝迹把權望晴空舟楫長江利山川故國雄雙鳧沈
落日萬馬立西風放眼無南北豪情欲論功

渡江登韓信將臺

直上荒臺倦眼開片帆一翦渡江來千年大陸含兵氣一代
中原少將才湖海孤身容寄足風雲萬里湧寒堆漫矜考據

中原少將才湖海孤身容寄足風雲萬里湧寒堆漫矜考據

直上荒臺倦眼開片帆一翦渡江來千年大陸含兵氣一代
中原少將才湖海孤身容寄足風雲萬里湧寒堆漫矜考據

丁二十三

詩存下

八

金陵遺書
蘇氏校印

窮道跡每爲登臨首重回

歲暮

已看歲暮祭殘詩忽憶往時雙淚垂自古華夷嚴大界殊方
蒸庶苦寒飢眼中歲月成虛擲斷關山數別離風雪瀟瀟
天氣黑夜來寶劍作聲悲

余生十八年矣所學無成所願未償感憤有作

眼前雞鶩方爭食意外蛟龍未得雲士貴立身期不朽應教

德澤被人羣

得戴少翹老友書

乍喜尺書至還憐情久違憐他孤館客臥病泣牛衣

哭老友戴少翹并序

丁三十三
詩存下

九

金陵叢書
蔣氏校印

公與余相識且三年每當酒酣耳熱述其生平預髮逆戰
爭事風起雲湧正士大夫立功名之時也公參鮑超軍幕
親歷大小戰將士夾道送迎軍書捷表多出公手其意氣
固已豪矣轉徙京師遭庚子變費財蕩然客寓十數年近
世風俗不古人心愈薄親道光間猶治世也士固以獨行
其志求表于後世不若後生小子濫竽仕途求合時宜公
介乎其間安能有合去年別去今年病遂死金陵余助之
葬其病終病始余舊僕曾料理之同鄉諸君未過問也嗚
乎世之英才俊士身後固如此耳半塋塵埋斯人長逝夜
臺風雨何處家鄉凡我同類能不傷心哀哉
自古文人命沈淪絕可悲當公得意日遭世用兵時髮逆方

滋蔓中原孰主持分憂諸將帥仗義幾男兒上將求賢佐英

才效節麾參懷軍府事高舉帝廷知小醜焉能久長驅遂不

支浮沈仍捨去慷慨遂流離冰炭原相反方圓豈中規豪情

傳海上落拓到京師歷劫黃金盡來南白髮垂平生饒折閱

餘力付詩詞十載江甯客孤燈旅舍炊牢愁因老病痛哭付

庸醫半榻懶懶久三春暗暗移膏肓終瘵治龜筮果難窺訣

別書猶在神交閉忍辭五更魂獨渺遙夜雨成絲身死還家

遠才窮嘆數奇誰來城外墓憑弔涕漣漣

次日又作

居然一別死生分紅淚青山哭此君誰識西江賈太守月明

三尺照新墳

丁三十三
詩存下

金陵叢書
蔣氏校印

久雨

密雨連朝冷翠微久荒三徑客來稀重簾卷起西窗望雨氣

沈山白鳥飛

觀中興諸名人軍中劄子

濟濟羣英起荷戈中興儒將數曾羅元瑜書記陳琳筆天果

生才得幾多

謁馮蒿菴中丞

丰采總含春憂勞識盡臣殷勤懷舊意珍重救時身民瘼繁

懷抱儒宗得大瀆因憐鈴閣下流涕感先人

暮春

春事闌珊後花飛有碧桃晴空飛鳥下地淺苔魚逸曲沼碧

波活小園綠蔭高連朝生意退獨對酌松醪

夏晚登臺

登高望明月飛動入雲中潭影波光湧庭除露氣濛科頭閒
弄笛轉面且當風宇宙方多事無聞願半聾

水

一雨天如漏東南盡水田浸淫成澤國流涕過荒年倉廩空
陳粟津亭望米船哀鴻方在渚民命總淒然

哭戴叟少翹

猶憐窮燭作深談白髮蕭條世味諳恨我不能開廣廈憐君
客死在江南平生零落餘詩卷垂死殷勤囑再三底事文人

多薄命一椽風雨泣茅菴

丁二十三
詩存下

十一

金陵叢書
謝氏校印

吉林火

祝融方稅駕一火不容情灰燼餘官道呼號動庶氓羣僚荒
聽政民命遂相輕元氣何年復徑營待考成

今年

凶吉心難必災祥見豈訛今年家國事只恐哭聲多

國學

國學嗟凋敝歐風愈發明百科皆進化萬派起爭衡勵志須
勤力精研庶有成暖妹思上達閉戶繼寒黎

夏夜偶占

萬籟鳴何處明明月滿庭星疏銀漢白露重晚煙青涼意侵
文簾秋光冷畫屏臥看斗柄轉且莫捉流螢

辛亥夏日紀事

今年春夏雨不止災成溼沒皆縣城南風鼓波日杲杲上蒸
下溼無聊生狐兔竄野焉覓食魚龍挾浪奔波行庭前樹檣
紛脫葉街頭士女褰裳涉洪流瀕洞無津涯照眼寒峯萬重
疊斜陽黯淡廬舍沈水鳥淒鳴為震懼夜來透骨風冷然雷
霆迅發聞遠天忽然一擊老蛟死屋角亂溜如噴泉大聲隆
隆悚遠近游魚浮藻堆堂前江湖應期漲子午傾耳聽外奔
百堵高樓華屋無足慮痛茲小民千萬戶吁嗟乎災成未聞
有責躬空教黎庶成沙蟲大官棄置不過問道旁白骨悲西
風

獨坐覃思

丁二十三
詩存下

十二

金陵叢書
謝氏校印

獨坐觀大道大道冥相契嚴守理欲界勃勃養生意飛鳥與
與潛魚忘機不與避萬物雖擾擾力戰方寸地動靜明自然
遁世方無悶世衰聖人隱立言殊詭詭平揖秦東西諸儒尙
可祀孔佛道自尊傑出無餘子誰能任道席冥契大同旨關
里久寂寞祇道失妙理哲人久不作百世孰可俟

夜聞風雨

虛窗風雨夕愁思苦交榮腸斷關山客心驚長短更秋高天
氣肅入夜候蟲鳴鬱鬱一身事功名兩未成

秋日

清風吹高閣氣爽倚危闌宿雨洗天淨新晴近曉寒秋光著
花石古色入峯巒為問東鄰叟菊英繁未繁

中秋有作時避水寓外家

中秋入遙夜愁思忽然生彩雲何綺麗萬里無邊明四顧極
清曠獨雁排高城三巴空有淚天下齊吞聲念我殊寂寞有
志苦未伸長空具皎皎吐納氣候新月中桂子落煙雲紛無
垠默觀宇內人苦樂殊不均豁然獨開朗語默徒傷神
放歌

天時人事不可知大厦一木焉能支哀哉立國數千載聽人
宰割甘無辭痛茲大勢亦已去他人政教競設施吾邦沈沈
方未醒眼與萬國相背馳內憂外患不可說一朝潰裂將無
遺年來百政待大舉大率掩飾徒自欺生財有道聽廢置尙
武未聞勤練師試思來日誠大難猶聞歌舞飾盛時江淮頻

丁巳十三

詩存下

十三

金陵雜書
謝氏校印

年苦水旱小民生命僅一絲嗚呼眼前糜爛竟如此使我涕
淚方交頤

閒眺

孤村茅舍指依稀獨眺寒山心意遠秋水長天青未了斜陽
一角雁低飛

詠事

束手不甘待屠割死灰復然成隙末霹靂勿聞起南粵有人
奮起忍排突新軍坐嫌不敢動白日街頭推白骨眼前壓制
勢益烈緹騎捉人發巢穴大官倉皇強鎮定閉城三日洗刀

血

夜吟

異鳥格疎鳴怪音街頭夜氣方沈沈水深樹亞壓秋屋燈影
逼黑星斗綠小兒啞啞嗚不已蟋蟀無聲咽露死家人生計
疾病懲百錢難買米一升飢寒生死忍須臾村中倒斃皆壯
夫國家心驚運兵力坐待窮民自相食
水漲

東風吹落江頭月傾耳秋潮滾滾入殘星欲落尙未收庭宇
漂搖嗟赤立四郡紛紛皆如此災成里巷空如洗糧船無數
不得至艱難始貴一粒米試登高閣望江天傷心最是公私
田日光射波白愈遠楓葉滿江紅可憐良疇沃野供民啣一
年勸力徒經營眾人資生恃農畝眼看淹沒無收成天地慘
淡水雲簇到處屍流餓食啄展轉生存能幾人臨死不能顧

丁巳十三

詩存下

十四

金陵雜書
謝氏校印

骨肉原野蕭蕭大聲起受禍同時聞痛哭一二善士起維持
餅餌聊充一日飢西鄰仗義重人道立捐百萬風氣靡不然
坐視不能救會看黎庶無子遺我亦欲竭所有供倉庾不足
救災滿百戶又欲上書陳當道拔置流亡實邊土設不教策
出安全小民殆將無立所我歌我哭徒泣然庭中積水光連
天吁嗟乎達官豪族不介意日高三丈猶酣眠
兵入川

黑雲壓天城欲摧巫山半壁驚崩墮斷崖瀕洞豺虎死煙雲
草木閑劫灰嶼巖峭谷道不平鳥道夜渡一萬兵轉疑鼓角
從天降可憐畫閉成都城呼號一片冤憤結火光熊能爭吐
舌雞犬惶惶擾萬家殺人如麻金鐵缺蜀人自古善閉關民

氣聚結能移山地勢雄固足自守一朝勃發難轉圜遂使朝廷法不立戕官未得誅凶頑天下戴德方持久何來秀言倡國有彼哉一言足喪邦小民痛心爭疾首眼前執政愈蜀仇四省一致森戈矛父兄僕射今不作軍心一潰難爲收杜鵑花發股如血子規嗚破曉門月尙書深入不得歸血染朝衣爭頃刻黃昏殺氣四野垂欲問消息無人知念余一夕醉夢裏正是三川痛苦時

卓吾將去保定爲別

臨去依依夕照前不堪回首重淒然故園良會成千里送客秋風又二年南北關河多舊雨音書日夜盼霜天他時獨酌孤燈裏觸處懷人若箇邊

曝書

從古文章誤士人要須憂道毋憂貧插架羅列古書籍鮮從糟粕探其醇幸哉秦火只一舉汗牛充棟光日新我朝文化最久遠四庫測海千秋春詔書入世徵秘籍仕宦競博藏書名家藏萬卷板屋中一朝整頓披天風著者無數嘔心血如雷霆擊鷲凡聾堂堂歲月如擲梭子弟不學奈書何清濁雖判質各異良才休更成蹉跎案螢乾死塵積寸舊者搖喙新學他方今西學雖環奇國學卓絕孰徧窺眼看萬鈞繫一髮士夫幸轉風氣移

七夕詞

秋光耿耿銀屏清彩雲漸漸夜有聲閨人不寐支頤坐白露

詩存下

十三

金陵叢書
蔣氏校印

冷冷遠恨生絡緯暗自嗚金井青天不斷綺麗情年年七夕銷魂夜底事銀河微曉明

夜行道中

我欲占天象心驚劫運成家荒一螢出月踏翠星明大道迷無向寒流咽有聲生憎羣動亟猶未息營營

送陸二至采石

采石磯邊去揚帆一夜開登樓今古思痛飲百千杯白也名長在憑君醉幾回山川兼逸興遙識賦詩才

國運

國運誰能挽蒼生奈若何暴征威愈重反抗力尤多壯志空投筆危時欲瘦戈如今東省地不是舊經過

李君卓吾赴保定陸軍中學歌以送之

天下滔滔不可止碧眼紫髯心不死李生鞍馬賦北征會見悲歌飲燕市獨憐今夕明月明執手河梁慘別情縱談相與吐肝膽士貴自立垂英聲勸君痛飲一杯酒目擊乾坤且分割風塵莽莽日萬變定有英雄寄屠狗舊門夕照飛鳥還軍中嗚咽鳴刀銀北風壁立吹陰山黃河一線流其間卻似爲君洗憔悴之容顏居庸關外秋蒼然失羣一雁下九天憑君流覽古山川直上長城看月圓山川形勢雄兩界此遊真足駭凡猥異時驥足一飛騰俯視齊州小於芥我獨久居不得出門外烽煙盤大陸獨上危樓一竹然水氣茫茫壓茅屋屈生厭世果何爲我遇其人將責之時危事變爭袖手坐使神

詩存下

十六

金陵叢書
蔣氏校印

州竟付誰感君卓犖歷債輩臨岐珍重交相慰他年隻手扶
殺輸一吐胸中不平氣

卓吾臨行復來別口占一絕

江南人物銷沈久北去山川入眼新執手一番珍重罷看君
報國立功名

過戴少翹先生墓

先生遺墓在感慨過茲邱斜日諸峯淡長江遠樹浮飛塵生
馬足獨鳥下牛頭杯酒誰頻奠人生有去留

立秋後三日夜中大風雨口占一律

夜靜樹蕭蕭西風挾勢驕空城來急雨極浦走秋潮家園憂
難弭餘生自解嘲空房愁不寐心折是明朝

丁二十三

詩存下

一七

金陵集書
蔣氏校印

秋興

孤燈欲滅沈窗雨寒漏催殘曉未明歌哭人天成恨事江山
日夜作秋聲不才漫更差餘子大力誰能拯眾生目觀風雲
多戰戰中原敢道鮮知兵

登樓

大道西風草木腥鄉關極目望朝廷三千里內多飢溺十八
年間忽醉醒積水橫流乘畫白秋山數疊出城青樓頭形勢
仍飛動心折鯢魚落北溟

三叔父逝後姬人洪氏隨殉

四野紛戎馬全貞竟自摧青樓原不薄紅粉已成灰獨雁叫
羣苦清淚嗚影哀倉皇封樹去花發墓門梅

難作送外王母至蘇

回首家山落照中故園寥落更秋風頻年憂患孤身在大地
流離一夕同進退何由避豺虎爪爪聊復問蛟龍西來鼓角
妖氛動成敗須臾鬼亦雄

至申書懷

危樓高百尺獨倚悵相思商戰多新器民權盛此時風雲擾
江海政教混華夷聞道北征信秋來益可悲

偶作

未作驚人事偏多棄世思江山慨身世天地映雙眉防潰誰
能遏兵凶戰更危人心方樂禍成敗孰能期

眺黃浦

丁二十三

詩存下

十八

金陵集書
蔣氏校印

江盡天浮海橫流正可驚乾坤任磅礴大造重經營夷夏嚴
分界舟車一任行歐風將撼我急起莫吞聲

慨占

猶憐故國慘吟魂覆雨翻雲說暫存發難何人須審慎不堪
摧落到乾坤

樓居

眾人處卑濁而我自高寒履地同不覺立身良獨難眼前慨
紛擾意外得悲觀自好誰能識泥塗步未安

寓感

多事說神州干戈未始休賢愚同歷劫頭沛重離愁白日黯
無色黃河逆不流何時歸里舍一爲稻粱謀

悲秋與蘇盒同作

行李倉皇出北門大堤煙起萬家昏芙蓉秋老垂垂碎楊柳
情多孀婦淚楓葉新紅人影瘦蘆花殘白雁聲吞風雲擾擾
中原夢異地招來楚客魂

重至金閭感慨生道旁木亦夏秋聲英雄自喜見亂世山水
樂遊于太平夜靜笙歌開別室天明襍被出孤城去年盡室
探春興我馬重來涕泗橫

秋潮百折打空城流盡人間嗚咽情一髮中原齊痛哭孤軍
入夜且長征河山早合成南北骨肉還能聚弟兄屈指天涯
數知己青衫憔悴百憂并

人生如蛹若不脫恍似浮螺空自沈明月光涼隨夢遠孤燈

二十二
詩存下

二九

金陵遺書
蔣氏校印

歲冷逼秋深當杯抑鬱誰堪語仗劍低昂自起吟況是天涯
淪落裏美人何處贈南金

今年災禍苦相償心折關河恨也長故國度劉痛人物江南
凋敝又洪楊雁來塞北邊聲勁秋到鍾山伯氣亡一種余懷
殊渺渺春申浦上過重陽

周易微言稱革命公羊學說自誰申但期禹域無殘缺猶冀
周邦改作新遺世不辭滄海畔招魂紫弔大江濱心期國士
齊心力碩果他時好種因

大好江山萬里秋健兒鞭撻此神州西風斷雁鳴空急大壑
潛龍啟蟄愁幾許吞聲傳北地無端歌哭向南樓已聞兵馬
黃河去好向鄉關認舊邱

蒼天有意禍斯民世難年荒寄此身城社干戈空洒涕匹夫
肝膽用成仁窮時意氣休頹放勉爾行藏倚蓀真局勢紛紛
天象惡中原莽莽起風塵

骨肉危城有寄身問關四散總含辛肯空咄咄成顛癩白日
昭昭泣鬼神風湧雲屯征戰急星疏月淡道塗真乾坤生意
悲搖落身已無家強慰人

故園叢菊半開成拋撇秋光逕獨行積悶每從文字洩交情
惟有寶刀橫江郎才調情應減庚信鄉關竟未平境遇不同
殊冷熱漫虛前席說蒼生

後悲秋 缺三

半壁東南士氣和個強老將尙橫戈亂山落木鴉聲苦秋雨

二十二
詩存下

二十

金陵遺書
蔣氏校印

平原鬼哭多傳檄諸軍齊白下幾人匹馬渡黃河風塵瀕洞
無消息重唱銷魂易水歌

回首京師黯慘神雙魚望斷幾經旬平生飄泊無長物亂世
艱難尙潔身恆幹已辭何所適問居亦得莫辭貧關河料量
歸裝恐莫使倚閭望老親

朝來憶舊正多端客至倉皇淚不乾故里尺書催緊急殊方
短燭語辛酸交情生死應同見世亂提攜有大難來日茫茫
誰料得江山無限共憑欄

中原擾亂正紛紛荆地棘天一遇君未得此心同木石願教
無識廢聲聞高秋俊鷲愁平野大澤乖龍竟得雲滄海橫流
正無極旅居常日百憂焚

消息茫茫苦未真
音塵遙隔淚沾巾
亂離始覺無生趣
方寸猶能養古春
辨命班生留姓字
憐王楚客識君臣
他時舉室歸鄉里
家祭生存有幾人

元旦憶友

米生好男兒
端不負交期
君性多剛直
人情貴委蛇
相思大江隔
心事獨余知
敦勉無他語
行行慎路歧

我思馬二久不覺
淚沾襟風義三生重
交情兩地深
世人堪白眼
夙諾薄黃金
記取江頭別
相期莫逆心

元夕有作

此夜忽微暖
方知氣候移
曾陰作殘雨
生意漾平池
歲月猶多故
朝廷應有爲
吾今望諸吏
先賑下民饑

詩存下

十一

金波書
附氏校印

立春

微雨初潤物
東風暗鼓春
中興望明主
盡力賴宗臣
盜寇方爲亂
公卿未患貧
聊憑雙倦眼
早晚看更新

登掃葉樓時雨乍晴

萬瓦煙浮動
遙山水葉殘
溼雲障殘日
微雨勒餘寒
形勢猶心壯
登臨倦眼看
樓頭祝豐歲
爲念小民歎

至燕子磯並遊三台洞

形勢稱天險
江流幾派分
雄關臨古道
極浦指飛雲
洞他中懸肺山
疏外露筋迷
離春氣換大野
事耕耘

咏感

春雷振萌動
憤發貴乘時
虎視空萬國
龍興在一時
中朝宜

撥亂良相孰扶危
仰屋休嗟嘆
應謀塞漏卮

新春

一春新雨足
萬物荷天恩
古樹褪蒼色
遠山橫秀痕
流鶯出幽谷
歸馬踏平原
牆外誰家院
時聞歌吹繁

聞報

聞報衝冠起
憂來無淚揮
羣夷爭啟釁
四海欲安歸
傳檄軍情急
持籌國事非
朝餐難下咽
太息此心違

登樓

月落數峰間
風帆自往還
憑欄試指點
一一好江山

片馬

近徵猶吾土
潛師孰敢窺
籬籬多不固
樽俎復何爲
爲國老仍

詩存下

十一

金波書
附氏校印

紆策行人又失辭
交鄰知有道
絕物古興悲

憂時

書生憂國原非分
斫地呼天昧所之
北地蒼鷹愁往讖
東邊戰馬失雄師
心傷王事方多難
忍令中原屬外彝
老我愁腸長日永
仰今時勢太離奇

太息

誤國誰專政
憂時待上書
奇災傳鼠疫
大漢苦鳩居
民命誰登席
官邪似養疽
一時徒太息
吾欲覓長沮

一陽

一陽觸機動
百卉自紛繁
花影禽樓動
蜂聲草礙喧
勞生窮物態
春色悅心魂
遙憶城南路
年年踏有痕

生意

試向平原立歸雲帶雨陰堪憐是生意寸綠養春心

堤上偶得

平蕪漠漠曉煙蒼萬縷千絲拂玉塘曉鳥聲聲催夢醒春魂

一片護垂楊

于歸

宗室舍閨女子歸禮數殊趨庭鳴佩玉照乘有明珠畫戟森

兵衛宮妝出麗姝方憂匱幣薄國計緩須臾

送楊五去南京

壽州歸省便負笈往京師春水增南北桃花笑別離振家借

後求學報明時世路艱艱甚長途一慎之

詩存下

二十三

金陵書畫
蔣氏校印

春日感懷

惆悵江南客花開憶去年東風催似箭春雨淡于煙地燧知

多少財輸又萬千應憐生亂世家國本牽纏

從戎

遼東事愈急王事孰辭勞虜騎黃昏立將軍黑夜逃彎弓看

日落怒馬聽風號拍案驚奇變橫刀氣尚豪

憤世

正覺餘寒重連陰愁事生百年成急劫一日喜新晴漫倚和

戎策頻看城下盟救亡宜早計君相尙持平

憶西湖

東風吹起遨遊興憶在杭州最快時百里牢籠皆入畫一年

景物最難詩孤生會得山林意故國猶聞鼓角悲且計西湖

卜居處定香橋北正相宜

偶占

生人煩惱類遺籍息我無時歲月淹不識江南春似海萬花

叢裏讀楞嚴

春詠

雨過新苔上風吹弱柳斜紗窗春欲晚妒殺隔簾花

細雨連朝春色差乍晴天氣日光華輕風吹過香無著一半

纔開木筆花

春郊試馬

遙指吟鞭白下門良時馳騁燕飛翻春回塞北平原潤草綠

詩存下

二十四

金陵書畫
蔣氏校印

江南大道繁垂柳絲絲低弄影天桃灼灼暗銷魂笑余一騎

匆匆去夕照西偏覓展痕

即景

楊柳坡塘好家家養鴨兒雙雙泛波去春意頗隨之

蘇州雜詩

兩堤楊柳競年芳何處風來雜卉香最是暮春天氣好鶯聲

鶉軋到山塘

春暖衣裳著體輕馬蹏人影最關情斜陽一片闌門路隱約

垂楊拍板聲

弔古空悲千古跡看花消得一春愁風光省識年年慣遊得

船娘到虎邱

閣子沈沈鳥語新山塘兩岸最宜春劇憐曲曲姑蘇水一任
柔情比美人

溪聲嗚咽夜鳥飛走馬山塘芳草肥一代興亡誰管得遊人
爭折野花歸

千秋何處泣秋風數騎來遊夕照中一種消魂空想像山僧
指點館娃宮

絕世年華似水流莫教輕薄最含羞憑欄有底關心事風起
楊花撲滿樓

春色撩人駿馬駢香車來往過平橋東風吹偏閨門柳贏得
吳娃鬥舞腰

含情何處喚真真醉裏依稀見美人未到樽前先一笑月明
樓上十分春

游西園
偶然泛河曲乘興遊西園柳葉穿長巷桃花抱一村樓臺低

白日歌吹拂黃昏絕憶相逢處香車路有痕

清明寒食皆雨
依然風雨逐平生三月鶯花夢不成河北萬家愁歡歲江南

二月怯新晴神州兵氣星昏見絕漠邊聲角夜鳴回首情懷
忘不得春申浦上一清明

述夢
漫說神仙事太夸幾人絕粒慣餐霞夜深大地多奇景走月

行雲夢萬家

即景

隔岸桃花映野田春蒸芳草綠無邊鄉村風景殊幽絕水漲
平橋不過船

清明
斜風細雨溼芒屨爲愛春光友共偕原草離離何處望孝陵

深被亂雲埋
驟雨
驟雨河魚落天開潦積庭亂雲堆幾疊劃出半邊青

十五夜散步至復成橋
雅步將何適幽情靜夜知橋空舟泊定磯斷水流敲野闌煙

猶聚雲遮月亦運欣然小立處光景劇清奇

暮春
晴光荏苒徧天涯草長鶯飛閱歲華獨坐午時人意倦小窗

風滿入楊花
攜幼弟遊胡氏園時桃花盛開映水尤佳

數枝低映水隔岸拂紅雲石閣晴光放山城野色分名園自

蕭灑春氣日氤氳少婦風流甚穿花拂翠鬅

有憶
美人芳訊不堪探我欲言情只自參斷兩殘雲歸院北落花

流水夢江南寒齋幽緒抽千萬故國春愁憶再三欲解平生
珍重意洞庭手擘合歡柑

一星

廣場有淚溼春衫情到深時自不凡夜氣滿街人盡散風微
天黑一星嵌

夜間有感

殺賊從戎病未能窮居生意似枯藤吟魂自定高樓月春夢
無痕半夜燈世事即今趨愈下太平有望漸難憑關心家園
身爲累久羨名山古寺僧

憶前游

鴻雪留蹤記未訛回思遊跡半蹉跎吳山越水今千里無奈
依稀入夢多

滿園

滿園蕭索好花稀庭內仍看樹樹肥半月辛勤成夏至一年

丁巳三月
詩存下

二二七

金陵叢書
蔣氏校印

容易謝春歸浮生自笑如萍寄舊夢依稀化蝶飛撫鏡慨然

思作健也堪馬上著戎衣

憶姑蘇

舊游回首總依依春至無聊願久違遙憶金閨舊門巷簾前

應有燕雙飛

陽春

門外香車輦玉塵天涯著處暗傷神每逢景物開雙眼愛逐
風光老一身楊柳依依臨大道桃花片片謝殘春連朝風雨
淒涼甚難遣閒愁夢遠人

園中茶花紅豔動人

看處真疑染赤霞根低葉老一枝斜劇憐珍重深紅色恰好

開成五朶花

十七夜月

清輝無力當空起風緊天高晚吹寒只恐夜深有風雨含情
猶作十分看

一怒

一怒安天下天威靖遠氛詔書來內地感涕動諸軍教戰知
無敵窮兵始自焚所嗟吾不武國難正紛紜

感事

四方災畢見獨處禍機生天道已如此人心望太平廟堂頻
失算草野只吞聲北望頻搔首烽煙入夢驚

內廷

丁巳三月
詩存下

二二八

金陵叢書
蔣氏校印

內廷何處喚笙歌時正艱危奈爾何擊柝誰能盟白水投鞭

人欲渡黃河驚心浩劫天如醉觸目危機日正多零落故宮

禾黍徧夕陽影裏感銅駝

諸王

貴冑春明白日間朝端多事暫開顏淋漓粉墨一回顧傾倒

梨園供奉班

一擊

竟看一擊若深仇消息驚傳徧九州眼見中朝貽黨禍心驚
異說正橫流當塗荆棘妨礙官海風波未少休刺客不應

廣作傳殺機一發恐難收

江淮饑

赤地成千里江淮戶口殘哭聲上雲表吹不到長安

張氏韜樓

主人頗好道潭蛻亦鴻冥竹密纒通徑松多響送庭夕陽映
山紫暮靄入樓青肥遁堪遺世幽居得暫停

新晴

風雨新晴理舊書滿庭苔色映吾廬今年春事多蕭瑟留得
餘寒逼夏初

市上遇雨

日暗大功坊遙空飛鳥藏疾風吹板屋驟雨漫官塘激電猶
雙曜驚雷動四方移時天忽霽行道覺微涼

感事

世變知何極堤防決可驚陰圖傾奧微大索擾燕京蔓衍今
難治株連獄已成紛乘憂患至尸位到公卿

卽事

韶光難久駐無語送殘春愁思天邊落幽情夢裏真無才忝
身世有淚報君親近得京中信傳來暗慘神

三日苦雨

連陰憂更絕無意撫庭柯芍藥紅看褪芭蕉綠更多雲垂裏
殘雨帆重載高河遙憶江湖客應愁理釣蓑

喜晴

炎風送殘雨啼髮近朝陽半月人如醉一晴花便香新紅映
西塢嫩綠傍東牆院北流民集租船好運糧

詩存下

二十九

金陵雜書
張氏校印

自閩門舟行見夾岸諸山口占一絕

心醉金閩爛漫天游春人似地行仙更看載得吳娃好一路
看山坐畫船

舟行至上方山

此去逢山住舟行拂柳條林陰夾澗曲春影活流躡漁舍穿
低岸人煙過板橋上方看欲近佳景似相饒

晚泊橫塘

遊倦船行緩風吹兩岸香斜陽仍舊路一夜泊橫塘小市繁
星合煙波曉夢涼醒來人語靜乾鵲噪危檣

遠泛乘春水憑高倚暮寒昏黃接雲日一碧走峰巒天闕禽
聲小湖沈帆影攢茲遊稱快事直作畫圖看

詩存下

三十

金陵雜書
張氏校印

石湖獨眺

野鳥衝煙入綠蕪水田風起足菰蘆小橋間立看山色斜日
輕柳下石湖

曉泊木瀆

櫓聲隱約水無痕枕上遙知過幾村花影迷離亭館哨扁舟
曉泊正當門

嚴園舊靈巖山館也

布置天然是此園滿天花氣待黃昏禽聲在樹晴逾碎山色
入樓春更繁溪水半篙臨小市遊人一櫂倚斜門他年賦得

閒居好子美滄浪興尙存

靈巖山寺

萬頃滄波動吳山第一峯舉頭成笑傲寓目託孤蹤僧野延
狂客林深咽暮鐘憑君高處望佳景自蔥龍

自靈巖望支硎山

太湖瑩澈碧琉璃一片靈光下界迷此去支硎山幾里萬峯
踏徧筍輿低

出嚴園步靈巖山路

籃輿安更適漸入白雲隈平野峯遙赴高崗樹轉回湖光天
際合帆影日邊來好景看無盡松聲似浪摧

無隱山寺

到此塵氛撲幾多靈巖相去復如何眼中泉石磨挲徧足底
峯巒展轉過別院幽深絕塵事禪房曲折病頭陀白沙如雪

三十三

詩存下

三十一

金陵叢書
蔣氏校印

山門靜古木陰陰挂女蘿

自支硎再至天平

差喜登臨便遺蹤未再逢荒原誰牧馬古樹宛猶龍險易臨
清磻陰晴卓遠峯蒼煙雙鳥下何處得疏鐘

天平山

兩峯高處斷一騎入天平花草千年活山川萬笏迎天開晴
有氣春合畫無聲禪宇何年建森森翠靄生

風急雲歸咄浮空暮藹生山巖晴自露神鬼暗多驚放眼孤
身大低頭足踈輕平生飛動意獨喜得天平

重登天平絕頂

絕壁夾一線側身方可登樹聲喧暗雀石竄出飛鷹日隱山

靈聚天空雲氣蒸背崖愈深黑倒挂劇蛇藤

觀音山

春光凝絕頂山色合諸巖地託一元動天憑萬綠嵌陰崖留
雨雪大壑戰松杉如此觀羣象登臨自不凡

放舟胥口觀太湖

自喜平生豪興足我來端不負茲遊青溪山色舟前擁白日
湖光天際流攜手一時成盛集舉頭萬古洗窮愁東邊遙指

靈巖頂昨夜登高最上頭

再登靈巖

天放名山古寺紆住持風月免征輪寺僧齋罷午鐘寂獨坐
靈巖望太湖

三十三

詩存下

三十二

金陵叢書
蔣氏校印

至穹窿山大霧景尤奇絕

天公一夜炫奇景爲遣一騎遊穹窿萬重霧氣赴山頂一時
人語排天風推窗但見大地白極目搖指斜陽紅探得山茶

吸泉水道人閒立摩孤桐

下界應疑人幾重太湖一夜戰羣龍泉聲流斷一二里山氣
多沈四五峯不意頭上轟樓閣忽然足底坐芙蓉揮手一笑

自茲宿明日還看山水容

舟入鄧尉宿還元閣

鄧尉山中皆奧區梅花萬樹色香鋪夜來夢入雲深處七十
二峰時有無

一枕清幽絕世無遙思香雪此山孤還元閣裏三更月獨起

開窗望太湖

游司徒廟遇雨歸

太湖水滿愁鄧尉萬籟助戰逐塵埃雲壓山腰際天白劇雷

忽擊兩峯開

鄧尉山中宿聖恩寺還元閣

不乏遊游興余情正渺然梅花空野舍桑柘映高田亭倚斜

陽外人喧古寺前乍來償一笑宿意已三年方丈容修榻長

鄉入暮天檻低山翠落波動太湖圓逸境探雲谷幽棲汲石

泉筠篁間疏密花藥鬪清妍鑿物嗟衰世題名想昔賢安居

真佛地素食飽僧筵登閣邀明月開窗納遠煙世人休造次

隱者足盤旋佳景猶難得孤衷不忍眠思賸更定後飛過洞

丁二十三

三十三

金陵遊書
蔣氏校印

庭邊造化誰窺秘平生欲悟禪天然置圖畫意象見真筌著

展坡隨轉攜筇徑屢穿村荒茅屋矮溪廣小橋偏廟僻留遺

跡松奇載志編宛延枯索解天矯老龍纏根拔枝尤怪神完

氣更全壯夫威可奪遊客瘞能痊玩久陰雲佈忙歸舊路沾

風摧暴雨急電隳疾雷先坐定思遊樂微寒借酒傳還元留

信宿鄧尉此情牽到處紫孤抱茲遊結勝緣吳中好山水容

我更流連

鄧尉

豈盡遊山興來探鄧尉春玉梅豔肌骨香雪門精神于此留

三日何時放一身暗香魂乍返爲我記前因

石壁

徑轉成幽仄攀緣待曲行斷巖疏樹立漱石莫潮聲鳥鼠黃

昏窺魚龍白日爭端宜幽僻土居此待時清

西湖泛舟

不信遊遊興沿流信可娛風光來越地景物比姑蘇且得高

堂侍仍攜弱妹俱芳蹤千里合春色一湖濡孤艇搖詩興全

身入畫圖紅橋三兩步碧柳百千株金碧虛空耀琉璃噫氣

無鐘微斜谷暗僧倚夕陽扶想像孤忠士低徊絕世姝鶯花

餘夢寐筋力盡馳驅遺跡思遊女微生本匹夫斷碑低展拜

野鳥入高呼更轉平坡溼紫迴曲徑紆松聲喧沸耳塔影結

跏趺遠寺隨煙合羣山負郭趨一舟憑演漾萬派自模劬樓

閣疑仙境煙霞信友于只憐今夜月伴我宿西湖

丁二十三

三十四

金陵遊書
蔣氏校印

湖心亭

晨起風林寺湖心望有亭舟搖一箭白天合四圍青雲日共

游衍湖山見性靈孤懷空莽莽指點數峰青

西湖百咏

四望煙雲繞碧岑長堤飛起見珍禽南高峰好明湖遠直送

扁舟抵風林

片帆昨夜下吳趨一櫂春風兩地俱寂寂寺門鐘鼓靜捲簾

倦眼望西湖

間雲出岫映平林湖水清清徹底深一櫂橫過亭上去萬山

羅列抱湖心

曉來遊興不能閒繞得全湖路幾灣幾點朝霞明滅裏西冷

橋過即孤山

渴向湖邊去買茶水雲深處抹紅霞憑郎說盡西湖好錦帶
橋南是妾家

月出湖光鏡面平阿儂得意起歌聲風光傳示諸遊女上得
蘭橈緩緩行

欲乞西湖意更癡煙波小艇弄相宜眼前樓閣知多少多半
酬庸收建祠

阿誰樓閣對煙螺布置天然放芰荷絕境出湖剛一線瓜皮
艇載客遊多

湖平不覺到中流岸上垂楊態更柔紫燕雙飛掠波去聲聲
嗁傍近湖樓

酒旗挑出是茶寮行倦遊人正寂寥欲向外湖尋一醉兩船
爭出跨虹橋

滿城士女約春遊一一相逢湖上樓正值三春三月半東風
吹綠過俞樓

西湖春色足銷魂悵望橋頭夕照昏好趁南屏晚鐘動背人
打槳到漪園

娉婷十五惜芳年家住西湖愛採蓮日暮逢人伴不見拋將
蓮葯擲郎船

滿滿花氣草空青蘇小墳前悵影形蝴蝶雙飛明月上有人
獨立正亭亭

岳墓巍巍萬古春湖船日夕往來頻陰晴天氣渾無定時有

詩存下 三三五 金陵叢書 蔣氏校印

深深下拜人

鮮霞一抹射雷峰路入蒼茫積翠重舟到淨慈人意倦斜陽
忽得一聲鐘

四圍山色隱如屏湖畔無人舟自停會得西湖真賞處好山
多對寺門青

評論詩畫鮮良朋行過禪房起定僧照眼驚人翰墨妙煙霞
合共享青藤

春光歷歷門娉婷湖水年年滿白萍行徧禪房僧不見去看
山水不翻經

遊罷南屏思渺然六橋明月欲中天明知堤上無多路故向
堤邊喚小船

退省庵中隱洞簫門前泊得一雙橈怪來冷境多奇絕明月
隨人步小橋

湖流盡處繫輕舟萬柳堂前獨倚樓正對南屏好山色寫經
人壽共千秋

外湖人靜正三更垂柳陰邊釣艇橫驚起水禽飛不見月明
一路聽波聲

裏外湖光任意遊全湖春色聚扁舟全家欲向西湖住指點
相宜地築樓

出門數步面湖天山色重重象萬千照眼心隨湖地遠斜陽
直上總宜船

小橋平接遠山痕此去湖頭日未昏底事筍輿飛似過遊人

詩存下 三三六 金陵叢書 蔣氏校印

爭出湧金門

縞紗官橋影模糊髮影衣香錯認無
燕地寧儼剛一笑相逢無意在西湖

地僻遊人到也無扁舟搖入影模糊
梅花萬樹垂垂老處士荒涼影更孤

綠蘿被屋雜花開松竹清幽相地栽
高閣憑空通水牖陰晴隨意出湖來

朱墨班班久更真貞坊玉立映湖濱
我來憑弔斜陽裏如此湖山節義人

湖邊樂事最生新爲語春光各自珍
笑指城隍山上路天晴時引出遊人

終日看山無盡情春波滉漾興隨生
只憐十五西湖月不到天明不入城

詩存下

三十七

金陵雜書
謝氏校印

湖波澹沱晴光好渺渺余懷意得閒
怪道堤邊車騎盛又從靈隱到孤山

花鳥多情足自娛沿湖處處似披圖
一般年少思遊目偏喜逢人譽外湖

奇石玲瓏掩翠嵐月明如水照空潭
不辭下拜稱顛最私願平生慰再三

三更人正在湖船萬派神奇月魄圓
南北高峯相對出願教拔地立飛仙

當頭松檜影紛紛低覆西湖一片雲
我獨思量千古事夜深

展拜岳王墳

孤山正對鳳林寺游客堤邊每泊船
獨自含情蘇小墓湖光人意自年年

曉鐘微動夢初醒山色湖光入窈冥
結箇茅菴湖畔住朝游靈隱暮南屏

扁舟搖動水雲中風景由來探不窮
忽訝前湖人影亂紛紛艇子赴行宮

探得尊絲滑可憐清荷風動葉田田
多情最是西湖水處處隨人好泛船

愛聽堤邊唱竹枝忘機鸚鵡笑來遲
春風吹送餘杭路正值西湖爛熳時

詩存下

三十八

金陵雜書
謝氏校印

湖上居人有幾家牆頭春色已飛花
閒從堤上追蹤去芳草深深走鈿車

有時侵曉看雲升可惜樓教一面憑
日暮寺門遊客少忽聞鐘鼓看齋僧

金碧葱蘢霽色開寺門終日盡徘徊
偶然行徧孤山路湖上僧多喜客來

長堤煙柳曉風滋一櫂經過興漸移
幾疊波光正幽絕前舟已泊水仙祠

最不忘情陌上塵不辭信宿儘探春
明朝直入雲林寺寂寞湖邊弄艇人

堤邊草綠上春衣轉入前溪剩夕暉
磯畔人喧舟亂泊一時

齊上筍與飛

煙霧溟濛何處村北山萬派獨稱尊行行漸失迷前路微有
星光蝙蝠翻

冷泉亭上坐聞鐘古柏蒼松苔蘚封天與西湖倍生色萬山
爭妒飛來峰

興在層嵐亂石間曉來清氣正漫漫寺鐘微動禽聲起人影
溪共聲一山

仙姑山色護松筠寺入清漣眼更新偏是甘泉多異蹟時來
細雨送遊人

赤魚碧藻樂逍遙龕隱龍神香火消游泳終朝生趣永頻投
香餌看珠跳

詩存下
三十九
金波
周氏校印

山光撲翠望中迷古樹干雲頂更齊行盡飛來峯下路一時
靈鳥盡情啼

絕頂登臨眺晚晴明湖入望最分明湖船箇箇波聲小載滿
春光故緩行

一片湖光數段堤蘇堤更界兩湖西流禽宛轉情堪惜芳草
如裊襯馬驪

買山借隱豈傷廉夕照亭邊好景添留得南高峰片石盪菰
瀟露寫楞嚴

久伴湖山慰素懷僧廚素饌市山街紅燈一尺三人酌閒話
雲林何處佳

寺僧剝竹導泉水危磴相銜山幾重獨眺韶光滄海日乘風

還上北高峰

流出溪田利澤輸整池一半碧盈裾遊人喜向平階立擊掌
聲中顛顛珠

禪房花木自清閒意在孤雲落照間倦眼矇眊看不定鏡屏
八尺映前山

獨從高處望南屏對此江山幾醉醒一眼蒼茫明萬里江風
吹上臥獅亭

煙霞古洞得幽探造象猶存石乳合成佛成仙不可說高懸
日月照蘇龕

塔勢凌雲宙合翼江峰海水望中遙會當秋永來登此看得
錢塘八月潮

詩存下
四十一
金波
周氏校印

奇觀如此信乾坤記得年年灘上痕日出瀾翻千萬疊銀澗
噴盡候潮門

雲林寺大院僧忙導菌松菰任意嘗飯罷獨登山後閣有人
攀竹上韶光

風簾嶺下路相差一道山亭上下斜行到禪房僧應客栗黃
蒸出一甌茶

輕雲細雨數峰行高下危坡盼久晴放眼茶坡盈數畝山岷
勳力富田畊

寺門寬處映湖光時有風來百卉香願我翩翩清影瘦冷泉
亭上立斜陽

舟師千里下衡陽退省庵中見影堂奪得小姑人拍手憑欄

無語弔彭郎

汲得清泉試品茶虎跑勝絕足煙霞同鄉僧老離南久笑說
永甯泉漫誇

踏徧蒼崖百尺顛煙雲吐納供摩肩天生韻事偶相值龍井
新茶虎跑泉

峰巒近出遠猶遮林洞幽深谷口斜多少雲煙經眼過泥人
魂夢是煙霞

江山靈秀門娉婷幾折江流天際青正擬思量好詩句舉頭
額是吸江亭

日暖花飛撲玉缸老僧製饌果無雙同人覓我前峰頂扶醉
持杯看浙江

雲斤月斧響煙蘿剔石搜崖更琢磨一自老僧爲住錫年年
勝跡又添多

迷岡草樹碧舒舒野逕逢幽每駐車我愛玉泉真佛地西湖
得意到禽魚

獨來亭上坐三更萬派神奇夜氣生月挂遙岑神獨往夢回
何處得泉聲

山樓矗起疊平坡南北雙峰點翠螺傳與風光到遊客芳蹤
應許者邊多

海外移來指巨材千夫舉甬廟寒灰山僧妝點向余說明歲
莊嚴君再來

佛國氤氳氣象新香花清供暗通神一時頂禮皆歡喜我佛

多情自解人

屈指山川清景殊盪胸空闊暢無餘錢塘一線諸峰仄忽憶
鼠船出太湖

理安寺古泉泠泠竹石森森意窈冥無意忽逢僧一過袈裟
掩映對山青

三天竺古閣仙蹤寶殿琉璃聽打鐘茶罷逢僧詢勝迹先談
月桂最高峰

萬緣參天道岫橫寺門緊閉鳥聲清午鐘敲罷僧廚寂覓得
愁僧問樹名

古木爭高氣更清山中渾不辨陰晴舉頭萬壑千峯湧欲上
飛崖踏竹行

連村不斷碧模糊上得肩輿路最紆快意居然瞻萬象高峯
晴日下西湖

泉各滂滴意先舒幾碗新泉潤舌初浸潤朝朝知底漏罅間
繙出小蟲魚

未得西湖寄此身安排土物自多珍只嫌龍井新茶少行入
江南送幾人

日暖波妍春意添娉婷倩影露眉尖斜陽吹墮誰家院蝴蝶
雙雙飛入簾

寄志林泉任嘯歌夢回何處驗經過股動最是當春草綠到
三生石上多

因緣展轉本來真爲謝湖山感夙因笑語院僧應記取明年

我亦再來人

青青芳草綠雲環
點綴名區映四山
看到了峰螺髻
臨分明淺黛露雙鬢

笑指孤雲落照間
未甘拋卻是湖山
尋幽攬勝何曾徧
僊許句留賦久閒

匆匆歸客志終輸
一段相思後日紆
遙識還家勞絮語
故人含笑問西湖

平生游興果無雙
春事闌珊未肯降
御得鸕輪歸去便
落花如雨過松江

本是山林散蕩身
最無聊賴是春中
煙雲相接紅塵合
散服清涼謝世人

一三十三

詩存下

四十三

金陵遺世
蔣氏校印

情遷境過恨能無
別後詩情寄聖湖
風月山川容管領
併教花草夢姑蘇

故鄉山水待追尋
蠟屐扶筇樂事深
莫以西湖繁夢寐
後湖聊可慰初心

舊游回首暗愁生
絮語湖山偏有情
寂寂小窗吟自適
吳飲越調是新聲

越調是新聲

跋

予初訂交蔣君平叔其年未及冠少年英俊有不可一世之概及讀其文議論宏偉其詩尤磊落礪礪俯視儕輩竊信君造就殆未可限量辛亥世變猝起君不幸無祿厭世上升矣余質魯不知詩又潦倒無寸進既獲就教於令兄蘇盦時相切磋退而發漢魏六朝唐宋諸名家詩讀之乃稍識源流願尤嗜平叔之詩謂其越世高談自舒胸臆是能浸淫漢魏六朝唐宋之詩而能吐棄漢魏六朝唐宋之詩者也平叔逝六年矣思之腹痛蘇盦既輯刊鄉先哲遺書謀以君詩殿其後囑余寫定經歷歲月稿錄數過其詩朝夕手錄口誦覺鬱伊善感如怨如慕又如燕坡駿馬不可羈勒或謂宜少改定

一三三

金陵叢書
蔣氏校印

俾無瑕類余謂人各有性情決不能以尋常聲律範吾平叔即使稍施塗澤亦且有點面目而此稿經李審言及金壇馮蒿盦兩先生論定後僅刪其簡易者餘悉未有更動予私喜名流持論與予有同情也嗟呼生才實難國寶終隕平叔何幸而有此作藉以傳世何不幸而有此作致不永其年也雖然人壽不過數十寒暑盛名或可千百年持平叔之詩以視眾生乘化餘息嚙胡而姓名不彰者當覺優異平叔則亦可以無遺憾矣友人鍾德函謹識

跋

右平叔詩存二卷亡弟國平所作也弟幼而能詩長都成集今茲所錄彙新舊作略得五六篇為數卷佚者且三四矣於辛亥之變弟倉卒攜稿出頗以自多今既亡而詩尚存孤苦如余又頻歷世變家難死喪奔反竭蹶抑哀慰親顧影自弔幾不保其軀命亦且不樂其生而藏襲弟詩未虞失墜每一啟讀淚墮如綆又久更憂患精亡骨立值長夏鬱蒸暫舒悲痛旬日手自錄訂蓋弟詩亦盡此矣夫士當時之不遭豪傑每冀稍展尺寸慨然有為豈暇咕嗶而以詩名若弟亦志刊落華辭務為實學有志經世宰物之大乃不幸以短命死其詩之存者尚多喟嗚鬱塞以強鳴其不平抑若負大梗不可

一三三

金陵叢書
蔣氏校印

終日而弟亦不自解其所以因之以促其生此最可惜也詩者心聲待天而動故天捩其機人事應之則震蕩與起弟生光緒甲午則日本內侵之始卒宣統辛亥十月則又先遜位二月也幼與弟為詩句刪字琢無所師承心會前古弟乃不矜聲律而激之以偏宕之音亦值此時際舒其股憂發其慷慨表其心聲則此編也或見悲於世吾弟之所以死而不死與吾弟之死每一言之神魂摧落意謂若遠適或淪異域猶冀一日脫歸而終不可歸則此區區是弟魂魄所憑依而不為傳之其真死吾弟也余何忍耶余何忍耶既為寫定其詩值余有金陵叢書之刊因附於後使與諸老輩相雜則有以緩吾母之痛藉慰弟泉下余也值流離之年以憔悴之身

冥契既逝行自念也亦有稿盈尺更不示人而爲弟謀傳後
者亦僅此豈吾弟平生意氣所寄遂真以自多耶斯固長逝
者之魂魄悲辛叫噓而假舉禽朔吹以寓其不平之感者已
壬子月日同懷兄蔣國榜謹撰

1. The first part of the document discusses the importance of maintaining accurate records of all transactions and activities. It emphasizes that this is essential for ensuring transparency and accountability in the organization's operations.


2. The second part of the document outlines the various methods and tools used to collect and analyze data. It highlights the need for consistent and reliable data collection processes to support informed decision-making.

3. The third part of the document focuses on the role of technology in modern data management. It discusses how advanced software solutions can streamline data collection, storage, and analysis, thereby improving efficiency and accuracy.

4. The fourth part of the document addresses the challenges associated with data security and privacy. It stresses the importance of implementing robust security measures to protect sensitive information from unauthorized access and breaches.

5. The fifth part of the document concludes by summarizing the key findings and recommendations. It reiterates the importance of a data-driven approach and encourages the organization to continue investing in data management capabilities to stay competitive in the market.

靈華宮神像



雙華室詩選序

抱朴子有言無仙骨者不能成仙惟女多仙骨當從洪學得度者四十九人徐芝紫爲大弟子云半溪子喟然曰豈獨長生久視遇藉仙骨哉惟詩亦然曠代逸才未有抱俗骨以名家者也雙華室主人入智慧海現天女身咳唾隨風都成珠玉謝家道韞應是前身班婕妤好茲爲後勁願以虛懷雅量執贄余門刊削羣言進參上乘大千世界中此其鸞鳳乎維時余方屏丹經開蓮社說無生忍法將不思議門女弟子十有三人咸侍函丈清風徐來默然神契雙仙避席請曰先生下大梵天住震旦國法輪妙轉福不唐捐願弟子有少分相應否先生莞爾答曰汝饒仙骨不偶佛心再轉軟紅方許證道羣弟子猶豫徘徊未領師旨雙仙悠然以思愉然而悟曰然則弟子以詩證三昧可乎先生曰可光緒壬辰三月既望半溪子許普來序

雙華室詩選序

十五

香 飽 叢 書

雙華室詩選

清溪徐曼仙女士著

題夢州漁隱圖

一曲漁家樂。西風繫釣。秋痕如畫。好人影。映波雙。流水碧。千里。蓼花紅。半江。滄浪。憑寄跡。塵念早全降。

別意

驪唱何堪聽。長亭客路遙。波痕春水浦。鞭影夕陽橋。黯黯人千里。依依柳萬條。雲山空極目。此際最魂消。

寒鴉

樹色千重暝。煙寒淡有痕。凍雲流水波。衰柳夕陽村。風冷江鄉暮。天低墨點翻。秋陰飛木葉。幾陣晚黃昏。

睡起

大地春如擁。東風怕倚樓。年華流水送。愁緒落花勾。瘦骨憐仙鶴。塵心淡海鷗。捲簾人睡起。鸚鵡喚梳頭。

雙華室詩選

十六

香 飽 叢 書

舟中用步弟韵

西風動林木。景色莽蒼蒼。黃葉打秋。雨白蘋開。夕陽鷓鴣情。何閑適。雁字自縱橫。萬里碧天淨。水雲無限涼。

病起用步弟韵

簾垂已無賴。况聽雨聲加。愁重損眉翠。眠多亂髮鴉。消磨三月病。辜負一春花。漸覺情懷減。敲詩興不賒。

夏夜次逸仙如妹韵

庭靜日云暮。風蟬響乍停。林深數點鳥。簾捲入流螢。蕉色補天綠。桐陰鋪地青。涼情好如許。清簟睡初醒。

四時閨詞

垂楊低拂竹。蘭斜燕剪雙。飛掠茜紗。一夜東風春似錦。隔簾紅。遍碧桃花。描來小扇受風斜。稱體衫輕白。雪紗一笑芳塘採蓮去。教郎莫折並頭花。彎彎眉月玉鈎斜。桂子香清透碧紗。笑向嫦娥低首拜。廣寒分我一枝花。

漫空雪影正橫。斜寒逼文窗六扇。紗窗。撫清琴。忘漏。水銅瓶。相伴。有梅花。

春日口占

一簾雨細又風斜。幾縷輕寒上畫叉。啼斷鷓鴣春似夢。小窗紅煞碧桃花。

春日偶成

鶯聲啼徹百花發。勾起春愁小院中。病後自憐無健骨。怕他料峭剪刀風。
桃花燦錦柳垂絲。肯負春光大好時。寂靜明窗誰作伴。黃庭隨罷自敲詩。
鴨爐煙盡自添香。半捲疏簾日午長。燕子也憐春色好。爭銜花片補巢忙。

春日感作

如水春寒綉懶拈。博山親自把香添。露痕紅暈桃花醉。烟縷青牽柳葉尖。破夢
鶯聲催午枕。低飛燕影掠丁簾。可憐辜負韶華好。無那愁多病又兼。

春日偶遣

春日遲遲詩懶刪。金籠鸚鵡共清閒。苔痕新長埋幽徑。柳影低搖露遠山。偶拾
落花排寫字。戲吹烟篆作連環。畫堂一任簾垂地。不放雙雙燕子還。

卷四

雙華室詩選

十七

香齋

春寒

春陰漠漠釀輕寒。芳事須遲幾日看。底事東皇不呵護。海棠無力柳難關。

春雨

絲絲細雨潤琴臺。壓樹雲陰鬱不開。贏得小庭生意滿。草痕分綠入簾來。

春雪

二月春陰雪尚飛。欸關頓覺故人稀。潮橋多少尋詩客。驢背衝寒歸未歸。

春愁曲

春陰漠漠春如夢。鶯語含春隔花送。夕陽庭院悄無人。東風習習簾波動。東風
如剪不剪愁。杜宇聲中獨倚樓。滿階芳草可憐。一樹梨花空自幽。花開花落
真容易。鏡裡容華忽憔悴。月圓花好不開尊。浮生幾度花前醉。韶光逝水慙流
年。往事回頭盡化烟。恨海茫茫鷓鴣補。玉琴撥斷鴛鴦絃。垂楊萬縷絲踈地。苦
把憂思半綰繫。斷腸心事阿誰知。冰壺空積胭脂淚。

初夏偶成

三疊清琴一卷書。落花如雨閉門居。匆匆又送春歸去。蠶豆鶯桃四月初。

消夏詞

榴花猶剩一分紅。斷續蟬聲綠樹中。水閣安排堪避暑。湘簾幾片竹屏風。
樹影風光綠門深。柴門臨水少人踪。北窗一覺羲皇夢。夢入虛天第幾重。
九曲闌干百葉窗。延涼更捲碧紗幢。珠簾壓架清香吐。忙煞塔前蝶一雙。
屋外山環更水圍。晚來涼翠欲侵衣。一聲漁笛烟波綠。驚起眠鷗拍拍飛。
槐陰綠滿草堂西。冰簟銀床夢欲迷。睡起不知天已暮。一聲知了夕陽低。
閒將雀腦隔花薰。消絕簾櫳月二分。仙鶴一雙猶未睡。滿階桐影綠成雲。
一庭蕉影月留痕。薛荔陰濃綠到根。料得嫦娥當此際。廣寒應亦敞重門。
十里銀塘夜放船。蘭橈劃破鏡中天。碧筒吸盡梨花釀。一醉休辭抱月眠。
風搖窗影亂花梢。一卷黃庭手自鈔。分付簾前白鷓鴣。柴門不許俗人敲。
松聲謾讓捲青灣。笑說能將熱地逃。偶有客來留小飲。一盤生菜綠葡萄。
梧桐庭院早涼除。雨過芳塘處處蛙。收得白荷花上露。一瓶蟹眼自煎茶。

卷四

雙華室詩選

十八

香齋

好風送到菱荷香。竹影青中一味涼。閒倚石床無個事。看他飛鳥逐雲忙。

涼露無聲濕素馨。綠天深處徹疏檣。張琴彈出滿湘調。贏得幽禽隔樹聽。

堆盤喜有玉壺冰。一室涼生暑不蒸。翻得時新好花樣。風前親自鑊瓜燈。

闌干徒倚夜涼侵。露滿瑤堦月滿襟。螢火幾星吹不滅。隨風點點入花陰。

雨過涼添夏亦秋。生涯都付釣詩鉤。醉眠蕉影夢俱綠。一卷離騷當枕頭。

白蓮
凌波態欲倩風扶。不染泥淤品自孤。隔著水晶簾一桁。月明清影淡疑無。

秋聲

敲窗桐葉送清音。颯颯蕭蕭擾客心。四壁疏風數聲笛。一天涼月萬家砧。霜嚴
眼雁驚羈夢。露冷啼螿伴苦吟。最是離人聽不得。滿懷愁思感難禁。

秋色

西風昨夜到山家。暮色蒼涼感物華。秋水蘆花兩岸雪。夕陽楓葉半林霞。烟凝
冷翠螺鬟秀。雲蔚輕藍雁影斜。極目江村圖畫裏。勾留客正停車。

秋柳

新霜幾夜減青青。憔悴腰肢瘦影伶。秋雨秋風渭城路。不堪攀折短長亭。

秋宵口占

雁聲斷續奈愁何。檢點情懷付咏歌。對影自憐詩骨瘦。悲秋常覺淚痕多。半彎新月窺朱幌。一抹微雲鎖絳河。人事那堪回首憶。浮生若個醒來婆。

秋日游道場山

道場山在茗溪曲。山光俯映碧湖綠。今朝我踏白雲來。遺跡追維蘇玉局。長松夾道翠參天。山鳥一聲啼破烟。峭壁倒瀉飛瀑冷。野亭開備芙蓉妍。眼前秋光如畫好。雁排人字南來早。撫松坐嘯山之巖。放懷天地愁全掃。夕陽明滅半塔紅。鐘聲一杵搖晴空。洞庭山遠浮天際。太湖一勺環疑弓。西望龍溪亘長帶。東望孤城如斗大。平田千頃界棋枰。舉頭圓戴天如蓋。耳邊飄飄松濤聲。到此頓覺塵心清。怪石碍步絆斑駁。秋風捲地黃葉鳴。游歸倦倚蓬窗坐。笑看新月輕雲鎖。白蘋香裡放船回。一路青山如送我。

卷四 雙華室詩選

十九

香館 嚴詩 集

冬夜

梅花瘦影一枝春。雪月光中絕點塵。鸚鵡禁寒言不得。可憐渾似息夫人。

梅花

別墅孤山放鶴亭。通仙眷屬住西冷。風催煖嶺春先到。雪滿羅浮夢未醒。三弄閒情橫玉笛。二分瘦影供銅瓶。高寒色相難摹寫。爾爾維詩賦性靈。疏疏清影瑣窗寒。綽約丰神畫亦難。老幹冰霜經閱歷。空山風雪任闌珊。凍雲鎖處迷難認。明月光中冷耐看。相對忘言成古契。酒醪澆盡酒杯寬。新向園林剪一枝。詩心冰骨兩相宜。竹筇徒倚人同瘦。苔徑荒寒客到遲。上界神仙姑射降。此花因果放翁知。頻頻索笑何爲者。鎮日巡簷意大痴。

對雪短歌

玉龍酣鬥紛無已。素甲翻空走千里。乾坤一片白茫茫。置身恍在琉璃裡。寒逼簾櫳風力催。窗前一樹紅梅開。花光雪色兩輝映。對此快倒流霞杯。瓊樓玉宇人間有。莫羨神仙九天九。新愁舊恨且拋開。醉看雪花大如手。

雪彌勒

搏成雪佛曉寒癡。銀界三千色相離。萬點天花成妙諦。一輪霜月認傳燈。菩提果證清涼境。冷淡禪參最上乘。誰謂慈悲腸總熱。如來心地淨如冰。

醉後

半窗梅影月如烟。倒盡金樽夜未眠。一縷輕寒禁得住。強扶殘醉坐燈前。

感作

風雪蕭疎逼歲闌。流光付與指輕彈。煩憂瑣瑣凋雙鬢。生死茫茫付一嘆。淚酒桃花潭是血。心如梅子祗餘酸。雁聲慣作淒涼韻。不管愁人夢不安。梅花紅破向南枝。瘦倚闌干月上時。舊跡積糊襟上淚。新愁慙慙鎖中姿。瑤琴久斷和鳴軫。玉管空懸快慢詞。回首前游渺如夢。淒涼只許一燈知。無賴愁魔復病魔。藥爐茶鼎日消磨。萍蹤身世嗟無定。茶味光陰喚奈何。解脫自然成佛易。聰明畢竟誤人多。軟紅十丈難飛越。空對清流感逝波。

漫成

卷四 雙華室詩選

二十一

香館 嚴詩 集

又見庭梅壓雪新。風光惱煞捲簾人。有情歲月愁中老。無主烟花夢裏春。白到

鬢絲羞鏡影。紅多血淚浣衣塵。小憇情擁寒燈坐。無那淒涼祗影親。

偶成

閒居寂寞恨離羣。花影疎疎月二分。笑拂霜鋒光比雪。愛看烟篆淡如雲。千秋長恨金銀句。一卷清心玉笈文。領取靜中真意趣。白荷香勝麝蘭芬。

閑中自遣

境入黃梁太渺茫。秋蘋一葉證行藏。煖來爐芋烟俱淡。聽到窗蕉雨更涼。庭靜日長延鶴夢。簾疏風細透花香。閑中大有仙機在。傾略虛天歲月長。

偶作

銀箭丁丁隔院聞。香消寶鴨懶熏薰。二分別恨三分病。添上清愁更十分。月扶梅影上闌干。花下尋詩翠袖單。一樣痴情有仙鶴。伴人偏亦耐宵寒。

感作

桐陰如水掩重門。香篆消殘鴨尚溫。詩寫四愁學平子。琴傳一曲咽王孫。三生

因果從何證。兩字淒涼易斷魂。回首前塵疑是夢。羅巾怕檢舊啼痕。

開作

於病年來百事刪。任他鴉睡掩柴關。竹爐火活烹新茗。香篆烟殘冷博山。往事已隨流水去。此心更比白雲閒。風吹如雨桐花落。添得苔階點點斑。

自感

彈指雙丸迅速更。卅年如夢夢魂驚。秋雲撥命三分薄。止水為心一片平。莫道愁冤情抑鬱。追思往事淚縱橫。可憐天定偏難挽。著着輸人不必爭。

憫儂曲

漠漠春寒廉不捲。養花天氣風如剪。小樓妝罷怯衣單。柳絲搖曳鶯聲軟。春山如畫對粧樓。偷樣描眉空鎖愁。彈指年華流水逝。斷腸情緒落花鈎。浮生若夢原虛幻。自悔樽前惆悵恨。團圓鏡影破雙鸞。悽楚琴聲悲獨雁。腰圍已覺瘦難支。况是東風病起時。紅雨一庭春寂寞。凄凉試譜憫儂詞。

思親

卷四

獲華室詩選

二十一

六 卷 集

寂寞清宵百感生。珠簾掩映月三更。欲從夢裡尋親法。無奈傷心夢不成。

乙酉冬侍

親旋里過采石磯登太白樓

吟懷豪放海天空。千古詩人總讓公。此日登樓獨憑吊。青山依舊夕陽紅。釣魚石畔水潺潺。憶昔詩豪此泛船。浪說錦袍空捉月。酒中仙是水中山。

懷人詩二十首

春陰如夢燕語催。歡會難常鶯鳴與。感空墜落花三逐。舊雨不來自思涼。草半生故人。有幾凡屬苔岑之契。以及萍水之交。今皆黯黯分襟。或已深深埋玉。青琴在抱。有曲誰聽。紅豆相思無時。或釋爰作懷人短句。聊誌知己深情。

朱琴香如姊

工詩畫篆楷攻經史善文字。少寡課子有歐母風。著有凝翠館詩詞鈔待梓。

待梓

傾倒班昭續史才。十年別夢繞蘇台。肥儂學製椒花頌。曾向璇閣問字來。

姚月湘如姊

知書早寡無子

花下初逢各少年。一痕塵夢已如烟。離鸞君更愁無子。如此遺孀絕可憐。

王楚香如姊

少孀撫孤有賢行

五夜篝燈畫荻灰。歐家賢母素爭推。如儀應許度同調。一樣傷心碎鏡台。

管詠柔如姊

靜淑寡言本年三十二

聰明早悟幻中因。一霎曇華小箇塵。留得風流遺韻在。吳興爭說管夫人。

王貞卿如姊

結縵未久遠淡塵緣。因愛武林山水佳。勝遂結精成良齋。綉佛焉天教管領好湖山。小結精藍屋幾間。解脫我教輸一著。龔深佛火掩禪關。

倪琳仙如姊

卷四

獲華室詩選

二十一

六 卷 集

少孤貧遇人不淑。藉筆耕為活計。吟工愁著有臍血。吟草

雲林家世本清貧。嫁得蕭郎等路人。一卷苦吟詩太瘦。杜鵑啼血不成春。

蔡清仙如姊

健談善飲知文翰。本年三十四歲

七年文字締交深。記得愁澆酒動斟。今日鳴琴人已杳。閨中何處覓知音。

周衛仙如姊

知書明禮早孀無子事姑至孝

不忍磨符遞殉夫。祗因堂上有慈姑。萊衣能代承歡子。賢孝如君畢竟無。

徐碧仙如姊

重交誼有熱腸。襟期曠達喜弄柔翰

徐淑清才第一流。別來忽忽幾經秋。天涯芳草無情碧。畫出江淹一段愁。

荷逸仙如姊

明慧爽直能為小許子弟婦也

翰墨論交總角年。聰明應是掌書仙。綠窗譜出雙聲調。鮑福閨房羨阿連。

談靜仙如妹

雅淡真華解詩畫音律善飲有山水癖怡均失守貞不字

水月襟期絕點塵女貞傲雪不知春。脩然獨抱烟霞癖。約我西湖共結鄰。

王樹蕙如妹

賢淑明禮至性利婉愛品蕭笛

生小嬌憨不解愁。今生慧福幾生修。回頭十四年前事。明月瓊簫共倚樓。

鈕華仙如妹

明達安貧賦性渾樸

敦厚溫柔本性成。能安裙布與釵荆。寒燈歷線秋風冷。辛苦年年玉剪聲。

邵湘梅如妹

敏慧善談兼工詩畫通文織恨有蘇氏悲

莫問支機石上緣。媧皇待補有情天。春愁一掬無人買。收入蘇娘織錦篇。

卷四 麗華室詩選

一十二

香 鮑 蕙 世 集

趙筠秋女史

技擅三絕並工寫照未婚夫卒苦節事親

江南傳遍姓名香。三絕蘭閨擅擅場。湘管有花雖絕。含毫獨不畫鴛鴦。

趙芝雲女史

能詩精書畫母本廬墓西湖誓不字人每為男裝以自韜晦

湖濱廬墓聽松風。至孝真能媲北宮。千古木蘭今再見。迷離誰復辨雌雄。

沈紫瑛女史

耽吟豪飲喜讀史

吳荒山下卜幽居。種得梅花半繞廬。中有風流女博士。竟能卓犖讀羣書。

曾楚香女史

耽吟詠解書畫文正公猶女也

江花踏入夢魂中。才德人爭仰女宗。不愧故侯家世好。瓣香我願拜南豐。

陸費禔香女史

嘉禾玉泉中丞女孫家叔祖姑婢猶女也少孤寄生吾家著有佩蘭吟

草

笙詩和咏淚全枯。弱質依人痛少孤。回首門庭太零落。一樓煙雨夢驚湖。

外姑母

硯姑適錢塘許氏著有研香吟草湘姑適金華鮑氏抱秋扇悲著有屏

寶館詩草瓊姑自經殉母著有如璧軒詩草

當年曾共角詞場。今日回頭合斷腸。天上人間各離別。塵緣如此太淒涼。

別後寄懷徐碧仙如妹

詭說吾宗大有人。知君徐淑是前身。笑儀一樣耽吟咏。怎及清詞不染塵。

容易東風又一年。別情苦被柳絲牽。鶯啼花落春如夢。一段離愁絕可憐。

渺渺長波恨若何。魚書打疊寄離歌。春江一水碧如許。怪底文通別恨多。

不堪回首短長亭。何日挑燈兩共聽。為尋君拚化蝶。夢中山隔幾重青。

寄琴香盟姊

卷四 麗華室詩選

一二十四

香 鮑 蕙 世 集

浙水吳山有夢通。倩他雙鯉遞詩筒。身因別絕翻多病。心到愁深轉覺空。感別

怕看春草綠。思君况見落花紅。何時重放蘇台棹。剪燭西窗聚首同。

寄諸諸妹

拚負秋光懶倚闌。別來愁病減眠餐。菊花比骨何妨瘦。梅子為心總是酸。放眼

乾坤宜痛飲。側身天地自長嘆。酒酣忽灑千行淚。不為知音不肯彈。

寄懷同譜

無那懷人獨倚樓。十分涼意沁簾鉤。梧桐一葉落金井。秋雨秋風愁復愁。

雲山目斷憶知音。怕向風前鼓玉琴。一點秋燈蟲四壁。憫他擾碎別離心。

寄靜仙西湖

夢痕約畧憶杭州。往事如烟付水流。欲買青山未償願。雲天回首不勝愁。

白鷗點點下橫塘。幾樹垂楊鎖夕陽。萬柄風荷搖不定。水天深處十分涼。

贈邵湘梅女史

風流久仰女中師。夢奪江淹筆一枝。花月有情閒作畫。茶煙無語靜敲詩。清才

拔俗如君少。着意工愁笑。我海記得水萍初聚首。瘦梅香冷歲寒時。

邵晴之女史于歸詩以備粧

一堂粒爾聚羣仙。盡是翩翩女少年。試問箇中誰領袖。邵娘風度獨清妍。肯將新學讓檀郎。象數歐文各擅場。不作尋常兒女態。何須梅萼助新粧。聰明慧業證三生。藉甚才名早歲成。今日閨房添韵事。琴歌新譜合歡聲。女兒有願去浮槎。求學情殷志足誇。三島來年春似海。雙雙攜手看櫻花。流蘇寶帳鑲金箱。雲錦衣裳燦七襄。笑我添妝無別贈。新詞學譜賀新郎。

詩草承安定胡士蘭女史題詞步韵謝之

蕙地傳來絕妙辭。監徵百韻謝娘詩。璇閣卓犖才如此。訪遍江南竟未知。巴詞可許共廣酬。傾倒清才第一流。多謝吟箋遙寄贈。憐儂薄命替儂愁。風調超然迴軼羣。清名恨未早知聞。楓橋水色碧於酒。買得扁舟撥動君。水萍風絮聚何年。欲向三生問夙緣。字格簪花詩燦錦。料君三絕定兼全。

游龍華寺

卷四 雙華至詩選

二一五

香院 卷四

有情芳草碧連天。三月韶華分外妍。指點仙源疑宛在。桃花紅煞石橋邊。

舟行即景

數間矮屋一茅亭。蕙荻蕭蕭草不青。水接凍雲天欲墮。雁行點點下寒汀。一尊濁酒倚蓬窗。劃破煙波畫槳雙。古樹寒鴉樓不定。雪花如絮撲輕艖。

武林道中口占

紅菱青菱鏡裡天。波搖橋影半弓圓。忽聽欸乃漁舟出。白鳥一雙飛破煙。草痕黃界路三叉。臨水柴門四五家。怪底風來香不斷。岸邊開遍款冬花。

西湖

六橋垂柳鎖輕煙。雨後新晴放畫船。指點西冷蘇小墓。美人香草自年年。孤山隱隱白雲遮。來訪風流處士家。放鶴空留亭子在。詩魂千古證梅花。

辛卯仲秋重游西湖

西子仍無恙。依稀憶舊游。水清魚逐隊。天闊雁鳴秋。塔影隨波活。鐘聲帶月流。聯吟有佳侶。容與一扁舟。

處士忠臣聚。林家大有人。綺園參月老。閨苑拜花神。鴻爪同留印。烏私苦憶親。丙戌竹傳。忘機羨漁父。煙水靜垂綸。

雲影峯頭幻。湖光鏡面平。荷殘猶戀蝶。柳老不聞鶯。品茗泉親瀹。探幽酒共傾。贈途誰送我。明月最多情。

游慈相寺

極目長松一碧連。青山繞寺黛痕鮮。清幽不讓三天竺。名勝爭傳半月泉。半月泉。泉如半月。亦不問有東坡題詞在。雲影白迷飛瀑冷。日光紅襯野花妍。塵襟滌盡憑欄立。靜聽東風鳥語圓。

棠溪觀水嬉歸途口占

絲絲新柳不藏鴉。風送輕舟綠水涯。一幅鄉村好圖畫。菜花黃入野人家。夕陽催鼓畫船過。桑柘青濃影蘸波。燕子一雙掠春水。篷窗亂撲落花多。

漫成

清琴瘦鶴共盤桓。秋月春風指一彈。芳草綠雲低壓徑。落花紅雨亂敲欄。酒因

卷四 雙華至詩選

二一六

香院 卷四

解恨傾杯易。詩到無題下。筆難多少青山瑣。屋外恍疑風景畫。中看

漁家

煙波深處寄生涯。水國蒼茫泛釣槎。四壁晚霞明翠穗。一船晴雪壓蘆花。夕陽柳岸謳歌起。秋雨篷窗笑語譁。賈罷銀鱸歸去候。滿船涼月冷魚叉。

山居

萬山青裏讀書樓。飛瀑當門響瀉秋。松影一庭延鶴夢。花光三徑飭猿喉。蒼苔滿地涼雲鎖。紅藥翻階宿雨收。飽領煙霞閒趣味。翠屏掩映畫簾鉤。

隱者

青捲松濤雲萬壑。藥苗採罷開調鶴。月明樹底撫清琴。風過刺桐花亂落。題任叔田廣文循按采蘭圖

戀戀烏私託咏歌。芳馨采擷向巖阿。履經哀怨傳蘭芷。小雅悲懷廢蓼莪。空谷雨風悽欲絕。終天霜露感如何。孝思取認餘圖畫。補出筌詩淚點多。題寫南山樓圖

道場。紫翠。落溪山。鎮日相看不足。愛山更勝。蘇玉局。丹青一幅。恣收束。滿帶
雲。煙。揮。斷。續。圖。成。一。笑。傾。醞。醜。軟。紅。洗。盡。俗。塵。俗。山。光。撲。入。樓。頭。綠。

題半日醉齋主人閒居自遣圖

汝上高風。譽早馳。披圖今日。仰英姿。鄭虔絕技。花生筆。阮籍清狂。酒滿卮。一院
桐陰。閒弄笛。半簾花影。靜敲棋。文章蓋世。橫行久。不論尖團。總入時。公將
花木深。深屋幾椽。閉門未許。俗緣牽。結來翰墨。三生契。公與外。參透推敲。兩字
禪。世事不須求。甚解。人生最好。是隨緣。明年得意。槐黃後。忙煞長安十里鞭。

題畫

青山無語暮雲流。瘦柳疎煙無限秋。柔櫓一聲聲。欸乃。灘頭驚起睡沙鷗。

題月湖漁隱圖

萬頃琉璃波渺渺。乾坤一葉扁舟小。鱸魚風起釣絲涼。濁世浮名淡鷗鳥。

自題二十五歲小影

錦瑟年華彈指過。眉山曲曲奈愁何。怪他天上團圓月。慣照秋思入髮多。

卷四 變華室詩選

二十七 香 絕 最 奇

罡風吹墮小瑤天。回首瓊樓夢亦仙。底事橫琴偏不鼓。要從琴外悟真筌。

題俞慶曾女史綉墨軒詩後

女史字吉初。德清俞曲園太史女孫也。適宗氏。其姑遇之。虐。女史曲意
承順。嗣其姑為子置妾。妾有惡。瘡。女史親調湯藥。姑猶謂其姑也。日怒
誓之。女史不能安。作書致太史。尾隱一死字。遂仰藥卒。年僅三十有三。
太史為作傳傳其詩。

坐聽梅雨愁清夕。蕉窗燈影耿涼碧。一卷新詩讀百回。蘇娘字字皆瓊璧。羨君
清才女。謫仙。聞君四德羣推賢。紅閣賭韵花生筆。聰慧深邀大父憐。于歸夫婿
亦時彥。玉堂人物世爭羨。萊舞娛親兩壁人。綠梅花下開清驢。奈何姑惡朝暮
啼。鶉聲聒耳風淒淒。傷心掩泣言不得。十年血淚凝幽閨。曲意承歡輒逢怒。託
之歌詠。愁難訴。自從桃葉渡江來。醫藥親調反云妬。生成薄命復何爭。敢怨姑
心太不明。一笑九京尋樂土。恨深自覺死生輕。隱語家書傳死字。未忍重傷重
聞意。繞逾三日。噩音來。一樹瓊英竟萎翠。吁嗟乎淑媛底事偏坎壈。豈真才人

例折磨。碧海青天自千古。儂亦為之抱恨多。

偶書石頭記後

情天同是謫仙人。兩小無猜鎮日親。記否碧紗廚裏事。戲呼卿字作琴琴。
又送春歸感歲華。阿儂生小恨無家。傷心一樣同飄泊。淒絕東風葬落花。
菊花香裡快飛觴。門酌分箋粉黛場。試問清才誰冠首。當時獨讓病瀟湘。
涼月糝糊香不濕。懶調鸚鵡掩重門。窗前梅種千竿竹。贏得斑斑瀆淚痕。
藥爐茶鼎篆煙浮。風雨幽窗一味秋。知否多情天亦妬。前卿消瘦前卿愁。
兒家因果自家知。作繭春蠶自縛絲。了盡相思還盡淚。三生誤煞是情痴。
梨花落盡不成春。夢裡重來恐未真。漫道玉郎真薄倖。空門遊跡為何人。

月月小說題詞

稗官漫說總荒唐。摘異搜奇各擅場。知否歐西能進步。全憑一曲荔枝香。
文明我國尚胚胎。幸有文豪共聘才。欲藉生花三寸管。夢中驚起睡獅來。
喚醒同胞志願奢。他年或免化虫沙。狂瀾今日憑文挽。此是批茶五月花。

卷四 變華室詩選

二十八 香 絕 最 奇

任烈婦詩

蔡家有女淑且賢。幼期詩禮四德全。於歸任氏年十五。和鳴韵叶鶯鶯絃。夫婦
鬢齡早。采雲煙。揮灑才如海。得意旋分貢樹香。登堂借舞萊衣綵。不圖天忽
召修文。鏡掩孤鸞。遽破分。妾心既碎。妾腸斷。哀猿啼。慘凝愁雲。自慙妾命薄。於
拚從夫。誓願同生死。觸石血。飛桃花紅。飲剪舌。破蓮花紫。奈均被阻。苦為防。寸
心至此。轉傍徨。上有白髮下黃口。安排一費思量。抱兒因向小耶託。高堂更
顧歎。時博。仰事俯畜。既有人。問心已安死亦樂。空聞黯淡月黃昏。杜宇聲淒靜
掩門。一燈燐火。吹寒碧。冰稍三尺。騰冰魂。停屍。暑月色不變。蒼柏依舊。如生面。
凜然正氣。炳千秋。合列吳興節烈傳。吁嗟乎士夫偷息生草間。視此烈婦。應汗
顏。

讀小青傳書後用琳仙如妹韵

小劫華燈下碧城。到頭可悔誤痴情。多愁轉覺難為死。照影空憐太瘦生。倚竹
有人吟月冷。落花無主逐風輕。淒涼夜雨幽窗裡。一豆燈紅獨伴卿。

雙華室詩選題詞

字裡行間氣似蘭愁腸宛轉觸無端錦囊佳句搜羅富白璧微瑕指摘難吐盡
春蠶絲未斷吟成別鶴淚空彈一般菲屋牽羅恨日暮天寒翠袖單
茗溪一水隔盈盈展卷疑通咳唾聲豈荻他時酬苦志頌椒早歲擅才名苔岑
聚首情如昨夜月聯吟夢易驚幾度焚香三復誦雪泥鴻爪感平生

琴香女史朱月蓮題

絕妙無慚是好辭修眉未豎早工詩挑燈細讀銷魂句人似梅花瘦可知
拈韵分牋互唱酬清才如水自風流可憐一管生花筆不寫關雎只寫愁
工愁善病孰如君哀艷詞華不忍聞江北江南衆閨秀新詩一卷獨超羣
柏舟早賦正華年六載匆匆恨短緣薄命紅顏原有例從來福慧不雙全

安定女史伯荃胡士蘭題

右為吾鄉徐曼仙女史所作女史學通新藝善畫工書曾任天足會學堂教
員桃李盈門極一時之盛所擬紅樓夢葉戲譜已列入本編三集中茲讀其


卷四

雙華室詩選

二十一

香池


詩纏綿往復神韻悠然雅近晚唐風格附錄莊詞後珠聯璧合旗鼓正自相
當耳宣統二年四月俾驤子附識



悼

亡

嗣



悼亡詞

仁和沈星煒秋卿著

亡婦江來歸四年情好。羨寫丁春月吉。舉丈夫子。遂得羸疾。漸成不起。病中令余坐榻前。絮話一切。彌留時。值一執手而已。痛定悲來。不能自已。爰作臨江仙十首。

記得樓頭深夜語。幾分春到梅花。天寒翠袖薄羅遮。月和人瘦。透影入窗紗。今日瑣窗成獨倚。無憐遺暈年華。東風依舊滿天涯。斷腸玉笛。吹夢入誰家。記得春前江上別。離愁黯黯黃昏。羅巾空惹舊啼痕。香寒被角。應許夢溫存。不信浮雲吹忽散。而今真個銷魂。此情欲語更誰論。迢迢彩石。何處問西崑。記得滄江踏路晚。飛鴻遠寄相思。三生恩義少人知。紅箋記注。珍重乍開時。一別秋風人隔世。錦書悵悵何之。淚凝鰥枕雁來遲。淒涼心事。望斷碧雲祠。記得畫眉窻下立。粉香輕浣羅衣。落花消瘦草痕肥。翠分淺黛。一角遠山低。痛絕當年京兆筆。柔情已逐雲飛。月中瓊瑤是耶非。空餘遺挂。掩幔却依稀。

卷二 悼亡詞

三十二

九香館集

記得荆花開五樹。東風忽殞雙枝。謝庭殘雪燕歸遲。衰親健在。猶賴汝維持。何事仙雲繞現影。玉簫又動離思。傷心阿母最堪悲。七年一瞬。三度喪瓊枝。記得良言曾勸我。讀書須惜分陰。功名水到自流成。忍將心力。輕棄十年情。畢竟珊瑚沈斷網。夢花空許相尋。西風無那又飄零。青燈負我。我自負卿卿。記得天涯逢七夕。指雲初見秋河。可堪經歲別離多。綠窗消息。爭奈薄情何。似此星辰原昨夜。劇憐潘鬢墜。陰陰涼月轉垂蘿。闌干風露。盪水欲生波。記得蒲簾風影細。并刀乍剪輕絛。綵絲無力挽雙鸞。絮痕着處。點點唾花寒。幾向空房尋舊跡。新愁又上眉端。模糊卷本鼠拖殘。年時針綫。和淚更重看。記得涼颿吹碧樹。愁心不耐清秋。短衣喜趁薄寒收。遙知隨篋。中夜自綢繆。太息年華同逝水。孤蟾影破瓊鉤。寂寥庭院曉霜浮。蘭絲抽盡。雙淚冷香篝。記得傷心隨去日。暗絲欲斷還連。相持縱有萬千言。不成一語。忍痛向重泉。曾是離人應作。此情何計周旋。茫茫來日快抽鞭。好將心事。同證後身緣。



鐘
穎
室
詩
草



鮑穎室詩草

山右叢書初編

雁門 馮婉琳佩結

夜坐偶成 庚辰

讀餘時寂坐庭樹穩棲鴉珠箔因風起階前月影斜

杏花 己巳

廿四番風換關心景物除幽香迷野徑春意到山家雨蕊林間溼風枝竹外斜
折枝堪作供曉綉色紅霞

月夜思親

微風動簾幕皎月照中庭竟夜不成寐披衣且剔燈鄉關別離久听夕念老親
膝下十餘載形影未曾分教誨殫親力寒煖勞親神一旦相睽遠能不悵苦辛
椿蔭悲淵謝慈顏入夢頻嗟予鮮兄弟誰為侍昏晨感此千里隔無語獨沾巾

劉夫人節孝詩

鮑穎室詩草

山西省文獻委員會印

嚴霜凋百卉青松抱勁姿賢哉劉節母貞孝乃如斯烈風動地起吹折連理枝
黃鶯難比翼徘徊鳴嚶悲泉下誓相見忍死待須臾仰視堂上親誰為供甘旨
下顧襟中兒妾去將焉恃念此柔腸斷代夫盡子誠饑寒不改色顛顛時吞泣
迢迢長夜靜耿耿殘燈碧丸熊佐宵讀柏舟慄冰清詩書手澤在課子有遺經
劬勞廿餘載教誨成令名芳名播彤史閭里爭光榮伊余歛賢淑握管吟高風
偶感

尺五天 丙午

閒雲散空碧淡月隱曲闌微風天宇靜庭樹影團圓歸期頻年阻回首憶舊歡
迢迢關山隔悠悠恨路漫離鄉際七載知否勉加餐徘徊望去雁遙盼尺書難
已巳清和十日夜夢至一處層樓覆閣金碧輝映樓上下人來往甚多
予登其巔觀樓額尺五天三大字筆力蒼古醒時歷歷如繪因成小詩
以記之

步境分明約目前逍遙一枕等游仙瓊樓玉宇紛無數喜我曾登尺五天

即景

陰陰夏木晝初長獨倚闌干納晚涼補壁蜘蛛黏網密翻枝蛺蝶曬衣忙盆花
過雨香埋徑簷竹搖風影出牆領取吟懷兼畫意一鈎淡月上迴廊

雨餘即事

一碧天如洗庭前景物清花含晨露潤竹戛晚風輕綠壁留蟬跡穿林悅鳥聲
深宮寅盼慰 世宮中 占歲愜歡情

榴花

過雨探芳訊榴開又幾叢朱華肯挹露翠萼曉迎風何事霞裙如居然錦幃同
携來安石榴結實更玲瓏

月夜偶成

天宇纖雲淨微涼倦倚樓月移花影動風送笛聲悠點點蒼苔碧陰陰遠樹幽
鮑穎室詩草

山西省文獻委員會印

塵懷消永夜得句豁吟眸

雨後觀荷

空庭過雨喜微涼翠蓋搖風送暗香一夜池邊添嫩綠亭亭玉映門新妝
初秋晚興和藉菴韻

雨過開新霽陰晴一日中池荷晨挹露隔竹夜敲風讀史偏多感聞吟愧未工
家山千里碧應有夢魂通暑退涼生早逢秋倍憶親挑燈溫舊課捲卷惜良辰

蛩語如知夜螢飛解避人疎桐偏應候搖落乍經旬秋至人先覺蟬鳴又夕曛
簾深運得月樹密礙歸雲自羨家庭樂休爭竹帛勳靜中真趣在方寸息紛紜

抖峭西風起高吟快倚樓芙蓉臨水面蒹葭過牆頭月落砧催曉霜寒雁報秋
蕭然塵事遠此意共綢繆

夜雨

溼雲送雨來閉窗喜軒敞庭竹乍蕭疎風逐落葉響寒蛩繞砌吟似報秋氣爽

須臾片月升靜觀獲新賞

中元夜寄懷仲姊

颯颯西風動別愁離懷無那又經秋今宵一片團圓月半照并州半蘄州

讀張氏女集題後

幼讀三百篇頗解比興理二南首關雎化自閨闈起內治德為先全行在倫紀
吟詠寄性情雅音追正始溫柔與敦厚詩教本如此賢哉蘭陵張伯仲相濟美
趨庭傳家學篆籀別偽體一門富文章嗚吟敲宮徵不數謝女才欲續班姬史
酌事足千秋巾幗能有幾展玩靠珠璣披誦芬頰高子亦就吟毫標材非杞梓
勉學邯鄲步歌成慚下里無緣拜絳紗瓣香切仰止

憶母

翹首慈雲黛渺茫傳箋何計慰高堂不因此日想思苦異地甯知歲月長

讀顧亭林先生全集

饋穎室詩草

三

山西省文獻委員會印

經明貴行修學古期平治聖賢有要圖淑身乃淑世末俗競浮華卿相惟倖致
欺人盜虛聲廉恥遂委地編維顧先生絕學富經笥深識閩福禍潛修淡名利
不羨弓旌招獨行山林志濟世利病篤博物金石記日知究天人餘事辨音義
西游太華雲嘯傲煙霞寄至今二百載備宗誰堪比衣冠野雲暮家伯子爵處士
手舉先生 俎豆城南寺京師慈仁寺幸讀先生書掩卷三致意私淑跋高踪處士
香從此始

除夕感懷次韵呈蕪翁

剪燭增離緒敲詩興不加春書迎節序歲酒送年華臘竹新舒籜盆梅早著花
慈雲頽恨望歸夢隔天涯

秋夜懷仲姊季妹庚午

風來簾幕捲貪涼夜眠遲雨餘新月上坐看花影移四壁亂蛩吟不平欲訴誰
感此物候變流光迅駒馳羨彼林間鳥啾啾繞故枝嗟予雁行隔八載遠結藕

音書欣無阻離慰飢渴思渺寐偶携手猶似少年時迢迢雁門道茫茫淞水涯
伯也成永訣此生無見期仲姊悲愁縶琴瑟久乖違弱妹方待字誰為整嫁衣
况我堂上親筋力漸衰疲甘旨何人供形影爾相隨安得凌風翻頃刻至庭闈
探喉成怨曲愁懷祇自知

春日感懷

村居城市遠閉戶知音稀鷓鴣燕報春深風絮入我幃芳草隴前夢桃李綴新枝
東風鼓太和萬卉爭光輝榮悴信自致造物本無私撫景惜華年傷哉遠別離
憶昔臨園闈趨庭習文詞上艾六七歲伯仲相追隨為歡日未久迢遙賦于歸
慈闈悵遠隔鱗鴻樹相思人事多變更何日卜歸期無言轉悵惻零涕沾裳衣

送仲嫂之京都

半載欣重聚蘭閨誼獨親同為行路客聊慰倚閭人柳折汾隄絲花看嶺嶺新
臨歧無限意執手共沾巾時子亦將歸市

饋穎室詩草

四

山西省文獻委員會印

晚行遇雨

遠道征人怯崎嶇日易昏溪深多繞寺樹密自成林歸牧牛羊下投林鳥雀喧
涼風吹短袂暮雨倍消魂

雨後偶成示四妹

空庭初過雨暑退晚涼生淡月侵窗碧微風拂簾輕蟲吟籬豆細螢度砌花明
坐久渾忘倦簷頭參斗橫

秋夜寄許齋主人

細雨斜風葉滿林小樓憑眺獨蕭森愁懷此際憑誰語一夜思君海樣深
千里迢迢恨路漫聊憑雙鯉報平安西窗剪燭心先醉欲寫相思落筆難

月夜聞笛

小院西風冷疎窗月上遲一聲何處笛吹起故鄉思

秋分日憶許齋主人

落葉深三徑歸心懶倚樓關河千里夢風雨一城秋欲寄相思字恐添遠道愁
黃花應比瘦曾否著輕裘

忻州留別四妹

惜別陽關怯曉風匆匆握手訴離衷柔腸欲斷難爲別盡在無言嗚咽中
長途迢迢一望餘霜林紅葉點征車重逢未卜他年事願愛芳年餐飯加

山行卽景

萬仞接青霄峰迴疑無路豁然兩岐分天光破煙霧溪深怯馬蹄小橋通前渡
古樹不知年根盤龍蛇怒紅葉秋色明滅殘霞護何來砧杵聲人家臨水住
茅屋半遮籬柴門眠浴鴛鴦轉境更幽懸崖飛瀑布不隨平地波休爲出山誤
一塔寄嶺腰樵僧雲端度寺遠但聞鐘隱約林深處歸鳥背夕陽畫圖紛指顧
行行道苦除前峯日將暮

雪窗偶成

饋賴室詩草

五

山西省文獻委員會印

乍覺寒威重開窗玉屑霏雲濃雅陣亂風峭雁聲稀文字翻來謗詩書與俗違
故園朝首處魂夢隔庭闈

梅花

南枝數點淡妝成月色朦朧鶴夢醒畫閣宵深琴罷撫隔簾香霧不分明

水仙

僊骨珊珊不染塵須從洛浦證前身霜寒洗盡針華想桃李東風漫效顰

咏梅

南國傳芳訊春光小院遲風來香自溢月過影頻移冷淡癡仙格橫斜處士詩
羅浮前夜夢翠羽認迷離

曉起卽事

曉日曠曠映紗窗煙低幾一痕斜垂簾莫放東風入半怯春寒半護花

大雪和東坡尖叉二首同許齋

竹深不見月痕纖閉戶寒威傍曉嚴皎皎樓臺如積玉紛紛庭院已推曉梅添

素萼花臨水竹壓疏枝葉拂檐卻憶京華吟侶在笑呵凍筆門新尖

凍雲擁樹起棲雅竟日門無俗客車繞砌紛紛玉屑敲窗細碎舞瓊花抽妍

句好推梁苑詠絮才高豈謝家欲擬衝寒沽酒去依稀莫辨路三叉

春日雨中偶吟

雨餘

空濛細雨溼蒼苔簇簇繁英次第開蜂蝶似憐人寂寞競銜花片入簾來

初夏卽事

雨霽閒雲淡欲流清風習習挂簾鉤迷離花影階階明月多情又上樓
紫榆庭院畫偏長四面窗開喜嫩涼拂拂棟風侵硯匣霏霏梅雨潤琴牀蟲垂
葉底貪清露蝶抱花枝醉暗香烏戶且欣塵事遠兀然獨坐理繚繚

夜坐

饋賴室詩草

六

山西省文獻委員會印

雨霽雲懶飛園林茁新綠濃露滴芙蓉涼風曳窗竹藤陰月影移茶煙散輕輭
小庭喜幽曠靜觀愜心目披襟愛久坐夜漏聲遙促

偶成

困人天氣小年長半捲湘簾納晚涼一縷篆煙颺不定風來更送藕花香

幽居雜興

門掩苔痕長庭空日影斜歸鴉爭古樹狂蝶鬧新花書罷閒措硯詩成靜品茶
幽懷何處寄一室足煙霞習習薰風至疏簾捲夕曛竹聲涼似雨花氣淡如雲
擗管拈新韻開函校舊文北窗清夢覺爐篆尚氤氳雨歇層陰驟微涼拂素襟
蟲食藏葉底蝶倦醉花心月映簾紋細煙籠樹影深書聲鄰舍起願爲理瑤琴
暫卻塵懷擬欣觀景物幽荷擎晨露潤竹漾晚風柔夜靜蛩如語天空月自浮
茗香聊破睡小院且勾留

卽事

夢醒疎窗雨過時空庭人靜捲簾迎
芳菊立花前久露溼弓鞋向未知

夜坐

虛堂寂寂晚涼天寶鼎頻添
篆煙風定池蓮香自在月籠
簷樹影偏圓敲詩戲仿連珠
體習字時臨道德篇靜坐烹
茶煩慮滌沈沈銅漏滴窗前

七夕

瀟瀟細雨溼黃昏天上人間
總斷魂回憶昔年諸姊妹也
曾乞巧向天孫

游二廂口占

出郭乘幽興一葉理扁舟風日
正清美行行柳聲柔水天相
輝映波光淡不收
叢葦沿岸密野鳥城中流臨
渚幾人家竹樹綠陰稠嬉笑
兒童樂忘機等鷗鷺
頓除萬斛渴涼生不待秋夕
陽忽西下返棹白蘋洲蕩槳
者誰子呼嘯發清謳
江湖惟夢到此境足夷猶

寄書

欲寄家書下筆難無言獨自
坐更殘殷勤勉作平安語臨
發開封幾度看

秋日感懷

西風瑟瑟日遲遲庭院蕭森
冷桂枝世態如雲蒼狗幻
韶光逝水白駒馳愁中
沽酒聊尋醉讀罷攤箋勉
索詩寸草有心慚報稱
願揚無分到蛾眉
疏桐一葉報新秋暮捲珠
簾月半鉤千里思親愁
聽雨兼旬多病怯登樓
蟲吟
冷露聲何苦雁送長風
勢倍道極目鄉關無限
意天涯何處覓書郵

偶成

露重煙消碧落空西風搖
落到疏桐殘蟬如怨
當如訴似報秋歸細雨中

獨坐感懷

冷露閒階坐輕寒透碧紗
風吹將退葉雨弄欲殘
花望遠情難達思深夢
易通
團圓今夜月兩地照應同

寄衣曲

一夜西風木葉飛深閨慰貼
到寒衣却愁寬窄無憑準
刀尺暫停淚暗揮

秋日東三妹

相離咫尺即天涯
棲鷗相思恨轉加
雨後蟲符鐫敗葉
風前蛛網罥殘花
羨君福壽能超俗
笑我痴頑祇憶家
借問香車何日過
待除苔徑煮新茶

秋日寄懷二妹

匆匆分手忽經年
極目雁行恨各天
時有家山縈夢寐
何堪秋雨更連綿

遊江亭

地僻稀人迹驅車
葦徑通疏欄臨水而
高閣出花叢蘇守
蟬碑暗設拖雉堞
紅
西山紛在眼蒼翠
有無中暫喜塵煩
滌憑憑閣遠波搖
依岸柳雲護傍山
樓
日夕鐘聲動風徐
鳥語悠年來厭城
市欲去更遲留

擬游山詩

峯轉疑無路林開
嶂忽分崖深能作雨
石古欲生雲破寺
無香火殘碑有篆文

藍穎室詩草

八

山西省文獻委員會印

松陰聊小憩鐘語
隔溪聞尋幽人境別
蘿徑試登華鳥倦爭
投樹雲閒欲定山
風吹松子落箬引
牧童潯斷獨蠅文
古摩挲認蘇班秀
色開圖畫行行陟
翠微
雁拖殘照去雅
逐斷霞飛危塔
奇山切鳴泉瀉石
磯漸看新月上
徙倚淡忘歸
勝地欣臨眺塵懷
一笑輕羣山青到
郭一水綠環城樹
古涼先覺花奇
瀾自清
編茅宜小隱何事
戀微名

山樓晚眺

薄暮層陰次第開
蒼然秋色近樓臺
山經雨洗濃於染
樹引雲歸碧作堆
採藥
倚尋煙外徑買花
人自水邊來幾回
欲作登高賦握筆
慚無錦繡才

曉雪卽事

嚴風逼曉峭寒加
浩蕩乾坤淨點
銀海光搖生幻相
不知是絮是飛花
七葉新葉驗律回
春風消息到寒梅
東皇留潤工妝點
一夜瓊花徧地開

送玉卿嫂之秦州

一截相依情更親無端聚散若溪蘋燕山草色初含碧汾水桃花正待人定有
門闌勞悵望休因跋涉怨風塵天涯後會期難卜執手臨歧各怆神
鶯聲歷亂若爲忙一曲離歌幾斷腸別酒未斟心已醉離懷欲話恨先長關河
迅速隴雲暗戎馬倥傯樹荒顛切使君成上理潢池早靖勸耕桑

春曉

輕寒天氣乍陰晴春色怡人畫不成料得前宵新雨足街頭處處賣花聲

卽景

十二闌干外曠曠日影移花深春自駐竹瘦俗能醫雨後鶯聲脆風前燕語遲
忘言真契在此意少人知榆蔭空庭靜年來愛此廬花嬌滋露重草軟漾風徐
學篆參蟲鳥披圖訂魯魚陶然吾意樂及此好開居

曉起卽事

深閨曉起懶梳頭春夢無痕也覺愁爲惜韶光留不住又拾花片上妝樓

儲穎菴詩草

九

山西省文獻委員會印

春深三徑綠陰肥惆悵殘紅帶雨飛蜂蝶多情忙不了風前隊隊抱香歸

春晚偶成

蕭齋無意理銀釧偶藉新詩破畫眠著雨花容疑中酒敲風竹韵誤調絃作書
每愛蠅頭細煮茗初翻蠶眼圓閒捲疏簾添畫稿落紅飛到綺窗前

春日書感

日日惜春祇自知東風寒重滯花期燕衝細雨銜泥過雅逐歸雲到樹遲不信
多才能折福非關有恨始吟詩此生已被羅衣誤懶向妝臺學畫眉

暮春口占

一夜風聲雜雨聲惜華心事夢難成流鶯似恨春將老故向人前訴不平

城外寺所見

雨過郊原翠色連薰風拂柳含煙隔花酒幔疑無路近水漁莊別有太古寺
僧貧梵貝靜荒園草盛鼠狐眠停車不語閒翹首隱隱城樓落照邊

偶成

閒來日比小年長老樹參天覆畫堂抱葉蟬如高士懶穿花蝶似酒人狂畫多
未讀方知悔詩到無題每易忘閉戶差欣煩熱澹希琴一曲靜焚香

思親

自別慈闈二載餘雲山極目渺愁予不知眠食平安否惆悵何人問起居

次許齋書韵

潤物宜疏雨庭花一色新燕歸猶識主鼠點敢欺人得失甯堪問炎涼未足順
閉門謝車馬剪燭賦詩頻

次許齋雨餘卽景韵和杜石生作

雨洗遙山翠黛連斷霞明滅晚晴天隔簾芳草可憐碧冒沼新荷隨意妍瘦蝶
穿枝忙曬粉昏鴉棲樹怯衝煙眼前幽趣成圖畫惜少鷗波妙筆傳

晚霽

儲穎菴詩草

十

山西省文獻委員會印

霖霖添新爽閒庭景物妍晨花清裏露夜竹靜生煙到耳蛙聲聒當頭雁陣連
烹茶聊小坐不醉亦陶然

卽事有感

閒倚闌干覺晝長綠波如畫漲陂塘韶光半爲耽書誤鄉夢常因中酒忘世態
自來多謫詭人情何處不炎涼却憐蝴蝶食痴甚又逐飛英過短牆

讀魯川先叔遺集

少年文采冠詞場薄宦浮沉滯省郎未必才高難致福何堪名重反嫌狂恤刑
雲可清風在滅賦晚江惠澤長太息生平勵孤介不將琴鶴伴閑裝

風雅宗工一世豪坊壇旗鼓每親操酒綠好客尊常滿詩爲分題格愈高經術
濟時難避謗馳驅許國敢辭勞宦深早定千秋論不愧清勤兩字褒

苦雨行

濕雲壓天天圓低赤烏退匿扶桑西屏翳失紀飛廉虐朝朝雨師懸旌旗雷車

迅馳無停暑龍吸盡長江水掉尾噴散萬斛肝然平地大波起長安六月
已如秋米價日增閭閻愁屋破垣圯人聲沸時有飛魚落釜頭畿輔南北咸澤
國山陸不復辨阡陌澤中嗷嗷哀鴻啼強者鋌走爲盜賊比戶曾無儲石糧屋
舍蕩然秋稼傷大吏猶報豐瑞有司祇爲催科忙日日追呼恣敲扑老穉被
焚行踏毆求生求死兩未能窮民何辜遭慘毒吁嗟乎監門鄭公今日無獻闕
誰給流民圖國家深仁二百載懸知闕火即綱和九重祈晴方下詔陰霾一空
朱輪離急播晚稻祝西成豐稔應以謳歌報

霖雨兼旬聞永定河泛溢感賦二十韵

陰霾天開白日難爲光風濤戰庭樹勢挾雷電狂月無三日辨愁霖聲浪浪
傾巢鷓鴣尾結隊蛙登堂飛泉喧屋瓦枯藤漬繩牀炎暑如深秋時序失其常
長安居不易索米價苦昂飽聞三輔間洪流溢河梁田舍遺漂沒平地波濤揚
頻年已苦潦老幼無完裝何堪爲魚暎復此秋稼傷閭閻飢寒迫有司微斂忙

饋贈室詩草

十一

山西省文獻委員會印

祇聞政如虎不見境避蝗鏹鏹皆民脂徒飽胥吏囊救災在恤困端恃疆臣良
懲貪而去莠或可起膏肓如何務姑息鷹頭任披猖辜臣寒蟬寂何由達天關
安得天心悲轉歎爲豐稔歌成聊抒憤令人思龍黃

兩窗感懷

露冷秋空迥霜高旅雁過急風噴敗葉淫雨撼枯荷獨酌寧辭醉聞吟不厭多
故園松菊在日夕夢煙蘿

聞蟬有感

寂寞秋閨靜豈時傍砌陰侵簾霜月白市徑晚煙深自有炎涼感何堪斷續吟
鄰家砧杵動誰解此時心

喜家書至

遠道思親日秋風雁到時祇緣三載隔非訝一書遲喜極翻無語思深轉自疑
倚窗頻剪燭不厭幾回披

書懷 閏仲秋初五日

道遠雲山滯雁行替來欲讀恨先長暮綠遠別增悵感綵風隨雅倍可傷

中秋夜口占

白別鄉關幾度秋每逢佳節轉添愁待兒也解思鄉苦月到湘簾早下鉤

十一月十二日雪用聚星堂韻和許齋作

驚風颯颯敗葉墮起鉤簾見飛雪天公作意開圖畫妝點乾坤轉清絕頃刻
枯梅偏著花到手蓓蕾疑堪折樓外西山失蒼翠銀海光搖條變滅萬瓦鱗比
玉無瑕斷續炊煙漾空翠衝寒沽酒快圍爐賺得醉顏開笑纔知君希古志千
秋區區雕蟲技豈屑拙宦不爭終南捷十載長安驚一瞥風雲遇合會有時俗
服炎涼寧堪說持杯勸飲且高歌歲寒共保心如鐵

夜坐述懷再次前韵

凍雀爭巢踏枯葉漫天同雲欲飛雪愁腸得酒芒角生兀坐寒窗更淒絕鄉國

饋贈室詩草

十一

山西省文獻委員會印

忽憶綺窗前老梅馨香定誰折常年別離歡趣舊事回首蹤全滅學詩刻鵠
慚未工安能健筆腕底翠北堂護樹根陰違喜卜雙花綻紅繡雁行分飛各天
涯米鹽誰爲謀瑣屑暫歸聊慰倚闔望余丁未歲春歸寒暑屢易纒一瞥西險
岩堯山松秀夢中歸途尙能說夜深漸覺柝聲繁臥擁重衾冷如鐵

讀鄭齋二應作有感三應奉呈

閉門耽靜翫貝葉勉效巴吟續鄂雪羨君健筆何嶙峋頃刻千言詭奇絕餘事
形聲追蒼籙汝釋精詳羣疑折肯示我琳瑯句拍案狂吟繼燭滅愷昔聯詠
古梅下倏忽繡光驚電掣家園古梅一株花時被垣清暇磨事稀坐擁書城開
錦繡生無柔骨易忤時胸有千秋寶儲屑儒生讀書思致用勉圖報稱敢輕啓
青史雖完異代名縱抱奇才何足說君看道旁翁綠髮終日奔走愧輪鐵

歲暮述懷

連朝風雪動鄉思盼到寒梅折遠枝歲暮家山類入夢宵深燈火懶尋詩迂疏

依舊難諧俗智巧由來易合時太息廿年成底事書囊瘦骨未嫌痴

卽事

雨過涼生小院中半窗竹影漾微風尋芳蛺蝶忘春盡痴向牆東覓錦裝

蜘蛛

補壁繁枝趁夕暉纖絲誤胃蝶蜂飛機心漫負經綸巧綢到成時力已微

寄懷汪玉卿仲嫂

佳耦於今有幾人羨君鴻案敬如賓苔岑臭味偏同我冰雪聰明本絕倫燈下

鈔書動課子花前奉酒善娛親定知上理能襄化遙聽甘棠頌翠秦

難逢驛使寄相思迢遞關山雁到遲春雨一簾燈似豆宵深正我憶經時

燕樹隴雲魂渺率何堪離緒各天邊無情卻恨中宵月偏向愁人分外圓

感懷呈許齋主人

樹杪蟬聲噪夕陽湘簾懶捲靜焚香酒澆塊壘休辭醉詩寫性情不礙狂堪笑

鮑參軍詩草

十三

山西省文獻委員會印

英雄論成敗須知世態本炎涼勸君莫問君平卜日擁琴書足徜徉

詠史四首

銷兵拓宇暴爲先棄盡詩書劫火然海上仙舟終縹緲泰山石碣任雕鐫詎知

帆道修降日卽是長城築壘年上蔡勳名成底事阿房一炬付荒煙

中原逐鹿起紛爭先入咸陽帝業成破敵席前憑借箸時危俎上忍分羹除殘

幸有三章約裂土虛存六國名慷慨歌風懷猛士白登一困少韓彭

降蜀平吳威德宣乾坤一定味知賢志荒鐵鎖銷兵後禍伏羊車縱樂年甯識

兒頑非果報居然婦劣也當權江山半壁今何在荊棘銅駝事可憐

義旅長驅定洛陽雲霓爲慰萬民望千年禮樂尊周孔一代刑書法禹湯學士

登瀛開畫本老臣進鑑戒禽荒始終恩禮全勤奮仁德許讓遜漢皇

書憤三十韵

請書期致用經術足匡時文章與政事一貫道在斯爲學羞標榜居官恥素尸

一旦投報大自任遂不疑譬彼築堂與樹立貴始基基址苟未固梁棟何由施

末俗務名利捷足競奔馳經史東高閣忠孝飾虛詞微倖致公卿只矜遇合奇

受賄象焚齒假威虎蒙皮黃金信有用拔擢惟所私平居謂抱負遇事任謗嗤

方寸無真宰與衆爲轉移獻箴誰補衮上策只和夷遂使匪羶輩數載溷皇畿

大羊恣貪饕貓鼠共恬嬉詭謀紛白變誅求靡窮期厚幣賂敵國體寧無虧

近聞海氛惡戰守兩端持夜郎益自大疆吏尙羈縻內外患未已上下交相欺

三輔頻年潦十室九斷炊催科府上考銷銖皆民脂胥吏更中飽寒雨忘怨咨

妖星亘銀漢光芒掩斗箕天閣隔萬里浮雲蔽朝曦小臣猶納誨臺諫固聞知

病漸入膏肓和緩亦難醫杞人憂奚補抒憤聊陳辭擲筆起長嘆明月入羅帷

對梅有憶

春信傳來雪後天一枝開傍竹籬邊暗香浮徑風初定疏影橫窗月正圓冷淡

祇宜高士賞清癯肯受俗人憐故園老樹知誰折幾度相思意惘然

鮑參軍詩草

十四

山西省文獻委員會印

花朝卽事

輕寒天氣雨瀟瀟快讀新詞慰寂寥鸚鵡似知人意懶隔窗報道是花朝

春晚

春陰漠漠雨霏霏草色裙腰綠正肥負手巡簷閒索句不知清露已沾衣

離齋室獨坐偶成

關千十二日初斜香篆回環最碧紗出谷新鶯時選樹過牆粉蝶半尋花詩因

限韵吟難就酒爲消愁量倍加堪笑年年隨薄宦故園辜負好烟霞

鎮日掩關靜不諱庭檣破筴草痕斜渴峰鑽紙頻窺硯倦蝶抱枝誤墜花歸夢

闌珊如中酒春愁宛轉總思家才疏亦識無佳詠刻鵠未成敢浪誇

月夜口占

光陰荏苒數階葉舊課重溫欲乞靈却喜宵冰清絕處一窗明月讀丹經

偶吟

花影一簾深焚香理素琴幽懷誰共語愁絕少知音

暮春感興

鶯聲啼斷綠楊枝又是落紅滿地時千里關河客夢一春風雨攪鄉思學疎
常恨拋書早才拙每嫌得句遲閒倚欄干數歸鳥幽懷脈脈少人知

艷陽桃李逐番新聽雨西窗忽暮春競說聰明多自誤若兼福慧豈無人
每作平心想家遠翻憐入夢頻恨朱顏羞對鏡北堂祇恐髮如銀

春日閒笛偶成

掩關習靜遠塵囂偶賦新詩破寂寥學畫未能心欲寫彈琴將罷指仍挑呢喃
燕語窺簾幕宛轉蛛絲隨綺寮滿地落紅無限恨一聲隣笛黯魂銷

白荷花

仙種疑從玉井移中庭翠蓋映參差悟來色相塵難染洗盡鉛華淡最宜素質
豈容蜂蝶伴冰心祇許鷺鷥知亭亭標格盈盈水彷彿凌波獨立時

饋穎室詩草

十五

山西省文獻委員會印

綽約丰姿愛淡妝上清新試五銖裝翠盤擎雨明朝露綉秋迎風趁夕陽檻外
煙籠微有影池邊夜靜自生涼素心相對仍無語好傍慈雲供法王

饋蕩室晚坐

紫榆霖霖蔭書堂悄捲湘簾喜嫩涼滿徑碧雲涵竹影一階紅雨欽花光偶臨
楔帖頻指祝欲賦瑤琴靜蕙香暑氣漸消風漸起忽看新月上迴廊

連雨驟寒口占

蕭然斗室淨塵氛午夢初回忽夕曛積雨苔痕深一寸薄寒花事減三分層霄
雁點行行字遠樹雅翻片片雲自笑園中偏好事爽棉試揭漢軛文

梨花

冰雪聰明不染塵鉛華洗盡見天真總然開向春風裏未許天桃浪效攀

凌霄花

柔蔓搖風難自持榮回宛轉上高枝一朝遽作凌霄勢忘却從前曲附時

晚香玉

玲瓏玉蕊淨無暇短葉參差映碧紗涼露滿階人語靜一庭香雪月初斜

白秋海棠

一院梨雲斷續香水晶簾外月如霜幽芳自耐秋光冷不向春風鬥艷妝

風仙

佳名曾許占蓬萊簇簇紅芳挹露開珍重美人勤護惜却教蝴蝶費疑猜

秋日書感四首

玉露金風濕桂枝簾前小立月明時雁橫迤邐秋傳信雲語深宵冷早知無計
消愁惟命酒有懷欲寫勉題詩凭闌多少關心事極目雲山動遠思

新秋天氣乍陰晴傍晚羅衣便覺輕花徑風高醒蝶夢草根露冷聚蟲聲奇書
每欲焚香讀逸興偏因見月生慚愧綠窗徒咏絮幾回把卷感難平

瀟瀟夜雨倍思親暫慰離愁歸步頻十載嗟此拋壯歲三秋落莫負良辰自來

饋穎室詩草

十六

山西省文獻委員會印

忠厚能邀福畢竟聰明易誤人底事清砧催漸急碧桐搖落已經旬

相思無那怯登樓幾日珠簾不上鉤風單枯荷疑雨至煙籠遠樹認雲浮洗杯

薄飲難成醉拈管苦吟易感秋莫依危闌重恨望兼帶露冷雁聲愁

寄家書有感

拈毫每欲報平安心緒茫茫感百端豈為久離增恨觸懸知生計總艱難幾回
語夜嫌箋短半响封遲耐漏殘女大何曾能奉養空慚千里勸加餐

春夜丙午

雅愛幽棲好丹鉛鎖日隨茶香薰畫屏花氣潤書帷老樹生風易迴廊得月遲
清談忘久坐不覺漏殘時

曉起

碧窗曉起世沉沉幽趣端從靜裏尋隔牖忽傳鷓鴣語曲欄一夜落花深

春暮

研几清嚴傍竹叢
開窗檢譜選絲桐
半池草色勻深碧
一徑花光暈淺紅
酒著愁懷偏易醉
詩逢險韻每難工
黃鸝不識春將老
猶自爭啼細雨中

晚坐偶成

坐久幽窗下涼生
雨過時曉寒驚語
澁風重燕歸遲
鵲篆昏雲映
瓶花撲視池
劇憐春色減扶病
強裁詩時余患日疾兩月矣

晚立

花徑綠誰掃
凭爾望翠微
竹抽前日符
苔長舊時衣
雨後鶯翻調
風邊燕學飛
欲題芳草句
惆悵又春歸

病中口占

弱質經春瘦不禁
重重帷幕怕寒侵
此生痴亦人間少
病裏無聊轉苦吟

書齋即事

捲幔空庭日漸長
羅衣試著怯新涼
心閒但覺觀書樂
性懶猶爲覓句忙
蝶解

憐香華底住

雨窗偶吟

輕陰漠漠雨纖纖
睡起春衫傍晚添
怪底清香時觸鼻
風吹花片落書簷

趙孝子考跡圖

真水百里 明許七年 魏華兒食 守密待日 趙氏宗室 臥崑山人寫

至德詒謀遠展圖
肅心神卓哉趙孝子
童年善養親豈不羨
列鼎奈此家室貧
負米蒲坂道胼胝
忘苦辛侍父仍將母
兩地祇一身母病困
牀藥定省閱昏晨
仰視林際鳥反哺
忍遠巡臥遊當晴晝
片游御輕輪兄弟競
推輓行乞託鄉鄰
得食進道旁舞蹈博
笑嘲土窟形影共無
慼奚生塵相持寸鐵
墜坐待朝暉
椿凋蕤繼謝墓樹慘
不春隔垣洞肺腑
禁方授異人永矢肫
誠念能成博濟仁
藥肆拜遺像看核牲
醴陳今豐昔何嗇
念此淚沾巾至行動
鄉里交章荐紳紳
果膺旌典美始信性
情真文孫善繼述
七圖裝池新經同
章氏守祝比范公珍
令名流千載凍水自
清淪

十七

山西省文獻委員會印

不寐口占

風吹檜鏗亂疎更
香燭金爐臥未成
坐久不知天欲曙
猶疑殘月在窗明

七夕雨

烏雀橋成羽駕翔
疏風冷雨助淒涼
人間但羨長生樂
知否神仙也斷腸

秋夜

露冷秋窗月上遲
宵深蟲語一燈知
金釵劃得枕紗寒
爲續思鄉夢裏詩

秋夜偶成

高捲湘簾暑氣清
小堂人靜夜初更
一窗秋月欺燈影
四壁寒蛩織鳥聲
豈真能折福苦吟
常冀得傳名邇來
漸悟逍遙理何必
求方問養生自小恙初痊

中元夜聞雁有感

每逢此日倍秋歎
一幅輕箋和淚書
聞爾曾傳千里信
不知能達九泉無

和琴勝咏雪二絕

夢回紙帳覺清寒
凍雀無聲夜向闌
一雲風卷簾幕起
梅花疑在月中看

怪底寒威傍晚加
玉龍空際舞橫斜
東皇欲試回春手
一夜枯枝偏著花

雪中口占

凍雲壓樹覆朱闌
倦鳥爭巢漸息翰
欲向南枝探消息
捲簾忘却朔風寒

歲暮束琴舫

郵居藥物役閑戶
怯輕寒風緊鴉拳
樹霜濃竹壓蘭
世情常論論人事
每艱難

寄語繫心子身安即境安

春閨詞四首

東風吹暖百花香
燕子雙雙鬧畫梁
添得瓊窗詩料在
不妨日日弄篇章

金爐香篆裊輕絲
小閣涼生睡起遲
方怪啼鶯無意緒
一階紅雨又催詩

蘭缸挑盡未成眠
惻惻輕寒雨後天
一縷茶煙飛不定
和風吹到小窗前

十八

山西省文獻委員會印

風雨兩濕春殘小立閒庭怯暮寒明月似知人意懶故移花影近雕欄

春日郊行

山含秀色開圖畫一碧郊原雨過時激石水聲趨澗急逆風鍾語出林遲日殘
歸鳥和煙落春冷晚花帶露垂他日結茅來此地布衣糲食也相宜

春夜感懷

閉戶希塵事空庭長綠莎詩情緣病減鄉夢人春多廉颺風驚燕燈昏雨墜蟻
無成空悔晚安得補蹉跎

放蛛絲蝶

憐香釀日醉花陰險阻能回狂放心從此高飛須子細繁華極處網羅深

傷懷 補四子秋作

哭損雙眸淚灑紅百年已短更勿勿淒涼風雨孤燈夜榻極疑是夢中
繼惟觸目斷人腸從此音容兩渺茫一盞清漿和淚奠是誰酸苦要君嘗

結廬室詩草

十九

山西省文獻委員會印

琴瑟和鳴十四年無端摧折並頭蓮可憐一別成千古料得九原也慘然

采鳳分飛憫命孤幾翻欲絕又躊躇親存未敢填溝壑腸斷高堂慰藉書

背義偷生總為親傷心終日淚盈巾淒涼惟有孤燈伴零目誰憐薄命人

書齊小飲呈許齋

芍藥將殘日漸長杯盤小飲聚書堂新梅乍漬醜猶白陳醜初開膩尚香名士
何曾知富貴俗流原不解文章同君借隱幽棲願何日浮家雲水鄉

此詩亦丙子作也時方禮闈報罷夫子鬱鬱不樂予賦此以解詎意未及半

載述捐館舍皆京寓親友皆無余菽茲一身勉支大事嗟呼生命不辰至

此極矣丁丑又遭先太夫人之變傷何可言枕苦餘生倏忽三年矣昨

檢故辭偶而見之因含淚濡墨補記於此云

有感

蕭條門戶總艱難百感傷神淚暗彈翻是九泉人不寂椿萱綠蔭共團圓

浮生如夢度昏晨夜兩孤燈倍愴神一自尊輝歸碧落更誰憐惜苦吟身

富琴勸 附錄新詩 先姑于詞堂得此詞曰安葬夫子仲兄也

淚痕洗面已三春閱編艱難恨苦辛大義綱常千古重遲遲總為倚闥人
自是非才命不辰何曾造物忌詩人感君垂問殷動意欲讀終篇已怡神

荷花

綠葉田田滿玉池微風吹浪影參差紅英露滴疑含笑彷彿華清酒困時

晚聲

水漲小池平苔衣上砌生斷雲隨雨落殘日借霞明穿樹鳥聲潤隔簾花氣清
忽聞風過處鄰寺晚鐘鳴

消夏雜詠

虛堂人靜寂無譁結倦焚香淨品茶怪底小窗涼意滿碧閣千外竹橫斜
沉沉長晝困人天夢醒疏窗慵學箋欲引花香簾乍捲蜻蜒飛到硯池邊

結廬室詩草

二十一

山西省文獻委員會印

湘簾低護篆煙垂午夢初回日影移忽訝風來香氣襲蝶捎花片落書帷

閒階雨過綠苔生小立涼風拂袂輕約略荷花消息近柳陰深處一蟬鳴

夢回香篆尚氤氳移硯南窗趁夕曛偶檢蟲魚參古籍更從爾雅證奇聞

茶煙如霧拂窗斜樹影重重月影遮偶被風牽簾幕起一雙蝴蝶落瓶花

竹搖清影漾書窗斷續蟲聲噪夕陽忽地片雲催雨過天公許借一宵涼

清風拂拂送微涼初月朦朧乍轉廊露墮閉階蟲語靜夜深花氣入簾香

薛蘿引蔓繞疎籬新月如梳漾山池花氣漾深風斷續鷓鴣涼露過松枝

雨後新涼到畫欄烹茶小坐讀丹經香消寶鴨渾忘倦露滴花梢月半庭

簾梢厭戶日陰遲讀罷南華前楚詞斗室煙霞堪噉靜中真趣有誰知

薰爐茗椀傍修篁風過芝荷送暗香一卷藥莊消永日不知塵世有炎涼

卽事

急雨從東來涼意侵書幔清風簾外過雲帙忽吹亂雷車轉未休驟忽隨雨斷

溼雲須臾淨碧天長虹貫餘霞互明滅樹梢夕陽半幽鳥啼花叢蛙鼓喧池畔
屋角露青山嵐翠落几案愛此清景佳開軒獲幽觀頓除萬斗渴技擬復揮翰
不知茶鼎沸微聞鷓鴣喚

秋日東琴助

閉門絕塵世苔蘚侵階綠雨餘捲珠簾新涼透綺縠輕紅豔池荷濃露涵窗竹
螢飛暗更明蟲語斷還續倦繡倚朱闌慨然恨幽獨倦念素心人高臥抱書讀
咫尺疎澗而詩筭勞往復何嘗携琴來一奏梅花曲

偶成

湘簾風動晚涼生碾得龍團手自烹萬軸牙籤供嘯咏爾來心跡喜雙清

秋日偶感

兼旬小病怯登樓翠幕沉沉不上鉤簷竹拍風疑雨竹池荷擎露訝珠浮屏霄
雁度三更月萬戶砧敲一色秋本爲遺愁方覓句詩成無奈轉添愁

鮑參軍詩草

二十一

山西省文獻委員會印

書憶

山居遠城市閉戶寡俗務食涼坐小庭呼婢移茶具晚來微雨過露氣侵簾幕
秋至葉先知亂逐西風去哀蛩繞砌吟似將不平訴對此感索居愁懷向誰語
憶我堂上親追遙阻雲路曉違忽九載寒煥誰調護眠食幸如常精神得如故
空深寸草思相慰咫尺素宵來魂夢通牽衣欣相遇依依繞膝下細訴相思苦
鐘聲忽驚斷倚枕淚如注歲月捷如駛年華等閒度時事多變遷歸期屢誤
羨彼林間鴉反哺樂朝暮不及高飛燕臨風自來去登樓望白雲英英隔鄰樹

菊花回琴助作

老圃寒生雨過時叢叢秋色映疏籬素心只合高人侶僻性甯希俗客知三徑
幽香風信遞一階瘦影月痕移孤芳自是凌霜質底事蝶蜂敢浪窺

和琴助中秋風雨感懷之作

桂冷香消又一秋思鄉憶舊不勝愁姮娥似解悽涼意不使荷光上小樓

佳節無聊強自寬連番風雨罷凭欄漫言誠字恒憂患福慧能兼自昔難

感述

瀟瀟夜雨對孤燈觸緒茫茫感慨生命薄豈真才是累愁深轉悔學無成黃封
且盡樽中酒形管空傳身後名久識行藏同夢幻吉凶何須問君平

冬日偶成

柴門雖設晝長局靜坐悠然俗慮清積雪映窗疑月白斷雲罩樹似煙輕舊臨
古篆攬鬚弱偶讀奇書文尙生自笑未能忘結習閒邀伴侶定詩盟

春晚

閒階芳草綠初齊風日清和望欲迷記得海棠消息到朦朧窗外有鶯呢
幽禽聲裏夢闌珊花事關心曉起看獨倚闌干忘久立滿身香露不知寒

春日偶成

夢醒幽窗日曉時呢喃乳燕隔簾窺深深院落疏疎雨花落盈階尙未知

鮑參軍詩草

二十一

山西省文獻委員會印

春晚有感

綠肥紅瘦又春闌捲幔書堂怯薄寒花氣嫩含晨雨潤樹痕遙帶暮煙團詩逢
得意吟偏苦酒過無聊醉更難一事無成空老大朱顏怕向鏡中看

春暮

輕暖輕寒雨乍晴花飄點點碧苔生窗延樹色侵書綠橙落池光隔幔明詩到
無題聊寄興客難可意易忘名惜花心緒渾無賴厭聽鄰園喚晚鶯

初夏

小庭人靜畫偏長炎暑翻因一雨涼偶著茶煙縈畫冊濃薰花氣潤書床蟲食
清露依簾網蟻怯微風隱幔藏讀罷南華慮慮滌悠然高臥傲羲皇

夜坐示女姪

夜靜水光活天低星漢浮月篩花影細風度鳥聲柔清漸琴書潤涼添枕簟幽
烹茶聊小坐笑語且勾留

雨後小園閒步口占

小園雨後趁新涼十二欄干繞山脚濃綠滿階浮竹影輕紅一盞疊荷光池邊
月上游魚亂樹杪風迴棲鳥忙靜裏幽尋隨處樂詩情畫意恣徜徉

雨餘南樓晚眺

山色含青翠深林隱夕陽餘霞拖小閣新綠溢橫塘露重蟬聲潤風清鶴語長
依欄憑眺久把卷趁新涼

儲蘓室詩草

二十三

山西省文獻委員會印

儲蘓室詩草終

右儲蘓室詩草一篇雁門馮佩芸女史之所著也女史雅不自矜藏篋衍中不

輕以示人以嫺家子獲見之勸付梓不許蓋自矜居以來深自掩抑恨不從

通奉公於地下甫肯以文詞自見哉民國 嗣子維城出遺集屬 輯訂並

爲序乃爲刪其重複正其謬誤並記其緣起如右若云作序當埃諸大雅君子

而非其人也

民國甲子仲夏姻愚姪韓 垌次郊甫敬跋

儲蘓室詩草

跋

山西省文獻委員會印

道咸同光之際晉人以詩名世者代州馮魯川有微尚齋初續集六卷馮習三
有聊自娛齋集二卷洪洞董研樵有峴樵山房初續集十卷董絳香有絳香書
屋集二卷王顧齋先生樹經廬詩初編八卷續編九卷更風動京畿讀者累累
夫人係習三之女魯川之姪絳香之令配研樵之弟妻而執贄顧齋先生門
下者也則其詩可知矣譽之已非而况毀乎三代直道至今爲昭續敢本此意
以附名其尾

乙亥七夕前三日
後學張爾毅

鮑穎室詩草

跋

山西省文獻委員會印

雲南叢書集部之七十三

香雪館遺詩

共一卷

雲南圖書館藏板

甲寅
年刊

候補國子監學正學錄張君傳

香雪館遺詩

君諱瑩字子琳一字鶴君會澤張氏。鑄堂者君父癸酉舉人曰英堂者君季父也。君性篤厚讀書攻苦多技能交友有終始居家孝事祖父母父母均得歡心友于諸弟束之以學出逐名場虛已集益所交多端人而保山吳式釗劍川趙藩太和玉人文最稱投分以縣學弟子員中式光緒乙酉雲南舉人會試荐不售試得國子監學正學錄候補乞假歸省於其間紆道長沙爲吳式釗護其老母妻子間關數千里至昆明講院當在京師時與趙藩同寓元真觀趙

香雪館遺詩

傳

藩大病幾死君朝夕在視爲徒步調醫躬自稱藥量水扶掖便溺如是者百餘日無倦容無德色以是南北士大夫多稱道君君能四體書旁溢爲繪畫爲刻金石而小真書縝密道厚尤精絕大爲常熟翁尙書同儕所激賞謂爲道州何紹基後一人君顧不以自多惟益從吳式釗趙藩王人文講討立身經世之學其於經史掌故詩古文辭自營手攬如飢覓食如渴求漿而尤嗜爲古今體詩抗聲長吟樂而忘倦光緒甲午復如京師候次廬居松筠菴試禮部復報罷會倭人侵朝鮮王師往援失利擾及陪京和戰聚閑君悲憤侘傺違時疾醫藥誤

之遂至不起時八月十二日也得年三十有二吳式釗經紀其喪馳書告趙藩合貲送匱歸會澤葬於某山久之趙藩爲刪訂其詩得百五十篇曰香雪館遺詩刻行之子培爵出從趙藩王人文於四川有戎事勞敘獎通判今仕爲吉林審判廳推事

趙藩曰君卒後余在酉陽得吳君書述君寢疾狀與誤於醫藥狀凡五百餘言委曲詳盡其語尤深至痛絕蓋君天姿本忠厚又勇於任道過信皮傳談道學者吳君與余曾規之冀無湔染而君病中若惟其人之言爲主張至彌留始悔悟執吳君手嗚咽託後事而向之主張

香雪館遺詩

傳

二

者已匿無踪影嗚乎悲矣吳君哭君稱句云聖賢可由豪傑造成嗟哉意廣才高理障未空魔已至交誼必到死生乃見慘矣臨危執訣英光長炯任難辭余草君傳並著之所以痛惜君之美才賣志而取友之益卒得之吳君其直諫懇惻精貫幽明者夫亦可以風薄俗而泚僞儒之類也夫宣統三年六月劍川趙藩撰

香雪館遺詩

酬煥公先生贈別

倫之有友居五之一成四者德實一之力喬木高森深
谷幽窈不出不遷人不如鳥子之友我我質于師友兮
師兮義則無歧我學咏歌身不成聲我為文章茫不知
程不知則那曰從子行行踐其迹人之能曉所不能曉
無言之表孺雲戀山慶雲為雨君子之道或出或處處
則所願出豈無因俯斯仰斯嗟哉子貧偕行有約兮忽
子先事隨數定乃今識然多能敵精特立祛褊感子贈

香雪館遺詩

言別當知勉今日京華明日海東風吹愁生與水無窮
今日京華明日長沙北望思友南望還家計我之歸子
當入蜀峽猿三聲江颿萬幅路以險爭詩因奇出寫寄
空山助我歌哭霖雨天下是有時命小用小效尺寸之
柄子倘歸觀訪我柴門我家梨墅花光爛雲我有家釀
日梅子春待子花下共倒金尊

行路難三首

行路難路非難胡不翱翔乎聖域優游乎賢關胡為怫
鬱坐愁復行歎斂眉日日歌路難高出兮蒼天闊極兮
瀛寰遠當百世近亦千年勸君斷絕歌路難山嶽平江

海填天地合網維捐行路難斯誠難

行路難行路難願富貴兮百年願長生兮神仙思孔之
聖兮不得兼全時士偶失意放聲歌路難路非難人自
難縱無功業塞兩間何弗一編歌哭巢名山

行路難行路難東山恐懼之日白帝付託之年有鯨在
下號泣昊天被讒待烹無所逃於天地之間嘿嘿不敢
歌路難桁上無懸衣席上無盤餐君落拓我迢迢微乎
微慎莫言

擬於忽操二首

於忽乎不可以為其又奚為其又奚為其又奚為其
香雪館遺詩

於江湄嗟采蘋之異趣甯零落之為悲羌芬芳以好修
肯搖尾而自媒入族網於濁河聚凡鱗以空肥置明鏡
於暗室兮雖瑩澈亦奚以為

於忽乎不可以為其又奚為其又奚為其又奚為其
驟發帆卒遠而難收空傷悲而道望隔澎湃以奚謀彼
舟中之人兮片軀睡而未休甯知彼之倏忽兮痛呼號
其焉求

大風謠二首

大風謠大風一何疾疾吹起元規塵翻空蔽白日九衢
重馬如奔濤美而都者誰家豪自懸輦紅不知路日莫

風狂歸何處白雲也有出山心大風吹之歸遙岑遙岑
幽深風不起石洞安眠無塵滓

大風謠大風一何颯颯嚴霜乘之樹葉為凋樹葉已凋
無歸日樹枝雖枯有榮時枯榮憑造化大風空爾為東
皇朝轉春陽回綠葉依然還樹枝嗚呼縱使綠葉還枝
不可得枯槎敗枿亦可特立千載堅如石大風謠嗟何
益

冰山高

儒生抱道常貧賤富貴熏人令人羨浮雲蒸白日冥
冥小人在位君子不可以直行氣節自尊不如低首拜
香雪館遺詩

兩太史

朔風烈烈綠竹青青小人懷惠君子懷刑敝車不敢馳
辱馬不受垂夾路相逢兩太史四顧欲言欲言復瑟縮
君負一裘身我負三餐腹太史之貧貧到骨明日為人
考臚錄

生長在蓬蒿

生長在蓬蒿甯有非分千何意微賤軀一朝進君前三
千寵愛中邀君一顧恩承君一顧恩棄置三十春團扇
從來薄秋風歲自寒裴裏對明鏡自顧無好顏君心多
窮窶妾心自拳拳拳拳難自達須臾魂九遷在爐願為
香冉冉生青煙隨風入君懷宛轉除君煩君心知不知
妾心矢無諉

夜起偶成

中夜瞿然驚非關風雨噩茫茫天地寬閒身何處著本
無濟世才何敢傷寥落歲月不可留殷憂如飢渴披衣
坐寂寥窗前木葉脫

香雪館遺詩

百年真且暮富貴終荒邱聖賢重名教身死名常留春
蘭何青青秋草何靡靡過時而不華美惡同一委
蕪穢眾所棄闢之為良田良田畊不力荆榛叢其間農
人勤耒耜志士悲徂年嗟我學殖落撫膺坐長嘆
性本無俗好雅愛山林幽但恐隱無具坐使猿鶴羞厲
節窮能堅擁書貧無尤古來遁世士歌嘯凌高秋

雜詩

人心如孤舟淚舵湖流水中流無主張一下不可止人
心如明鏡勤拭塵猶滓懸之而不磨銅花繡青紫人心
如五穀播種盼為米東作西無成不如黃稗美人心如

戰場理欲分壁壘理勝欲尙滋欲生理則死人心如輪
迴六道同一始相差無毫釐舉足判人鬼觀心自惕惕
閱世何靡靡仁義本無常向之則君子是以先聖言行
已在有恥

破裘不禦寒豈無卒歲愁寒深雪未集農人重我憂去
年憂大水今年憂歲熟嗚呼歲則熟官征猶不足不足
則奈何雨雪我心喜陰陰雲甫合獵獵風還起變理者
誰與陰陽願如此

簷鵲語孤鶴託身貴安吉高枝深夜寒低簷有餘熱鶴
聞啞然笑野性難自屈冰雪百年盟清寒堅我骨安能
香雪館遺詩

五

從子遊俯仰如據茨冷冷來天風輝輝出明月寥寥天
地寬長嘯與子別

爐火微易盡街柝聲正寒布衾妒清夢不使華胥緣一
枕靜自攝長夜何漫漫心源無一物性海澄不瀾沆瀣
渾一氣想見洪荒前細縕孰使破形氣分黃元遂令思
與慮觸物來無端乃知非造物意象甯易捐緬彼至人
心乘化樂天全

乾鵲爾何為曉鳴當吾門我非秦仲倫安能識汝言汝
鳴冀我喜汝心亦云善好音不在多噪噪非吾願

讀曾文正公集

高山非天為簣土安能積高山若天為人止天何力功
成塞兩間文章傳萬口震名疑天人神奇亦何有周孔
多能藝不能非吾窮含生而賦性吾與周孔同公言昔
若斯公志則已遂我與仰止思懷哉不能寐

百舌

百舌騎春風眾美舌端呈苦心以悅人不惜揣摩精拙
者珍自保巧者徇利名山鳥深林居邈焉遺世情春日
依辰至天籟假之鳴快然樂自足於人何所營寄言謝
百舌發我自然聲

雜樹

香雪館遺詩

六

雜樹深山中氣象蔚然三春周和澤高者得其便窮
冬節氣至霜露淒以零樹樹葉辭枝隨風何紛紛恆幹
有本性山川非舊顏鬱鬱深澗中松柏乃參天嗚呼雨
露恩豈於松柏偏

山澗

山澗清石出不容一芥舟江河利天下飽納汗穢流自
好鄉鄙珍大業寰宇周權衡廣隘聞君子充所修

征鴻

征鴻乘陽氣離離度山河旭日輝寒林青紫紛雜羅微
陽倏復隱沈陰實已多紛紛散陣雅日暮爭息柯道路

阻且長風雪當如何遙遙天際雲茫茫江上波行行至
有日去去毋蹉跎

晚眺

返照殷天紅水明山影黑孤墪立危巔倒影翻微白炊
煙晚無風翁水濃如翳邨大卧不吠慣見晚巖客低星
樓遠樹邨燈出墻隙有光同一微轉胸都無迹聳肩敵
峭寒倚篷惜暮色荒寒倘可摹聊以命煙墨

醒言

貪墨括萬金乞丐呼一錢多寡數雖殊宅心同一源奈
何爾雅躬此理茫昧然閒居詔廉潔臨事皆空言巧言

香雪館遺詩

七

託捧檄毛義歎汝頑一朝名節喪富貴羞親顏矧彼欺
詐術攫金清畫閒周公袞冕富顏于陋巷安處之各有
道何妨聖與賢

蹇子和方伯桃溪漁隱圖爲令子虛甫太守

念咸

屬作

溪山蔚深秀竹樹無纖塵借問居者誰無乃遺世人世
情紛然交天懷夷以真流水自天趣桃花酣古春讀書
樂奇賞馨膳得紫鱗仲氏有逸抱橫琴溪水瀟泠然韻
宮商如和伯也塤斯樂好無比斯迹今已陳功業偶然
事世譽空紛紛甯知白田翁志慮漠不存山川隔今昔

軼事傳忠勤慈氏忠勤錄披圖一長喟邈矣萬天民

甲午秋移庸松筠庵夜坐偶感東同人

我生厭塵俗飢走長安道借榻椒山宅軒窓愛幽好人
事不可知求靜反得擾京華重曲宴消暑託幽討北堂
開景賢南堂觀諫草往來兩堂人金張而李趙車馬如
流水珍錯酣醉飽而我竹簾垂攝心坐枯槁無謂我室
偈放懷天地小修名倘不立富貴跡如掃

啓散僧閉門流螢遶樹飛飛樹葉密忽現還忽微暑

雨畫新透陰雲猶四圍清風來散之迎戶星輝輝

孤忠此遺宅守者知豈治吾宗兩奇士享父受之魂魄

香雪館遺詩

八

今何之正氣矯鴻關文藝秋蠅隨遺則在人世邈矣如
可追日夕循迴廊夢晤倘有期素交二三子學道兼修
辭我拙百無似刻畫粗能爲願言勸尙志前事各有師

媛公得王煙客山水册序目屬題十首

柳塘煙雨

高下樓臺煙雨裏楊柳和煙眠不起披圖我識樓中人
南郭子綦時隱几君思劍湖尺鯉紅我憶水城會澤邨
別墅在焉魚笛風扁舟歸繫垂楊岸莫聽江湖雨打篷

竹塢書聲

不能慷慨佩陰符便合爾雅箋蟲魚丈夫挾策世不用

辭家羈旅胡爲乎兒時燈火三間屋怪君難忘篋管谷
父書祖研得傳人已有龍孫苗寒玉能讀書

觀瀑犀潭

銀濤三疊奔虹梁失勢一落翻悠颺目迷匹練但煙霧
耳聾天樂非宮商行人不行行且望停輿佇視嚴程忘
僕夫拍手先生狂先生之狂果難及歲除潭上蒼茫立

艤舟山郭

漁艇招招賤魴鯉斫鮮買酒舟人喜卧看斜陽落沙尾
鄰船咫尺猜鄉音故人乍見真無心銜杯促鄰忘宵深
開門送君煙水濶霜角城頭催月落角聲未息櫓聲作

香雪館遺詩

溪邨夏曉

遠岫出沒煙模糊樹梢殘滴時有無於田已後野人起
泥滑閒聞幽鳥呼清溪宛轉尋溪渡牛迹淺深溪畔路
肩輿行過板橋來回望炊煙起村樹背山臨水誰所宮
山榴豔奪朝曦紅解將野趣全收拾定有詩人草閣中

野店秋晴

我昔行役渾忘疲郵亭掃壁看題詩壁間沙玉相參差
擇所愛者隨錄之君多題壁不留稿模索暗中時得寶
平生肝膽有真契但以詩論見猶小疏林小市荒荒秋
此間我亦鴻爪留要乘清暇界東瀕細畫君詩供卧遊

松壑風湍

上有千年倒挂之枯松下有百步洄洑之長洪扁舟箭
激風湍中失脚踏破馮夷宮急負而出須蛟龍扣舷高
唱聲摩空夷險不驚淡定曾嗚呼曾襟淡定誰如翁補
圖待我毋忽忽謂君玉屏 墜水事

菱湖雁語

酣歌拓戟容君狂買舟每來雲水鄉蘆葦飽聽秋雁語
絕勝官閣鳴笙黃菱花菱葉紛無數采菱人去知何處
投竿一笑暮煙橫岸上風枝墜殘露

江樓望遠

香雪館遺詩

春風吹客揚帆來江樓臨水江花開秋風吹客揚帆去
江花落盡樓如故來去年年江上波客愁只覺樓頭多
金尊引滿橫長笛奈爾仙人笑容何

林野息機

仕非徇世隱非矯簪裾何似山林好雖然夫子宜世用
泉石甯容卧枯槁生材實難天所篤庸寸爲霖雲出谷
如我庸庸天不知財稱逍遙友麋鹿功成君或賦歸來
我釀梨花春甕開扁舟訪君劍湖水和歌日日傾尊壘

錢南園先生松石鳴琴遺像蟻公摹藏

今人不識古時調古調獨彈令人笑笑者自笑彈者彈

山石聳確松風寒松聲不及琴聲苦孤臣暗淚紛如雨
乾坤措拄正氣存一像之留足千古吁嗟乎寒蟬仗馬
今何多撫絃不鼓徒媿阿古人將奈今人何願摹此本
陳當宁挂向當時先生稽督軍機處

蠖公屬爲包鴻卿大令家吉作三峽歸舟圖并題

趙侯示我包君書倩我爲作三峽圖家鄰三峽苦未到
執筆欲下還踟躕我聞三峽險莫測絕壁對聳千尋直
中束江天一綫寬江流如駛舟如擲包君適楚游黔滇
歸來復放瞿唐船人鮮發頭不驚駭寶茲忠信危能安
噫嘻吁寶茲忠信危能安人海何地無波瀾我心苦平
香雪館遺詩

送黃叔儀大令啟鳳出都并呈蠖公

人生百歲真浮漚眼中富貴浮雲浮讀書學道要努力
便論藝事當千秋我寫雲山未入妙君挾丹青供世好
兩月難得一日間春來筆底花應笑笑君筆債紛難填
日日冀放津沽船茶話温温燈燼夜玉漏沈沈星滿天
此時相對愴言別行者居者皆淒絕同是深宵奇舫心
不堪重話松筠月我發狂言慰別情千秋事重別離輕
親民一官不朽在楮裏故是蚍蜉名不然幽隱絕羣塵

常養胷中益益春體物藻績師造化興到亦可無古人
偶園花草饒幽境官成知君定息影我營別墅茅三間
飽納青山到屏枕世途無復問升沈藝苑還從門馳騁
嗚呼此言狂矣將毋夸以質蠖公應首肯

蠖公以詩壽家大人無可奉酬作山水一幀獻拙

庵先生賸之劣詩書於別紙

蠖公學邃才尤奇奇氣所發爲歌詩貽我一篇壽老父
二百餘字光陸離憶我飢驅始奔走家訓諄諄慎求友
歸家侍坐敬說君爲我掀髯笑開口四年三度從君游
昆華風月京華秋勉我學詩示詩旨風騷忠孝追前修
感君此贈銘肝膈瓊瑤欲報胷中塞下教何曾棄魏昭
登堂未免慙元伯拙庵先生有道人林居養粹樂天真
寫山略喻靜者意藉通姓字因君陳

夢諸弟

庭前紫荆樹花開南北枝兄弟四五人不得相追隨不
得相追隨夙昔夢見之執手各悲泣一弟前致辭阿父
念大兄獨立常歎歎阿母念大兄倚門朝夕斯仲冬十
一月公車上京師遣弟從以來問兄何時歸噫吁千山
萬水何時歸但願夢中常見母相違

香雨觀管桂霖蒼山攬轡圖

蒼山雲出爲雨滌塵氛澤下土蒼山石蔚乎文神變化
光緒紛太守之來兮閭閻之慶躬勤政事兮優游文章
蒼山偃蹇兮官府不能邀因省畊而教稼兮爰攬轡於
西郊連峯十九攀天梯清流十八飲馬溪溪流出山直
到海珥河滄漚波瀾瀾我來蒼洱間父老爲我說無計
留公惜公別山眉鬢爾溪聲咽噫吁父老戀公兮歌也
有思公志澄清兮未竟厥施公不自言我則知圖外之
意意得之蒼山雲帶公不私蒼山石畫公不持請遣父
老鑄此辭

寒機夜課圖爲王子佩孝廉德環母吳孺人作

香雪館遺詩

三

離離青青松竹柏老梅吹香雪花白際何人兮婦姑宅
茅簷寒夜燈熒熒機聲書聲相和鳴慰姑暮齒期兒成
兒成豈在紆金紫讀聖賢書勵廉恥陶孟當年亦孤子
披圖慘澹天層陰貞柯介節何森森嗟爾草木猶有心

盤游禱詠五首

天成寺

翠屏峯下天成寺兩山如巷盤曲至雨餘山泉爭道流
橋斷頗失行人利渥丹間綠樓五楹南俯薊門煙霧橫
凝眸忽訝洪流處潑潑口沒因曠年變易幾劫劫風飄
墮高風送鈴聲激山僧語我斯塔既舍利三下此

舍利天陰夜有光蛇爲鬼禍爲人祥塔下有善蛇洞深
雀不爲人害僧言有英吉利人攜眷寓寺中於戲如來
適蛇出以杖擊之已而皆病瘋禱而後愈於戲如來
清淨地安容魑魅紛披猖蛇乎蛇乎胡不蜿蜒兩山口
永爲鎖鑰拒羣醜

雪罩寺

登山不厭高值境無妨變眈眈雲罩盤之顛倏忽煙雲
隱復見披藤杖策來相尋欲雨不雨天晝陰兜羅漫空
天地合一氣不辨山與林寺樓高敝出雲裏挂月峯尖
天尺咫風捲雲濤足下開嶠嶠紫蓋凌空起金雞不唱
日初中自來西峙青芙蓉雲黑疑雨憚登陟恨不一睹

香雪館遺詩

西

長城東坐嗟饒眼殊未飽山僧矜出山中寶佛牙舍利
水晶珠飾以金棺形製巧胡盧暗笑山僧痴寶其所寶
非吾知不見定光佛塔上風磨銅頂龍攬之龍攬之奈
龍何佛法無靈護一塔安用舍利累累多何況枯骨頑
石久已無光怪不及樓上風雲多變態

舞劍臺

舞劍臺何巍巍云昔李將軍東征唱凱歸登臺慷慨拔
劍立起舞高歌望四圍一舞長虹起再舞斷霞飛當年
意氣蓋一世至今遺迹留山隈嗟斯臺不傳將軍迹
塊然浮青嶺上一堆石

將軍石

挂月高峯下一筍蒼然立土人目以將軍石松楸曉颺
旂旗動風颺暮掃征雲湧將軍巖巖山岳重萬石離立
皆三軍荷戈持戟何紛紛令嚴不敢幻羊羣將軍將軍
信能武方今四海橫流巨胡不往作中流柱

天門開

天門開誅蕩蕩雲嵐低垂深淵深蒼蒼溼到青天上熟
視了無徑可行同遊畏險決獨登當前削壁無藤葛躡
後踰嶺披榛荆右肘危巖不隔一箭欲絕無繩有若雲
漢左臨虛壑直下千尺身無羽毛欲飛不得噫嘻吁盤

香雪館遺詩

五

山奇險鍾天門巨靈所關繫何神微軀何惜念君親少
保中郎休笑人

耿烈婦詩

為婦死節臣死忠事雖各異義則同激烈不難難從容
妾熟聞之甯弗從鴻雁于飛同飛同止雄也不生雌則
死義之于物尚如此丈夫重然諾千金濟人無吝色謁
選考驗無憂蓄節儉蓄積妾之責君有疾妾之虞妾命
可輕況廁媵妾之命君之身君不諱妾甯存代死不能
且從死妾志決矣况無子維年壬辰維月季春烈婦殉
夫白日青天烈婦伊誰歷城劉姓為耿繼室克完婦行

吁嗟乎為婦死節臣死忠激烈不難難從容語士君子
知所宗

酬胡子威元儀同年贈別

滇山嵯峨湘水流五千餘里風馬牛山有輿兮水有舟
迭代送我京華遊京華落拓四年留倦遊歸棹湘江頭
湘水滔滔去不休流盡中興將相侯理有乘除時有變
功業往矣文學優奇才輩出成山邱如君樸厚真吾儔
一月交情契肝膽志事隱約吾能求出負潭潭經世猷
處助箋注窮雕摻出處無常守有定窮通不代蒼蒼謀
我欲從之歲月道迢迢親舍增煩憂離筵樺燭淚不收

香雪館遺詩

六

黃花白酒深客愁高歌持贈鏘琳球驪珠顆顆光盈眸
我詩瑟縮難為酬聊紀交誼通綢繆噫嘻吁何時重與
通綢繆別後各勉為千秋

武陵呈余我如師澤春

即題載石歸耕圖後

五年才一見悲喜交心曾小子落拓固不恨先生古道
今仍窮窮途於今隨處有只愁杖履陪難久千言萬語
何從訴尊前又到臨歧處一纜明朝上瀨舟是公前日
歸來路歸來薄營一頃田黃犢犁雨耕青煙種花課子
忙而閒得失曾中了不關歸耕一圖今猶存點蒼片石
森嶙嶙我是當年作圖人圖外之意得其真出雲為霖

志不竟退保錚錚貞介性吁嗟乎人海狂瀾何時平我亦隴畝能躬耕北山歸種柯茶子不作清時游手氓

舟次周溪遇雪不行

凍雲不動天四垂北風一夜雪朝飛舟人瑟縮手愁羈村樹留舟終日維擁衾晝寢忘餽飢夢回傾耳聲復希推蓬驚雅寒仍栖枝頭踏落雪如箕茅簷半厦門戶低破壁不完風補之掘地爲爐爐火微婦孺圍坐愁無衣滬上高樓雜華夷貂裘紅袖黃金栢清歌暝酒陽春回不知門外雨雪霏嗟哉人事難爲齊天道悠逸不可稽聊以禦寒進一卮廣厦大被空心悲

香雪館遺詩

七

送鏡河弟赴秋試二首

陰霖十日九不止園林漸漸秋風起二馬蕭蕭送子行宿霧綿綿戀行李今日繞膝宵燭紅明日不丁千山裏馬蹄應知慎泥滓

古人潛修絕仕進今人帖括懷金印捧檄動託毛義言飲噉還憶尼山訓勝負莫忘歸去來高堂銀髮愁侵鬢

龍陽

爲問李衡樁今猶幾樹存寒煙填野樹落照退荒原田舍謀終拙詩書道自尊平生憤樂意劣可教兒孫

洪江

飯香朝霧散收纜到洪江山色連天暖人聲近水噴油茶三楚利冬筍百蔬降不厭千錢買朝朝倒酒缸

野樵

野樵低寒港荒煙補破邨停橈又落日即日總銷魂集散人爭渡鏡寒市揜門北風忽細雨蕭瑟坐黃昏北望思親舍南歸憶帝鄉更堪中道滯消息兩茫茫詩興憐魚躍愁心盼雁行報恩何日是學殖愧全荒歲月晚滔滔霜風吹緼袍水連黔地窄山衛楚天高劍石森芒角雷灘怒吼濤鏡中青鬢在險劇敢辭勞

寄懷王豹君大令 人文 涓潭

香雪館遺詩

六

書來期我去一話別離愁其奈庭闈遠兼之歲月遒蒼山殘照馬汨水晚煙舟惱我孤邨夜悽然憶舊游咫尺涓潭路何殊萬里長天甯司聚散人乃有閒忙南北身猶健風塵鬢已蒼勞生吾不厭望爾傳循良

倭警感憤

此鶴君絕筆也詞其檢討追憶補錄云四首而忘其一矣

南說三韓事鯨波八道橫不應蛟蜃族竟薄鳳皇城交

緬甯忘鑿荇苻倘不驚鴨江衣帶水東望幾時清

聖主傳明詔藩封倘定安時危言路闢兵弱將材難大

局誰蟬雀中朝集鳳鸞昇平何以荅搔首一長歎

劉毅眞男子晨星一箇存勇能探虎穴氣或驚烏孫膽

裂了仍在軍孤葉不屯平時戎事少一例久承恩

暖公劍湖漁隱圖

髻齡染翰慕高風緒論親聆五載中饒叻讓人爭腐鼠
苦吟砭我學秋蟲亦知彭澤言歸樂肯信磻溪把釣終
青笠綠蓑先世有卜隣可許暫相同

寓舍杏花和暖公

一番風與一番雪開到牆頭文杏枝試事劇同今日畢
春光留賞此花遲相逢修竹嫵娟處未是飄茵狼藉時
爲問金尊酌煙月底因消受趙家詩

即日

香雪館遺詩

元

矯首推篷一笑觀木知霜力水知寒大舟競進小舟縮
下瀨過飛上瀨難逆順風甯分德怨去來人自造波瀾
平沙寂淨閒鷗立日日江頭冷眼看

短牀

短牀書卷伴吟身哀樂如環坐卧循枕畔寒流清到骨
眼前紅葉豔於春綿衣慰體經霜薄鄉夢驚心入夜頻
酒熟梨園風雪莫家山應念未歸人

一纜

吳楚江天一舸眠人情變態見山川波吞怪石灘聲大
鐵鎖崩崖繞道懸一纜卽看歸路澀雙輪翻憶海波傳

爬沙泗水霜風厲舟子生涯更可憐

詠史五首

不須悲憤望長安擁鼻難禁縷縷酸塵颺更憑風作勢
冰堅終冀水流寒心雖頑梗憑金化天不聰明任鬼瞞
寄語鷹鷂如有志朝陽當作鳳鳴看

天津新貢火輪舟湖水昆明碧似油紅茵曉開宮扇至
金根徐御御香浮元臣翊贊能承旨車駕倉皇憶繫囚
終是天王仁孝事不因花石苦徵求

中興功業數元戎典禮煌煌稱飾終辛苦舟師餘偉績
倉皇邊徼倖成功恩榮肯信金能換節概從知鬼不窮

香雪館遺詩

元

千古西湖公道水梅花清影照春風
春曉津門壽宴張酬庸天語賈皇皇萬金巧納穿珠幔
千里爭稱介福鷗才可覆師真快婿智能奪第任諸郎
平生更有南皮老知己高文序北洋

膏肓誰與藉神鍼極目滔滔感慨深肉食有謀家異國
杞憂何補古猶今黃農世遠吾安往風雨天低晝亦陰
涕淚三章於忽操龐公高隱忍無心

夢我如師來訪置酒觴之感師弟之誼相與大哭

而醒

德山別後無消息十月光陰道五千昨夜分明來枕上

不禁涕淚滿尊前收將闔水風雲氣閒過鍾山草木年
我自浮沈公自老夢魂聊醉菊花天

舟中雜詠

夕陽戀晚山回波蕩餘朗竹樹忽蒼蒼深谷風留響
水碧晚風定眉月沈微光三更起煙霧一白鋪茫茫
合眼驚寒衾觀心見虛閒舟人謹不休長夜何漫漫
一灘十丈高一上一惆悵三百六十灘故鄉在天上

京師留別子珩趙六員外廷璜十首

笑譚中則無好友徵逐場則無好友酣歌燕市酒樓高
片言與君盟白首

香雪館遺詩

三

容我清狂棄我瑕經年館食厚情加王郎是飄零客
除卻登樓不憶家

茶蘼花好冒窓楹放出疏鐙一角清茶味沁心閒客散

昵譚常是到天明

敦厚溫柔性有之參詩何必定能詩奈他世態浮雲幻
也覺迂疏不合時

繁重周官算九章箚鐙箚筆演周詳莫愁甘苦無人識

此事猶應祖一鄉

藝事多能性不羈吹簫賭酒更彈棋年來怪爾家多難
無復心情似舊時

家事無殊政事修家常瑣屑要多謀恭寬信惠尋常有
得失期從敏字求

眼界海天雲罩寺心期風雨臥雲樓短衣匹馬泥三尺
共記田盤六月游

一唱騷歌欲斷魂無端聚散不堪論楚天萬里中秋月
合有清暉與子分

惜別淒涼氣不春三年此夜獨傷神各須振起幽燕氣
自笑區區兒女仁

船外

船外滔滔湘水流船頭聒聒楚人咻船中獨客無情緒

香雪館遺詩

三

燈火淒涼萬里愁

百尺岳陽俯洞庭布帆來往晚爭停中秋盡日風兼雨

失卻君山一點青

長沙留別舒文泉丈立濬

三樂何曾讓啟期忘年許我訂心知重逢杯酒長沙地
一樣余公座上時望識丈由武陵余我如師

門外陟山畫好秋窗前槐午碧陰留江湖一去風流散

寂寞誰登謝氏樓

吳縉趙煖仙周宣竹黃儀各盛年微官中枉濟時賢鯁生疏

放先生健只愛長林豐草間

碑藏樸拙魏之前唐宋新奇一例刪若與定會論光怪

文林山亦羽珍山

風雨泥塗溜不前一城萬里隔山川山川况要真相隔
便有奇逢亦偶然

六百年前舊隱淪衣冠猶見古風淳何時按取淵明記

來訪桃源避世人

舒氏居激浦竹垞編六百餘年矣由江口至縣城水程五十里許瀧石幽

峭夾岸多花樹說者以爲古桃源也

長沙雜詩

四載初歸萬里程中途猶滯長沙城沅湘日暮煙波冷

又卧孤篷聽雨聲

香雪館遺詩

高堂念子懷難開弟妹期兄歲暮回我有奇愁消不得

閒遊怕上定王臺

初冬市月雨如麻牀角生苔竈有蛙作客可憐卑溼地

故應愁煞賈長沙

寒雲總不放天晴孤負麓山是此行聞說重陽冠蓋集

黃花無地避簪纓

中丞吳公初到任邀司道府登高兩首縣供筵二百席盛舉也

寂寞江寒草樹荒江天煙霧總迷茫江干紅葉淒涼色

何日烘雲晝夕陽

故鄉六月苦陰霖禾稼成泥地陸沈二十年間無此意

誰教鴻雁起哀音

瑯邪座上京華客近事重提不忍聞把酒含愁試北望

觚棱隱約有浮雲

王午樓座上遇俞恪士比部

纔得相逢便又離新交舊雨各淒其心藏蛻屢周詳意
涕灑胡公宛轉詩

愁水愁風盡枉然平生得失總由天夢回穩卧西林港

一夜奔騰浪打船

作者心源讀者思箇中消息少人知陶公諷諫閒情賦

不是空郎豔體詩

文理沈觀物理同生寧淺薄累求工霜林自起老蒼色

不似桃花輕薄紅

香雪館遺詩

途次雜詩

放得新晴一夜霜江天景物未全荒野人門外初陽出

恰照垂垂柚子黃

月黑荒城霜夜飛船頭鼾睡榜聲稀鳴榔鐙火鷓鴣開

城外漁舟夜半歸

犬被姜家樂事存阿兄江海獨傷神惟應膝下歸來日

十載編摩共閉門

膏沐豈甘蓬首廢車舟頻載別愁便天孫河鼓經年會

不道人間動五年

小艇攜兒載酒觥招邀一叟足閒情德山半日遊蹤遍

幽香難忘夢綠亭

樞垣奔走滿京華退守歸田薄有家同是師門感知已

武陵溪過柳林垞

種柳河邊鳥碧絲招遙容易到離披輸他松柏深山裏

不遇睡般未許知

遠鐘風度深山寺短艇波搖賣酒燈行過瀘溪二十里

荒村晚泊又詩成

江楓門外漸飛黃野竹疏疏半過牆行汲誰家年少女

遠游履上足如霜

渴來誰肯飲泉一飯須知季偉賢回首長安冰炭贖

香雪館遺詩

清宵默數有驂顏

陸滿蘆車水滿船拚將廢土換金錢可憐一代風雲氣

化作齊州九點煙

蜀楚分流道阻長各將詩句壓輕裝遙知風雪孤舟夜

三峽猿聲亦斷腸

懷人道遠書難寄憶弟愁深酒不澆對此茫茫增百感

楚天風雨暮瀟瀟

悲歌不道都成泣遠望何曾便當歸無可如何聊自慰

江流滾滾暮雲飛

懷人絕句

朋儕分手各天涯獨處懷人似念家劇欲分身成萬億

粵黔蜀楚又京華

別來消息總茫茫知在成都在武昌燕子多情飛不去

東家肯與助餼糧

奇才斂藉苦吟身可惜卑官在此人知向浣花堂上去

一枯知己醉詩魂蟻公直刺

悼亡八首語悲酸寄我新函淚點斑為問江湖才幾輩

壯心莫使自摧殘豹君大令

才激星輝處土廬圖書八萬擁紗廚商周盤敦尋常器

海內於今問有無文泉明經

香雪館遺詩

天下中庸有胡公傳經桑梓望方崇北堂萱喜填篋和

未算山林歲月窮子威明經

家道荆榛手自鉏齷齪從此想安居多情館我三年客

不作平原乞米書子珩員外

點金無術作貲郎坐冷秋高歲月長白菊魚羹燕市酒

共誰醪酌醉千觴簡小屏比部

行不圭稜語不爭也宜閒散也簪纓誰知塵海蒼茫處

中有澄潭一勺清吳子和編修

愛子情真任我狂過從書畫為平量泰豐樓下三更月

憶照離筵淚數行蘇榮生大令

朱攷久未續鸞膠又聽悲風起蔚蒿爭怪松筠不憔悴

年來樛散沐恩膏 李奎臣孝廉

孫呂論交德比琴温然自好蔚然深班文揚藻金張貴

不易英年任道心 孫少元孝廉呂子恒儀部

周郎篆刻氣温如桂管官閒奉母居愛惜年華正英妙

千秋事業古人書 周竹宣大令

遠道鄉思見固難滇池一望也漫漫傳經博士春來別

昨夢鐙前笑語歡 吳完奇廣文

黃四洗洗有吏才外如諸俗內風裁多情頗憶陳蕃榻

例止山暖野鶴來 叔儀大令

香雪館遺詩

金仲浮沈宦作家牢騷身世託煙霞達官例不談經史

怪爾屠龍技白羞 金仲鶴 蘇尹樞

東懸虛甫太守

民風非復漢堂琅孝秀科繁啟暴強好為閭閻謀教養

千秋吏治說龔黃

河渠卅里利源開杭稻千家得播栽肯以辛勤通壅塞

百年重頌義公來 義通河前太守義公所開今日壅

幕府倪 宣三黃 際可 藝事多使君先後禮為羅故應朝

市山林外特為新添幕隱科

醴酒頻煩為穆生衙齋款曲勸深觥戟門夜啟篝燈出

醉態應教俗眼驚

雅不相宜俗亦非詩書節行婉全違尋常冠蓋如雲集

自笑當筵野鶴飛

香雪館遺詩

六

香雪館詩會澤張君之所作也君諱瑩字子琳一字鶴
君負性英特卓爾不羣敦行立名好學若渴詩抒襟懷
奇光自露書畫皆雄偉所蘊者然也君以乙酉舉人試
得國子監學正留京數年思親甚切乞假南旋道出長
沙元儀乃得訂交焉一見如故懽然契合流連月餘臨
別拳然因雨繫纜復飲余舍各賦長歌以別書札往來
不阻千里越二年甲午秋相遇京師握手道故殷殷繼
繼互述近狀爲之軒渠適元儀病足聞君亦病東訊起
居君猶手答奄忽不視命也天乎君故人保山吳烈其
經紀其喪劍川趙煖仙謀返其柩君或可瞑目矣特以

香雪館遺詩

弄

仰事俯畜之身寄關山風露之魄如父母妻子何天實
爲之能勿悲哉刻其以君詩箴稿示閱手墨猶新高情
鬱勃溢於翰墨之表而君則已渺矣余亦安忍卒讀也
嗚呼彭殤同一死顏跖共千秋之名君固未必較
然斯亦後死之責知刻其煖仙必有刪訂刊行而慰君
於九原者噫鶴君鶴君君則已下從古之賢哲游矣亦
猶憶及尙有平昔故人之讀其詩而灑涕者與光緒二
十一年乙未長沙胡元儀子威跋

人
邊
山
厩

非
負
茶
架

道光壬寅年鑄
三長物齋藏板

大瀉山房遺藁叙

長沙黃花耘孝廉奉其尊人石櫓先生遺藁走京師乞余言為序藁中詩若詞凡三千餘首其之燕游粵三游蓉江諸草陟屺縫線之作層見疊出蓋先生少隨天津太守任讀書吟著外無他嗜好至是守墓故園繼母章佳恭人旅寓京邸望雲生慕結為哀響是以詩文自寫其孝思也古本孝經二十二章強半皆引詩為斷詩固教孝之經也讀先生遺藁益信嘉慶庚午長至日蒙古法式善時帆大瀉山房遺藁叙

書於小西涯精舍

大瀉山房遺藁叙

才何以鼓鼓以志志何以成成以學學何以竟竟以年才本無所可至而果無所至雖縱之大年無能至也則終於無所至焉而已若夫才可以無所不至而又志非不足以為之鼓學非不足以為之成然乃限于天年不獲竟其所至而休焉則其所未及至必將有至之者矣傳曰不于其身于其子孫于其子孫猶其身也此所謂光遠而有耀于自他者也古人論此久矣予嘗讀石櫓先生大瀉山房集尤信先生之卒年纔二十有九未及中壽蚤年病足困于天形德充之符不能無累撫躬悲

大瀉山房遺藁叙

咤情見乎辭屢薦鄉闈屯蹶未遇衣食奔走客死外方妻弱子幼糧無宿春其能返遺骨而正邱首者幸耳故其遺藁所自存錄飄零散失曾不及半然今所收輯於數十年之後者仍復數千噫富矣使天或幸假之年以縱其所至則將何所不至而所幸而得至乃限于此不重可悲乎雖然其所未至而至之者果有人矣詰嗣花耘虎癡兩孝廉並以文學名湘楚時論翕然雙丁二陸蓋凡先生之所未至無弗至也而其一門之內鬻童子女絃琴歌詩靡不斌斌進於爾雅則先生謨澤之所爾詒正未有艾即今之所謂風流人物輝映一時人所見

爲難能而可貴者猶其濫觴焉耳其將由是而放肆乎
大川震驚於海若沐日浴月天涵地捲猶是水也然則
先生之詩之所存雖吉光片羽然一鱗可以知肉矣一
毛可以知驥矣一斑可以知豹矣卽其前之所已至而
其所未及至必將孕陶育謝薰摘香豔而奴僕騷人者
亦可斟酌於想像矣卽其二子之所至而先生之所未
及至藉使幸假之年則固將無所不至又可責言於左
券矣先生詩貫通先哲不各一家故其二子幼同兄案
而格不相襲花耘主聲調宗唐則薄宋虎癡尤耽金石
最稱博物而於詩則專以道性情爲主要皆卓然足自

大瀉山房遺彙叙

二

樹立不苟煨炳夫二蘇詩文滿天下而老泉詩所幸附
存目於集者曾不百首然亦未嘗無傳焉今有兩子幸
足頡頏二蘇而使論者以先生爲老泉居士不亦可乎
先生既負異稟尤篤行誼奉繼母稱奇孝既客死外方
孺人嚮叙珥歸柩千里教兩子皆成立不求外師皆學
學可傳誦已詳郡邑各志及唐陶山方伯所爲墓表茲
故弗及

道光七年歲在丁亥十二月既望

賜進士出身湖南沅州府黔陽縣知縣辛巳乙酉鄉試
同考試官前翰林院清書庶吉士同修起居注官通

家後學弟諸城王金策拜叙

大瀉山房遺彙叙

三

三

大鴻山房遺藁叙

道光辛丑季秋瑤赴潭陽謁虎癡夫子於龍標之知敬學齋談次夫子抱大鴻山房遺藁懷愴動容而言曰先君子少耽吟咏以詩爲命未及中年遽爾謝世今委化五十餘年矣而遺詠零縑猶藏篋笥予亦蒼然在鬢頽然就衰倘不速付剞劂何以揚我前人光子其爲我編之瑤悚然避席對曰公以道德文章牛耳騷壇也久矣公於鄉邦耆舊忠孝節烈諸軼事所以發潛而闢幽者亦多矣豈以太夫子之鴻章鉅製而有待於門下士之考訂哉瑤又謏陋大懼弗勝厥任也而夫子命之者堅

大鴻山房遺藁叙

謹

一

瑤拜而受之攜之宜園而反覆咏嘆細繹之竊見藁中諸作於登山臨水之中多思親懷舊之什於吟月弄風之內抒感時傷事之心勞而不怨真而不浮清而不佻渾而不露至性淋漓滿紙血痕迄今猶有灑涕淚於無從者此其所以不可磨滅歟詩共三千餘首存八百零分爲八卷都成一集而尺牘贈答弔輓表銘諸作及先生母秦恭人詩附焉嗚乎先生以循吏之子抱超世之才壯而不祿鬱積莫伸論者皆以爲天道之無知矣抑知精華不朽其所食報者遠乎人特患無千秋萬歲之名耳向使先生稱心科第隆隆直上亦不過枕上黃粱

豈能如斯之久而彌彰耶不然彼湖湘同時諸名流上金門入玉堂掌絲綸持節鉞者不一人矣而至今胡以不能舉其姓字也於以知人苟自立壽夭窮通固有在所不計者而况明德昌後更有以振宗風於不墜也哉此所以低徊遺集不禁愴然三嘆息也至於詩之寄託渾成根抵深厚文粟齋法梧門王香杜諸公序之詳矣瑤固不能贊美富於萬一云爾

大清道光二十二年午日淑浦後學謹 瑤頓首謹撰

大鴻山房遺藁叙

謹

二

大滄山房遺藁題詞

淑浦誌 瑤叔著

瓊粟從空飛夜半泣真宰天籟人宜之元音颯然啟大
史陳民話翰軒亦搜采虞廷賡載歌明良溯其始先矣
三百篇風雅頌殊體言者心之聲皇皇暢宗自忠孝天
地經衝口見根柢歷數騷壇才精光各有在寄託隨厥
遭鬱積露文彩語摯情愈真立言總求是江漢開王風
文明耀南紀遠挹屈宋香襲裳摘蘭芷自從漢魏來
鴉競奇詭誰與紹前徽美人隔湘水湘水有舊家清風
數百載在昔天津公鎖鑰北門裏憐才囊盡傾求田性
所鄙一鶴借一琴解組竟歸里積厚流自光奇兒挺俊

大滄山房遺藁題詞

誌

一

偉先生幼岐嶷儒素謝羅綺名爭唐六如書探劉中壘
將謂高門閭豈徒拾青紫何意遭際艱鬢齡遽失恃疾
風摧大椿貧宦室如洗所苦廉吏兒充飢覓野薺披葛
憐西華零落少生理慘絕庭闈間動輒彌尤悔棘薪自
天天寒泉響瀟瀟煩悶結衷腸引慝不能已奉命隨奔
馳殷勤爲負米燕雲兩地分無計釋愁悱感遇惟揮毫
牢騷寫意耳卷中思母詩哀音念陟岵獨行無與倫醇
篤昔賢比枳棘長棲鸞池塘未躍鯉胡爲蒿里悲哲人
止於此閱世爾鴻裁豈因浩劫燬燒燭一朗吟纏綿我
心喜如蠶口吐絲如行步中矩如樹春生花如露味成

醴如雪飛玉山如音激清徵丰韻媽然生流絳見彼美
星辰忽然驚鬚眉想豪士讀之移我神感之直垂涕人
生無百年光陰疾如矢縱有千黃金難把陽春買惟有
現世名此心永不死而況衣鉢存大昌於其子楚江終
古流壽嶽一峯峙英靈不終秘傳誦遍塵海家有懷清
臺世將老泉擬同輩諸貴人可能剩片紙笑問浮薄徒
相對盡奴婢再拜重題辭怡然念素履樹立原不磨福
命足相抵鳳羽西吉暉千仞式卑靡儒林爭購求價貴
洛陽市今昔一彭殤頑仙讓才鬼劍氣生斗維卿雲湧
筆底嗚乎此集傳先生不朽矣

大滄山房遺藁題詞

誌

二

大鴻山房遺藁題詞

芷江唐可久東溪

湘山湘水想清華吾楚風騷古大家何事才人偏不壽
前身料是賈長沙

入世匆匆廿九春那堪筆墨半風塵而今却為先生幸
明德千秋有達人

數行淚下集遺篇人盡如斯子道全不使九原甯恨事
承權豈獨在生前

大鴻山房遺藁題詞

一

大鴻山房遺藁目錄

長沙黃湘南一吾著 淑浦譔 瑤芸帆編

卷一

古近體詩一百一十六首

卷二

古近體詩一百一十八首

卷三

古近體詩九十九首

卷四

古近體詩七十六首

大鴻山房遺藁目錄

一

卷五

古近體詩八十七首

卷六

古近體詩一百三十一首

卷七

古近體詩九十五首

卷八

古近體詩九十七首

卷九外集

鄧南坡之燕草詩序一篇

釋本照詩詞共十首

唐陶山詩三首尺牘二首

鄧南坡尺牘二首海粟詩話三則

鄧湘皋資江耆舊序一則

秦恭人雲驥山莊遺草十首并小傳

王香社先生跋一首

先府君行述

皇清例贈文林郎甯鄉縣學增廣生黃君墓表

皇清旌表節孝劉孺人墓誌銘并序

大瀉山房遺藁卷一

長沙黃湘南一吾著 淑浦譚瑤芸帆編

古意

采采山中鐵鑄為干將劍太乙為下觀鑪炭經百鍊何
年置豐城沉埋世難見夜夜吐光芒上與斗牛炫神物
自不遺終當遇雷掾

荆山有片石天地鍾精英其中韞美玉無瑕質晶瑩所
惜璞尙完奇光晦不明卞和空抱泣剛足為世輕豈知
時會至什襲逾連城

渥洼產騏驎汗血來西方開張森天骨龍種非尋常以
大瀉山房遺藁卷一

之服鹽車不若駑駘強伏櫪有壯志旦夕逢孫陽萬馬
暗不鳴橫行此為良

丹山有威鳳篤生明聖時九苞綸異采六象含靈姿胡
為鍛其羽乃託枳棘卑誰知奮飛志常與霄漢期會看
翔千仞翺隨所之

書懷寄長源兄時隨家嚴僑寓大梁

襁褓燕山路生平事可悲魂驚萱草夢淚濕鶴鳩思拂
枕經風覺移牀有月知最憐青劍委羞殺稱家兒
班衣風已古廿載恨難回樂事追沙麓愁懷逐海隈孤
城鼙鼓急獨館雁聲催願進椿齡祝重遊郭隗臺

憶唐陶山

春日鬪春妍懷人各一天湘南千嶂雨冀北萬村煙射
覆添新語論文繹舊編何時重研樹尊酒樂陶然

得家書

故國懸千里羈留肯自寬殘書燈下暗古硯雨中寒憶
別情如昨思歸夢亦難鄉音今已到有恨未闌珊

卽事

不識崎嶇路何來石磴長亂峯雲凸凹幽澗草迷茫上
界攀疑接馮夷俯若藏守身如捧玉此險未堪嘗

日暮

大瀉山房遺藁卷一

長途遊子倦返照暮雲殘犬吠茅村遠雞喧竹墅寒水
聲如自得山意若相安獨有勞勞客長歌行路難

寄敬輿長源二兄

兩度燕台二十年鶴原愁思譜離絃他鄉虛牝何堪擲
故國雄鞭已着先霍麓梅殘千樹月湘濱橘冷一洲煙
無端三疊陽關曲檢點鄉心付杜鵑

除夕

蘭膏吐燭裊青煙兀坐中宵未耐眠爆竹一聲驚歲去
他鄉共飯說團年

通道城樓曉眺

荒城連百粵平野接三湘客越山前路人歸柳外荒年
豈多餘忝俗樸儉衣裳臨眺情何極餘霞送夕陽

贈別劉七淡人

寶樹亭亭重謝家他鄉真愧倚蒹葭
花開小院春光老柳折荒城客意賒
湘浦同離殘雪霽蓉江獨趁夕陽斜
扁舟只待秋風起艤岸還尋谷口霞

過洞庭

長帆高掛浪飛騰一點斜暉萬頃澄
雲隱江城迷粉堞倩從煙火認巴陵

赴北關道中與伯兄湘甯聯句

大瀉山房遺藁

卷一

三

共射金門策南匆匆酷暑程
一鞭心緒獨南萬里客思
縈疎雨歸嵩阜南殘雲擁洛城
乍疑詩胃冷南競爽弟
偕兄南

雞聲

雞聲茅店曉行初颯颯輕風細
雨餘抱布客斜村外笠懸臂人歇
渡頭漁顏潤久別難求藥學廢經年
尙有書倚入梁園參末座蕭騷底事
病相如

雨行

宿雨連三日鄰鷄報五更泥深能礙
馬樹濕欲流鷺眞宰憐枯槁陰符足
稻杭野人何處賽擊鼓雜鳴鉦

弔禰正平用蔣茗生太史弔婁如韻

千古猶疑碧血腥文章當日已無靈
可憐鸚鵡剛成賦空博芳名照汗青

鼓摻漁陽慘不開奸雄誰道解憐才
江聲浩蕩長如哭應有詞魂夜夜來

馬融讀書處

指點讀書地人思馬季長遺歌傳女
樂勝迹重經堂柳染芸編綠蓮浮石
硯香如何增曲禮翻不及張綱

浮雲一首

撲面沙塵澗冥冥入許田吠殘村外
犬咽斷樹頭蟬古大瀉山房遺藁

卷一

四

郡餘青草荒郊足淡煙浮雲似遊子
鄉縣正無邊

許昌懷古

驛柳陰陰入許昌移都當日紀山陽
已酬割據三分志空受尊榮九錫章
曉霧迷銅雀瓦甍孤風送鄴宮香
題碑漫說曹侯墓千古行人恨未央

長垣旅邸和天津衛蓮峯題壁韻

伶媵誰惜薄遊身落筆淋漓已動人
但道平安休戚戚文章千古不常貧

附元作云蕭索山城萬里身每逢書到
倍懷人書中

慈母憐兒意但道平安不道貧

澶淵懷古

強胡萬騎逼澶州執咎盈庭孰與籌奉蹕幸從丞相策
移都欲斬佞臣頭馬嘶青草迷荒壘人轉斜陽滿翠疇
孤注那堪來厚謗北門鎖鑰不勝愁

雨霽

蘊蘊雲峯散天高積暑消花疎融野迳草淺澗平橋扶
杖人初醉還喬鳥正驕行行多爽氣吾意轉逍遙

渡黃河

勢從天上落諸水莫能爭破浪追前度乘風屬此行沙
飛知岸濶帆正覺舟輕直欲窮星海長思掣巨鯨

大滄山房遺藁

卷一

五

謁東里大夫刻用飛卿題蘇武廟韻

丹青窈窕古祠前遺像森嚴尙凜然萬井人耕殘宿雨
一村犬吠破荒煙有辭大國推君子爲政強宗懼少年
循吏聲名新鄭永馨香猶遍舊山川

朱仙鎮

將軍志抵黃龍府百戰功成一戰時何物書生能獻策
却教兀朮不回師北來宰相奸謀險南渡君王勝算移
十二金牌真恨事冤沈三字古今悲

遺懷

休將旅食怨今非胡迭居請欲奮飛更永銀榮疎月暗

夢回薤簞曉星稀千人奔走慙投刺解橐蕭條促典衣
一片浮雲無定著何時能向故山歸

回營過河

長征人戚戚東去水湯湯雨足添層浪潮生擁野航牛
羊山外草煙火市前坊舟子時相語三年問孟嘗象大

北郡蓋已
三年矣

年華一首

年華真過隙忽忽道人來星斗三秋明風雲萬里開
龍猶有技買駿豈無臺誰抱澄清志蒼生望雋才

寄懷潘黎門

大滄山房遺藁

卷一

六

憶昔他鄉臭味通芹香沼碧靄和風晶瑩品似三珠樹
飄泊身如九月蓬刺與離魂迷曉蝶曾無尺帛託征鴻
緇塵冉冉津門路雞黍還應待范公

出都四首

燕城春日老客騎曉颺涼柳色明與慶鐘聲徹建章鵬
啼今去急鵲駕昔來忙去年七月入都滯迹年逾半高歌出正
陽

九萬程難上三千路未真寒誰憐范叔困自嘆蘇秦地
壯筮歌麗時平第宅新輕肥來往過道是五陵人
白雲飛已盡橋木望猶懸劍佩仍今日高歌慟隔年浮

塵輕泥雨列嶂遠含煙繡句韶光迥終天恨黯然
京雒悲思切鄉關好景看橘洲晴宿鷺星浦暖浮棹幾
日少游馬何時定國車揮鞭更回首返照抹紅霞

古名僧詩寄映雲上人

好馬亦好鷹僻性自違俗手談勝清談大千歸一局
彈琴復長歌詩各滿湘水楚府號多才何如一袖子
長揖動錢王麟胸肯獻媚詩成十四州不容移一字

鄭州

百里黃沙暗人煙入鄭州城荒無片瓦蹟古有層樓牧
本先朝草名從浩劫留莫言風物冷此地接瀛洲

大滸山房遺藁

卷一

七

津門寄陶山都中

我愛六如子頭角軼羣倫弱冠來射策一鳴驚世人腹
中貯萬卷下筆神鬼驚綺靡直與皂屈賈同飛聲陽平
記把臂喁喁無限情雲泥一朝隔萍踪挽不住自我遊
京門君去謁親墓嗟彼黃金臺離離草又碧臺下春樹
青臺上春雲白春樹與春雲茫茫對皓月感此傷我心
無端又南發故國望瀟湘黯然惜此別却顧離亭中風
笛數聲咽何日飛泥金秘書列瑤冊

早過任邱

地表將軍墓道旁有任亭過古邑程山明散著狗樹旭

挂銅鉦抱布墟初集炊煙屋漸平十年隨宦處先大
夫任先大青草上春城

河間感賦二首

古堞明朝旭荒郊急客驄春深毛氏里草沒獻王宮總
帳魂來涼湘簾淚濺紅靈萱當日萎蕭索刺悲風先大

司馬

昔遊回首去往事十年還交趾思王令東州憶杜閉先
夫兩在此郡鴉聲飛曠野樹色入長關市井渾依舊重
來蹙恨顏

商家林

大滸山房遺藁

卷一

八

關風伏雨萬家村隴麥燕南節候溫綠柳半濃花盡老
人編蓆帽倚柴門

宿富莊驛

樹隱高樓暗燈明別館孤微風樓遠拆淡月冷清飲月
有歌姬度曲楚澤三千里燕臺五日途人聲靜荒驛危坐夜
光徂

阜城曉發

忙看征鞭曉月昏車中人坐薄裘溫星疎雁陣橫殘夜
風急雜聲出遠村少小多年經道路艱難幾日到家園
上方寂寂孤城外野衲精廬適夢魂

石門

地紀賢人宿名傳吏隱存春秋知孔氏今古重長門

宿鄭家口題壁 客歲夏季入都亦寓此

古鎮重來地郵亭舊主人鳴朝朝餞夏曉鵝夜殘春月
脂虛簷瓦燈昏敗壁塵一年成底事回首一沾巾

歸路

欲坐征車祗自傷白雲紫樹雨茫茫花浮遠水成香漲
草藉平堤視夕陽莊叟馬牛任奔走王象龍虎不尋常
可憐二載逢重九歸路何堪望故鄉

苦風

入海山房遺藁 卷一

九

狂風何太疾陣陣急征輪四面初如颶連朝不似春播
花飛遠塢舞樹響前津莫怪緇衣澆塵沙舊復新

武城

平野入青齊各區景物迷堞開雲隔岸潮落雨平堤此
日猶停轡當年試割雞絃歌能再否悵望古城西

夜靜書懷

蕭索江城夜氣清一燈明滅旅愁生敢於周覽同司馬
不計猖狂類步兵鐵笛有聲驚遠夢寒雞無次亂殘更
歸家好覓王官宅休向伶嫖嘆客程

野渡感舊

客路臨春水平流沂曉風淡雲濃宿岸山雨淡連空草

色圓沙碧花光野店紅黃公猶白髮思舊有王戎 甲午

渡此遇一老叟今雙錄如昔

讀西河書屋遺藁用張祖望挽陸子容韻

家學會聞有更生豐才齋命漫盱衡祗今一卷鴻文在
猶作當年柳地聲

輓劉寅橋太年伯先生

東粵回征蒞南州落使星文衡方特重大夢已先醒帳
掩瓊瑰泣堂空鵬鳥停秋風何遽逝 丹詔 天廷
靈槎乘竟去薤露痛如何廬阜千屏直潯江九派多幾

入海山房遺藁 卷一

十

時歸縞鶴無處遇青麻涕淚天涯遠招魂續楚歌

十年

廿載春光驚轉瞬十年學海愧無文自非元豹能濡霧
那怪華鬢不簪雲入館心期容束哲傳經事業愧劉歆
螢囊雪案何時了下澤從今得守墳

桃林次錄山兄韻

驚如夢得入元都盡向紅塵紫陌鋪不羨嶺梅三百樹
翻疑林杏數千株春風焚素容初賦冰雪楊妃汗欲濡
惆悵芳心貪結子重來莫逐菜花無

陽平書感

不堪古郡近燕山昔日風光此日寒紫府無仙隨客至
黃花有色耐秋殘尙餘老吏悲蘇過空見蒼生望謝安
正似道衡曾坐處可憐清淚數行彈

劉忠定公故里

風企先生節低徊客路中道居荒草碧斷碣古苔紅洛
蜀無爭黨章會已畏風立朝惟閱道鐵面後先同

咏塵

最是長安道冥冥竟久長紅浮天欲近軟起地無垠迥
異生羅襪偏來逐畫輪周詩會得句祇自大車塵
擬步誰何後勞勞路是歸輕惟經雨浥細只借風飛着

大瀟山房遺藁卷一

五

意傳人面多情染客衣無珠安可辟徒倚對斜暉

春寒

曉風起天末颯颯薄衣侵節晦星初落春闌日乍陰共
憐梁苑客誰識鹿溪心時縱征轍目寒雲上遠林

夜行

漠漠征塵黑陰陰古驛暝水明孤澗月樹漏數枝星犬
吠荒村隱人聲野市寂不知行路苦詩思入高冥

日暮望東明

漠漠黃昏客倍孤縹塵未息問前途路遙豈識征鴻杳
日暮方知我馬瘡接地風雲陰更重連天草樹影如舞

勞他奴子還相慰萬里行遊亦丈夫

車上遣懷

人行殘月暗犬吠遠村微古樹風前老圓荷雨後稀年
華隨道長意氣逐雲飛此去皇都近扶搖未是歸

大梁詠古三首

寶鞶初逢五鳳門一聲小宋斷人魂佳詞幸得傳宮掖
天子憐才詔賜婚

此身安處是家鄉慧黠生成語自香謝得坡公題妙句
滿城人說點酥娘

數盡風流擅汴京李家小妓劇多情道君夜半龍輿幸

大瀟山房遺藁卷一

五

已向城東送美成

東里重謁國大夫祠

重拜公孫座衣冠古像真千秋遺愛里一代有辭人素
壁風聲疾丹雘曙色勻能文重游吉祠廟不曾新

憶硯三首有序

硯爲岳父抑齋先生賜質甚良常攜以遊出都
前一日爲朕篋者搜去至今惘然

銅雀餘殘瓦風塵伴壯遊紙田猶有地筆未奈無秋珍
自河南尹傳來范嶺頭可憐拋去日宿墨一痕留

不讓韓陵石無端別帝邦細磨試薇露淨洗伴芸窠

漫比桑家鐵會陪米氏機押衙未能見何日返無雙

謾藏原自悞誨盜恨難消已類行人得何同外府招捧
應懷李白焚竟似君苗此日空回首長安路更遙

漢光武廟十二韻

炎漢中興日風雲各奮身赤符占景命白水起真人振
旅羣雄伏移都溥海親顯承高一代輝映永千春故里
宮楹厥遺容袞繡新葺修終歲煥享祀歷朝因紀贊留
碑古功勳繪壁神朝雲寒井冪夜月老松鄰顧我經名
地停驂洗素塵聲靈震雷雨將佐望星辰度與高皇迹
才方武帝醇推心能置腹四七豈無真

許田懷古

大鴻山房遺藁

卷一

三

大獄何從一嘆生覆巢無卵最傷情老奸非不憐耆舊
夙恨端因爾正平孔北海
題碑八字等閒看德祖奇才曠世難若使深沉似吳質
當時何自媚曹瞞揚德祖

八龍故里

歸然畱古碣故里記高陽霧淨村樓直煙平驛樹長
時人競爽終古地流芳未識仲弓里因之憶三方

蔡順拾鰾處

拾椹還名澗地名當年子孝純豚魚猶可格盜賊况爲
人

靈樹延陵挂劍處

挂劍當年義莫儔未容佳蹟沒荒邱龍光已作延津化
靈樹猶如魯殿留

龍門故里

襄城郭外問前蹤司隸風流未易逢不是聲名高八俊
保身應似郭林宗

早望首山黃帝問道處

析青山望裏排翠微深處紫雲開關城柳色銷春去
驛寺鐘聲破曉來北揖嵩陽千阜出西迎汝水一川迴
問途機谷今應在欲叩行藏訪大隗

大鴻山房遺藁

卷一

南

辛稼軒故里

名齊辛黨北來初古木荒山剩故居大畧自能傳不朽
英雄原不在詩餘

沮溺耦耕處

隱士有芳名貞珉今未朽如何避世人耕處復爲耦

南陽懷古

河山環峙古南陽雲歛煙霏驛路長王氣已銷文叔里
將星猶護武侯岡徐龐抱負皆經濟耿鄧功勳足贊襄
兩代興亡人不見荒郊猶積舊垂楊

舊縣與長源兄夜話即古昆陽地

旅舍蕭寥當夏夜雙楸風動葉婆羅角聲野外星光落
人語庭前月影過行路無金羞季子歸家有粟貸監河
昆陽不問英雄迹燃盡孤燈感慨多

黃石

黃石高風杳仙踪此地名投書因一履相約正三更既
早遊蓬島如何葬穀城卓哉蘇子論持辨異經生

榆錢

歷歷青榆葉葉圓鑄錢忽動長輿憐幾枚密綴山初鑄
一樹勻排埒待編拂去遊絲驚貫朽柄來倦羽認鳧眠
原非前代餘遺莢若個能拋萬選錢

大鴻臚房遺藁

卷一

五

客中詠鸚鵡

擬是迦陵佛國啼搗來隨客異鄉樓殘鐵架紅躑並
舞罷金縷翠羽齊蔡氏堂前呼妾急霍家簾外喚郎低
祇今幾載東君意問爾應無憶隴西

趙莊和望問韻

嵐重高峯白花飛遠澗香勞勞原上路啼鳥笑人忙

鏡中月

清空恍向翠奩探鏡影遙連月影涵白璧瑩瑩騰寶鏡
明珠皎皎印澄潭光同皓質高低合體共圓規大小參
好掛虛堂供賞玩擬將丹桂一枝簪

館人送櫻桃謝之

離離薦廟品初鮮摘入郵亭四月天色襯朱丸千顆嫩
尤迷紅豆一堆圓漢庭夜自盤中賜唐代朝從闕下傳
客路已忘時果熟攜來頓覺主人賢

樊城早渡

空水蒼茫曉色浮魚龍東下漢江流崖邊爭渡人呼急
艇上微嘶馬性柔煙斷青帘藏萬戶雲開粉堞出雙樓
不堪前度成追憶涕泗縱橫感野鷗

羊太傅碑

一片殘碑在羊公德未休至今江上雨猶共淚痕流

大鴻臚房遺藁

卷一

未

漢陽王張柬之故園

故園憑弔石橋西八十安唐功莫齊薦舉早知堪宰相
梁公即是晉祁奚

陽封陰奪一時寒冊拜司空伏禍端千古傷心机上肉

還疑指血墓中彈

攬轡

攬轡出孤城逶迤曲逕行板橋雙屐印石澗半松聲水
遠連空淨汝平隔岸明峴山山寂寂花鳥不知名

荆門詠明妃

願嫁呼韓自請行畫圖何處寫傾城漢宮多少承恩女

不及琵琶萬古聲

曉行遇霧

揮鞭趁曉行積霧馬頭生
疊嶂陰無色橫溪暗有聲
目迷煙覺重衣溼雨疑輕
欲卜南山隱欣逢日已晴

山行

攀磻縈紆石路新高攀
低俯巒崖襟煥涼斜界層崗直
昏曉平分眾壑深
竟日艱難行蜀道多時應接入山陰
馬蹄遮莫聲聲滑閒舉征鞭數竹林

江陵懷古三首

坐鎮荊州與父儔
安民爭讓鉅平侯
東吳不有將軍在
大鴻山房遺藁卷一

早見降旛出石頭
陸抗

梁元文事倚君參
老入長安髣髴鬢
一隊彙臣齊投職
不徒庾信望江南
王褒

不向中州作雜臣
荆南入幕祇存身
自稱進士頭銜好
表聖應知有替人
梁震

卽事二首

隴上半黃雲
鑼聲在在聞
儒冠何自悞
不似老農勤
大道平如水
征蹄疾似禽
天高無暑氣
樹近有清陰

公安縣

路聚花作塢
城抱樹成林
欲問袁黃里
鄉村一望深

澧州道中

南北初分楚
潯河水沈溶山雲飛
峭石澗雨涵長松人
叱烏健緩村呼白墮
濃鄉關今已近揮涕
幾沾胸

紀夢

旅夢休將爾致占
椿堂繞膝一宵恬
恍從題詠詩初就
瞥見推敲律更嚴
小院煙光遮網戶
疎簾日影動牙籤
數聲曉角驚殘後
猶覺趨庭教語添

朗州懷古

武威前代一軍留
衝扼征途入朗州
馬氏衣冠成蔓草
周家宮苑沒荒邱
梁峰高並衝峰出
沅澤遙連蔓澤流
大鴻山房遺藁卷一

割據雄風終已矣
暮雲斜日上城樓

望潭州

千家負郭散朝煙
楚客歸來近一年
拔岸青巒平吸日
環洲白浪倒浮天
題橋已負相如筆
詠鵬空傳賈傅篇
未報三春餘寸草
征衣溼盡淚潸然

上吳翥堂山鳳觀察

風清豸纒數年孤
江漢靈鍾蜿蜒餘
學富百篇金闕賦
儒醇一卷草廬書
去思易水曾馴雉
來暮匡峯更挂魚
高臥卽今比安石
蒼生指日望蒲車

大鴻山房遺藁卷二

長沙黃湘南一吾著

淑浦譚瑞芸帆編

戊戌八月十六先大夫忌日述哀

幾年風樹不勝情已度中秋百感生履涇清長珠露重
夢沉昨夜月輪明三旬設說悲慈母羣季吹篴痛伯兄
可信迷離方易贊幾回直北望歸程

齋壇風過冷飄飄猶憶經孟學梵修先君常持手澤一

生書尙在容顏千載畫難畱人間有子嗤劉表天上無

兒笑鄧攸未得焚黃憲告莫恐將零落付山邱

風雨三首

大鴻山房遺藁卷二

風雨淒淒暗雨胖蟲吟雁字又中秋楚江無限聞花草

不似荒庭滿地愁

微涼淺皺匣銀塘石髮昔衣帶水香潛躍悠然能自樂

可憐風景異濠梁

圓荷蘸露影離披早是芙蓉睡醒時大息灌園人折盡

更無偏反動君思池荷甚多園丁恐碾蓄魚盡去之

步月

徹夜天街淨瑩然半壁光迴風聲在樹溥露冷盈塘不

見霓裳舞空驚玉笛傷一年秋漸老身世恨茫茫

余將有羅蒙之行樓門兄以詩送別和之

久知良會易莫道別離難夢消遊初倦余自鄂湖亭客
未安王章懶有室鄧禹笑無官努力從茲始萍踪肯浪

過沅江

孤城遙見水雲進水送雲迎過旅槎雁唳一聲秋色老
鴉飛數點夕陽斜誰家午過無炊火幾處寒來有菊花
正是秋原猶待雨肯將客路望晴霞

晚泊

煙明水淨小洲圓閒倚孤舟對落暉細浪翻風魚欲出
殘雲擁樹鳥知歸川原歷歷蕎花秀關塞蕭蕭客旅稀

大鴻山房遺藁卷二

生事不堪遙歲暮且從江上學忘機

夜靜

月浮千里白燈映一蓬青懷友詩難就歸家夢易醒秋
聲來戌角夜氣過鄰榼欲問天河路乘槎作客星

湖中遇風

萬頃聲旬旬奔騰巨浪起颯颯飛一帆箭疾馬初駛樹
色何迷離波光信謫詭斷岸取無涯來去蒼茫裏神定
聊推篷江流曠觀止慷慨激壯心長風幾萬里

桃源

夜火江楓感此身桃花猶記武陵春水難滿尺灘聲古

岸祗容刀石路新縱有漁郎非晉代也多山峇豈秦人
時清在在皆仙窟不復停橈一問津

穿石

聯岑迴碧水絕壁削青天側破非緣雷中通不異穿髮
垂千尺落乳滴一圍圓透影銜朝日留光宿暮煙猿行
疑入洞人過若登仙力士憑誰鑿奇觀萬古傳

輕舸

輕舸經旬泛清江入夜寒遠砧風露急孤月斗參殘恨
重驚時暮行忙忘路難聲聲催旅夢一枕接遙灘

過癡子洞

太鴻山房遺藁

卷二

三

浪駛成危洞舟迴扶亂山萬箇神鬼瞰一線死生關鐵
纜崖懸鋤苔衣石罽斑急湍千古在誰與共潺湲

清浪灘

曉日近辰州舟行何煩憂灘灘已多歷猶阻清浪頭清
浪遠和雙峯開眾壑相擁層巖環紅蘿蒼松雜翠栢熊
哮虎嘯當天關中流出危巒亂石堆拳礪似入魚腹浦
低者欲起高者仆萬竅湧飛濤銀花百尺千丈高蒲牢
忽然吼鐵騎忽然走一羣難負邱山重棹聲謳聲一齊
送滯帆懸長纜控進尺退尋撐莫動天地慘兮變色神
鬼號兮結舌日黯黯兮無光風颯颯兮似雪蛟蜃暮見

蛟龍迴生死呼吸爭不圓忽傳險處過將關魂魄已碎
心膽寒我聞蜀道難於天豈知清浪同其難人生百年
宜自愛奈何輕身涉滄洋吁嗟乎世路茫茫盡如此安
能九垓上三島裏遠風波履平砥

野貓浴

萬丈奔流萬石堆長碑砥柱長荒苔憑誰念是舟航險
三字猶看對我來

銀壺山

山傳勝迹說銀壺高出層巒影自孤萬壑風聲搖古樹
九霄月色掛明珠上空依依傍離塵遠下俯波濤任客徂

太鴻山房遺藁

卷二

四

欲學長房還問道瓊漿可飲一杯無

廿三初度

不覺重陽到光陰一度新三秋歸雁日廿載守雌人紅
葉明清清黃花耐素塵扣舷嘆生事前後幾傷神
我蒿依岸繞峭岬接山來不顧星霜冷難忘父母哀衣
留斑是血雲散自成灰太息兒身長無由慰夜臺
壯歲催來日童心學昔年形殘應共笑性直不求憐牛
馬翻嘲客鯁鵬合冥天世情渾未耐琴劍愧前賢
病豈相如渴窮應范叔寒芻車何處送菽水敢求安萱
圃依衰草鶴原痛弱翰况多妻子累俯仰總無端

仙人屋

古屋懸危巖仙踪俯水澗樓居從昔好木構到今疑丹
籠秋風靜經堂旭日移鸞輪何不返指點任舟師

沉香船

度石撐雲望小艇帆檣疑是落天河人間亦有慈航渡
一路巉巖接普陀

書所見三首

溪邊淺沙漲層積山之陰時見三五人辛苦同揀金揀
金殊覺難淘汰竟窮日一日計一分所得不償失奢望
非恒河其奈少衣食安得乞天公有年息民力

大滄山房遺藁卷二

五

誰家穢筐者藥藥滿新泥問名曰觀音亦可慰調飢水
邊人聲雪結伴打薇蕨其粉如白霜糞旅藉無關豐年
狼戾多荒年此亦足莫復怨荒年絕處有生路
日脚漸下西維舟近野渡有客攜家人說向巴中去故
國本重遷回顧以無計樂土多黍苗就食過今歲峽急
瞿塘暗江深劍閣寒爲君倍惆悵蜀道青天難

早行吟

濛濛白氣飛入舟欲出未出初日頭溼霧陡然對面起
蓬窓悶坐心煩髮子美詩篇幾萬丈東坡文筆輝千秋
壯時曾作蜀中客老去翻爲海外遊自古才人半行路

我今年少何復愁悠悠天地且長嘯一任江聲今古流

長州

古堞危樓曙日晴邊疆雄鎮控嚴城霍衡遠接千山伏
黔蜀高分二水平聽漏真難消壯志藏書猶自結逸情
誰家刀尺聲聲急客路寒衣未得成

雨行

丹楓黃竹望中明雲水連天饒曉晴帆重一江微雨至
沙平兩岸午潮生省親恨不同王勃抱病愁還類馬卿
蕭索山家皆閉戶無人知有客槎行

宿黔陽

大滄山房遺藁卷二

六

水驛分斜日人家入望來殘雲出城郭暝霧近樓臺岸
樹兼秋落離花帶露開誰憐江上月舟夜獨徘徊

抵通道學署感成

范蠡羅江極楚邊重來冷暑客非前綵衣已起黃泉怨
縫線空生白髮憐月暗香魂過舞蝶風寒血淚落啼鵲
無情院裏芙蓉樹掩映花枝似昔年

山家早梅用高季迪梅花原韻

花色繽紛上玉臺仙枝移向野籬栽若添遊興須尋到
祗盆離思莫折來凍嶺霏霏飄嫩雪孤山窸窣襲寒苔
幽居畢竟無拘管不待春和鷓鴣早開

遊大目寺觀厨後竹筧水

招提傳勝道竹筧創奇觀半劈蒼筠細中通碧亦寒直
流歸甕缶斜接上峯巒矯似神龍吸潛如屈瓊盤取盈
依窺窳挹注倚闌干妙用輪僧納喘他綆汲難

偶有所書苦無不律內子於針筭出湖穎二枝此

亦所謂不時之需乎笑占三絕

隋麝香透赫蹏明却向深閨覓管城豈是夫人原姓衛
拈毫自肯擅書各

繡篋搜來子細看菱凝幾筦削琅玕臨教曾學張京兆
畫得蛾眉墨未乾

大鴻山房遺藁

卷二

七

中書今已付青娥勞爾珍藏助學窠試比東坡居士婦
也將斗酒待酣歌

戊戌除夕述哀三首

西方墜陽烏餘冬過除夕林鴉鳴樹巔人喧語未寂我
母坐北堂拳幘驚歲月繞膝諸弟兄圍食列重席寒星
照疎窓北風撼四壁感此懷昔時黯焉悲惻惻

昔時亦何似官閣依霜顏步履正嬰鍊送歲琴鶴閒客
來喧擺馬客去陳椒盤深更響竹爆桃符門不關掀髯
顧而笑喚兒何太頑此景豈能再俯仰淚潛潛

東西聞比鄰嬉戲多歡趣人有愛日心我抱終天思夜

肯渴眼凝忽如我父至夢裏接音容醒時覺猶託明冥
兩茫茫坐此六驥遊明朝春又新何以答先志

人日聞雁

春風送樂行帶雪流音脆呵凍欲裁書金臺人未寄
七日春猶淺橫天雁喚高往來南北道誰似爾勤勞

元夕宿鄧蘭坡書屋四章錄二

九街燈火市爭然逐隊長安憶往年珠翠舞殘花下月
笙簫吹徹柳梢煙津門自嘆靈椿萎楚澤長如弱蔓纏
也向座中祈爾卜生涯無計可回天

大鴻山房遺藁

卷二

八

自愧陳荀聚德星馬鬣遙憐人負土羊城近使客成萍
斷腸唱盡江南句料得知交不忍聽

春起

殘夢盈盈一枕橫斜鏤紅日小窓明趁春不似啼鶯早
風送枝頭四五聲

苦雨

中庭溼蘚泛新綠圍籬麗殺洗斑竹颯颯急風催雨來
千點萬點打茅屋自冬徂春陰復陰陽鬪悶暝天氣沉
侵膚撲面寒氣重無昏無書何淋淋遙空倒注洞庭水
軒然巨浪湘江起室中避漏移牀榻戶外衝泥響屐齒

我聞積雨霑荒田布穀須趁陽和天欲把毒龍付一劍
一輪日出扶桑邊

送雨

西山薄暮雲流滿兒遊絲返照浮此後呼晴莫呼雨
殷勤說與隴頭鳩

離家

鐘聲隱隱鼓聲住參月橫斜挂庭樹中夜推枕待黎明
理帶整冠復還顧堂上拜別慈母愁室中揮手妻孥懼
弟妹牽衣不忍離癡兒繞膝未能駐出門交友爭致詞
但願此行有所遇此行遇否何可知君看南雁方北度

大游山房遺藁

卷二

九

別鄧大蘭坡

而月新詩共唱廣關情却接踏歌聲到來南海春光半
好句時應夢裏爭

別汪翁昭甫

出遊行者憐居者送別衰年惜少年仲蔚蓬蒿繞蝸舍
子安萍水泛蠻天秋春判袂悲南楚朝夕傳經憶北燕
爲報此行良晤近棟風梅雨送歸船

哀歌行

春雨如絲春風如剪樂樂棘人汎舟逝遠解一望彼白雲
載飛載停有墓未省遽此長征解憤則依牛雞則依燕

嗟我少年四方俱遍三彼君子兮心乎惻惻何早歸兮
毋傷久客解

登舟

春風春雨滿汀洲長短紅亭起旅愁送客共傾桑落酒
離羣獨上木蘭舟一叢古岸迷青草萬頃清波露白鷗
欲息塵機今未得關山有債逼人酬

湘山湘水極南天千里迢迢路可憐行役無親依健僕
浮生有命託長年枕柳樹隱蠻童馬茉莉花明娶女船
應向越王臺上望鄉心日日付啼鵲

遲遲

幾日湘江水茫茫古郡邊不知近衝岸彌覺遠連天曠
野畱高樹春山沒沃田遲遲歌欵乃羨殺上流船

望嶽麓山

少小去燕趙經歷多名山回首靈麓在鄉國時時夢寐
相往還去年倦遊載返棹星浦橘洲惟所好乃以俗事
紛蠟屐未會到今將遠適南粵南揚舫早發瀟湘潭中
流汎汎却還顧山影窈窕光倒涵潏决背望無已春
樹春禽正靡靡怪疊峯之嶽奇驚迴巒之巖隴禹王碑
兮不摩六朝松兮莫倚抱黃洞道鄉臺惆恍迷離惟見
雲青而煙紫君不見向子平遙訪五嶽嗟虛生又不見

謝安石日尋東山欲遜迹我乃拋此矜浪遊眷懷夙契
心悠悠何時一挂綠玉杖絕頂長嘯天地秋

猴子石

臨江俯穹嶼蹲伏一仞孤何年鑿奇蹟形乃如愁胡信
當風雨際往往聞嘯呼恍惚峽江畔不堪過征驂雲生
樹更擁黯黯岡岑紆石根幾時露夕照翻春蒲迷令遠
遊子過此重踟躕

懷唐六陶山

載酒京華憶昔春別來江海一年新舟行尺素無由寄
覓遍波心蘋鯉鱗

大瀟山房遺藁卷二

七

夜泊觀音港

際暝投前港維舟黑樹重江漁明細火野寺隱疎鐘自
覺遊情壯何堪別思濃慈航無自問終夜水淙淙

夜深

夜深息燈火推蓬試遠瞻長天飛黑雲明星碎前清寂
寂松栢林林外有人語

吳汪翁照南四首

僕使方傳信虞歌早動聲過門經幾日執紼隔重城涕
淚悲親誼凋零嘆老成去冬牀下拜憔悴已傷情
理棹歸吳水移居傍楚潯山邱倏零落薤露共消沉

筍雷餘藥空枯賴金傷心垂老竹淒斷白頭吟

捧袂今何少牽衣昔自頰念翁成恨賦爲我晤嚴親或
有青蠅客應無白馬人歸來鶴難卜果否列仙真

四尺孤墳冷千秋宿草豐人間常苦餓泉下亦安窮曠
野春朝雨深林午夜風生芻猶未弔歌些客途中

寄九兄長原

送別當殘臘相思到早春艱難同境況事業託精神
草仍憐我聯牀總讓入東遊何日至迢遞感孤身
居家爭笑拙作客欲除窮白日消江上朱顏改鏡中難
同並驂馬常類失羣鴻咫尺成涯角衡陽信不通

大瀟山房遺藁卷二

七

昭山懷古

君不見湘水之東昭山拱千仞嘗萃楚江聳山頭古廟
冥冥開山下澄潭滾滾湧我今將去南海邊勝境分明
歸眼前老樹陰森綠遮岸晴嵐瀲灩青接天周室當年
握坤軸成康相傳大業續昭王亦是英明君賢聖代作
調玉燭一朝時邁巡諸邦鑿輅覽旌周四方伯叔躬身
皆震疊聲靈赫濯驚吾皇周嶽道河蒞楚國不索飛龍
泛畫鷁豈識熊羆敷藏閣好膠舟忍使天王溺南征不復
誠何因他人難問湘水濱不見包茅重入貢僭號居然
王者尊商於獻後壽春滅章華宮殿感陳迹虛說襄王

餘故臺空聞宋玉有遺宅何如此地留高山矗立青蒼
名不刊流傳何聽居人道指點還憑過客看舉首蒼梧
叫虞舜愁雲遠接九疑峻竟同斑竹悲二妃不似嗣王
馭八駿一時沉溺真足哀萬古登臨山色佳澗酒湘流
呼楚些魂兮魂兮情歸來

湘潭道中

離家纔二日行旅百愁生落照孤城暗斜風五雨輕沙
平過鷺迹天遠送鴻聲流夢江潭水如傳客子情

舟中書所見

餘霞低澗夕陽天一抹鮮紅動碧連風急鷓鴣飛不定

大滄海房遺集

卷二

七

沙頭都是賣魚船

輕風短艇過山隈白屋紅樓傍岸開唱道一聲春曉好

綠陰懸出小旗來

入衡州境

短棹趁微風湘東此地通疎煙山市外古樹夕陽中已
覺細音變猶看土俗同長沙三百里離思未消融

衡山晚泊

地傳糜子繞湘灣宿雨殘陽一望間影倒中流盡孤塔
疆分全楚歷重關向來遠路無時息此去扁舟幾日還
咫尺欲尋高隱宅蒼茫何處是衡山

衡山道中雨霽

積雨忽然霽舟行不知程日晷正亭午初見江面晴煙
開辨泉樹嵐重迷孤城危峯接天卓急壑趨崖鳴霎時
餘霞散石壁斜照明溪光暮禽亂草色歸樵行却喜微
風至自覺春衫輕好景屢流覽浩歌忘旅情

衡州夜泊

江千黑雨天似磐蓬窗盡掩燈影昏舟子勞甚就鼾睡
呼僕共坐方蠅蟬忽聞三更大風起搖艇震舵波濤詭
溪雲初起騰蜃龍斑竹半裂撼山鬼乾坤生我何多虞
鄧禹笑人眉不舒于役連年欲暫息其奈凍餒相迫驟

大滄海山房遺集

卷二

八

於戲三瀧險莫測况乃年荒慮盜賊夜色將闌未成眠
統統嚴城柝聲通

解纜

解纜催北風晨光正杳靄我行去衡州壯遊亦無賴修
篁千个青矮阜萬層巖奇石紛嶺既澎湃上危瀨時聞
山寺鐘泠泠答虛籟回首激山川長洑在天外

入耒河

一夜風聲曉更驕耒河東上發征橈山隨大野平如屋
水到初春急似湖自有詩書供倦眼豈無筆墨寄歡譌
那堪隔浦漁謳唱振獨飄蓬恨未消

奚奴話舊

深夜對虛兒津津試語之吾親方健日王事獨賢時秋
雨盤山暗春風浞水遲辛勤不辭倦聽罷淚成絲

二月

二月東皇氣未平青蘋風裏一帆征迥密登岫參差過
淺渚深灣遠近迎北去已無鴻雁影南來偏有鷓鴣聲
故園此際鶯花好又負春光在客程

晚霞

竟與朝雲似而因夕日遲芙蓉千朵放天錦九霄披飛
霧王郎賦澄江謝客詩眼前難道得極眺每情移

大滄山房遺藁卷二

五

夜坐

篷鐸微風入澄澄夜氣清拖雲孤雁影暖水小魚聲萬
里途方遠三春感易生更看河漢外倍覺客星明

未陽懷古三首

百里才難限土元未陽舊治到今存鳳雛久共臥龍著
驥足旋從別駕奔沔上青山無故宅川中碧血有歸魂
當年何不躬耕去徒使龐公隱鹿門 龐士元
天門石臼鍾靈秀回首參軍舊日風文鳥方看來夢裏
琳瑯已自出湘中萬年吳豈桓溫比一代才應謝尚同
寂寞城南餘廢廟未江泱泱雨濛濛 羅合

未水城邊杜甫祠衰年飄泊動人悲具舟葺舍空爲王
尋墓韓公尚有詩炙酒只傳疑信事殯遷難考是非時
靈風颯爽遺容在應異杭州塑十姨 杜工部

清溪

北風吹客衣孤舟發平旦清溪轉無窮往復循斜岸夾
陌柔荑披中流石斷野屏人語喧荒渡漁共飯森列
露層峯巖壑空晴半其上紛松篁其下鬱翳灌雲起既
春容鳥鳴復婉變近聽流泉遠聞散瀾瀾行旅亦悠
哉春光滿顧盼倏忽西日馳返照波如練

樟陸二首

大滄山房遺藁卷二

六

樟陸嶺上生長髮石曰山前叫畫眉 樟陸石曰花鳥不
畱行客賞青蘋風裏片帆吹
江行難覓望鄉臺雨濶灘頭念雨催不但杜鵑唱歸去
山禽處處喚兒來

過雨瀨灘

連旬行路緩春水未陽驟雨灘因著衝舟瀨不凡千
年聲動地百丈浪奔巖巨石中流擁輕沙兩岸鏡纒迴
青登登峯壓碧巉巖芊麗明新草陰森暗古杉星河高
處落瀨瀨險如劍放溜催來棹盤空阻去帆微風方北
至斜日已西銜未似嚴陵道艱難恨豈艾

觀音巖

巖巖臨江泉怪石信奇陡飛空數十丈高下何深胸
若建其中層樓闌疎漏雖無金碧輝幽僻遠塵垢上有
粉榜懸三字大如斗何年貌觀音至今名不朽却願水
中央巉巖獸躡瓜急浪衝江心恍惚大聲吼我行千里
餘去國日久試問巖中人慈悲可渡否

永興夜泊

重重山樹暗歷歷水花幽落日荒城市殘雲古驛樓
飄零仍七澤寂寞即孤舟入夜看明月鄉關動客愁

入眼二首

大瀉山房遺藁

卷二

七

入眼風光好舟行夕照間草看人待渡樹見鳥歸山
流水孤村繞停雲一塢聞仙源如可接羈旅為開顏

江晚真堪眺飛來滿眼霞綠蕪人趨犢紅逕女尋花
亭堠時詢路風塵只憶家欲停舟一賞前樹噪羣鴉

唐公灘

唐公灘上急流鳴有似千軍萬馬行辛苦黃頭行未易
不須更聽鷓鴣聲

卽事

手洗菘臺與筍芽綠楊堤畔見村娃料嫌越女招行客
不向江頭學浣紗

發陳江口

明發沂溪水山石紛沓連回思昨所見秀頑真判然豈
必負靈異相形而見嶙峋之東西施愛憎非有偏試看
巖壑裏草木何綿延芸若綠覆地松檜青參天復多紅
白花歷歷鮮且妍忽焉好鳥喚響流山上泉我思舍小
艇滿袖攜雲煙奈為雨所阻淋漓難直前推篷且縱目
好景休輕捐

鷓鴣灘

永興至郴州重重沂飛瀨中有鷓鴣灘險巖乃稱最怪
石森搏攫輟雷起澎湃我生多浪游垂堂有深戒篙師

大瀉山房遺藁

卷二

六

乃從容運篙亦何快欵若鷹隼凌疾過殊不礙恍惚悟
身世多見少所怪就熟而駕輕何須訝此輩

蘇仙嶺

竹樹散清陰煙嵐浮翠影遲遲上急灘已到蘇仙嶺

遣問題郴州客舍

得曉辭行館淹留為雨窮冥濛彌日永蕭瑟與誰同急
瀟懸簷瓦寒聲入戶權不如在江上送客有長風

山行吟

笋輿擡石磴迴一山去一山來仰雲霧俯林樹鳥道懸
羊腸迤宜章九十里崎嶇乃如此山行人莫愁羣不見

擔夫馱馬日紛紛

發良田

呼僕中夜與辨色出村市素雲布天衢
出沒逼朝晷疾風撼高岡撲面疾如矢
起粟連兩肩懸槌結十指春仲寒似冬
役役未能止中田叱烏犍頗羨農家子

章橋

來上章橋望參差路不齊山高圍樹小
村遠上煙低修竹明花塢飛淙咽石溪
巉巖森撲面更擬踏雲梯

客中喜晴

日將亭午朝寒輕照破溼雲春色明翠黛
千山遠石出

太滄山房遺藁

卷二

才

笙簧萬壑潛淙鳴引風細細舞叢竹
巢葉深深啼乳鶯自是天公念客子韶光
如此怡心情

古塚行

江邊遙望何森森白楊青柏粉成林
樹外依稀馬鬣露崔巍知是誰家墓
窈表傾斜殘禍頽紅心宿草長成堆
墓上啞啞暮鴉叫墓下趑趄颯颯
颯吁嗟幾日逢清明牧童樵子空歌聲
長眠不醒傷我情

樂昌

不識任器廟城頭覆瓦多山圍開疊嶂
水曲捲層波蛋戶隨時販龍船任意歌
人煙成百粵征客此經過

韶石

中流忽見亂巖迫波浪春撞響濤清
東西對峙雙闕高舟人指點韶州石
韶石果從何處名當年虞舜經此
行南巡息駕登崖頂鼗鼓笙鏞奏
九成九成奏罷蒼梧去豈知去路
即歸路却畱遺迹山之阿千秋斗
絕尙如故三峯四接何扶輿獅子
龍象形各殊來儀曾看舞丹鳳
飛鳴倏見哀夜烏日落風輕拂修
竹清音似叶雌雄律古貌髣髴重
瞳來空山雲擁翠華出退之昔日
停征輪欲整冠裙拜上賓今我來
時縱吟眺昔人已去空嶙峋但見
滿山花草春十分

太滄山房遺藁

卷二

才

將抵曲江次漁洋山人韻

竟日郵籤報未開殊方不覺語聲蠻
花朝時節春風半舟到滇谿武水間

芙蓉山

郭外青山照夕曛芙蓉一樹昔時聞
玉京朝去無消息望使行人望五雲

曲江雨泊

始興城郭曲江東蕭瑟黃昏泊放篷
黑氣高連千嶂雨寒聲低送一天風
簫韶古石蒼茫裏文獻荒祠黯淡中
坎坎雄關催夜鼓誰憐獨客似飄蓬

英德

指點英州路蒼茫日漸西煙歸高柳密雲出遠峯齊負
郭人家少臨江塔影低昔賢安置處百世有餘棲

滇陽峽

征虜過英德忽得滇陽峽兩山峭峻煙雲百仞插仰
視天影侵旁瞻太逼狹一水泠泠流春滿響鏗搗時見
浮白泡疑是蛟龍呌疾風吹征衫強者志猶怯更聞抄
子灘奇險天下甲舟子言未詳重重怪石夾危棧野
空欲登懼躑躅安得如飛仙凌霄逐楚業

香爐峽

太滄山房遺藁卷二

三

破曉飛甍帆高峽斗然峙香爐何代留惡石聚如蟻嶺
脊紅日垂山腹白雲起竹篠鳴天風松杉照溪水猿鳥
朝暮啼聽之雜悲喜絕磴過行人深谷出樵子回憶我
南衡奇峯亦各此嘆息行客心迢迢去千里

峽山飛來寺

風磴雲門絕頂開琳宮何日却飛來標幟猶有將軍至
采竹曾無帝子回寂寥歸猿餘古洞荒涼釣鯉贖高臺
菩提待引登山屐鳴榔何堪欸乃催

清遠

清遠經江縣孤帆五兩征青山千疊合白塔一灣明

香檳榔市啣啣釣艇聲坐看風物好知已近羊城

清明

清明時節客離家誰駕麗公上塚車人息故園新舊墟
春風煦遍野棠花

懷長源兄

細柳微黃舞燕鶯江花江草到清明年來空負彭城約
風雨孤篷不斷聲

三山詠

峯巒入粵漸逶迤亂石名山特著奇猿臂鶴巢真罕兀
行人猶記審言詩亂石山

太滄山房遺藁卷二

三

亂石山西翠色參峯高第一鎮天南安期去化清都客
雲氣常籠白玉龕白雲山
百尺雲屏疊翠螺祖龍鑿後尙嵯峨更餘鳴咽珠江水
風雨長如憶伏波馬鞍山

渡珠江二首

兩面遙山夾翠微潮平岸澗滿斜睥小舟八尺輕如燕
直向波濤深處飛
石尤風靜一帆行片片紅霞練影明滿眼蒼茫感形勝
洋船泊處見羊城

大鴻山房遺藁卷三

長沙黃湖南一吾著

淑浦譚瑤芸帆編

廣州懷古二首

作鎮天南首粵東山樓粉堞逼高岑
梅銷嶺斷橫雲外陸賈城連夕照中
潮落珠江波影白春深蠻市草心紅
五羊何處尋仙迹萬里人來類轉蓬
城邊古迹嘆興亡臺苑千年未盡荒
越秀春深傳越局昌華秋老說劉王
不聞歌舞朝朝樂空見鶯花處處忙
願有多情江上柳長條猶自縮征航

上陳繩橋觀察二十韻

大鴻山房遺藁卷三

各區生杞梓盛代出麒麟世德汝堤堦
舊家聲楚澤新論兵推武庫考吏任分巡
梅嶺傳郵速珠江轉運頻園中會待價
席上早稱珍筮仕依三輔為郎應列辰
部曹盤錯別忠亮性情真特達驚黃閣
昭融契紫宸遂躋觀察使兼理會通津
棠蔭甯關地碑傳學水民鵬程難久息
驥足即時伸紹業誠無匹談經更絕倫
謝公才過斗杜老筆如神碩望崇鄉邑
餘波遍賦鄰座多朱履客門有白衣人
題柱思翺珥雕蟲笑角中舉魚空飲痛
待兔自居貧何日辭茅屋連年逐道塵
情因桑梓密誼為葛蘿親千里瞻光霽
陽和及仲春

讀繩橋觀察紀 恩述懷詩次韻賦呈

批去中丞謁 聖君南還讌賚世希聞
純臣紀述方摛藻介弟賡酬又拔文
自是忠心常捧日非徒健筆可凌雲
後生幸誦琅函句班馬濃香百遍薰

陳心甫以端硯見惠賦謝

端溪之硯甲天下不數香姜雀臺瓦
一石往往論千金老坑新坑辨者寡
我生嗜好惟文房刻藤隴廉求多方
壯載從宦滯燕趙此物未獲逢其良
竭來謁親客南海長者多情賜醴醴
公子主席真翩翩說硯鏗鏗不辭意
移時美石遺我三云是端水波底巖
或紫或黃異其色

大鴻山房遺藁卷三

研白復似雲煙含鸚鵡眼中湧光潤
工貴古樸無雕鏤付僕攜之返客舍
摩挲不厭至深夜預恐怯篋招謾藏
木積深護緹巾藉雖非最上青花珍
貧儒一見雙眼新百朋惠我此差勝
筆花揮灑無點塵

義貞行 傳附後

男兒行在義女子心貴貞豈必親結
綢始為不二人畫屏射孔雀絲羅持
作巾盟言一以訂襁褓即終身守此
不多見二難何以并遐哉程與劉志
行超等倫解程男曷云義其父遊趙
燕入都締姻好歸里隨奄然伶丁倚
兒嫂家貧留片壘授徒以自給北望
音不傳寸心此且

且鰥獨年復年二劉女曷云貞父官蒲州守自許程氏
婚遂莫墓門酒弱息悲流離夜績仗織手入室紛窳修
女心曰否否匿迹歸空門不復嘆無耦三織女隔銀河
黃姑阻兩地煉石能補天好合得終致浪迹仙槎來花
宮訪信至醮卷歸故鄉白頭遂素志大吏飛奏章 彤

廷重褒賜願彼男女身視此義貞事四

程允元淮安山陽人父勲著康熙六十年商京隨有
平谷劉登庸者官蒲州守與之善締姻好焉允元纔
二歲長劉女一歲允元父歸里旋卒母亦喪元少依
兄嫂長補太學生苦貧課徒自給而登庸亦先沒南

木灣山房遺藁

卷三

三

北無從問訊允元守前盟不娶劉女自父故兄弟俱
逝幾無依中道流離寓居天津亦矢前盟有求婚者
輒卻之鄰媪屢勸不顧初以縫紉度日後寄迹尼庵
匿形深室雖十歲童不能一見乾隆四十二年允元
課讀糧弁子附舟北上抵津門聞劉女守貞事往庵
訪實告糧弁弁即稜知天津令金接劉女入署諭以
完盟再四始允乃召允元至公廨爲合卷焉皆五十
餘歲矣同歸山陽邑紳具揭上台制軍高上於 朝
禮臣議請 詔賜金建坊旌表焉
論曰男義女貞比於忠孝而世人往往難之者以情

爲之害也夫情逐於邪則屢變而流情守其正則百
折如故顧或見於鰥寡而兩美且未必能合也未有
貞義各盡如程劉者善夫陳繩橋觀察之言曰事雖
變而實常吾不敢謂程劉外世無其人也然亦豈敢
謂程劉外世多有其人哉

久坐

久坐殘燈暗因風細雨遲不堪深夜裏況在暮春時孤
館人無夢他鄉客獨思塔前聲到曉惆悵賦新詩

廣州竹枝詞十首 錄八

乍欄門外綺羅遮鬢女如雲縮髻鴉一笑問郎向何處

木灣山房遺藁

卷三

四

青油畫舫是兒家

海舶齊停近海珠龍頭龍尾畫無殊帆檣風裏纔開動
却似端陽弔左徒

綠屏山外綠屏橫赤石岡頭赤石生道是珠江空好聽

江邊不見夜珠明

素馨樹樹間榕陰一種濃香夜更深聽得賣花聲過去

金釵齊向髻邊簪

綵絡銀幡結構新九街風日踏香塵居人不識春將老
鉦鼓聲聲自鬧春

佛桑花外碧鷄坊消食奇珍一顆嘗始信題詩楊萬里

人人藤葉嚼檳榔

春風連夜雨如絲水長魚蝦滿綠陂更有海鮮新入市

銀盤二月餚蟬螟

碧眼番奴小市逢玻璃屏鏡影匆匆金籠是處懸鸚鵡

客到齊呼拜主翁

蚤船歌四首 錄二

倚船待所歡歡今何處宿莫愛鄰船大儂船大如屋

大海潮北流三江水東注但得郎有心相會無朝暮

發珠江

悠悠客子心春淺又春深至此曾無幾歸來盡自今雨

大滷山房遺藁 卷三

開山閣霽雲起海門陰樹帽棕鞵在扁舟故國吟

待潮

木棉花下繫輕刦不候南風祇候潮一霎波濤飛瑋瑋

蛟龍有意送歸橈

歸猿洞

千年古洞記歸猿來去分明帶玉環幻嫁孫郎身自在

月林空認美人魂

禹陽祠

還哉二帝子曾隱此山中寂寂祠邊竹蕭疎動晚風

皋石山

風帆聲策策皋石色蒼蒼武水波流遠瀆谿古峽長草
生劉龔壘潮沒尉陀疆偕竊今何在危峯滿夕陽

韶州道中

森森韶州近扁舟客又經水連三峽白雲接五羊青杜

蟻緣山屋枕榻隱驛亭歸途春日暮長嘯感飄零

滘江

客路當春晚微風送小驢山重成粵地水漲入滘江疎

碧花藏寺濃苔石護石夕陽斜不落空翠射篷窓

豁然

豁然生曙色望遠客思新性命託孤艇江山方暮春萍

大滷山房遺藁 卷三

開魚影細茫落鳥聲頻坐羨溪邊叟悠悠理釣綸

韶州

潮來炎海指江洲綠盡蘼蕪上郡樓一帶河橋青幔捲

柳風花雨到韶州

韶陽竹枝詞二首

即在芙蓉山下過曾憐妾貌似芙蓉祇今久別不相見

憔悴青山也笑儂

武水瀆水會合長見郎無日却思郎認取妾心亦如此

江流曲是九回腸

幾日

依然旅棹逐輕風
曙色韶陽一望同
平圃已過丞相宅
曲江猶接越王宮
烏啼移葉棉枝裏
人在蠻煙瘴雨中
幾日故園歸路近
嶽雲千里見湘東

星子灘夜泊

陰崖繫纜日西墜
蒼茫暮雲下平地
喧喧震耳飛怒濤
一枕撞春不成寐
天公况復施憑凌
夜深雷雨忽交至
雷聲砰訇峽石崩
雨聲鏗鏘壓窓碎
榜人奴子皆酣眠
戚戚誰知此時意
星沙千里何處望
高堂今夕定嗟喟

瀧中三首

纔入監豪山瀧流已奔湏
奇險比巴峽終古聲喧湊萬

大瀧山房遺藁

卷三

七

峯摩絕仞雲霞互
延袤曲折赴東北
天光一線漏向背
錯巨石赫若踔駭
獸俯臨千丈湫
瀕洞疑蛟鬪我舟
任簸揚篙力無停
候兩岸樹枒杈森
森迷白晝夕陽倏
西馳淒然啼嶺猿

凌晨更解纜閉目懼不睹
但聞呼哨聲舟人力羣努有
如冪盪行牽挽何太苦
半日上一瀧前瀧復相阻
厥狀既各殊各亦難盡數
奔瀧忽奮騰過嶺勢頗怒
銀霰時捲空礮清飛石乳
殷殷走迅雷轟轟伐萬鼓
盤渦束重崖旋轉撼地柱
恐驚瀧中龍口噤不能語

瀧中百里程三日過乃已
亭午將出險餘悸猶未止
回

思下瀧時舟似脫弦矢
遲速雖有殊乘危實同耳
人生當自重險境胡頻履
賢如昌黎翁南行亦經此
峩峩瀧上祠溪毛薦夫子
俯仰歌慨慷勝遊詎堪擬

出瀧

回首韓公廟茫茫瀧水流
僻荒猶海國險絕即巴州
黃篋山家屋青杉野戍樓
不堪深箐裏啼鳥一聲愁

馬頭山

煙蘿一角馬頭山
又繫孤舟傍急灘
天骨開張星漢下
何如韓幹畫中看

匝月

大瀧山房遺藁

卷三

八

匝月重來飽險艱
歸程已到武瀧間
即看柳絮飛青野
不見桃花放碧山
兩岸煙深新雨漲
一溪風緩遠雲還
驚心九十春將盡
猶隔鄉園幾疊關

平石

望望孤村近飛帆
日上初水流三楚
急樹到百蠻
疎山麥新成市園
蔬早起墟連樓多
白板羨爾野人居

泊宜章河口

舟停武漢口風雨冷
泚泚飯饋青蕪外
又魚綠樹灣風清西
莽崗雲遠監豪山
粵地行初盡殘春
一客還行近宜章
渙流曲迴林木蒼鬱
因成韻語

舟行喜登灘灘流急於箭一折入平行清溪景忽變石
橋隱隱飛向車啞啞轉兩山何鬱然林木特葱蒨十丈
或高撐一圍或低骨直或如竹生曲或如藤纏柱蒼或
如野煙黃或如列絹中多樑棟材棄置莫由見春盡時
作花紅白相婉孌浙微風來颯然響四面蒙蔽幾人
家條如鎖深院銀版祀柳侯煌煌丹碧炫道宅聞荒蕪
觸目輒留戀倚檣看夕陽指點宜章縣

交夏日作

開頭放濶任征航竟日初驚入夢長細雨自成梅子熟
微風都作棟花香

大瀉山房遺藁

卷三

九

孤雁

孤飛孤落陣難成隻影悠悠別有情風緊雲疎半蕭瑟
天蒼蒼碧共澄清南衡且待三秋返北塞何辭萬里征
懶回艣舟悲獨客時聞嗷嗷在燈檣

衡州道中

客程離未口澹宿曉風生遠樹煙長合微雲雨未成收
魚笮簪密養稍水畦平吠蛤喧何處人家兩岸迎
烏石磯頭浪朱陵洞口岡數川會湘水一雁度衡陽漸
作潭州景新歸粵客航江離應可采此地足徜徉

歸路

湘水茫茫下青春客思濃人無左徒賦日落祝融峯急
響江邊杵疎聲寺外鐘懶殘不可見歸路感萍踪

鑿石浦

少陵題詩處

舟行渌口曉風平野浦猶留鑿石名紅露沙村花半落
綠藏山寺樹交橫危灘浪撼空靈岸荒驛雲環古戍城
詩史千秋流韻在祠邊繫纜薦香蘅

湘潭懷古

天臨路首枕衡州正及殘春過客舟樹色喧雲藏古堞
江聲吹雪入高樓清風開上畱遺迹珂里橋邊紀勝遊
欲訪張胡談道地碧泉流韻響悠悠

大瀉山房遺藁

卷三

十

觀湘門外接通閣屋瓦參差郭外環宋代奉祠曾作寺
陶公卜宅舊名山江翻返照沉沉暮岸送飛花款款閒
舊約擬尋鷗鷺去權歌聲出賣魚灣

去時

去時風雨新春好兩月歸來夏晝悠每夕思親更灑涕
此生作客多離憂雲橫古麓千層出樹倒清湘萬影流
拂指自茲謝鳴榔沙頭鳧鷖解人愁

往碑市訪劉寶門先生

元熙

昨歸粵中棹今泛湘上舟所因訪懿威汎汎隨湘流春
雨曉初霽波影侵鳧隱遙山列青玉高低雲樹幽平田

綠無際插秧人方稠今歲定豐稔憂屐發長謳

過甲寅橋

影臥飛虹渴飲津石欄干繞碧鄰鄰風流太史今何在

柱上題痕悵甲寅內兄劉寅橋太史以甲寅生而橋適落成故以爲號

夏日閒居二首

飛花春去後掃逕客歸初水氣浮煙溼林光映日疎自

來親覺鳥相顧樂知魚是處蓬蒿滿真成仲蔚居

北牖薰風爽中庭午晷長有時留密友愛日侍高堂朗

誦書千軸閒吟句一囊悠然行自適名利鎖相忘

文栗齋夫子以詩見賜賦呈

大鴻山房遺藁

卷三

十一

燕雲楚樹久離居曾挹春風七載餘豈意潭城鄰客館

漫勞暑日過荒廬窮同葛屨矜憐在恨比王戎感嘆初

最喜精神健猶昔傳經何計更相於

曉起用漁洋南園前一首韻

清晨起書齋浙瀝滴殘雨急風昨夜來新涼滿荆楚芳

林初嘒鶯虛簷雀亂語獨坐惟清聽迢迢似太古

悼足

吾生體不完一歲傷左足學步徒蹣跚善蹇每踈曲數

里須人扶肩與苦奴僕憶昔游趙燕長途倦征鞍見者

咸粲然自顧甘受辱卽昨南粵行扁舟近海嶼羅浮多

奇觀登臨迹若束今茲復嬰瘴天氣正炎溽偶因肆鹿

撻紅潰血如衄臥牀忍呻吟舉步怯躡仆平生耽邪徑

坦坦思矯俗厄我夫何爲踈盤甚茶毒將毋利良趾咸

辨與函逐因之且堅坐吟誦得所欲愧非習鑿齒成書

寄芳躅

內人歸窳外伯賢門先生葺東廳居之以詩見贈

次韻謝之

別院深深轉曲堦新成甥館任推排樹因棲鳳枝逾古

客愧乘龍室自佳坦腹何妨向東壁盜書最喜近西齋

蘭熏雪白道題在勾引涼風足暢懷對院蘭熏雪白四字係內王父閣書

大鴻山房遺藁

卷三

十一

題公

原作

湘潭劉元熙賢門

剖竹編牆石甃塔幾瓶菜兒細安排芝蘭謝女原同

愛天壤王郎本特佳異僕未能供別室清吟聊復有

高齋庭前更架松棚好坦腹消炎亦稍懷

除夜

除夜凝清歌絲管堂中作我心悲以哀何能坐觀樂露

樞飛涇螢風檐響疎鐸寂寞對殘燈不覺淚雙落

紅日

紅日曛曛透碧紗秋來曉起野人家門無車馬塵絲併

座有詩書樂事賒別徑初開彭澤菊荒畦已熟邵平瓜
尊前獨坐添吟興吟到烏奴醉帽斜

東長原兄

蕭索秋來景愁吟在草廬不知閉關者息靜意何如
史懷劉向窮經憶仲舒西堂應有夢得句一思予

後居浣花亭

荒齋僻靜遠喧譁几榻新移雅興賒雨過閒庭生綠草
風來曲徑老黃花貧同錦里先生宅隱近岐亭處士家
案上有書時復讀惟聞禽鳥和楂楂

望月

大鴻山房遺藁

卷三

三

碧落淨悠悠冰輪海上浮纔分涼夜色已照旅人愁
河漢千年影關山萬里秋可憐風露冷吟望在高樓

芙蓉懷唐陶山

露滴芙蓉向曉開一枝紅豔過精來深情欲采憑誰寄
惆悵夫君在薊臺

次李十五令臣聽雨書懷韻

殘秋暮雨送流年獨向蓬廬手一編窓滿綠雲蕉葉潤
籬飄黃雪菊花鮮春暉欲報鳥情篤健嗣同摩雁影懸
俯仰自饒行樂地漫將愁緒寄冰絃

慰家敬輿兄秋試落解

頻年作氣戰名場罷罷聲中志不揚但使囊螢如武子
未須斫劍似王郎豹文暫隱南山遠鵬翼終搏北海長
為報明秋丹桂好會看高折一枝香

慰家景溪弟

華燭傳金榜無名奈汝何青衿才早著白眼世偏多
秦國窮蘇季荆山泣卞和蜚聲終有日抑塞莫悲歌

發道林市

殘秋泛輕棹江上夕陽昏淺水迴沙市平橋入野村
遠看泊葉渡欲問桃花源答答漁人在雜聲何處喧

遣懷

大鴻山房遺藁

卷三

四

身似紙鳶繩已斷情如滄海石難填年來生事添愁緒
且復高歌向酒邊

獨坐西堂夜未眠陰蟲唧唧伴窻前蘭膏半熄沉檀燭
讀遍南華十四篇

與鄧蘭坡宿劉器人舍

快談到深夜剪燭小憇虛古壁暗蟲響空階殘雨疎
才人須放達良會且相於莫復悲身世悠然抵足餘

自碑市往田心

野宿當秋暮山行上翠微急湍巖底壑殘照樹邊暉
靜牛羊下雲深鳥雀歸誅茅吾所願無計息塵機

呈家賁齋伯

溪山深處卜幽居歲月從容杖履餘春至頻開新釀酒
秋來便剪晚畦蔬經營田課聊娛老蕩滌塵心早著書
江夏家聲公獨振精研理數古人如

黃金坪拜先恭人墓

宿雨積野田晴煙擁林樹駕言謁先塋引領曠前路山
徑何縈紆凸凹高低度白晝千巖昏清秋萬壑沍溪咽
助石寒鳥啼催山暮殘塚才及肩草深已沒步蒼蒼
樛橫茫茫馬鬣露瞻拜飛楸鏡鏡翻焚香炷涕泗更悵
望白雲自來去

大瀛山房遺藁

卷三

五

與家景雍弟夜坐

喜共西堂話挑燈四壁明夜從吟裏盡寒自坐中生暗
月花無影微風樹有聲彭城他日約莫負此時情

小坐

詩筒茗椀事匆匆小坐寒窻客思濃陰轉庭梧纔到午
香殘籬菊已成冬

冬日

殘枝籬下花落葉庭中樹晴光非不佳歲序倏云暮匡
坐吟詩書聊以守吾素矯志希天真念澹澹世故袒褐
嗟不允藜藿尙堪御貧豈能累人日與前賢遇笑彼管

營徒紛華乃自誤

小瀛洲

曉起涉西園縈紆經畧釣池塘繞清流微波動高閣晴
光良以熙歲晚亦堪樂綠逕苔方生紅林葉半落宿鳥
時驚啼沉魚忽駭躍物情靜相得居然在邱壑

身閑

身閑眠自早性懶起偏遲早識興衰理都忘得失思扁
舟希范蠡別墅憶王維却顧慈幃養長懷捧檄時
未達凌雲志山林信自如竹陰圍綠逕花影散清渠
拙從吾好心慵與世疎硯凹餘墨瀟擬著養生書

大瀛山房遺藁

卷三

五

喜蔣表弟教過訪

有客忽相訪謁我親意長今夕共燈燭昔別更年光執
手想丰彩縱論傾中藏賤遠近數載近况差足強答云
無所事朝夕惟農桑我爲飢驅走頻歲遊無方即今返
閭里日逐塵緣忙靜躁一何異百感摧心腸新炊雜麩
糲盤蔬兼葑薑深杯願勿却良覲誰能常

寄謝平一處士

自訪東山墅相思歲幾更風塵隨我久泉石與君清曲
水頗垂釣平原日課耕遙知高隱意不復戀浮名
穠樂平丞王倬雲

道遠饒州路悠悠逐雁行
都陽秋水滿廬阜白雲橫
早得哦松趣新傳嗜酒名
到官知幾日可有故人情

葬先庶母哀言

幾年藁葬碧湘濱
怨逐啼鵲夜夜聞
今日崇封三尺在
相依况近北堂墳

劇憐弱弟逐風塵
何日重歸直北輪
寄語泉臺休苦望
年年拜掃有兒身

縱眺

暮冬情不遠縱眺倚柴扉
水寒雲度空山凍
葉飛時尋弟妹鎮日望
庭闈南雪燕臺路
征輪尙未歸

大灣山房遺藁

卷三

七

同諸子散步

散步東臯上依依戀晚曛
歸禽隨樹見遠磬隔溪野
壑留殘雪山風散斷雲
不愁冬向盡吟眺有同羣

冬夜懷王大槐雨

孤館寒漏催詩書罷不理
殘月留一纖遠夢託蘭芷
情背誠津門傾蓋過之子
清夕飛酒尊忘形無彼此
却鴻忽南征浮沉迥千里
良會何可常五載感雙鯉
昨聞傳者言捧檄臨易水
鳴琴坐虛堂定當念知己

呈寶門先生

率庸無屋寄湘城
飄泊如萍淚暗傾
望裏孤雲飛滿棧

愁邊弱草植難生
黑頭漫企王中令
青眼偏逢阮步兵
最是思勤容寄廬
風流不獨擅冰清

風顛雨凍峭寒初
快得追隨別榻摠
世重家傳欲向學
人推史筆馬班書
雕梁已許巢雛燕
仙宇應教飽蠹魚
早晚吸殷載餽酒
芸窗幾几意何如

雪中寄友人

一夜濃寒朔吹頻
青山老盡白如銀
洛陽令尹無時到
誰識柴門僵卧人

與景溪夜談

樹色閒庭暗芸香
別館清紅燈風雨
夜綠酒兼癡情身
大灣山房遺藁

卷三

六

世悲歌發文章感慨生
對聯共慰依戀似彭城

苦寒

斜風細雨日綿綿
料峭寒生五夜邊
恐有傳書征雁至
帶將朔雪滿南天

贈陳蘭莊

圭

有唐陳子昂力追正始
多詩章有宋陳師道閉門
苦索傳名藁風流今日重
遇君千秋鼎峙成三分
楚水湘山氣磅礴如君
乃得其清純少小讀書
破萬卷英姿卓犖動人
羨大放玉璫瓊詞風檣
陣馬掣流電頻年著作
欲等身老去吟哦猶不
倦慚余陋劣矜雕蟲仰
君壇坫

高隱僅何時對尊聆餘論敬持瓣香拜下風

謁墓歸途作

際曉尋孤墓行行渡野塘柳含經鳳色梅吐隔年香陰
壑泉流雪寒橋石帶霜春暉無處報蕭拜信接情

小除日高乙齋伯父舍感賦

高齋驚歲晚列坐側金雞初草碧將發瓶花香自開從
游道北阮得句憶南陔此日衡峯雁無因到劬臺

冬夜過李六萃占小飲

陣陣濃寒逼夜分圍爐小酌話遺親乾坤每向愁中
筆墨偏從醉後神共笑杜陵吳大漢誰憐阮籍竟長貧

丹山房遺集卷三

九

嗟予亦是伶俜者相對高歌研地頻

贈楊開少

華胄遙遙自鼎台賢書已列姓名來相逢苦雨淒風日
共話湘山新水隈平子有愁空有賦長卿多病在多才

比年我復飄零甚懷抱何因得好開

訪朱處士謝英讀書處

吾鄉處士誰得名遐慕嚴光惟謝英千載風流冠有宋
林逋魏野同蜚聲今來荒坵駐徒御望古低徊不能去

山深壑曲水潺湲指點當年讀書處嶙峋石柱江上雨
精靈無盡鍾乳浮雲來瀉峯影長翠月出玉潭光自幽

高蹈辭榮獨託此抱得遺經更自喜淵淵時作金石聲

世俗虛名恥委靡吁嗟人世幾滄桑惟有隱者畱厥芳

不聽猿啼鳥語夜彷彿清吟高下聲琅琅

琉璃燈與寶門先生及蘭坡器人藝人諸君聯句

一點綴空明堂開不夜城豈懸同玉映寶門孟仰頽冰

壁薄薄裁蟬翼蘭坡熒熒炫虎睛西洋傳製巧器人東

粵取材精繼晷膏初注一吾防炎水暗盛上離宜下坎

藝人外潤亦中清引磬銀莖細寶門承光鐵網輕繩連

和月落蘭坡戶燦與星爭不藉紗爲障器人何須木作

架照雷蒸杖隱一吾輝滿蚌珠呈獨紫燦無着器人低

丹山房遺集卷三

三

垂彩自紫色須侵眼白寶門高恰等頭平影墮樂誰扣

百此煙浮壁有萌觀書隨左右器人起草任縱橫豈待

挑時朗一吾還看動處晶依龕分四座佛日耀盈盈寶

除夕

堂堂歲月使人驚此夜思親百感并屈指燕山行未到

風塵何處守深更

影動銀缸散翠疏春風有意到蓬廬人間景物明朝換

不信窮愁獨不除

大鴻山房遺藁卷四

長沙黃湘南一吾著

淑浦譚瑞芝帆編

庚子人日

廂外早梅新枝頭七日春南天多雨雪北地尙風塵不見堂前母空憐廬下身熒熒妻子在惆悵此靈辰

過李六萃占山莊

金鳳山深處言尋邵子窩花香當戶繞竹翠入窠多自許幽棲適真嫌俗客過此來共情話塵夢付春婆

首春懷唐六陶山

永念方依母相思又到君分襟逾兩載旅况近何云春

大鴻山房遺藁卷四

發雷溪樹天開易水雲金臺望鄉處應亦嘆離羣

野老

柴門肆清眺返照澄夕霏野老隴上來相見語依依自

云耕作忙歲功何敢違播種無幾日耘草復及期凌晨

荷鋤出夕陽負耒歸田家良獨苦君看四體疲嗟我無

恆產妻孥長苦飢但得如此老胼胝非所辭

碑市後山

曳杖山中路行行意自如訂交惟水石問道託樵漁野翠濃無際林香澹有餘悠然開曠覽天地一遺墟

卽事呈賓門先生

粉房翠嶺紫羅囊書屋真饒第一香爲祝花神開莫盡好留春色待文章

隨賓門先生舟泛峽山

雨霽天忽晴乘興愜所往一棹飛峽山仙侶泛蘭棹大江今古流頽浪亦蒼澗篙師不辭勞奮然逆波上夾岸

樹槎枒拳拳面面微花向汀洲飛草爭渡頭長薄暮空

翠來挹之殊清爽篷底陪清談頗有出塵想

咏燕

雕梁畫棟影飛飛愁見銜泥燕子歸此日稻香風自好呢喃應訝主人非

大鴻山房遺藁卷四

蠶詞四首

桑葉陰陰柳葉濃應知蠶事急如農閨中婦女無閒日曉鏡拋臨不理容

翠得絲籠陌上歸幾區眠食日添肥繅條結就蠶房好

簇向蘆簾紙箔圍

乙乙如抽漸吐絲繭成絲盡不嫌遲衣衣好把山龍繡

也有經綸獻 聖時

終年八輩似江南玉鑰金梭早自諳竹見縲車成五色不誇員幅有霜蠶

送舅氏秦韻清先生

連朝雨杖履揮手乍言旋落日潭州樹急風湘水船漫
無持贈具空有別離篇不盡寒泉痛悠悠思惘然

遊等覺寺

曲折尋山徑招提露短垣僧歸松引路客到鶴當門細
茗紅爐火新醅綠蟻尊禪房聊借宿一枕謝塵喧

晚釣

薄暮江邊去持竿學釣魚錦鱗空自好不見北來書

採茶詞四首

穀雨初過天氣開千叢綠葉滿園堆旗槍正向東風展
早有攜筐少婦來

大鴻山房遺藁

卷四

三

春日遲遲正采桑採茶也似采桑忙村娃生小辛勤慣
相約鄰家姊妹行

纖纖玉手摘來頻亂服粗頭淑且真寄語秋休問訊

采茶人似采桑人

滿貯筠籠嫩葉鋪茶經歸去有工夫山家不識龍團樣
活火清泉手自斟

首夏從賓門先生過煙竹山莊

入夏多幽興欣從杖履遊石橋連古埭茅屋列平疇路
轉煙光合峯低竹翠浮山莊瞻咫尺得地勝菟裘

過蘭坡舍

故人多遠別而子獨相依風雨過無間巖壇樂不違高
歌彈寶斂盡醉典春衣未必長貧者乘時待奮飛

和孟東野旅次沅湘有懷靈均原韻

沅湘一弭棹行役思遠途言懷抱石者臨風立脚踟懷
王昔見信事君已忘軀入謀復出行庶以開昏愚奈彼
諛諛輩道不同吾儒蛾眉工諛詠去國經崎嶇徬徨復
侘僚自垂忠讜謨卜居非所願放逐如斯夫醉醒不堪
問但覺形容枯離騷欲悟主高與箕比徒美人意方遠
芳草情自輸詞約而旨達國風雅頌俱九歌更哀怨篇
異言不殊泪羅一笑入此心無變渝帝關白日暗魂兮

大鴻山房遺藁

卷四

四

招四隅芳聲動奕禩歌哭遍寰區正氣自磅礴仰止芳
躅孤賈生賦既著東野詞又敷千載遠相待憑弔還傷
吾落日慘湘水惆悵懷汝圖

題蒼生太史一片石第二碑傳奇步家崑園中

韻

肯逐降王作逆俘貞魂冉冉大江孤馮夷不敢雷香骨
猶有遺邱入畫圖

仙吏風流二品官廿年先後動悲歎錢鏐去後延陵至

表碣題坊着意看

弔古惟君興最濃登樓題詠恨惺忪何來瀟灑嗣宗裔
廣句含毫韻再重

譜就邯鄲絕妙詞和來豪竹與哀絲登場試演魚山唱
台有靈風面面吹

短歌行贈蘭坡

鄧生鄧生何所思負此倜儻欬寄之氣無人知劉蕡對
策已下第盧仝應試還東歸願復歌嘯休傷悲松栢龍
鱗老澗底干莫虎氣埋獄裏潛光發見終有時短髮摩
孛子且俟少年得志碌碌耳

江干

江干初向晚徙倚未曾停去鳥衝煙白歸雲入樹青橋
橫芳草渡山帶古蘿屏愛此清和景思登冠石亭

大鴻山房遺藁

卷四

五

四月十八日紀夢

燈殘臥虛幌栩栩入夢鄉彷彿衙齋坐庭前聊徜徉須
臾騎從至我父臨中堂恍如數載別百拜奉衣裳精神
既矍鑠喜色何洋洋提攜置諸膝問答話彌長柝聲一
以覺音容颺杳茫悄然推枕起開戶夜未央落月挂高
樹陰風號古牆幽明永相隔涕泗推衷腸人生若瞬息
終天恨難忘

閱先大夫遺書

四載兢兢哭昊天偶繙遺冊更潸然銀鈎鐵畫留今日
葉几芸意憶昔年暖麝香融廬岳墨冷金花滿浣溪箋

閒情寫得飛卿句色笑空憑手澤傳

獨坐

獨坐空齋入靜初閒中易度惜居諸落花檻外風纔定
滴樹簷前雨漸疎北里衣冠貧阮籍茂陵詞賦病相如
年來長抱終天恨曉夜難忘讀父書

送六伯父之辰州

老去翻爲旅食忙傳經千里赴長陽灘飛巨浪魚龍出
樹擁深崖虎豹藏楚塞至今多俊秀西山從古富縹緲
懸知化雨乘時過早起秋風返故鄉

呈朱別駕

大鴻山房遺藁

卷四

六

多年父執願親承何幸龍門御李膺雅範亭亭瓊樹秀
高談朗朗玉壺澄風追冀野將空馬水擊天池待化鵬
自顧無才邀賞鑒芸窓敢負讀書燈

五日懷古

五日徒聞弔屈原汨羅投處滿啼痕中湘更有九煙在
也把冤魂訴帝閭

東李觀光索花

昨見繁葩照畫堂薰風滿院散清香維摩方丈珠參寂
欲乞天花作道場

奚奴自京門至

千里蒼頭至平安慰所思開緘如見母寄語祇憐兒楚
樹天空出燕雲日暮垂更懷諸弟妹欲聚復何時

乾隆四十五年夏一首

乾隆四十五年夏大雨滂沱勢若鴻鳩來江邊一眺望
陡起橫流已沒蹠大聲窸坎同怒雷急浪奔騰駛陣馬
漁舟紛繫林樹巔青山倒落白波下渚花汀草無處尋
四顧茫茫失曠野奮如渤澥潮汝來望洋誰是乘桴者
偶逢野老來江濱殷勤語我詞酸辛憶昔兒時不多見
屈指及今冬復春浩蕩自古嘆洪水泛濫無底傷農民
華屋千家半傾覆良田萬頃空沉淪年來荒歉感瘠土

大鴻山房遺藁

卷四

七

今歲那堪災祲頻我聞此語增嘆息直欲舉頭叩帝關
願驅蛟龍息滯雨庶幾陽若安斯人

夢花書屋與李十七萃占坐月

高館無塵跡宵分笑語親清風消暑氣明月許聞人院
盡蟲聲滿窻虛竹影隣眼前佳景在得句莫愁貧

呈賓門先生

老去蘭臺客文章寄興豪拈題倡後輩脫藁示兒曹氣
掃千軍健思凌五嶽高坐看增紙價百讀敢辭勞

附和作

湘潭劉元熙 賓門

德性文疆擊詞章魯直豪抗懷期古處砥行歷時曹

坐詠松風逸行吟桂月高草元慙草草問字不辭勞

賓門先生次韻見和疊呈

吾鄉先達者藝苑久推豪經術更生侶家聲貢父曹遂
初年正壯將老德彌高自視偏多遜追攀敢憚勞

一吾疊韻見贈賦謝兼勗

劉元熙 賓門

修名思少日浪欲廁賢家學遜穿牀管詩慚入室曹
同年吾已老陳義子何高眼底前車在嗟磨莫憚勞
長原兄初度

弱冠堂堂去光陰又六年青燈千卷破絳帳一經傳品
在儒林傳名猶弟子員秋風起羊角養翻好摩天

大鴻山房遺藁

卷四

八

過李十七觀光舍

兀坐苦岑寂逍遙款柴荆主人方高卧一笑喜相迎動
作少苛禮爾汝傾平生放言亦各理超然煩暑清聊以
結幽契夫豈遺世榮斜陽我且去一蟬高樹鳴

輓哀節母文孺人

慷慨從容孰易難丹旛素幕月光殘松筠質自凌霜久
爾蕙心偏耐歲寒史續班姑才早著詩吟謝女句爭看
孀居曠有相舟咏身後流傳墨未乾

壺攷操持志可哀母儀婦職亦兼哉萱堂早見調滄澗
紗幔猶聞畫荻灰日薄西山畱晚景風生東海起雄才

功成便報夫君去去路遙遙向夜臺

渡湘江

滿林黃葉鳥聲稀渡口微風拂客衣十幅輕帆天外落
澄江如練一船歸

贈石笠夫

中湘石夫子才大最能文學海偏窮淡名場輒冠軍清
談今始接古道昔曾聞幾日孫陽顧驂驪迥出羣

送別映雲上人

杖錫歸何急離羣欲斷魂江澄明遠水山曲隔幽村竹
徑深啼鳥花蹊靜過猿遙知行到處寂寂掩松門

大鴻山房遺藁

卷四

九

金門一首寄呈寶門先生

金門射策早懸車託迹林泉卅載餘翰墨風流真到老
精神矍鑠祇如初清標不受纖塵累至性還從百拙舒
指日箕裘能紹業且尋樂事足精廬

李五代明以七夕入泮用玉溪生集辛未七夕韻

賀之

仙客風流與俗離李以名場贈等閒遊泮及仙期直將
靈匹交歡夜翻作名場得意時奪幟應嫌鴻錄誤楊雲
終勝鶴橋遊曠宮獨步還多巧織錦何須五色絲

得唐陶山書

開緘如見汝告我別來情偶客柴荆值新辭丹鳳城登
臺思郭院入海感田橫更識傳經好衙齋書帶生

秋聲八首用上韻

涼颺瑟瑟滿秋林地籟潛通自凜森玉戛千竿知竹韻
濤翻萬頃掠松陰敲窓每動幽人思入院能驚遠客心
最喜夜來清拂耳遙村吹送數聲砧風聲

飄空萬點帶風斜響入霜林感歲華曲沼灑殘魚策策
高枝滴亂鷓鴣槎槎溟濛夜靜催更漏浙澀清長雜戍笳
有約登高秋已霽遙空颯颯散天花雨聲

蓬海濤翻浸碧輝遠天低接遠山微千軍急鼓凌晨發

大鴻山房遺藁

卷四

十

百里驚雷破浪飛蒼背浮沉時有定鷗羣來往信無違
喧雁恐是馮夷舞萬頃蒼茫鱖已肥潮聲

林端幽靜坐敲棋百道澄流洗客悲響徹竹深花暗處
韻來風細月明時山根引人鳴遠撼石罅穿殘急更馳
莫道夜間還聒耳一渠如許淨塵思泉聲

嗚嗚一奏咽寒山吹徹西風遠近間悲逐胡笳來野戍
怨隨羌笛度邊關淒清最動勞人思激楚偏開壯士顏
自破蚩尤傳十二軍中鉦鼓好同班角聲

望夫日日上山頭擬寄征衣又一秋對月擣殘深夜冷
隨風響散滿天愁沙橫極浦遙驚雁水繞迴汀暗起鷗

爲問塞垣能聽否悲歌幾度唱涼州 粘聲

葉落梧桐轉歲功
搗來蟋蟀在堂中
淒借江雁寒鳴月
冷共林蟬晚咽風
獨館夢回堵草白
深閨織倦壁燈紅
更教寫入琴絲苦
吟興還如陸放翁 登聲

隨陽雁陣去迤迤
嘹唳千聲過遠陂
楚甸叫迴高嶽頂
胡天書報上林枝
朝飛極浦寒雲重
夜度平沙淡月移
兩地迢遙人共聽
畫樓獨鎖翠眉垂 雁聲

過稻香園故宅

江城秋至雨霏霏
故宅重過事已非
無復銀塘擊翠蓋
空餘蘚徑掠烏衣
玉棺早見王喬去
錦里猶疑杜甫歸

水滸山房遺藁

卷四

十一

何事花前雙蛺蝶
多情猶傍主人飛

秋夜懷王倬雲

索居悲九秋
夕陽轉西逝
明月照廣除
暗蟲響荒砌
感興情自長
美人在天際
悠悠別經年
雙魚兩沉滯
昨聞返滇南
道出故鄉地
去住適相違
咫尺反遐棄
片帆指饒陽
雲山阻遠眺
瑤琴一以彈
風願何由遂
徬徨聽殘更
浩歌不成寐

初度答李果夫

彈指庚寅日
蹉跎自不才
詩書尋樂境
琴劍作愁媒
豈意青眸顧
偏歌白雪來
飲醇渾欲醉
何用倒金罍

詠史

隆準龍顏謬達才
憂羹餘恨尙多猜
却忘頂羽爭鋒日
曾道分羹一語來

西風

西風颯颯夜沉沉
雨打疎窗感不禁
骨肉迷離千里夢
功名蹭蹬十年心
身孤祇憶庭闈樂
學廢頻驚歲月深
小坐燈前誰共語
凄然四壁暗蟲吟

呈七伯父

翩翩湘楚英
良材見杞梓
讀書早明經
漢儒足方軌
宦遊向燕臺
傷哉爲貧仕
微祿猶未沾
銜恤歸故里
一椽

水滸山房遺藁

卷四

十一

寄星泐憔悴
少生理朝夕
何以謀憂心
呼庚癸淵明
一代賢求食
不爲鄙卓犖
昌黎公飢寒
至妻子自古
非常人空乏
類如此相期
窮益堅致用
自茲始

五年

路引盤輿上翠微
五年回首事依稀
聯鑣諸弟隨霜鬢
共羨清貧太守歸

送丁九度南赴京入國學

看花載酒少年場
馬齒多君五歲強
斫劍共憐才抑塞
着鞭獨喜氣飛揚
遙知京雒傳名士
莫爲葑鱸憶故鄉
縹緲白雲吾早望
平安借報向高堂

陶桓公祠

廟貌湖城側千秋俎豆臨眠牛山嶽降射豨鬼神欽素壁苔花暗豐碑樹影深風塵公不見誰更惜分陰

中湘志館呈賓門先生

檢點新編燦筆花青藜午夜照官衙千秋史乘能傳世一代文章已滿家樂廣名高憐衛玠揚雄學富惜侯芭自慚駑馬難追步空負羣中賞顧賒

寄鄧三菊裳

嚴寒當歲暮蕭索起離情作客應思我懷人獨憶卿風流佳子弟烏奕舊簪纓不謂文場賤徒教俗服輕囊金

大源山房遺集

卷四

三

噴陸賈入幕得郗生傾倒真賓主追隨此舅甥擲書錄槩集校字魯魚明著述吾儒事干春列姓名

長沙渡江

殘冬逐行役渡口一舟行細浪折風穩輕沙隔岸明峯高雷夕照樹淨見雄城屈賈傷心地飄零慨我生

與映雲上人夜坐

誰與消長夜詩僧重皎然珠隨詞散彩花共鉢爭妍氣誼塵凡台形骸靜躁偏何因超世網白社悟真禪

贈彭佩著

當代佳公子風流冠弱時青藜頰照讀白雪愛題詩訪

戴情偏篤班荆感不支紛紛論結納大雅有深期

紀事

時當短景飛嚴霜田夫納稼多蓋藏鄰家父老走相告天降災異非尋常指囷一觀蟲似蝟就中蠶食紛穰穰小者體質自如雪大者紅首而黑章滿地狼藉堆矜甲往往穀盡蟲乃僵昨聞郡縣申文告長沙千里人皇皇有蜚有蠛紀魯史歷代時亦書螟蝗未聞此物生倉廩致此毋乃微而荒憶自前年歲大旱黎民困苦無餘糧去年水蛆復為害四境流離行路傷今日蟲災更如此

大源山房遺集

卷四

直

光庶幾田祖有神力驅去妖孽招佳祥

擔石

擔石家空膽氣巖寒宵燒燭共呼虛座中况有哀耽在始信名賢隱博徒

庚子除夕

江村驚此夕銀燭照華筵簫鼓春聲動盤殮臘味鮮積思傷遠道顧影惜流年起聽翻雞舞殘更未可眠

大滄山房遺藁卷五

長沙黃湖南一吾著

淑浦謹瑤芸帆編

古鼎歌為碧泉梁姻丈作

我聞崇貫周寶重殷桑虞雖俱不常世人紛紛寶康瓠
古器不見徒嗟傷丈人灑落無俗好搜羅古玩歸珍藏
香雲堂中列末座偶觀此鼎神飛揚龐然大腹製形美
三足掎角雙耳張猙獰勢如怪獸伏班班古色交青蒼
丁甲辛壬少世次雲雷錯雜無近章李斯程邈不復作
篆書趨趨誰能詳精氣會向斗牛射神物恐變蛟龍翔
噫嘻世人那識此方且昨舌疑荒唐在易上九鼎黃耳

大滄山房遺藁卷五

十

剛柔必節符陰陽文人體道適然合摩挲日夕圖書傍

經冠石亭有感亭為外伯理齋侍御建

危亭拔地倚江濤絲竹當年謝客臨春水不知人已去

風來依舊弄清音

過劉揚士紹士宅卽席有贈

為訪高齋指翠微新江水暖漾晴暉偶移小舸仙源近
纔到深山俗慮稀瀟灑樓臺新綠野風流子弟舊烏衣
追陪况有羣賢在放浪形骸且息機

呈溧陽秋西巖先生時為昭潭山長修中湖志

卓魯循良望不虛仙源問後早懸車山川楚甸供遊迹

煙雨京江憶故居挾藻爭推燕許筆成編合繼漢唐書

竹看桃李公門滿披拂春風入座初

上湘潭尹白璞齋先生

百里連湘浦三韓出偉人題名先拔萃作宰早臨民捧
檄娛親好循陔戲綵頻仙姿曷可化異政雉方馴惠愛
催科拙聰明折獄神威行奸宄靖化洽頌謳新杞梓掄
才富膠庠育士新照臨星是福煦嫗澤如春利器長游
及清標不染塵魯恭膺薦日葵遂受封辰案牘形偏逸
縹緗味更醇摛文韓柳等著史馬班倫共信儒風古非
徒吏治淳垂簾消永晝下榻集嘉賓絲竹東山奏樽疊

大滄山房遺藁卷五

二

北海陳庭花香入夕簷雀語侵晨自顧凡材薄相隨道

貌親警書邀賞鑒撫事動悲辛涕淚辜魚痛猖狂阮籍

貧敢希餘論及噓植荷深仁

清風閣胡文定張南軒講學處額係南軒先生親題尚在

高閣甯荒署春深小步時莓苔多古色燕雀少塵思講

道人皆逝芳踪不可追冷然風習習惆悵獨題詩

不覺四首

不覺春光老蕭條百感生愁中天易脫醉後月常明古
樹散清影疎鐘來遠聲一燈相靜對空復此時情
園林春欲去獨坐意蕭蕭破屋滴殘雨疎籬歸晚樵持

家愁婦病繞膝任兒嬌庶下三年寄憑誰問寂寥

羞拙情俱嬾耽幽興自疎花深迷舞蝶水淨數潛魚落

魄頻看劍道遙且讀書向來留壯志踟躕未能除

日出空庭靜無營學閉關但知天趣永休怪世途難展

卷思滄海時開臺開窓接遠山焚香與煮茗消受一時

閒

舉第二子本驥李觀光以詩見贈依韻答之

潦倒儒冠已誤身生兒聊復慰長貧敢言丹穴無凡鳥

深望青霄有石麟跨竈可堪他日遂添丁恰值好花新

時壯丹啼聲試後稱英物鑒賞何緣遇太真

大瀉山房遺藁

卷五

三

賓門先生招同內弟器人及李星門令臣果夫家

長原兄賞牡丹卽席限韻得三字

九十春光老更酣殿來芳圃待幽探豔垂錦萼風全展

香沁檀心露半含檻外花超凡卉百尊前人仰達尊三

道隨自覺豪情遠富貴樓臺意共耽

問足

生來弱質足偏癩漫說昂藏具四支未可騰驤空羨驥

頗能蹀躞却如夔蹠踟數武時虞蹶跛躄全身祇欲歛

最苦名山待遊屐登臨有興爾先疲

代足答

天賦官骸數偶奇亦趨亦步漫相訾唐宋宰相婁師德

魯國先賢孔伯尼屏迹翻成終日逸殘形且在世人嗤

塞翁得福君知否安用高登捷足爲

與李果夫劉器人月下坐

爾我雲霞契同爲斯上漁李字若漁劉字壯懷多濩落

良夜且相於飲饜敲新句琴餘讀古書不知山月上清

影滿庭除

送劉器人郡試通首劉

秀氣荆南毓此爭傳阿士名孝綽摘文追藻府魏得句

號金城桂樹類年隱安黎煙徹夜明向聞雞應起舞

大瀉山房遺藁

卷五

四

現好振墨莊聲幾

送李世之郡試通首李

望族龍門裔風流得十郎益賦棊推幼慧泌辯稍擅

才長百藥蔓裏花生筆白吟餘錦作囊負各場期得挂

頻柳汁染衣香固言

自甲寅橋經高僧嶺至等覺寺

筍輿度平砥隴首歷荆棘早稍抽千畦春波綠無際數

里陟雲巒直上勢如墜亂石當我前迴崗路屢異林香

始作花竹徑暗橋翠好鳥深谷喧泉聲曲澗細忽覺暮

衣涼冷然曉風至杳靄餘霞飛蒼茫夕照逝嶺外鐘

來精舍近猶蔽須臾到松門勝境証初地

訪映雲上人話舊

勝侶招攜好廬山叩遠公敲雲開奕局漱玉送茶筒蘇
迹封碑古松陰覆殿空壁間尋舊迹深愧碧紗籠
卓午禪堂靜香來花徑陰竹清挹虛籟泉急助高吟自
可爐煨芋真宜地布金敢希支許輩方外見同心

寄文渠齋先生

品重琳瑯飲大名湘中耆舊屬先生不辭官冷儒風遠
暫乞身閒宦海輕講學至今推伯起箋詩終古重康成
元亭一別心無盡問字何當載酒行

大鴻山房遺藁

卷五

五

夏夜月下作

山齋入黃昏微風響深竹坐久山月來澄然淨煩煖微
雲澹碧空清輝奪明燭醉歌一舉杯遙向姮娥囑謝爾
無世情殷勤照幽獨

長原兄折簡相邀未赴率寄

晴光幽喬木微風咽鳴蜩永晝苦難度兀坐頭屢搔違
君咫尺地佇望千里遙相思在飛簡欵曲殷殷招奈予
爲塵累徒有魂夢飄綠苔滿庭積絮花依砌搖北窓擁
書讀坐使煩暑消

觀湘門偶成

白屋環山郭澄江對縣門蕭蕭風葉落漠漠消煙昏自
有秋思集偏多勝迹存無須更憑弔彌望一消魂

與鄧菊裳隨賓門先生赴省垣

碧淨湘江繞萬樓江心影動夕陽收片帆偶喜同仙侶
勝地何堪值暮秋璞掩荆山方剛下去年此日揭曉香生桂樹
祇依劉劇憐點頰人千古時將葬祖大夫百里星沙淚雨流

辛丑九日

菊酒憑誰勸蕭條只自驚風悲帝子渚木落定王城北
地書難寄南雲望不成傷心問歸雁幾日別燕京

述哀四首

大鴻山房遺藁

卷五

六

南陔憶昔補亡詩豈料歌傳薤露悲鴉去瀛洲雲路杳
先恭人沒于琴埋楚澤水聲遲析薪業在偏難荷縫線
衣存未忍披况復流離嗟骨肉松楸兩地淚絲絲

雁唳蟲吟又暮秋梵梵無計可忘憂難憑妙筆傳遺像

雙繪先大夫祇藉新詩詠舊遊先恭人有雲驥莊拾遺
照苦不甚自病足蹒跚兒已廢持家拮据婦長愁雛孫摩頂雙
雙好差慰慈顏地下不

板輿北去已三年寄廬伶仃祇自憐羹肉幾從堂上遺
綵衣頗向夢中牽地寒萱草真難樹天遠魚書豈易傳
捧檄何時遂兒志孤雲一望一潸然

凄然杖屨初成一紙書來百感生
時接五弟札 餘下得悉旅况
香殘花有恨雲邊陣斷雁無情
牛衣對泣吾妻子燕市
悲歌汝弟兄寄語青箱須守業
簪纓好振舊家聲

與器人菊裳話舊

簾捲空堂爽氣沉悲秋同話十年心
何當卜築依瀨上未許忘機學漢陰
病起肯教詩思嬾愁來莫惜酒杯深
從知名士多憔悴且向西風鼓素琴
衙鼓寥寥客未眠香薰畫閣檢芸編
共遊淶水紅蓮地同醉清風皓月天
雲路着鞭虛壯志絲衣隨宦憶當年
寒窓雨到殘燈暗舊話新愁一惘然

大滄山房遺藁

卷五

七

久不見映雲上人東寄

十里楓林落葉時雲陽勝地境偏宜
香深小院談禪靜月滿空山出定遲
得句早除文字障橫琴應動故心思
黃花舊約慚余負欲折梅花寄一枝

冬初赴湘潭

山程盡日歷巉岈早見崎嶇行路難
雪意忽吹蟲響寂霜風不斷雁聲寒
橋邊白屋藏紅樹石際清流下碧巒
落葉蕭疎天漸暮江城燈火隔林看

坐隱歌呈狄西巖先生

瀨水奇人狄夫子千里游踪寄湘江
芷塞翁失馬何曉曉

中郎坐隱聊爾爾動靜皆有時勝敗適然喜寂念欲廢
精神凝萬事棄捐都不理君不見鑄銅山開金穴紆錦
綬佩銀魚幾何時而雍門泣下之歌起萬事變遷如奕
棋富貴勞形亦役耳我聞自古天隱地隱吏隱通隱各
出奇坐隱如茲更擅美雅韻無塵語元箸參大始又豈
必入山恐不深入林恐不密而與匿跡銷聲者比

無題十六韻

曲徑紅橋側重樓碧水邊
應開花旖旎門掩草芊綿
綉紉誰家女輕盈上界仙
斜依雕檻畔正立畫簾前
轉面看纔半迴身露已全
春山眉淺淡秋水眼澄鮮
柳眉

大滄山房遺藁

卷五

八

瑩膩宮鬟髮髻嬌妍纖纖籠玉笋
款款蹙金蓮的皪雙環綴
丁東雜佩懸羅衫雲鬢繡襪鳳
隔塵巧笑芳心吐橫波雅意宜
多情真絕代乍遇卽良緣
漫曳蕉裙去難憑錦字傳
頓迷三里霧空鎖一庭煙
賈午香誰得陳王賦自憐何當假
雙翼栩栩效文鴛

余往渠陽戒期矣留別敬輿長原時二君亦有松

江之行

落葉飛湘楓芳草萎蘭杜雨雪何紛紛
客子路如許嗟我去羅蒙猶歌雜
苗語踽踽天一涯回首結離緒
華亭古雲間君行亦得所
墟篋吹客途應念我心苦
飛鳥還

故林行雲帳南浦

發長沙

滄江與浩淼一葉出鄉關歲覺離家晚身因作客屨飛
花紅葉渡落日白雲山迢遞從茲去勞勞未是閒

喬口次工部韻

舟行幾兩日已覺客情賒浩蕩懷鄉國蕭條感歲華霧
沉林氣合風起野煙斜杜老遺踪杳寒濤捲白沙

林子口

風定扁舟緩蒼茫日欲西疎林環野市曲岸帶荒堤水
落寒江淨煙消古木齊湘流從此別客路遠淒迷

大澗山房遺藁

卷五

九

沅江縣

地接三湘近孤城繫纜初臨江真澤國繞市半樓居畫
角依山戍清歌隔浦漁風光慰羈旅倚棹足相於

發沅江

午發沅江縣微風一棹安山趨南嘴盡水入洞庭寬極
浦澹空翠芳洲生暮寒蕭蕭驚歲晚天外雁聲殘

西湖

風帆十幅治颶颶歲暮偏為汗漫遊水到平湖開萬頃
天連極浦剩孤舟平沙落日漁歌起遠岫歸雲雁影映
倚棹逍遙動吟興浴鳧飛鷺兩悠悠

月夜舟過龍陽

孤舟發過汀泠然乘風便日落霞彩飛明流展輕練皓
月忽東升清光散波面高低徹空明縹緲凌鏡殿鴉聲
繞前林疎燈數隱見斷續城鼓嚴依稀語音變稍覺遊
興酣安知客情倦推篷且高歌平沙起宿雁

滄港

棹轉人煙近杉皮屋一灣負薪村婦健驅犢牧童閒斜
界龍陽縣遙臨虎齒山寒煙散林杪愁見暮鴉還

武陵二首

武陵舊郡控黔中古堞參差落木空故壘尙傳司馬錯
太澗山房遺藁

卷五

十

甘泉曾記冠萊公平林莽莽沉寒霧大野蕭蕭起朔風
聞道劉周雄據日干戈血染戰場紅

森森江波客路長風煙南去接蠻鄉木瓜山外殘雲暝
花馬堤邊宿草荒遺愛至今思樂合野歌終古說劉郎

才人仙吏堪憑弔灑酒中流送夕陽

穿石

荆楚山嶙峋穿石更奇古絕壁高插天一竅滴鐘乳借
問誰鑿空神工運鬼斧苔蘚雜青蒼煙雲互吞吐傳聞
馬伏波南征此避暑遺蹟千載留名區插寰宇梁松何
許人謔言揔冤苦徘徊感當年斜陽下遙浦

曉雨過清浪

急雨連宵傾侵晨尚未絕打鼓催開頭陰風勢轉烈峻
嶺西南來挿空太巖業亂石橫逼人奇鬼轟然列急浪
一春撞條如散霜雪喧飀起沉雷坐疑地軸裂萬馬爭
奔馳渾不可羈維舟師一作氣豈虞再三竭持篙撐逆
流股屈身屢跌艱難上青天移時出机棹忠信思平生
高歌贈不茶

白羊關曉發

榜人發煙渚一葉飛朝暎蓬窻向高卧春枕灘怒喧擁
被起臨眺連山天忽昏大小錯礧礧勢如豺虎蹲曲折
太鴻山房遺藁卷五

穿石罅浪急舟屢欬千帆貫魚進安得凌風騫垂堂有

明戒長銷遊子魂

將抵長州

灘流如雪浪千層險絕關河祇自矜塔影凌空青嶂頂
萬山深處到沅陵

長州懷古二首

洞壑幽深竹樹疎遠峯縹緲隱茅廬還疑避地人猶在
欲乞巖秦未火書二酉山

凌空蒼翠一崖孤霧鬣雲髮變化殊千載堅心照江水

當年漫說煉柴瓠 辛女崖

荔溪曉發

陣陣寒風徹夜淒曉看山色雪中迷篷窻夢轉人猶卧
一霎箭聲別荔溪

瀘溪

亂山城郭出孤艇客星過邊塞望中近毒活何處多峯
高明雪樹洞古暗煙蘿戰地餘荒草重悲馬伏波

白龍崖

石攢頭角生松偃鱗甲露我從崖下過欲跨白龍去

浦市夜泊

影散澄波月更明孤篷泊處夜三更灘聲已自驚鄉夢

太鴻山房遺藁卷五

無那山樓畫角鳴

觀音巖

峻壁削天半萬仞臨巖巖陰陰晝疑晦蛟鼉繞船航此
巖始何代被鑿如鑄劍人力豈能造巨靈運長鏡豁然
關深寶石隨磨澆澆恍若鼓鐘響終古鳴泠泠其巖出
精舍棟宇空中嵌云是大士閣淨境非塵凡定有萬年
樹老幹盤松杉我行五溪道山勢厭僂僂今茲得佳勝
心喜爲一歇風利不得泊咫尺嗟益楚東流酉水逝西
望斜陽倚登臨願未悵回首心常賺

瀘浦江口夜泊

杳杳沅江永悠悠淑水清鄉心去千里皮鼓下三更風
急眾灘響天空孤月明夜郎南望近懷古弔長庚

安江即目

解裝一沽酒平野極遙瞻遠岫雲中出寒潮雪後添綠
梅攢竹塢烏柏壓茅簷滿眼春光動何堪客路淹

兩岸一首呈蘭坡

兩岸參差碧嶂圓濛濛空翠濕征衣一天急雨來將暮
千里寒湖去自歸冀北雲飛親舍遠時總慈在湘湖南雪滿
故鄉蓬蒿條賴有同舟侶尊酒論文且息機

洪江

大瀟山房遺藁

卷五

三

雄溪畱古鎮煙火集千家樹裏漁人市風前估客槎形
雲催暮雨白水漾寒沙已入誠州地茫茫路更賒

黔陽

地古龍標懸天涯棹乍停水連五溪綠山接百蠻青城
郭炊煙起人家野色曠由來遷謫處太息憶昌齡

黔陽官署書感即呈高明府

楚南花縣舊龍標小憩琴堂景物饒下榻恰逢賢主在
開尊直遣旅愁消傷心往事燈前話明府任廣宗司鐸與先大夫交最篤
有脚陽春賦後招枕上聲聲聽簫鼓無邊鄉思起中宵

由板溪至永樂二首

面面青巒合微茫一徑通泉飛修竹裏人語白雲中石
磴斜還直巖蹊轉未窮登登陟危嶺勢欲逼蒼穹
豁然得平地茅屋數家橫日午叢煙起林空積雪明塵
鞭猶滯我山鳥不知名乍認仙源近翻能慰客情

矮門四

危峯削千丈一磴飛空懸三盤且九折勢直凌山巔整
冠碧落接裂背高鳥翻移時到絕頂萬里歸眼前蒼蒼
散松栝漠漠生雲煙既上又還下亂石紛鈎連吾生歷
艱險茲遊誰與憐須臾落平麓夕陽滿平田

會同縣

大瀟山房遺藁

卷五

古

路曲隨峯轉樓臺入眼明樹藏城堞暗橋接縣門平人
語墟初起煙光日乍晴青帘香酒熟一醉遣鄉情

抵靖州遇外舅劉抑齋先生

青蘿山畔古渠陽城郭高臨碧水傍落日生寒野蕭瑟
春風拂面客倉皇已看土俗鄰蠻尚猶喜人煙接楚鄉
旅邸相逢欣接袖別懷愁緒話茫茫

靖州懷古二首

抗疏彈奸檜南遷到此間芳名真不朽指點侍郎山
程敦

當年魏華父講學畱遺址千載有公評始信真君子

魏了翁

行近通道感成

芙蓉江繞月山開
遙指孤城一棹催
極浦迴汀新草樹
深煙微雨舊樓臺
四年彈指光陰去
三度衝寒旅客來
余來此三
惟悴依劉仍故我
鬢宮咫尺又低徊

通道竹枝詞四首

斗大荒城萬嶂開
文星門外水潺潺
遊人競說芙蓉渚
占得風流賽錦官

匆匆合節上元過
蜿蜒龍燈入夜多
幾部笙簫音調古
竹枝歌罷採茶歌

太滄山房遺藁

卷五

五

江干零落住人家
板屋藤扉一葉斜
好是春來香雪滿
步雲樓上看梨花
密樹深篁地最幽
產多白蠟與茶油
販來却向洪江賣
城外新停估客舟

歸舟雜詩

青山幾曲碧流斜
水漲初春送客槎
春色若因歸路早
沿江開遍小桃花

峯迴溪轉樹蒼蒼
諸曲舟穿石罅長
見說羊腸山路險
誰知水道亦羊腸

深山合嶺鎖寒煙
白屋依稀綠樹邊
傳道士人貪說渡

茅亭處處是龍船

上土雷連下土雷
三棹滑板更喧魁
鼎分大小傳奇險

舟子焚香下岸來

罪微薄霧散晴空
放棹中流起午風
碧水丹山儼圖畫
不知何處訪瞿童

羣峯歷歷抱江樓
柳暗花明照碧流
滿地春光銷客恨

一尊長嘯過辰州

白羊關下暮煙濃
一霎峯巒已萬重
清浪飛流浪千尺

舟人指點野貓溶

路近仙源水自迴
桃花萬樹一齊開
欹篷坐愛巖粉色

太滄山房遺藁

卷五

六

三度秦人洞裏來

煙波日暮不禁愁
報道郵籤近朗州
人語江城喧夜市

一燈紅處酒家樓

風定波澄網縵紋
菱葑綠遍映晴雲
蒼煙一抹平湖外

指點楊家閣老墳

一帶疎林送夕陽
春風兩岸菜花黃
悠悠自古沉江水

惆悵幽蘭祇自芳

澄流一派接遙天
千里歸帆倍惘然
鬱鬱松楸望不見

傷心展墓已經年

先大夫墓在下泥港

大滄山房遺藁卷六

長沙黃湘南一吾著

淑浦譚瑤芸編

初夏遣興

芸香細蕊一簾清坐對陳編
逸興生黃鳥不知春已去
綠楊陰裏兩三聲
森森繞屋翠篁齊人在空堂
掃燕泥幾日廉纖梅子雨
篙新綠漲前溪

無字

曉起微風爽東園景物妍
小荷浮綠水高柳罨晴煙
失學年將壯忘機性自偏
故人滿京雒無字問林泉

大滄山房遺藁卷六

寄彭敬亭客永順

三生一晤喜論文忽奏騷歌兩地分
楚塞秋深曾憶我
去秋敬亭湘濱草綠更思君
山高樹接峨岷秀洞僻人
以詩見寄
依虎豹羣見說瀟蠻爭乞句
翩翩公子姓名聞

采蓮曲四首錄三

蓮花何瑟瑟蓮葉何田田
蓮子秋來熟江南隔遠天
東沼連西沼花容照眼新
並頭還並蒂如笑獨眠人
日暮過所歡相望隔煙雨
歡愛蓮子甜妾嘆蓮心苦
赴漢陽畱別諸同人

清晨聽雞鳴出門屢迴顧為君盡一尊
送我赴長路晴

川江漢南扁舟激煙霧壯遊非不佳
依人計良談朝雲方出山
暮鴉忽歸樹誓將守邱園
庶以遂吾素

長沙登舟

千里漢陽道扁舟孤客遊
水添湘浦漲天入洞庭浮岸
遠迷芳草江清數白鷗
吾生慣飄泊流恨滿汀州
雨泊靖港

極目臨清湘積陰起朝霧
風雨江上來瀟瀟天向暮
寒濤捲平沙低雲濕遠渡
宿鸞洲邊飛漁舟浦口住
野市幾人家空濛隔疎樹
轉蓬恨我生茫茫指前路

湘陰

大滄山房遺藁卷六

羅子遺封在江城倚棹初青
帘花外市白舫樹邊漁作
客慚投刺懷湘謫卜居坐
看鷗鷺戲瀟灑意何如

土星港曉發

打鼓發煙汀夢回眼初拭
繁星猶在天江天未辨色須
臾陽景升照徹深林黑孤舟
如急弦一帆飽風力萬頃
湖水平滄波望無極羽化疑
隨風凌空展雙翼

洞庭湖歌

洞庭之廣八百里荆南大蕪
雄岳州九江七澤水全匯
坐看萬頃開鴻溝青草白沙
盡滅沒九十九灣不可求
浪走遠連大江尾濤翻高拍
君山頭控清引濁混漢潭

浪走遠連大江尾濤翻高拍君山頭控清引濁混漢潭

浪走遠連大江尾濤翻高拍君山頭控清引濁混漢潭

碧落輕沉坤軸浮蕩滌青雲浴白日煙霏霧飲雷霆收
水底沉沉伏神物蛟龍睡起鼉鼉遊巴陵城郭忽隱見
數峯蒼翠迷雙眸四顧空明但一氣恍如玉宇登瓊樓
僕指五湖此第一沼沼不敷河濟流仙山縹緲落人世
何須海客談瀛洲蘭橈桂楫中流鼓片帆風飽別南浦
唯餘歌罷逸興飛渺渺予懷弔千古湘君屈子畱冤魂
金枝翠旗在何許甫也涕泗白也狂文章光燄總黃土
吁嗟天地寄蜉蝣終古夢幻不堪數何當跨鶴凌飛仙
不然放棹從漁父

萬壽湖

大滄山房遺藁

卷六

三

飛來已驗岳家軍迅向潢池掃寇氛千載平湖遺恨在
不容唾手取燕雲

岳州

曲抱江城萬嶂青岳陽樓畔客重經藉山尙記秦皇躡
斑竹曾傳帝子靈風雨舟中魂易斷鄉關笛裏怨難聽
興來且醉巴陵酒披豁塵襟俯洞庭

岳陽樓

百尺登臨好荆南第一樓天從山外濶城向水中浮事
業畱書筍生涯寄釣舟向來憂樂意未忍付東流

巴陵行弔梁元帝

金甌已壞老公縛短足鮮卑忽跳躍義師雲集石頭城
岳陽也奮勤王畧可憐骨肉相賊戕遺書不聽邵陵王
求援却向宇文氏江陵夜破七官亾不惜稱臣夷七縣
梁家血食僅一線帝制猶看行國中歸琮繼起畧安奠
那知強敵盟竟寒舉家號泣歸長安祇今神鴉社鼓在
日向巴陵哀舊藩

城陵磯守風

石九雨日何匆匆冥冥夏日來北風城陵磯下繫孤艇
客踪飄泊如飛蓬坐看長江捲白浪俯仰一嘯天地空
咫尺岳陽樓頭望潭州直在東湖東

大滄山房遺藁

卷六

四

湖港書所見

鳳髻攢花鈿冰膚隱翠珪兒家船上住船繫綠楊西

祭風臺

石頭閣下野苔生百尺高臺對晚晴北向黃岡迥嶺勢
西連白帝走江聲風威自與周郎便鼎足從教漢業成
名士千秋賸遺址綸巾羽扇不勝情

小林夾間笛

如鉤新月隔林明森森煙波遣客情江上何人弄橫笛
鄉關一夕遠愁生

神洲

綠楊陰裏酒旗低
曉日煙籠十里堤
無數紅樓臨碧水
依依好夢到湘西

漢陽懷古四首

賦成鸚鵡一時驚
芳草洲邊自擅名
過客不須怨黃祖
可知孟德殺狂生

殷勤解珮有情無
仙子何來邂逅殊
癡絕當年鄭交甫
佳人不愛愛明珠

江波淼淼晚潮生
聚首天涯慰別情
千載題襟佳話在
望蔓草憶飛卿

北我何堪腸斷行人是
漢南一自桓公流涕後

卷六

五

波淼淼欲凌虛
郢門山色連衡嶽

空傳仙客鶴野歌
終怨武昌魚

朱門魏曳裾

擁翠好登臨
孫權城畔英風渺

亭臺煙霧聯
連天波浪日沉沉

清歌怨不任

漁歌欸乃聲
鸚鵡洲迴荒草合

鳳凰山遠野雲平
至今詞客推崔灑
終古騷人弔兩衡
何處臨風三弄笛
梅花一曲結遺情

登黃鶴樓

披襟直俯三千界
攬勝先登第一層
樹外夕陽連皖日
天邊帆影下巴陵
離情對酒人如夢
瘦骨臨風客似僧
興到題詩白雲裏
欲騎黃鶴上嶙嶒

鄂城書感二首

野草晴川杳荒煙
鄂渚深青山環郡
閣白浪震江潯
鏡存鴻雁無季子
金來遊經五度彈
指惜流陰

山壞起悲翁
中宵百感勝三年
空滅字四海已無家
敗

大澗山房遺藁

卷六

六

壁紅燈暗虛窓暗
皓月斜孝標今不見
誰更念西華

漢口竹枝詞二首

樓臺歷歷俯江濱
商賈喧闐據夏津
一笑舟車紛絡繹
垂楊不解繫行人

盈盈嬌小十三餘
橋畔紅樓是妾居
此地繁華同建業

嚼飯好食武昌魚

巴陵竹枝詞二首

岳陽樓下水平鋪
鴻鵠雙雙水上呼
日暮東湖風浪起
郎舟聞已向西湖

平湖如鏡不生波
湖水何如妾恨多
行到君山怨斑竹

黃陵廟裏拜湘娥

張樂

軒皇鼎未鑄荆山作樂會聞向此間太息千秋簫琯歇
祇餘湖水響潺潺

行路難

我欲乘槎泛天河雲霄縹渺空中過我欲挂帆渡滄海
島嶼微茫果何在木蘭檣沙棠舟飄飄千里隨江流
波浩淼何所見惟見浴鳥飛鷺出沒而浮游颯颯驚風
催急雨孤篷淅瀝泊南浦子規夜啼山鬼號水底蛟龍
忽起舞故鄉回首歸不歸危哉一命似懸縲人生貴適

大游山房遺藁

卷六

七

意客路徒悲傷君不見十干美酒羅高堂玉簫金瑤飛
壺觴

自漢陽歸題狄西巖先生雪梅書屋詩

我行漢陽道暑氣蒸蓬窻歸來案頭見新帙颯然襟袖
生清涼先生少年擅吟咏老去高歌適其性湘江解組
不思歸牛耳騷壇氣偏勁旅館蕭條陳一編鴻裁麗製
紛芊綿好句如梅復如雪清香冷豔交相旋君山高卧
洛川吐和靖孤山號處士詩中髣髴如其人胸懷灑落
淨纖泮年來愧我曾塗鴉塵羹土飯空聲牙忽然金針
得盡度吐棄糟粕茹精華微哦朗誦快擊節兩手生風

日流沫宛如鬢背孟浩然踏雪尋梅心境微

得五弟湘杞書

夜夢依京國朝來作汝書潘輿欣自奉陸廨討同居久
客愁炊玉干人愧曳裾似甯燈下讀舊學廟三餘

呈楊西巖丈

關西伯起舊知名夢入鱸堂兆已呈問字續紛飛玉屑
吟詩錯落擲金聲頗呼紅線仙姿近先生姬人愛寫鳥
玉時能詩
絲豔曲成如畫芳園聊寄庶一時心迹喜雙清

閑怨限一花名二酒名三美人各四曲牌各五鳥

名六官名七地名八藥名

大游山房遺藁

卷六

八

悄卜金錢倚繡帷蒲萄架底月陰移紅綃染淚羞題句
彩筆凝塵嬾畫眉夢裏客歸鸞鏡合軍中書到鯉魚遲
柔情盡付相思水坐數殘更續斷時

寄汪心齋先生

一別春風歲月長聊憑短札寄茅堂半生衣鉢遺經重
白首眠餐老福強兒女關心生死淚弟兄聚首感哀場
先生兄弟三多情若問依劉客憔悴登樓賦幾章
人年俱古稀

松下偶坐

蒼翠滴長松陰陰日初午微風枝上來泉聲雜鳥語
坐澗忘歸蕭然滌煩暑

夏日聞鄧菊裳過等覺寺却寄

白粥綃衣汗似漿
難將襤褸做義皇
羨君信宿菩提境
謾謾松風徹耳涼

山窓

山窓初向午睡起
夢魂清且復陶天趣
非關謝世榮小
池花鴨泛高柳暮
蟬鳴彌熱心何有
涼風習習生

壬寅立秋

昨夜西風起庭前
落葉飛幾年身落落
千里夢依依未
見魚書到曾傳鶴
馭歸庶母朱遜憐諸弟妹辛苦奉萱

聞

大滄山房遺藁 卷六

九

首秋懷長原兄在越

秋至山齋日掩扉
井梧風裏葉初飛
雲邊已見南來雁
可奈行人久不歸

秋夜獨坐

明月照虛帷寒風振廣厦
草木華露滋秋意正瀟灑
蟋蟀鳴庭除孤鴻唳中野
徘徊不能寐感時淚盈把衣裾
良不完何為卒歲者一笑寒士心憂樂在天下

八月十一夜對月作

寒輝動襟袖小坐月初明
霄漢光猶薄山河影漸盈
庭空盡語寂夜靜露華清
此夕高堂望應多故國情

壬寅中秋

碧落淨娟娟冰輪入夜懸
清香浮桂樹素彩動華筵
縱被純陽蝕還能永久圓
靈槎如可泛我欲繼張騫

殘更二首

獨坐情何適挑燈夜漏長
夏蟲作秋語北雁正南翔
病覺衣冠嬾貪嫌筆墨忙
含悲值搖落無計定行藏
殘更來寂歷月影散空林
夜靜夢初斷天寒秋又深
不堪驚落葉况復急清砧
舊事頻回首淒涼五載心

過大目寺

筍輿度危嶺蘭若響疎磬
滿院修竹深參天古松勁
林

大滄山房遺藁 卷六

十

光靜猿心花氣和鳥性石龕
藪沉檀香散微風定我來
禮罷曇塵心一時淨

秋深

蕭條望不極江上夕陽斜
葉落空山逕秋深野客亂
蟬吟廢院古木集寒鴉何處
愁堪遣東籬已放花

曉來二首

曉來爽氣撲天浮
衰柳寒蟬送暮秋
嶺外雲開過雁陣
渡邊風急下漁舟
懷人遠道音書絕
卧病滄江歲月流
回首長安成往事
五陵何處悵前遊

燈前獨坐影蕭蕭
數卷詩書伴寂寥
半夜濃寒生枕簟

一天急雨點芭蕉秋深楚澤人猶病夢入京華路更遙
見說長風尚堪借幾年棲息愧鷓鴣

鄧菊裳新構將成寄之

十載心情感繫槐憶君幾度費推敲寒塘露滴荷香滿
野塢煙籠竹影交未必名流多寄廡從知勝地好誅茅
堂成合比揚雄宅且向元亭作解嘲

過桂花園感成

芳園重過已經年桂樹飄香尚宛然寂寞北堂人已去
花開花落總堪憐

哀桂行有序

大瀟山房遺藁

卷六

七

桂花園在中湘城南丹桂一株老幹參差百年
物也花時清芬遠馥主人不在攀折殆盡余憫
其託非其地且無人以
護之也作此詩以哀之

花園秋老生寒煙香生古桂含清妍萬斛金粟接霄漢
滿枝燦爛高低懸紛紛觀者蓋如堵攘臂折取爭後先
空堂寂靜主人去嗟哉戕賊誰與憐桂乎桂乎胡不生
於清虛之府隨素娥以躡躑胡不長於小山之麓借高
士而流連無端瀾迹在城市受茲剪伐空愁煎桂乎桂
乎休愁煎君不見蒼松翠栢作棟棟美植安得全其天
一笑問丹桂我言如此然不然

寄長原兄西泠

風雨秋來盡憑誰問遠遊悲深遠陟肥客久沒登樓入
幕才名好編書勝境收近聞分修
西湖志遙知鄉思切夢逐碧
湘流

送十四叔父

服闋赴武林需次

重陽節到酒盈卮聽奏驪歌別淚滋幾載倚廬貧且病
一官遠道去偏遲雲開南浦滕王閣雨過西泠伍相祠
枳棘何堪託鸞鳳搏風健翮好乘時

送十八叔父

需次秣陵

蓼莪廢讀賦閒居困守城南雨載餘碧漢迢迢施翮去
清江淼淼挂帆初行經廬阜鐘聲動到及秦淮柳色舒

大瀟山房遺藁

卷六

七

作尉真堪繼梅福風流吳市有誰如

幽棲一首與劉駿人

幽棲真自適茅屋繞千峯選石閒敲奕看雲倦倚松兒
多應虎變親老未龍鍾好叙天倫樂逍逍物外踪

無題

紅窓睡起日初高輕揭珠簾看碧桃一段春光拋未得
雕欄倚徧不知勞

髻拖絨線倚窓楹一幅羅巾繡未成即道後園紅杏發
勸儂今日且閒行

閒庭小步折花枝笑語牆東雨神垂爲恐留心多護惜

鞦韆欲上更遲遲

芙蓉簾外杏花殘
悄託香腮倚畫欄
食與檀郎閒闕腕
不知翠袖透春寒

畫長針線手慵拈
香裊沉檀不捲簾
坐久忽聞梁燕語
無端春意上眉尖

紗窓日午夢初回
兩鬢鬆鬆倚鏡臺
欲把雙眉倩郎畫
開簾忽見小姑來

春寒卯酒臉初紅
笑折花枝出畫櫺
一任郎呼伴不應
却隨蝴蝶過牆東

鄰家姊妹暇時過
笑語連翩踏碧莎
低拂花枝紅映面
大瀉山房遺藁

卷六

三

不知春色落誰多

東風滿院柳毵毵
一徑香塵春意酣
女伴相逢頻鬪草
閒情只愛鬪宜男

閒來花底捉迷藏
花氣氤氳笑語香
暮地背郎牆外去
芙蓉池上看鴛鴦

偶步春園曲徑長
鞋幫濃透碧苔香
尋花不覺金釵墜
更聽鶯聲過柳塘

梨花滿地不開門
鶯見檀郎走近身
可怪侍兒烹茗至
幾回遣去總無因

落花風雨下重簾
倦眼朦朧倚枕函
自是芳心長愛倩

濃寒猶着淡羅衫

聽到子規春已深
銅環靜扣院沉沉
笑儂不向花前立
祇恐郎歸沒處尋

玉貌香燼鼻餘煙
影動花陰夜色鮮
並坐綺窓待明月
請郎今夜莫先眠

理罷殘粧下翠樓
窓前絮語總難休
小姑未解鴛鴦好
也把鴛鴦繡枕頭

梅樹曲

花開梅樹妍葉長
梅樹暗本是同根
生春夏不相見

烏棲曲

大瀉山房遺藁

卷六

南

吳王開宴西子歌
銀燈翠幙光婆娑
鶯驚烏繞樹天將旦
醉舞宮中猶未倦

有美人兮一首

有美人兮自名羅敷
問年奚若十五有餘
遵彼微行盈盈不語
榮耀靡常泣涕如雨
有鳥高飛文采婆娑
瞻望弗及我勞如何

遊仙八首

乘風我欲謝塵囂
水湧瀛洲萬丈高
未向雲中期汗漫
且從海上逐盧敖

鼎養金丹火候成
松風樓上坐吹笙
玉京瑤闕無多路

手把芙蓉取次行

閨風高處綺筵張
鳳脯鸞胎佐玉漿
莫笑杯盤狼籍甚
從來仙客性疎狂

宴罷清都跨鶴回
天風吹動珮瓊瑰
洞中道侶如相問
攜得瑤池美醜來

歷盡滄桑大道成
偶來人世尉雲駟
兒家自愛閒遊戲
不爲多情覓祭經

少小璇宮織七襄
謫來北斗不成章
雲裳欲寄牽牛去
愁對明河萬里長

偶乘紫鳳上層城
響徹瑯瓖法曲成
玉女瑤姬齊侍坐
大鴻山房遺藁

卷六

五

風流應讓許飛瓊

煙霞深處掩巖扉
鶴夢眞教塵夢稀
洞口時聞仙犬吠
猶疑花下阮郎歸

採蓮詞十首 錄八

綠樹陰濃覆碧苔
香閨深鎖悶難開
採蓮好向南湖去
相約明朝趁早來

朝來草草試粧新
聯袂溪邊笑語親
欲上蓮舟還又住
背人先自騎花神

波紋縹碧漾輕桡
欸乃東西隔小橋
一樣蓮花舒綺旆
折經波手更嬌妖

水面湘裙六幅拖
雲鬟斜解襯香波
蕩舟自覺嬌無力

一折花枝力便多

採蓮歌度採蓮航
一派清波澗澗塘
行到前溪聲乍歇
怕驚葉底睡鴛鴦

淨植天然帶雨濃
自知人面勝花容
怪他岸上行人滿
不看蓮花只看儂

處處紅衣映綺霞
一枝素影獨橫斜
折來相賽還相祝
嫁得仙郎貌似花

流連竟日極歡娛
放棹歸來夕照徂
姐妹相逢頻問訊
採蓮採得並頭無

大鴻山房遺藁

卷六

六

送人之貴陽幕

送上蘭舟客路遙
湘西風雨晚瀟瀟
辰陽水險灘聲急
貴筑雲環嶺勢驕
秋晚平林驚木客
夜深獨館走山魈
憐才頗有介狐楚
東閣應堪慰寂寥

朔風二首

朔風徹夜吹朝來
雪未住寒威透單衾
輾轉夢初寤
山妻向余言縞衣
做無絮大兒履將穿
小兒未成袴
繞牀啼且號
愴然獨百慮
天運有循環
委心任來去
推窗看梅花
冷香尙如故

寒梅方破臘有客揮彩箋
邀我醉花下美酒餘十千
臨

殤忽不御躑躅華堂前負薪感翁子吟哦守陳編牛衣
卧仲卿對泣空瀉漣男兒不得志肯受庸庸憐雷電氣
難過掛壁飛龍泉

寄十七叔父 客樂平

爲依親舊遠相尋秋色蕭蕭歲月深對鏡應憐潘岳髮
遊山未了向平心水生彭蠡連天杳雲起匡廬接地陰
幾日征途指燕趙又從臺上問黃金門有舊
小阮真輸大阮賢一琴一劍尙依然無家漫作登樓賦
有夢還成陟岵篇桂府路遙香未抱芸窗塵滿視難穿
微才自分歸蕙肆深愧龍文許十年

木澗山房遺藁 卷六

七

送周汝陽赴其弟安縣縣尉任省母

爲省慈幃感易生澎湖返棹又西征汝陽方自江聲夜
急黃牛峽樹色寒深白帝城自識官衙饒樂事莫因邊
塞動鄉情嗟予亦有瞻雲意何日扁舟赴上京

過宋孝子陳道周墓

孝子芳聲萬古尊偶來憑弔一銷魂祇餘弱柳垂官巷
無復寒花繞墓門墓前舊有雨過殘磚留血暈春深斷
碣長苔痕劇憐宋史揮椽筆名字傳疑孰討論宋史理
寶慶二年詔湘潭陳克良孝行表其門無道周名而湘
潭縣志祇有道周無克良名豈卽一人而傳聞紀載之
耶

寄家書感成

陟岵瞻慈母傳書向蘄州孫熒仍廢學婦病况多愁獨
覺兒身健終思父志酬倚門南望處老淚莫頻流

鄧菊裳石閣山房落成喜寄

十笏維摩室方塘一鑑流橋通花外逕樹隱水邊流未
許野人問偏宜驛客畱塵心應掃盡清福幾生修
况有賢能婦偏同黽勉心齊眉鴻案好採藥鹿門深
豈

雪中寄人

昨夜西堂雪寒生几席間遙知高卧者笑日掩柴關古

木澗山房遺藁 卷六

末

木羣鴉散空山獨鶴還不逢洛陽合誰更識君山

對雪

向曉風吹雪冥冥小院陰清輝搖几榻冷氣聚衣襟絲
水潔逾潔青山深復深騎驢誰覓句合向灞橋尋

寄映雲上人

卧病意不適歲晏寒氣滋憶汝空門裏岑寂誰與知
花倏萎落順變宜自持上人師醒月咫尺不能覩短章
伸我思

西山訪人不值

閒居一榻訪松下叩巖扉門靜犬初吠日斜人未歸石

根流水住樹杪白雲飛去去頻回首蒼煙滿翠微

寒夜示丙子

促坐寒宵靜微風送遠鐘夢中親弟妹燈下病形容衣
馬輪同學耕耘愧老農吳門聊寄廡舉案且相從

夢回

夢回燈欲盡寂歷數殘更風雨自寒夜山川多遠情何
當尋骨肉豈敢謝功名起效劉琨舞聞雞祇白鷺

新注

醉掃青山送著流偶隨新水弔千秋胡雁不着三層樓
底事謠臣姓氏雷

大滄山房遺藁

卷六

五

老梅

山中寂寞宜招隱竹外橫斜不計年玉骨冰心誰領取
一枝香撲歲寒天

陪賓門先生晚步

晚景迎眸好遙岑列翠屏平橋紫草碧亂石吸雲占岸
植將軍竹先生始祖溪環侍御亭冠石亭先生從桃源前明將軍

仙境在未許外人經

大雪口號二首

溼霧濃堆遠障寒風暗捲長江門外雪深三尺不妨高

師山窓

偶向園林小步晶瑩似上瑤臺何處梅花吐積溪邊春
色歸來

冬日雜詩

山居在何處一徑入松篁雪鎖柴門靜泉清竹院涼
讀罷敢松關江天浮晚翠寂寂少人行但見羣鷗至

偶過疎林去寒梅正著花時聞山犬吠花外有人家

徑轉樹初合溪迴煙更迷悠然無俗響惟有水禽啼

獨步入深山煙光四山起一僧何處歸遙入白雲裏

寒夜挑燈坐澆愁獨舉杯照人如有意明月入窓來

遺興四首

大滄山房遺藁

卷六

示

行處有山有水興來宜畫宜詩人生貴適意耳功名富
貴何時

春至青葱綠韭秋來紫蕨紅芋剪菜堪供客饌灌園不
問官租

許靖資生馬磨王章對泣牛衣男兒豈終餓死何須隨
俗脂韋

吹三弄桓伊笛彈一曲伯牙琴世外非求悅耳塵中漫
索知音

歲暮過韶塘祖墓

層陰乘湖風日暮寒山遠瞻塗越修眇清流逸然轉深

林抱危巒雲氣自舒卷依稀露孤坐衰草墓門滿家風
嗟式微世澤尙無殄俯仰難爲情蒼松傲歲晚

大鴻山房遺藁卷七

長汝黃湘南一吾著

淑浦謙瑤芸帆編

感遇

羣鳥巢樹巔戢翼安其居
雞烏毛日長老烏毛日枯
翻然來返哺敢惜予口瘡
繞樹飛且鳴依依良歡娛
嗟我寄庶人雲白山川徂
陟屺瞻高堂方當倚門問
有母不能養人而不如烏

羣雁翔雲中翩翩時隱見
作陣復成行後先序不亂
稍梁非所謀闢山非所憚
千里蒙雪霜形影終未散
嗟我寄庶人伶仃誰急難
同氣四五人流岩在他縣
有弟不

大鴻山房遺藁卷七

一

能育人而不如雁

癸卯交春日作

昨夜高天轉斗杓韶光侵曉滿東郊
自知聖代多膏澤還喜春風到草芽
小院雪融梅綻蕊平橋雨過柳含梢
尋芳且把閒愁遣濁酒頻斟句屢敲

寄丁十九度南肄業上舍

故人多文彩翩翩鸞鳳姿丹穴羽毛滿健翮天風吹一鳴謝枳棘高託瓊樹枝歸昌吉將叶來儀文明時賦予倚株守何日出藩籬翹首望霄漢聯翼深遠期

拜先大夫墓

羨門今一到三載恨悠悠
草滿春煙合林深曉霧收
幾時驚化鶴何地卜眠牛
欲別還揮涕平生愧少游

寄友人都門

一載相思兩地違雙魚迢遞尺書稀
湘濱春草依然綠底事王孫尙不歸

寄呈外舅劉抑齋先生

時任通道學博聞有投簪之志

千里書初到遙憐老病情談經官獨冷
作宦歲頻更已決歸休計非高
隱逸名故園松菊好早晚待泉明

奉陪菊裳悼亡

一夜嫺星隱雲車與世違
秦簫聲乍斷謝絮韻初微
已

大鴻山房遺藁卷七

二

見青鸞去空傳白鶴歸
惟餘閨範在林下仰風徽
獨有雙棲鳥孤飛劇可憐
春風魂杳杳長雷淚綿綿
忍向空牀坐難成
承夜眠真同潘騎省腸斷悼亡篇

雨中與劉器人坐

連朝風雨急寂寞不成春
與子此間坐蕭然情獨親
驪猶伏擬離隼欲離塵
更有關山恨高堂夢未真

曉霽口號

濛濛簾外雨兼旬落盡庭花不似春
夢轉忽聞山鳥喚十分霽色滿前津

寶門先生初度賦呈

喜向華筵進壽卮童顏老去見仙姿菊當秋晚有佳色
松到歲寒無敗枝白社風流鄉里重元亭著述後人知
歸休漫比煙霞客廿載常樂 北闕思

與李十七觀光

年來寂寞感離羣尊酒談心賴有君作客最憐人寄廬
揮毫猶覺氣凌雲花開小院春將老月上虛堂夜已分
莫使閒愁擾懷抱燈前聊與細論文

贈魏吹亭

不披雲霧喜逢君風度翩翩迥出羣積學自應開馬帳
玉書端可寫羊裙珠藏碧海瑩光徹玉種藍田瑞氣凝

大海山房遺集 卷七

三

指日搜羅遇青眼連城聲價一時聞

映雲上人寄示近作奉答

天上落瑤章流麗復清絕滿紙吐蓮花疑是廣長舌

暮春科試寓郡城桂花園賦呈家相村兄

江城咫尺跡偏疎聚首名園慰索居老桂陰濃春霽後
新荷香細夜涼初尊前兄弟狂何甚夢裏關山恨有餘

長原兄客 柳絮吟殘憐謝女澧陽南望一愁予適聞歸
浙未歸 蔣文弟

病耗

訪菊裳不值

聞道維摩病起遲阮亭偶來方丈慰相思簾垂清晝人

何處花覆窠前影自移

與菊裳吹亭樸齋器人諸君小集

首夏餘寒在冥冥小院陰微風啼鳥緩細雨落花深對
酒聯清話論文見素心莫嫌居近市閉戶即山林
江夏家聲舊艱難倍慘神詩人多潦倒名士半清貧魏
野高誰繼劉琨志未伸仲華才更絕相許賦風塵

蘭坡用借對體賦詩見示奉酬

淮南居近桂叢妍梅雨陰連四月天午夜漫傾千日酒
展窻開檢白雲篇紅座有夢依金闕子舍承歡憶昔年
望斷漢皋環珮杳重吟柳絮一愴然

大海山房遺集 卷七

四

戲東蘭坡時為王方伯書記

顏唐踪跡寄荒園風雨瀟瀟日閉門恐惹美人樓上笑
經旬不敢謁平原

送漢陽任別駕二十韻

今代循良傳風流第一人鍾靈傳劍閣浦澤滿淵濱弱
冠天姿異羣書道味親胸中星宿列筆底鳳鸞馴學足
焚膏候各成折桂辰論才原拔萃出宰早臨民仙迹飛
鳧徧苗疆捧檄類曾在桑植
通道諸縣盤根分利器阜物布陽春
馬借雙旌導車從別駕巡福星沉水照陰雨漢江新雁
統才偏大王祥品自純定濟方面任端作棟樑臣舊蔭

西千古餘光照四鄰年時曾晉謁生功轉悲辛風樹情
何已庭幃夢未真吹簫徒乞食寄廡但容身共笑稻康
拙誰憐阮籍貧凌雲遲迥嗣處轍困窮鱗漫負雕蟲技
難爲展驥塵倘邀青眼顧感激一沾巾

夢圓一首

夢圓山閣午小徑且孤行暑自閒中去涼從靜處生空
潭雙鯉杳高樹一蟬鳴向晚微風至真無逐熱情

螢火

熒熒依廢砌的的度迴廊幾日秋風至無須炫末光

七夕

大瀉山房遺藁

卷七

五

瓜果庭前設雙星入夜浮蛩聲綠古砌月影動高樓露
重秋將至天空暑未收鄰家小兒女乞巧不知愁

新秋

一宵梧葉落秋氣曉來滋最喜清風至還驚白日馳疎
陰垂柳岸冷豔匝荷池莫漫悲蕭瑟幽情且咏詩

寄映雲上人

秋來暑氣轉相凌白粥緇衣苦未勝爲憶松門高臥客
定多法雨洗炎蒸

新月

薄暮雲銷碧落開如鈎新月遠含山炬熒半掩芙蓉畫

露出蛾眉一道灣

赴郡城

向曉籃輿發林空宿霧濛荷開芳浦露稻熟野田風未
覺秋容淡還欣暑氣融綠溪行詰曲吟眺水雲中

喜六弟

湘樞歸弟以舉姻隨其外舅羅益亭先生歸即寓其舍

汝奉高堂去燕雲萬里遠傳書憐久別握手喜今歸旅
邸愁何似鄉關事半非荆州暫相倚冰玉好雙輝

初度日有感

瑟瑟西風落葉稀流光回首素心違思親萬里仍離析
歲賦三年又放歸自笑蟠泥同蠖屈非關避七學鴻飛

大瀉山房遺藁

卷七

六

一枝幸許長樓託把酒裁詩強息機

舉一女口占

喜試金盆浴門前設帳時嬰媿聲乍發婉婉望非遲已
覺男多懼會聞女勿悲繞腰更啼膝他日任嬌癡

東翰伯伊中丞幕中

憶昔芳園許結鄰詩篇互答最相親而今絲筆揮蓮幕
可念樓頭作賦人

哭蔣家女弟

傷哉我與爾命途歷險阻襁褓隨宦游兄妹共艱苦
堂早見背失恃時子九歲難將變故敗子有兄妹有所賴姊皆早逝

繼母賢朝夕勤音拊彈指各成人怡怡喜常聚嚴君謝
簪纓扁舟返湘浦乃畢向平願嫁婚事接武無奈靈椿
傾衰門失恃枯諸弟奉板輿流離似風雨而我贅浙江
伶仃寄人廡而爾事夫子濱陽路幾許方期時往還天
倫式歌舞二豎何遽侵奄忽棄塵宇徒以微名羈含殮
未親撫先一日始聞病急以試事未得往骨肉長此違條已付黃土西
山雲自飛悲風響遠渚相望無見期血淚注干縷

歲暮偶成

平生少歡娛家庭更多難百憂從中來矧乃值歲晏烈
烈朔風鳴淒淒嚴霜散綠林隕羣芳青松秀孤幹歸雁

大瀟山房遺藁

卷七

七

連天飛凍蟲繞砌亂陽昏遮微陰濃寒逼雪案向晚增
蕭條明星亦何爛疎鐸響空簷殘燈暗虛幔展轉不能
眠長夜何時旦俯仰愁愈生嘯歌總難按達觀希古人
聊復舒洋負賞奇仍攤書遣興且染翰尊開竹徑中杖
策梅花畔客至開門迎朋來式燕衍醉携劉子鋤狂學
稽公鏡無爲感窮冬戚戚發長歎

除夕

且飲梅花酒年光此夜除五更寒盡候千里夢回初壯
志頗看劍窮愁欲著書履端明日是生計復何如

甲辰元日

曙色曛曛值葦朝天開晴霽瑞光饒 一人有道星雲
燦萬國無偏雨露調栢葉杯中春意釀梅花枝上臘寒
銷蓬門竹見陽和到莫向書窻怨寂寥

首春四日過等覺寺示耽雲上人

春意將來野氣暄後七日山程十里度嶺旣路迺忽聽
始交春疎鐘響半樹梅花掩寺門

花欄燦爛綺寮深卓錫何須地布金寂寂紅塵飛不到
獨容元度得相尋

曉發瓦官口示菊裳

侵曉蘭橈發濛濛細雨時橋低新水長岸曲片帆移寒
大瀟山房遺藁

卷七

八

氣生衣重春光入歲遲知交半騰達動即與君隨

呈家鉛門兄

兩載重相聚燈前感慨深探奇遊自壯兄頃自銜恤淚
武林歸難禁阮籍猶迷道成連尙抱琴今宵共情話振觸十年

心

早春書懷

一住荊州歲幾更登樓誰識仲宣情北堂風雨夢初斷
南國鶯花春又生漫以琴書供逸興愧將詞賦博虛名
迂疎未免時人笑忍向秦川問舊聲

尋春次少陵曲江獨坐韻

小徑尋春不記歸山光雲氣共霏微清音出樹鸚鵡啼
翠影穿花蛺蝶飛放浪自安吾道拙疎慵偏與俗情違
韶光荏苒須行樂濁酒尊空欲典衣

曉起

雨聲徹夜喧曉起轉蕭索延眺倚柴門霽色滿林薄芳
樹鶯亂飛碧蹊一花落悠然春意生剋哉及時樂

睡起

睡起山窗午春光似畫圖遊絲繁曉翅落絮綴花鬢石
淨苔痕上庭空碧草鋪迢迢隨步履已覺我忘吾

蘭雪書屋見燕

春陰簾外雨冥冥又見梁間燕墨成王謝堂前人已去

九

外舅抑齋先生去秋捐館呢喃猶作舊時聲

春日有憶二首

舊年春色至送客上京畿春色今年至如何客不歸
茅屋俯清溪重來路欲迷惟餘芳草色綠遍板橋西

月夜遲友人不至

月影上虛窓幽琴聊自理不見美人來知音問誰是

懷人詩四首

揮淚送諸弟憶君情更傷兩鬢年正幼多病體難強鏡
裏希南阮承歡侍北堂還將瞻望意時爲陟高岡

風生汝楚秋月上津門夜談詩復論文尊酒不知罷狂

颺散浮雲扁舟遂南下今夕一思君落花滿庭樹

逍遙日西逝明月忽東生捲幔寒光入開窓夜氣清空

堵蠹自語幽壑鳥爭鳴不見同心者凄然萬里情

憶昔文場戰論交爾汝忘君才真卓犖我輩共飛揚自

嘆風塵隔頻驚歲月長吳雲連楚樹相望幾徬徨

與劉器人索茶

自笑文園渴未蘇偶思茗若似醍醐盧仝善飲多佳品

肯賜龍團雀舌無

寄鄧菊裳中湘幕

山居真息漢陰機三月春光到眼稀隔隴鳴鳩呼婦去

穿簾語燕帶歸歸花間小酌香浮椀松下高眠翠染衣

珍重風流蓮幕客何時乘興叩巖扉

暮春雜興

冉冉春將去山中景物殊風停花更落雨霽鳥相呼碧

見秧針吐紅看菜甲敷韶光行處醉不待酒盈壺

閒居多雅課隨地足流連傍石栽新竹分沙引緝泉吟

餘還獨酌讀罷且高眠擬著潛夫論窮愁莫漫牽

聞菊裳有次韻之作久不見寄訊之

聞道新詩白雪如拋磚深幸得瓊瑤何緣雙鯉久沉滯
望斷佳人錦字書

寶門先生以登明遠樓詩見示次韻奉和

傳到新詩得未曾遙知意氣擬陳登身臨傑構思遺世
地闢文場重選能替事關心人易老先生辛酉春光彈
閣中登此折夢難憑樓頭王粲方憔悴盥誦河愁病莫興時予方臥病

步月

良夜月初生溶溶上太清光烘雲破障影散地生明薄
露滋花氣微風碎竹聲吟餘還寸寸疑在玉山行

威鳳篇

大濟山房遺藁

卷七

七

丹山有威鳳篤生明聖時九苞絢異彩六象含靈姿方
當寄元圃託身瓊樹枝不然鳴高岡梧桐可棲遲胡爲
鍛其羽枳棘毋乃卑營巢方偃蹇戢翼何禳穰燕雀爾
何物決起相嘲嗤豈知奮飛志常與霄漢期會看翔千
仞翮翮隨所之阿閣亦爰止紫庭見羽儀歸昌叶瑞應
神鳥天下知

春暮言懷

萬里庭幃遠三春草木新雨零花作淚風剪絮爲塵去
住書難到存心夢未真五年勞獨意瞻望一傷神

送春曲

蝦鬚簾外春如許細雨霏霏織前渚一片飛花隨曉風
枝頭惟有流鶯語羅幃驚起移殘缸薰香小坐開紗窻
韶光欲去留不得道情且倒紅玉釵

寄補友弟

成行雲中雁樹上連理枝萬物各有親於人豈無之嗟
予有五弟流離向天涯故鄉我獨守數載勞憂思去秋
爾歸里相見歡復悲各爲庶下客咫尺千里違春期夏
不至引領情空馳何當填篋奏朝夕無相離

水國

水國炎塵淨柴門晚景幽殘霞收雨色返照界溪流天

大濟山房遺藁

卷七

七

迥歸禽沒林昏薄霧浮興來吟更眺一洗古今愁

菊裝以和章寄示知已解館疊韻奉慰

陸雲才大不慙機佐廨東頭識者稀淥水紅蓮人正仰
青衫皂帽客還歸深憐壯志頻彈缺却慮窮愁欲典衣
幕府卽今待書記豈容高卧掩柴扉

石塘晚歸效謝康樂體

水茲朝暮上去此斜照西杖策遵歸途越陌循前蹊山
鑿月方出嶺際雲猶迷煙嵐送明晦疇隴相高低圓荷
肯清沼早稻盈綠畦活活流泉響依依歸鳥啼境幽心
自遠意愜物可齊敷武柴扉近蕭然遂幽棲

讀書偶然作

昔余從宦遊天倫樂相尋嘯歌有逸氣周覽無俗心自
抱風樹痛伶仃悲至今依人竟屏迹遂令壯志沉蕭蕭
子山賦寂寂莊舄吟骨肉乃相薄凍餒安可在青陽候
已逝花落庭堦陰感時幾惆悵覽物情更深願茲一卷
書諷誦開煩襟

仲夏二日寄楊開少

荏苒佳節臨薰風澹蕩作池上抽新荷庭榭始發蓊乳
燕喧畫梁流螢度疎箔感時一流連離羣嘆居索念我
心中人咫尺若寥廓作客空昂藏誰與共歡譁此時倚

大鴻山房遺藁

卷七

三

南窓蒲酒自斟酌

夏日雜咏

槐陰日轉暑初蒸攤飯山齋夢不成一陣疾風催雨過
桃笙七尺晚涼生

雨餘修竹碧於苔小坐閒傾濁酒杯滿地疎陰節日影
清音時送好風來

路入平疇曲折通四圍早稻漾輕風盈盈一碧浮空際
身在波濤萬頃中

脚泥紫燕生語點地蒼苔漠漠香忽見林花半零落
紅雲萬朵捲斜陽

流水

流水石邊瀉野禽林外鳴機心吾已息何處桔槔聲

山行

杖策陟岑嶽瞻塗涉幽邃松篁各參差芰荷呈嫵媚東
澗抽碧蒲南畝擢嘉稂萬物皆向榮吾生獨憔悴天運
自循環人事豈終做感此忖我懷嘯歌且自遂

夜深

夜深人語息開庭自往復哀猿啼西林野鳥鳴東谷南
池蛙響繁北牖蛩聲異音忽同來竟然慰幽獨

獨步

獨步幽篁裏清陰覆綠苔依然三徑在不見故人來

大鴻山房遺藁

卷七

古

曉出東臯望二首

曉出東臯望園林旭景開山橋風綠柳野徑雨黃梅水
靜游魚出泥融乳燕過此間少塵迹乘興好頻來

讀罷渾無事開窓面野臯雲開山影近湖退岸痕高細
響翻茶鼎清香注酒槽山家風味在即此謝塵勞

舅氏秦厚齋先生枉顧賦呈二首

聯連道範幾冬春忽報扁舟到野濱乍喜眠餐猶昔健
還悲落拓至今貧蠹聲滿院更初轉花影當窻月半輪
骨肉談深忘暑夜憐孤感舊一傷神

憂患餘生淚易滋青衫落落任人嗤窮鱗未許歸滄海
短翼徒慚寄一枝但有妻孥愁凍餒會無故舊斷茅茨
燈前捧袂添惆悵獎藉何當副厚期

溪漲

廉纖梅雨足新綠漲溪流動地大聲轉翻空高浪浮波
平低掠燕岸濶遠眠鷗我欲從漁父滄浪一釣舟

送別厚齋先生

瓜蔓水初生蘭舟客欲行三年違色笑五日別柴荆雨
霽岸邊柳風喧林外鶯悠悠一相送無限渭陽情

雨歇

大鴻山房遺藁

卷七

七

雨歇古原霽開軒遙望通林端含薄霧雲際宿殘虹鳥
語深篁裏人行夕照中迎眸心自爽披拂到涼風

遁等覺寺歸途作

爲訪廬山客薰風十里香峯通連曲隴路轉度平梁柳
色和煙碧鐘聲帶雨涼蒼松隱蘭若彷彿見紅牆
空門談正洽去去悵離羣鳥影下清澗樵歌喧白雲
鐘巖際出蘿徑樹邊分遠見炊煙起茅檐日已曛

屏迹二首

屏迹存吾道隨時戀物華修篁新解籜小樹暗交花雨
壓蜻蜓重風牽蛺蝶斜欣欣如自得生意滿山家

尋芳過曲徑把釣坐清池荷動魚吹浪花垂鳥踏枝意
隨流水遠行共白雲遲俯仰多幽興何須世俗知

寄呈舅父素錫齋先生

江村梅熟雨霏霏遙望雲廬百里遠杖履每懷離別久
音書深愧往來稀聞知潘岳添華髮見說嚴光隱釣磯
嘯傲滄浪一竿老好將詩酒破愁圍

年年附資倚朱門四海無家忍更論未必文章如阿士
可堪宅相似陽元貧居已覺友朋少舊物惟餘書劍存
往事燕南一四首追隨何日慰離魂

記得二首

大鴻山房遺藁

卷七

七

溪水含煙碧淺桃花帶雨紅濃記得去年今日佳人此
地會逢

綠風低籠翠翼官鴉半簇香囊重來門巷依舊不見當
時玉顏

小坐

小坐柴門久松陰薄霧籠清光山吐月涼氣水生風宿
鳥枝頭繞流螢草際烘興來聊步履吟咏與誰同

坐聽二首

坐聽空階浙瀝殘推窓雨意尙闌珊濃陰淡靄饒詩意
絕勝王維畫裏看

風吹疎鐘響虛檐透體微涼旋旋添向晚長空殘霧淨
造峯一抹出林尖

無題

板橋西畔柳條條一曲澄流展碧綃寂寞溪邊人已去
惟餘芳草學裙腰

大鴻山房遺集

卷七

七

大瀉山房遺藁卷八

長沙黃湘南一吾著 淑浦譚瑤芸帆編

曝書

家門昔全盛我祖勤誥謀積書頗充棟經史兼墳邱淵
源及我父仕學光前修秘本京華購典冊官署搜清風
指卷軸捆載隨歸舟道山一旦赴萬事如雲浮縹緲半
散佚浩劫素火畱寥寥數百卷殘缺堆案頭終年飽蟬
蠹暇日一枝憐愴然感手澤何時紹箕裘

小園

小園幽更爽獨步曉涼初茂樹深藏鳥平池靜躍魚豆
大瀉山房遺藁卷八
棚和露摘瓜地帶雲鋤欲學漢陰叟忘機且自如

月下獨歸

清暉送我歸路與松陰轉蛙聲隴畔喧蟲語草根顛柴
門不見人但聞隔籬犬

煙村二首

溪風到枕眠難穩林雨沾衣酒乍醒柳色忍從愁裏見
鶯聲偏向閣中聽

煙村雨足滿嘉禾淺綠因風起嫩波忽聽鄰翁話農事
今年豐歉竟如何

野性

野性安吾拙閒情與世疎吟餘頻展卷讀罷更揮鋤
竹通仙鹿疏池種鯉魚山林經濟在隨地足相於

念修堂有懷先外舅抑齋先生

誦讀人何在惟畱昔日齋苔痕經雨綠依舊上空階
雨後江漲自長沙泛舟歸碑市經宿得句六章

曲岸風迴雲影合平沙雨過浪痕交推篷不覺斜陽暮
斷續蟬聲出柳梢

天光水影共澄虛不讓琉璃萬頃餘絕勝南徐清麗地
紅船一帶賣鱖魚

飛流逆溯勢偏難十里篙聲近瓦官遠樹參差畱翠杪

大瀉山房遺藁卷八

低峯沉沒失青巒

小泊車塘步落暉一痕新綠上苔磯江鄉晚景堪圖畫
碧柳陰中白鷺飛

磨盤灘上水聲急蘆蕭港前波影長坐惜嘉禾千隴掩
人間何處問滄桑

甲寅橋畔酒帘翻石鏹維舟暝色昏小別山齋不多日
半溪新漲繞柴門

聞陶山自都門歸

夏雨一竿絲南園綠成茵臥疴情不適况乃思故人北
遊寄齊魯八載違音塵昨聞躡春官扁舟返湘濱殷勤

見存問縷叙平生親奈茲一水隔咫尺同胡秦停雲竟
渺渺徒倚傷我神

清溪二首

清溪雨後覺晴佳十里平流鏡面指彷彿若耶人乍遇
遠山如髻樹如釵

舟行樂曲見人家指點河陽酒帳斜好是柴門煙景暮
紅霞一抹點寒鴉

南園

南園五月蝴蝶翻葵花漸少榴花繁黃梅雨過猶浙瀝
濛濛庭院朝復昏近聞陰虛作災異嘉穀芄芄就萎悴

大瀟山房遺藁

卷八

三

不有暉靈布陽威煦姬何由返生意奈何屏翳日相虐
霖霖不改陰暄氣况復積水浮溪流泛濫半沒卑溼地
吁嗟農夫情可傷縣官早晚催輸將酒漿供億奚敢後

隴西小醜方跳梁

時聞四
部蠢動

前溪

尋芳每愛到前溪碧柳陰陰碧草齊爲惜飛花過橋去
一林紅雨子規啼

讀南華經

夏木繞茅屋枝葉交扶疎眾鳥方和鳴逸韻滿階除開
我囊中酒剪我園內蔬飲罷一相和隱几陳我書流覽

內外篇勝觀濠上魚養生義有屬齊物言不虛世路多
屯蹇進退徒越越曷學蒙莊子逍遙終自如

納涼

晚來移榻坐方塘碧淨玻璃好納涼一陣香風翻翠影
藕花深處戲鴛鴦

南浦論

江流淼淼煙濛濛蘭舟蕩漾隨長風中流影動日初出
霞光貼波波更紅圓荷的的露珠碎續紛比似離人淚
漫曳羅裙還獨歸沙頭好殺鷓鴣聲

大暑日讀秋水

大瀟山房遺藁

卷八

四

時當大暑蒸羲暑清簟疎簾人正起坐久涼颺習習生
窓前一卷吟秋水

咏蟬

居高惟吸露應候自吟風孤潔傳清韻蕭然海暑中
細雨聲偏急斜陽響更頻自鳴還自己非是悅時人

苦熱行

日行在柳陽氣凝銅鉦膈生芒稜燥石流金百草死
微颺不動煩暑增空堂几席經鍛鍊兩手若炙安能憑
褫衣解帶汗如雨雖有蕉扇涼何曾僵卧起坐無一可
身在鼎鑊方上蒸夜來枕簟熱於晝營營况復多蚊蠅

將欲遺世而獨立未有兩翮難飛騰既乏青松與短壑
吾鄉又苦無層冰沉李浮瓜漱莫得狂飲河朔還未能
連月霖霏勢太甚溪流漲溢山摧崩吁嗟炎灼復若此
烈日苦雨如相乘何當清風颯沓至驅去酷吏寰宇澄
泠然爽氣慰黎庶山人亦得安寢興

暑夜過李觀光舍

山齋已黃昏暑氣尚熏灼掩卷相過從主賓且行樂園
坐向中庭解衣共盤礴大笑復高歌咳唾珠璣落明月
漸東升清光下危閣溶溶滿院浮花影殊綽約白眼望
青天招彼雲中鶴乘風歸廣寒不受炎威縛

大瀉山房遺藁

卷八

五

富貴焉可希

稚子牽我衣逍遙出荆扉林煙暮暮織夕陽閃翠微窮
巷犬忽吠野老村外歸相見且復住談笑情依依孳然
緬懷葛富貴焉可希

六月八日試新作

六月穀熟新可嘗田家處處陳酒漿山妻治具厨下忙
嬌兒稚女奉我裝杯盤羅列歡相將欲持匕箸忽不覺
今歲雷雨何太劇昨聞大水淹茶陵漂蕩戶口盈千百
長沙卑溼從古嗟幾處膏腴變川澤至今陰暄浮寒碧
簾浦如繩鳴向夕盛夏翻覺景蕭摵我欲驅去屏翳見

義和廣照四海登嘉禾蒸民乃粒無偏頗但使閭閻鼓
腹皆歡樂吾身未必餓死填溝壑

菴陸

菴陸長晝苦難勝入夜猶嫌暑氣蒸坐久微涼生小院
碧天如水月初升

寄呈臨武學博世文黃齋先生

隱德推王湛雄才繼鄭虔作人沾化雨愛客坐寒毡自
別光儀久近聞道履堅鎮堂勤著述日久展韋編易公著
竟作依劉客登樓自賦詩箕裘懷舊業骨肉寄遙思失
學嗟何及爭名感易滋終期借風浪不負少文知

大瀉山房遺藁

卷八

六

薄暮

薄暮滴殘雨蕭蕭風滿堂蟬聲出高樹鳥影度迴塘藕
斷銀絲細瓜調玉液涼興來還獨酌煩暑坐中忘

俯仰

睡起倚南窗日午槐陰轉讀罷開柴關道遠縱遊眎嘉
禾萎平疇黓黓黃雲卷薜荔縈綠林荷英冒清淺愛此
長松林好風送餘香跌坐忘歸來夕陽下西巘暑氣悠
然消迥爾塵慮遣平生邱壑心俯仰自舒展

宿大目寺

言就禪房宿高樓切太清開窓延月色拂枕到溪聲夜

靜妙香滿山空虛籟生夢回發深省不待曉鐘鳴

大日寺樓中對月

危樓卧雲霄夜氣浮禪院須臾明月升清光四山徧簾
幕影玲瓏虛空眾妙現豁然情本來心明性自見

雨過

雨過空山暑氣微夢回亭午出柴扉千章夏木黃鸝啼
一帶江田白鷺飛靜裏涼颺生草閣聞中清興付苔磯
隔溪坐聽疎鐘響滿地蛙聲送落暉

夏秋遊大日寺

盛夏蒸赫曦兀坐身如熾薄暮隨步來乘輿至初地境
大日山房遺藁卷八

七

幽謝器塵樓高受涼吹入夜聞靜香禪牀且假寐清
禮石龕金爐結煙穗四壁輝丹青莊嚴布金寺移時振
法鼓噌吰蕙勝事梵唄聲悠揚悟我三生意坐使煩暑
消天風泠然至豈知清淨場翻多是非累寄語空門人
勉哉息諸偽時寺有訟事

過等覺寺訪映雲上人不值

骨暑叩空門來聽碧雲語不違說法人滿院飛花雨

贈慧日映雲弟子

妙年慧業自前生乍接清談暑氣清好向菩提參等覺
宗風莫止擅詩名

六月二十二日交秋作

炎曦正苦夢難成忽聽梧桐落葉聲小院乍驚涼氣至
幽人漸覺葛衣輕風飄菡萏隨波冷雨洗菰蘆映水明
坐對滄江適吟興蕭寥莫漫動秋情

觀田家刈稻

秋氣潛交溽暑天閒看農事度南阡腰鎌人在黃雲裏
打稻聲傳白社前早卜熙朝無歉歲從知勝地有康
年羨他百室豐盈樂賣賦何由買薄田

新秋

暑退清商至從茲景物遷蛩聲低繞砌雁影遠連天綠
未過山房遺藁卷八

八

雨迷江柳香風落沼蓮有懷同杜老秋興已成篇

祝融隨節遊二首

祝融隨節遊暮收應秋朔商飈掃酷暑白日生微涼寒
氣白露下清輝明月揚朱華倏欲落綠草萋欲黃鴻雁
號中野蟋蟀吟曲房撫時意難適感物情彌長願言歌
九辨搖落行自傷

有聲自西南浙瀝復蕭肅尔薄庭中梧徐敲窓外竹往
來如有情殷勤吹茅屋屋中有高人抱影守孤獨如彼
漢宮扇棄捐忽隱伏感此秋風涼俯仰日煩蹙

七夕

攬罷金梭淚眼迷銀河又見鵲橋齊休嗟薄命多離別
已勝蟾宮后羿妻

玉珮金裙渡絳河歡情莫問夜如何人間暮暮朝朝會
爭似仙期萬古多

長日

長日無塵役書窓道味深窺幽雙雀下破寂亂蟬吟
杳杳同調悠悠惜寸陰山中秋意早爽氣滿園林

送友人之辰州

霄暮發清香探書指酉陽危灘衝石急峻嶺入雲長地
扼桃源險風生意艾香舊遊回首在夢裏逐征航

太鴻山房遺集卷八

九

喜狀雲上人見過

憶昨松門尋勝緣別來魂夢相縈牽花深院靜月初上
燭暗堂空人未眠野神多情赴舊約良宵雅集忘炎天
悠然並坐味禪旨結社何當追白蓮

假石山

刷得雲根秀幾拳庭前位置本天然堆青乍訝峯巒起
鑿翠還疑洞壑連勢可凌空纔拔地遊難躡足怡齊肩
憑欄早愜登臨意醉後摩挲興欲顛
非同培塿自鍾靈秀聳奇峯似起丁積蘚如皺浪隱約
含風有窳影瓏玲功殊一簣偏施巧地擬三山儼肖形

幾縷茶煙簾外裊渾疑出岫暮雲青

初秋塘上納涼

何處納涼好池塘孤坐餘斷虹含雨暗斜日入林疎
眼色生青嶂香風散綠渠乍驚秋意至搖落此爲初

索處

索處經時斷往返蕭蕭夜色滿柴關卧聞落葉驚秋早
坐對殘燈覺夢悵書劍可憐拋歲月庭幃猶是隔雲岵
伶娉長作依人客百感中宵淚自潛

秋夜曲

一夕梧桐落金井圓穹驟下秋光冷中庭影動月初明

太鴻山房遺集卷八

十

寂寂蘭閨銀漏永佳人獨宿怯衾單忽憶邊關人更寒
却出簾櫳理砧杵搗罷征衣淚如雨

湘中一首贈蘭坡

湘中才調屬夫君夢裏先驚手有文洛水書碑王大合
蕪城作賦鮑參軍猖狂淚豈窮途灑特達名當壯歲聞
日日相從詩酒地佇看躡籥上青雲

蘭雪書屋二首

久欣地主有臯通部署新來十笏中几榻塵清分左右
圖書字古列西東爐熏鵲尾輕煙裊硯滴蟾蜍宿墨融
絕勝梁鴻居廡下蘭香雪白許誰同

悠然仙境似方諸習靜參幽獨坐餘鳥送清音風入牖
花移淡影月臨除忘情自續潛夫論得意頻摹內史書
莫笑山居遺世事紅塵役役定何如

黑甜

北牖風來涼滌暑黑甜鄉裏酣如許夢回枕簟畫何長
蟬聲滿院無人語

與家獻甫弟集清陰書屋

薄暮坐西堂暫此慰幽獨微風動碧梧涼雨滴修竹

七月既望薄暮泛舟赴郡城

江村向暮暑全收習習輕風放小舟斷續蟬聲吟夕照

太滄山房遺葉

卷八

七

滿林黃葉入新秋

水光露氣接天浮一片空明夜色幽可似東坡遊赤壁

清風明月兩悠悠

過葆光堂故居

此是先人宅經過欲斷魂可憐新綠篠猶傍舊朱門
闕家聲墜詩書世澤存見時嬉戲處堂構忍重論

中秋

酒滿芳尊入夜傳招邀佳節劇堪憐簾櫳風起秋纔半
池館燈殘月正圓好景當前容易過閒愁壓枕苦難眠
庭幃萬里同今夕綺席斑衣憶往年

送蘭坡同伊中丞之豫章

載筆洪都去真隨檠戟行瀟湘秋水至彭蠡暮潮生碧
樹繁江閣青山對郡城風流高幕府到處獨詩情

送友人之渠陽幕

險絕渠陽路真如蜀道難春舟高浪湧繞郭亂峯攢野
俗傳檠瓠苗疆入漢官勝遊君且去冰署好盤桓

九日二首首律次少陵登臺韻

寂寞蕭辰祇自哀登高欲去且遲回空山落葉猿聲急
極浦寒雲雁陣來未免幽憂成楚客徒勞遠夢憶燕臺
重陽五度長爲客愁對黃花酒一杯

太滄山房遺葉

卷八

七

獨坐荒齋感暮秋佳人強起一登樓清狂未厭風吹帽
爛漫須教菊滿頭萬里關山飛海燕百年身世等沙鷗
興來不惜深杯飲醉把茱萸散客愁

和徐明府八老絕句有序

王子安有言老當益壯苟雄心之不墜詎乏亨
途或妙悟之獨參豈無勝境特拈新句以矯前
章六合茫茫千秋杳杳有歎桑榆之晚景者尙
當被涕而爲笑矣

田廬况味得來真策杖何愁白髮新婦子嘻嘻人世樂
陶潛原是葛天民老農

風塵牢落歲華催博得腰纏十萬圓檢點鄉音猶未改
兒童休問客何來老商

一曲吳綾席上收此生生活已無憂好從榮子娛華髮
莫向雍門泣白頭老伶

繁來過客悲楊柳銷盡春風怨蕙蘭面壁若能參究竟
不教涕淚溼闌干老妓

十年梵宇鬢毛斑明鏡昔提悟等閒會得塵埃無處染
清風鎮日繞仙山老僧

負劍囊琴感舊因白頭戀戀共艱辛憐他別有殷勤意
肯把心肝奉主人老僕

老滄州房遺業

卷八

七

漫將日暮怨途窮雙鍊還如昔日雄委任但能同魏尚

猶堪一戰守雲中老将

兀兀長年舌代耕便腹筒笑先生青雲皓首無多路
爲報龍頭屬老成老儒

與李觀光秋夜泛舟紀事

茫茫新浦放孤舟逸志關關水上鷗供奉文章清類月
陽冰氣爽如秋買山難覓千鍾粟面壁姑懸百結裘
迢遞江湖同寄迹人間何處是瀛洲

月夜

夜月明如水天階寶鏡懸疎籬光欲透小扇影難捐

夢迷蝴蝶秋風悵杜鵑銀蟾如可掬羽化便登仙

望嶽麓

嶽麓秋深日扁舟客去初神碑千古在老樹六朝餘欲
問孤臣館誰尋君子居自來憑弔意遠望更踟躕

卧病

卧病經時閉戶深清秋同春始登臨一村黃葉爭春色
十里紅樓響急砧酒濁難消愁弔恨菊香易惹別離心
年來舊雨無書札索處聊爲蟋蟀吟

一片

一片楓林策杖來斜陽照處鋪成堆不知昨夜灑霜下

大滄州房遺業

卷八

西

道是春花二月開

喜天池相軒二弟自都門至仍送其北上

寂寞憐予病流離喜汝歸年華驚迅速笑貌辨依稀旅
邸甯長缺征途澆素衣尊前談舊事南北淚頻揮

幾日成良會臨歧意惘然葉飛湘浦樹人上洞庭船好
竭慈幃養休教舊業捐金臺魚雁至莫惜尺書傳

雪

朔風來何急漫空六出飄白尤生屋角皓氣壓山腰撲
雨凍初合添衣寒未消橋亭看舞態悵望鎮無聊

映雲上人以詞見懷賦寄

映雲上人以詞見懷賦寄

有客傳遙訊懷予寄短歌清言如面接白社幾時過
出
色雪中老梅花香更多禪關足佳趣吟望定如何

夜坐呈長原兄

寒夜沉沉下簾幕疾風冷雨燈花落弟兄促膝方深談
刺刺不休情緒惡如君毀齒觀羣書揮毫落紙神鬼沮
學富文高尙轆軻身無長物家無儲高堂團聚信堪樂
舌耕心織空嘉魚伶仃我更甚慈幃隔千里行者嗟
離
居者少生理捉衿袖履一週首曾是清貧太守子却
思宋家郊與邴斷齋煮飯無幾時又思蘇家賦與職一
朝制舉聲名埒丈夫立身貴自厲眼前飄零不足計與
大灣山房遺藁卷八
君拔劍歌莫哀美酒十千且盡醉

卷八

圭

星沙冬夜與諸弟夜話時北行有待僑居客舍
一從判袂分南北兩地飄零迺轉逢笑語每親魂夢裏
盤飧重聚客樓中高堂回首情方切舊事關心恨未窮
挑盡寒燈忘夜永爲憐此會太匆匆

送銛門兄之岳州

客行當歲暮雨雪獨揚舸水落連湘浦天低入洞庭焚
香依庾幕作賦弔湘靈好向危樓望風光昔共經

自郡城歸見李時純札并近作一帙賦寄

客遊歲云暮歸來情不舒案頭見君札開緘思有餘

意契蘭芷妙句諧瓊瑤何當惠然至談詩慰離居

久不見文栗齋先生寄呈

星沙一別繫離思數載園林病起遲未許簪纓妨老景
直將詩酒答清時頻開講席蘇湖繼獨抱遺經子弟知
何日侯芭重問字草元亭畔快追隨

對雪二首

入臘初無雪繽紛灑昨宵凌晨飛更急盡日積難消
乍
覺梅花落渾疑柳絮飄柴門無客至乘興向誰邀
漫效袁安卧蕭條壯志非微添寒浙浙更帶雨霏霏楚
澤春將到燕臺信轉稀還憐諸弟在咫尺尙睽違

大灣山房遺藁卷八

圭

廿四日交春作

六度辛盤會風光斲水春誰憐憔悴意猶是寄離人

四憶詩甲辰除夕作

一別慈闈歲月深今宵倍感望雲心遙憐白髮應殊舊
笑語難憑夢裏尋

憶老母

薄宦風塵少定踪燕雲越樹路千重清貧依舊如南阮
合向殘年憶仲容

憶諸叔

數載鶴原別恨賒歸來燕市已無家傷心旅邸憑誰問
兄弟淒涼度歲華

憶諸弟

燈前獨坐感離羣千里會無一字聞交誼豈因窮達異

何時尊酒細論文憶諸友

元日

漏轉千門曉天開萬象春韶光隨雨潤客思與時新簪
組聲難振庭幃夢覺真梁鴻徒寄廡王粲竟依人落拓
猶多病艱辛祗耐貧妻孥容我做詩酒使情親漸覺華
年逝終期壯志伸椒盤欣自頌相賞及芳辰

擬古歌三首

江上雪滿林隈丹楓自落梅白開

冷香凝清漏歇開簾無心見明月

寄呈寶門先生

大滄山房遺藁

卷八

七

誰似歸田太史才勞箋調墨日勞哉等閒尺幅人珍重
會有高麗使者來

首夏述懷代東僕齋若漁吹亭荻漁諸子

旅邸三春盡鄉思萬里深北堂憂未釋南阮恨難禁共
灑窮途淚誰憐遠客心登樓還作賦鼓瑟少知音浮世
惟看劍名流台鑄金一鳴愧凡骨何處託瑤林樹擁吳
山翠雲連楚岫陰雙魚逢驛使遙寄靳江潯

呈上齋叔父

一別慈顏歲月遲西泠重聚暮春時尊前嘯傲情猶在
夢裏悲歌感易滋往事升沉渾莫挽他年窮達總難離

深飲日久遠相慰努力終當慰素期

呈玉環任司馬二首

望高仕籍學兼優海國備聲別駕留異政早能見馴雉
名區從此起驂騑生成氣骨介於石鍊就心肝清似秋
指日當途共推轂黃堂紫綬拜諸侯

飄零琴劍為貧馳白眼茫茫少舊知鼓瑟徒工非世好
懷書欲滅任人嗤丈夫意氣江河決塵海功名富貴遲
喜遇順風吹倦翮此生準擬託高枝

大滄山房遺藁

卷八

六

大瀉山房外集卷九

鄧南坡枝麟之燕草詩序

詩以言志者也。以窮愁而工，亦以行役而工。古大家如杜工部、韓昌黎、集中強半，皆行役之作。豈不以山川雲物，憑弔因之，而旅況之寂寥、鄉思之膠轉，有振觸而不能自己者哉？吾楚距都門三千里，而遙其間舟車所經，若岳陽之洞庭、襄陽之峴首、光武諸葛之故里、封人子產之遺鄉，以及大梁歌舞之邦、邯鄲豪俠之地，各區勝蹟，未可備指數。余丁酉冬亦有燕臺歸草一集，僅以寫其中心之振觸，其於山川雲物固未能增色於萬一也。

大瀉山房外集卷九

南坡於余為內表兄弟，積學好吟，余自少從宦，耳其名者久。昨歸，既得謀面，唱和無暇日。爰讀所著之燕草，其聲和以雅，其格古以遒，如絃在桐，調之而愈永，如金在冶，鍊之而彌堅。發舒胸臆，北征之遺則也。流覽形勝，南山之餘韻也。駸駸乎造韓杜之堂，而磨其裁，視余所作不啻泰山邱垤、河海行潦之相懸也。故樂為序之一。吾黃湘南拜譔。

次黃石櫓見贈原韻

湘潭釋本照 竹軒

肥遯經年一念癡，偶從塵外訂相知。憐君驥子成名早，愧我屠兒作佛遲。泉石無聊供茗飲，煙霞有癖老詩思。

碧嶺未了三生願，同向深林借一枝。

石櫓將之金陵寫懷贈別

釋本照

茫茫四海欲何之，意態蒼涼攬轡時。命不由人窮有鬼，才難作主拙堪師。牢愁且付千鐘酒，感慨都歸一卷詩。破浪平生矢忠信，莫言前路少相知。

秋山晚眺寄懷石櫓客中

釋本照

沈寥天氣動悲風，獨倚危樓悵望中。煙戶一村流水碧，晚山無數夕陽紅。人於楚澤思香草，詩憶吳江寫落楓。自嘆行踪羈縻甚，遙天萬里羨征鴻。

遊嶽麓作寄石櫓

調永遇樂 釋本照

大瀉山房外集卷九

秀潔孤峯瀑花吹，雨衲衣都潤。怪石疑傾懸崖欲墮，日午鐘初應。草帶龍腥，藤蟠鳥跡，寂歷空山人靜。輕裝白雲扶杖，一望瀟湘如鏡。宋杜詞源朱張壇坫，入谷書聲猶韻。茂苑豐碑遊人到此，歷覽前朝盡泛夜漁歌。隨風梵響長帶江山遺恨，問誰是謫仙塵世五雲應近。與石櫓話舊感懷 調滿江紅 釋本照

落落窮途嘆吾輩，青春能樂自古移。山填海英雄都已，勘破黃梁蕉葉下，打開白業蒲團裏。且歌眠一枕晚雲，天神仙里。塵寰內年光駛，松林上煙霞起。任今來古往，別離悲喜，茗戰千杯膏目放。詩吟七字蓬心啟，勸諸

君走馬向長安休遲矣

新江書屋有懷石櫓

調陽臺夢

釋本照

流光屈指今餘幾昏昏頭白殘燈裏紙窓風裂乍孤眠

聽蕉樓更起 蕉陰題字處曾記曲欄同倚關山今夜

月華明可惜人千里

夢石櫓

長相思

釋本照

陣風輕嫩涼生脈脈清宵睡不成階前蟋蟀聲 思知

音慕知音水遠山遙無限程夢來何處尋

哭黃石櫓

釋本照

繡紵相投憶昔年夜臺無路到君前白雲望斷天涯遠

大瀟山房外集

卷九

三

泣向荒郊化紙錢

未奠靈牀意暗嗟慧人生死等空花酬君一卷蓮經力

此去重生長者家

辛酉暮春重過新江書屋吊賓門太史及石櫓茂

才

釋本照

憶別潭門已十霜重來此地意堪傷驚看里閉居人改

更吊風騷故友山座上杳無新畢迹壁間猶有舊詩香

思量往事今如昨零落浮生兩鬢蒼

煙外樓臺郭外亭昔年曾此聽遷鶯春風楊柳剛三月

流水桃花便一生前輩儀型原 人夢故人踪跡最關情

黃墟不盡滄桑感休待山陽笛裏聲

丙午都門聞黃一吾客歿杭州詩以哭之

善化唐仲冕 附山

天上玉樓成必召奇才為作記何如弗合來塵凡免使

倉皇中道棄黃子才如李昌谷苦探矣囊便腹筇憶昔

聯牀論文史如子海內不三四尊甫方守北門鎗賢昆

並躍千里驥詎知人事驟變更坐令久戢摩天翅一自

別薊門十載如夢寐前年買榜歸湖湘更驚著作淮南

字方期爾我尙年少良會他時好相值念念飢驅走燕

齊落落行踪倍顛顛時從風雨撫幽琴天際真人若可

大瀟山房外集

卷九

四

跋偶逢舊銀鹿輒問近所事云子遊餘杭委頓飢下利

阿嬾窻前候炊黍大阮牀頭費藥餌呀嗟玉折蘭委地

我乍聞之心悲悻如此人曾不四十豈真造物小兒忌

况喪其足如遺土尊足者存今安寄孤山梅平湖菱三

休亭五雲寺魂兮往來自與香山昭諫和靖端明共遊

戲知子氣若錢塘潮愁我情深雍門淚世路幾人能知

心終古無緣重把臂呀嗟黃子今已矣何年歸櫬瀉山

碑何年酌墓炙鷄瀆急語親故檢遺藁莫使姤才投瀾

厠

壬子郡城晤一吾兩郎感步前韻 唐仲冕

吾生總角交存否常暗記猶聞鄰笛思安忍倚履棄二
吾風雅更吾師問絹銘闕誇經笥中年賈志江海邊聞
而哭之凡數四昨與諸舅接笑言得見二子人中驥相
逢破涕亦傷懷轉憶征鴻同鼓翅十五年前燕都遊連
朝達暮不遑寐一日和成百篇詩一夕題殘四壁字旁
觀嘆息何專迂那知一別不再值明年忽得粵東羅蒙
道中書颯縷道妙神不悴江月茫茫付西風芙蓉影裏
人翹跂置書懷袖多歲月偶然檢點追往事人與琴俱
亡我亦風不利每從趙北思倚橋誰共津門看投餌音
徽未沒存遺篇酒斟拔劍歌斫地紙墨漸模糊覽誦難

大瀉山房外集

卷九

五

愁悻急錄詩詞供座間悲哦不顧時俗忌二子頭角何
崢嶸公才公望於焉寄讓美自遜張邵梨亢宗須薦屈
到芟刻暑課讀傍蕭寺大者疑然小不戲况復封胡羯
末萃一門談深喜動翻揜淚身後有知復何憂任付蟲
肝與鼠臂往時傳聞今得實旅櫬早從先兆碑愧余腹
痛劍未懸蓋山鯉沉泉浸漬却信芝英蘭芽自有根豈
如風花上下亂落膺與厠

題一吾大瀉山房遺草卽付其長君花耘世講

唐仲冕

一吾三十効於越我會腹痛感倉卒半生精力爲文章

身後聲名定笑兀經今又閱十五年夢中追尋疑恍惚
其子本騏湖湘來手捧遺草相迎謁由來卷帙知等身
尙留筆迹細如髮風前展讀揮汎瀾何當檢枝付劖劖
本騏自言七歲孤今雖成立勞措措有弟本騏頗通敏
但憂貧乏難奮發母氏苦節兼嚴慈營葬課讀彌歲月
我聞欬噓輒欣然有妻有子爲不歿日吾與君總角交
聯牀意氣何蓬勃君乃遽作修文郎我亦情同廝養卒
卷中懷我車輪轉句裏傷君霜蹄蹶掛劍常思結納深
撫琴倍惜音响歇爲語本騏歸侍母崢嶸莫忘舊風骨
我忝執友雖不文他日題君墓門碣

大瀉山房外集

卷九

六

書札

與黃一吾書

唐仲冕

仲冕謹白一吾足下歸夢悠揚生涯濩落每憶蒹庭聚
首射覆指題後此聯句燕南慘孤趙北風朝雨夕無不
促席對牀當時亦謂適然迄今乃嘆爲不可多得之佳
會也天涯比鄰豈必鎮時岑寂所難者不在聚合在吾
輩之聚合耳南旋後續奉一書當已照入生事經營想
能拊搗帖妥吾弟孝友性成當此盤錯糾紛必有以處
之裕如者彼蒼之於殊尤多所摧折往往如此冕非故
爲慰藉乘便示我爲祝河山數千里雲樹幾萬重囊中

定多珠玉莫惜鯉魚一雙何如梟桃梗自浮鴻爪莫定
客夏至易州尉署權作寄籬旋聞家園苦旱家君遊瀾
所如不合魂神爲之飛越者幾一載矣此刻僕人明棟
既死獨坐空齋惟餘書籍未賣自叱咤童蒙而外吞苦
茗覷孤檠念我同心搔首延竚正未卜旅愁何日釋也
二月十五日仲冕頓首

答黃一吾書

唐仲冕

一函兩札讀之竟日不肯釋手其述情況如聞風雨蒼
涼其叙遊歷有太史公陳同甫之奇氣至其論文章溯
學問源流品古今名家作者優劣則如理繭絲躡崑崙

大鴻山房外集卷九

七

岷山登閩風而縹馬又如捕長蛇跨生馬而五雁六燕
也別僅逾年所造就視如愚者不且有上下牀之別耶
古人非窮愁不能著書以自見愚嘗謂屈宋之後必有
作者非足下其誰望寄來詩詞俱極清麗惜所云數百
首未窺全豹然已見一斑矣承獎進多端洵可著蔡愚
亦曾有塗抹癖因問之前賢云斯事所以發揮胸臆非
有所不得已於中醜縷爲之猶嚼蠟也且畢生精華止
有此數精神所未周率口而出猶之牽絲傀儡剪綵鼠
姑非不耀人目前究何益乎愚故自發憤焚前作後筆
墨不敢輕下卽有一二亦猶是不足比數又凜三緘之

訓勉自悶抑且更號爲一默本魯直萬言萬當不如一
默語也又志切鷄豚漫思捧檄不得不從事科舉今古
異宜烏能一身而二任哉詩古文詞姑且置之高閣矣
若一二年後所求必不可獲將廢然而返名山之業非
所望冀得步後塵焉耳寸衷綿逸書不能盡道阻且長
何悵如之伯母到都會一請安惟望足下秋捷計偕得
傾積愆想貢闈間當更許我兩人捉臂也僕僑託枳棘
兩年所矣局促不可以終日脫身京邸苦齧齧鹽食乃
士之常亦復何所悽惻乎所耿耿於懷者平日談心講
學之人遠在天涯而考道著書千古不朽之業漫付虛

大鴻山房外集卷九

八

批耳足下其謂我何三月二十四日陶山唐仲冕自都
中西河沼一默書屋頓復

復黃一吾

長汝鄧枝麟翰伯

年將大衍鬚髮星星同庚多有含飴以弄者如君年牛
於僕早得雙珠長者已及齠髻幼者亦解讓棗梨矣僕
始夢符脫虜何遲速之壤隔也數年來少暢意事賴有
此聊以博老母驩心我弟勤我有素爲之揚衡拍掌銘
以雕瓊鏤玉之章與長公祝詞天麒麟同一佳奴榮幸
何極何當重儀載錫直合感謝交并設湯餅日親串知
交滿堂滿室獨紅雪詞人不得與爲之悵念侯國公抵

省當重則饒饒小宴請試啼聲也

二

鄧枝麟

接手教以僕不喜蒙莊之文為嗜好異於眾嗟夫嗜好之難言也以為異則誠異矣然僕亦有說蒙莊筆意奇奧自成一家亦千古不朽之作然惟逍遙遊可以刪讀自齊物論以下句法字眼未免太好奇太雕琢茫然不知所謂且僕最不耐見者誠堯舜則比之於盜賊毀孔子則以為苦於桎梏全篇中不可枚舉何好奇至此耶昔人不喜孟子王充作刺孟馮休著刪孟司馬公作疑孟李白作非孟晁以道作詆孟黃次及作評孟孟子一

大瀟山房外集

卷九

九

書可繼聖經而不喜者若是之多即如東坡不喜史記蘇明允不喜揚子歐陽公不喜杜詩而杜子美又不喜陶詩昔人豈無所見而出此則僕之不喜莊亦似無足為異者僕少時曾欲作詆莊書未成而自毀之蓋有鑒於高續古之作繁露詰或議其該洽有餘而輕薄太過也若必強僕與君同好如飲食然酸醎辛辣人各有所喜不能強為同也承惠之燕草序未免阿其所好他日或藉此一朵能行白牡丹之句不寂寞於善和坊裏幸甚枝麟頓白

附錄海粟詩話三則

善化等覺寺有僧名本照號映雲能詩與余舅父劉賓門公元熙友善己亥初夏賓門公邀余與黃一吾過訪留連信宿互相唱酬構思甚敏記問頗富在釋子輩亦可謂鐵中錚錚庸中矯矯者

辛丑冬日與黃一吾同舟過洞庭南嘴湖余望中偶得句云山趨南嘴盡一吾以為此景逼真不同湊泊極為稱賞因對云水接洞庭寬二語真切當有聲色乃就此聯各成一律余詩云輕舸泛澄碧蒼菴生暮寒山趨南嘴盡水接洞庭寬傍渚漁歌歇排雲雁陣殘湖心一棹泊非覺客情難一吾云午發沅江縣微風一棹安山趨

大瀟山房外集

卷九

十

南嘴盡水接洞庭寬極浦澹空翠芳洲生暮寒蕭條鷺歲晚天外雁聲殘

五溪蠻種史傳及諸家皆云高辛女配槃瓠三年生六男六女遂蕃衍於楚辛女遂化石去亦何厚誣古人耶以帝王之女而下嫁於一犬即謂高辛之合不可不行亦何難達權而以賤隸代之上古風教未開不應全無人理至此余與一吾皆以為不然各賦辛女崖一絕為雪沉窈余云指點砢砢是化軀如何浪說嫁槃瓠貞心萬古臨江水却異山頭日望夫一吾云臨江斗絕一崖孤霧鬢風鬟變化殊自是仙姬厭塵世時人漫說嫁槃

蘇賦罷一吾戲謂余云辛女有知當必有以酬吾輩於
數千載下如巫山神女之見夢於獨孤及也連日順風
揚帆難行無恙余日得母辛女之賜耶相與笑粲者久
之

鄧湘泉 顯鶴資江耆舊序云黃湖南字一吾號石櫓甯
鄉諸生卒年二十九著有大滄山房詩集紅雪詞集石
櫓先生為吾友虎癡學博本驥之父幼隨其父靜齋大
守公官天津才名播南北年未壯客死浙之玉環廳遺
詩三千餘首詞三百餘首可謂富矣甯鄉黃氏代有聞
人幾於人人有集而先生抱才早隕未見其止尤為可
大滄山房外集 卷九 十一

惋云

附錄秦恭人雲驥山莊遺草十首 傳附

原題云隨宦十載追憶平昔甘苦備經悲懼異轍
感遇言懷成七律十章

鏡裏華年一夢看興懷往事半艱難早從護閣悲無特
日倚霜閣淚不乾自注九歲失恃白馬灘喧秋轉劇自注家莊
碧梧軒靜夜逾寒自注軒為母寢室繡餘無限思親意愁對鏡
缸照影單

陽帖遙看萬里槎瓊林早歲託葳蕤自注時父赴選
未爛內則親供饌且學西陵事續麻願復全依姑作母

叮嚀先誠婦宜家蛾眉不門深閨月對視還慚舊鹿車
適庭女誠授繡帷早詠風人淑慎詩自謁廟中成禮後
敢忘閨內食貧時釵荆裙布期無忝壁樹瓊枝相有儀
舉案從茲盟白首雞鳴交警未知疲

笑鷹欣從津沼開筆花吹豔到妝臺聲華早擅屠龍技
詞賦還推倚馬才芸閣香凝千卷笥繡帷春泛百花杯
瑟琴在御懷音好時見雙飛乳燕來
弱冠青錢選在公自注夫年二十天邊捧檄盼飛鴻文
章已許徐劉敵政事應爭卓魯雄封鮭懷思燕塞北憑
魚問訊楚江東夢尋遊子牽衣日帆出瀟湘一葉風

大滄山房外集 卷九 十一

夫迎姑就養 余奉以來

正值萊衣春色鮮葭花頓委滄河邊自注姑及啼鵲血
濱湘江水化鶴魂招荊樹煙鐘鼎椎牛徒祭墓衰麻策
蹇趁歸轡自傷薄命惟予最不及重泉奉二天自注姑

粵嶠燕臺兩地歸欣然重得侍庭幃自注隨夫扶姑
亦以病正愁簿領催垂自得向邱園見息機松菊徑荒
棲繡鶴關河驛報泣麻衣自注中途墓門載酒悲風木
悵望寒雲隴上飛

旅服重經九月霜驪歌復唱別山莊自注丁酉服旗亭

垂柳當年憶官道黃花幾度香故國秋深歌陽晴寒江

歲暮泊征航江注男在皖孫枝連理含飴弄遙望邱原

黯自傷恨汝姑不及見也因泣下

大陸驂停定子琴開軒時聽泛清音訟庭羅雀談秋水

冰暑焚香沁素心宦况偶閒兼課子自注夫子應補筆

理俸錢雖薄免售簪時時到江南雁安不忘危守乃

箴自注男自江左

花滿瀟州赤縣春自注河南羽書絡繹屬通津自注癸

文調民生國計資長策馬足車塵寄此身自注邑當孔

安聚散頻年人易老往來千里夢難真故園未卜重歸

大瀟山房外集

日好最清操贊蓋臣

卷九

三

秦茶人諱邦淑甯鄉人乾隆丁卯舉人廣東龍門縣

知縣抑之安鑄女癸酉拔貢直隸天津府知府靜齋

立隆室而一吾先生母也黃氏家傳云茶人性閒靜

女工針繡之餘嗜古諸名媛詩傳及笄後職婦禮屏

紛華事尊章以敬處妯娌以睦晨昏佐讀之下嘗願

靜齋公曰丈夫不窮則不達貧乏不足繫懷但期勿

負歲月貽父母憂居恆喜拈句雅不多作亦輒煨

不欲外人見以巾幗非所重於吟哦也靜齋公催科

撫字之外賴以助理閭內剗然不素沒後公檢校針

筭忽見長律十章自述生平所歷之境遂刻雲驥山

莊拾遺詩草一卷行世一時名公卿皆有題詠至數

百首湖南女士詩鈔稱其沉鬱悲涼音節自古非虛

語也茲編大瀟山房遺藁為附錄之以見黃氏一門

風流儒雅淵源有自云爾淑浦後學謹識

諸城王香杜先生跋云石櫓先生清才不壽予既叙

其遺集矣寧鄉之黃故巨族先世並以甲科官守令

石櫓清白吏子無餘財又早孤繼母章佳氏復豪侈

祖業為盡督石櫓甚嚴厲也然石櫓勞而不怨生平

所為之詩多陟岵之什知者以為難幼病足不良于

大瀟山房外集

行既補博士弟子員益攻苦為制舉業屢薦不售乃

卷九

古

以慕游竟客死死年二十九妻劉孺人名光綺湘潭

世家一門四內翰故孺人知書明大義持家政井井

斬斬石櫓以是無內顧憂既寡子二本驥本驥並幼

稚又無期功強近之親足可匍救孺人鬻釵珥選幹

僕越湘海歸樞數千里外本驥涕泣為言石櫓公

所卒曰玉環應在大海之中公死寄柩蕭寺棺薄易

腐使俟孤子成立然後往迎則無可迎矣言訖悲哀

者久之方柩之歸孺人痛其棺之薄而賤也又不可

更易乃市良材為外棺而葬焉兩子先後舉孝廉為

知名士間以貧就幕大吏莫不欽其才而重其爲人
生平未嘗有外師蓋皆石櫓先生潛德之光之所發
而孺人之所督教也孺人既知書一門男婦盡嫻風
雅斌斌文耀聲冠南楚本驥暨其叔弟本齡先後出
予門以通家之誼每至輒謁孺人於其室詩書棗栗
並爲門生瀕行又主於其家月餘故知其世爲最詳
因彙記詳著以爲雅話蓋孺人不多爲詩而斷篇零
句輒有風致虎癡嘗爲予誦其絕句云梅花冰雪憶
同居一樣清標命不如冰雪化爲流水去梅花獨向
橫頭舒蓋孺人母家李劉兩舅母及裴氏姨母皆以

大鴻山房外集

卷九

五

寡李裴先卒劉以年例得旌孺人於其旌日口占致
賀之作也予嘗贈虎癡繼婦陳香雪六絕中有句云
不須更立程門雪家有宣文舊講堂蓋謂此也本驥
字伯良別字花耘嘉慶戊辰孝廉以大挑得城步學
博年未五十而卒予嘗爲序其三十六灣草廬集其
詩專主聲調出入有明七子間爲人倜儻負才氣言
論侃侃無所屈讓而本驥淳樸質直不知人世有詐
僞之情性寡交游而友益眾好鳩集漢唐以來金石
文字所存不下數十百種多人間所未見著作稱富
有兩人皆有專集已刊行故不復採本驥字仲良虎

癡其別字也夢虎而生故以爲字嘉慶戊辰副榜道
光辛巳舉人予所取士也凡三娶婦前謝繼翁並淑
慧謝於文史之餘兼工度曲而花耘前配卽劉孺人
之姪亦賢而才孺人嘗爲予言花朝月夕烹酒滄茗
聽兩婦彈琴擷笛南面王不易此樂也而琴則花耘
長女葆儀爲尤工虎癡第三娶婦香雪夫人姓陳氏
系詳予所爲小傳蝶仙其名也善篆籀虎癡又多蓄
金石嘗自教之而性又最慧不數月而工長沙千里
幾於家有其書故香雪夫人之名尤著香雪者梅仙
自名所居之閣而人因而夫人之也歸虎癡不數年

大鴻山房外集

卷九

六

而卒卒年三十有三生平不多爲詩既卒虎癡搜其
遺篋得數十篇梓而行之曰梅影集而以予所爲小
傳與新化鄧湘皋顯鶴所爲墓志銘冠焉時程春海
學使恩澤方以文學主驥壇爲手書誌銘刊諸石亦
奇遇也花耘無子以虎癡子迪爲子然有兩女長葆
儀名婉瑤慧而好學有父風英偉之氣時見眉宇幼
工詩詞尤清麗而琴最著嘗從湖州沈素生隔簾學
琴未及一年已盡其藝女弟婉琳字潤儀時年才十
齡亦已切宮商諧競病矣虎癡有妹適唐受堂太守
業謙早卒育其遺女于外家曰婉珠字慧儀劉孺人

字之如葆儀閨中倡和相伯仲孺人嘗延予內室使
諸女孫出拜各以琴詩爲贄適予友張蓉裳學博家
渠女同在亦淑而文又嘗學琴於葆儀撫弦奉袖洽
洽泠泠信幽閨之雅韻已石櫓先生雖早赴玉樓之
召不克竟其所學似若可憾然其潛德之光闡於風
雅伯墳仲篋蔚然漢詔蘇蘭左芬秀挹香美非特南
楚莫京亦海內所僅聞也視夫庸庸而長年泯泯而
歿世者就爲得失孰爲優劣先生亦可啞然於九泉
矣虎癡抱遺集乞序予既爲是正時方操作詩話而
予所見閨秀一門黃氏爲最因采葆儀諸女所作附

大瀉山房外集

卷九

七

而存之而聯綴其世以見雅村之蒼萃焉虎癡又出
其祖母秦恭人詩刻見諸恭人名邦淑乾隆二十九
年卒于河間丞署時石櫓纔九歲靜齋太守彙刻是
編一時題集者皆當時各公巨卿黃氏閨閣多工吟
咏蓋亦淵源有自也石櫓諸孫皆虎癡所出並英英
足當傳視之寄以後來方長不欲限其所到故所作
弗摭錄作序後五日再志

先府君行述

嗚呼自王公鉅卿下至閭里負販之人莫不有父以長
以教以至於成人爲之子者亦得朝夕就養以自盡其
情獨不孝本騏本騏何辜於天而罹荼毒若此其極也
先府君棄不孝等時騏纔九歲騏纔五歲耳童昏無知
於府君行事不及見容貌辭氣一無所記憶尙能述府
君耶府君享年僅二十有九以諸生終學業科名未及
展布人無知者今距府君棄不孝等時又且二十九年
矣幽銘陽碣一無所備再不泣請於當代名公如南豐
曾氏所謂畜道德而能文章者賜之一言將恐府君之

大瀉山房外集

卷九

六

各日就泯滅不孝等之罪愈不可道而抱群民之痛終
無窮期也夫畜道德而能文章者以史法爲銘必紀其
實類不可干以私無論其人之富貴貧賤壽夭必有特
絕之行始受其子孫之請非然者雖請必不受雖受而
銘之必不能信於今而傳於後府君行事不孝等雖不
聞於府君者訓不孝等一一可印証也府君姓黃氏諱
湘南字一吾長沙甯鄉人祖藏皋公乾隆丁丑進士江
蘇虹縣知縣諱道恩父靜齋公癸酉拔貢直隸天津府
知府諱立隆母秦恭人同邑廣東龍門縣知縣諱安鎬

公之女繼母章佳恭人滿洲正白旗四川夔州府知府諱書敏公之女靜齋公子七人府君與殤伯父學生而時稍後於七人中次第二幼隨靜齋公任年二十養於通道時抑齋劉公諱元煒以廣文官其地母氏其次女也明年歸里丁靜齋公憂又明年母氏攜不孝騏驎里時不孝騏生一歲矣是冬葬靜齋公逾月章佳恭人挈諸叔父入都門命府君守墓當是時府君子身爾長涉靜齋公官十餘年無寸田尺宅遺子孫府君亦隨宦十餘年囊書外無長物三年之服未闋而已無以爲家矣攜母氏暨不孝騏寄居湘潭之碑市碑市故抑齋公里

大滄山房外集

卷九

七

也與公兄太史賓門公同宅賓門公於親串子翁少許可獨才府君府君博聞強識於書無所不通爲詩文構思最捷唐陶山先生哭府君詩云一夕和成詩百篇蓋紀實也前後藁多散軼所存惟燕臺歸草及碑市作中間一游粵一游鄂三游蓉江各有游草蓉江卽通道也詩以千計者三詞以百計者亦三他雜文如詞之數而軼其半都爲一集所謂大滄山房藁也府君居碑市凡八年生不孝騏及女弟一適善化今禮部主事唐業謙章佳恭人自都門至浙江府君馳三千里往候起居適任司馬昌基官玉環廳招府君往九月二十七日以疾終應署時乾隆五十年乙巳也越三歲始以喪歸卜葬於本邑四都北山彎之原府君九歲失恃章佳恭人年十七爲府君繼母性嚴峻責以掌跪受之母氏侍恭人時猶及見也恭人之入都門也以北人不慣南居母家親替旂籍欲往依焉府君泣留不可泣求隨侍又不許既已無如何送恭人行後詣業師文栗齋先生抱膝而哭曰湘南不孝有母不能養何以爲子先生太息久之後十年先生來唁府君之喪追述如此在通道及碑市每逢歲時慶節與章佳恭人誕日已身初度日家人歡笑宴飲之會府君每於無大處面壁獨坐涕泣移時凡

大滄山房外集

卷九

三

櫓以懇悃誠篤之思結爲抑塞悲哀之響距三千里而遙隔七八年之久每飯不忘親之心橫見側出人子之於生身毋庸或有不盡然者即使不能詩能詩而不盡工亦當信於今而傳於後况工詩如石櫓者乎石櫓府君自號也府君行事母氏所不及見者不能悉述不孝等據實以求當亦畜道德而能文章者所樂許也嘉慶十九年甲戌四月日世愚姪唐鑑填諱不孝孤本騏本驥泣血謹述

皇清例贈文林郎寧鄉縣學增廣生黃君墓表

賜進士出身通奉大夫護理陝西巡撫部院布政使司

布政使壬午科鄉試監臨官前江南癸酉科內監

試甲寅科同考官善化唐仲冕陶山氏篋并書

道光壬午夏五月寧鄉黃子本騏禮闈報罷游關中以

尊甫石櫓君行述求表其墓謂余輓詩曾有他日題君

墓門碣之句今距先君卒三十八年葬亦三十五年敢

以請余慨然曰微子言幾負吾執友矣爰次序其狀而

述吾兩人少長相於之篤以志勿忘君諱湖南字一吾

號石櫓以本貫入津門學補弟子員祖道恩乾隆丁丑

進士虹縣知縣父立隆乾隆癸酉拔貢生歷官天津知

府母秦氏恭人君與兄學生而兄殤貌哲蹇於行性特

穎異讀書十數行下爲文斐亶數千百言不倦嘗一夕

和余紀行長律百篇辭筆淵雋宗工推服然鄉舉輒薦

不售年二十九客歿於澗玉環同知署識者傷之君天

性醇摯人也事虹縣公天津公皆有深愛幼失恃事繼

母章佳恭人時其喜怒哀曲盡于道有人所難能者恭人

滿洲正白旗人天津公卒且葬恭人孳諸子赴都門命

君守墓君泣求侍養弗許先是君贊通道學博劉公元

煒禱眷歸長汝家赤貧仍依劉里宅讀書恆以未得奉

母爲悲見於詩詞者屢矣聞恭人自都赴湖君乃馳三千里候起居尋以疾卒若幸得省其母雖死無憾君奇才篤行中道摧折無所表見獨見諸文章撰著敏富不自收錄今其嗣哀集之得詩三千首詞三百首他雜文稱是都爲一集曰大瀉山房藁讀其書猶可想見其人也余之始與君友也天津公方守大名余以事至以年家子爾共君暨君堂兄長原同研席且應京兆舉同舟車邸舍詩歌間作誼至洽也余愛君真雖分張音問酬唱不絕訖於君卒有曹華者君舊僕及薄宦江南爲余僕從每追話往時分韻題襟之好未嘗不對之索獻也

大瀉山房外集

卷九

七

今余年七十矣長原更名湖虔尙宰長垣惟君音徽渺不可追君卒於乾隆五十年乙巳歲越三年葬於四都北山灣之原蓋自湖歸櫬也君娶劉氏湘潭人有丈夫子二本驥嘉慶戊辰科舉人借補城步縣訓導本驥道光辛巳科舉人女一適善化禮部儀制司主事唐業謙孫二人劉孺人有鍾郝風以節孝

旌於門親課二子制行績學名於世二子能讀父書克成母志鬱積而發無疑也嗚呼由前觀之造物之所以隱君者何其酷由後觀之造物之所以報君者正未艾也余故表而出之以爲他日徵道光二年歲次壬午秋

九月壬申朔五日男本驥本驥孫男邁迪勒石

大瀉山房外集

卷九

七

皇清旌表節孝劉孺人墓誌銘并序

嘉慶甲子舉人湖南長沙府寧鄉縣新化鄧顯鶴撰

孺人湘潭劉氏通道縣教諭諱元焯之女寧鄉黃氏天津府知府諱立隆之子婦邑文學增廣生員諱湖南之妻也十九歲歸黃二十九歲而寡閱三十一年守土者以狀聞得

旌如例子本驥嘉慶十三年舉人城步縣訓導本驥同年副貢生道光元年舉人女適南陽府知府善化唐業謙孫邁迪孫女長適瀏陽拔貢生歐陽道濟次字湘潭

大清山房外集

卷九

墓

李氏以道光十年二月己卯卒於長沙寓宅壽七十有五其年閏四月丁酉葬善化縣東鄉郝坡之原而新化鄧顯鶴誌其墓劉氏故湘潭大族其盛時歷官中外多通顯教諭君與其兄元燮元熙皆以文章氣節顯孺人生長名門習聞禮訓好讀書知道理歸文學一年遭天津府君之喪又九年文學歿於浙孺人以不及侍天津府君而繼姑章佳恭人復就其所生子澁養語及輓泣至是文學客死黃氏無田宅可家無期功之親可依倚文學旅櫬在數千里外孺人毀瘠瀕死卒以其喪歸依劉氏二十年持紼績自給劉氏內外無尊卑疏近賢否

感敬憚課子嚴親投經小有過失必加呵撻稍長擇宿德名才爲師友二子遂赫然有文譽已既同舉於鄉奉孺人居長沙且稍稍致脩餼獲祿養矣無何本驥死歸唐氏女亦卒本驥旅食四方孺人常獨處凡遇子婦喪六積哀病足不良行居恆默默自傷本驥歸遂不復出竭力侍左右以求博孺人歡而孺人遽卒或疑孺人報不償德然觀古傳記所載賢婦人恩勤鬻鬻之痛流離顛沛之苦所遭有酷於孺人者今本驥雖凶文采隱然本驥內行純至篤學好修爲時各人所結識四方賢人君子登堂拜母執禮甚恭其卒也自方伯連帥而下皆

大清山房外集

卷九

墓

有賻遺士大夫識與不識皆曰賢母賢母稱於古所稱潔白之養仁人之粟者於孺人復何恨焉先是宋時長沙孫頌著賢母錄蘇文定公爲序書久佚本驥以發各成業由於母教補纂未竟而卒本驥續成之故海內讀其書者皆知賢孺人孺人性沈毅而慈惠勇於爲義嘗節損衣食以赴人急內外親以孤養貧寡來歸者爲長養婚嫁無倦色無德容故其家食恆數百指本驥亦忘其爲貧士也有秀水沈生者性狷介老而孤寄食逆旅中嘗私於本驥病革泣語之曰余必死汝家本驥歸以白孺人孺人曰義也且汝父以客死其忍負良友死生

之託急昇致之蓋闕三日而沈死本驥主其喪葬諸兄
墓之側聞者義之孺人能成子之賢事多類此其御下
嚴而有恩習於劉氏黃氏者以爲終身未聞呵叱聲及
喪嫗黨皆哭盡哀是可銘也已顯鶴往交本驥於都門
自來長汝主其家與本驥誼尤篤孺人以子畜之故顯
鶴亦得以母事孺人本驥所後子迪於其葬來請銘顯
鶴昔嘗銘孺人之子婦孺人謂其言慎其敢辭謹序而
銘之銘曰

自余爲鮮民兮每羨他人之有母嘗三主於吾友兮愴
孺人之我拊生既貽其徽音兮歿思鑄以貞珉惟聖善

大鴻山房外集

卷九

素


之嗇祐兮將何以風動夫斯人矧余生之汶汶兮况能
以其言傳吾友之親亮孺人之有賢子兮當不委滅於
荆榛仰綽楔之崇隆兮憑窆窆之安固卜碩大而蕃衍
兮慎納辭於邱墓

笏

巖

詩

鈔



序

言文章者其惑有二推積學者必曰老師宿儒夫誠老宿也自宜執牛耳主壇坫若徒擁皋比高自矜許遇少年者與之辨議則曰彼惡知之是少不更事耳人亦遂多耳食不深考其胸中之所有而遽信之其果為積學者與有幾又或卑貧淹蹇轉以科目為可鄙以為是皆僥倖得志每春秋兩試闈牘出下第者爭塗乙之訕笑之若無足當意迨日久志平取前所訕笑而塗乙者僂首捧持以希其尺度凡此者皆惑之甚屠君賢書弱冠登進士以詩文名蓋少年而科名者也今年秋締交於陳氏亦園君旋訪余於郡且以所著詩示余曠朗出塵時得神解由其天質高明非徒挾兔園冊子者比然後知向之貌為老宿言之不作者特揜其空疎卑貧淹蹇妄下雌黃者特行其私忌耳聞賢書之名其亦可以少愧矣夫雖然使君以此自足而於世之老師宿儒卑貧淹蹇者遂菲薄之氣日益驕業不復進如先儒所稱三不幸者而有其二則又將以眾之所疑者疑君矣止三者之惑乎武進趙懷玉序

笏巖詩鈔

栗香室叢書

江陰屠紳賢書

謝陳荏叻

多情紀與謚示我琅玕音交獲二難友酬將一片心秋高惜鶚薦歲暮作龍吟展卷忽長歎門前白雪深

河邊曉行

客路渾無定河流不肯平堤風乘浪峭海月照沙明地險何年繫羈愁一夕生故園千里道空聽鐸鈴聲

酌酒與儲玉琴

笏巖詩鈔

一

當筵那復問悲歡念爾茫茫感百端風雨十年家鐵甕雲山一夕話銅官誰憐冷鍛嵇康竈我愧虛彈貢禹冠今夜蓉城好明月醉中猶得坐團圓

靈巖

鎮日篋輿逐隊忙懸崖古洞見夷光春風好夢留香逕夜月疏鐘過展廊青巒天平烟漠漠白浮笠澤水茫茫湖山如畫人如織閱盡滄桑是法王

阿井泉

洪濛鑿無朕禽殼漏天一物母之胚胎瑤源閱璇室帝

矜塵土焦無以植甲乙元氣不流潤維民昧陰陽凝承
俾元冥澤逮沈所出魁魍隨支那枕流被訶叱始疑禹
導荷靈脉隱澹汨上壽華中古滋生罔多術後人尙頤
養丹液苦堙室遂啟阿大夫疏渠豁蒙密泉超釀及醴
井合鹽與橘清濟濁河外澄泓夜瑟瑟銀鑄火爍金黑
衛革如漆稠桑類靈蟻入藥過德尤長官柄率育河酌
道慈恤徂是棄廉泉烹齊竟口實更聞清冷初渴飲成
腹疾受福非偶然精多詎蠲吉聖人惻我心燮理有始
卒煎熾於洪鑪羣生意翔逸

笏巖詩鈔

二

申浦寒夜懷陳瑚海

峭口寒急月漏輝牀陰老盤蒙啼飢庭燭漸跋語漸稀
風起忽似屏玻璃主人義卻半臂私不覺耳後皺雞皮
呼童入厨作新炊香秬軟滑晚碧盞鹽豉凍立觀朶頤
摩腹已果神怡怡無益未肯終夜思但不僵臥間三尸
我生仙骨非所知若還有興鼓舞之狂學老婦舞柘枝
危想瞎馬臨深池東方明矣婉臺揮聯句竊比城南詩
出門看山雪落眉茫然百感生心脾美人期我蘆之碕
今我不往行若遺窗前花發未有時坐惜烟塢生朝曦

清江浦晤陳瑚海用坡韻

巴船上腫猿夜呼袁浦月出東南隅如舟學舍向安在
半刺豁眸一語無荆梁五月抵淮海底事書札違潛夫
幾載憶君路成夢不虞此地相攀扶君身苦貧我非病
頤頤但各添黃鬢摩訶請蕭一臥喚不起問知我者今
則迂槐陰守寂若棋死自植不倩青陽蘇蠟珠照水魚
戲荇向來顧盼憐其姝蘭心與子對牀好銅臭無乃非
真吾鯤鵬變化自渤澥蜚視鯨甲昆明湖時訂瑚海趁
滇運北行

南旺分水

鶚亭詩鈔

三

水合爭上游鼉鼉爲梁夾輕舟水分惡下流龍蛇出壑
橫長矛僊人掌劈琉璃毯扇鼉畫地清鴻溝我聞禹功
疏鑿久湮沒濟河之域無復古兗州汶河中抱蜀山猶
明湖混濛閭沙鷗齊人更苦北流悍漳河衛河千里曲
折紛相糺監河挺英謀功與砥柱侔障川迴瀾藉高阜
一丸泥制雙螭蚌始焉溟濊潛結不肯瀉繼乃束縛怒
汝敵衛如敵讎一朝壬癸執弧矢裹戰不下坤母愁誰
其敵盟者河伯隨陽侯雲旗雷鼓息壇坫牝馬行地出
土牛精靈如螳磨旋轉兩兩虎視耽其眸邇來南支北

派大啟宇亦若羣后拱手冠帶朝春秋客從江漢來帆
飽南風柔自入魯齊境堤闌遇石尤舟人指示南旺水
水勢忽倒十里誰能留往來對面招手不得語人家咫
尺轉眼迷簾鉤我生無能等蚍蜉意與萬舸日夜相沈
浮從今更乞北道主母以急湍噴薄令我倉卒驚潛虬

臨清觀萬人塚

釜底遊魂竄不死郊原夜半號鬼子傳聞蘭若容萬人
鼠穴憑陵鬧如市已推佛骨倒獅座復壞僧廚堆馬矢
妖童裏頭女窄袖刃在其頸寐而喜前載鬼車後虎倂

笏巖詩鈔

四

犬羊自礪熊齒吁嗟濟深多秫田齊繭縲絲比羅綺
蠱螫無端作皿蟲耕奴之禍連織婢朝廷恩逮乃祖父
萑苻勢合羣臂指胡不殺賊縛渠魁或則問道還鄉里
王師合圍命日蹙凡肉如林草閒跪請看守陣豈呼庚
終觀焚林不喪匕荒徼猶平蝸角蠻中區敢鬪槐安蟻
長官執訊頭削瓜半付飢鳥半沙水么麼誅鋤非大戮
且收害氣埋高壘坤輿從此祝清甯橫逆應提鼎鑄耳
我過清淵風日佳會通河北絃歌起更無射隼上高墉
但有哀鴻煩刺史 皇仁掩骼重涕零鉦鼓聲銷五雲

裏

微山曉望

帆影下迴汀湖光帶曉星草荒微子墓樹遠沛公亭
掌牽船殼魚鬚著網腥沮洳雖不惡吾道未飄萍

寄蕭梅村二首

問訊淮南蕭使君幾時尊酒賦停雲秋風鐵篴青絲幃
曉月銀鈞白練裙授食獨容湖海士護儲兼育鶴鵝軍
登壇五十心逾壯不愛尋常祝嘏文

念舊甯無一紙書書成五夜更愁予吳鄉暑雨連溪稻

笏巖詩鈔

五

江縣腥風滿市魚棠蔭祇今誰剪伐柳條猶昔尙扶疎
散人自習稽生懶千里相思淚有餘

憶金陵舊遊三首

淮清小市夜如雪景色秋來又幾分何似揚州好明月
吹簫聲近杜司勳

蝶子輕盈水上歌秦淮秋思上樓多舊遊南指烏衣巷
桃葉無情奈若何

岡頭綺石似瓊瑰會聽當年說法來千佛同登報恩塔
更無花散雨花臺